

Ex libris



9

14-d

33

9

18

B

53

Ex Bibliotheca
majori Coll. Rom.
Societ. Jesu

14. d. 33

61

DC

16

~~9-14-d-33~~





DE CHRISTIANIS APVD IAPONIOS
TRIVMPHIS

SIVE DE GRAVISSIMA IBIDEM CONTRA CHRISTI
FIDEM PERSECVTIONE EXORTA
ANNO M DC XII
VSQ. AD ANNVM M DC XX.
LIBRI QVINO



In annos totidem summa cum fide ex annuis Societatis
IESV litteris continua historiae serie distributi.
AD SERENISSIMOS PRINCIPES
GVLIELMVM PARENTEM,
FERDINANDVM ET MAXIMILIANVM,
S. R. I. SEPTENVROS ELECTORES ALBERTVM.

FFF.

COM. PAL. RHENI VTRVSQ.
BAVAR. DVCES.

Auctore P. Nicolao Trigautio
ciusdem Societatis sacerdote
Belga Duacensi.
cum
Raderi

AVCTARIO ET ICONIBVS
SADELERIANIS
MONACHII
CIO IDC XXIII.



Cum Privilegio Summi Pontificis, et Sac. Cæsarea Maiest. ad decennium.

. Coll. Rom. Soc. Jes. Cae. Inven. B. S.



SERENISSIMIS

UTRIVSQUE BAVARIÆ

DVCIBVS

GVILIELMO

Parenti

FERDINANDO ET MAXIMILIANO

ELECTORIBVS, ALBERTO

FFE.

NICOLAUS TRIGAVTIVS

Societatis I E S V prosperitatem.



SERENISSIMI PRINCIPES,
ancipitis animi mei controuersiam
dirempturus, consilio vsus sum salu-
tari necne iudices vos arbitrosque
compello, singulorum singularia
in me Sinensemque Missionem, cuius mihi procu-
ratio demandata fuerat, merita suo iure grati ali-
quod animi monumentum à me intra dies paucos
Europam æternùm relicturo exigebant. non fui
soluendo, nec tamen bonis cedere placuit ingrata
† 2 fuga



DEDICATIO.

fuga mecum obliuionem exportando, consilium
 sumpsi à necessitate, nolens eos abinuicem separa-
 re, quos beneficiorum similitudo coniunxerat, nec
 sum veritus vt nominum multitudine ab omnibus
 obruerer, dudum magnitudine à singulis oppressus;
 neque enim me spes satisfaciendi ad soluendum in-
 uitat, quod esset planè temerarium, neque ab ijs ex-
 pectatur, quorum animi beneficiorumque magni-
 tudo ab vno Deo rerum omnium largitore merce-
 dem præstolatur. Quod igitur nunc ago, breui-
 ter expediam, testatum enim volo Christiano orbi
 vniuerso non tantum intra ætatis huius limites an-
 gustos nimis tantæ largitati, sed toti quoad fieri po-
 terit, posteritatis memoriæ, quam pronis animis ad
 Sinensem expeditionem Christianè promouen-
 dam Serenissima Bauarorum Ducum familia ma-
 gnitudinem suam inclinarit. non autem mihi vi-
 deor superbè nimis de hoc opere meo sperare si po-
 steritatis æternitatisque memoriam illi promiserò,
 quæ enim sunt naturæ suæ firmitate sempiterna,
 non indigent ad æternitatem artis nostræ condi-
 mentis; neque enim fale silicem illines vt ætatem
 ferat. Huius operis materia detractò eo, quem
 ars eloquens circumuestire posset ornatu, innata
 sua

sua placebit nuditate, nihil igitur mihi arrego, sed gratulor, quod materiæ felicitas infelicitatem ingenij suppleat, ebúrque mihi sine colore nitidum, sine condimento æternum subministret, idque faciat, ut sine pudore possit nullo dūce ad Magnatum colloquia Musæaque aspirare, nec ineptum videri debet expeditionis apud Sinas Christianæ Mœcenates Iaponensibus triumphis recreare, Iapones coloni sunt Sinarum, ac tametsi superiores armis videri velint, literarum tamen, religionisque principia non diffitentur se à Sinensi Continente in Insulas suas deriuasse, & si fortasse nondum satis aptum grati animi monumentum appareat, pignus sit non munus, cuius fide Sinensis quæ deinde venerint, expectentur. A malo quippe debitore desperati stramen ac fœnum, ut in proverbio est, accipiunt creditores, quod de foetu intelligo, quæ lambentis parentis sui linguam tangit, non quæ scipso habet eam quam modò dixi dignitatem.

Sit hoc igitur Serenissime GUILHELME extremum abeuntis Trigautij (hoc enim tua patitur humanitas) vale, qui prout secum tuam cum muneribus pietatem exportat, ita tibi se totum deuot, dedicatque & præsentem commentarium de-

DEDICATIO.

uotionis suæ testem, pignusque cum aliud non habeat, pro se relinquit, nec sperat ultra Serenitatem tuam nisi ubi est æterna Serenitas, intueri. Tuverò Serenissime MAXIMILIANE Parentis tui Atlantis Hercules in his lege, quàm non malè munificentia tuæ opes operamque collocaris, cuius ego munificentia seriem texerem, nisi me prolixitas terret, tuæque modestia prohiberet. Sed hoc tamen tacere non possum, quod extrema mea in Germaniam excursionem ad superiora beneficia adiunxisti, cum enim officiosè præteritis gratias agerem, etiam futura detulisti, quasi nondum bene factis animi tui magnitudinem expleuisses, cui Deus Opt. Max. postquam speratum dederit incrementum, tum denique tua nobiscum Serenitas exultabit, tandemque aliquando constabit apud Sinas beneficii conscios Bauaricam familiam qua pietate Catholicam fidem in Germania conseruauit, eadem Christianam apud extremos Orientis populos propagasse. Fratri quoque similis fuisti, Serenissime FERDINANDE, neque te à communi familia tuæ piæque fidei propagandæ conspiratione subduxisti, sed insigni quoque liberalitate aptissima ad eandem rem promouendam munera è Musæo tuo exemisti,

DEDICATIO.

ſſi, maxima cum pietate proteſtatus nihil eſſe tibi
ita charum quod non libens ad rem tantam pro-
mouendam prodigeres, tibiſque ſubtraheres. Sed
neque tu, Sereniſſime ALBERTE, deeſſe voluiſti,
quin communem voluntatem peculiari tua bene-
uolentia munificentiaſque complectereris, quibus
omnibus, cum nihil aliud ſit, quod rependere poſ-
ſit noſtra tenuitas, niſi duo quæ à nobis exegisti,
conabimur omnes id præſtare, quod à nobis expe-
ctatur. Alterum vt frequentibus, quantum lo-
corum interualla permiferint, rerum noſtrarum
euenta, literis commendemus; alterum vt conti-
nuis apud Deum precibus, quod noſtri eſt pecu-
liariter iuſtituti, Deum Opt. Max. exoremus, vt
Sereniſſimam familiam veſtram ſua manu tueatur,
quod vt faciat precor ac precabor, omniũque no-
mine labores noſtros, quos Chriſtianæ fidei cauſa
ingredimur, ad precum noſtrarum tenuitatem iu-
uandam in auxilium euoco, vobisſque, Sereniſſimi
Principes conſecro dedicóque, Vlyſſiponenſi ex-
portu cum Socijs ad Sinas ſoluturus. Anno ſalu-
tis M DC XVIII. Menſe April.

Candi-

Candido Lectori S.



um ante biennium è Sinensi regno in Europam rediit
velut salutationis officium Christiana apud Sinas ex-
peditionis commentario peregissem, nunc alium tibi
commentarium de Christianis apud Iaponios trium-
phis valedicturus exhibeo: ac si priorem illum novitas ex tua be-
nevolentia commendavit, nihil dubito, alterum hunc planè in
omnibus admirabiliorem, renouata nostro seculo aurea nascentis
aetas non sine applausu euulgabit, prior enim ille expe-
dit ac spes potius futuras, quàm frugem præteritam dedit.
hic tametsi videatur præteritos labores euertere, messis est tamen
ex multorum annorum labore collecta, Sanguis enim Martyrum
(ut est apud Tertullianum) est semen Christianorum, ad Chri-
stiana dein fidei apicem martyrio peruenisse, maturam procul
dubio segetem esse demonstrat.

Nuper edideram breuem de rebus Iaponensibus commen-
tarium, principio factò ab Anno M DC I X. toto triennio gesta
decurrens nunc insequens quingennium exhibeo; atq; ita habes
à me si utrumq; legeris octennij totius res gestas nulla interrup-
tione sibi mutuo succedentes, quibus addam Deo fauente sequen-
tia ea celeritate quam temporum intervalla permittent.

Nobilissimam planè materiam affecutus voluissem ad eam
roborestandam plus otij, plus laboris dare, sed continua per Eu-
ropam excursionses, & quotidiana negotia hunc & priorem par-
tum inconditiùs effuderunt, possumq; tibi sanctè affirmare me
maluisse minùs politè scribere, quàm te res tantas ignorare, que
si redolent lucernam, non ideo elaborata prodibunt, sed quia de-
tractis consuetò sopori plerumq; suis horis dormitans sæpe me-
cum hanc scripturam lucerna concinnauit, sed non ideo fides illi
deceit, quia ex nostris annalibus decerpta omnia, duorum quoq;
Iaponie

Ad Lectorem.

Iaponia procuratorum, qui magnam partem omnium spectato-
res fuerunt, censuram prius subierunt, quam in tuas manus
venirent. Cum enim Iaponiam nunquam attigerim, non nisi
cura hac fidem exoluens, fidem à te ausus sum postulare, lege
queris quod nondum sit abbreviata manus Domini: & plerumq;
paria leges ijs, qua nobis antiquitas reliquit admiranda. Inte-
rim nos deus maria sulcamus, ad stationem nostram redituri
cum auxiliari Sociorum manu, qui ad Sineses Iaponensesq; ex-
peditiones ac triumphos socijs annuentibus accurrunt, vel noua
plantaturi, vel vetera exculturi, pro quorum labore minuendo
fructusq; augendo Deum Opt. Max. comprecare. Vale ex portu
Vlyssiponensi intra dies paucos Sinas meos repetiturus. Mense
April. Die 5. Anno Salutis C D C I C C X V I I .



AVCTORITAS

R. P. PROVINCIALIS.

LIBROS quinque de Christianis apud Iapō-
nios triumphis P. NICOLAI TRIGAV-
TI Societ. nostræ, cum Auctario, à destinatis So-
ciet. nostræ Patribus lectos & approbatos, ego
CHRISTOPHORVS GRENZING Societ. IESV
per Superiorem Germaniam Præpositus Prouin-
cialis ex auctoritate R. P. N. G. MVTII VITEL-
LESCI in lucem edi permitto, cui rei fidem manu
mea & signo Societatis appresso publicè facio.
Monachij XXI. Octobris MD. C. XXII.

CHRISTOPHORVS GRENZING.

INDEX Capitum Totius Operis.

Liber Primus.

- Quæ Japonensis Imperij facies sub hæc tempora fuerit. pag. 1
Cap. 1.
Quis Ecclesiæ Japonensis status sub huius procellæ initia. Cap. 2. p. 3
Duplici Crucis præfatio imminencia mala portenduntur. p. 7
Cap. 3.
Remotiores totius mali causæ proponuntur. Cap. 4. p. 13
Cap. 5.
Graviores propiorque huius tempestatis causæ commemorantur. p. 16
Cap. 6.
Exortæ contra Japonensem ecclesiam tempestatis exordia. p. 21
Cap. 7.
Primi è quatuordecim exulibus virtutes & constantia. Cap. 7. p. 24
Duorum fratrum ex eodem numero ardor admirabilis. Cap. 8. p. 28
In honorarias aulae matronas inquititur. Cap. 9. p. 31
Arimensis exregulus in exilio capitis damnatur. Cap. 10. p. 36
Arimensis dynasta neophytos persequi aggreditur. Cap. 11. p. 42
Præclara coram triumviris nonnullorum confessio. Cap. 12. p. 45
Neophytorum aliquot proscriptiones & constantia. Cap. 13. p. 48
Arimensi ditione nostri expelluntur. Cap. 14. p. 52
Post multa certamina Leo pro Christi fide fortis occumbit. p. 57
Cap. 15.
Post sociorum discessum quid Arimæ contigerit. Cap. 16. p. 61
Quo euentu per agrum Arimensem eadem procella saevierit. p. 65
Cap. 17.
Arimensium neophytorum in fide constantia. Cap. 18. p. 70
Michael ac Matthias in fidei causa fortes occumbunt. Cap. 19. p. 76
Neophytorum in regno Figen pietas & constantia. Cap. 20. p. 80
Quid

Quid in cæteris ejusdem regni locis in fidei causa contigerit.

Cap. 21.

p. 84

Pacatior aliquanto rei Christianæ status in regno Chicuse.

Cap. 22.

p. 90

Regna Chicungo, Bujen, Bungo, quid hoc rerum statu pepererint. Cap. 23.

p. 94

Neophytorum in regno Fingo pro Christi fide certamina.

Cap. 24.

p. 98

Quid in partibus Cami hoc anno contigerit. Cap. 25.

p. 108

Bonaeventuræ neophyto funes cadunt in præclaris. Cap. 26.

p. 112

Ozacz Leo neophytus ab hero in fidei causa mactatur.

Cap. 27.

p. 116

LIBER SECVNDVS.

Recrudescentis apud Arimenses mali causa. Cap. 1.

p. 119

Christiana apud Arimenses prælia serio recrudescent, Thomas &

Matthias occumbunt. Cap. 2.

p. 122

Marcha martyrum parens cum duobus neophytis in eadem Christi causa obtruncatur. Cap. 3.

p. 127

Arimensis Dynasta Franciscum & Matthæum fratres suos ex improviso mactari iubet. Cap. 4.

p. 131

Arimensis dynasta adhibito celebri sacrificulo frustra domesticos suos peruertere conatur. Cap. 5.

p. 136

Imperij hæres in sua regia Yendo cur fauierit in Christianos.

Cap. 6.

p. 140

Atrociter ibidem de Christianis inquiritur. Cap. 7.

p. 143

E vincis neophyti octo simul obtruncantur. Cap. 8.

p. 147

Poltridie alij quatuordecim in eadem fidei causa plectuntur.

Cap. 9.

p. 150

Christiana virago desertorem maritum Christo restituit.

Cap. 10.

p. 152

Quatuor neophyti è priuata in publicam custodiam plectendi retruduntur. Cap. 11.

p. 156

Vltimi martyres quinque principis furorem plexis capitibus excipiunt. Cap. 12.

p. 158

Ignis

C A P I T V M.

- Ignis supplicium ad terrendos Arimæ neophytos hortatore Sa-
phioye designatur. Cap. 13. p. 162
Lapsi quatuor serio resipiscunt. Cap. 14. p. 165
Octo Christi victimæ in fidei causa vinæ concremantur.
Cap. 15. p. 170
In Arimensi agro Thomas in odium fidei ferro mactatur.
Cap. 16. p. 176
Quis reliqua Iaponia rei Christianæ status hoc anno fuerit.
Cap. 17. p. 178

LIBER TERTIVS.

- Quibus ex causis Imperator auctum furorem in Christianos reno-
uarit. Cap. 1. p. 183
Miacum tristis nuncius & vnâ primus procellæ turbo defertur.
Cap. 2. p. 187
Mico nostri nec non è reliquis Cami partibus remittuntur.
Cap. 3. p. 191
Post nostrorum discessum quid Miaci contigerit. Cap. 4. p. 195
Ozæ non absimili à Christianis ardore certatur. Cap. 5. p. 200
Faximi & Sacaium suos quoque pugiles exhibet. Cap. 6. p. 204
Quid circa neophytos, qui sibi constiterant sanxerit Imperator.
Cap. 7. p. 208
Vt ceteri neophyti sese pro rescripto Imperatoris habuerint.
Cap. 8. p. 212
Canazaua exulum turma Nangalaquim amandatur. Cap. 9. p. 217
Quis Ecclesiæ status fuesit hoc tempore Firoxime. Cap. 10. p. 222
Bungenfia prælia. Cap. 11. p. 226
Apud Bungenfes Michael & Linus viui, Maxensiz truncum cada-
uer exuriunt. Cap. 12. p. 232
Buiensis Ecclesiæ facies. Cap. 13. p. 236
Facatæ in regno Chicujen Ioachimur & Thomas post graua sup-
plicia obtruncantur. Cap. 14. p. 241
Aquizuqueodem in regno Matthias in ead. causa capite plecti-
tur. Cap. 15. p. 246
Nobi

I N D E X

Nobilissimo martyrio Adam Aracaua in Insula Xiqui coronatur.	
Cap. 16.	p. 253
Quis Ariensium rerum status hoc anno fuerit.	Cap. 17. p. 259
De nostrorum domicilijs Nangasaquienſi Collegio attributis.	
Cap. 18.	p. 264
Nangasaquij ante exilium gesta.	Cap. 19. p. 268
Rei Christianæ administri Nangasaquio ſoluentes tota Iaponia exulare coguntur.	Cap. 20. p. 273.
Proſcripti è Iaponia ſoluentes partim Philippinas Inſulas, partim Amacumpetunt.	Cap. 21. p. 278
Iuſtus Vconodus intra dies quadraginta moritur.	Cap. 22. p. 282
Apud Moſcouitas Nicolaus Iapon martyrij palmam inuenit.	
Cap. 23.	p. 288

LIBER QVARTVS.

Atrociſſimæ contra neophytorum Arimenſes perſecutionis initia.	
Cap. 1.	p. 293
Primus huius procellæ furor in portum Cuchinotzu deſertur.	
Cap. 2.	p. 298
Arimæ in Chriſtianos atrociter ſæuiri cœptum.	Cap. 3. p. 303
Septendecim Arimæ neophyti martyrij palmam fortiffimè conſequuntur.	Cap. 4. p. 309
Alij tres ibidem ſuperioribus adiunguntur.	Cap. 5. p. 312
Intermiſſam Cuchinotzu perſecutionem Saſioye redintegrat.	
Cap. 6.	p. 318
De ſingulorum martyrum dictis ac factis.	Cap. 7. p. 327
In eadem materia pergitur.	Cap. 8. p. 335
Cæterorum facta dictaque concluduntur.	Cap. 9. p. 341
Alij quatuor ad martyrij lauream Nangasaquio accurrentes.	
Cap. 10.	p. 346
Alij quatuor ſupplicij ſuperſtites longam mortem viuunt.	
Cap. 11.	p. 352
Quid Satzumana cohors ad ortum in Arimenſi agro turbarit.	
Cap. 12.	p. 357
	Tertia

CAPITVM.

Tertis cohors dum quatuor cruciaret, duobus vitam eripuit.

Cap. 13.

P. 359

Tempestas in Christianos exorta, civili bello se remittit.

Cap. 14.

p. 365

Quid reliqua Iaponia gestum fuerit. Cap. 15.

p. 369

Belli Ozacensis euentus. Cap. 16.

p. 372

Ozac altera obsidio, & mors Cubosamæ. Cap. 17.

p. 375

Caput 18.

P. 378

LIBER QVINTVS.

Proëmium.

P. 381

De Politico Iaponensis Imperij statu. Cap. 1.

P. 382

Ecclesiæ Iaponensis facies vniuersim. Cap. 2.

p. 389

De Societatis in Iaponia rebus vniuersæ. Cap. 3.

p. 394

De Nangasquienſi Ecclesiâ. Cap. 4.

P. 397

In regno Figen Paulus Tarosque pro fide obruncatur.

Cap. 5.

P. 399

Omne dynasta religiosos Europæos quatuor e singulis ordinibus singulos obruncat. Cap. 6.

p. 403

Alij duo religiosi & cum ijs Leo alumnus noster in fidei causa perſecutuntur. Cap. 7.

P. 413

Alij religiosi duo plurēsque neophyti ibidem comprehenduntur, ex his duo occiduntur. Cap. 8.

p. 416

De Christianæ rei statu apud Arimenses. Cap. 9.

P. 419

In regno Fingo martyr vnus, cæteræque ibi gesta. Cap. 10.

P. 423

Quæ Christianæ rei facies in regnis Chicujen & Chicungo.

Cap. 11.

p. 428

Variorum certamina sed' maximè Ludouici supplicia grauissima commemorantur. Cap. 12.

P. 438

In regno Chicungo Martinus Suguimoto Christi fidem sua morte cohonestat. Cap. 13.

p. 441

De Bungenſibus ac Eugensibus neophytis vt vnus martyrio.

Cap. 14.

P. 448

Alia nonnulla in iisdem regnis. Cap. 15.

P. 451

De

INDEX CAPITVM.

De Christi Ecclesia in regnis Chungocu. Cap. 16.	p. 455
Feroxima Neophytus in crucem agitur. Cap. 17.	p. 460
Quid in Cami hoc rerum statu ageretur. Cap. 18.	p. 465
Illustrare Martyrium Ioannis Neophyti in vrbe Fuximi. Cap. 19.	p. 471
Surungæ neophyti septem, graui supplicia tolerant. Cap. 20.	p. 475
Ex his Neophyti duo in tormentorum cruciatibus moriuntur. Cap. 21.	p. 480
Leprosi sex in Xegiri vico Surungæ contermino pro Christi fide obtruncantur. Cap. 22.	p. 486
Petrus & Simon Neophyti post leproforum mortem subneruantur. Cap. 23.	p. 492
De Simonis Neophyti martyrio in altera Regia, deque reliquis regnis Quanto. Cap. 24.	p. 498

AVCTARIVM

Martyrium Iaponensium;

p. 196

DE

DE
CHRISTIANIS
APVD IAPONIOS
TRIUMPHIS

Anno Domini cio ioc xii.

LIBER PRIMVS.

QVÆ IAPONENSIS IMPE-
RII FACIES SVB HÆC
tempora fuerit.

C A P V T I



PPRESSAM dudum Iaponensis Im-
perij legitimam maiestatem cum tyranni armis
occuparint, Imperatorem cum appellabimus
qui Cæsarei iuris prouincias, quas Tenca vocant,
inuasit. Hoc enim nomine ab Sinis accepto,
quam inde in Insulas (quæ à Solis principio lepu-
en Sinis Iaponibus Gitpon vel Nitpon vocantur)

Sinay
Iapon
imperi
pellatio

coloniam deduxere, imparem licet pari titulo nimis vtrique spe-
cioso cohonestarunt. Quod enim Sinis Thienhia, hoc Iaponijs Ten-
ca, quicquid sub cœlo est, significat, ijsdem characteribus expres-
sum dum scribitur, non eodem sono dum profertur.

Annos iam quatuordecim excluso Finde Taicosamæ filio, è
quatuor tutoribus vnus imperium ita obtinebat, vtrarò Iaponen-
sium Annalium exemplo in pace continua regionum illarum con-
sueti volubilitas sub Imperatore, qui Cubus vel Xogun voluit ap-
pellari, quadratam dici possit reperisse firmitatem: felix planè fu-

*Qui est quo-
modo impe-*

A

turus, res,

turus, nisi qui potuerat eam quæ sub cælo est Iaponensium Insularum monarchiam paci subijcere, impia in cælum, ipsum impietatis arma monisset & magnas in barbaro Principe virtutes perfidiæ labe fædasset. Verum bella illa in cælum velut sagittæ submissa in eius deinde caput, perturbata Imperij pace, reciderunt, prout huius tragœdiæ principia cum extremis componentes aduertent.

Imperij sedes

Is igitur, quem neglectis ceteris eius nominibus Imperatorem appellabo iam ab annis aliquot Imperij sui sedem ab vrbe Miacensi in Surungæ regni metropolim Fuchu nomine, dierum serè sex itinere transtulerat; ibique custodem ærarij sui arcem extruxerat non minus mole suâ visendam quam subita substructione mirabilem, quam credibilem facit ingens mortalium manus à Regulis ac dynastis non ad arma solùm, sed ad Imperatorias etiam moles Cæsareo iure submittenda.

In alio regno Musaxi vrbe regia Yendo vocant primogenitus à parente imperij hæres appellatus, & cum nepte Imperatoris Nabunangæ, quæ sorore est Taicosamæ vxoris & Findeffori Principis amita nobilissimis & ad retinendum Imperium aptissimis nuptijs illigatus regiam urbem sibi statuit Imperatoris filius & hæres, tri-duo toto à parente seiunctus in qua dynastarum omnium obsidibus imperium sibi stabilire conatur, & aliquam administrationis publicæ partem capeffens dum prope decrepiti parentis senectutem supplet annos iam natus omnino quadraginta, paulatim sese in eius locum magna illius voluntate, cui carus est, inducit & morum similitudine sperat se nō parentis solum imperiū sed eandem quoque felicitatem assecuturum; nec minùs parem in Christianos atrocitatem Iaponensis in eo Ecclesiæ reformidat.

Verū Taicosamæ filius, hæreditatis paternæ iustus, vt sibi videtur cōpetitor, interim dū infidus tutor senescit, annis animisq; sub suæ parentis educatione adoleuit & arce sua tutus ac thesauro parentis terribilis multa molitur, nec impune credit extremum se tyranni diem præstolari. Quinisi hunc filio suo metum vivens eripuerit, satis credibile est, quod pupillo rapuit eius filio periturum; nemperique Iaponensium familiarum dynastæ vel Taicosamæ memoriam filio reseruantes vel tutoris perfidiam exosi, vel innata volun-

bilitate

*Taicosama
filius impe-
rij cōpetitor.*

CAP. XI.

biliter propensi creduntur facile ad Findeyori partes transire. tamen si, ut est astutus senex, uti noluit suæ tyrannidis initia pro pilli sanguine sedaturus Taicosamæ factionem acius incitare, ita non creditur confirmata nunc tot annorum legaturus, & ut est rerum sine turba stirpis hostem tanto periculo legaturus, & ut est rerum sine turba multo conficiendarum cupidus & peritus conatur in neophytos vires exhausto ærario eneruare, nam anno, qui has in neophytos arce Miacum ad se veniret, ubi maximo apparatu excipiendum in magnos sumptus iuuenili fastu delusum studio coniecit, perfecitque, ut immortalitatem nominis se & status sanum aggregandum in bi Miacensi suburbanum, in quo Daibus (grande simulacrum sonnat) colendum exponeret, quod sanum à parente Taicosama olim incredibili sumptu extructum ignes absumpserant, quos filius (si famæ creditur) duorum triumue ut vocant millionum profusione putatur instauraturus. Cuius colossi monstruæ ex ære inaurato magnitudo ita portentosa scribitur, ut ad illius pollicem constringendum palmus defuerit complectenti è nostris chidam, à quo hoc ipsum accepi. Ut iam facile sit, ex eo pollice monstrum quantum dimetiri.

Lusitanorum ex Amacænfi Sinarum portu (ut propiora tangamus) ad hæc usque tempora commercium Imperatori gratum fecerat, quæ stus ingens & Sinensium rerum importatio, quam per suos ideo sperare non poterat, quod Iaponios natura vel exercitatione pugnaces, pacis æternæ cupidi Sinæ horreant, animisque magis quam mari ab ijs disiungantur. Imperator igitur tamen si tantum ab hoc ipso commercio magnam partem pendere non necebat, plus tamen in eo cupiditas quam religio poterat, nec Numinum suorum venerationem lucro, cui ferè omnia famulantur, præferebat. Cum tamen ante annos aliquot orta Iaponios inter ac Lusitanos Amacænfi Emporij ciuis rixa non sine aliquot Iaponum exade sedari potuisset, ea non satis fideliter ad Imperatorem in Iaponiam delata ita eius animum alienauit, ut Lusitanorum onerariam, quæ Amacæ in Nangasackiensem Iaponiæ portum de mo-

Lusitanorum
commercium
Amacæ in Nangasackiensem

Hollandi Lusitanum commercium eripere conantur.

re appulerat, Arimensi Regulo diripiendam, quæ tamen inter prælium incendio absumpta est, commiserit; ipse verò à Batavis, qui tum primum eò fortè deuenerant, in alienam messem falcem, si possent, iniecturi, quæ à Lusitanis importabantur, postulauit; hi liberalius quàm possent Europæas merces ac Sinenses polliciti optato commercio potiri poterant, si quod liberaliter sponponderant, æquè fideliter exsoluissent. Verùm cum Iaponij à lacticiuijs abhorrentes eorum caseos neniàsque respuerent, ipsique ab Sinis nullo in portu admitterentur, nouo tamen negociandi genere, piraticam in Sinas exercebant, dum ipsi ad insulas Philippinas sua deportarent, ut ea deinde mercimonia Iaponijs, quæ non emerant vili precio vendiderent. Sed Philippinarum Insularum Gubernator erepta illis præda effecit, ut promissis exciderent & apud Iaponios, quæ apud ceteras gentes fide laborarent.

Lusitanum commercium restitutum.

Biennium totum Lusitanorum negotiatio stiterat, ne sponte redeuntes commercium suum iniquis legibus restaurarent, quod sperabant æquissimis breui repetendum. Cùm enim Imperatorem à Batavis delusum facti pœnituisset, missa ad Amacaenses à Societate nostra, legatione, quod omnes cupiebant facillè commercium impetrauit. Iraque nauigatio illa solitum cursum tenet, quem ne interromperet atrocissima in Neophytos indigenas procella, ab Europæis tamen illius vineæ cultoribus violentas continuè manus, & cum suorum sanguinem funderet, externorum, qui suis auctores fuerant, proscriptione contentus fuit.

Hæreticorum in Iaponiam nauigatio neophytis periculosa.

Nectamen reuocatis in antiqua commercia Lusitanis Batavi exclusi sunt, qui è Firandensi portu commercij sui statione bellum cum subinde apparatus ad suos in Malucas Insulas exportant potius quàm in Iaponiam promissas Imperatori merces important. Et quamuis errorum suorum venena neophytis adhuc propinare neglexerint, lucris suis acriter intenti, non omittunt tamen ubi possunt Euangelij cursum, qui Euangelici videri volunt, impedire, & impudentibus mendacijs illius propagatores in odium vocare, videri ut meritò possint malle Idololatriæ cultum, quàm Ecclesiæ Romanæ fidem propagari, nam ipsi de sua propaganda intergentiles parum laborant. Verendum tamen est, si diutius ea nauigatio

tio.

no tenuerit, fore ut neophytos suis fraudibus in errorem inducant, quod tamen antehac inter tot navigationes nusquam tentasse cognouimus. Nam tamen si omnia retro secula repetens hæresim nullam reperies quæ Christo gentem aliquam Apostolico instituto pepererit; in multis tamen iam Christiana luce perfusis suas ipsi tenebras obduxerunt.

QVIS ECCLESIAE IAPONENSIS STATUS

sub huius procella mitia.

CAPUT II.

HÆc erat ferè Iaponensis imperij facies, si politicam illius administrationem spectaueris, fidei propagationi, quæ pacem amat, non inepta, ideo vix vlllo tempore post sexaginta retro annos, ex quo coli cœpit hoc nouale fertilius & cultura fuerat accommodatius. Nam si eius amplitudinem spectes, vix erat vllus illarum Insularum angulus, quò non ipsa fides penetrasset, vbique neophyti numerabantur, nec satis certò numerus iniri poterat, posteaquam ita sese dispersisset. Regna integræ iam eo propendebant, ut vnum Christum breui veneraturâ viderentur si diuturnior quies aspirasset, aut cultorum penuria pararam segetem nusquam sefellisset. Vnus Arimensis dynastæ ager multos iam annos habitatorem nullum nouerat idola venerantem. Omnis inde superstitio, omnis profana religio exulabat, solius religionis Christianæ vexilla Cruces assurgebant, nulli simulacro fanum, vni Deo templa consecrabantur. Oppidum Nangasackiense Arimæ simillimum videri poterat, vrbis Europæ Christianis insignita ornamentis. Vbique templa erigebantur, pietatis instituta, sacriætus, Xenodochia, nosocomia, pauperum agrorumque remedijs parabantur. Si sacri ieiuniorum dies recurrebant, multa ieiunatio, flagellatio, comploratio; si festiui dies incidebant, frequentia in templis quotannis seipsa frequentior, maior sacrorum rituum maiestas, apparatus, ornamenta. Orationi studebatur, etiam illi, quæ in horas quadraginta continuo cursu perdurat. Denique Iaponensis Ecclesia eam faciem indubat, ut non nasci primùm, sed iam in ætatis flore iuuenescere videretur.

*Arimæ
regni
omnes
siani.*

*Magni
Ecclesia Iapo-
nensis pro-
gressus.*

*Laponenses
ipsi Ecclesia
alios admi-
nistri fie-
bant.*

retur. Erat non infrequens Societatis nostræ gymnasium alum-
norum Iaponensium iam diu seminarium, è quo traduces plantæ in
Societatem nostram transferebantur, nonnulli etiam sacris Ordini-
bus initiabantur, & parochorum munera obire incipiebant; ij
omnes etiam ante religionis ingressum, aut sacros ordines, Societa-
tis nostræ Sacerdotibus adiuncti Catechistarum officio fungebantur
eo fructu quem gentis solertia rebus suis ac nostris instructa
suoque sermone loquens promittebat. Neophytorum autem pri-
uatus erat in religionis exercitationibus ardor talis, vt Europæos
nostros æquare sæpe primitiuamque Ecclesiam iudicares. Hæ can-
nales nostri multis produnt, & quæ his commentarijs dicenda sunt
fortiùs etiam confirmabunt. Non enim potuit incredibile in re-
tinenda religione studium ab alio fonte quam ab ipsa religione ac-
curatè excolta proficisci. Numerus porro neophytorum etsi ali-
quando ad nonnulla centena millia excreuisse scribatur, hoc ta-
men ipso tempore quo furere cœpit Tyrannus non admodum tre-
centa adultorum millia creditur superasse, aliquot enim anni ob
peculiares in priuatis regnis procellas solito steriliores Christianum
gregem paulatim non parùm imminuebant.

*Numerus
Christiano-
rum adul-
torum in
Iaponia.*

Hanc vineam prima & diu sola excoluit annos iam ferè septua-
ginta nostra Societas cuius alumnus S. Franciscus Xauerus lumen
illud Orientis primus ab orbe condito, quod constet, veri Numi-
nis cognitionem in eas Insulas induxit, cuius Socij exemplo inci-
tati semel inchoatum opus nunquam deseruerūt, & hoc ipso tem-
pore centū & viginti, pusillus grex ad frugum amplitudinem, hanc
vineam excolebant in triginta quinque Societatis nostræ domicilia
distributi, & magnam partem tota Iaponia sparsi, quo sese latius o-
peræ fructus laboresque diffunderent. Horum omnium continui
labores satis ex ipsa occupatione colliguntur, dum alij neophytos
fouent, alij Ethnicos sollicitant, omnes ad omnia collaborant.

Ad hunc Societatis nostræ manipulum ante annos paucos ac-
cesserant ex alijs religiosorum Ordinum familijs auxiliares socij
nostri laboris æmuli, & coronæ candidati. Et hoc ipso tempore è
D. Augustini familia quatuor, è D. Dominici nouem, è D. Francisci
totidem cum laicis quinque numerabantur. Hi omnes in suas

quo-

*Ad eandem
alijs religio-
rum Ordines
excolendam
adueniunt.*

quoque sedes distributi singuli pro viribus Spartam suam orabant, sui que tenaces instituti non sermone magis quam exemplo progressus faciebant. Quid his omnibus acciderit in communi Ecclesiæ illius procella narrabitur cum locus admonebit.

Huius Ecclesiæ Pastor è nostra Societate Lusitanus Ludovicus à Cerqueira clauum tenebat, magna sapientiæ laude venerabilis, nec gregi solùm suo charus sed ethnicis quoque dynastis acceptus, à quibus vel literis vel internuncijs officiosè colebatur. Is tamen si sedem suam Nangasaquij in Lusitani commercij emporio statuisset, excurrerebat tamen ad inspiciendum gregem suum quantum tempora patiebantur aut necessitas exigebat. Tanti pastoris vigilantia inter asperissima huius turbinis tempora gregi suo defuit. Nam importunè sublatuè è viuis, vt suo loco dicetur, sponsam suam in rantis locorum interuallis hodieque viduam dereliquit.

Et quidem etsi à primis huius Ecclesiæ incunabulis nunquam defuit, qui nascentem præfocare niteretur: nulla tamen alia tempestas maior, nulla communior acrius latiusue omnes illius partes vno tempore peruasit, quàm hæc ipsa, ad quam modò narrandam accingimur, cuius atrocitate nolim ita percelli quemquam, vt arbitretur ex ea tempestate illi Ecclesiæ naufragium imminere; non aliàs vnquam sperari certiùs potuit magnos illius fore proventus, qui etiam alieno tempore pullulant, magnos affulgere breui splendor, qui medijs in tenebris interlucent.

DIPLICI CRVCIS PRÆSAGIO IMMINEN-

ssa mala portenduntur.

CAPUT III

Non rarò præteritis temporibus contigit, vt peculiari Dei beneficio rerum suturarum præfagia præirent, ne incauti præsentib⁹ malis obruerentur, qui præmoniti futura præuidissent; id iam secundo in Iaponia legimus euenisse, quoties à supremo illius Imperatore in Ecclesiã procella defæuijt. Nã sub annũ salutis nostræ nonagesimũ antequã Taicosama secũdo fureret, & Euãgelij præconesitèrũ terris suis exterminari iussisset in Ariminensi agro, ab illi⁹ metro-

Episcopo
pauca
temp

Perfec
hac
stiam
xim
liqu
bus

Crux alterius
persecutionis
1590. præ
sagium.

poli Arima leucis tribus ad pagum, cui nomen Obama, prodigiosa Crux intra truncum arboris apparuit Crucis imminentis in quam acti sunt aliquot & tyrannidis proximè venturæ præfagium. Ea multis clara miraculis hodieque asseruatur. Anno etiam qui hanc Ecclesiæ Iaponensis perturbationem proximè præcessit, aliæ duæ visæ sunt illius indices non obscuræ, quæ quoniam ad rem quam modò tractamus spectant, priore omiſſa, maximè quod illis non erit ab similis narratio, quomodo sese prodiderint edicamus.

Cori regio est, in Omuræ terris sita, longa leucam vnam, dimidiatam lata, pagos habet aliquot, è quibus vnum incolit colonus quidam Neophytus Fabianum vocant, is agrum habebat tritici feracem in pago Ixibaxiri, eo in agro arbor erat quædam, quam Iaponæ Caquinoqui, Lusitani ficulneam Iaponensem appellant, ex eo quod fructus habeat molles, qui etiam passi ad instar ficum conseruantur; truncus tamen prædurus est, & multum à ficulnea nostra differt; biennium iam arbor in frugifera erat, eam Fabianus amputat, trunco ad domus columnam, ramis ad focum vsurus, truncus ad solem expositus annum integrum areſcebat, tandem octauo Idus Decembris anno 1611. ascia truncum dedolans ecce tibi aduertit in vno ex decussis fragmentis esse crucem attri coloris expressam in trunco suapte natura candido. Eo conspecto filium accersit. Vide ait, Paule, sit ista crux necne. Crux est planè, ait, ac, prodigio similis. Attoniti ambo agere cæperunt quid ei facerent, filius parenti suggestit vt eam taciti asseruarent, non videri eo tempore commodum rem istam euulgare, futurum aliquando, vt eam securius proderent.

Hoc ipso tempore in ædes Fabiani aduenit Laurentius eius germanus, cuius etiam testimonio crux ea supra naturæ vires visæ, eoque auctore quod indecens esse diceret, Crucem Fabianus honestiore loco asseruauit. Biduum crux ibi resedit priusquam euulgetur, sed tandem vxoris Pauli indicio proditur, postridie quippe Michaeli Neophyto Fabiani nurus secretò quidem sed tamen narrat crucem admirabilem in arboris fragmento repertam, ac simul eam exhibet. Et huic etiam visæ est præter naturæ ordinem mirabiliter expressa, erat enim in intimo trunco omnibus suis partibus

abso-

*Prodigium
euulgatur.*

absoluta, longa palmum vnum, brachijs vtrinque cum titulo Crucis superposito iusta symmetria distributis, crassities vbique sibi similis, ad quam effingendam ars humana nulla ratione poterat intimum truncum penetrare. Eam Michael ad pagi sui Neophytos deferendam petijt, sed non impetrauit. Abiens secretum muliebri Neophyto quem primum iuuenit, narrat, ista tanta cupiditate visenda Crucis exarsit, vt eam totam noctem insomnem propè traduxerit. Ergo cum primum illuxit in Fabiani domum aduolat, crucem vt vidit, stupuit, adorauit, & ad parentem suam ægram ea lege deferendam impetrauit, vt mox restitueret. Hinc cum ea res vt fit, erupisset, ad Crucem visendam vniuersi Neophyti concurrere. Magnus fuit omnium stupor, magna veneratio, & quidem is, qui pagi princeps habebatur, tanta est admiratione defixus, vt affirmaret, tametsi aliud nihil in vniuersa lege Christiana reperiret, quod in ea veram esse salutem confirmaret, id tamen vnum videri sibi, esse ad persuadendum satis, maximè postquam neophyto ibidem quattana laboranti sanitatem restituit, aqua post huius ligni frustulum iniectum epota.

His auditis cœpit Fabianus quem repererat thesaurum preciosius æstimare, crucemque iam sibi suam reposcebat. Interim res ad vnum è nostris in Fudoïama sede quinque leucarum itinere commorantem defertur à neophytis asserentibus rem sacram apud Laicum hominem minus decenter asseruari. Aberat domo Sacerdos noster P. Alfonso Lucena qui diu Omuræ rei præfuerat Christianæ, sed solus qui aderat frater noster occurrit, inuenitque iam Crucem Fabiano restitutam, & publicè vt ab omnibus coli posset, expositam. Voluit socius Crucem Sacerdoti nostro deferre, sed nullis precibus impetrauit, causabatur eam rem ita euulgatam, vt sine dubio ad dynastam breui esset peruentura; vereri se, si eam extra illius fines regulo inconsulto transmitteret, fore vt ab eo plecteretur, aliâque addebat multa, quæ sua homini pietas ad retinendam Crucem suam suggerebat. Ergo noster sine Cruce, sed non sine stupore, domum redijt. Triduum aliud crux ea tenuit in domo Fabiani tanto neophytorum concursu, vt pœne obrueretur, neque enim è Cori solùm & Omura, sed è conterminis quoque vicis

Ab uno è nostris videretur.

trium quatuorue leucarum itinere concurrebant, omnium eadem erat admiratio, eadem in cruce colenda contentio nec nulli Fabianum ipsum ad crucis ornatum Oriza, nummis, oleoque ad concinnandam lucernam sponte donabant.

*Dynaste soror Marina
crucem accepit.*

Concurfus iste tenuit à Sabbatho in feriam tertiam, tum enim matutinis horis advenit à nobili matrona Marina Omurandoni dynastæ sorore, religiosâq; femina & huius Ecclesiæ columna, nuncijs ad Fabianum, ut eam Crucem extemplo ad se deferret; detulit eam Paulus, quod parens ætate prohiberetur. Non abest inde Omuraleucam totam, tantus tamen fuit excitorum fama concurfus, quibus ex itinere satisfacere cogebatur, ut non nisi nocturnis horis adveniret. Crucem nobilis matrona magnò cultu excepit. & una cum Neophytis qui plurimi adfuere venerata magnificè asseruavit. Ex Crucis veneratione truncus ipse in precio haberi cœpit, maximè posteaquam accepissent eo cōtrito dilurôq; plurimos tertianas aut quartanas excussisse. Vnde qui frustulū eius fragmenti, in quo Crux erat, obtinere non potuerunt, ad ipsum truncum qui etiam tum humi jacebat refugerunt, quem ita conciderunt, ut exigua mora, qui adveniebant, ne truncū quidem inuenirent, qui ad radices conuersi eas penitus extirparunt, usq; adeo ut eò nostri sacerdotes duo cū ex itinere diuertissent optassentq; illius arboris frustulū, qui missus ad locū fuerat, ne radicū quidē fibras reperiri nunciaret, tanta fuerat illorum neophytorum pietatis auditas. Nec mirum ita neophytos exarsisse, cum ipsi ethnici & inanum Deorum sacrificuli, plus veritati quàm odio tribuentes, faterentur eam Crucem rem videri humana maiorem planeq; cœlestem. Et subinde accidit res noua quæ admirationem auxit: nam cum viri primarij ædes à dæmone nocturnis spectris ita infestarentur, ut nullū in vlla re præsidium inueniret, eam crucem sibi tradi exorauit. Noctem vnam Cruce positus est, nec ultra dæmones eas ædes infestantur.

Longiùs deinde sese Crucis fama sensim diffundebat, & iam in opidum Nangasaqui peruenerat, & quoniam ea crux pro miraculo vulgo habebatur & colebatur, suarum partium esse iudicauit Episcopus eam rem excutere ac rite statuere an pro miraculo haberi posset & coli. Crux igitur ad eum delata est, aduenere testes ij,
qui

*Crescit crucis
venerationis.*

qui nouerant, vnde prodijſſet, & quomodo ſeiſſam prodidiſſet. E teſtibus iuratis excuſſa reſaccnratè, deinde cum doctis ac pijs vi-
 ris deliberatione habita ex præſcripto ſacroſancti Concilij Triden-
 tini pronunciauit, eam crucem pro vero miraculo haberi colique
 poſſe ac debere. Et quia vrbanì quoque neophyti eius viſendæ
 & colendæ deſiderio flagrabant, Antiftiti viſum eſt externo aliquo
 apparatu prodigium cæleſte meritò proſequendum. Ergo ſolemni
 ritu ſacris de Cruce votiuus operatum eſt, è ſuperiore loco ſermo
 habitus frequenti cõcione, quo ſermone, qui prodijſſet, quibus ef-
 ſectis eam deinde Dominus admirabiliter cohoneſtaſſet cum fide
 narrabatur, tũ circa templi porticus ſupplicantũ pompa explicata,
 qua in pompa Præpoſitus Prouincialis fragmentũ illud admirabili
 Cruce inſignitũ, decentiq; ornatũ compoſitũ ſub conopœo geſta-
 bat, ipſum conopœum vrbiſ primores deſerebant, comitabatur E-
 piſcopus & ſocij quotquot aderant omnes. Magna fuit concurren-
 tium ad ſpectaculum multitudo, quibus vt ſatiſfieret totam eam
 diem in ara geſtatoria ſpectanda Crux & colenda expoſita fuit.

*Episcopos
miraculum
examinat &
probat.*

Alia crux etiam Nangasqui reperta in ſuburbanis noſtræ Socie-
 tatis ædibus quas ab omnibus Sanctis appellant. Templum ibi pri-
 mum eſt inter omnia, quæ in illo deinde opido plurima aſſurrexe-
 runt, in illarum ædium interiore atrio laponenſis, vt ſuperior, ſicul-
 nea viſebatur, è cuius trunco rami duo velut brachia protendeban-
 tur. Iam biennium ramorum alter tres palmoſ craſſus nullos fru-
 ctus dabat, & vitẽ proximam vmbra ſua infrugiferam reddiderat,
 ergo ramus ille ſuæ ac alienæ ſterilitatis reus amputatur, tres fere
 meſes iacuit in gloriis, donec ſexta quadam feria, altero die men-
 ſis Martij anni 1612. ſamulus domeſticus lignis indigens ſecurim
 arripuit & altero ictu tenue fragmentum exilit, digiti craſſitudine.
 Findenti nec aduertenti ſamulo aderat ex alumnis vnus, qui eo in
 trunco candido atram crucem conſpexit, ſed minus diſtinctam ad-
 huc & expreſſam. Ergo in clamans ſamulum admonet, vt ſanti-
 ſper abſtineat, manum ictũque ſuſpendat, ipſe fragmentum arri-
 pit in eoque crucem bipartitam videt, præcipua pars in craſſiore
 trunco, altera in aduerſo fragmento videbatur, ſecuris enim Cru-
 cem mediam in longum diſſiderat,

*Alia crux
reperitur.*

Qualis fuerit.

Ad eius conspectum & alumni clamorem domestici omnes accurrunt, ac metu quodam sacræque horrore correpti vtrumque fragmentum in quo Cruces erant ad patrem deferunt rei ordinem errantes. Visa ea exultavit, & feriam sextam notans advertit se quoque ipsa die Sacris de Domini passione votiuis litasse. Illius crucis hæc erat figura. In ipso trunco non planè interiore sed infra superficiem digiti latitudine visebatur. Et mirum videri poterat, ut eam Crucem tenuem & exilem, quanta fere est chartæ quater quinquiesve complicatæ crassities, securis inter findendum nihil læserit, sed eam ita diffiderit ac si compaginatæ tabulas dissoluisset, nulla neque in longum, neque in transversum laceratione. Eius longitudo erat quatuor fere digitorum transversorum brachia crucis & ipse titulus iustam habebant symmetriam, & omnium partium eadem erat crassities idem color, verum in titulo crucis nullus character videbatur.

Quid portenderint.

His omnibus rite perpenſis nihil dubitavit noster esse prodigio parem, idemque quotquot eam videre iudicarunt. Idem quoque antistes re ut prius excussa pronunciauit, quoniam in hanc quoque eadem concurrebant quibus conficiebatur, eam Crucem naturæ artisque vires superare. Atque in hunc maximè modum duæ cruces admirabiliter hoc tempore prodierunt, prior eo in loco ubi annis superioribus ædes inuentæ Cruci sacra visebatur, altera in e de huius Ecclesiæ prima & antiquissima, utraque in ficulnea eaque infrugifera ut maiorem pietatis fructum daret. Quid his prodigijs portenderetur, tum quidem ignorabatur, licet non dubijs indicijs timebatur, qui tamen hos de atroci huius Ecclesiæ calamitate commentarios legerit, nihil ut arbitror dubitabit, quin ista Crucis Christi demonstratio imminensem procellam & Christi Crucis imitationem præmonstrarit. Tum tamen orabant omnes ut in bonum monstra verterentur, quod uti esse solet Deo in bonum mala vertente, ita futurum confidimus, ut crux ipsa Martyrum

sanguine irrigata ramos suos magno cum
fructu extendat ac pro-
paget.

REMO.

REMOTIORES TOTIVS MALI

causa proponuntur.

CAPVT IV.

Non subita fuit huius ruinae vel inexpectata calamitas, cum enim iam ab ipso regnandi exordio propensissimus in simulatorum cultum Imperator animum saepe suum prodidisset, minimè mirandum videri debet, si novis deinde conatibus aliquot impulsus in barathrum ruit, quo nemine impellente prius incumberat. Nam cum toto suo imperio, ac imperij tempore interdixtum edicto publico esset nobilitati ne Christianis sacris nomen daret, facile apparebat eum vulgus reliquum non mitius tractaturum si se id consequi sperasset, hoc tamen assequi conabatur, ut vilis abiectaque religio passim haberetur, à qua nobilitas, permissa plebi, arceretur: quo suo edicto etsi nō id omne consequeretur, quod maximè cupiebat, cum plus posset ipsa veritas ac salutis cura, quàm humanæ apud multos rationes, id tamen efficiebat, ut impetu minore præceps antea in Euangelium cursus laberetur.

*Ab initio?
Christiana
fidei aduer-
satur impe-
rator.*

Huius igitur mali causæ plures nec eiusdem omnes rationis fuerunt, aliæ remotiores Imperatoris animum sensim alienarunt, aliæ propiores ultimo impetu deturbarunt, illæ ab regnandi libidine petita in suspicionem induxerunt, hæ ab odio religionis conceptæ prima sævientium tyrannorum tempora reuexerunt. Hoc loco prioris generis causas persequar, ac subinde posteriores, prout historiarum series admonebit.

*Huius mali
causa dupli-
ces.*

Tenera res est regnantium auctoritas, quæ tangi se non finit, sed tyrannorum suspicax est conditio, quæ solis umbris territatur. Cum igitur occupata per nefas imperij maiestate, satis habeat intra viscera quod metuat Imperator, nihil mirum si externam potentiam multarum gentium domitricem sibi proximam reformidet. Non ignorabat Hispanos Reges deductis per tot maria classibus ortum & occasum victorijs suis tremefecisse, Indicos ubique portus ferè domitos in continentem etiam penetrasse, Molucas Insulas, Malacam arcem, Philippinas item Insulas occupatas, quæ postremè italaponiæ imminet, ut nauigantium oculis videri ac manibus

*Prioris generis
causa sus-
picio de His-
paniis.*

prope tangi posse videantur, imperuia quippe prioribus seculis maria huic nostro ita patuerunt ac paruerunt, vt nationes olim inter se vix ipsa fama cognita, iam sibi mutuo contigua frequenti commercio dici possint.

Has suspitionum vmbras quas Lusitanicus in oriente ipso splendor excitauit, ab Insulis Philippinis Hispani dum alia cogitant imprudentes condensarunt. Nondum extincta memoria erat oneraria cuiusdam quæ Taicosamæ præcessoris tempore ad Iaponiæ litora in regno Tosa perierat, cum è Philippinis in Hispaniam nouam cursum de more dirigens adnauigaret. Cum enim ad diripiendas naufragij reliquias iussu Imperatoris è primaria nobilitate quidam accurrisset, Yemondono dicebatur, inter colloquendum in hydrographicam Nauarchi tabulam incidit, in qua ostendi sibi petijt quos in Indijs portus quæ regna obtinerent. Attonitus imperij magnitudine, ecquibus ait artibus ab Europa ipsa tot potuistis regna occupare, quibus viribus potestis nunc tueri? Nauarchus de rebus suis magis quam de futura suspicione sollicitus, vt raptori metum incuteret, respondit Hispanos cum vniuerso terrarum orbe nauigationibus suis penetrato commercia miscere, si commerciorum fides seruaretur, nihil moliri, si ius gentium violaretur, vltiores iniuriarum hæc omnia occupasse; hoc enim tum agebat Nauarchus vt bene haberetur. Ad hæc institit alter; in hunc igitur finem præmittitis legis vestræ propagatores, vt similitudine religionis illectos ad res vestras habeatis comparatos? planè, inquit Nauarchus, qui vt metum augeret, calumniam est commentus. Et quoniam Gentilium animi è suis ceteros metientes adduci non possunt, vt credant, reperiri hodie mortales ea in externos bonitate præditos, vt ad eorum salutem procurandam non dubitent nullo fructu tot labores, nulla spe tot pericula suscipere; procliuè fuit alteri credere quod ipse, qui, vt verum esset, filere debuerat, sponte fatebatur. Quod malè audiuit, peius etiam vt fieri solet retulit, effecitque vt ab Imperatore tum, & à multis hodieque crederetur Christianæ fidei propagatores, Hispanicæ Monarchiæ prodromos aduenire. Licet enim Iapones ab insita animi superbia nationes exteras despiciere potius quam timere ostendant, visa ramen tanta Christiano-

rum

*Nauarchus
Hispanus im-
prudens cau-
sa huius su-
spicionis.*

rum concordia & in suscepta religione constantia, ut procius defensione fortunas omnes vitamque suam facile contemnant, haud parum metuunt, ne si maiori numero sint, vires animosque coniungant, & Hispanorum auxilio aliquid contra regnum moliantur. Nec desunt in sectis suis huius rei innumera exempla eorum, qui sub specie falsæ religionis suæ monarchiæ saepe quietem perturbant, idque passim ab Hispanis in India factitatum esse habent persuasum, idemque in Iaponiam meditari. Nec ea res vnquam huic Imperatori eripi ex animo ita potuit, ut non recentiore casu non absimili denuo pullularit.

Ex Hispania noua venerat in Iaponiam Hispanus quidam oneraria vectus non maxima, is nauigandi studio portus aliquot vicinos bolide explorat, ut sciret ecquæ statio tuta nauibus, quas ingentes venti eo saepe deferunt perituras, occurreret. Eares publicè bonæque fide facta à Nauarcho & à Iaponijs absque suspitione conspecta permittiturque est. Aderant tum in Regia Hollandi aliquot ex antiquiore naufragio iam Iaponensis linguæ uterique periti & inter eos nauarchus eorum Anglus natione, qui iam aliquot annorum mora magnatibus notus erat. Hi omnes eo quod in Hispanos odio secum vehunt perciti, & in Catholicam religionem maleuolentia incitati & Hispanos & Euangelij præcones apud ipsum Imperatorem in inuidiâ vocare potuerunt, docebant enim hanc explorandi portus alienos rationem pro hostili haberi apud Europæos. Hispanos gentem esse vagam, imperij cupidam & alienorum regnorum domitricem, quasi verò temperantiores essent Hollandi qui legitimū regis sui jugum excutientes non iustis bellis sed piratica infestatione in gentes omnes nullo delectu grassantur. Addebant, Religiosos illos impostores mentitæ pietatis fucō regna perturbare & Hispanis noua regna querentibus viâ parare, prout iam alijs in locis abundè præstiterāt. Quam ob rem affirmabant in Europa ipsa regnis pelli ab ijs principibus qui acutius eos explorantes artes huiusmodi deprehenderāt. Ita se apud suos, ita alios factitasse. A deo hæretici suum in Religiosos viros odiū in extremos orbis fines deportant. Quibus apud Europæos ea fides habetur, quæ rebellibus & hæreticis haberi debet. Ethnici, qui hæc nesciūt, in fraudē inducti plura etiam

Hollandi.

Hollandi Religiosos apud Imperatorem calumniantur.

etiam quam dicebantur crediderunt. Et Imperator, qui hæc audierat, continere se non potuit, quin paullò ante huius persecutionis initium palam diceret. Si reges in Europa principesque suis illos regnis & prouincijs exterminant, quid est cur iniurius in illos videar, si eos eiecero aduenas qui à suis non feruntur. Quibus sermonibus incitatus Imperij hæres, voluit exemplo de Neophytis inquirere, eosque ab regia vna cum suis pastoribus ablegare, arbitratus se hac in re parenti obsecuturum; fecissetque, nisi ex Iaponiæ moderatoribus vnus natura pacatior cum à præueniendo in re tanti momenti parente deterruisset, ne parentem docere velle videretur, & pro gratia offensionem reportaret. Exinde igitur quoties de religione coram Imperatore sermo inciderat, non deerant æmuli qui flammis oleum adderent, & ipse non rarò maleuolentia suæ indices parum beneuola verba laxabat.

Non parum etiam alienauit Imperatoris animum illa, quam initio attigi, Amacaensis Iaponum cum Lusitanis rixa in qua cum aliquot periissent, & in his Arimensi regulo quidam in paucis carus, qui rixæ superfuerant Lusitanorum causam exasperantes, suam eleuantes effecerunt vt ab Imperatore, Arimensi dynastæ vindicta demandaretur, qua præfecti mortem & onerariæ deprædationem exigebat, verum cum resistentibus àcrius Lusitanis Iaponum strages opinione maior edita fuisset, & oneraria, quæ fortuitum incendium initio corripuerat, iniecto in extrema præfecti desperatione in puluere tormentarium igne cum maiori oppugnantium clade tota dissilisset, vindicta ipsa prope maioris offensionis quam rixa causam dedit. Quæ cum omnia fierent à Christianis, facile deinde in legem ipsam inuidia facti apud hominem simulacris addictum vertebatur. Sed hæc omnes remotiorem malo causam attulerunt, nunc eam quæ initium proxima tumultui dedit commemoremus.

GRAVIOR PROPIORQUE HUIUS TEM-

p̄statis causa commemoratur.

C A P V T V.

Proxima causa inchoanda persecutionis.

TAmetsi non defuerunt huius tyrannidis augendæ, producendæque temporis lapsu causæ vel prætextus, qui suo loco non omit-

omittentur, hæc tamen quæ nunc tractatur proximam materiam tyranno iam sensim ac dudum comparato tyrannidis obtulit inchoandæ. Ex duorum neophytorum culpâ ipsi religioni sanctissimæ invidiam immeritò sanè comparante arripitur occasio. Tanti refert integritatem vitæ vnâ cum sanctissimis legibus copulare.

Ioannes Arimensis dynasta ille ipse qui olim Protasius vocabatur, etsi jam diu in Christi militiam adscriptus, & eius strenuus toto Arimensi agro propagator, non bene domitis tamen animi perturbationibus, cum paulatim vita licentior declinare cœpisset, post admissam Imperatoris proneptem in pellicæ filij potius quàm coniugem, quippe qui prius Ecclesiasticis ritibus legitimo, quod per nefas reiecit coniugio esset illigatus, post onerariam non sine omnium offensione oppugnatam, cum jam sibi videretur his officijs Imperatorem sibi demeruisse, vt erat animo ad magna proclui, nec facile partis contentus in fortuna conquiesceret, nurus fauore fretus ad altiora cœpit aspirare. Magnam regni proximi Figen portionem maiores ipsius ante possederant, eam sibi recuperandam suscepit.

Ioannis Arimandons morcs.

Agebat in aula Neophytus quidam Paulus Daifachi nomine Conzuquedono (quo nemo erat Imperatori carior) multum familiaris & Ioanni iam dudum notus. Is aptus visus est, qui, quod optabat, heri fauore & largitionibus obtineret. Paulus erat astutus & cupidus, vt esse solet eiusmodi harpyiarum Reipub. genus, & occasionem non negligendam lætus arripuit, & promissis largus Arimensis reguli liberalitatem inuitauit. Multa igitur accipit, quæ distribuat, sibi vni omnia seruaturus. Protracta res est in annum & eo amplius cum interim Paulus nouis quotidie largitionibus, Ioannes sola speliaretur. Denique cum sola spes sine re emunctos iam oculos siccaret, fingit Paulus ab Imperatore quæ promiserat impetrata, & vt efficacius falleret ipsius diplomatis exemplar, quod prototypo carebat, mittit ad Ioannem, diploma ipsum cui nescio quid sigillorum adhuc deerat, breui destinaturus. Quis non in fraudem induceretur? Ioannes euentu lætus omnia iam tuta credens nullam fraudem suspicabatur, donec ipsa mora, diuturnum Pauli silentium, largitionum nouarum postulatio suspicionem

Daifachi Paulus Ioannem fallit.

euocauit. Cum nihil certi per literas ageretur, ipse ad Paulum ipsum ire statuit, vel negocium praesentia sua confecturus, vel fraudem detestaturus. Et quia fauorem in aula sibi praeter ceteris aulico conciliare oportet. Imperatoris proneptem vna cum filio secum, eorum quae tenebantur aescius abducebat.

*Ioannes in
regiam
gradat.*

Michael enim filius regnandi cupiditate vitio paterno per se ipse laborans & pellicis suae hortationibus impulsus, de excludendo parente interim dum noua regna meditatur, secreta dudum cum pellice consilia miscuerat. Querebantur Iaponiae morem a parente suo damno negligi (solent enim cum iam inclinatae aetas parentes filiis sua dominia tradere, ac se ipsos in exigua illorum parte contrahere) iam sibi annorum satis, parenti nimis ad imperandum, indignum esse proneptem imperatoris post nuptias priuatam degere. Adhuc timebat ne fortunas suas cum filiis quos ex secunda vxore iusta susceperat, partiretur, unde parentem inter ac filium, pellice ubi poterat omnia turbante, iurgia grauiora nuper intercesserant, ac licet externis beneuolentiae signis, quod Iapones exacte possunt, simultas omnis tegetetur, in filio tamen iam alia machinante manebat alta mente repositum, quod parentis in animo iam amor extinxerat. Cum igitur in aulam euntem viderent, consiliorum suorum tempus aduenisse crediderunt.

Iam ventum erat in Fuximi dierum sex itinere a regia, ibi consilio inter se inito parenti suadent uti subsistat, praetiturum cum vxore filium qui negotij statum exploret ac moneat, ipsi enim rem suam absente parente tentare tutius arbitrabantur, ipse rem parum nitidam exponere multorum censurae non nisi coactus staturerat. Ita proditus parens filium dimittit, ei que dat in mandatis uti Paulum urgeat, cumque si tergiversetur, minetur se ad Conzuquedonum delaturum vel proditae fidei, vel dilatae. Michael qui piscari staturerat in perturbato negotiorum parentis stagno, impigre facit omnia & plus etiam aliquanto quam iubebatur. Cum interim pellex apud imperatorem & in palatio multa de Arimensi dynasta quereretur, ab eo se parum coli, priuatam viuere, nihil sibi prodesse quod illius sit proneptis quem ille vereri debuerat.

*Michael pro-
mittitur in
regiam*

Paul

Paulus igitur perfrictè constans quæ hætenus scripserat intrepidè confirmat, sed cum adhuc moras necèteret, ad herum rem Michael totam desert, quid à parente in mandatis habeat exponit, ille rei nouitate attonitus & fœditate offensus timens, ne & ipse in ea re suspectus haberetur, rem totam desert ad Imperatorem, quo iubente Paulus in vincula conijcitur. Ioannes in regiam ad dicendam causam euocatur. Non defuit interim utrique tempus ad omnia ociosè miscenda, filius enim cum pellice & præcipuè Nangasaquien-
 sis Gubernator Sasioye totius tragediæ incentor multa in Ioannem siue vera siue falsa acriter criminantur. Nominatur huius causæ, quæ atrox visa est Iudex senatus regius, cuius sententia re discussa Paulus impostor, Ioannes alienorum malis artibus affectator declaratur, pœna utrique debita ad imperatorem reijcitur, qui toti Iaponiæ in Paulo statuens exemplum viuum lentis ignibus exurendum vna cum vxore addicit, Ioannem regno suo abdicat & proscribit. Vxor tamen Pauli interpellationibus vitam ea lege impetrat, vt mariti supplicio interfuit, eoque spectaculo in marito inedia moriatur. Is igitur vili iumento insidens per celebriores vrbes regię vicos contumeliosè circumducitur, præeunte reum cubicalibus literis in tabula quæ gestabatur causa simul & pœna. Ergo Aprilis 21. qui dies incidit in sabbatum sanctum 1612. in publico reorum loco alligatur ad palum, & circumstructo ad tres fere passus igne torretur, quo in supplicio cum ille tum vxor præsentis semper animo, ita se gesserant, vt ille scelerum suorum pœnitens moreretur, illa maritum officij sui moribundum efficaciter admoneret.

*Daifachi
examinatur. Io-
annes pro-
scribitur.*

Ioannes autem cum exilij sententiam ipso die quo Christi Domini mortem atrata luget Ecclesia, recepisset, ipso paschalis festiuitatis die relegatur vnà cum vxore, nec plures quam famulos ad omnia officia quinque supra triginta secum ducere permittitur. Ibat militum cohorte stipatus in exilij locum Yamura, regni Cai, quod est Surungano conterminum, à regia non plus triduo ad Aquilonem in pede montis Fugi altissimi & tota Iaponia poetarum versibus cantatissimi. Ibat igitur

C 2

huma-

*Ioannes in
exilium
pergit*

humanas res alijs iam oculis intuens, & diuinorum in se iudiciorum in vitæ cursu retro lapso seriem admiratus agnoscebat se pœnas suis peccatis debitas tandem luere, pròque neglectis Christianæ pietatis officijs in eum ipsum diem exilij sui primordia incidisse, quem Christiani lætissimum habent, vt illi Christiana læta festaque celebritas iusto Dei iudicio in luctum verteretur. Rogabat etiam, vt quoniam ipsius captiuitas exilijq; sententia in eum ipsum diem inciderat, quem ad peccati vincula dissoluenda, & inferni captiuitatem liberandam mortalesque ab exilio in patriam reuocandos elegerat, vt illius inquam meritis & virtute peccata prioris vitæ deleerentur, vtque hoc illi exilium in pœnam cederet delictorum. Magna vis est aduersæ fortunæ ad mentis oculos aperiendos, si animo non impotenti excipiat. Sed Ioannem tantisper humanis rebus exutum sibi relinquamus, donec breui moriturum reuisamus.

Ioannis prouincias Imperator Michaeli filio ac pronepti tradidit ea lege vt ille Christi fidem abdicaret, & suos omnes cogeret pariter abdicare, quam ad rem illum Sasioie tradit Christianæ religionis hosti acerrimo & Nangasaquensis portus Gubernatori, vti eum in omnibus sed maximè in extinguenda religione consultorem ac moderatorem agnosceret. Quibus omnibus assensit miser regnandi cupiditate magis quàm quod esset à Christi sacris alienus. Vnde defectorem Christiano posthac nomine non dignabor, cum abdicato Christo simulacrorum sectam, Iodoxu vocant, quam Imperator ipse profiteretur, suscepit. Is quas deinde turbas excitauit, & vt regnum hac ipsa qua conseruare nitebatur ratione perdidit, historiarum series enarrabit.

Multis iam antè annis Arimandono per suos suaserat Imperator, vt omnino sui causa christianæ religioni renunciaret, indignum esse dicens tanto natalium splendore seruili externæ legis iugo collum submittere: sed cum constantem se semper ille in tuenda Christi fide præberet, nihilque omni suo molimine actum videret Imperator inuitus cessit aliquando, dicens, se illius causa Patribus religionique parcere quam vtiq; nullo modo approbaret. Hac igitur leui occasione oblata erupit ex eius visceribus ira & furor in Christi

Christi Domini legem, & qui longè maiora flagitia in suis posset fugillare, horum verò duorum Ioannis inquam & Pauli culpam in ipsam religionem retorquens in eam velut doli magistram & alienorum affectatricem, est impotentissimè debacchatus; nec deerant, qui vel eodem religionis odio, vel adulandi studio ignes ignibus adderent, & quæ dicebat omnia comprobarent. Mirum enim est quam apud Iaponios Christianorum vita offendar, si cum integritate legis non conspirarit, cum Ethnicorum atrociora delicta vix aduertantur.

Ex hoc enim in Imperator occasionem persecutis mihi attulit.

EXORTÆ CONTRA IAPONENSEM EC-
clesiam tempestatis exordia.

CAP. VI.

EXulcerato in hunc maximè modum Imperatoris animo dæmon torius auctor tragædiæ sibi non defuit, sed nihil ultra cunctandum ratus, id quod per suos ministros disposuerat est ag-
gressus. Et ne dubitaretur cuius maximè fraudibus ea faba cude-
retur; subinde res accidit admirabilis. His enim ipsis temporibus energumenus quidam à neophyto interrogatus vnde & quorsum
veniret, dæmon respondit, se ex Angliā venire vbi multos annos
Catholicis torquendis præfuerat, eo consilio, vt Iapones doceat,
quis in torquendis Christianis modus debeat obseruari. Ac tamen
si parum habeat auctoritatis auctor falsitatis, nonnunquam tamen
vel inuitus obsequitur veritati. Quod ita nunc esse, tum multa,
tum Angli nauarchi opera in hoc opus egregie collocata confirmat.

*Dæmoni re-
sponsum ex
energumeno.*

Hoc igitur doctore aggreditur suos ciues tyrannus nihil mi-
nus in jis reperturus quam Anglicus furor semper experitur firmi-
tatis, quæ hoc mirabilior est, quòd Iaponiæ tirones, Angliæ vetera-
nos pugiles in religionis arenam exponat. Imperator itaque ab au-
la sua initium sumens, vt exemplo suo ceteros dynastas in eundem
furorem concitaret, inquiri iubet ecquis è familia sua contra edicta
sua quibus hac secta nobilitati interdicebatur, Christi sacra susce-
pisset, ecquis auderet suscepta profiteri. Delati sunt quatuorde-
cim, quorum aliqui erant è prima nobilitate, tamen si plures omnino
numerarentur. Hos omnes interrogari iubet, qua fronte ausi es-

*Christiani
14. Impera-
toris aulici
Christum in-
trepidè confi-
sentur.*



sent edictis suis repugnare. Omnium fuit una, si rem spectes responsio in hanc fere sententiam. Vnum esse cœli ac rerum omnium moderatorem, cuius leges ac scita, qui terræ imperant, violare non possunt, sed neque illius legem vlla in re Cæsareis commodis obsequi oue aduersari, in quibus non tantum non erant hac lege suscepta defecturi, sed cum ea obligari se nouo vinculo vt Imperatori suo fidem arctius obseruarent; qua ex re si quid incurrissent pœnæ, nullâ refugere, ne ipsam quidem mortem ad animi vitâ conseruandâ.

*Omnēs in-
bentur ex-
tis bonis ex-
ulare.*

Ea responsio sanè libera, & Christiano nomine digna non placuit Imperatorem, sed furentem incitauit; ergo renunciari iubet omnes quidem legibus suis obnoxios mortis pœnam incurrisse, sed adductis in obsequio suo ad rationes laboribus vitam vnicam impetrasse, cetera perdidisse, nam proscriptione perpetua patriam, fortunâsque omnes, & spes futuras rapiebat. Ac ne fortè mitiorem alibi fortunam inuenirent, tota Iaponia grauibz pœnis interdicat, ne quis Satraparum aut ceterorum, quatuordecim familiares suos à se proscriptos exciperet, aut rebus ad uitam necessarijs sustineret. Ita tyranni dum maximè diuturna morte sæuiunt clementes etiam videri volunt.

*Exulum con-
stantia & a-
lucritas.*

Hanc sententiæ atrocitatem Christi pugiles ita tulerunt, vt vnam sibi vitam quam Christi causa exponerent supereffe quererentur. Multa de singulis dicenda essent, si singula persequi esset animus. Verum vt hoc semel dicam, ne simillimarum rerum sæpius iterata narratio lectorem offendat, plurima omittuntur, ita tamen vt è singulis illustriora quæq; seligentes, fastidium cum desiderio commutemus. Et in hoc quidem facto duo proxima capita totidè nobis horû athletarum facinora proponunt, vt ex ijs reliqua colligamus.

Ibat igitur primus huius pugnæ manipulus vnâ cum filijs & coniugibus, quò eos casus ferebat potius quàm consilium, ita lætus & alacer, ac si deesset nihil, timendum nihil supereffet. Vt enim nihil iuuat vniuersa lucrari, animæ verò suæ facere detrimentum; ita qui ea seruata cetera perdidit, nihil se arbitretur amisisse.

Huius porro belli prima præludia Imperatoris affeclas affecuta mox vulgato malo in Christianum vulgus eruperunt. Nam vicorum præfecti (quales apud Iaponios esse solent) vt Imperatoris gratiam

etiam aucuparentur propria auctoritate, vti nemo incolendas ædes Christiano daret edixerunt. Vexari cœperunt inquilini, vti cederent, quas incolebant, ædibus, aut quod erant, esse desinerent, cum vtrumque à neophytis æque negaretur, testantibus, se fidem nulli, ædes Imperatori soli cessuros. Causa ad vrbis gubernatorem delatâ, cum neophyti sibi constarent, res metu alicuius perturbationis Imperatoris iniussu procuratz, sedata est.

Neophytorum i plebs constantia.

Verum sedatus non est neophytorum ardor, qui cum huius certaminis primos insultus viderent, non temerè maiores ominati, acriter se ad futuros comparabant. Nunquam aliàs ita patuit, quam altas in animum radices egisset suscepta religio, nam Patris domicilium frequentari, Sacramentis animum vegetare, colloquijs mutuo se incitare, facris orationibus interesse, ira fuit per eos dies perpetuum, vtijs in quos huius rei cura recumbebat, magna esset laboris ac solatijs concertatio; nec vllus modus iniri potuit ad hunc impetum ideo nonnihil compescendum, ne Imperator se etiam putaret irritari, qui sibi nolebat repugnari. Nec is ardor intra vrbano murum continebatur. Magnus erat è vicinis pagis in ædem sacram concursus, ne obeundi martyrij occasio, quæ in manibus erat, cuiuspiam laboretur. Magnus est sanè diuinæ gratiæ impetus, si quem impulit minimè renitentem. Sed hæc initia vix dum tepent, quæ deinde legentur ea sunt vt stuporem iniicere possint, Dei laudè pro-uocare debeant, labores tot annorum in hac excolenda vinea pro bene collocatis haberi debere persuadeant.

Neophytorum sermo.

Hanc porro animorum incitationem non ipsi solum neophyti in seipsis mirabantur, sed ethnici quoq; suo calculo comprobantes affirmabant in Christiana lege nescio quid supra naturam repetiri, cuius vi quæ tantopere natura horret, alacriter tolerarentur ab illius cultoribus, aut expeterentur. Eò naturæ lumen, conspecto supra naturam gratiæ splendore, sese audacter ingerebat. Iuerat forte id temporis neophytus quidam nobilis Miacensis dynastam nescio quem visitaturus in regno Mino. Primis sermonibus ita hospitem Satrapes compellauit. Semperego quidem hucusque legis vestræ scita iuraque suspexi, sed post spectatum quatuordecim pugilum cum Imperatore certamen, multū mihi, ad antiquā existi-

Gentilium admiratio.

existimationis accreuit. Profectò si humano dumtaxat pede factum metiamur, habeo quod in ijs gloriæ decus inuideam, honoris equidè semen sparserunt, eius fructū sedato hoc turbine collecturi.

Non in solo imperatore stetit primus hic perfidiæ contra fidem impetus, sed eius exemplo per moti ex prætoribus non pauci de familiaribus suis inquirentes non paucos ubique proscripserunt, æquè spoliatos fortunis suis & censu, quem stipendij loco ab ijs colligebant. Inter quos etsi nonnulli vrgentibus parum fortiter cessere, plerique tamen pari cum superioribus alacritate omnia Christi, cuius sacra susceperant, causâ profudere: numerus hoc primo insultu proscriptorum ad quadringentos in varijs locis scribitur excreuisse, triste ubique spectaculum cum torrepente à diuitijs ac delicijs in extremam inopiam angustiasque redigebantur; sed alacritas, quâ hæc omnia patiebantur magnam inspecantibus doloris partem detergebat, maximè quòd neophytorum ingeniosa comiseratio, tyrannorum sæuitiâ in miseris subleuandis superauit.

Hos primos huius procellæ imbres illius Ecclesiæ pastores, & maximè societas nostra, cuius in eo regno præ cæteris est maxima multitudo, ita excepit, vt videret non facilè humanis vijs restringi posse quod exarserat in cendium. Itaque ad diuina, quæ sola supererant, recurrerunt. Episcopi ac Præpositi auctoritate, multa in eam rem sacrificia, ieiunia, voluntariæ corporis afflictationes, horarum quadraginta continuæ preces, supplicantium pompæ, magna omnia religione peragebantur, vt placatus dominus Ecclesiæ suæ pacem restitueret, aut pugiles in fidei agone confirmaret. Quod alterum iam impetratum videmus, alterum impetrandum aliquando speramus: quod interim dum consequimur, constantia nos huius Ecclesiæ triumphisque inter quotidiana prælia partis recreemus ac solemur.

PRIMI È QUATVORDECIM EXVLIVS

virtutes & constantia.

CAPVT VII.

Primus ex aulicorum Imperatoris numero, qui spes humanas exutus in melioris domini aulam fortuna meliore confugit, Dida-

Quadringentesi varijs in locis proscribuntur.

Preces ad Deum hoc tempore instabant.

Didacus Gonnoio vocabatur. Is annos natus quatuor supra viginti ab annis sex non amplius in Christiana militia meruerat, nobilis in primis, & qui clientelarum sibi deuinctos obsequio non paucos numerabat, quia etiam à nonnullis Imperatoris filius putabatur, ex quo Christi sacra suscepit ita vixisse scribitur ab ijs qui hominem pernouerant, ut ab interioris animi purissima integritate Angelus, externa corporis compositione Religiosus potius quàm aulicus videretur. Tanta erat virtutis opinione, ut qui deinceps meliora, ipsum se Didacum fore promitteret. Ipsi ethnici vitam inter aulicos tumultus ac delicias talem sine prodigio transigi non posse affirmabant. Tantus erat in eo transmittendæ in alios quam ipse agnouerat veritatis ardor, ut cum è famulis & clientibus tres duntaxat ante ipsum Christi sacra suscepissent, ipse intra breue tempus trecentos numerarit, & nouis quotidie artibus id agebat, ut nemo extra Christi gregem è suis periclitaretur. Quod magis mirum est in iuvene aulicis negotijs impedito. In pago è suis quodam, ædem sacram non minimam erexerat, ibidem sodalitium sub Deiparæ patrocinio coëgerat, cuius hoc erat institutum ethnicos ad audiendas de doctrina Christiana quæ à nostris habebantur prælectiones inuitare, ipse quoque primus & in primis domicilium nobis occultum (propter imperatoris legem) in vrbe regia collato in fundum sumptu procurauit, eiusque munificentia potissimum rei Christianæ Pater vnus cum alijs administris alebatur, uxorem, fratres ac sorores, vniuersamque familiam (si solam parentem exceperis) Christo adiunxerat. His virtutum exercitationibus occupatum procella præsens non imparatum excepit. Aberat tum fortè à regia triduo fere in regno Micaua; verùm primis rumoribus excitus ad spes futuras dimissis quæ tractabat omnibus aduolauit, & omisiss quas habebat ædibus ad nos diuertit, in hæc lætus verba prorumpens, iam tandem aliquando aduenit hora tot à me votis expetita, eamque noctem in somnem diuinis de martyrio colloquijs illustrauit, horis matutinis peccatis expiatus sacro pane se refecit, his armis tutior in arenam proditurus. Verum cum adhuc eo tempore res Arimensis dynastæ cum Daifachi penderent, auctoribus nostris ad sua redijt, parendi magis studio quàm propria voluntate discedens, habebat

Didaci Gonnio.

*Accurrit ad
spem marty-
rij.*

D

bebat tamen ex neophytis aliquot, qui se quamprimum de omnibus admonerent.

Reuersus ad suos Didacus, Sodalitium cogit in æde sacra, quam nuper extruxerat, cereisque in ara dispositis, quos ritibus Ecclesiasticis nuper consecratos asseruabat, ipse ad omnes de re præsentiperorauit, eo ardore quem spirabat. Denique cum hæc Micauæ ageret, de eo quoque in aula tractabatur, nam cum absens in numero quatuordecim pugilum meritò primas obtinuisset, absens quoque simili cum cæteris proscriptionis pœna damnatus est; Ea denunciatio duos in eius animo motus excitauit admirabiles, alterum lætitiæ, pro eo quod Christi causa dimittebat, alterum mœroris pro eo quod illi vita remanebat; qua vna de causa malè collocatos in imperatoris obsequio labores arbitrabatur, quorum intuitu vita illi pro beneficio concessa dicebatur, hos etiam animi sui motus coniugi, fratribus, sororibus, ipsi etiam ethnica parentirenunciavit, quæ in furem versa contumelijs affectum delirare aiebat, quod non solum sibi ipse suam perniciem volens ac prudens procurasset, sed quod etiam de hoc ipso lætaretur. Noua Didaco ex contumelijs lætitiæ seges, sed & mœroris ex parentis cœcitate. Ergo extemplo fortunis cedens vna cum coniuge & bima filiola in proximum pagum extra fines suos gaudio subsultans emigravit. Ex eo pago literas scripsit ad varios è quibus binas exscribam totidem verbis absque fūco, vt constet ea quæ superius dicta sunt, aut in posterum de alijs dicentur, nihil à verborum lenocinijs, sed ab vna veritate habere quicquid habent ornamenti.

Ita igitur ad P. Hieronymum de Angelis scripsit, qui rem Surungæ Christianam procurabat. Pater mi, à quo sum in Baptismo Christo regeneratus, & à quo fidei luce illustratus, inueni certam ad salutem viam.

Non parum admiror diuinas in me miserationes, quod cum sim peccatorum maximus non dubitauerit me diuina maiestas hoc insigni beneficio afficere, vt in numerum quatuordecim pro sua sancta fide proscriptorum adsciscerer. O mi Pater, quantum est mihi istud beneficium, quod tandem aliquando liberum me vide-

am

Absens proscriptione damnatur.

Epistola Didaci.

am ab aulicis peccandi laqueis, in quos in aula me continua cum ethnicis nobilibus tractatio conijciebat! Nunc ego me felicem existimo, quod liber sim Deo meo. Prius Imperatori Iaponiz & simul Imperatori cœli obsequi contendebar, nunc verò humanis obsequijs expeditus totum me ad diuinam conuertam, hoc beneficium ego sanè pluris æstimo, quàm quicquid ab Imperatore poteram aliquando sperare. Vna res me angit, quod me mea peccata ab exponenda vita exturbarunt. in eius causa, qui suam pro me in cruce dereliquit. Verum de illius bonitate spero fore, vt qui votum dedit, illud expleat, si hoc ad maiorem ipsius gloriam est futurum. Tertiz Lunæ decimoquinto.

Didacus.

Ad nostros autem qui Miaci agebant alias scripsit in hæc verba. Ex Daifachi negotio factum est vt Imperator in domesticos suos Christianos inquiri iuberet, ego ex proscriptis vnus fui, sed indignus martyrio quod optabam, nihilominus lætum sum ob labores qui mihi nunc obuenerunt, hinc breui discedam, vt ex alia epistola, quam mitto, constabit. Ita mihi mea sors arridet, vt totus sim in gratijs Deo referendis, quod nihil mihi supersit, quod à mundo sperem. Hoc erat quod semper optaueram, & quod nunc pro insigni Dei beneficio reputo. Desunt mihi verba, quæ lætitiæ meam explicent. Gaudio cor meum exilit cum occurret, quod Orizæ sacci sexies mille, quos in annuo censu numerabam mihi hodie à domino meo cum regno cœlorum commutantur, Sit ille benedictus. Iam mihi mundus videtur esse puluis ac stercus.

Alia eiusdem.

Cætera cum nos breui viderimus tertiz Lunæ decimoquinto.

Didacus.

Scripsit etiam ad reliquos certaminis sui socios, nec non ad neophytos qui Surungæ degebant, hortatrices literas vt in fide persistenter, & omnes huius procellæ fluctus vt maximi futuri essent exciperent intrepidi, tum extremum vale suauissimis verbis, precibus eorum postulatis, dicebat.

Sed omitti non debet, quid illi cum fratre contigerit. Is natu minor annos natus viginti in fidei causa similem fortunarum

*Hortatur
fratrem ne se
subducatur la-
boribus.*

suarum iacturam in lucro reposuerat, & quia id temporis nauigium è portu in Hispaniam nouam soluebat, eo nauigaturus sese comparabat, quod cum rescisset Didacus omnino illi auctor fuit ne id faceret, hoc est, inquit, venari laudes humanas vltra maria, pro ea iactura quam in religionis causa fecisti, hoc est auxilia humana ab aliquò lucello quærere. Satiùs erit in Iaponia forti animo penuriam, labores, extremam necessitatem, quæ nobis imminet, tolerare, hoc enim patrimonium Dominus electis suis legauit. Quibus consilijs animosus iuuenis fratrem imitatus acquieuit.

*DVORVM FRATRVM EX EODEM NVME-
ro ardor admirabilis.*

CAPVT VIII.

Admirabilior mihi videtur duorum fratrum ardor, qui cum inter inquirendum neglecti fuissent, excludi ab eo numero nulla ratione voluerunt. Duo fratres Imperatoris aulici Christi fidem biennio ante complexi fuerant, eorum alter Ioachim annos natus supra viginti, alter Bartholomæus decimum septimum attigerat. Hi dum inquireretur, quod abessent neglecti sunt, quod cum adhuc nescirent, sed de Imperatoris in Christianos ira solum inaudissent extemplo accurrerunt, vt ibi victoriam præstolarentur, vbi prælij pondus futurum credebatur. Et quia putabant ab ædibus nostris inchoandum, ab ijs seiungi noluerunt, sed iterum sacramentis munici dum primum sua nomina in proscribendorum serie neglecta deprehenderunt, ita perculsi sunt, vt continuis lachrymis madidi nullum admitterent solatium, nec cessere nostrorum consilijs vrgentium, vt ad sua negotia redirent, ad futuros victoriæ si ad prælium vocarentur. Verùm assiduo gemitu & suspirijs hæc ipsa verba sæpius iterasse scribuntur: Eheu nostra nos scelera Surunga eduxerunt, & à serie Christi seruorum excluserunt, vnde vel Martyrij coronam vel certam proscriptionem eramus adepturi, quantum perdidimus! quantum lucrari poteramus. Et quoniam sub noctem exclusos se fuisse audierant, magnam eius partem reiecta omni quiete, suam sortem continuis lachrymis deplorarunt, ea dicentes, quæ non sine animi sensu audiebantur, à quo serio procedebant.

Die

Die in sequenti matutinis horis in palatium se conferunt, & præfectum cuius curæ suberant conveniunt, diuino quem spirabant igne succensi. Cùm de Christianis aulicis inquireretur, inquirunt, ideò quod magno nostro infortunio abessemus neglecti fuimus, etiam atque etiam te rogamus præfeste, ut per te nostra nomina cum ceteris ad Imperatorem deferantur, quem nolumus nescire nos esse Christianos. Præfectus his sermonibus turbatus amicè illos rogat uti sileant quod maximi referret, se pro amicitia secreti fidem seruaturum. Habitis propensæ in se voluntati gratijs, vrgent ne sileat, sibi enim certum esse ad Imperatorem ipsum adire suam religionem ut aperirent, pro ea si res tulerit morituri; simul dicturos ideò se venire quod præfectus id ipsum rogatus renunciarè recusat. Ea denunciatione magis etiam perturbatur, quod iam cum alieno periculo proprium videt coniunctum. Et cum diu frustra illos ab eiusmodi cogitatione deterreret, ne sibi periculum ex silentio accerferet, rogatus eum adit, cui maximè hæc de Christianis inquisitio fuerat ab Imperatore demandata.

Nomina sua cum ceteris adscribi rogant.

Is audita re tota eodem momento iuniorem accersit, ratus in eo minus fore firmitatis, cuius deinde exemplo poterat alter à proposito deturbari. Vocatus igitur tum demum animum composuit, & aulam ingressus inuenit eum qui vocauerat nobilibus stipatum supra octoginta. Quis non adolescentis vice metuat, vnum id ætatis, inter tot, à fratre separatum, in vitæ mortisue negotio perturbatum iri? Sed cum steteritis ante reges & præfides nolite cogitare quomodo aut quid respondeatis, dabitur enim vobis in illa hora quod loquimini, non enim vos estis qui loquimini, sed spiritus patris vestri qui loquitur in vobis. Qui hoc non vidit implementum, quæ sequuntur attentè legat, ut vim gratiæ præsentis & fidei victricis aduertat.

Vocatur iunior à iudice.

Iudex igitur ita eum compellat. Christianus es tu? Bartholomæus elata voce & clara in magno ceterorum silentio, Sum, inquit, & semper ero diuina gratia aspirante. Ex quo tempore, ait Iudex. Iam fere biennium est, respondet, ex quo Christi domini nostri fidem suscepi, qui cælo terræque imperat, & est verus vnicusque seruator. Vide, inquit Iudex, præcipi tibi ab Imperatore, ut legem

*Admirabilis
adolescentis
responsio.*

istam abdicis, quod si feceris, uti faciendum tibi intelligis, ipse re fortunis & honoribus auctum cumulabit. Ego (inquit Bartholomæus supra ætatem responsa sua erigens) accuratè perspexi, extra legem Christi filij Dei salutem nullam reperiri, hanc legem profiteor, hanc in medio cordis mei conseruo, nec ego vivens. b ea discedam, quia æterna homini salus pluris esse debet, quam vita; neque me potest Imperator villa re cohonestare, si ego me perfidiæ in Deum scelere scœdauero. Quicunque sanctam Dei legem seruant honorabiles sunt, quia sunt filij veritatis, principum verò terræ decora & ornamenta non ea sunt ut contumeliam Deo exhibitam possint occultando cohonestare. Hæc dicebat adolescens ceteris silentio & stupore defixis, itaque cum nemine interpellante non nihil substitisset, hæc addidit vocem intendens. Audiat cœlum, audiat terra, audiant quotquot hic adstant quæ dicam, & sint mihi testes confessionis meæ. Malo hoc ipso momento viuus ardere, membratim concidi, aut quodlibet aliud ut horribile sit tormentum subire, quàm in minimo deficere à lege sancta Dei mei.

Hæc eo animi impetu dixit, ut nemo non stupuerit, & iudex præ ceteris, facile enim constitit hanc firmitatem non esse huius ætaturæ, sed aliquid intus aspirasse diuini. Ergo iudex nihil ultra Bartholomæum interpellans, Ioachimum fratrem accersit. Ingressus fratrem videt circumfusa nobilitate stipatum, in aula media iudici ad stare, ac tametsi quid dixisset ignoraret penitus, ex ipsa tamen vultus alicuius animi latebras introspectit, & propius ad fratrem accedens futuro prælio se accingebat. Verum iudex mutato consilio, ne bis coram tot testibus vinceretur, omnes dimisit; ipse verò nec tentata ulterius eorum firmitate, imo nec interpellato Ioachimo, rem ad Imperatorem retulit, cuius iussu ad ceteros duodecim adiuncti numerum quem dixi athletarum quatuordecim expleuerunt, & eadem proscriptione damnati hoc suo ardore omnibus admirabili absentiam suam compensarunt. Qua sententia ita recreati sunt, ut animis compositis lacrymæ, suspiria, gemitusque cessarint; nam à iudice triumphum seportantes, cum ad nostros domum rediissent, in hæc ver-

ba proruperunt, In æde sacra manibus in cœlum elatis Domino gratulantes, Nunc domine, nunc serui tui sumus electi ac dilecti, tua sancta lex nos seruat, tua sancta lex nos honorat &c.

Non eadem fuit vnus è delatorum numero defectoris constantia, nam cum initia certaminis pari cum ceteris animo sustinisset, turpiter tandem à Christo defecit. Is Casioie vocabatur, Imperatori gratus in paucis, & arcis cuiusdam præfectus magna rei militaris apud omnes opinione. Is duobus ante hos tumultus mensibus vnâ cum primogenito & aliquot famulis salutaribus aquis expiatus Christo nomen dederat, sed pari sententia damnatus propinquorum hortationibus & iacturæ sensu adductus est, vt à Christo recederet. Eares à propinquis ad gubernatores inquisitoresque delata, & ab ijs ad Imperatorem. Quid expectas? quod illi? gratiam Imperatoris, novos honores, aut proscriptorum pro munere fortunæ? alia omnia consecutus est, nam quod Imperator in alios non fecit, in hunc vnum debacchatur, abiecti animi virum & pusilli appellat, quem fortunarum sensus ab eo quod rectum semel iudicauerat elegeratque, auerteret. Ita miser honore simul ac fortunis excidens, nec sperata obtinuit, nec ante possessa retinuit. Cuius vt est excusabilis lapsus ab recenti legis tirocinio, ita miseranda conditio, cum hodie hominum oculos fugiat, qui poterat cum socijs de tyranno triumphare.

Deficit vnus à fide.

Gratia Imperatoris & bonis nihilominus excidit.

IN HONORARIAS AVLÆ MATRONAS INQUIRITUR.

C A P V T IX.

NON satis fuit ab aulicis suis ac pueris honorarijs turpiter in fidei causa superari, nisi etiam à fragiliore sexu ac ætate turpius vinceretur. Proscriptis igitur vt scripsimus huius certaminis primipilus in honorarias aulæ suæ matronas inquiri iuber. Delatæ sunt statim tres nobiliores vel san-

*Trium ma-
tronaſque
conſtantia.*

sanguine vel officijs, in quas nisi reſiſſerent ſeucrius iuſſit ani-
maduerſi. Iuliam, Luciam, & Claram. Ergo vt primo impetu me-
tum conciperent, in cubiculum tres ſimul recluduntur, Eo prima-
riæ tyranni pellices aliæque nobiles matronæ aliæ poſt alias conue-
nerunt & pro ſe quæquerationibus ab ira regia, ab ætatis flore, à di-
uitijs ac ſperandis honoribus, à tormentorum metu petitis conan-
tur fortiffimas matronas de propoſito deturbare. Sed illæ viragi-
nes ignea nequiſſimi tela clypeo fidei retuderunt ita fortiter, vt a-
miſſa ſpe defectionis tota res ad Imperatorem denuo deferri de-
buerit.

Ille quam debuerat in fragili ſexu admirari conſtantiam, eò
tulit impotentius, quo faciliori prælio vinci turpius videbatur. Ni-
hilominus diſſimulato cum duabus furere, vnam in Iuliam conge-
rit vniuerſum. Erat Iulia Corea natione, belli ſub Taicoſama Coria-
ni militaris præda, quæ ab Auguſtino illius belli duce domi à tene-
ris annis liberalius habita propter eximia virtutis ac naturæ dona,
extincto Auguſtino ad Daiſuſamam tranſierat non minus illi grata
quam Auguſtino, vnde cum ipſe Iaponiæ imperium occupaffet, ab
eo in præcipuis aula matronis fortuna ſua fortunatior habebatur.
Et quoniam apud Auguſtinum educata Chriſti fidem altè imbibere-
rat, eam adhuc vſque tempora vna cum Chriſtianæ pietatis laude
conſeruauerat. Imperator igitur, Minus, inquit, moleſtè ſero Lu-
ciam & Claram ſibi conſtare, verum Iuliam captiuitatis ſuæ imme-
morem ac beneficiorum quæ apud Iaponiæ Imperatorem ingrata
repererat, iuſſis meis repugnare, ferenda non eſt contumacia. Socias
itaque nunc quidem liberas ſuis locis reſtituant, ſed Iuliam iterato
aggrediantur iubet.

Nobilioreſ igitur matronæ aliquot ad Iuliam adeunt, monent,
nihil vltra cunctandum poſt formidabilem iram illius à quo tot
beneficia inuita ſua fortuna recepiffet. Ad hæc ita Iulia reſpondit,
nam in his hortatorum aries librabatur. Negare ſe non poſſe quin
Imperatori plurimis maximisque beneficijs eſſet obnoxia, quibus
conata fuiſſet ante hac ſemper, & etiamnum cuperet omni obſe-
quiorum genere reſpondere. Verum eſſe alium cœli terræque
moderatoreſ à quo plura recepiffet; nam præter ea, quæ ſunt illi
cum

cum ceteris communia : Agnosco, inquit, in mea captivitate diuinam manum cuius fauore factum est, vt Augustini beneficio demedio nationis prauæ educta verum Deum & vnicam ad salutem viam reperirem, quo scolare me astringerem, si clementis domini beneficia proijcerem, & quæ à mortali principe accepi diuinis ac immortalibus anteferrem ? Vrgebant nihilominus vt ore saltem Imperatori obsecundaret, cor suum Deo suo qui corda inspicit reseruaret, negauit se illi quicquam detracturam, à quo nihil non accepisset. Hoc responso in furias versæ hortatrices, Iuliam barbaram, seruam, ingratam, sine sanguine ignobilem, rusticam aliisque nominibus contumeliosè compellant. Sed Iulia contumelijs in patientiæ cumulum congestis silentio suo primam tenuit firmitatè.

Quæ venerant hortatrices eum furorem secum extulerunt, vt calumniatrices esse maluerint, quàm tantæ virtutis in suo sexu laudatrices. Constituunt enim apud Imperatorem illius integritatem in dubium vocare, deferentes clam extra palatij septa nonnumquam excessisse. De hac re secundum iura inquiri iubet Imperator, constititque illam non alias egressam, quàm vt in ædem sacram non sine pudicitie suæ testibus rei diuinæ causa se conferret. Nota item eius probitas virtutum omnium exemplar ipsam omnium calculo calumnia liberabat. Vnde quod maximè voluerant mali artifices, vt alio quàm religionis prætextu infami morte damnaretur, nullo modo impetrarunt; nam integritatis fama non minus quam sanctitate religionis iã ex calumnia clarior hoc solo nomine quod Christum nollet abdicare, proscribitur.

Julia pudicitia in dubium frustra vocatur.

Et quoniam in eius exilio multa sunt posteritatis memoriã non indigna, exultantem tantisper comitemur. Primum igitur, in Insulam Oximam relegatur, in eum finem Vrbano Prætori tradita. Iacet Oxima ad meridiem regni tdu, sed ad Orientem Surungæ littora respicit. Mirum quantum Iulia hac denunciatione sibi ac Deo gratularetur, exilium in præcipuis diuinæ munificentie beneficijs meritò reponens, ac tametsi fortunis planè omnibus, famulis ancillisque exuta (præter vnicam quam illi neophyti dederant, & vt eius obsequio vteretur ægrè impetrarant) nihilominus illa præclarè secum actum dicebat quod opes suas id est sacram suppellectilem

E

secum

Insigne in Insula pro Christo patiendi desiderium.

secum efferre sineretur. Aberat portus Agiro dictus itinere terrestri leucas nostrates omnino quindecim. Eo cum custodibus intra lecticam deportabatur, & quo animo ferret exilium insigni facto demonstravit, nam desiderio patiendi æstuans cum in lecticæ suæ commoditatem animum reflexisset, pudere cœpit, quod in exilium lectica deportaretur. Extorta igitur à custodibus facultate nudis pedibus in terram exiit, aulicis delicijs per vniuersam vitam tenerè educata. Erat iter asperum & saxis oblitum, sed omnia vincebat de Christi tormentis cogitatio Christum dominum cum in Caluariæ montem adreperet, non lectica gestatum, non calceatum, & ad hæc omnia sua cruce onustum in montem euasisse, non sine lapsu frequenti multoque sanguine totum iter designante; quod cum illa ita faceret, ut iam nec vires sufficerent, ut à militibus in sellam retrusa iter suum quo nollet modo prosequi cogitur, cum enim vulgò crederetur eam ab ipso portu à tyranno reuocandam, nolabant videri minus comiter sibi creditam tractauisse.

Litteræ Iulie ad P. Visitatorum Societatis.

Verùm res aliter cecidit, nam parata eam in portu nauicula præstolabatur, è quo breuissimis literis ita post nonnulla Societatis nostræ Visitatorem P. Francisco Passio vale fecit. Magna mecum misericordia vsus est Dominus ex ea occasione, quæ nuper in aula successit. Relegor in insulam Oximam. O quantum in me diuina prouidentia se ostendit inestimabilem, quod cum nullo antea acto meo in eam obsequio quicquam meruerim, hoc me tam insigni beneficio afficit, quod ego plurimum æstimo, & me comparatam inuenio ad labores quoslibet æumnasque alacriter tolerandas. Itaque mea causa nullam curam R. V. subeat, præter eam quæ in sacrificijs ac precibus mei memoriæ excitabit, literis etiam suis subinde me solari non omittat, non enim deerunt, in eam insulam quicquid ferant. Vrgeor ad soluendum, ac ideo sum breuior. Tertiæ Lunæ vigesimo sexto.

Aderant, cum solueret Iulia, neophyti quidam, quibus cum terrerrimis lachrymis madida valediceret, ait, duo se in hoc exilio sentire, quod Missæ sacrificio & peccatorum confessione fortasse in perpetuum esset caritura, Et, quod spem omnem seipsam in martyrii sacrificandi deponeret. Ad hoc secundum intulit neophytus audiscite se

se se à quodam è Societate, quem nominabat, Ecclesiā non paucos martyres colere, qui siccam sine sanguine inter exilij labores mortem obierant. Ea re ita recreata est, ut in ipso portu literas ad nostrū scripserit, quibus gratias agebat, quod sibi talem doctrinam opportunissimo tempore per eū neophytum Deo ita volente ingessisset.

Ergo iam lætior soluit in insulam, quo cum peruenisset incolumis, intra dies triginta in vltiorem ac minorem Nyxima nomine denuo relegatur. Aberat à Surungæ littoribus prior leucas 20. posterior à priore leucas quinque. Hic tamen exilij locus ex aliarum mulierum, quę è Dairi palatio fuerant relegatę consortio commodior erat, nam cum alias inter se notę essent sibi mutuo solatio simul esse poterant & auxilio. Sed non diuturna fuere solatia. Nam ad maiorem meriti segetem post dies quindecim in tristem scopulum cui nomen Cozuxima sex vltius leucas tertio deportatur, in quo præter labores ac merita nihil erat earum rerum sine quibus vitā non ducitur, nisi quas septem octoūe piscatores tenuissimi arte sua in straminea sua mapalia inuehebant, nec vllū illi ab Imperatore vitę subsidium suppeditabatur, qui id vnum agere videbatur, ut nouis quotidie laboribus exercitam in suam pertraheret voluntatē.

*Ter Insula
punitur ex-
ilij locus.*

Verūm operę precium videre est quantum vnā cum laboribus fortissimę matronę virium animique accesserit, quod maximē colligere licebit ex literis ad P. Moresonium è nostra Societate Sacerdotem à quo baptismum susceperat, & Miaci rei præerat Christianę; dicebat enim se in eo scopulo sibi videri ditissimam, ac lautius aliquanto viuere, quā cum in palatio degeret, ita cœlestibus à sponso suo solatijs recreabatur postquā humana deessent. Nā etsi non parū sentiebat priuari se Missę sacrificio sacramentorūq; vsu conari se tamen quę deerant quotidiana rerum cœlestium commentatione supplere, qua in commentatione sibi suum scopulum Caluarie montem esse fingebar, in quo, ad pedē Crucis Christi, sibi statuebat esse cū eo moriendum; à quo deinde petebat enixē suā sibi peccata cōdonari. His exactis fingebar sibi se missę sacrificio interesse, & ad singulas illius sacrificij partes aliquid de Christi tormentis animo tractabat maxima semper animi suauitate ac cœlestis solatij copia inundata. Et quoniam ibi vitā exigere cupit & cogitat, ab

eo petit sibi libros mitti, quires ab Apostolis ac Martyribus & virginibus gestas continent. Item petit ad suas commentationes distribuendas clepsydram, & ad sacrificij memoriam excitandâ cereos duos ac tintinabulum. Rogat item, ut sibi imago mittatur, in qua expressa cernatur aræ, ac sacerdotis sacro operantis effigies cuius aspectu efficacius sacrosancti mysterij memoriam possit renovare, quando eius præsentia iam frui prohiberetur. Ita quo remotius ab hominum consortio seiuncta, eo propior cælo videtur continuis cum sponso suo colloquijs detineri. Felices animas, dignasque quas tot periculis ac laboribus per vltiora, si fuerint, maria velligemus.

ARIMENSIS. EXREGVLVS. IN EXILIO.

lio capitis damnatur.

C A P V T X.

*Quid in altera
regia gerere
teint.*

INhunc modum primus tyranni furor in Christi gregem Surungæ defœuijt, in altera porro regia yendo nomine, imperij hæres præter edicta prioribus aciora nihil aliud innouauit, nam cum antea solis nobilibus non etiam vulgo Christiana religione interdiceretur, nunc æquè ad omnes legum suarum acerbicatem extendit, & si qua in re parenti sua tarditate defuerat, anno insequente quifuit salutis nostræ 1613. tarditatem grauitate pœnarum & rerum multitudine compensauit, ea suo loco, seruato rerû ordine, persequemur. Nunc verò antequam in Arimensem agrum quo seproximus turbo intulit diuertamus, Arimensem exregulum Ioannem quem in exilio reliquimus, reuifamus, eique morienti iusta persoluamus.

Degebat Ioannes vna cum iusta coniuge in exilij sui loco, ita iam alius à se ipso ut hanc illi ad salutem viam clemens Dominus aperuisse videretur. Nam tamen si vitæ antea actus cursus non rarò à recto vitæ Christianæ tramite deflexisset, tanta tamen erant eius in Ecclesiam Iaponensem merita superiorum annorum annalibus abundè cantata, ut hanc à Domino gratiam extorserit, æternas nimirum pœnas cum breuibus commutandi. Longum esset narrare quam vitæ rationem auctore semper iusta teneret, quæ illum frequen-

quenti priorum auctorum lectione ad rerum diuinarum sed maxime dominicæ passionis commentationem tempori accommodatam inuitabat. Qui Ioannem nouerant Arimensem dynastam, non pauci ex eius animo satis impotente coniciebant illum tot malis superatum, sibi more laponensi violentas manus dissecto ventre illaturum, sed defellit omnes subita commutatio, nam quæ multos solet sæpe calamitas tristitiæ nubibus obscurare, Ioanni mentis oculos aperuit, ut videret, quàm vanæ sint mortalium spes, quàm vana per tot labores illarum venatio, quæ si non fallit insectantes, ut solet, sua tamen quam offentat venustate deludit. Agnoscebat in hoc suo infortunio præsentem Dei manum criminum pœnas à se velut vlcera saniem medicæ crudelitate repetentem. A coniuge petijt secretorum conscia, uti quæ continuo tot annorum contubernio in se delicta aduerterat in commentarios redigeret, quos ipse postea sæpius euoluens ad singulæ pœnitentiæ animum contentis actus quo sensu poterat iterabat, sæpe cum famulis ea detestabatur, & quæ poterat compensatione sarciebat, frequens illi Arimensis Ecclesiæ cura, ne quod in hac rerum perturbatione caperet detrimentum. Vnum sæpe querebatur, nullam sibi per Imperatorem fidei profitendæ spem relictam, ut in Christi causa moriens proprio in sanguine peccata mergeret, & offensionem Ecclesiæ laponensi datam exemplo recentiore sarciret.

Et quoniam ad hæc omnia Iustam habebat hortatricem, quæ fuerit illa non erit abs re breuiter attingere. Illa nobilissima stirpe orta primis nuptijs parem inuenerat maritum, quem intra paucos annos lugens annorum viginti præmaturam viduitatem cum Ioanne Arimensi dynasta, agente magno illo Augustino, contrahens solata est. Nondum erat tum Christianis sacris imbuta, sed cum Arimam venisset, mariti auctoritatem & exemplum secuta anno post Christum natum 1599. à P. Alexandro Valignano, qui tum Visitationis officioungebatur, salutaribus aquis expiata ita deinceps Christianæ pietatis exemplo præluxit, ut nihil mirum sit eam tot annorum exercitationem ad hanc fortunam fortiter ferendam attulisse. Sed ad Ioannem redeamus.

Is tamen si hac viuendi ratione ærumnas suas falleret, nonnun-

E 3

quam

*Ioannem
exilio Gemen-
di cum Iusta
conjugera-
tio.*

*Iusta Ioanni
coniunx qua-
sit.*

*Quæ causa
mortem illi
procurauit*

quam tamen iniuriarum ab ijs illatarum quibus nihil nocuerat memoria antiquos impotentis animi impetus suscitabat, ac tametsi eos intra rationis limites contineret, videbatur tamen sibi nihil proposito suo aduersari, si calumnias aliquas elueret, si nonnullorum animos datis literis mitigaret, si exilij sui fortunam, infortunio potius quam vllis in Imperatorem offensionibus arrogaret. Ergo subinde ad magnates aliquos modestas de rebus huiusmodi literas dabat. Sed quia pauci sunt qui cum aduersa fortuna conseruent nedum contrahant amicitias, nihil his literis prodesse sibi potuit, nocere quamplurimum, quod nihil intererat amicorū desperato succurrere, inimicorum referebat etiam desperatum opprimere. Nouerant illi Ioannem natura sagacem, nec facile quieturum, nouerant eloquentem, & nonnullis calumnijs oppressum denuo posse emergere. Ergo Michael ipse filius agente pellice Imperatoris pronepte, & Sasioie malorum omnium incentore & consiliorū Michaelis ex Imperatoris mandato, moderatore, filius inquam, prohi nefas, parenti mortem machinari maluit, quàm sui status amittendi, quem nuper impetrauerat, discrimen incurrere. Sed perdidit, vt videbimus, illius industria, qui tantorum scelerum author fuerat Sasioie. Cum igitur in itinere Arimam repetentes tantisper substitissent, in regiam remittunt, qui nouis criminationibus exulem obruant, nec difficile fuit inauditū & amicis destitutum, presentium ac potentium fauore opprimere. Ergo Imperatoris iam offensi voluntate, capitis damnatur.

Capitū sententia Ioannem annuuntiat.

Hanc vltimam Imperatoris voluntatem Ioanni renunciandam & exequendā senatus regius gubernatori illius oppidi in quo exulabat, & filio gubernatoris Miacensis demandauit. Ij stipati supra centum & quinquaginta militū satellitio, quinto Iunij anno 1612. cum illucesceret Ioannis ædes obsident, & Ioanni renunciari iubent, vt nisi sententiam in se capitis admittere velit, ventrem sibi de more laceret. Hanc subitam sed non planè, inexpectatam denunciationē Ioannes tanta vultus serenitate animiq; magnitudine excepit, vt pacatissimè responderit, non deesse animosas manus quas sibi violentas adferret, nisi Christiana lege quam à iuuentute professus in morte cōseruabat, à tā immani scelere deterreretur, interim præscripturum se rationem, qua regia voluntas effectum sortiretur ita pacatè, vt qui aduenerant militibus nullis armis esset opus.

Nam cum in simili casu solenne sit famulis per medios licitorum

enſes ruere, vel heri mortē ulturos vel inter vlcificendum perituros, omnes ad ſe quamprimum vocat, rogātque vt ab omni iniuria ſibi temperent, neq; ſe viuū aut mortuū vllo tempore vlcificantur, memores ſe Chriſtiana religione manſuefactos à barbaris Iaponiæ legibus defeciſſe. Nec eorum promiſſis fidens, petijt etiam atq; etiā, vt in ſui gratiam arma huius expeditionis ducibus tradenda exuerent, hoc vltimum fore, quod eos eſſet in hac vita rogaturus, poſtremum hoc ægrè, tandem tamen impetratum. Et quoniam aliam eſſe nouerat conſuetudinem ſuperiore ferociorem, vt aliquot è ſamulis, quos accepta beneficia hero arctius obligaffent, diſciſſo ventre vna cum ipſo proprijs manibus interirent, quod mortuus impedire non potuiſſet, accepto à ſingulis ac luſtæ coniugi, quæ huius auctor fuerat, tradito in ſcriptis Sacramento, fore neminem qui hoc lugendi genere fidem in herum ſuum barbarè teſtaretur, viuens impediuit. Ad hæc ſtupebant è liſtoribus aliqui, cum inaudita Iaponiæ, Chriſtiænæ manſuetudinis facinora ſpectarent.

Qua cum ſamulis egerit

His ita peractis ad expeditionis duces è ſuis vnum emittit, qui renunciēt Chriſtianos nonnulla quæ ad ſalutem animæ ſuæ ſpectant, hoc extremo vitæ ſuæ tempore procurare, petere ſibi ad ea concedi non diuturni temporis interuallum. Libenter illi ac vrbane conceditur. Accerſit igitur amanuenſem, & aliquot literas ſcribenti dictat ad nonnullos de hoc in quem deuenerat extremo vitæ ſtatu, voluit tamen à ſolita ſcribendi formulâ quæ ventrem diſſectum ſonat abſtineri & Chriſtianum loquendi morem aperte ſubſtitui. Inter eas literas vnas ad filium dedit, modèſtas illas & Chriſtiano parente dignas veniā ab eo ipſo petens, à quo maxime fuerat offenſus. Idē Sapiē per literas officiū exhibet, etſi non ignoraret ſibi ab illis mortem procuratam. Ad propria deinde morientium auxilia ſe conuertit, Euangelicam ſibi de ſeruatoris noſtri tormentis narrationem prælegi non curſim iubet; tum breuem de poenitentis animi ſincera contritione commentarium, cuius actus quàm potuit tēerrimos, vt facilè mors imminens eliciat, iterabat, & vt confeſſionis partem qua poſſet arte ſuppleret, gemitibus coram ſacra imagine poſitis, grauiffima quæ tū occurrebant memoriæ delicta clara voce coram omnibus ſamulis commemorabat, ad quos conuerſus demiffiſſimè præteritarū in eos offenſionū veni-

Ad mortem ſe comparat

*Que causa
mortem illi
procuravit*

quam tamen iniuriarum ab ijs illatarum quibus nihil nocuerat memoria antiquos impotentis animi impetus suscitabat, ac tamen si eos intra rationis limites contineret, videbatur tamen sibi nihil proposito suo aduersari, si calumnias aliquas elueret, si nonnullorum animos datis literis mitigaret, si exilij sui fortunam, infortunio potius quam vllis in Imperatorem offensionibus arrogaret. Ergo subinde ad magnates aliquos modestas de rebus huiusmodi literas dabat. Sed quia pauci sunt qui cum aduersa fortuna conseruent nedum contrahant amicitias, nihil his literis prodesse sibi potuit, nocere quamplurimum, quod nihil intererat amicorum desperato succurrere, inimicorum referebat etiam desperatum opprimere. Nouerant illi Ioannem natura sagacem, nec facile quieturum, nouerant eloquentem, & nonnullis calumnijs oppressum denuo posse emergere. Ergo Michael ipse filius agente pellice Imperatoris pronepte, & Sasioie malorum omnium incentore & consiliorum Michaelis ex Imperatoris mandato, moderatore, filius inquam, pro nefas, parenti mortem machinari maluit, quam sui status amittendi, quem nuper impetrauerat, discrimen incurrere. Sed perdidit, ut videbimus, illius industria, qui tantorum scelerum author fuerat Sasioie. Cum igitur in itinere Arimam repetentes tantisper substitissent, in regiam remittunt, qui nouis criminationibus exulem obruant; nec difficile fuit inauditum & amicis destitutum, presentium ac potentium fauore opprimere. Ergo Imperatoris iam offensi voluntate, capitis damnatur.

Capiti sententia Ioannis annuntiatur.

Hanc ultimam Imperatoris voluntatem Ioanni renunciandam & exequendam senatus regius gubernatori illius oppidi in quo exulabat, & filio gubernatoris Miacensis demandauit. Is stipati supra centum & quinquaginta militum satellitio, quinto Iunij anno 1612, cum illucesceret Ioannis aedes obsident, & Ioanni renunciari iubent, ut nisi sententiam in se capitis admittere velit, ventrem sibi de more laceret. Hanc subitam sed non plane inexpectatam denunciationem Ioannes tanta vultus serenitate animique magnitudine excepit, ut pacatissime responderit, non deesse animosas manus quas sibi violentas adferret, nisi Christiana lege quam a iuuentute professus in morte conseruabat, a tam immani scelere deterreretur, interim praescripturum se rationem, qua regia voluntas effectum sortiretur ita pacate, ut qui aduenerant militibus nullis armis esset opus.

Nam cum in simili casu solenne sit famulis per medios lictorum

enses ruere, vel heri mortē ultimos vel interultiscendum perituros, omnes ad se quamprimum vocat, rogātque vt ab omni iniuria sibi temperent, neq; se viuū aut mortuū vllō tempore vlciscantur, memores se Christiana religione mansuefactos à barbaris Iaponiæ legibus defecisse. Nec eorum promissis fidens, petijt etiam atq; etiā, vt in sui gratiam arma huius expeditionis ducibus tradenda exierent, hoc vltimum fore, quod eos esset in hac vita rogaturus, postremum hoc agrē, tandem tamen impetratum. Et quoniam aliam esse nouerat consuetudinem superiore ferociorem, vt aliquot è famulis, quos accepta beneficia hero arctius obligassent, discisso ventre vna cum ipso proprijs manibus interirent, quod mortuus impedire non potuisset, accepto à singulis ac Iustæ coniugi, quæ huius auctor fuerat, tradito in scriptis Sacramento, fore neminem qui hoc lugendū gēnere fidem in herum suum barbarē testaretur, viuens impediuit. Ad hæc stupebant è lictoribus aliqui, cum inaudita Iaponiæ, Christianæ mansuetudinis facinora spectarent.

Quia cum famulis egerit

His ita peractis ad expeditionis duces è suis vnum emittit, qui renunciet Christianos nonnulla quæ ad salutem animæ suæ spectant, hoc extremo vitæ suæ tempore procurare, petere sibi ad ea concedi non diuturni temporis intervallum. Libenter illi ac vrbane conceditur. Accersit igitur amanuensē, & aliquot literas scribenti distat ad nonnullos de hoc in quem deuenerat extremo vitæ statu, voluit tamen à solita scribendi formula quæ ventrem dissectum sonat abstinere & Christianum loquendi morem apertè substitui. Inter eas literas vnas ad filium dedit, modestas illas & Christiano parente dignas veniā ab eo ipso petens, à quo maxime fuerat offensus. Idē Sasio per literas officiū exhibet, etsi non ignoraret sibi ab illis mortem procuratam. Ad propria deinde morientium auxilia se conuertit, Euangelicam sibi de seruatoris nostri tormentis narrationem prælegi non cūsum iubet; tum breuem de pœnitentis animi sincera contritione commentarium, copius actus quàm potuit tenerrimos, vt faciliè mors imminens elicias, iterabat, & vt confessionis partem qua posset arte suppleret, genibus coram sacra imagine positis, grauissima quæ tū occurrebant memoriæ delicta elata voce coram omnibus famulis commemorabat, ad quos conuersus demissimè præteritarū in eos offensionū veni-

Ad mortem se comparat

veniam postulauit, ea verborum lenitate vt nemini non lacrymas singultibus mixtas excusserit; tum quod abeuntes aut morituri apud Iapones solent, aut vini aut aquæ feruentis vasculum puluere cuiusdam herbæ permixtum coniugi primum, ac famulis deinde singulis propinauit, eaque omnia ea vultus serenitate, & animi quiete faciebat, vt non iam moriturus, sed tantum abiturus videretur, quibus ita suorum corda mollebat vt nemo quicquam eloqui, nec nisi singultibus ac suspirijs animi sui potuerit sensa patefacere. Quin ethnicis ipsis aliquot, qui ingressi fuerant, spectatores, triste sed pium spectaculum, ex oculis lachrymas ab utroque motu excitas exprimēbat.

P. MONTANUS.

Demum ad extremam huius traggædiæ catastrophē venit, duas è storeis more Iaponensi compositas culcitrās alteram alteri superponi iubet, in suprema illarum parte Christi pendentis piam effigiem inter duos cereos accensos mediam statuit, tum in culcitrās conscendens vestem ad amputandas ceruices sibi ipse componit. Et quia Iapones ignominiosum putant plecti se ab ijs qui eò in eum finem destinabantur, liberum illis est, à quo maximè velint, ictum præstolari, qui tum publicus iustitiæ minister habetur, maximè quod etsi multa in Ioannem accusatores confinxissent, propter nonnulla tamen non vt innocens plectebatur. Hac igitur ex causa vnum ex famulis qui sibi ceruices amputaret, designauit. Aderat huic spectaculo Iusta, quæ animo virili dolorem dissimulans ad ea maritum hortabatur, quæ tempus exigebat. Denique genibus flexis cum aliquo temporis spacio sola mente se Domino commendasset, inclinato capite percussori signum præbens vnico ictu obtruncatur. Iusta caput extemplo arreptum tenerè osculata, truncoque corpori mox reddens sibi hætenus similis in interius cubiculum se recepit, vbi naturæ castoque amoris fræna laxans, lachrymis viam aperuit, ac Domino infortunium hoc suum & exilium, quod ipsa insons patiebatur offerens, suam cum ipsius voluntate composuit, & iam seculo nuncium remittens more patriæ crinem rasis, cuius exemplum quæ illam comitabantur imitata, famulis, vt idem facerent, præiuerunt.

Ad extremum huius spectaculi actum ingressi fuerant duces duo,

duo, quorum intererat & ex militibus alij spectaturi. Horum omnium communis fuit admiratio, nec paucorum comploratio, tum à ducibus herum sepeliendi facultas data: quod factum est more per omnia Christiano comitantibus honoris causa expeditionis huius ducibus cum vniuerso satellitio, sub noctem instituta. Funeris pompa hoc habuit admirabile, quod quidam ex neophytis clarè distinctèque cantantium Sacerdotum & alumnorum voces precesque pro vita functis Ecclesiastico more recitari solitas audiuisset referabant. Quod cum famulus ille qui herum obtruncauerat clarè percepisset, ad iustam accessit interrogans ecquid audiret, audiebam inquit dudum, sed rata me fortè solam audire, dissimulabam. Die tamen insequenti cum ad explorandum nonnulli accessissent nihil vltra audiuerunt.

Atque hunc maximè finem habuit Ioannes Arimensis Exregulus, in quo Deus Ecclesiæ Iaponensis exemplum statuit non impunè à neophytis Christianam seruata fide (quod ille semper fecit ac procurauit integerrimè) negligi pietatem, nec principum rationibus diuina iussa postponenda. Is enim bis graue toti Iaponiæ dederat offensionem, primam cum Imperatoris iussu Christianus Christianorum onerariam inanem pertæsus vindictam aperto Marte conatus est deprædari, alteram cum Ecclesiasticis ritibus illigatum coniugij filium nouis sacrilegisque nuptijs cum Imperatoris pronepte implicari permisit. Et factum est vt inde illi extrema tandem pernicies obuenerit, ac post eum deinde, vt suo loco dicitur, filio prope extrema, vnde rerum suarum sperauerat incrementa. Elusit quidem Ioannem antiquæ possessionis, qua antè maiores potiti erant, desiderium, quot vt facilius assequeretur, in prædictum libens consensit filij connubium. Licet enim illud nefarium esse intelligeret, alia tamen via id etiam se nolente futurum providebat, quo facto grauem sibi Imperatoris iram & filio similtates conflare timebat. Accedebat ad hæc, quod accepta, quam sperabat, prouincia, omnibusque gentilium superstitionibus ex ea euulsis, nouisque Deo templis erectis, contractam culpam abundè expiandam existimaret. Sed cum postea insperatus rerum sefellit euentus, serò lamentantem atque errorem suum fatentem, cum diceret

F

Deum

Deum peccato ad vniuersæ Iaponiæ conuersionem non indigerè, neque felices habere exitus, quæ via non iusta procurarentur. Quòd si tamen eiusmodi aliquid ex animi sententia aliquando succederet, Deieffe, quicquid in eo boni inesset, ad mortales verò solum delicti sui malum pertinere. Itaq; priusquam Surungam proficisceretur cuncta ante actæ vitæ flagitia manantibus lachrymis expiauit.

*Ioannis olim
somnia ad-
mirabile.*

Quod iam diu antè videtur illi diuinitus esse prædictum. Cum enim, vt ante dixi, sub annum 1590. prodigiosa crux Arimensi in agro apparuisset, paulo antè quàm proderetur viso nocturno est in hæc verba præmonitus: Quare in finibus tuis Crucem non humana manu factam, si bene vixeris illius ope te ac tua tuebor, si contra feceris ego te ac tua perdam; quod qui hæc legerit ad finem in Arimensi regno videbit impletum. Sperari tamen merito debet de morte ita piè Christianeque obita iacturam illam, ex peculiari Dei fauore, intra huius vitæ terminos constituisse.

*Quid Iusta,
quid eius fa-
mulis postea
factum.*

Iusta nondum mariti morte satis luisse visa est Imperatori, quæ non admiserat, nam in eo ipso exilio arctius custodiri iussa est nec ad domestica obsequia permitti nisi duas ancillas & tres famulos retinere, quam solitudinem ita tulit, vt filio, quem ex primis nuptiis susceperat spondenti, se libertatem impetraturum, respondisse dicatur, sibi certum esse totum triennium ad mariti tumulum preces fundere; quo exacto se illius ossa Nangasaquium vel etiam Macaum extra Iaponiam vna cum Patribus Societatis, si eo relegentur, elaturam. Eiusdem Imperatoris iussu famuli omnes traditi sunt Michaeli apostatæ, parricidæ & breui tyranno Arimensi; qui spectata heri sui morte mores ita composuerunt, vt qui liberius vixerant, se collegerint & firma de seruanda Christi fide, si ad eam abdicandam ab hero recentiore laceffantur, proposita conceperint.

ARIMENSIS DYNASTA NEOPHYTOS

persequi aggreditur.

C A P V T XL

*Persecutio
turbini
comparatur.*

NON ineptè hæc in Iaponensem Ecclesiam procella, turbini comparatur, qui ab vna cœli parte ingruens omnes quidem si- mul

mul territat, sed non omnes vnà obruit; ita vicissim illa ex alio in aliud regnum transuolans, pæne singulas Iaponiæ partes afficiens, tandem tamen occupauit vniuersas. Et quoniam secundus imber è regia in Arimensem agrum se transtulit, quam stragem ediderit, & quæ messis imbrem intrepida sustinuerit, ac primum quæ Arimæ, tum quæ in cæteris oppidis gesta sint, videamus.

Nouus itaq; Arimensis agri dynasta (quem ex nominis similitudine delusus audio nonnullos arbitrari, eum esse qui Pontifice Gregorio XIII. vnus è quatuor legationem è Iaponia primam ad sedem Apostolicâ detulit, hic enim biennio ante in lucē editus legatus esse non potuit) dynasta, in quam, interim dum in itinere parenti mortē molitus cum Sasioie moderatore suo subsistit, præmittit è sua nobilitate quatuor omnino sibi deuinctiores, qui magna stipendi militum manu suo nomine regnum adirent possidendū; qui tamen si ne quas absente regulo turbas mouerent, nihil circa neophytos aut religionē, quæ sola erat in eo regno Christiana, innouarunt, edicto tamē cauerunt, ne quis iniussu suo ac sine chirographo Arimensis agri fines excederet. Itaq; ad mare portus clausi, terrā militares excubiæ vias occuparunt, excundi facultas indigenis non agrè, nostris autem nulla permittebatur, vt pro ijs solis edictum vulgari appareret.

*Edictum ne
quis regna
Arimensi
excederet.*

Totos dies quadraginta ea ratio suspensos omnes tenuit, cumque nihil boni ominarentur, meliora tamen continuis à Deo precibus expetebāt. Tandē pridie illius diei quo Spiritus Sanctus nascenti Ecclesiæ mirabiliter illapsus est, aduenit ciuium suorum perturbator qui consolator esse debuisset. Ximabaræ portus est Arimensis agri, quò primū appulerat, hic tantisper subsistit, dū principes cōuenirent in vnum aduersus Dominum & aduersus Christum eius. In hoc cœtu id potissimū cū impijs agebant: Dirumpam⁹ vincula eorū & proiciamus à nobis iugum ipsorum. Quod vt facerent accommodatiūs, eligunt è cōfessorū numero tres fidei Christianæ desertores, qui quod fecerant, alijs persuaderent, & efficacius, quod illorū intererat culpā suam eleuare, & vtraq; manu verbo exemploque erroris sui socios euocare. Eos inter primarius erat inueteratus dierum malorum senex, quondam in ea secta, lenxus vocant, quæ animum negatiū mortalem Sacrificulus, qui tempori seruiens ante annos 30.

*Consilium
sumit contra
Christianos.*

fidem Christianam in aures, salutare aquas in caput, non ultra, admiserat; alij duo vel à vita licentior, vel ab honorum cupiditate in defectionis barathrum lapsi secum plures inuoluebant. Huic trium capitum Cerbero committitur ut latratu suo neophytos terrent, atque sollicitent; & ut in malis mora nulla est, ex eo ipso portu edictum conscriptum. Vetari tota Iaponia Imperatoris auctoritate legem Christianam, cui consentiens dynasta iubet eam suis terris exterminari, qui repugnabit legibus, obnoxius pœnas dabit. Fieri tamen liberam cuique sectam quæ magis è receptis tota Iaponia placuerit eligendi, agrum singulis ad restituenda cuique sua fana designandum. Hoc edictum locis omnibus toto Arimensi agro frigide satis initio edicatur, & tamen hoc primo strepitu non defuerunt, qui castra deseruerint, maximè in pagis, ethnicorum agro conterminis quo sese antea cõtationis aliquid è proximo vulgauerat.

Biduo in his exacto Arimam è portu nouus dynasta contendit, & ne nesciretur, quo animo veniret, obuias aliquot Cruces iussit deturbari. Interim tres illi iudices triumuiratus sui sedem in senioris ædibus, qui ætate ceteros & impietate anteibat, delegerunt, è qua nouo edicto, quos accersere statuerant, & his expugnantis ceteros terrere aggrediuntur. Edicunt igitur, eum qui superiori dynastæ voluntati parere cunctabitur, bonorum suorum, ut leuissima pœna, sit proscriptione contumaciam luiturum; è qua proscriptione rei cum liberis & vxoribus, præter nuda corpora nihil essent elaturi, nec ab amicis quicquam speraturi, quos ab omni humanitatis genere atrocissimæ pœnæ deterrebunt, nec externa subsidia intra fines retinendis circumspicienda, ut inedia palam in ipsis vicis perirent contumaces.

Contra huius edicti atrocitatem pugnaturi neophyti se spiritualibus armis munierunt. Nam præter continuatas in sacris ædibus preces, præter ieiunia, flagellationes, ac ceteras corporis afflictationes, sodalitia ipsa continuis Patrum adhortationibus eum ardorem conceperunt, ut plerique scripto sacramento se adstrinxerint illud ipsum proprii sanguinis chirographo confirmantes se hunc ipsum sanguinem in fide Christiana tuenda fortiter exhausturos & huiusmodi chirographo subinde quingenti se, alias plures paucioresque obli-

Edicto Christianis sacris interdicitur.

Edictum tertium.

obligabant. Hic Neophytorum ardor accreuit, cum cœpti sunt à Iudicibus nobiliores euocari, nam viginti aut triginta cum pridie monerentur vti se sisterent triumuiris, ipso diluculo Missæ sacrificio intererant, peccatisque expiati cœlesti epulo vires confirmabant in arenam prodituri. Quod si quis improuiso euocatus hoc præsidio caruisset, mox à prælio præmium in eodem conuiuio reperiebat. Et quoniam Sacerdotes in æde Sacramentorum administratio continua detinebat, partita in alumnos ciuitate, vicatim confirmandis ciuibz vacabatur, quin illi ipsi pugiles, qui à prælio victores redibant, in huius laboris partem ideo vocabantur, vt quo ardebant igne ceteros inflammarent. Quin etiam delectæ sunt piæ matronæ quæ vicos obeuntes eodem cum suo sexu munereungerentur: quæ ratio à Patribus semel introducta, sicubi in narratione deinceps omitteretur, nihilominus introducta puta. Hæc enim sunt huiusmodi, vt non nisi cum fastidio sæpius ingerantur. Hinc in neophytis tantum exarsit Christiani ardoris incendium, vt alij alijs serio gratularentur, quod in hæc tempora deuenissent. Nec animus iste militares animos duntaxat à natura & exercitatione ad gratiam & huiusmodi constantiam comparatos inuasit, ne naturæ, quod erat gratiæ referretur, acceptum, sed nec pueros ætas, nec fœminas sexus, nec puellas vtrumque ab hoc impetu retardauit. E quibus frequentes cum ad expianda primùm peccata genibus aduoluerentur, à Sacerdote pueriliter interrogati respondebant, se martyrium affectare. Quos grati docebat, prius Deo suo mori velle, quam mundo viuere ocepissent.

Christianorum ardor.

*PRÆCLARA CORAM TRIUMVIRIS NON-
nullorum confessio.*

C A P V T XII.

Nobilissimorum Athletarum coram triumuiris responsa & constantem in religione retinenda firmitatem non ingredior, exhausturus id omne quod ea de re scribi potuisset, sed nonnulla de multis electurus, ne in fastidium multitudine, in desiderium negligentia lectorem inducam, sed media incedens via conabor paucitate fastidium, electione desiderium temperare.

F 3

Inpri-

*Thomas con-
stantia.*

Inprimis euocatus, in paucis sibi constitit Thomas neophytus è Cami oriundus, cuius etsi nota esset in alia procella sub Canzuie regni Fingo dynasta anno post secularem secundo firmitas, deuo tamen est tentata constantia. Verum ille cum accersiretur ne domo quidem exeundum ratus, paucis verbis scripto conceptis triumuiros illos de sua spe deturbauit, Vt ut sit, scribebat, neque ego neque frater meus Matthias in Deum vllam perfidiam admitteremus, in huius rei fidem chirographum propria manu firmauimus principi nostro exhibendum, cuius erit eo lecto de vita nostra fortunisque vt maximè voluerit disponere. Hoc factum excepit totius familie ad martyrium accurata comparatio, excidit tunc tamen sua spe, nam per ipsum tyrannum licuit illi peculiari gratia fidem suam publicè retinere, qui ne tali cliente priuaretur, maluit de religione aliquid quam de rerum suarum statu rescindere. Sed in annum sequentem dilata est palma, non sublata.

Damianus alius neophytus omni triumuiorum arte & auctoritate tentatus, hoc vnum respondebat, Christianus sum & ero etiam cum vitæ dispendio. E iudicibus vnus, non nefcius quam carus esset dynastæ propter parentis memoriam, qui in bello graui fortiter propatria dimicans perierat, in se suscepit illius negotium. Ergo priuatim aggressus eum, cum lacrymis rogabat, vt procliuem in se heri animum admitteret, tanto suo fructu, tanto illius solatio. Damianus autem sibi notum esse dynastæ animum, in cuius obsequio adhuc cessisset nemini, aut hac vna re excepta cessurus esset, quibus remunerandis vnicam Christianè viuendi libertatè sibi sufficere, Se quidem si duas vitas haberet alteram dynastæ obsequijs consecraturum, sed hanc vnam quâ habet se Deo suo maioriq; Domino debere. Iudex dimissum sibi finit, Damianus ad maiora se parat ac si esset extemplo cum tota familia moriturus, & vt constaret, quâ libens omnia dimitteret, vniuersam domû euerri, arma concinnari, supellectilem componi iubet, vt sua omnia dator hilaris eleganter exposita raptoribus exhiberet. Quæ dimisit ille quidem omnia crudeli bonorum proscriptione cum solis vestibus, quas tum induerat vna cum vxore ac filijs quos habebat quinq; relegatus. Secessit ille eadem semper vultus hilaritate æquabilis, in vallem quandam, vbi scopu-

*Damianus
post multa
prælia rele-
gatur.*

scopulum paulo commodiorem legens stramine mapale sibi suisq; construxit, ibi cum suis in ediam ac temporis iniurias toleraturus. Et omnium tanta erat hilaritas, ut is, qui non habuit, ubi caput reclinaret, vna cum ijs commorari, minimè dubitetur.

Quid dicam de Ioanne viro nobili & coniuge Isabella regis Bungenfis olim Francisci priuigna? nam à triumviris frustra accersiti, tandem proscribuntur nouo illo intra regnum proscriptionis modo, quo illis igni & aqua interdicebatur. Ergo cum solis vestibus eiectionis domo nemora petebant, postea Nangasaquium ire permittuntur, clam tamen voluit illum regulus ab vno è suis praefectis detineri, ne talis viri auxilio destitueretur. Is eum intra strani inueum mapale cum suis recipiens media sub urbem leuca occultauit, ibi distributis horis aliàs orabant, aliàs manuum labore vitam quaerebant. Puerulus annorum tredecim lignatum ibat in montem, vxor in proximo torrente pannos lauabat, ac denique in summis rerum omnium angustijs læti vivebant.

Nobilis familia exili-um.

Sed quæ Adriano domi acciderunt omittenda non videntur. Posteaquam enim aliquot iudicum impetus intrepidus elusisset, posthac intelligere cœpit agi de capite, in quo vna eū cura tenebat dubium an vxori & infantulæ Catharinæ defuturus esset animus ad tormenta; agebatur hoc metu; nec vxori aperiebat, illa verò de se quoque secuta eadem circa maritum cura laborabat, nec vltra dissimulans ita eum aggreditur Adrianum noua Natalia (quamuis Isabella diceretur) Consta tibi Adriane, viam salutis aggressus ne declines, esto fidelis Deo tuo, ille tibi; ne terreant tormenta, sua breuitate tolerabilia, oculos in altum erige, ubi Christus regnat & certantes coronat. De me quidem sic habeto, si defeceris in minimo, consortium meum despera, tristis viuam aut moriar, si tale quidpiam audiuerō. Non capiebat se præ gaudio Adrianus, sed denuo stringens vxori manum, nouum coniugium communis non vitæ sed mortis contraxerunt. Filiam ipsam parentum animus corripuit, ait enim mater: Catharina, pro Christo maculabimur, & tibi quid erit? vobiscū, ait illa, paradysum petā, & seriò velut cū parentib. moritura. puerilia crepundia inter quales sponte distribuit, ne quid esset cuius amore à comuni morte pro Christo obeūda reti-

Insignis altorū familia constantia.

nere-

neretur. Sed hic ardor omnis tyranno conniunte intra vota sese continuit.

*Neophyti
præfente
morte con-
stantia.*

Longiora cum Thoma neophyto nobili certamina triumuiro-
rum caput senex ille sacrificulus ita clausit, cùm iam ira fremeret
nec se amplius contineret, Martyrium, inquit, affectas, ego te mar-
tyrem creabo, cedo mihi arma tua. Nec mora, Iaponenses animos
ponens Christi miles se discinxit, & arma tradens ictui corpus para-
bat. Verum seni animus non fuit nisi ad minas: quasi verò plus pos-
sent, quàm præsentis supplicij terribile spectaculum.

Dum Arimensis nobilitas ad iudices illos vocaretur, non rarò
contingebat absentes ac suis aut reguli negotijs extra urbem occu-
patos euocari, hi ne sibi deessent, alij redibant, alij quod verarentur,
ne quid offensionis ceteri neophyti caperent, solemnem se in hæc
verba sacramenti formula astringebant, quam formulam ad no-
stros, ut ceteris exhiberetur, destinabant. Nos infra scripti iura-
mus per Dominum nostrum Iesum Christum, ac per sanctissimam
eius parentem ac virginem Mariam, per omnes Angelorum ac Di-
uorum cœtus in Christiana religione perseverantiam, irruat in nos
hac de causa quicquid irruerit. Et iterum constanter promittimus,
nos huic nostro proposito nunquam, adspirante Dei gratia, defu-
turos.

NEOPHYTORVM ALIQVOT PRO- scriptiones & constantia.

C A P V T XIII.

NVllus erit finis si singula constantis in retinenda religione neo-
phytorum animi facinora prosequamur. Quis tamen omit-
tat quæ sequuntur? Insignem neophyti cum filijs duobus
proscriptionem ac deinde alterius, huic synonymi mortem fortis-
simè in Christi causa obitam persecutus Arima discedam, vna cum
socijs antiqua sede sua pro eadem Christi causa relegatis. Vter-
que Leo vocabatur & erat; priori duo filij Michael ac Matthias pa-
renti pares: fortes creantur fortibus. Hi in circum à triumuiris e-
uocati facti sunt in arena spectaculum mundo Angelis & homini-
bus, nam antequam lacefferetur Leo rugijt in hunc modum, Nihil
est,

est, quod nobiscum tempus teratis, neque ego neque filij mei pro quibus spondeo fidem Christi quam profitemur abdicabimus, tametsi hac in causa fuerit moriendum. Quo dicto victores ex arena se, nullo salutato, proripuerunt, ac spectatores illos, aut potius prouocatores victos cum perturbatis animi sui moribus pudore rabieque confluentes inter se dimiserunt.

*Constantinus
Leonis re-
sponsum.*

Leonem in posterum non sunt in arenam ausi reuocare. Michael tamen catulorum alterum denuo tentarunt, Cerberum cum leonis catulo conferentes, præcipua pugna fuit cum seniore ceterorum capite, nam ille simulata lenitate de more se insinuans, hinc spes in dynasta reponendas, illinc pœnas à tyranno timendas proponebat. Simili latratu parabant alij duo sine morfu territare, quos præueniens Michael ait, frustra collatris omnes: mihi vincendum aut moriendum, quanquam prima erit in morte victoria. Senex iratam allegat, quam seniorum auctoritati cedere, nedum iuuenili ardore repugnare oportebat, nominat eos qui eodem in puluere cedere non dubitarint. Sed frustra. Viderint alij, Michaeli certum est neminem audire qui alia quam Christi voce loqueretur. Movit seni stomachum diuturna cum iuvene colluctatio, è quo stygio vomitu antiquum de animis mortalibus errorem ructans, quem Christianus olim in corde seposuerat, nunquam deposuerat, ait; Vnde certus es esse vitam alteram, cuius intuitu præsentem spernis? è cuius inde redeuntis ore pœnas aut præmia didicisti? Certius ait Michael hæc noui, quam ut cuiusquam narrantis fidem exigam, hæc fide didicico reuelante, qui æquè fallere quàm falli repugnat, tu cum hac luce careas nō vides, & rationum momenta quibus euinci potes non capis, neque meum est, ea docere, quæ didici, retinere meum est, Christianus enim sum, Christianæ legis doctor non sum.

*Non abstin-
lis filij con-
stantia.*

Non tulere diutius tenebræ lucem, nam è iudicibus duo qui iam cæcutiebant quidem sed nondum lucem omnem amiserant, nouo splendore perstricti vultum auerterunt, & manu opposita occularunt, non ferentes suam ipsorum defectionem cum tanta firmitate componi; Senex verò qui nunquam oculos aperuerat veritati, ne præsentis quidem lucis splendores aduertebar, sed in rabiem versus, Michaellem latronem ac degenerem appellauit, latro-

G

nem

*Quis unquam
domini sui
causa cupiat
ad inferos de-
scendere?*

nem ideo, quod heri sui stipendijs antehac vixisset ad omnia quæ iuberet minime comparatus; degenerem, quod illius causa pœnas infernis in ignibus paratas pati nolle. Ad hæc ita Michael, Nobis hîc agendum Christiane non militariter, liberè vtere contumelijs, quas spernit, qui mortem in votis habet. Et hoc dicto parentem imitatus in primo congressu luctantem, abit ex arena bis victor, ad vltiora prælia vires continua comparatione cum parente ac fratre instauraturus.

*Quem atrox
esset procri-
pta.*

Verùm vni Michaeli è tribus fones ceciderunt in præclaris, cùm enim tyrannus à triumviris didicisset quam irritò conatu laborarent valde anceps fuit, quid ageret. ne nihil tamen fecisse contra quod Imperatori promiserat deferretur, aliquot selegit ex ijs qui acrius obstiterant, in quos ceteri propius intuentes, suis rebus alieno malo consulerent. Ergo in quinque familias atrocissimæ proscriptionis sententiam pronunciauit, de qua proscriptione cum sæpe sparsim aliquid tetigerimus, nunc aliquid ex professo dicamus, ne alias sæpe repetamus: In ea igitur nonnulla erant ipsa morte terribiliora. Primùm enim vniuersa familia id est paterfamilias, vxor, proles omnes detractis famulis omnibus proscribebantur, tum præter vestes quibus tum inclusos esse contigerat, aliud planè nihil efferre permittebantur, deinde à reliquo hominum consortio, oppidorum pagorùmque commercio arcebantur, præterea seuerissimis pœnis interdicebatur ne quis vllò humanitatis genere illorum miseriam subleuaret. Denique ab externis auxilijs aliquid sperare ideo prohibebantur, quod Arimensis agri fines egredi per occupatos portus, & interceptas vigilijs vias non licebat. Ex his facile est colligere quanta incommoda nascerentur.

*Aliquot fa-
milias ex-
bant.*

Egredietur igitur lunij 20. nobilium familiarum in Christi causa certantium manipulus capitum supra viginti, inter quos Michael Leonis filius cum vxore ac filiis duobus, & vt esset maior meriti seges è cœlo placuit hunc exitum ex Ægypto continuis id temporis imbribus irrigare. Ibant in proxima nemora, & instar mysticorum illorum animalium vnusquisque coram facie sua ambulabat. vbi erat impetus spiritus illuc gradiebantur, nec reuertebantur cum ambularent, in solitudinibus errantes, in montibus & speluncis

luncis & in caernis terra. circuibant egentes, angustiati & afflicti, quibus dignum non erat mundum. Et Michael quidem cum alio cui nomen Mancius, postquam vxores ac filios clam apud neophytos deposuissent, ipsi ne se ipsos hac de Deo benemerendi occasione priuarent, in proximum nemus inscijs omnibus ab vrbe leucam vnā secesserunt, nec ea contenti penuria, quam secum locus afferebat, indicto sibi ipsis silentio biduum triduūque præter agreste quoddam pomum nihil gustauerunt. Vires iam illos sensim deficiebant, cum egressi nemore ad cogendam stipem incidunt in hominem pluuiā ē stramine lacerna more Iaponensi rectū, ad eum cum venissent Michael famulum, famulus herum agnoscit, qui clam Arima egressus, herum suum temerē per agros errans quærebat, inuentum lachrymis magis quā verbis salutans Oriza cocta, quam secum ferebat, vtrumque refecit. Michael dimissum iubet silere ne à neophytis visitoribus, qui eos vestigabant, reperti, solatium acciperent, aut solitariz vitæ studium interrumbaretur.

Sed frustra, nam inuentos neophyti tum hos tum ceteros poenarum omnium contemptores omni Christianorum obsequiorū genere fouent ac recreant: nec illi solū qui Arimensē agrum incolunt, sed postquam huius proscriptionis fama finibus egressa contineri non potuit à vigilijs quin erumperet, irrupit mox ē vicinis regionis ad eos visendos ac recreandos tanta hominū multitudo, vt sopito primo illo gratulantium & caritatis tumultu tutius visum fuerit nostro Sacerdoti qui eam vineæ partem ē latebris quoque suis excolebat, in secretiorem omnes locum cogere, concurrentium frequentiam cohibere, vt vnum omnibus obsequium facilius esset, & in vnā partem concursus minus notaretur. In secretiorem itaque vallem secedentes mapalia singuli sua construxerunt, & Thebaidem illam in Iaponiam transferentes, suis velut cellulis distincti Anachoretarum veterum speciem exprimebant. Ter intra octauum quemque diem ieiunabant, tempus suum horis distributis orationi, rerum spiritalium inter se tractationi dabant. Necessaria porro ad vitam sustinendam officiorum onera inter se partiti viri nobiles, scēminæ delicijs assuetæ, pueri ludicris exercitijs domi suæ dediti, cœnobium quoddam crexisse

*Qualis ex-
lum Sita.*

videbantur. Michael cum vxore Mexia annorum non plus viginti Marthæ officium sibi in culina delegerat, nec adduci vnquam potuit vt in propinquorum ædibus quo eam initio receperant, latiraret. Adeos subinde noster Sacerdos excurrebat, quibus Episcopus & Societatis nostræ Præpositus & sua & neophytorum auxilla clam sine tumultu, rebus iam melius constitutis submittebant. Quin ad eos etiam ex famulis aut ancillis aliqui ventitabant, nec eijci se sinebant ab herilibus obsequijs. Et fuit ex ijs Agnes nomine, quæ cum in grauem morbum incidisset redire ad suos noluit, sed hoc exilij loco sanctissimè moriens ad patriam emigravit.

LAPSI NONNULLI RESIPISCUNT, ET

Arimeis agro nostri expelluntur.

CAPUT XIV.

INterim dum acriter impetus triumuirorum multi sustinent, non defuere quoque nonnulli, quos fortunarum, honorum, familiæ, vitæ denique amor à proposito deturbauit, ideo fortasse præter alia permittente Numinis consilio, vt qui stabant aduerterent, *quod non manus nostra excelsa facit hæc omnia, sed Dominus.* Exijs tamen plerique varijs temporibus ita in se redierunt, vt teporem suum nouo ardore sarcirent. Ex his meo instituto vnum alterumue seeligam ceteros relinquens æquorum æstimatori.

Inter primos ab instituto cōtra neophytos Arimenses triumuiratu, quidam euocatus ita responderat, vt elusisse iudicum quæ sita, potius visus fuerit, quàm apertè defecisse. Huiusmodi responsio pro tacita defectione non sine offensione neophytorum habebatur, ac ne ad plures ea dissimulatio perueniret, si religioni sibi non ducerent, in religione titubare, seriò monetur à nostris, quàm sinistrè accepta fuerit eius tergiuersatio, quantum inde mali ad ceteros offensione perueniret, quantum posset ad plures imitatione peruenire. Nō distulit emendare neophytus, quod fortasse potuerat excusare. Ergo ad senem illum è triumuiris primum pergit, clarè aperit de religione quid sentiat, exponitque quod ante dixerat obscurius. Proditio est ista, exclamat senex, inopina firmitate perculsus.

*Dubius in
des profes-
sione se corrigis.*

fus. Neophytus (Leo vocabatur) non proditio, inquit, sed professio. Ego enim proditor non sum, sed Christianus. Hæc omnia iube dynasta renunciari, nam in his mihi proposui mortem præmii factæ professionis. Et his dictis abiit cōspectu, res suas omnes & maximè seipsum proximæ neci, ut arbitrabatur, aptaturus. Verùm aliter planè cecidit, nam senex delator à dynasta rephensus quod eum sollicitasset, & quod minimè sperabat, liberam forti neophyto Christianè viuendi facultatem impetrauit, ideo quod eius generis clientes publicè benemeritos conservari oporteret.

Alius cūm varios insultus sustinuisset defecit tandem, quem vxor, Monica dicebatur, eo ciulatu excepit, ac si mortuum accepisset, effecitque quod olim illa Monica de filio ne tot lachrymarum maritus periret. Inspexit ergo seipsum & correxit: iustis tamen ex causis totos quinquaginta dies à ceterorum communione seiunctus, ut Ecclesiæ restitueretur nondum impetrabat, quod spacium vterque lachrymis communibus expiando crimini decurrebat. Incidit per eos dies, ut hunc ipsum dynasta ædium suarum custodem, quas Sarungæ habebat, ablegaret. Is occasionem sibi elabi passus non est, palinodiam cantandi. Nam per internuncios Arimenis provincie optimates duos dynasta renunciari iubet, se tamen si sciret, quid sceleris admitteret humanis tamen rationibus adductum nuper apud iudices illius imperio cessisse, sed facti pœnitentem, summis precibus postulare ut si Surungæ opera sua uti vellet, faceret sibi publicam Christianorū viuendi potestatem, si non impetraret posse dynastam quem maximè vellet Surungam ablegare. Ad hæc pacatius quam sperabatur dynasta respondit, se nuperiis edictis ac pœnis Christianam religionem persecutum, non posse sine leuitatis nota resilire, aut puerili ludō modō permittere, modō inhibere. Institit igitur per eosdem internuncios, ut quoniam non impetrabat, mors sibi vel proscriptio defectionis suæ pœna ne pœnitenti negaretur. Ad hæc dynasta, cūm admiratio furorē mitigasset, respondit sibi mortem exiliūue in manibus esse, sed ne animaduersio Imperatorem iam monitum, nobiles omnes à Christi fide recessisse, dubium redderet, aut exemplo lapsos ceteros erigeret, conuiuere se ac permittere, ut Christianus sit & habeatur,

*Lapsus se-
ipsum corri-
pi.*

ira tamen, vt ne minus necessaria suæ religionis ostentatione videatur pecculantiùs insultare. Hoc responso inter nobiles euulgato nondum contentus ad triumuiros illos se confert & defectionis suæ leuitate dampnata, in Christiana castra recipitur, cum prius sceleris sui culpam impositis publicè pœnis expiasset, & offensionem nouo animi ardore sustulisset, & ita reddita illi familiæ lætitiâ ipse ad iter Surunganum sese victor accingit.

Atque hucusque in oues Lupi, tandem etiam in pastores ipsos sæuierunt: aduertebant satis eorum præsentia multos confirmari, nec seriò res agi videbatur, donec ipsi ablegarentur. Ipso igitur D. Antonij Paduani, vel potius Lusitani die sacro non multis post edictum diebus (fortasse in eam diem sæuire desierat, vt ægre faceret nationi Lusitanæ, quæ vt alias in Oriente permultas, ita hanc expeditionem Christianam cum tanto fructu complexa est) eo inquam die cum nouus desertor cum pellice sua & Sasioie malorum omnium incentore conuiuaretur, duos è conuiuio viros nobiles ad Collegium misit (quàm aptè Herodem, cum sua Herodiade imitatus) quibus internuncijs hæc fere Patribus renunciari iubet, Imperatorem suum lege Christiana omnibus interdiceret, eam ob causam sibi omnino non licere Patres illius legis præcones ac ministros in prouincia sua retinere: abirent igitur quò maximè vellent, sua secum efferentes, præter ea quæ Iaponensi de more efferri non solent. Hæc consuetudo est, vt proscripti ædes suas storeis instratas ex more, portis ac fenestris, & cetera lignorum congerie instructas fisco relinquant.

Hoc mandatum exemplo Collegij Rector Matthæus Cores cum Præsuli ac Præposito Prouinciali Nangasakium, tum reliquis Patribus in singulas paræcias tota ea regione distributis, mittit renunciatum. Quod ubi euulgatum est, dubitari potest vtros perculerit acerbius hic nuncius, neophytosne an pastores: illi quippe se deferi dolebant, eo maximè tempore, quo euocari, si aberant, debuissent; his durum videbatur, tot annis cultam vineam vno die vastari, in qua ne vnus reperiebatur

—pal-

*ad iudicium
Pastores nostri
discedere A-
rimensi agro
iubentur.*

palmes, qui non in Christo vite vera per Baptismum insertus esset. Adeum ergo nuncium, qui perculsurus omnes videbatur, frequentiores in ædem nostram concursus fieri cœpti, ijque ita excreuerunt, vt in tyranno, quod assolet, metum suspicionemque sinistram excitarint. Ædes enim sacra ad pedem collis in quo arx eminet extructa omnia conspicienti, obijciebat. Ergo immixtis excubijs lupus oues à pastoribus arcebat. Neophytorum tamen ardor militare in excubando industriam eludebat, aut superabat. Plerique conscensis, quâ minus credebatur parietibus, aut mentito etiam habitu nobiles viri ac matronæ in ædem nostram penetrabant.

Et quoniam post mandatum dissimulante roparcha nostri dies aliquot substiterunt, per eos dies continuo labore diurnis ac nocturnis horis concurrentes neophyti salutariter expiati & Eucharistiæ Sacramento resecti dolorem suum, quem detergere planè non poterant, mitigabant, & futuro certamini parabantur. Et quod de Arimensi orbe dico, non minus de reliquis nostrorum sedibus dictum volo. Et sanè Arimensis Ecclesiæ virtus in hac pro cella superanda talis ab his principiis semper fuit, vt vniuersæ Japoniæ exemplo esse possit, in retinenda fide nihilo minus, quam antea fuerat in amplectanda. Interim enim dum triumphare hoc ipso tempore omnes ad deficiendum prouocant, ipsi breuem pastorum suorum præsentiam in lucro reponentes in hunc fere modum se ad futura comparabant. Nec solum viri nobiles aut è militari ordine, quibus natura aut exercitatione fere plus est animi ad spernenda pericula, sed ipsi negotiatores & agricolæ, ac reliquum vulgus primorum exemplum & auctoritatem præire potius quam sequi videbantur: è quibus permulti nouo more illustre subeundi martyrij sodalitium contrahebant, & adhibito iurclurando & gentis more chirographum educto sibi è digito sanguine confirmabant, alijsque modis necessitatem oppetendæ sibi pro Christo necis imponebant, ne quis fortasse tyrannorum aries conceptam animo excuteret firmitatem.

Accepto Nangasackij tristi nuncio, qui in deliberatioe vocatus

*Quantopere
neophytos ad
nostros hic
nuncios affe-
cerat.*

*allumum
-ij ipziborg
-nec naler
-namdji-
-namdji-*

amee

*Arimensis ec-
clesia consuli-
tur.*

tamen si neophytis videretur vti patres omnes huic primo furori cederent clam postea redituri. Patribus tamen visum gregem à pastoribus simul non deferendum, aut potius prodendum. Rectori ergo mandatur omnino, tres aut minimum duos nominet, qui etiam cum vitæ periculo sese intra regni fines occultarent. Fecit ille quod iubebatur, duos intra urbem abdidit, alium extra urbem, cui mox alij duo adiuncti sunt, qui rem Christianā, quā prudentissimè possent procurarent. Ceteri magno vtrinque sensu ad mare deducti se Nangasacium receperunt, vnde proximis consilijs, literis, excursionibus præsentis suæ auxilia supplerent. Eò cum postea ipse Arimensis regulus excurrisset, clam ad Ecclesiæ Iaponiensis præfulem & Societatis nostræ Præpositum Prouincialem salutatorem misit propinquum quendam suum, quo internuncio multa ad se purgandum causabatur; esse se animo quo semper fuerat Christiano, sed ne patria hæreditate excideret cogi se ad ea quæ faceret, & quamuis sciret quanto se scelere astringeret, sperare se tamen mutatis temporibus omnia cumulatè instauraturum. Sed ea fide qua in Deum laborabat, nihil mirum si apud homines laborauit, cum exitus aperuerit, vel eum finxisse quod diceret, vel paulatim in deteriora prolapsum sensim has quoque scintillas extinxisse.

*Nonnulla
prodigijs si-
milis con-
tigisse nar-
rantur.*

Multa post discessum nostrorum certis auctoribus portenta contigissearrantur: sæpe ab excubitoribus, qui eo missi fuerunt, ac per multos dies audiri qui per domum inambularent, sæpe à neophytis auditum campanæ signum sub noctem pulsari solitum ad virginem salutandam, cum tamen non solum nemo adesset pulsaturus, sed æra quoque campana nostri secum extulissent. Quin etiam ex agro suburbano incolæ narrabant se pulsum ad sacrificia solitum sæpius inaudisse. Sed nihil æque nouum fuit, quā nocturnis horis, nescio quo die, in paucis apud Arimenses olim celebri, ab excubitoribus visam esse supplicantium pompam, quā nostri planè vt solebant, vñà cum alumnis explicabant. In ædem quoque suburbanam Deiparæ sacram cum desertor quidam dynastæ voluntate habitaturus concessisset, & postes ac valuas profanis simulacrorum sententijs fœdasset, nocturnis lapidationibus ita vexatum ferunt, vt de delerendis ædibus cogitaret.

POST

POST MVLTAM CERTAMINA LEO PRO

Christi fide fortis occumbit.

CAPVT XV.

Leo ille de tribu Iuda qui moriens vicit, tulit vnum de leunculis suis & Leo factus est & docuit eum moriendo quoque prædam capere, cælum ipsum, & dum vincitur victoriam reportare. Certaminis huius narratores simus, & simus illius spectatores & admiratores. Leo hic alter à superiore in Arimensi agro natus est in oppido Chingiuà tribus Arima non plus leucis: hic à puero in Christi militiam adscriptus sub prioris procellæ tempus imperante Taicosama, cum nostri Bungo pulsi prope Chingiuam suum collegium transtulissent contracta cum ijs familiaritate tantum in rei Christianæ abdita penetrauit, vt vnus haberetur in Arimensi agro ex ijs, qui nedum concuti multo minus excuti posse crederentur; nec aliorum de se opinionem sefellit euentu. Nam primis huius procellæ diebus cum Ximabaræ nouus prætor de re Christiana querrenda consilia misceret, ipse animo forti procellam ipsam sua sponte lacesiuit. Affinem enim dynastæ adiit Mimbua appellatum, qui Chingiuam rogebat, ei exponit se posthac dynastæ quod parenti fecerat, non alia famulaturum lege, quàm si sibi Christianè viuendi publicam faceret facultatem, & interim dum responsum expectat, ab omni publici muneris parte se libenter continere.

Leo.

Mutato igitur negotiorum genere, qui reguli sui obsequijs abstinebat, diuina, quod & antè fecerat, totus vnusque tractabat, neque sibi contentus viuere, & continua comparatione pro Christo mori, suâ etiam, vt erat apud suos primarius, auctoritate multa perficiebat, Christiano ardore omnia aggrediebatur, cursabat per domos, hortabatur ac prensabat omnes vti officij sui memores sibi Deoque constarent, vt concionator exinde videri malle, quàm miles, non mutatis solùm vitæ studijs, sed armis quoque positia discinctus videretur, quàm rem cum aliqui nouitatis notarent, aiebat, se pro Christo breui moriturum armis nullis indigere. Oppido deinde ipso cum contineri noller, in proximos pagos excurrit, sparsitque quo ardebat diuini amoris incendium. Id temporis post edicta

H

iam

iam euulgata in pago proximo moritur neophytus, qui rei Christianæ præfectus erat (vt operariorum paucitas in eam Ecclesiam morem induxit) edictorum metu Christianæ sepulturæ ritibus abstinebat, Leo monitum adducere non potuit vt officio suo fungeretur. Ergo ille ipse rem aggreditur, affirmans se vitam ipsam, quam vnam tyrannus auferre poterat, in hac ipsa causa positurum. Contulit quonque se ad visendos intra nemora proscriptos, vt inde ignes suos augetet, quò sua subsidia deferebat: quin etiam in proximum regnum excurrere parabat, vt alijs isthic relegatis omnium fortunarum profusione succurreret.

Bimestri toto hanc vitæ rationem tenuit, nec adduci vnquam potuit, vt aulicis obsequijs vicem suam daret, hoc solo nomine quod nondum libera sibi esset à dynasta palam Christiano ritu viuendi facultas data: imò verò quò tempore in aulicos à triumuiris illis inquirebatur, ipse quoties Arimam petebat palam præcatorios globulos è collo gestabat, nec eos vllis amicorum precibus seposuit, nequam abdicatæ fidei vel debilitatæ suæ firmitatis suspicionem daret. Nec tamen his omnibus prouocatus dynasta seuerius in eum animaduertebat, quem sibi conciliare maximè cupiebat: tamen cum tribus perfidiæ monstris, velut cum Proteo ter Leo noster videlicet cum transfugis fortissimus athleta decertauit. Primus è triumuiris vnus, Camon dicebatur, dissimulato furore officiosis sermonibus blandè venena sua instillabat, asserens videri sibi iustum, vt principi suo libens ac volens assentiretur. Verum Leo, defecisse te Camon à Christo nescis quantopere bonos omnes offenderit, quid erit vbi te auctorem esse alijs vt excidant à religione vulgabitur? Sanè meminisse te oportebat à quo fueris puer educatus, cum à Præpositi Provincialis Gasparis Cælij latere nunquam discedebas, cuius in te beneficia id efficere debuerant, vt ceteris titubantibus vnus tibi ipse constares. His erubuit Camon: mittamus isthæc, inquit, & vna cum hero si ita collibuerit inferna supplicia toleremus. Non ita, inquit Leo, heri quippe nostri in nos apertoritas angustis huius vitæ spacijs continetur, quibus euolutis alia sunt imperia, diuersæ clientelæ; nam & modò si quem è vitæ functis suis clientibus euocarit, surdo canet. atque

hic

hic hortator importunus silentio victoriam cedens, victori se subduxit.

Alter qui eum altero sed non secundo impetu laceffuit; affinis ille dynasta Mimbu fuit, cuius opera liberam ab regulo Christianè viuendi potestatem petierat, is renunciauit posse si vellet locum & annuos à dynasta census his legibus retinere vt Christianus esset quidem sed ab externa religionis suæ demonstratione quoad fieri liceret abstinere. Gratijs propensæ vtriusque in se voluntati habitis respondit, se prius heros duos habuisse Arimenses dynastas Stephanum ac Ioannem fratres, & quoniam vterque viuens ac moriens Christianam semper fidem in magna temporum varietate publicè retinuerat, non esse sibi integram ab eorum exemplis degenerem deficere, nec eorum auctoritate contempta nouo nunc per summam in Deum perfidiam cedere desertori; se tamen ei, si quam petijt, faciat facultatem, eam in omnibus extra religionem officijs, quam in præcessores exhibuit propensam clientis demissionem, nec aliter exhibiturum. quo responso Mimbu obstupuit, nec vltra nunquam cessurum laceffuit.

Ad triarios iam ea res deuenisse credebatur, cum è triumuiris *Illius constantia temptata.* primipilus senex ille è sacrificulo impostor, ex impostore desertor Yamato ita Leonem est aggressus, initio quidem velut eblandiens propensam suam in eum imò etiam in ceteros neophytos voluntatem exaggerauit, à quo constabat cohibitum nuper dynastam, ne in neophytum Arijensem morte læuaret: quæso te, interpellat Leo, vt me moneri cures, si quando in eum mortis sententia pronuntiata fuerit, vt hortaturus ad eum & gratulaturus possim accedere. Dissimulato etiam tum scommate ait iudex, quid tibi cum precatorijs illis globulis, abde sodes, nec volens nolentes irrita; cum Christianus, ait Leo, esse desiero, quæ cum diceret, incurrit in oculos superstitiosa, nescio cuius Idoli imago seu characteres in pariete: Quin tu hanc ipsam abdis aut mihi tradis exurendam, in quam numos aliquot inutiliter insumpseris, quod si facturus non es ethnicus, neque ego quod iubes Christianus. Tum indignatus senex, non euades inquit, in hac viuendi loquendi quæ libertate, quod deinde noles euenisse. Nihil minus me angit, ait;

H 2

Leo,

Leo, cum id vnum sit, quod dudum cupio, & in horas præstolor. quæ cum dixisset abiit, satis certus extremum sibi post hæc præludia instare certamen, quod animi sui præsagium amicis Neophytis per eos dies cum valediceret Iaponensi de more poculum epotans apertè significauit.

Nec spes eum sua fefellit. Nam tyrannus à triumuiris incitatus, & maximè ab aulico imperatoris, quem rerum suarum testem ab Imperatore acceperat, persuasus, opus esse ad territandos ceteros, morte plecti alicuius libertatem, tametsi grauatè sibi eriperet insignem militem & antiquum clientem, mortis tamen in eum sententiam pronunciauit. Et vt res sine tumultu fieret, notæ virtutis animique hominem aggredi palam, aut reorum more comprehendere visum non est, nam ad interfectores ab iniuria tuendos his sæpe modis rei plectuntur, ne vel ipsi desperatè vitam tueantur, vel eorū propinqui insolitam mortem ignominiam suam rati velut propriam vlciscantur.

*Occiditur pro
Christo.*

Ergo quo die Assumptæ virginis octiduo celebrata solemnitas clauditur Leonis nostro cælum aperitur. Nam amici tres dynastæ familiares ac Leonis commilitones eum per dissimulationem ad dynastam euocant, qui cum arma cingeret, quæ ante discinxerat, protestatus est, se id facere, ne tyrannum offenderet, si præter morem intermis eum conueniret, ea se positurum cum de morte, ad quam euocari se sciebat, ageretur. Verum sicarij illi, dum in angustijs priorem ei locum cedunt, à tergo adorti primo inter humeros ictu inopinantem sed non imparatum propè diffundunt, qui ruens interim dum è latissimo vulnere copiosus sanguis ebullit, inuocans sanctissimum Iesu nomen arma projicit illius memor quod ante fuerat protestatus; dum autem dextra manu signum crucis efformare nititur expirauit, & intra triumphum suum sepultus vicit Leo de tribu Iuda, id est, Leo è confitentium turba triumphauit.

Ac ne dubitetur de causa martyrij ab ipso tyranno testimonium repetatur, is enim post extinctum Leonem filio Augustino renunciari iubet, se ipsi annuos parentis census & officij dignitatem confirmare; quem duabus ex causis occidi iusserat, primum quod testatus esset, se postquam Christianis seruierat, nolte sibi seruire

(vt pote

(utpote desertori, quod ipse reticebat) tum quod nimis videri vellet, nec solum esse Christianus. Quam causam quis dubiam esse posse cogitabit, nisi si quis in ipsa luce meridiana cæcutierit. Sed ad gloriosi martyris nobiles exuvias, quas mortalis immortalitatis desiderio consecrauit, redeamus, Vbi auditum est Leonem occidisse, concursum est eo frequentius, quàm spectantis quodammodo ex arce proxima tyranni metus suadebat, ab his crines refecabantur, ab alijs vestium lacinia truncabantur, à nonnullis tellus imbuta sanguine recenti radebatur. Ad eum deinde terræ mandandum duo nobiles neophyti, quorum alter est ipsius tyranni patruus, accurrerunt, proximo cæmiterio tantum pignus commendaturi. Sed aliquot ex neophytis indignum rati sacrarium illud in profano iam loco, quem desertori attributa possessio scèdauerat, asseruari, intempestæ noctis silentio Martyrem exhument, nihil veriti vitæ discrimen, si fortè deprehenderentur, & intra triduum Nangasaquium quàm occultissimè delatum Societati tradunt asseruandum. Illud sine pompa, ne malum aliquod neophytis inde crearetur, in omnium Diuorum ædem inferitur, ut cuius animus in cælis Diuorum omnium consortio fruebatur, eiusdem corpus sepulchri iure in eorundem contubernium societatemque inferretur: Ea mors non solum non extinxit ardorem neophytorum, sed acrius inflammavit. Satis constat ex illis ipsis qui sibi defuerant, plures se in hoc firmitatis speculo inspexisse, damnatæque quam in se aduerterant perfidiæ scèditate lacrimis suis animi maculas eluisse, ac Ecclesiæ redditos blandæ matris amplexus reperisse.

Honor martyris exhibitus.

POST SOCIORVM DISCESSVM QVID

Arma contigerit.

C A P I T U L U M XVI.

Neophyti Arimenses postrema quam à pastoribus suis acceperant refectione ex ouibus in leones mutati, ut ait Chrysostomus, ignem spirantes ab illa mensa recesserunt, & diabolo facti terribiles de illius ministris triumpharunt, non ij solum qui nullo accepto vulnere prælium adhuc integri sustinuerant, sed illi quo-

Neophytum scruor.

H 3

que

que qui titubauerant, sibi confiterunt, qui lapsi fuerant, seipso crexerunt, eamque rem tum demum præ se tulerunt, cum nouo impetu labefactari potius quam confirmari posse videbantur. Cum enim cuperent plerique quod negauerant recantare in signem illis publicæ professionis occasionem noua procella subministravit.

Nescio quis simulacrorum sacrificulus cum arbitraretur forte se sociorum absentia pudorem defectionis à multorum frontibus detersum, autor dynastæ fuit ut per speciem exigendi à clientibus sacramenti certam diem diceret quo die in arce ipsa iuberentur omnes Idolorum volumen apud eam gentem sacrum, capiti venerabundi imponere, qui renueret non religionis solum specie reus, sed perduellionis etiam haberetur. Id ubi edictum fuit & indictum, mirum quantum hilaritate Arimenses neophyti spes quisque suas fundendi pro Christo sanguinis innouarint. Lapsi verò plerique non negligendam restituendi lapsus tempestatem minimè neglexerunt, arbitrati nihil solemnius accidere ad fidem faciendam, nihil procliuus ad perfidiam suæ poenam plectendam posse contingere. Itaque solemniter inter se coniuratione conspirant, se cœtu in medio simul omnes conclamaturos malle sibi ceruices amputari, quam huius voluminis impia sarcina onerari; quod eum ritum violatæ fidei signum à neophytis exigi satis constaret.

Huius coniurationis sanctè contractæ fama toparcham ipsum permouit ne auderet quod imperauerat exigere, quod videret non solum spem suam eludi, quam auctore sacrificulo de neophytis è sua firmitate deturbandis conceperat; sed etiam intelligeret prope omnes quos tantis laboribus sibi utcumque adiunxerat vno momento à se defecturos. Ergo ne videretur rem subodoratus, indictam Sacramento infami diem distulit, non sustulit. Sed neophyti nullius ultra moræ patientes, denuo inter se conueniunt consilium in re dubia quaesituri; statuunt primam coniurationem nulla ratione ultra condictam diem prorogandam. Sed quoniam in publico ciuium cœtu quod constituerant fieri posse desperabant, ea ipsa die simul omnes ad primarium Arimensis agri moderatorem se conferrent, eoque teste quod antè fuerat constitutum exequerentur.

Nec mora ubi condicta dies aduenit simul omnes ad moderatorem

*Consilium de
publica fidei
professione
inuenit.*

torem regni se conferunt, ac primum præteritæ suæ defectionis palinodiam cantant, expressam religionis suæ professionem pronunciant, librum à gubernatore exigunt, pedes illi non caput oblaturi. Ceterum Arimensi dynastæ Sacramentum clientelæ Christiano ritu deferre se velle protestantur. Quæ omnia morte, vel si luberet proscriptione, paratos se confirmare potestati rogauerunt *Exequuntur.* uti nomina sua remque ex ordine dynastæ nunciaret, quo præsentè optauerant hæc ipsa pronunciare. Irresita permisisset. Ad hæc cum primarius ille regni moderator, qui quæ interfuerant obstupuisset, non iudicauit eam rem posse celari, sed ad dynastam ingressus Thomam quendam, cuius maximè ardor eruperat, præ cæteris detulit, effecitque ut in eum mortis sententiam pronunciaret, quam tamen uti reuocaret allatis multis rationibus ceteri moderatores euicerunt, & lentam in tristi exiliò mortem impetrarunt, quam Thomàs ira exceperit, ut solatium amissæ coronæ agnosceret, & mitigatam pœnam, pro incremento laborum acceptaret. Alius etiam ex eadem causa, Gaspar dicebatur, omnium gubernatorum machinis impetitus æque blandientes repulit, ut contempnit minitantes. Quin cum iisdem artibus per se ipse dynastæ Gasparem aggredere, promissis reiectis vnam mortem aut saltem exilium pro beneficio petijt, & postremum à desperante victoriam tyranno impetrauit.

Horum exemplum secutos deinceps plures cum quotidianis protestationibus gubernatores fatigarent, ad toparcham detulerunt, neminem prope esse qui non resiliat à lapsu, neminem qui adduci possit ut labatur. Quo audito ita excauit, ut inuenienti impetu pronunciaret in eos mortis sententiam qui ad defectionem suam reuocandam regni moderatoribus se stitissent, quos ipso momento iubeat plecti, nullo alioqui iuris aut iustitiæ ordine obseruato. Verum cum hac ex causa magna in senatu orta esset altercatio contendentium, hoc esse oleum in ignem iniicere, ita omnes vitæ prodigi credebantur, ut plerisque mactatis aut fugatis terrâ in solitudinem redigenda videretur, euicit tandem solitudinis metus, & constantia pertinaciam superante in mitiorem partem coacta tyrannis inclinauit. E toto numero sex nobiliores armis contumeliosè exuendos & in exilium ceterorum more cum omnium bonorum

pro-

*Sex familia
proscribuntur.*

proscriptione ac tota familia relegandos. Hoc ubi erupit, donec vota pendebant inter omnes certabatur; quæ cum persecutor nominatione diremisset, gratulabantur omnes ijs quibus *funes ceciderant in præclavis*; plerique etiam exclusos ubi se sua spe viderunt, si dicere licet, inuiderunt. Nec ipsa gratulatio aut inuidia sex Athletarum illorum familijs sese continebat; nam si quis illis propinquus sanguine aut amicitia deuinctus erat, ad eum pars magna gratulationis redundabat, nec erat qui non ad eos pertinere velut laboris particeps affectabat.

Ex ijs vnus fuit quem amicus ethnicus eripere huic fortune conabatur, sed cum nihil suadendo profecisset, chirographum quam proximè potuit imitatus, velut amici nomine ad iudices detulit, quo ille Christi fidem eiurabat. Sensit hoc neophytus, & ex templo quatuor alijs neophytis, quos in testes euocauerat, comitatus confert se ad iudices, & multis de iniuria questus, allatum ab amico chirographum, non Christi fidem eiurat, testatus cum sibi amicum esse non posse qui se malis artibus à Christi cruce auertere conaretur, se Christianum semper fuisse, nunc esse, & in posterum semper fore Deo semper iuuante, quicquid illi hac ex causa contigisset. Ergo cum cæteris in exilium mittitur, vnica veste qua tegeretur è tota supellectile, quam ipse pessimam elegit, amictus. Sed in hac re illustre fuit vxoris illius factum. Nam cum ad eiurandum chirographum maritus perrexisset, intellexit quam euidentis vitæ discrimen incurreret, cuius magna pars ad eam laponensi ex more veniebat. Ergo festiuus induitur velibus, vt hilaritatem qua in Christi causa necem operiebat, ipso cultu præ se ferret. Sed cum relegatus domum redijt maritus, ex templo festiuâ exiit vestem ac maritum imitata tritam lacernam eligit, ne meliora sibi reseruasse, peiora Christi causa reliquisse minore merito videretur. Ita non est abbreviata manus domini, cuius instinctu nuper sine Numine populi tantis in eius cultu certant obsequiorum artibus, facile vt videas, vnum eundemque spiritum hortum suum orbis totius cancellis conclusum suauissimè adspirare, & per omnes

illius angulos plantasque dif-
fundi.

QVO

QVO EVENTV PER AGRVM ARIMENSEM eadem procella sauiet.

CAPVT XVII.

Imber qui ab imperij sede erumpens Arimensem ditionem Iaponiamque vniuersam tandem percurrit, non oppidorum mœnibus duntaxat se tenebat, sed in ignobiliores quoque vicos irrupens vbique suæ calamitatis vestigia reliquit, quæ persequamur. In Arimensi agro multa contigerunt quorum quædam vniuersim omitti non possunt, singillatim vbique repeti non debent. Huius generis instituta vbique martyrij candidatorum sodalitia & proprii sanguinis sigillo chirographa rubricata, magni ad Sacramenta concursus, colloquia de martyrio prope continua, vestes ad Crucem subeundam comparatæ libri de martyrum tormentis manibus triti, flagellatio totius familiæ quæ copiosum sanguinem eliceret sæpius instituta, indicta per dies aliquot intra octauum quemque diem ieiunia & alia huiusmodi sexcenta, quæ ideo nusquam commemorantur, ne alicubi defuisse credantur: quæ peculiaria cuique fuerint in Societatis domicilia celeriter excurrentes percurramus.

Ximabara ideo prius commemoretur, quod primos huius imbris impetus sustinuerit; nam cum ibi à regia redux novus dynasta exscendisset; ibi primum edicta conscripta, triumuii nominati, Cruces disturbatæ: sed neophyti repentino casu vinci non potuerunt, vulgo sibi constiterunt, cetera cum ceteris communia, hoc singulare. Non defuit vnus aliquis è neophytis ardentioribus, qui fabricari sibi crucem curauit ad eam formam qua Iapones subinde solent eos plectere, vt si forte in eam agi iuberetur, domi paratam carnifices inuenirent, nec in ea fabricanda sua vota differrent, vtq; illius conspectu ad eam optandam sese vehementius incitaret. Ex iisdem neophytis alius copiosus in primis, sed qui præ Christo omnia arbitrabatur detrimentum ad martyrij famam ac spem in vicinum regnum Fingo excurrit. Sed audito iam domi quod foris quærebat posse sperari, domum recurrit extemplo, arbitratus triumuiros opibus suis illectos sibi quam optabat pro fortunis fortunam obiecturos, Sed cum nihil contra eum moueretur, audissetq;

Ingens martyrij desiderium.

I

pude

apud Fingenses edictorum crudelitatem recruduisse; dimissa re familiaris venatorij canis instar odorem prædæ persequitur, quam si nondum affecutus est, votorum tamen suorum præmio non carebit. Adolescens alius domestica certamina ita tulit, ut nec rationibus nec minis cesserit: quin potius ab impio parente biduum sine cibo ac potu victus manus pedesque ita fortiter, ut intumuerint, hilaritate sua parentem adduxit, ut de victoria desperaret, quam Deo gratulaturus ad nostrum sacerdotem, qui clam ibi rem Christianam procurabat, adducitur, & in constantiæ præmium cœlestibus ad ulteriora si ingruerint prælia sacramentis communitur. Sacerdotem illum cum Dynastæ ministri ad discedendum vrgerent, ædes sacra sacro apparatu in conspectu neophytorum exui cœptam lamentabilem illorum prouocauit eiulatum, quod in ceteris etiam Arimensis agri vicis scribitur contigisse; Cum verò discessurus portum peteret, tanta fuit complorantium multitudo ut angustijs viarum capi non posset, tametsi non ignorarent, intra duas leucas habere se alium sacerdotem cum socio, ipso ut mox dicam dynasta permittente.

In agro Arimensi tempestatis huius vndas euasit vicus vnus, velut scopulus in quem naufragi adnatarent. Is fuit Canayama, cui præerat Georgius Yafengi nobilis neophytus in primis ex Ecclesiæ Iaponensis primitijs à P. Gaspare Villela olim salutaribus aquis expiatus. Is aliquot jam ruinas intrepido capite excipiens, non semel proscriptus, demum in Arimensem agrum Christiana fruge rota Iaponia feracissimum profugerat, è regno Fingo nuper eiectus, fortunarumque suarum quæ fuerant amplissimæ iactura locupletatus. Is venienti dynastæ Ximabaram occurrerat non tam officij causa, quàm ut Christianè viuendi facultatem primus extorqueret, aut ceteris exemplo futurus plecteretur. Eum dynasta præuenit, cum enim è superioribus prælijs notam fortitudinem præ se ferret maluit vitro deferre, quod frustra negare niteretur. Itaque per internuncium è suis propinquis, Mimbu vocabatur, ei renunciari iubet, se quidem uti cum Imperatore conspiraret tota sua prouincia Christi sacris interdicturum; illum tamen vnum ex legem peculiari beneuolentia fore, posse sacram ædem

*Vicus Canayama
persecutusome
liber.*

ædem suumque sacerdotem cum socijs ac cetera quæ ad religionem spectant omnia sibi sed occultè tamen retinere. Quæ res huic Ecclesiæ magno solatio fuit, ac maiori fuisset, si diuturnior extitisset. Interim tamen è vicinis locis turmatim in eo permulti rei sacre causa conueniebant, nec vt maximè procuratum fuit, confluentium torrens potuit inhiberi, quin per deuia & aspera loca matronas habitum mentitas prænobiles, pueros ætatis tenerioris præ reliqua multitudine secum raperet, & obuia omnia impedimenta, minarum, edictorum, pœnarumque perfringeret.

In Vico Chingiua maior quam alibi strages fuit, eo eo quod ethnicorum vicina pestis semper ibi suæ luis aliquid exempli contagione vulgaret. Ibi quoque plerique tamen sibi constiterunt. Sed præluxit omnibus Martha dynastæ Arimensis vxor legitima, quam Fime noua pellex eo retruferat. Illa isthic annum vnum repudij sui contumeliam Christiana animi æquabilitate tolerabat, & patienter cogitabat quæ Domini erant, coniugij iugo soluta. Verum quies illi non fuit diuturna. Pellex enim vxorij suspicionibus inquieta, rerumque dubio euentu sollicita, non satis tutum coniugium sibi videbatur adepta, quam diu Martha ius suum soluta speraret. Itaque machinis omnibus vrget, vt nono coniugio priores nuptias ac iura desperet. Verùm Martha id sibi diuinis legibus humanisque interdici sciens adduci non potuit, vt sacra prodidisse vel humana neglexisse iura videretur: sed annos nata non plus vnum supra viginti ætate sua viuente marito viduitatis quodammodo continentiam impetrauit, cuius præmium proscrip-ta libens accepit, & stramineo mapali inter duos montes excepta nouis meritis cumulauit, ac nouis subinde exilij vexata nunquam potuit à sententia dimoueri.

*Martha legitima regula
Vxor à pellice
Vexatur.*

Cuchinoccu Arimensis agri totius, quem Tacacu vocant indigenæ primum nouale Christiani iugi sulcos admisit à Patre Cosmo Turriano, & ita feliciter, vt cum antiquitate loca cætera superaret, religionis ardore nulli inferior vnquam esse voluerit. Illius incolæ cum huius imbris minas diu ante præuidissent, prius se compararunt, quàm impeterentur. Coacto quippe suorum cœtu statuunt, cum primum dynasta exscendisset, è suis primores ad eū

*Insignis ser-
mor Christiano-
rum.*

legare, qui exponant, se primos Arimensis agri Christianæ legis professores, suam legem annuentibus dynastis omnibus semper saluam sanctamque retinuisse, Sacerdotem apud se cum ceteris rei Christianæ ministris in qualibet varietate temporum conseruasse, petere ut hoc ipsum sibi eius fauore factum esset ac testum, ut fide Numini seruata, proxima illius iura dynastæ ipsi facta testaque conseruarent. Quod si per eum non liceret, certum sibi esse sciret, statum, fortunas, liberos, vxores, patriam, ipsam denique vitam ad vnum omnibus in hac ipsa causa prodigere. Hæc rite conscripta, quæ dynastæ ipsi traderentur, singuli subducente se nemine, propria manu consignarunt, & in archiuum suum dum tempus chirographum commune prodi postulare, immiserunt. Hæc bene concepta Christianorum deinde exercitationum, quas paulò antè commemorauì, accurata comparatione, ad imminens partum efformabant. Vnde primos parturientium dolores in edictorum ciulatu ita tulerunt, ut de comparatis sperabatur. Si quis ante edicta tepidior ædem sacram rarius frequentabat, ab ea tum auelli non poterat; si quis precatorios globulos è Zona gestabat, eo tempore in collum inferebat, ne illos occultare videretur. Denique omnes commune chirographum denuo in æde sacra coram Sacerdote nostro innouarunt.

*Publica fides
profusa.*

Sub hæc ipsa tempora fortè ex Arimensis toparchiæ moderatoribus vauillaciter faciebat, à quo cum loci primores euocati multis vrgerentur, ut dynastæ auctoritatem & exemplum secuti à Christo deficerent, obtemperantibus præmia, renuentibus pœnas esse propositas, ita responderunt, ut professionis suæ sententiam scripto exegerit, ipsi verò cum chirographum commune protulissent, ab eo iubentur Arimam illud ad triumuiros illos perfidiæ hortatores deferre; quod se non illibenter facturos receperunt. Post moderatoris discessum ex heroico facinore admirabilis exarsit omnium ardor pro Christo, ut sperabant, moriendi. Nemo fuit qui non vestem sibi, vxori, liberis etiam tenerrimis ad crucem subeundam compararit. debita passim alter alteri in perpetuum condonauit, fortunas suas cum egenis multi communes esse voluerunt, instituta mutuæ valedictionis gentis more sanctè casteque conuiuia; deni-

denique omnium erat *cor unum & anima una*, tantâque ubi metus esse potuerat, exultatio, ut aliud potius quidlibet ex his quæ optari solent, quàm imminetia supplicia præstolari viderentur.

Nec id animi robur teneriori deerat ætati. Puerο cuidam cum nescio quis ē prætoris satellitio occurrisset, cum precatoriam collam ē collo suspensam criminaretur, eam à puero exegit, magis terrendi causa, quàm quod id haberet in mandatis. Negavit puer Christianum Ethnico posse fide integra res sacras tradere. *Maeta* *Puerum servat.* bo te igitur, inquit ille; *maeta*, respondit puer, & in genua mox pro-
uolutus ceruices aptat iunctisque manibus ictum diu præstolatur. Satellites autem admiratus collaudatum puerum suauiter complectitur illæsumque dimittit. Non absimilis huic fuit octennis virguncula, cuius cum parens disturbatam crucem publicè rapuisset, & in suam domum intulisset, professus coram impietatis ministris, exclamavit eum qui sibi prædam eripere cogitaret sciret sibi prius & coniugi debere vitam eripere, & filiolum intuens ait; huius vnus cura me angit, cui, me sublato, superstiti quid futurum sit ignoro. Ad hæc puella ita respondit, ne hac angaris cura, parens, effice, ut cum moriendum vobis erit, ipsa præmoriar, facile hoc erit à carnificibus impetrare, tum demum sine cura morieris. Nonnulli cum extra ictum sua pignora Arimensis agri finibus emittere cogitarent, infantium fletu deterrebantur, & fuit qui per fraudem abductus puerilibus armis redditum extorserit. Quis ista non stupeat exclametque, *Ex ore infantium & lactentium perfecisti laudem propter inimicos tuos*. Testimonium quippe domini fidele sapientiam præstat paruulis.

Hoc maximè rerum statu nostri ex Arimensi agro relegantur. hic vicus sacerdotem suum dimisit quidem, sed ut in posterum retineret, nam cum ad nauim deduxisset latebras illi post leucas aliquot præparauit, vnde ad serè ductum auxilio suo subsidioque conseruat quàm potest occultissimè. Quo ex tempore cum Arimam semel euocati primores excurrissent, non sunt tamen ausi triumviri notam veteranorum potius quam tironum tentare firmitatem: alia igitur omnia cum ijs conferentes dimiserunt, & omnium spem, sed *Christi commissores exco-*
non merita, fefellerunt. Per eos dies cum ē Fingo viginti & plu-
I 3 res pte.

res proscripti ad eum portum delati aduenissent, concurrentes neophyti fortissimos in Christi causa pugiles à multitudine inter brachia elatos in suas ædes non sine visendo charitatis tumultu intruserunt de nouis hospitis prope harpasti ludum exercentes, ac deinde conuiujs omnique humanitatis genere certatim exceperunt, nullusque finis erat, vel commendandæ constantiæ, vel fortunæ gratulandæ. Hæc omnia satis fuerunt, vt vetulam quandam bienio iam apud se commorantem, erroresque suos pertinacissimè retinentem virtutis admiratione adducerent, vt quos antea semper oculos veritati clauserat, in hoc fidei splendore aperiret, ne esset eo in vico qui Christum nolle profiteri, quem omnes obsistente inferno prædicabant.

*ARIENSIVM NEOPHYTORVM IN
fide constantia.*

C A P V T XVIII

ARije vicus est Arimensis agri feracissimus, quam naturæ feracitatem gratiæ copia cohonestans longa collegij ac seminarij Societatis quæ ibi diu constiterunt cultura, colonorum spem in communi licet calamitate non sefellit, recenti maximè martyrum sanguine irrigatus. Excepit igitur edictorum fulgetra, minarum grandinem, iudiciorum imbres, eadem ac ceteri comparatione, sed feliciore fortuna. Quamdiu licuit illis pastorem suum retinere, illius vocem & pascua secuti cetera egerunt omnia quæ de singulis scribi potuissent. Arimã se recepit ille. Nangasaquium cū reliquis, verum deinde à superiore nominatus, vt stationem suam minimè dimitteret, latuit apud reguli Arimensis patrum in arcis pede dies septem, quibus exactis nocte concubia laponensis coloni rusticanam vestem & stramineos calceos indutus in preparationem *Euangelij pacis*, per deuia sibi ad suos inuenit viam. Larebat in mapali stramineo iuxta vicum extra itinerum commercia, vnde subinde ad suos excurrerat, nocturna fide tectus, expletisque boni pastoris officijs in suam se mapale referebat.

Hæc

Vnus à nostris occultatur.

Hæc ad conseruandum à pastoribus instituta ; sed neque ad perdendum ouile sua latronibus industria deerat. Arimenses triumuiro non dubij quàm graue sibi esset cum exultissimo vico de religione certamen, eò nobilem desertorem fraudibus instructum & promissis excitatum destinant , qui concepta fiducia quod Iordanis inluat in os eius, ad eos venit iram magnam habens : sed illi restiterunt *fortes infide*, nec præter aliquot moderatorum regnia assecras, aut tributorum publicanos quenquam in suas partes, licet adhibito omni conatu pertraxit.

Mittitur & postata ad neophytos sollicitandos.

Ipsi Ariensis agri coloni fortiter sane de illo triumpharunt. Cum enim eos ad deserendum Christum lacefferet, responderunt communi omnes consilio, se maturam segetem minimè secturos, nisi publicam sibi dynasta faceret Christiano ritu viuendi libertatem : quod si noller, pro segetibus ipsi ceruices, suas tyranno rescandas omnes dabant. Super ea re diebus aliquot ita certatum, vt coloni tandem accepta Christianè viuendi facultate cùm primam messem feliciter demessuerant, se ad alteram deinde, quæ sui muneris erat accinxerint.

Nec soli coloni obstiterunt. E ceterorum numero paucos pro instituto seligam , æquè nihil , quàm omnia scribere refugiens. Ariensem vicum pro Principe moderabatur in rebus minoris momenti Iacobus neophytus insignis, apud quem ipse quoque princeps, si quando in vicum veniebat, diuersabatur. Eum in primis exturbandum sibi suscepit Ariensium perturbator : sed ipse tandem post varia certamina de spe sua deturbatus Arimenses triumuiros in subsidium euocauit ; à quibus euocatus hoc vnum respondit , se nihil eorum in dynastæ obsequijs refugere, quæ religionem fartam testamque sinunt , in ceteris nolle desere, quod facturus non erat, speraretur. Decies luctatus scribitur Iacobus, nunquam claudicasse, quem ne tyrannus mactaret, obsequentis viri officia ex moderatorum regni consilio tenuerunt. Susanna quoque Iacobi vxor sæpius territa vel publica sui corporis nuditate quæ intentabatur, vel lupanaris sceditate cui mancipandam extincto marito minabantur, vel filij quem vnicum habebat orbitare , sibi constitit , & cogitare potuit si non dixit :

Neophyti raris constantia.

dixit: *Angustia mihi sunt undique, si enim hoc egero mors mihi est, si autem non egero non effugiam manus vestras, sed melius est mihi sine opere incidere in manus vestras, quam peccare in conspectu domini.* Filius autem ipse licet puer sua firmitate ostendit, quod fortes creentur fortibus, nec imbellem feroces progenerent aquila columbam. Patrum enim suum à quo ad defectionem vrgebatur, in multorum consensu cacodæmonis filium appellavit, & aliàs ab eodem incitatum, nefanda fari. Parens verò de filio sollicita ita respondit, sibi vnicum esse, nec alium habere, quem Deo suo offerret meliori utique domino, quàm dynastæ. Huius certaminis exitus Iacobum fortunis omnibus spoliavit: sed religione sua diues thesaurum sibi non deficientem in cælis reservauit.

Alium quendam Arimenses triumviri ad se accersitum acriter sollicitarunt, ut quoniam dynastæ annuos census colligebat & ab eo agrum quendam familiæ sustinendæ possideret, illius voluntati obsequi ne cunctaretur: sed maluit agrum dimittere quam centuplum desperare. Illo igitur spoliatus ad sacerdotem nostrum se contulit, intra latebras suas hæc omnia certamina moderantem, ubi cum eo sua gaudia diuidens hoc vnum querebatur, quod tantillum in Christi causa, qui cetera omnia cupierat, dimisisset. Verum intra dies paucos agrum à dynasta ultro recepit, & religionis suæ publicè profitendæ facultatem victor impetrauit. Verum præ ceteris in hoc puluere Athletis fratres duo maximè vitæ integritate fideique retinendæ firmitate excellebant, quorum gloriosum in Christi causa exitum proximo capite narraturus, de utroque pauca præmittam, Michael senior, alter Matthias vocabatur.

Erat Michael Arienfis à prima ætate Christianæ religionis speculum & exemplar absolutissimum. Continentiam ita coluebat, ut illius splendorem ne suspicionis quidem umbra obscuraret. In pietatis exercitationibus primus erat, imò solus; corporis afflictatione valetudinem ac vires ita attriuerat, ut æquè cum morbis corporis atque cum animi motibus certamen suscepisse videretur: colloquia illi de Deo rebusque sacratis continua quia gratissima; sacris mysterijs quot mensibus ut minimum reficiebatur; vulgo creditur nemini vnquam locutus asperius. Denique vitam vivebat quam

*Neophyti
mox marty-
ris Gisa san-
ctissima.*

quam exigere posses à religiosa vitæ professore accurato potius, quam ab eo qui medio in tumultu rerum mortalium curis tenebatur. Qui sibi talis erat, qualem in ceteros fuisse arbitraris? In Socios à quibus fidei virtutisque præcepta susceperat, ita beneuolus semper fuit, ut hoc illi gaudium esset vnicum, si qua in re Patribus sibi videretur obsecutus. Sanè cum ante annos aliquot ex oneraria Lusitanæ conflagratione res nostra familiaris in extremas angustias deuenisset, effecit ipse per se ac suos ciues ut Arienensis vicus domicilij nostri sumptum sustineret. Eo etiam hortatore ac moderatore sacra ædes labefactata primo splendori restituta, quam ad rem ipse cum operis in siluam ad cædenda ligna pergebat, nec solemnis ieiunij per eos dies rigori quicquam vel ægritudo vel labor indulgit, ab aquæ ipsius etiam potu religiosus ecclesiasticæ inedia cultor abstinebat.

Eodem in vico alia ædes non procul ab ipsius ædibus assurrexit, eo maximè procurante. Effecit enim ut neophyti centum instituto inter se sodalitia, quod à centenario dicebatur, hanc ædem sibi sumerent erigendam penes cuius sodalitij præfecturam Misericordiæ procuratio, pro ædis nomine sumebatur, in eaque æde solis extructoribus intra centenarium comprehensis ius sepulturæ seruabatur. Et huius sodalitij & aliorum tredecim caput erat Michael, nam et si suus cuique sodalitia præfectus suis temporibus de more legebatur, Michael tamen vnus velut perpetuus sacre reipublicæ dictator à suo munere nunquam amouebatur, idq; annis antequàm occumberet omnino quindecim. Omnium necessitates ad eum referebantur, nihil denique sine Michaeli boni tractabatur, nedum perficiebatur. Quibus omnibus nihil non consequabatur eorum, quæ in illius Ecclesiæ bonum designabat, & alia multa, quæ non procurabat, ut nimirum ab omnibus velut communis patriæ pater coleretur.

Post eiectum ex hoc ouili pastorem ipse omnia quæ pro statu suo poterat officia supplebat, è latebris suis erumpens subinde sacerdos noster apud eum sacris operabatur, & sacramenta ministrabat, cetera quæ ab eiecto fieri palam non poterant, palam ipse perficiebat, sacris aquis infantes eluebat, mortuos Christiano ritu me-

Pastoris officia supplet.

dia die sepeliebat, etiam in publico cœmiterio, licet iam ex dynastæ auctoritate ad profanos vsus verteretur: nec erat qui veller, multo minus qui posset Michaelis auctoritati obfistere. Eiecto sacerdote nostro quo tempore Arimæ delituerat, omnium sodalitiarum præfectos ceterosq; administratos in vnum cogit, & admirabili oratione cohortatus omnes admonuit, aduenisse nunc diem illam multorū sæpe votis expetitam, in qua ne à Christo recederetur esset moriendum. Cum per motis jam animis perorasset, eo designatore constituitur, vti singuli sodales suæ curæ commendatos adirent, & in catalogum redigerent eorum nomina qui mori pro Christo coniurarent, vt aduenientibus à tyranno iudicibus eum porrigerent, & à periculosa singulorum sollicitatione sibi temperarent. Nec huius inuenti spes auctorem fefellit. Intra dies paucos mille quingenti nomina, quæ in Baptismo fluminis acceperant, baptismo sanguinis obtulerunt. Nec omitti debet piscatorum è vicino portu legatio. Mittunt ad Michaelē, qui seriò queratur se negligi, quod sua nomina nemo exegisset, mox ea querela recreatus Michael, mittit ad eos, qui nomina excipiat, quæ superiorem numerum centum supra quinquaginta signatis auxerunt.

*Frater illi si-
milimus.*

Michaeli frater erat Matthias nomine nati iunior, sed senioris accuratus imitator, exemplo domestico, fratri enim conuiuēbat, incitatus. Is magnam fundendi pro Christo sanguinis cupiditatem ita conceperat, vt sæpe diceret, O terque quaterque beati, queis in hac causa contigit oppetere? Ideo in martyrij candidatorū vel purpuratorum potius serie, alter à fratre cui vni cedebat voluit inscribi. Quin cū admonitus esset ab amico, vt, si diutius viuere cuperet, à fratris ædibus tantisper sese subduceret, sibi constare mortem illi in eo contubernio imminere; ita respondit, Nisi fratri conuiuerem, hoc euentu illius conuictum affectarem: non est igitur tempus deferendi, quod nunc habes, si tempus erat oprandi, si careres. Sane quo die sacerdos noster vico excessit, Michael ac Matthias, & alij quot alij futuræ constantiæ pignus à Patre sacrum viaticum in hac pia coniuratione morituri susceperant, ac sese communi domino velut ceterorum duces generose deuouerant.

MICHA-



MICHAEL ET MATTHIAS, THOMAS ET MATTHIAS OCCVMBVNT.
lib.1.c.19. lib.2.c.2.

MICHAEL AC MATTHIAS IN FIDEI
causasortes occumbunt.

CAPUT XIX.

IN hoc certamine, in quo Michael præliabatur cum dracone, vti victor euaserit, & quomodo fors quoque ceciderit super Matthiam videamus. Desertor ille triumphatus minister, Canzayemon dicebatur, cum diu Neophytos Arienſes frustra tentasset, Arimam repetijt in vnum fremens Michaelē, quo viuo nihil sperandum circa defectionem affirmabat, & multis confirmabat: huic proximum nominabat Matthiam domestico fratris exemplo ita incitatum, vt nisi de his ad territandos ceteros supplicium sumeretur, Arienſes dynastæ impune insultaturi viderentur. Hæc apud triumphuiros & maxime apud Yamato annosius illud Cerberi tricipitis caput, multis questus euicit, vt in vtrumque capitis sententia diceretur, hoc maximè nomine, quod in serie illorum, qui se Christo deuouerant, ipsi sua nomina primi inscripsissent, effecissentque vt plerique dynastæ suo parere recusantes sua quoque nomina contulissent. Ergo fratres duos ex insidijs maectaturi tres omnino sicarij designantur: vnus Michaeli ægro nec repugnaturus sufficere visus est, duo Matthiam iubentur obtruncare.

Illā ipsa nocte quæ Diuo Iacobo diem sacrum præuenit, omnium inscius Sacerdos noster Pater Ioan Fonseca Arije venit, & in ædibus Michaelis ipso die ac sequenti sacris operatur, & fratres duos eodem die sub vesperam morituros cœlestibus roborat Sacramentis, tanto vtriusque solatio, vt, quod futurum erat, viderentur præſagire. Ipse verò Sacerdos noster sacris mysterijs auroram præueniens priusquam illucesceret in suas latebras se recepit.

Sicarij ergo cum Ariem ipso S. Annæ aduenissent, munera inter se diuiserunt. Qui Michaelē suscepit obtruncandum adhibito in consilium è Reguli publicanis vno, coauctore statuit nihil esse quod eum ex insidijs inopinantem aggrediretur; gratius illi, & sine discrimine fore si moneretur; nec abnuuit sicarius qui intuitus Michaelē maectabat. Ergo publicanus ille adhibito in socium sicario Michaelē domo euocat, & metiendi ex dynastæ volun-

lun-

Michael ac
Matthias ca-
pitis da-
mnanitur.

Martyrj or-
do.

luntate cœmiterij specie secum abducit. Erat illud cœmiterium centenario sodalirio deputatum, ædibus Michaelis prope contiguum in quo ille crucem erexerat, quam precibus quotidianis ac sæpe nocturnis asylum sibi delegerat. Illi vero dominus eam crucem triumphi sui locum designarat.

Ingressi locum velut hortum Gethsemani, Michaelem monent, eum ex dynastæ voluntate exemplo ipso in loco obtruncandum: quod vbi audiuit Michael, imperterrito vultu elatis in cœlum manibus, Deo primum gratias egit, quod se votorum suorum compotem aliquando effecisset. Et ad monitores conuersus ait, Sanè tot iam morbis debilitatus satis metuebam, vt illi me sicca morte conficerent: gratias porro lati nunciij baiulis habeo, quod monitum maluerint, quàm inopinantem aggredi. Tum ad locum Crucis euersæ toties iteratis precibus sacrum delatus, in genua prouoluitur, ictum præstolaturus, sed carnifex effecit, ne ingredientibus nimis obuium iter sanguine sædaret, vt non nihil secederet, ergo dexteram eligens electorum locum, denuo in genua ruit, & breui oratione munitus, vestem aptat, ceruices molliter inclinat, & oculos in solum dei iecit, & ouis mansuetissima iugulantis ictum patientissimè præstolatur. Hic sicarius educta sica protestatur se quoque esse Christianum, sed heri sui mandatis non ausum repugnare, se coactum hoc patrare, petere se primum ab eo veniam; & quia Christi martyr cum Deo mox esset futurus, postulare vt huius sibi delicti ab ipso quoque Deo veniam exoraret. Annuït Michael, & excipiens ictum primo vulnere obtruncatur. Vix bene ruerat in terram sacrum caput, cum sicarius abiecta sica in genua prouolutus vtraque manu caput venerabundus excipit, & capiti suo superimponit: tum prostratus martyris pedes osculatur, & precatorios sibi globulos decurtatosque crines pro spolio secum effert. Ita Christi Martyr raro exemplo primum veneratorem habuit eum quem habuerat mactatorem.

Michael obtruncatur.

Sed ad Matthiam conuertamur breui Michaelem reuifuri. Sicarij duo qui Matthiam erant inuasuri, egresso ex ædibus Michaele, magna dissimulatione quidlibet aliud agentes Matthiam salutant, & interim dum hospitibus herbæ illius quam sanctam vocant, su-

mum quod Iapones sæpe faciunt, propinandum parat, inopinantem à tergo inuadunt, & altè singuli sicam in humeros adigentes solo affligunt, sacratissima Iesu ac Mariæ nomina inuocantem, quo facto sicarij se nonnihil è conspectu subducunt. Ad tumultum accurrere adolescentes duo, qui tum forte sacras vestes in interiore sacello, quibus eo die Sacerdos noster vsus fuerat, complicabant; illi Matthiam spirantem adhuc & in proprio sanguine natantem reperiunt, nec aliud illi repetebant, nisi, fortunate Matthia Christi martyr occumbis, hoc è sicarijs alter inaudiit, & regressus cum spirantem inuenisset obtruncat. atque ita fortunati fratres in morte ipsa non sunt separati, cum eos beata mors in æterna vita coniunxerit, quos eodem prope momento extinctos esse, proclue est vt credatur.

Prima nox martyribus fuit lucis æternæ diluculum, quæ ubi vulgavit inuitis tenebris suos toto vico splendores, tantos concursus euocauit, vt osculantium neophytorum, sacra sibi pignora rapientium, sanguine frontes crucis signo notantium, impetus nemo potuerit, ne dynastæ quidem satellites inhibere. Quo in genere tamen multa commemorari iure possent, vnus admirabili ardore satis erit lectorem incitare. Annos natus septuaginta neophytus Ioachim martyrum fama excitus posuit suos pedes quasi ceruorum, & suæ senectutis oblitus iuuenili passu accurrit, Matthiam obtruncatum reperit, quem Michaellem esse credebat, aduoluitur illius pedibus, osculatur, amplectitur, lacrymis suis repentem adhuc sanguinem diluit. Et ad sicarios etiam tum astantes conuersus supplex exclamabat: truncate, laniate, paribus in pari causa tormentis conficite, vnus sum ex ijs qui vnà cum Michaelle ac Matthia de fundendo religionis retinendæ causa sanguine coniurauì. Vbi verò intellexit Michaelis truncum cadauer in cœmiterio iacere, ad illud etiam accurrit, & eadem repetens hoc etiam addidit nouo sanè charitatis exemplo. nam intinctam sanguine martyris glebulam deglutiens intra viscera recepit, eoque iam enthea-

tus

tus sicarium, qui etiam aderat, adoritur, supplicat, urget, aptat cervicem, allegat nominis sui chirographum in eadem serie conscriptum; sed nihil impetrat, præter eam quæ talibus votis deesse non potest coronam, ab eo qui vota non secus quam facta remuneratur.

Martyrum victoriam non nemo ad eundem sacerdotem nostrum in tugurio suo nihil minus opinantem detulit, qui mox accurrit, detegi suas latebras posse negligens. Opportunus fuit illius aduentus ad neophytorum concursus auctoritate sua coercendos; eo itaque procurante, uterque in suum sarcophagum immissus in illo ipso cœmiterio, in quo Michael ceciderat, tantisper terræ mandatur, donec alta iam nocte submissi clam neophyti sacra pignora eximunt agro quem intra dies paucos excolendum esse constabat. ea deinde in proximum portum delata Nangasacium mari vehuntur, ubi in omnium Diuorum æde Societatis asseruantur; quæ si non eo apparatu excepta sunt, quem eorum merita vel nostrorum vota postulabant, id studio factum est, ne honorem mortuis impensum Arimensis dynasta hortatore Sasioe Nangasacium præfecto in viuorum iniuria compensaret. Ea mors Arientes omnes velut iniecto in flammis oleo feruentius inflammavit, cum aduersarij animorum incendia sanguine, velut aqua restinguere cogitassent.

Verum coronidis loco prætermitti non debet insigne Lucie matris visum, quæ hæc duo lumina Ecclesiæ Japonensi pepererat. nam cum illa paucis ante mensibus ex ea ægritudine decumberet ex qua occubuit, videre sibi visa est vigilans die media, nec vlla vi morbi delirans, elegantem puerulum gemmas duas admirabili splendore pretium suum ostentantes utraque manu gestantem, cumque illa sibi accedere videretur, evanuit. Altera die reuersus ramos duos flosculis pulcherrimis ornatos præferebat; sed iterum ubi propior videre cœpit, disparuit. Tertia denique die rosas duas purpureas gestabat, quas cum puero rapere niteretur, puer vnâ cum rosis oculos & gaudia iam proxima delusit. Hæc illa

Michaeli

*Martyrij
præfagium.*

Michaeli moritura narrauit, ille matri silentio indicto, vni è Societate nostra fratri suo reuelauit, à quo deinde, postquam euentus viso fidem fecerat, ea res cœpit euulgari, quæ virorum prudentium iudicio portento similis visa est, nec ad gloriam Martyrum reticenda, quos in horto concluso, nihil dubium, seruo sui sanguinis purpureo coronatos. Cum quibus prima hæc apud Arimenses procella defecit, desperante jam tyranno, quod in neophytis ardebat religionis incendium, edictorum aut pœnarum imbre posse restingui. Vixit tamen in eius animo suppositus ignis cineri dolofo, qui postea maiore impetu reuixit. Verum respirent nunc quidem tantisper Arimenses, donec huius procellæ vestigia secuti, reliquam per ceteros calamitatem persequamur.

NEOPHYTORYM IN REGNO FIGEN
pietas & constantia.

CAPVT XX.

*Nangasaquij
quo loco res
Christiana.*

IN regna finitima vnà cum hoc turbine delati Arimensi conterminum regnum Fyen inuenimus, in quo non pauca nostrorum sedes visuntur, in quibus maximè perfidiæ furor est bacchatus. Per singulos excurrentes quid fortiter egerint passiq; fuerint neophyti videamus. Nangasaquium intra huius regni fines emporium laponiæ rotius nobilissimum non tam sustinuit huius fulminis telum, quam vicinas ruinas excepit. nam cum ex Arimensi agro nostri è vicinis regnis multi exulare iuberentur, plerique Nangasaquium vbi Christianæ religionis primaria sedes est & laponiæ, vt ita dicam, Roma, velut ad asylum accurrebant, & si suo exemplo neophytis firmitatem ostendebant, suorum tamen laborum partem vel commiseratione, vel subueniendi necessitate in ceteros refundebant, ac velut vicinarum ædium incendia inflammant nondum ardentes, & ruentium tectorum fragore concutiunt, ita mihi Nangasaquio videtur in hoc religionis incendio euenisse, vt vicinorum vim ac ruinam experiretur, donec suo quoque tempore, vt postea videbitur, communis incendij fortunà conflagraret. Ex hac igitur velut specula flammæ mitigaturi religionis incensæ fauillas pietatis aquis temperemus, vbi restingui posse desperatur.

Picta-

Pietatis exercitationes Nangasquij placidè intra solitum alueum cucurrerunt: Sodalitia, nosocomia, concio frequens pro sacris ædibus, Sacramentorum vsurpation, corporis afflictationes aliæque huius generis, nullo non anno cantata, hæc enim solita omituntur, si quando insolentium facinorum narratio locum occupauit. Omitti tamen non potest quod eo ipso tempore quo tota Laponia sæuitur in Christianos, è concurrentibus ad sua lucra plurimis (omnes enim ciues Christum profitentur) trecentos quinquaginta supra mille anno 1612. duntaxat salutaribus aquis ablutos. quid sperandum de vento prospero, quando in hoc alueo ita feliciter aduerso nauigatur?

Eos inter adscriptus est vnus, qui licet apud suos nostrum haberet sacerdotem, huc tamen accurrit ab eo imbuendus à quo prima Christianæ legis semina iam diu suscepisset. Aiebat enim se olim ab illo sacerdote ad quem veniebat monitum, cum apud suos degeret, ut imbui se sineret illa lege, quæ sola æternam homini salutem promittit ac præstat, cui cætera omnia quæ bona vocamus postponenda sunt, ei qui horum breuitatem expenderit. Hæc aiebat sibi verba nunquam excidisse, sed cum instar seminis diu latuissent, eo tandem erupisse, ut statuerit eam sementem ab eo qui plantauerat. baptismi aquis irrigandam. Tanti est nullam omittere faciendæ frugis occasionem, quæ si nihil alteri profuerit, ad nos reuerteretur. Ergo Paulus in baptismo appellatus in patriam redit, quò cum persecutionis imber delatus exilia mortesque deplueret, primus aliquot mensium tiro intrepidè omnia sustinuit, parùmque absuit quin acceptam nuper innocentie vestem proprio sanguine tingeret: sed vita proscripso data si laureolam mutauit, meritorum tamen cumulo mortis in exilio tarditas fortasse nil ademit. Eius exemplo è veteranis deinde multi tironis firmitatem imitati, ex eodem prælio victores euaserunt.

Excursiones in alia loca ex hac nostrorum statione factæ plurimum ad impendentem procellam fortiter sustinendam neophytis virium addiderunt. Visitatus est officiose Sazumanus dynastæo in portu Cangoxima qui Sanctum Franciscum Xauerium in Japoniam appulsum exceperit, ex itinere confirmati multi magno

L

Visi-

*Conuersio
cuiusdam
notato di-
gna.*

*Excursiones
ad Garia lo-
ca.*

Visitatoris solatio, qui neophytos reperit solitos apud neophytum feruentiorem dominicis ac festis diebus in sacellum domesticum cogi, & ipso tempore quo Missæ sacrificium solenni ritu celebrari sacris in ædibus mos est, ipsi parata in ara cereos & odores incendunt, & oratione communi sacrificij maiestatem, quâ possunt adumbrant, Christianorumque cœtum sanctitatem imitantur. Quod eo magis æstimari par est, quod eo in regno profani cultus vigent, eorumque sacrificuli magna apud omnes opinione dominantur. Alia etiam excursionem in Insulas Goto nauigatum pari semper fructu, & maximè si vnquam opportunè; cum enim eo quoque procella irrupisset, Insulares illi fortiter sanè se gesserant.

In Firandensi quoque portu venti vtiliter aduersi, dum nostros subinde nauigantes tenent, cum neophytorum vtilitate conspirant. In eos Prætor cæterorum exemplo ideo fortasse non fauijt, quod arbitraretur suis in terris Christiani nominis etiam memoriam perijsse. Viuunt tamen antiquæ pietatis reliquæ, & in pietate perfidiæque à Neophytis ac tyranno non impari ardore certatur. In Mexiam solam certatum est, quæ nurus fuit Firandensis reguli; sed mortuo marito huius dynastiæ hærede iam diu viduitatem Christianis moribus cohonestat, estque illa Omurandoni dynastiæ soror cuius annis prope singulis Iaponensis Ecclesiæ annales meminerant. Illius non cum sola perfidia sed cum ipsa quoque natura certamen fuit in hunc modum. Cum enim illius filius dynastiæ nepos in grauem morbum incidisset, cuius pertinacia medicæ artis quotquot adhibebantur præsidia eludebat, nec ab auo inducti sacrificuli ritibus suis plus quàm medici imò minus etiam effecissent; nihil tamen fingere dubitarunt, pueri ægritudinem matris religioni attribuendam, à cuius defectu filij salus & vita penderet: hoc enim religionis odio dederunt, vt desperatam pueri valetudinem à se remouerent. Ergo dynasta eiudem religionis odio, & nepotis amore potenti-
bus telis instigatus, Mexiam siue Manciam toties alias victus denuo aggreditur, perfidiam honestiore titulo filij salute matrisque amore cohonestans. verum illa fortiter sanè ita responderet: Meminisse poteras, socer, me olim cum filius tuus maritus
meus

*Nobilis ma-
trona cōstan-
tia & pietas.*

meus moreretur non absimili in pugna non cessisse. Nunc ergo tametsi constaret filij mei vitam & salutem à mea defectione pendere, quod olim marito negavi, absit vt filio concedam. Nunc autem cum illius salus à Numinis nutu pendeat, subiecit sperare se si per auum matri liceret filium præsidij fouere Christianis, plus illi quàm profanis sacrificulorum ritibus profuturam. Grauatè quidem responsum tulit focer, sed amor nepotis effecit vt matri quod horrebat maximè permitteret. Exclusis igitur profanis ritibus sacros omnes quos potuit adhiberi procurauit: ipsa verò summis precibus Dominum precabatur, vt honori suo in huius euentus expectatione consuleret; quin filium ipsum clam monuit, infantem fuisse Christiano ritu expiatum, docuitque qua ratione sanctissima IESU ac Mariæ nomina tacitus imploreret. Fecit puer, cui necessitas affectum, affectus verba cum ex ore ita expulisset vt auus, qui nepotem Ethnicum credi volebat, inaudiret, vehementer ille excanduit. Verum cum paulo post desperatam nepotis salutem ad spem primum, ac deinde breui ad integram sanitatem vidisset reuocatam, ita mansuefactus est vt victrici Mexiæ, quæ sua gaudia domino magis quàm sibi gratulabatur, ultro sponderit se illi sacram ædem erecturum, in qua suo ritu familiæ incolumitatem potenti Deo suo pro arbitrio commendaret.

In vico Tone, sub vmbra Marinæ, quæ est Omurandoni dynastæ soror, sacerdos vnus è nostris degit solito labore ac fructu, quem promouet exemplo suo matrona nobilis: ac licet hunc tumultum non euaserit, excepit illa tamen fratris se ad defectionem sollicitantis nuncium ita obfirmatè ac seuerè, vt omiſſa spe victoriæ certamen dynasta in posterum detrectarit, sed innouato tamen edicto Christianæ legis veteres angustias arctius coarctarit, vetabat enim Christianam se palam profiteri, sacras imagines exponere, sacerdotem euocare aut apud se detinere, aliæque huiusmodi non pauca. Sed quoniam eum qui edictum euulgabat neophytum esse contigit, cursim & perfuntoriè quædam edixit, pleraque reticuit. Vnde res ea plus metus habuit quàm mali. Neophyti tamen se ad omnes impetus

*Quid apud
Omurenses.*

sæpe jam repetitis auxilijs compararunt, & calcar illis fuit ad colendam religiosius, non ad opprimendam pietatem.

Ex ijs quidam cùm nescio quo monente, diem sibi extremum imminere sensisset, cùm aliàs multa in fidei causa pertulisset, ac insultus omnes victor elusisset, denum ad sacerdotem nostrum Omura venit, ubi degebat, viuusque ac valense fecit quæ à moribundis exiguntur, distributaque in egenos stipe, quam erat legaturus ad suos redijt, & intra decem dies ægritudine corripitur ac eripitur. Ne autem ad eum sepeliendum sacrificuli (quod ubi possunt solent) etiam non accersiti concurrerent, insigni stratagemate illos delusit. Moneri quippe curat neophytos eo in oppido complures, ut ad sclopeti strepitum accurrerent, signum illud se curaturum per suos dum expiraret. Expirat, signum datur, concurrunt neophyti, & priusquam de illius morte sacrificuli rescirent Christiano ritu sepelitur. Et morientis industria viuorum cupiditatem ita præuenit, ut ne mortuus quidem quicquam cum profanis ritibus sibi voluerit etiam per vim esse commune.

*QVID IN CETERIS EIVSDEM REGNI
locis in fidei causa contigerit.*

C A P V T XXI.

FVndogama nostrorum sedes, ea pars regni Figen, quæ Omuræ terminis imminet, nec procul abest ab arce dynastæ, quem Terazua Ximadono vocant. Hinc præter solitos domiciliorum nostrorum labores ac fructus, excurritur in finitimos agros Neophytorumque noualia. Ex arce Caratcu vocant, copiosiores fruges conuectæ, maximè ubi ab vrbe regia discurrentis procellæ fragor intonuisset. Nam ubi auditum est, quid Surungæ mouisset Imperator, placuit non imitari solùm sed etiam superare. Cùm enim ille quatuordecim duntaxat proscripsisset, huius dynastæ furor in omnes æquaciliter fulminauit. Edictum enim, ut intra certum diem, qui Christum renueret eiurare, finibus cederet. Eminebat auctoritate ac diuitijs sed in primis pietate neophytus Leo, qui præterquam quod ceteris exemplo semper præiret, hoc maximè tem-

pore

*Neophyti
mors insignis.*

*Fundogama-
gesta.*

Pore præcurrere videbatur. In eius ædes, aut ædém potius (nam partem illarum optimam Deo dedicarat) ad fulminis fragorem auditis edictis concurrerunt; ibi omnes auctore Leone pro Christo coniurant, & in exilium abituri cum eius consilio & ope deducuntur; ipse autem tametsi non abnuente dynasta publicè Christum profitebatur, vix se continuit quin proscriptis se sponte comitem adderet; nec eum patriæ vel fortunarum amor tenuit, sed, ne athletas, ad certamen, si quod ingrueret, remanentes desereret; né se ipsum maioris victoriæ spe fraudaret.

Nec ij solum quos edicta eiecerant, sibi constiterunt. Non defuit, qui sexcentos orizæ saccos annum censum sponte dimitteret, ne Christianarum exercitationum libertate priuaretur. Hoc è disciplina Iusti Vcondoni hauserat, dignus tali hero famulus, qui centuplum à communi domino promissi scenoris reportaret. Alius tametsi à fide iam diu defecerat, nec iam pro Christiano haberetur; vxorem tamen vniuersamque familiam incredibili ardore contra vim omnem defectionisque procuratores ita defendit, vt eos à certamine, desperatione victoriæ, reuocarit. Verùm insignior fuit pueri Ludouici constantia, qui anno superiore Leone hortatore ac patrino aquas exceperat salutare, nihil attendens quod parens vterque ac propinqui omnes sectam Icoxus profiterentur, quæ scèdiorem Iaponia nullam nouit. In hoc igitur tumultu vicinia tota cum familia conspirans, puerum vnum frustra suscipit expugnandum: auctoritatem parentum neglectam in eo casu causabatur, quod inuitis ijs imò & inscijs à domestica religione defecisset: quibus cum ille diuinam obijceret auctoritatem, post cuius rationes minas elicit, non in se solum, sed etiam in parentes ac propinquos; quasi verò qui sibi non timebat, alijs timere iuberetur. Ne tamen furente multitudine alienum periculum euocaret, dies septem ita latuit, vt clam à notis aleretur. Ex absentia creuit ethnicorum furor arbitrantium, à parentibus puerum suo furori subductum; quem cum ad pœnam frustra quaesitum exposcerent, remittente se sensim furore, parentes ipsi filij quem insequabantur, patrociniū suscipientes, vt vni puero, à quo nullum dijs patrijs periculum immineret parceretur ægre tandem impetrarunt. Ita Ludouicus è

sæpe jam repetitis auxilijs compararunt, & calcar illis fuit ad colendam religiosius, non ad opprimendam pietatem.

*Neophyti
mors insignis.*

Ex ijs quidam cùm nescio quo monente, diem sibi extremum imminere sensisset, cùm aliàs multa in fidei causa pertulisset, acin-
fultus omnes victor elusisset, denum ad sacerdotem nostrum Omura venit, vbi degebat, viuusque ac valens ea fecit quæ à moribundis exiguntur, distributaque in egenos stipe, quam erat legaturus ad suos redijt, & intra decem dies ægritudine corripitur ac eripitur. Ne autem ad eum sepeliendum sacrificuli (quod vbi possunt solent) etiam non accersiti concurrerent, insigni stratagemate illos delusit. Moneri quippe curat neophytos eo in oppido complures, vt ad scopeti strepitum accurrerent, signum illud se curaturum per suos dum expiraret. Expirat, signum datur, concurrunt neophyti, & priusquam de illius morte sacrificuli rescirent Christiano ritu sepelitur. Et morientis industria viuorum cupiditatem ita præuenit, vt nemortuus quidem quicquam cum profanis ritibus sibi voluerit etiam per vim esse commune.

*QVID IN CETERIS EIVSDEM REGNI
locis in fidei causa contigerit.*

CAPVT XXI.

*Fundogama
gesta.*

FVndogama nostrorum sedes, ea pars regni Figen, quæ Omurz terminis imminet, nec procul abest ab arce dynastæ, quem Terazua Ximadono vocant. Hinc præter solitos domiciliorum nostrorum labores ac fructus, excurritur in finitimos agros Neophytorumque noualia. Ex arce Caratcu vocant, copiosiores fruges conuectæ, maximè vbi ab vrbe regia discurrentis procellæ fragor intonuisset. Nam vbi auditum est, quid Surungæ mouisset Imperator, placuit non imitari solùm sed etiam superare. Cùm enim ille quatuordecim duntaxat proscripisset, huius dynastæ furor in omnes æquaciliter fulminauit. Edictum enim, vt intra certum diem, qui Christum renueret eiurare, finibus cederet. Eminebat auctoritate ac diuitijs sed in primis pietate neophytus Leo, qui præterquam quod ceteris exemplo semper præiret, hoc maximè tem-
pore

Pore præcurrere videbatur. In eius ædes, aut ædem potius (nam partem illarum optimam Deo dedicarat) ad fulminis fragorem auditis edictis concurrerunt, ibi omnes auctore Leone pro Christo coniurant, & in exilium abituri cum eius consilio & ope deducuntur; ipse autem tamen non abnuente dynasta publicè Christum profitebatur, vix se continuit quin proscriptis se sponte comitem adderet; nec eum patriæ vel fortunæ amor tenuit, sed, ne athletas, ad certamen, si quod ingrueret, remanentes defereret, nè se ipsum maioris victoriæ spe fraudaret.

Nec ij solùm quos edicta eiecerant, sibi constiterunt. Non defuit, qui sexcentos orizæ saccos annum censum sponte dimitteret, ne Christianarum exercitationum libertate priuaretur. Hoc è disciplina Iusti Vcondoni hauserat, dignus tali hero famulus, qui centuplum à communi domino promissi se notis reportaret. Alius tamen à fide iam diu defecerat, nec iam pro Christiano haberetur; vxorem tamen vniuersamque familiam incredibili ardore contra vim omnem defectionisque procuratores ita defendit, vt eos à certamine, desperatione victoriæ, reuocarit. Verùm insignior fuit pueri Ludouici constantia, qui anno superiore Leone hortatore ac patrino aquas exceperat salutare, nihil attendens quod parens vterque ac propinqui omnes sectam Icoxus profiterentur, quæ se diorem Iaponia nullam nouit. In hoc igitur tumultu vicinia tota cum familia conspirans, puerum vnum frustra suscipit expugnandum: auctoritatem parentum neglectam in eo casu causabatur, quod inuitis ijs imò & inscijs à domestica religione defecisset: quibus cum ille diuinam obijceret auctoritatem, post euictas rationes minas elicit, non in se solum, sed etiam in parentes ac propinquos; quasi verò qui sibi non timebat, alijs timere iuberetur. Ne tamen furente multitudine alienum periculum euocaret, dies septem ita latuit, vt clam à notis aleretur. Ex absentia creuit ethnicorum furor arbitrantium, à parentibus puerum suo furori subductum: quem cum ad pœnam frustra quæsitum exposcerent, remittente se sensim furore, parentes ipsi filij quem insequabantur, patrociniū suscipientes, vt vni puero, à quo nullum dijs patrijs periculum immineret parceretur agre tandem impetrarunt. Ita Ludouicus è

Pueri constantia.

latebris suis exiliens, vnus multorum victoriam religione quam publicè exercee, ostendat. Huic puero non inferiores fuerunt, quæ vxori dynastæ intra arcem famulantur. Post multa enim certamina plus etiam euicerunt quàm sperabant, vti liceret certis diebus cœtus neophytorum adire, quod laponensis pudor huiusmodi fœminis etiam in alta pace vix permittit.

In eodem oppido Carateu quantum religio Christiana tot arietibus quassata sibi constitit, tantum profanus cultus in summa pace titubauit. Nam horrendi facinoris conuictus vnus obstinationis patrocínio lapsum ruinamque suspendit. Sæctarij eo in oppido Iodoxus, qui Amidam elata voce inclamant, expeculiaris instituti ratione vigent vel maximè (Iccoxus enim eundem minus fortasse surdum arbitrari silentio suo modestius interpellant) eam sæctam multitudo suam dynastam, hic parentem secutus profitetur, habetque sanum nobile, metropolitæ sedem nostro more appellares. Huius parœciæ mercator nescio quis, propriò ne an alieno delirio correptus incertum, correptus tamen affirmabat, se ad certam diem ab Amida in cœlum euocari, id visum sacrificulo enunciat, cui filiolum in cœnobio educandum committit. Et quoniam huiusmodi commenta magnam stipem emungunt, à sacrificulis vt non procurentur, certè non faciliè corriguntur. Et iam dicta dies aderat, qua volator delirus in cœlum euolaturus dicebatur. Concurrerant ad spectandum innumeri; sed volator nescio quo negotio præpeditus post biduum se in omnium conspectu sublimem abiturum promisit, sed ipsum biduum sine ipso auolauit. Sacrificulus igitur hominem in cœnobium euocauit, hac aue aucupium armaturus, sed cum totum diem omnes elusisset, nocturnis horis nihilo leuior quàm diurnis non volabat, si non vtaquila, sed nec vt noctua. Longiorem moram sæctæ suæ ludibrium non tulit sacrificulus. Ergo quàm potest occultissimè sibi fidos iuuenes euocat, & monitis quid fieret volatori tradit ad mare abducendum. Ibat ignarus volator, donec in aquas immersus exclamat se ascensum non descensum promississe: sed frustra: madefactis nouus Icarus plumis grauior demergitur, vt in Amidæ paradisum, qui volatu non potuerat, nauigio vheretur. aguis igitur præfocatum cadauer in sanum clam reuchitur. Illud sacrificulus

*Sacrificulo-
rum impo-
sura.*

culus cum suis sub conopæo collocatum podere vestiunt, epomide caput humerósque exornant, manus precatorijs, quibus vè quoque solent, globulis onerant. Id monitrum pro foribus fani summo diluculo apparet. accurrunt impostores, miraculum inclamant, fingentes eum celerrimo volatu noctu ad Amidameuolasse. Ergo ijs auctoribus multa in eius cultum collata ad cœnobitarum loculos conuolarunt. Verùm ea fraus diu latere non potuit. ipsum toparcham ferunt grauitè id tulisse, sed, ne sectæ suæ, quam dimittere non placebat, ignominiam inureret, siluisse; exultantibus interim neophytis, sibi que gratulantibus, quod reiectis commentis veritatem sectati in cœlum viam æternamque ibi vitam inuenissent.

Isafay vicus nostrorum habet domicilium in quo egregiè pro Christo in hac rerum nouitate certatum est; quæ priusquam audiretur ab vrbe regia, suum cursum tenebat res Christiana, rameçsi dynasta, vel potius illius parens qui omnia moderatur, Christianis sacris insensus Idolorum cultum promouet ac fulcit; cuius animum sua sponte inclinatum grauitè in nos excitauit sacrificulus quidam celebris, Sanga metropoli regni Figen oriundus: is enim cum è Quanto regno ad ortum (vbi magna literarum ac virtutis opinione summa omnia consecutus etiam Imperatoris Magister appellabatur) patriæ ac suorum reuifendorum desiderio Sangam venisset, exceptus est à dynasta prout excipi solent ij, qui in adyta principum gratiosi penetrarunt, magnis muneribus cohonestatus omnia remisit, protestatus nihil sibi gratius omniumque munerum instar fore, si externa Christianorum sacra patrijs tantopere aduersantia suo regno exterminaret, quam rem ab ipsa vrbe regia postquam rediisset literis acriter scriptis in memoriam reuocauit. Hinc factum est vt suapte natura propensus, hoc impulsu faciliè ad edicta Imperatoria, quæ paulò post aduenerunt animum applicarit.

*Sacrificulus
hortatus in
Christianos
inquiratur.*

Ergo de proscribenda religione interdicendisque illius sacris dynasta consilium habiturus Vconem vocat Isafay dominum clientem suum, è cuius sententia constitutum vt tantisper dum quid Christianorum sacris ac Sacerdotibus Miaci factum esset

esset audiretur, priori in statu cuncta relinquerentur: interim tamen quod fecerat Imperator in eos inquireretur, qui annuos census à dynasta possiderent, à quibus exigeretur, vt aut deficerent, aut plecterentur. Et quoniam Isafay plures esse constabat, Vcon ad suos reuertitur in Christianos assecclas suos multa moliturus.

Primus in quem, ceteris iam in seriem relatis, huius procellæ impetus incurrit Thomas dicebatur Vconi à secretis. Euocato enim ad se imperat vt ex Imperatoris dynastæ ac sua voluntate extemplo Christum eiuret. Ille intrepidus abnuir asseruitque se ne hoc faceret ad extrema omnia deuenturum. Pupugit Vconem delibata famuli libertas; sed furorem continens dimittit, & post dies paucos, ex officio sumens innouandi certaminis occasionem, dynastæ illi diploma in Christianos exscribendum tradit non minus sibi constitit Thomas, negauitque se officio suo in Christianos vlla in re functurum. Vix se continuit Vcon repulsam iterum passus, quin irruentibus iracundiæ fluctibus obrutus à cæco furore in Thomæ perniciem abriperetur. Continuit se nihilominus etiam nunc & toparchiæ suæ moderatori dat in mandatis, vt seriò Thomam sibi sumat expugnandum. Fecit ille non semel exhaustis tamen frustra persuadendi locis, postremum telum ab ipsa natura sane potens mutuatur. Habebat Thomas annosum & ethnicum parentem, cui quod viueret ex Thomæ stipendio pendebar. triplex in eo naturæ, legis ac lucratio pugnatura videbatur. Ergo cum monet, vt filio sibi que subueniat, illi vitæ discrimen, sibi fortunarum imminere. Verum hic aries confirmando Thomæ non frangendo valuit. Parens enim tametsi ethnicus defectionis tamen in filio exhorruit fœditatem. Respondit igitur, filio satis ætatis esse, vt ex hoc naufragio sine auxilio parentis possit enatare. Ipsum porro filium compellans, cum à firmitate præterita collaudauit ad futuram est cohortatus, iussitque nulla parentis habita ratione, in eo quod honestum esse senserat, sibi constare. Exinde Thomas inexpectata cohortatione parentis firmior ad vltiora se extendit, eorum quæ retro erant certaminum oblitus, arbitratus est enim primam heri repulsam ceterorum exemplo morte sibi luendam; sed ad extremum post varia certamina proscriptione, quæ solet

Insignis Thomas nobilis neophyti constantia.

solet esse Iaponibus ipsa morte plerunque grauior, longiorem victoriam inchoauit.

Alter qui secundos impetus retudit Iohannes vocabatur. is ante menses non amplius duos elurus, breue tirocinium illustri victoria nobilitauit. Lacessitus enim ita respondit, se nec inscio, nec inuito dynasta Christi fidem amplexatum, ab ea nullis artibus posse dimoueri, diuturni certaminis hic fuit exitus. Iubetur fortunis cedere, domo recens extracta abire, commercio ciuium excludi. Magno animo magnam iacturam tulit, ac solus in auia loca secedens in stramineo mapali de tyranno, de rebus nuper suis, de seipso triumphat. Eandem victoriam multi consecuti dum latimortem expectant exularunt. Sed ne rerum similitudo fastidium pariat, vno alteroue contenti, quos peculiaris euenti ratio celebriores reddit, è Figen excedemus.

Paulus à propinquis diu lacessitus vt dynastæ imperio diuinum posthaberet, muliebri certamen animo virili cum matre, vxore, filiabusque suscepit, quarum vt est amor tenerior, ita vehementius in animos insilit & acrius peruat. Lacrimis, ciulatu, omniq; muliebri artificio certatum sed frustra, licet omnia serio velut alias breui perituro suaderentur. Mater vltimum certamen cum filio sanè efficax ingreditur, indicit sibi mortem inedia subeundam nisi filius matri, à qua vitam accepit, vitam respiscendo restituat. Iam triduum sine cibo peregerat. Paulus tamen si, quod naturæ debebat, parentis misereretur, sibi tamen semper similis Deum rogabat, vt quo modo nosset vtrique malo mederetur. Non fefellit spes constantiam; Mater enim diuino procul dubio numine subito immutata cum filio conspirat: ait, se cum vno prælio septem filios dynastæ obsequijs deuotos amisisse, & ingratham sibi videri, si hunc vnum supremo rerum omnium moderatori subtraheret. Moretur itaque pro suscepta lege constanter; se quoque in eandem transire velle, quam ex visa firmitate colligeret ea suis sectatoribus largiri quæ promittit. Hoc cœlesti solatio recreatus è domestico prælio ad nostrum sacerdotem victor accurrit, cum eo sua sibi Deoque beneficia gratulatur. Denique cum dynasta ex domesticorum certaminum fortuna publicorum euentum collegisset, certare de-

Alterius constantia mirabilis.

M

stitit;

stitit; sed atroci pœna damnatum domo fortunisque eiecit, ea lege vt publicè igni & aqua interdictus in ipsa vrbe inedia periret, vt omnibus vicis vagus longa morte ceteros à simili, vt aiebat contumacia deterreret. Is etsi multa pateretur, neophyti tamen occultis officijs contempto vitæ discrimine, extremæ illius necessitati subuenerunt.

Sed à viro digressi, Figensum Neophytorum victorias puerili facinore concludamus. Is cui sollicitandos neophytos Vcon commiserat, nepotem habebat sexennem Vincentium nomine an omne? Is cum per eos dies Auum adisset, cum puerulo vocatus dixit, Christianos omnes in crucem agi propediem oportebit, vide vt cum ceteris ad eam mortem te compares. Cui Vincentius: Parentis vterque, inquit, sibi mihiq; ac familiæ vniuersæ vestes ad eam mortem decenter subeundam compararunt; sed mora nobis molesta est, cuperem iam horam aduenisse. Infert auus, viginti cruces è metropoli huc mittuntur, tum puer exultans; nihil mihi lætius dici potuit, spero vnâ quoque minorem mihi comparatam. tantæque lætitiæ signa edidit, vt stuporem ethnicis omnibus ingesserit, vim diuinam admiratis, quæ initia vitæ cum extremis coniungens, mortis desiderium ijs ingerit, qui vix dum bene vitam inchoarunt. Verùm è regno Figen ipso procellæ turbine delati in proximum Chicuien regnum aduolemus.

*Martyrj desiderium in
puero sexenni.*

*PACATIOR ALIQVANTO REI CHRISTIANA
STATUS IN REGNO CHICUIEN.*

C A P V T XXII.

NON raro vna eadèmq; fulminantis Iouis manus leuius alibi præteruolat, quæ alibi omnia desolauit. Ita huic regno contigit ideo quod fauore dynastæ, quem parens in Christiana professione moriens filio legauerat, Christi nouale tegeretur. nec tamen nihil passa est Chicuiensis Ecclesia, licet plura formidaret. Cum igitur in hoc quoque regnum Imperatoris edictum, quo aulici quatuordecim proscripti exilio suo locum reperire vetarentur,

tur,

tur, penetrasset; nihil dubitauit toparcha, quin et res suspensos nostros ac nepphytos teneret. Vt ergo animi sui beneuolentiam publica significatione testaretur, Patrem Gabrielem Matos sacerdotem nostrum in arce sua sollemni epulo excepit, nec obscure significauit, se nostram ædem Parentis sui sepulchrum ac nostros eius magistros intra sui regni fines, inuito etiam Imperatore, conseruaturum; ne tamen accusationi anam dedisse videretur, in aulicos suos inquiri voluit in hunc modum. Edicit vt domestici omnes sui à Christo ad Deos patrios deficiant, ita Imperatori, ita sibi placere, aliquot ex honorarijs clientibus tametsi tirones veteranos superarunt, illi enim omni molimine oppugnati à præfectis suis non potuerunt expugnari; quos tamen ideo toparcha, qui rem hanc minus serio tractabat, impune dimisit. E veteranis vero quatuordecim fortunarum amor à proposito suo exturbauit, extorto quidem consensu atque chirographo, non tamen sine offensione ceterorum. Toparcha verò cum arbitraretur plures occulta professione cum ceteris conspirare, ne cuius maleuolentia apud Imperatorem neglecti edicti deferretur, reliquorum nomina sibi tradi procurauit.

*Qualiter se
gesserit Chi-
cuiensis dy-
nastia.*

Misit igitur ad dictum Sacerdotem nostrum quatuor è tota nobilitate primores, quorum primus totius regni moderatorem agebat: per eos hæc renunciari iubet. In hac rerum nouitate multos ex aula sibi auctores esse vt multorum exemplo euertat ædem nostròsque dimittat, ac deinde tota dirione sua Christi sacris interdicit: se tamen parentis sui memoriæ sacram ædem conseruare, quam erexit ille sibi que ad sepulturam quietemque delegit; externorum etiam se misereri, quos ab extremis finibus orbis terrarum in Iaponiam venisse constabat, nulla spe lucræ permotos, quàm vt mortalibus Dei sui cultum euulgarent, quam legem parentis sui auctoritate confirmatam non erat obsequentis filij euertere: velle se igitur vt omnibus qui domesticis suis obsequijs minimè occupantur impune ac libere liceat legem illam retinere ac suscipere. Eos autem excipere se non tam suam quam Imperatoris voluntate, ne quid neglecta edictorum imperia sibi mali ab æmulis accerferent. Et quoniam ex ijs

quatuordecim sibi iam obsequerentur, nec dubitaret longè plures eodem studio teneri, velle se ab ipso sacerdote nostro nomina sibi tradi ceterorum, ne à pluribus quàm necesse sit edicti voluntas exigatur, hac ratione paucorum sollicitatione omnium quietem procurari.

Ad hæc noster ita respondit: Non satis æstimari posse insignem dynastæ benevolentiam, sub cuius umbra decennium & amplius ea sedes tot aliorum regnorum procellas incolumis euasisset: nomina tamen à se tradi sine graui scelere legisque suæ proditione non posse, nec oportere eum qui per tot maria labores & pericula, legem suam euulgaturus aduenisset, sibi ipsi pugnantem eos prodere ad defectionem sollicitandos, quos ad Christi fidem amplectendam prouocauit. Denique fieri posse, vt seriem texenti ex vniuerso numero aliquis imprudenter excidat, qui si deinde fuerit prehensus, minus fideliter egisse credi possit. Et cum non nihil cum dynastæ legatis certatum esset in hunc modum, aliud nihil retulerunt. Res erat periculi plena, cum dynastæ sibi nolint à quoquam repugnari. Ergo ubi renunciassent, cum nouis mandatis ex templo domum remittuntur, Velle se neophytorum nomina sibi tradi, tamen si hoc lege nostra nefas esse constaret. Ipsi autem primores multa de suo addentes, ceterorum quietem, dynastæ facilitatem, quem constabat minimè sœuiturum, imminentem eius iram, antiqua beneficia, aliâque multa commemorabant. quibus cum modestè satisfactum esset, habitæque pro humanitate gratiæ, nihil tamen in priore responso habere se dixit innouandum. Quid expectas? creuerat ex repulsa discrimen, nihilominus ille in cuius manu sunt regum corda, illius animum emolliuit, remisit enim vnum è quatuor qui renunciaret sibi perpensis Patris rationibus abunde satisfactum, tranquillo animo deinceps antiquum retineret. Quo responso nostri hostes qui iam mussitabant siluerunt, & neophyti gratijs Deo actis planè conqueuerunt.

Hoc ipso tempore cum dubio in statu res Christiana nutare videretur, ipsius dynastæ consobrinam vniuersa familia simulacris addicta, mater, fratres, maritus, socer & ceteri propinqui distributis inter se insulibus aggrediuntur: sed omnes retudit imperus, clypeo

*Periclitatur
rei Christiana
status.*

elypeo fidei præmunita. Fratres repulsam passi dolis armantur, tres è prima nobilitate sollicitant, qui se à dynasta missos mentiantur, arbitratu non ausuram expresso dynastæ imperio repugnare. Verùm cum illa fraudem præsensisset, sua prudentia præuenit. Misit ad eos, qui venturi dicebantur, nuncium quo se quid cuderetur rescisse significat, valde sibi molestum fore, si secum fraudibus agatur, easque regni primores in se parum cordatè suscipiant. quo nuncio sopita res est, ipsæque nemine interpellante antiquam retinet pietatem.

*Dynasta con-
sobrina & se-
gesserit.*

Ex ijs porro qui defecerant, vnus cum maximè resipiscere voluisset, moriens sacramenti pœnitentiæ beneficium consequi non potuit tamen si sperandum sit, cum virtutis pœnitentiæ beneficio cum Deo in gratiam rediisse, cuius signa magna doloris significatione præ se tulit. Grauius plecti visus est, vici cuiusdam præfectus, qui nulla dynastæ auctoritate neophytos ad defectionem lacessendi negotium ex sola animi maleuolentia suscepit. Qui enim casum alijs procurabat, ipse ex equo ruens pede intra sublicem pedaneum, quem stapedem vocant, impedito raptatus interiit.

*Apostata pœ-
nitur à Deo.*

Amanguialia est eiusdem regni nostrorum sedes in cuius finibus cum præfecti propria auctoritate edixissent, vt neophyti omnes proposita crucis pœna deficerent, omnes prope sibi constiterunt. Magna fuit ad mortem pro Christo subeundam, sed solita comparatio. Verum in solo malorum metu malum fuit, breui enim dynastæ edictis constitit cum solis ijs agi, qui domesticis illius obsequijs occupantur. Ibidem incidit res planè admirabilis. nam in incensæ neophyti cuiusdam domus fauilla reperta est sacra cerei agni effigies, ambusta theca & funiculo quo gestabatur ita integra, vt non solum non sit ab igne liquefacta, sed nec ipsum candorem amiserit. Prodigio etiam simile fuit, quod in exhumati pueri sepulchro repertum scribunt. Nam eius sarcophagum, in quo laponenfi more corpora condi solent, floribus quibusdam purpuram colore æmulantibus coopertum ab exhumatoribus reperiri lego: quin ipsum cadauer intra sarcophagum ramus florum candidi coloris ita texerat, vt studio ad ornatum dispositus videretur. Ea res à neophytis pro miraculo habita, ipsique flores ab ijs ad memoriam venerationemque collecti.

REGNA CHICUNGO, BVIEN, BVNGO,
quid hoc rerum statu pep-
rerint.

CAPUT XXIII.

NEophyti qui Chicungo regnum incolunt in hoc rei Christianæ tumultu multa fecerunt, pauca præ ceteris pertulerunt. Cum enim à Gubernatoribus edicto publico Christianis sacris proposita mortis pœna omnibus esset interdictum, viri, fœminæ, pueri ac puellæ de prodigendis fortunis, patria, vita, sanctè coniurarunt, inter quos plerique primorum domestici hoc addiderunt, ut si ex eorum numero aliquis ea de causa publicè plecteretur, communi se in medium prodeundi & publicè eandem fidem protestandi eandemque mortem expetendi, sacramento adstringerent. Nec defuere mercatores, qui solitas ad sua lucra excursions, ne martyrij iacturam facerent, hoc tempore omiserunt. Alij cum ex Ethnico quodam optimatè inaudissent intercolloquendum, ideo regni moderatores ab ijs laceffendis abstinere, quod arbitrarentur omnes iam à Christo defecisse; ad eos longe positos se contulerunt hac vna ex causa, ut se in sua fide constantes, nunquam defecisse aut defecturos esse profiterentur. E quibus vnus fuit, qui cum ab ijs serio vrgeretur ut Imperatorijs edictis cederet, ita respondit: nihil miror eos, qui certam in Christiana religione salutem reperiri ignorant, hæc nobis suadere; quod non facerent, si quæ nos affecuti sumus, assequi laborarent. Hinc ad concertationem de Iaponicis sectis venit, in qua cum neophytus ille victor silentio victos damnasset, ad iocum omnia reiecerunt, globulos illi ex sacrificulorum ritu precatorios per vim ingerentes, quos ille seriò reiecit & iocum ioco rependens, asseueravit illos ne manu quidè gestari posse, quod nimium vrent, alludens ad æternum ignem, quo Idolorum cultus castigatur. Eum deinde iniurijs affectum gubernatores à se reiecerunt, professi cum ijs qui mortalia omnia mortemque ipsam spernunt, frustra certari. Alij autem à gubernatoribus de sua religione interrogati, rogati que constantia suæ chirographum alacres obtulerunt pro

In regno Chicungo neophyti se se gesserunt.

pro eo spem martyrij reportantes. Alij cum hoc tempore simul Christo sua nomina in Baptismo dedissent; commilitonem transfugam ita exhorruerunt, vt nec alloqui aut salutare posthac voluerint: ille verò defectionis suæ ignominiam non ferens, restitutus quæ acceperat sacræ militiæ armis, rosario videlicet ac imaginibus, in morbum incidit primum, deinde sponte suscepto exilio conatus est perfidiæ suæ dedecus sepelire, eaque res valuisse dicitur ad multos qui nutabant in officio continendos. Sed tandem hoc quidem anno omnia conquieuerunt, nostrique domicilio sub Yanagaua velut statione Christi castra tutati sunt.

Buiensis regni turbæ cùm anno superiore communem Iaponensis Ecclesiæ tumultum eiectionis nostris præuenissent, hoc anno quietiores, nihil in Neophytos furoris pepererunt. Et licet à nostris visitari non potuerint, procuratum est tamen vt officia salutationis inter Episcopum ac dynastam per sacerdotem Episcopi ministrum in neophytorum vtilitatem cederent & nostrorum absentiam curamque supplerent.

Bungenfia nonæque pacatè sidera colluxerunt, eò pars aliqua fragoris calamitarisque deuenit. Eo in regno tria sunt nostrorum domicilia. Tacatá, Nótcu, Xinga: in postremo toparcha nihil mouit, in alijs duobus Vsfúqui Prætor pristinam beneuolentiam Imperatoris metu vehementius quàm sperabatur immutauit. Nam cum edicta imperatoria in solam nobilitatem ac dynastarum familiares sæuissent, ipse prope sine exemplo promiscuum vulgus, ac ipsos quibus semper parcebatur, colonos diuexauit. In eam rem quatuordecim perfidiæ ministros ac impietatis incentores tota sua præfectura sparfos nominauit, ijs præconibus edixit vt omnes in quatuor maximè capita coniurarent. Primum quod ex proscriptis ab Imperatore quatuordecim Christi pugilibus neminem essent hospitio excepturi, aut vlla re adiuturi. Alterum vt Christum ciurarent, & è patrijs sectis quàm maximè vellent eligerent, eamque nominarent, vt & sacrificulum in cuius parœciam erant transituri. Tertium vt omnia Christianæ religionis arma tradere cogerentur, imagines, rosaria, cereas icones agni lustralis, & alia huiusmodi. Quartum vt ab ædis nostræ ingressu posthac abstinerent.

*Edictum in
Christianos.*

Hæc

Neophytorum seruer.

Hæc illi edixerunt. Neophyti porro sibi minimè defuerunt, nam in vnum conglobati ad impetum sustinendum vires animosque strinxerunt. Sacramentorum vsurpatio, solemnibus pro fide retinenda obeundæque morte coniuratio, ac sæpius alibi repetitæ comparationes ita exarserant, vt huius procellæ ventus optari potuerit, quo multorum ardorem intra tepiditatis fauillam sopitum excitaret. Nihil per eos dies agebatur, quam quæ cuique mortis metus vnà cum fidei amore colluctans suggererat, multorum annorum peccata expiata exhaustæque sentinæ, dies noctesque domi mulieres, quas in proprio sanguine cruci affixi lauarent, sibi, maritis, filiis ipsi vestes consuebant, nullus nisi de martyrio domi foris, que sermo, commercia, agricultura, solitæ mortalium occupationes ab immortalitatem sperantibus negligebantur.

De nostris eijciendis agitur.

Hæc omnia perfidiæ sollicitatores in rabiem desperationemque agebant, qui ne nihil obtinuisset dicerentur adhibitis ethnicis neophytorum propinquis chirographorum fidem perfidè mentiebantur: sed hoc ipsum vbi constitit in fraudis auctores redundauit, vulgo enim ad eos concurrebatur, ficta illorum manus repudiabatur, chirographum verum minimè postulantibus obtrudebatur. Quid agerent perfidiæ ministri? vocantur à toparcha gestorum rationem exacturo, quine culparentur aut negligentius peracti muneris aut nullius industriæ, inter se conspirant omnes, vt in nostros huius pertinaciæ culpam conijcerent. Multa criminabantur, nostris auctoribus omnia turbari, edicta publica contemni, ad eam rem cœtus cogi, cohortationes haberi, sacramentum exigere, aliaque sexcenta. Nostrorum absentia pudorem neophytis deficientibus detergendum, præsentia non ferendam illis ignominiam videri.

Eijciuntur nostri ac deinde renouantur.

His toparcham facillè incenderunt impetraruntque vt extemplo nostri suis sedibus Tacata Notcuque pellerentur, & finibus eiecti Nangasaquium mitterentur, ædes suas sacras ac profanas more Iaponensi in stratas fisco relinquerent, nullaque mora illis concessa extemplo mandatis suis parere cogerentur. Nec mora, nostri sedibus suis crudeliter eiecti statuerunt tamen oues suas nullo pacto deferere, sed neophytorum opera in rustica se colonorum mapalia noctu receperunt, tamen si qui Tacatæ residebat, Pater Petrus Paulus

Ius Sacerdos noster tum grauiter ægrotaret; quod vbi toparcha audiuit sedato iam primo furoris impetu mollior, conquisitum in suas ædes iubet reuocari, & valetudini curandæ quantum temporis satis esset otiosè concessit; & ad eum iuuandum socio qui è Notcu peliebatur commorandi facultatem concessit. Itaque & tum hunc annum nostri suas ædes de more tenuerunt. Cum neophytis quoque moderatius actum quàm prius certamina portendebant. In causa duo exularunt, alij duo in vincula coniecti breui libertatem receperunt, vnus munere quod gerebat publicum priuatus est.

Admirabile videri potest, inter eos metus ad quingentos adultos potuisse Christo aggregari, inter quos prodigio similis est energumeni liberatio. Is in eum furorem agebatur, vt contineri vix posset, ipsis ædibus ignem non rarò admouebat, aliâque in heri perniciem multa moliebatur, à quo ad nostros adductus ita pacatè de Christi doctrina perorantem audiebat, vt notòs in admirationem raperet. elutus denique planè liberatur.

Alius quoque intra Bungenfè regnum Toparcha Funay agri neophytos clientes suos exagitauit, idem ferutor fuit, eadem comparatio. Nonnulli vincula experti mortem expectabant, alij multorum pugnas, molestias, fraudes, constanter pertulerunt, sed aliquot pro scriptionis nostræ instituto seligamus. Ethnicus maritus vxorem ad magistratus detulit Christianam, ac scripto recepit effecturum se vt Christum abdicaret. Audiit hoc virago Christiana, magistratus adit, fidem profitetur suam, mariti perfidiam reprehendit. Eius impudentiam cum magistratus impotentius increparent, ita respondit; duo rosaria, vt videtis, gesto (illo enim ornatu comparuerat) alterum è collo, alterum è manibus: neutrum se daturam professa est, quin prius raptores illi collum aut ambas manus amputarent; quod si placeret exequi, nihil esse quod aliud tempus locumque deligerent. Quo responso victricem stupefacti magistratus dimiserunt.

Sexennis puella cum occupatam in vestibus ad crucem con-
Varia neophytorum praelia.
 suendis parentem suam obseruasset, rogauit vt sibi quoque vestem concinnaret. Concinnauit, ait, tibi & fratri tuo minori. Responso læta ad fratrem suum natu maiorem excurrit, Tibi vni vestis non
 N para-

paratur, quæso si nobis in crucem actis superstes futuruses, etiam atque etiam caue, ne à Christo deficias. Quis non hæc gratiæ prodigia in sexu & ætate bis fragili admiraretur?

Certamen grauius fuit & victoria nobilior coloni cum hero suo. Is cum ex agro venisset ad obsequia, quæ debent certis temporibus, exsoluenda, interrogatus est clarè ac dilucidè an Christi fidem eiurasset, & ad sectas patrias se recepisset. Hoc ait nec feci, nec facturus sum, cetera in obsequium tuum omnia non detrecto. Excanduit herus, nec libertatem ferens Christianam, facies, inquit, nunc aut morieris; & ferrum educit; ille in genua ruens ictum expectat. Eiura inquit: Neophytus verò: non eiuro nec moriens. Herus auerso mucrone obtuso ictu collum ferit. Et iterum, eiura, inquit, aut morere. non eiuro inquam. Ictum repetit innoxius, & id magno conatu ac furore cum ter iterasset, toties ille sibi constitit, nec visa morte expalluit. Ad clamorem accurrit vxor, & maritum furenti hero eripit, querentem, sibi martyrium potius quàm se martyrio defuisse. Quod vt continuo dolet, ita facinus egregium & præclaram Christianæ fidei professionem neophyti passim illigulantur.

*Insigne colono
facinus.*

NEOPHYTORVM IN REGNO FINGO PRO *Christi fide certamina.*

C A P V T XXIV.

Fingenfi regno adjacent Insulæ minores aliquot, in quibus Xiqui, & Conzura nostros habent sacerdotes singulos cum alijs rei Christianæ ministris in singula domicilia distributos. Parent ille Terramanæ toparchæ, à quo non exiguus in hac rerum nouitate metus fuit, nam cum beneuolos hæc tempora dynastas immutassent, quid à maleuolis beneuolentiæ poterat expectari? constabat eum quo tempore has Insulas ex Imperatoris, munificentia sibi adiunxerat nostros eiecturum, nisi colonos suis pastoribus destitutos credidisset migraturos, & agrorum culturam dimissuros Insulisque solitudinem inuecturos; rebus autem iam aliquot annorum dominio confirmatis, videri poterat minus formidaturus. Et sanè

con-

constat eum, cum hoc ipso tempore è Carate u arcè sua primaria in Insulas nauigasset, hæc animi sui consilia exportasse, quæ cum inter nauigandum suis aperuisset, non defuerè ex domesticis complures qui efficacissimis rationibus ab ipsius toparchæ commodis petitis hanc illi mentem expulerint.

Cùm igitur exscendisset animum suum minimè occultauit. nam cum in Xiqui noster Sacerdos P. Garcesius ad eum officiosus uisitor ex more aduenisset, hæc ipse illi significauit: Non ignora- *Periculo im-*
bis ea quæ Surungæ contigerunt; his adductus nullo modo mihi *minentis res*
uidebatur ædem publicè sacram in terris meis posse retineri. *Christiana*
Verum ex aulicis meis non pauci multis rationibus à me ne id facerem *existit.*
euicerunt. Manere igitur licebit, & antiquum retinere; sed ita fiat moderatè ne inconsulta rei Christianæ tractatione ad omnia euer-
tenda compellamur: & maximè caute, ne quem ignotum excipi-
entes è proscriptis Imperatoris aulicis contra eius edicta suscipia-
tis etiam imprudentes, vnde mihi ipsi, nec tantum vobis ingens ma-
lum obueneret. Hoc inopinato nuncio recreati nostri, neophytiq;
Deo sua beneficià grätulantes ita se intra prudentiæ limites conti-
nuerunt. vt tamen officij sui finibus clauderentur.

De quibus multa, si omnia dici possent. Vnius à simulachris
ad Christi sacra conuersio aliquid habere videtur non omitten-
dum. Ethnicus potens qui toparchæ censibus præerat, vir ferox
& impotens fœminam Christi sacris initiatam neophyto marito
rapuerat, & aliquot annos ea vt pellice abutebatur. Illa tametsi
remissior fuerat ad pudicitia conjugalis iura retinenda, fidei tamen
sua tenax ferocem animum ad Christi suaue iugum sensim man- *Mors obita*
sue faciebat. Superuenit ad eum edomandum ægritudo, cuius de- *Christianæ.*
speratione in spem salutis adductus nostrum euocat, instruitur, re-
missa que pellice baptizatur, nec ita multò post cum ad extrema ve-
nisset suauissimè cum Christo colloquens, ac vitæ finem postulans,
ne malitia mutaret intellectum, inter mortuis semper vocibus san-
ctissima Iesu ac Mariæ nomina pronuncians, vitam in choasse spera-
ri potest, quando mori cœpit.

Ad eius funebrem pompam Christiano apparatu instituendam,
cùm iam omnia comparata essent, & multi mortales ad quatuor

& amplius millia concurrissent, cum iam alumni nostri cantum inchoassent, ecce tibi sacrificuli aliquot, ut corui ad cadauer prædæ odore aduocati, tumulū circumfiliunt, & consuetas deprecationes obmurmurant, alumni nostri numero concentūque superiores obtusa murmura silentij damnant, & spectaturi remanent qui aduenierant cantaturi. Expleta funebri comprecatione, ab vno nostris alumnis de altera vita ita peroratum, ut ethnicorum somniorum vanitatem & nostrorum scitorum veritatem omnibus probaret, non sine sacrificulorum qui semper adfuerant rubore, & audientium fructu & applausu. Sed grauiora intra Fingensis regni viscera neophytorum certamina contemplemur.

*Fingensium
rerum statum.*

Diuisum inter se Fingense regnum tenebant Canzuye & Augustinus, ille Ecclesiæ Iaponensis magnus defensor. Dynastiam hic suam magna ex parte Christiana fide collustrat. Sed eo extincto pristina tenebræ sub Canzuie tyranno non ita occuparunt, quin multis in locis velut terra Gessen Ægyptiam noctem euaserit, quin potius illorum locorum non tisonēs sed veterani milites ab annis amplius quindecim Christianis prælijs exercitati hac rerum nouitate nihil territi ceteris fortitudinis exemplo præluserunt. Nam tametsi tyrannus aliquot martyrum coronator vel inuitus, inæquali morte perierit, & filium reliquerit provinciam sed nondum per ætatem conditionis heredem; illius tamen moderatores muneris sui esse duxerunt, id facere quod mortuus fecisset parens, aut si per ætatem literet filius facturis crederetur. Ergo nouis edictis Christianam legem insectati in ijs etiam exequendis noua immanitate, sed citra sanguinem semper & atrocius ideò fortasse sequierunt. Longum esset omnia commemorare quæ in libro vitæ conscripta asseruantur, sed tamen singula loca percurrentes è singulis aliquid apud more delibemus.

Cumamoto regni caput, & primaria dynastæ sedes est, ab ea quoque inchoemus. In ea viuebat Romanus, vir nobilis, in quem prima huius certaminis pila diriguntur, dies supra quadraginta Romanus prælio victor, hoc vno responso omnia eludebat: Viuens ac moriens ero Christianus. Quo tempore filium Petrum aggressi hoc responsum acceperunt: nihil æque me angebat cum exagitari parca-

parentem videbam, quàm ne fortè tot machinis cederet, quod ne fieret continuis precibus à Deo postulabam: non est igitur quod speretis id à me impetrandum quod in alio exhorrebam. Natu denique minorem acerrimo præter multa telo inuadunt, Parentis fratrisque dignitatem ac censum illi offerunt, si sapientior illis videri voluerit. æque sibi omnes inter tot tamque diuturnas concertationes constiterunt; quarum finis fuit solita proscriptio, quæ cum cætera omnia rapuisset vnicam illis vestem reliquit frigidum solatium nuditatis, cum qua vna sub Christo paupere diuites Nangasagium deuenerunt. Nec hi soli, sed non ita multò post in simili certamine non inferiorem victoriam nobiles aliquot alij & negotiatores consequuntur.

*Vnius fami-
lia constan-
tia & pro-
scriptio.*

Sed admirabilis mihi videtur fuisse Pauli quoque nobilis neophyti ex ordine militari constantia, qui responsum suum seueritate martyrij palmam extorquere velle videbatur. Hunc ad defectionem sollicitandum regni moderatores duci suo sub cuius vexillo militabat viro ethnico commendarunt. Is pro auctoritate iubet vt Christum eiuret, quod ita iuberet Imperator, lubeat, inquit, Paulus, Fingensis dynasta, iubeat Imperator non sum imperator facturus. Si facere nolis, inquit dux maleuolè beneuolus, Ego pro te chirographum scribam, & moderatoribus dabo. Non patitur, ait Paulus Christi sincera lex istas fraudes: si feceris, ego tale chirographum apud ipsos Gubernatores eiurabo. Stomachatus præfectus in minas ruit; verùm ac si silicem silice concuteres in milite diuinus ignis exarsit. Non si me in auis saltus eieceris, non si lento igne viuentem torrueris, non si lignea serra medium diffideris, non si in frustra discerpseris, non si quo alio pænæ genere excruciaris, aliud impetrabis. Cùm hæc totidem verbis edixisset; addidit animo magis ac magis efferuescente: vtinam iniecta in collum resiste per omnia laponiæ regna raptarer in clamante præcone, idèò raptari quod Imperatori Christum eiurare mandanti non obedirem. Obstupuit ethnicus satis dubius an enthei furores illi parum sanæ mentis deliria essent; sed quem in ceteris sapere videbat, in hoc vno quis credat delirare? iudicauit aliquid esse in eâ lege plusquam humanum, cuius intuitu mortales se supra naturæ conditionem eueherent.

*Admirabilis
alterius com-
stantia.*

Adhibiti sunt ad eundem expugnandum commilitones; certatum est à gubernatoribus spe ac promissis, quæ nobiles animos, quos acuunt minæ, non raro solent obtundere. Urgebatur ut annuam defectionem admitteret suo postea victurus arbitratus: æquè omnia reiecit, & vnum præ reliquis quæ offerebantur postulabat, uti secum breuitate certaminis labori parceretur, sibi moram morte grauiorem. Sed quod maximè cupiebat impetrare vel potius extorquere non potuit, vita illi ad pœnam conseruata; nouo enim proscriptionis genere in nudam omni apparatu domum relegatur, ibique adhibitis custodibus ad dies nouendecim asseruatur, fame ut arbitrabantur lentissimo, & quod inde fit atrocissimo mortis genere periturus. Verùm miseratio amicorum custodes aut sefellit, aut corrumpit. Clam refectus superstes erat imò vegetus, quare hoc quoque martyrij genere desperato eiicitur. Nec absimili certaminum euentu Michael nobilis adolescens vicit, cuius vxor Agatha mariti consilijs tentata ut ad suos se reciperet, maritum deserere noluit, tametsi nuditatem illi publicam neophytis viris ac mulieribus intentatam obijceret. Dicebat enim se ex quo Christo animum & corpus holocausti sacrificio deuouisset, se illius causa nullam pœnam, ignominiam nullam detrectare, quæ in ipsius gloriam cedere posse crederetur. Eadem deniq; bonorum proscriptione exuti intra proprias ædes recluduntur, custodiuntur, ac deinde exterminantur.

Quo tempore hæc aliæque in vrbe Cumamoto miscebantur, in alia arce cui Vto nomen est, quæ Augustini sedes fuerat, Neophyti quoque urgebantur, nec ijs ferendis lassabantur, quibus nos aut scribendis aut legendis fatigamur. Bartholomæus ex ordine militari nobilis, sub cuius cura toparchæ census numerabantur, iussus Imperatori parere respondit se legem illam cuiuscuius foret antiquare: qui hæc Gubernatorum nomine renunciabat indignatus ait atqui scias iam magistratibus certum esse Christianos contumaces intra culeum sine veste consutos toto regno arundinibus vapulatu-
ros: atqui plura sunt ait Bartholomæus, quæ ego Christi causa mihi propono toleranda. Apage, inquit ille, deliras, in filio tuo Dario plus humanitatis inueniam. Atqui, Darius inquit, si parens vterque me præsentem defecerit, ego mihi Deo iuuante constabo; nec est quod

*Nobile alterius
familie
certamen.*

quod ultra suadendo fatigeris, nobis aut Christianè viuendum aut Christianè moriendum. Non ita multò post Darius annos iam natus tres supra viginti, cum cohortis suæ ducem viseret, in multorum præsentia denuo laceßitur in hunc modum. Ex commilitonibus nescio quis Christianis prælectionibus imbutus in sua cæcitate remanserat; is gloriari solebat rerum nostrarum peritia, vnde petitis argumentis ita concludebat: Christiani martyrium appetunt, certam vt credunt ad salutem viam: iidem fatentur à religione transfugas posse in gratiam recipi: quin igitur vt prius ex religionis tuæ præscripto appetis, ita posterius tuis commodis nobis gratificaturus arripis? Procul adhuc abes à regno Dei, ait Darius, prius vt licitum appeto, posterius vt illicitum execror, quod ego nec vestra causa, nec vilius alterius sum admissurus.

Cum Patris filijque desperata defectio videretur, ad vxorem Bartholomæi, Darij matrem commilitonum coniuges amandantur: ab ijs armis muliebribus impigrè certatum, sed & impigrè repugnatum. Ad conuitia venit, serpentinum illi cor esse quod mariti filijque perniciæ lætetur: dignam esse in quam ignominia omnis à magistratibus intentata laxetur. Et vna; extincto, inquit, marito ac filio mulioni traderis seruitura: at illa: non horreo seruitutem, illius moram queror. Vtinam in hac ipsa arce in omnium conspectu seruirem, lignari palam ad obsequia culinæ nil puderet. Denique post varia prælia, domestica proscriptione conclusi viginti dies totos, sed ne adhibitis quidè custodibus inclusa cū illis principio fames ita teneri potuit, quin illatis ad eam excludendam necessarijs quotidie pelleretur. Eiecti tandem toto regno aliò se cum sua victoria receperunt.

Nullus erit finis si huius generis omnia persequar, nam non in solos militaris ordinis optimates certatum, quibus educatio fortasse plus animi, exercitatio minus terroris adferebat negotiatores, quibus vtile plus quàm honestū placet, coloni quibus natura paruis assueta vix ad res magnas aspirat, fœminæ quarum anima mollior, pueri ac puellæ quarum sensus tenerior, senes quos ætas vegeta defecerat, iuuenes quos amor vitæ à morte deterret, omnis ætas, sexus, conditio, gratiæ diuinæ fauore naturæ vitia superabant. In ijs

Hiero.

*Non absimi-
lis alterius
familia pu-
gna.*

Hieronymus quidam negotiator, cum à Iudice iuberetur Christum eiurare, nec faceret, iussus est hanc suam voluntatem scripto tradere, quod ipso momento fecit in hanc sententiam: Tamen si alijs in omnibus gubernatoribus regni obtemperare, in deferendo tamen Christo, in cuius vnus lege salutem suam mortales consequuntur, nec possum nec debeo quod ita me sentire propriæ manus auctoritate confirmo. Proximum huic illi cum propinquis certamen fuit nocturnum ac diurnum, omnibus in eum artibus sed maxime minis certabatur. Ad quas vnum erat in hæc verba responsum: Pœnarum incrementa lætitiæ mihi cumulum facient ampliorem. Minas conuicia exceperunt, feram vocant, barbarum inclamant, emotæ mentis arguunt. Ipse vero tanquam surdus non audiens, & sicut mutus non aperiens os suum. Coniugem tamen minæ, conuiciâque terrebant ac pungebant: quod cum iniuctus Christi pugil aduertisset: quid agis vxor, inquit, non aduertis has à Dæmone animi perturbationes immitti? nunc est probanda si locum virtus habet. His dictis eosdem quos spirabat ignes concepit, & mortis cupida non potuit in posterum à sententia dimoueri. Hieronymus quoque filios auctoribus amicis periculo subducere subterfugit asserens, se rapinam in holocausto suæ familiæ cum ipso Deo detestari. Tandem tamen martyrij coronam quam sperabant cum bonorum proscriptione atq; exilio commutarunt. Eandem fortunam post eadem prælia alij quoque multi sunt consecuti.

In alio quoque vico, Comaxiri nomen est, cum alijs multis, sed maximè cum Neophytorum principe in fidei causa decertatum. Is à Dynasta censu annuo ideo cohonestabatur, quod maris patrij peritus probè nauarchi officio in ipsa dynastæ celoce fungeretur, cum in regiam urbem ad Cami littora nauigabat; quod iter, quia inter Insulas nauigatur, qui norunt accuratè, à dynastis illorum lictorum dominis æstimantur. Is erat Neophytorum velut parens, cuius domus, asylum, ædes sacra nostrorum cum gregem suum interuiferent refugium. Sollemne illi erat aberrantes in sectarum lapponensium pelago ethnicos ad capeffenda duce fide velut stella salutis littora prouocare. Hæc omnia quo acrius incendebant sollicitatores ad defectionem vel persuadendam vel exorandam, eo

vehe-

*Praclara na-
uarchi Chri-
stiani prælia.*

vehementiora illi praelia præpararunt, quæ non est facile commemorare, quanquam difficilius fuit tolerare. Denique hoc fuit illius præclarum sane responsum: Ex eo tempore quo primum auctore Canzuye in Christi legem edictis pœnisque sæuitum est, vitam in ea causa ponere in votis fuit, quæ ex causa nunquam publicam fidei meæ professionem omisi, quin ipso dynasta teste, solitas orationes diuersis precandi globulis quotidianum pensum inter nauigandum exsoluebam: Absit vt iam alius videar à meipso: Cum libuerit, me familiamque vniuersam in crucem agite, nihil est quod aliud à me speretur. Quæ cum dixisset arbitratus optatam palmam emeritæ nauigationis minimè sibi in hac procella defuturam, ad enatandum per sanguinis sui fluctus in cœlestem portum se cum familia sedulus accingebat. Et ne quem amicorum eiulantium, ac velut in funere præficarum voces inconditæ familiæ tenerioris animam emollirent; omnem complorantium turbam ædibus excludens ipse sua constantia vultusque serenitate ceteros confirmabat. Sed neque tum nauarchus optatum vitæ naufragium fecit vt in portum enataret: sed longiorem procellam ingrediens bonorum proscriptio, onus eiiciens per varios exilij errores in hoc diutiùs vitæ pelago fluctuauit.

Insigni multis nominibus in alio vico cui nomen Ongaua Petri neophyti certamine Fingensium facinora concludamus. Isfortunarum copia cum veris virtutum opibus certans neophytis ad omnia prælucebat. Ad eum missi de Christo eiurando nuncij hoc ad regni moderatores responsum retulerunt: Tametsi ad opes meas triginta Iaponiæ regna addideritis, & auri massam Yngen altissimo apud Iapones monti parem tradideritis; non sum Christi fidem vel tantillum deserturus. Post hæc non defuere, qui iudices mentito, si vellent, chirographo volentes fallerent. Ego verò, inquit, non solum totam Iaponiam, sed vniuersum orbem si opus fuerit ad eiurandum tale chirographum oberrabo. Aduenientes porro nobiles duos ex oppido Yaccuxiro ad eum acius lacerandum hoc admirabili responso ac pane Apostolico animi vigore à se reiecit. Tametsi Sacerdotes omnes è Societate Iesu magistrino stri, imò & totius orbis Christiani à fide deficerent; eam tamen Deo aspirante

*Responsum
neophyti nobilis inter
certandum
admirabile.*

te non sum deserturus. Mirandum quidem in neophyto. quidem aliud dicebat Apostolus cum diceret, *Quis nos separabit à charitate Christi, &c.* Certus sum enim quod neque Angeli, nec ceteri separare nos poterunt à charitate quæ est in Christo Iesu. Et quid aliud cum suadebat, ut nec Angelus, nec sibi ipsi aliud suadenti si fieri posset acquiescerent. Iam domi suæ adhibitis custodibus servabatur cum hæc diceret, entheosque spiritus ex animi ferventis incendio exhalaret. Inde ad iudices literas scripsit supplices, ut custodum labori parcerent, (pernoctabant enim ad ianuam vicini) nihil esse quod aliud à se impetrari posse sperarent. Ignatio martyri similis videbatur, nisi quod ille feras, hic tyrannos lacebsebat. Et tamen quod optabat, impetrare non potuit. Vnà cum familia relegatus longam mortem vivebat, non amissurus præmium illius quo carebat inuitus. Ita Fingenses hætenus, qui suam nos constantia dictisque diutius opinione, non tamen sine voluptate tenuerunt.

QVID IN PARTIBVS CAMI HOC ANNO contigerit.

CAPUT XXV.

CAmi regiones, vel alio nomine Goquinai, vocant quinque regna, quorum caput est Miacum, Dairi, cuius est legitima in universam Iaponiam potestas, regia. In eo sunt nostrorum sedes aliquot, Miacensi domicilio attributæ, quas ideo eadem tractatione persequemur. In alijs quidem regnis sumpta ex Imperatoris exemplo sævienti occasione, sæviit unusquisque prout animo affectus erat, vel à cupiditate placendi, vel ab odij vehementia. Cum autem Miacum, ut imperij, sic & superstitionum antiqua sedes sit, eumque velut lernam suam omnium scelerum colluvione redundantem, hæc hydra gentilitatis ad incolendum delegerit, exploratum omnibus videbatur, primam post Surungam persecutionis procellam ei imminere. Nullum ergo dæmon per se suosque administratos non movit lapidem, ut Miacensem Ecclesiam exturbaret. Ea enim destructa totius imperij templa simul ruitura prævidebat. Interea Patres

Patres omnesque neophyti ad excipiendum hunc impetum, ad mortem & exilium assiduis orationibus, sacrificijs, corporisque afflictationibus se comparant, & inter alia, quadraginta horarum supplicationem ante imaginem S. P. Ignatii institunt, Deum cum lachrymis impensius rogant, ut per illius patrocinium & S. Francisci Xaverij labores in illis regionibus Ecclesie adiungendis susceptos, tyranni furorem iramque mitiget. Miras res rebus iam omnino desperatis, ultimo orationis die renunciatur, decretum esse ab Imperatore, ut Miaci res Christiana intacta suum teneret cursum. Perpulit enim Dominus ita Curadonum gubernatorem Miacensem ethnicum, & qui olim Boncius seu idolorum sacerdos fuerat, sed mitem, prudentem, nostrisque in paucis benevolum. Hic sponte sua Imperatorem adit, cui in primis gratus erat, suadetque ne religionis unius causa rei publicae pacem vellet perturbare, cum praesertim tam varijs imo contrarijs inter se placitis sectisue tota Iaponia discissa sit: nec iustum videri ob unius aut alterius crimen religionem damnare, sic enim nulla stabit, cum illa viam doceat, deviare autem humanae sit fragilitatis. Hoc vnum, ait, expertus novi, Miaci neminem Christianis quietiorem, magisque legibus obsequentem reperiri. Mouit Dominus adamantinum tyranni pectus, iubetque ut vnum tantum Societatis templum quod Regio diplomate iam pridem in Ximoquio seu in inferiori ciuitatis parte situm, omniumque Cami residentiarum caput erat, integrum intactumque remaneat: simulque declarat Christianam religionem solis nobilibus, aulicisque interdici, non vulgo. Respirare visae sunt hoc laeto nuncio omnes Cami Ecclesiae; licet enim rediens e curia gubernator alia duo minora templa, Societatis vnum, in superiore ciuitate situm, dissolui, alterum Patrum D. Francisci in ciuitatem Fuximensem transferri iusserit; missus tamen a gubernatore praeco, qui hanc vnam Ecclesiam nostram nouo indulto stabiliri nuntiabat, omnibusque ad illam liberum permitti adiutum, dolorem minuit, firmavit animos, inimicos compressit. Et hoc indulto dynastae suarum quisque provinciarum ecclesias intactas reliquerunt. Et quoniam deerunt ferè quae spectentur in arena & puluere certamina, nonnulla pacis ornamenta seligamus.

Sodalitium, cui alienæ miseræ miseratio nomen dedit, præ ceteris viget. Lepra infecti ad ducentos nostrorum industria sensim ad fidem conuersi, consilio & eleemosynis iuuantur, eoque magis mouet hoc pietatis Christianæ officium, quo gentilis Imperatorum circa hanc ægritudinem horror insigniorem victoriam facit. Currebat igitur solito cursu Euangelij riuus tamen potius, quàm torrens, nec nulli ad Christi gregem addebantur, inter quos insignis fuit sacrificuli cuiusdam à simulacris ad Christi sacra conuersio. Is cum in vicino regno Oari, & in ipsa metropoli Nangöya dignitate inter suos emineret, literis verò ac sectarum suarum peritia paucis concederet; nescio quæ rerum diuinarum cupiditate incensus Magistrum à quo hæc audiret, exquirebat; nec alius repertus est aprior quam cæcus quidam ingenio melior quàm re familiari, sed Christianæ legis non malè peritus. Nec superciliosus mythes abnuuit cum paupere cæco certamen, in quo salutariter victus deposito supercilio manus dedit apertisq; oculis suam cæcitatem damnans, cum ordinarius minister deesset; à nullo alio voluit aquis salutaribus elui, quàm ab eo cuius opera fuerat illustratus, iam in Christi ludo edoctus, quia absconduntur hæc à sapientibus & prudentibus, & reuelantur paruulis.

*Sacrificulus
ad Christum
conuertitur.*

*Fuximi domus nostra
periclitatur.*

Fuximi sedes nostra discrimen adiit ne nobis eriperetur, euasit tamen nobis quæ remanet, quod eius facies extima retrusâ in interiorem aream ædificata, similis cæteris ædibus profanis nullam cœnobij forinam haberet, ac nomine affinis cuiusdam lusti Vcondoni possideretur. Neophyti quoque ipsi aliquod certamen victores adierunt. In his senex Gaspatis Vilelæ olim neophytus Petrus nomine à dynasta Imperatoris fratre aliquoties impetrus ita restitit, vt etiam suam dynastæ probauerit firmitatem; quam noui census incremento remuneratus noluit eius fide carere, qui datam Deo etiam mortis metu proderet recusauit.

*Idem Sacai
cantigis.*

Quæ Sacai nostrorum sedes est idem cum superiore periculum non ab simili fortuna euasit. ad cuius conseruationem neophyti octiduum totum distributis inter se horis domino supplicarunt. publicè nihil in Ecclesiam tentatum, priuata nonnulli certamina fortiter subiere. Filium Christianum ethnicus parens ad de-

fectio-

sectionem sollicitans diuinum de filiorum in parentes obseruantia legis nostræ præceptum obtrudebat: cui filius cum de colendo Deo primum maximumque mandatum retulisset, iubetur à parente bonis cedere scriptoque publico id testari. Quid opus est scripto, ait filius: ecce tibi clauēs cum quibus omnia tuo arbitratu dimitto. Mouit parentem filij constantia, clauibusque restitutis etiam Christianè viuendi filio ac nurui facta potestate cum filio re-dijt in gratiam.

Apud Iapones est inter cæcos quoddam Reipublicæ vel potius academix genus, in qua per varios honorum gradus ad quendam peruenitur, qui doctoratum nostrum referre videtur, quem ipsi Quenguio vocant. His omnibus præest vnus cui ceteri parent. Princeps igitur cæcorum cum inaudisset Sacai cæcum quendam repudiatis simulacris patrijs ad externa Christianorum sacra transisse, literas ad eum scribi iussit, quibus literis eam rem acriter in eo reprehendebat, iubebatque vt ad patrios Deos eiurata barbarie redderet; sin id facere recusaret, sciret se dignitate stipendiōque dignitati debito esse priuandum; quam ad rem statuendam biduum illi non amplius permittebat. quo exacto Cæci doctores qui Sacai degunt cæcum euocant, & à Christo deficere recusantem dignitate spoliant, &que albo suo expungunt. Ita bis cæci quem ductorem sibi sumere debuerant, doctorem esse noluerunt. Id academix genus ex eo apud Iapones ortum habuit. quod cum Imperatoris olim filius quidam cæcus esset, aditusque illi esset ad cæteras dignitates interclusus; inuento nouo dignitas illi noua quæsitæ est: & vt esset in quo cæcorum industria exerceretur gradusque differrent, scripta eleganti stylo de antiquorum prælijs volumina memoriæ mandant, & pulsata lyra canunt, in cuius rei peritia cæcorum gradus distinguuntur. Habent sua insignia, stipendia, immunitates, potestatem; etiam in reliquos cæcos. supremo ius est vinculorum vitæque ac necis pro criminum gravitate.

Firoximæ Dynasta rei Christianæ annos iam aliquot egregiè fauet, ac nostrorum domicilium suo prope sumptu sustinet. is nihil planè mouit; sed edixit solum, vt à proscriptis excipiendis Christiani sibi temperarent; ac publicam quietem priuato humanitatis

*Cæci Neophy-
ti constantia.*

*Cæcorum a-
cademia.*

officio præponerent. Ex hac sede in vicina regna nostri ad rei Christianæ auxilia vtiliter excurrerunt. In regno Suuò cui præest Mori dynasta, neophytus falsi criminis delatus, cum aliter non posset innocentiam probare, cogitur more Iaponensi ferrum candens manu tractare, quod bis fecit illæsus, prius inuocato Deo innocentia suæ teste, quam ut hac ratione probaret non sua voluntate sed aliena facere cogeatur. Idem circumstantes neophyti Deum rogabant. Ethnici verò præsens Dei numen in Christianorum causa sua sunt admiratione venerati.

Neophyti innocentia mirè comprobata.

Ferrum candens illæsis manibus tractatur.

Regnorum Borealiū Canga primarium est; in eius metropoli Canazaua nostrorum sedes in Vmbra Iusti Vcondoni conseruatur, cuius euertendæ cupiditatem dynasta ex Surungæ rumoribus ostendit, sed ostendit tantum. Cum enim ad Iustum optimates ex aulicis suis duos destinasset, monituros ex æde sacra sibi periculum imminere, rogaturusque ut à Christi fide in hac rerum nouitate deficeret, ab altero ex internuncijs deterritus est, tum desperatione victoriæ, quam Iustus toties in maioribus prælijs reportasset; tum quia nihil aliud edixerat Imperator, quàm ne à se proscripti vllibi exciperentur. Posse Iustum proscribi aut mactari, si hoc è regni sui rationibus esse iudicaret; non posse superari. Quibus permotus hoc quidem anno sibi temperauit. Sed multa nobis de Iusto dicenda supererunt, qui nobilem vitam nobilissimæ mortis honore in fidei causa exul terminauit.

Iusti constantiam tentare non audent hostes.

Ex ijs qui recens Christo nomina dedere quidam, dum infanti filio suo consulit, sibi quoque salutem accersuit. E Iaponensium sectarum somnijs arbitrantur quidam infantes in ea ætate vita functos in conuehendis saxis in quodam loco, cui nomen Sainocauara, occupari: vnde deliri solent subinde ad fluminum ripas lapillos coaceruare, ut infantium laborem tantillum imminuant. Hic moribundum infantem ethnicus parens baptismo voluit expiari, quod audisset eos, qui sic eluti morerentur in cælum euolare. Quo facto cum subito puer in vitæ spem redisset; admiratus parens cum vniuersa familia solitis de Christiana doctrina prælectionibus instrui voluit, quibus ita captus est, ut damnatis erroribus in auditam inclinaret veritatem; nec ita multo post infans recrudescente malomori-

De baptismo.

moritur, quæ res parentes ab agnita veritate nihil auocauit, sed in proposito constantes, filio morienti salutem sibi viuentibus spem salutis suscepta Christi religione procurarunt.

Surungæ (nam præter Imperatoris iras huius tempestatis fulgur, cetera in hunc locum suum reseruauit) domus nostra nobis erepta est, quod Daifachi, quem sua crimina perdiderant, esse diceretur. Euangelij cursus ante exortam procellam Surungæ torrens videri poterat, cum sesquimense illo, qui eam proximè præcessit quadraginta supra ducentos adulti se Christo adiunxissent. E quibus Ethnicus quidam arcis vnus præfectus, dum contra nocturna spectra remedium quærit, in Christiana religione reperit. Is auditas olim de Christiana lege prælectiones vitæ licentioris cupiditate præfocarat, & cum in ædes nocturnis spectris & lapidationibus infestas incidisset, Sacrificulos qui sacrilegis ritibus eos niterentur expellere semper reiecit, quos tamen eius vxor, quæ maximè torquebatur cum sine fructu admisisset, ipse quod in dæmones illi non poterant, in sacrificulos potuit. Cum enim lapidationes solito acrius in tecta inuolarent, ipse quoque in profanos exorcistas inuolans fustibus expulit impostores. Et eorum quæ domi nostræ audierat aliquando memor ad eam recurrit, audita repetijt, & cum filijs ac famulitio excepit, domus ipsa expiatis incolis visa est etiam expulsi spectris expiari. Idem ethnicam mulierem abortum eijcere cum summo vitæ discrimine laborantem, iniecta in collum sacra cerei agni effigie; ipso momento eiecto infelice partu feliciter liberauit.

Ex eodem numero eorum qui Christi gregem auxerunt omitti non potest mulier (in Baptismo Catharinam vocarunt) quæ incerto marito Christum agnouerat. Is vbi hoc audisset, excanduit, primoque furoris impetu amens coniugem ad eiurandum Christum vrget impotenter. Verum illam constanter renuentem in capillitium iniecto fune ad proximam trabem ligat, exutâq; vestibus multis vulneribus & proprio sædat sanguine, hoc vnū inclamante marito, vt quæ susceperat sacra abdicet. Verum illa viraginis in modum fortiter respondebat, Christianam se viuere, Christianâ se mori, tametsi se in minutissima frusta dissecaret. quo responso in furorem versus domo abiit eamque totum eum diem ligatam sine cibo tenuit,

ratus

*Vn baptismo
contra spectra
nocturna,*

*Christiana
coniugis cum
marito præ-
sum,*

ratus eam pœnam sua mora id impetraturam, quod atrocitate subita non potuerat. Redit ad vesperum: æque sibi constat Catharina. Soluitur ergo, & in secretiorem domus angulum retrusa, omnique colloquio interdicta, multa sustinuit pari semper constantia, nec vnquam adduci potuit, vt sacram supellectilem quam de more baptizata receperat furenti marito traderet. Tandem vicit constantia pertinaciam, mollior tempore redditus maritus cum vxore sibi viuere permissa in gratiam redijt, quod facie illa strenue post domesticam illam quidem, sed insignem ex atroci prælio victoriam.

*BONAVENTURÆ NEOPHYTO FVNES
cadunt in præclaris.*

CAPVT XXVI.

AD hunc locum spectare videtur Bonauenturæ gloriosum pro fide certamen, ideo maximè quod Christianæ vitæ tirocinium Miaci ingressus & victoriæ laudem remittere censendus est, vbi pugnare didicerat, id quo euentu acciderit scire non erit iniucundum, in quo electionis diuinæ vis in multis elucet. Miaco euntibus in alteram huius temporis regiam Yendo appellatam, in qua sedes est eius qui hereditatis iure imperium sibi Iaponense promittit, occurrit regnum Mino; in quo toparcha degebat, cuius filius adoptionis iure nobili coniugio illigatus vxorem duxerat propinquam Dynastæ regni Oari, qui testius est Imperatoris filius. Is nescio qua ex causa, sed vocante Deo Miacum venerat, vbi morbo corporis animi salutem quam quærebat inuenit: nam cum incidisset in Religiosum è D. Francisci familia artis medicæ non ignarum, ab eo corpori medicinam animo vitam accepit. Solebat enim hac arte adhibito socio catechista corpus animumque curare.

Salutaribus igitur aquis elutus cum famulis aliquot Franciscus est appellatus, familiæ totius moderator bene ominatum Bonauenturæ nomen accepit; quam diu Miaci substitit aliquot mensium moram vterque altè admissa in animum Christianæ legis veritate in pietatis officijs exercitatione lutrifecit. Redit in patriam, vxore mariti auctoritatem cum filijs secuta familia prope tota Christi fa-

cris

*Conuersio
Francisci qui
fuit heres
Bonauentu-
ra.
Franciscus
medicus
corporis &
animi.*

cris imbuta animi salutem quam depulso morbo acceperat, in plures euulgat. Et quoniam è domestico palatio in vicinum fanum transitus erat, ne quidquam esset sacris profanisque commune ianua parieti continua in crustatur. Sesquiannum ferè tenuit ea viuendi ratio, cum Franciscus recrudescente malo pristino, morbo *Moritur Franciscus.* corripitur, in quo nihil hæsitans sibi constitit de vnica æternæ salutis in columitate sollicitus. Moriens parentem licet adhuc ethnicum rogat vt per eum Bonauenturæ liceat funus suum eo ritu in quo moriebatur procurare, aliâque addidit extremæ suæ voluntatis mandatâ, omnia ex legis Christianæ præscripto. Moritur ergo Franciscus; ritu Christiano terræ commendatur. Et quoniam Bonauentura heri sui parentisque curator fuerat appellatus, Miâ cum *Bonauentura Miâ cum redit.* illi necessario repetendum fuit, tum vt filias duas ex illegitimo toro ante baptismum ab Francisco susceptas elocaret, tum vt indicta pro mortuo sacrificia curaret.

Interim dum Miâ sedulus curat omnia, Imperatorij furoris ab Surunga fragor intonuit, isque tota Iaponia sparsus ethnicum parentem incitauit, vt nulum suam ad patrios ritus eiuratis peregrinis reuocaret. Tenerior erat in fide quam vt ætatem, sexum, præsentemque metum superaret. Dedit manus, permisitque vt ad proximum fanum ianua pateret, pro qua coloni sui fano illi propensiores deprecati fuerant. Interim redit Bonauentura, immutatus ipse omnia mutata miratur, nec dissimulato doloris sensu, multa apud heram queritur, mariti præproperam obliuionem inculcat, violatam ipsi Deo fidem exaggerat. Vidua quod Bonauenturæ opera indigeret, multa causatur, famulo blanditur, & quam conceperat iram intra stomachum vultu facilitatem mentita seponit. Non *Illius Zelus.* sefellit Bonauenturam fucata humanitas, multo minùs emolliuit. Zelo enim fortasse intempestiuo correptus in fanum inuolat, simulacrum pedibus calcaturque comminuit, nec ea re contentus aram ipsam fanumque disturbat, & ad colonos conuersus mali auctores multa minatur. Illi malè sibi metuentes, Bonauentura quippe omnia moderabatur, in eo euertendo salutem suam sitam esse nihil dubitarunt.

Itaque ad heram recurrentes numinum suorum contumeliam

ac Bonauenturæ minas amplificant, addunt manifestas Deorum iras in mariti morte desertionem expiasse: quid eos facturos puter, post iniurias grauiiores, qui non tulerint leuiiores. Eos cum famulus in familiæ perniciem prouocet, quid ab eo fidei sperandum, qui perfidiam profitetur, dictitareque audet si hera demortui mariti mandata violet, meipsum eiusque filios occidam vxorisque perfidie nuncium moriens feram. Credula res est mulier ac suspicax, maximè semel offensa, ergo in posterum animi impotens odium suis rationibus prætulit famulum perditura. Socerum igitur appellat, narrat, quam asperè ab eo famulo excepta sit, propterea quod cum patrijs numinibus in gratiam ipso auctore redierit, quam impotenter colonos suos exceperit. Hæc aliaque huiusmodi minus afficiebant socerum quam nurum, satis certum quo animo famulus in herili obsequio peccasset, ne tamen illa neglectam se quereretur, accersitum Bonauenturam domi recludi & compedibus impediri iubet, & vt heriles molliret iras tempori indulgebat, qui Bonauenturam saluum cupiebat. Quindecim & amplius dies in vinculis detentus ita vivebat, vt moriendum sibi nihil dubitaret. Ergo ex obuio ligno crucem paruulam ipse sibi fabricat vinculorum suorum solatium & oprandæ mortis irritamentum.

Diutius vivebat Bonauentura quam optaret hera, quæ nihilo mitior ab ipso tempore furoris capiebat incrementa, quare mittit, qui cum socero expostulet denunciè que se ad Imperatorios ministros rem delaturam, nisi soceri sententia puniretur. Socer igitur Bonauenturam euocat, narrat heræ offensionem, addit se ad eam placandam illam ipsam in vinculis moram destinasse, nihilque ad eius sedandos animos opportunius sibi videri quàm si eiurata Christi fide in omnibus fideliter pariturum iureiurando affirmaret. Ad hæc Bonauentura, Satis, inquit, anxius hucusque fui cur detinerer, ac tametsi nullius rei mihi conscius quam eius quæ circa mutatam religionem euersumque sanum offensionis intercessit, verebar tamen, ne quo alio prætextu gratia excidissẽ. Nunc autem vt video de sola religione agitur, si eam desero vita mihi gratiæque restituitur, si autem mors intentatur. Lætus igitur

Bonauentura comprehenditur.

Bonauentura confitetur.

tur hac meæ causæ declaratione profiteor me religionem meam nec vitæ nec herili gratiæ concessurum, cui mille vitas conseruandæ præpono.

In hac sententia firmus omnia reiecit, sceleróque volenti famulum nūruī conseruare spem omnem exemit. Ergo capitis in eum sententiam pronunciat. Educebatur ad supplicij locum lætus Bonauentura manibus post tergum reuinctis, & pedibus vt prius impeditis, quam diu intra vrbem iter fuit gestari se permisit, sed euicit deinde vt pedes incedere sineretur, quod faciebat tanto animi sensu, vt corporis sensum excluderet; pedes enim intra compedes celeritate impetuque laceri multum sanguinem mittebant, donec aduertentes ministri per vim eum in sellam suam reiecerunt. Venitur ad supplicij locum, in quo primum carnifices rogat, vt à corporis laceratione Iaponibus non insolita ad virium & sicarum ostentationem amputatis ceruicibus abstinerent, cupere se Christiano ritu sepulchrum impetrare, quod ille fratri suo natu minori, qui fortè aderat, designauit. Pétijt deinde arundinem terræ infigi, ad quam ligneam suam crucem collo eductam suspendi voluit. Pétijt & explicari sibi Christi in cruce pendente papyraceam effigiem quam è domesticæ supellectilis neglecto iam thesauro adferri sibi rogauerat, quàm quia manibus non poterat, ori admotam sapius osculatus, dentibus ex inferiori parte arripiens ceruicem vna cum oculis inclinans ictum excepit, & Iesum inclamans vnà caput imaginem quæ dimisit, quam sanguine suo imbuens testari voluit nouo ingeniosæ pietatis genere, se illi sanguinem reddere qui seruandis mortalibus suum prius in Cruce profudit. Ita Bonauentura magno salutis compendio hero fidem Deoque seruaui. Nec adduci potuit vt ante sacra religionis arma, quam caput vitæque dimitteret, eo in loco tum sepultus est, nec ita multo post Fuximi deportatur.

Dammatur.

Pleitur.

CAPVT XXVII

Leonis mihi nomen in huius anni certaminibus ut est fortitudo nisita victoriæ omen videtur fuisse, hic alter est cognominis: alteri Leoni cui studio postremum locum pro huius anni librisque coronide referuavi. Ozacæ nostrorum sedes innixa fauori Findeyori & Taicosamæ diplomati stetit incolumis. Edicti tamen de non excipiendis exulibus atrocitas & Imperatoris exemplum priuatorum nobilium parum bene affectos rebus nostris stomachos commouit & variarum perturbationum humiores excitauit ab ijs in famulos ac domesticos de religione seuerè inquisitum, acriter certatum, constanter repugnatum. Vnus inter multos athletas pugil martyrij palmam secum detulit, dum eiectus ab interfectore spiritus purior è proprii sanguinis lauacro in cælum euolauit.

Is ante decennium Christo adiunctus Leo est Christiano nomine appellatus, Japonensi Cayemon dicebatur, è regno Figen oriundus scribitur. Quo tempore Christum nosse cepit, Facatæ Christiano hero famulabatur: quo dimisso, inter ethnicos diu vagatus & tandem Ozacæ constitit, in Echnici quoque nobilis Imanda-fanxiro dicebatur, administranda familia distentus, is enim totam illi domum, fidem illius expertus, vltro tradiderat. Diuturno quidem cum ethnicis contubernio Christianus in eo virtutum viror siluescebat, sed integræ tamen fidei radices pietati pristinae suum reddiderunt ornamentum. Cum enim domesticæ occupationes colligendo animo tempus subtraherent, per sollennis ieiunij dies curandi corporis prætextu ex heri facultate animum curaturus in ædes Neophyti cuiusdam ædis facatæ nostrisque vicinas studio concessit. Vbi continua cum nostris tractatione antiquum animi ardorem recipiens præteritæ vitæ maculas à memoria repetens salutari confessione eluit accuratè. diceres illum futurorum præscium imminens certamen præsentire.

His animarum subsidij per otium recreatus ad hierum redit, certus posthac ipsum Christum non solo corde, sed ore si res ferret pro-

profiteri. nec defuit per eos dies occasio, eo permittente, qui Leonem sibi segregatum ad praelia futura disponebat. Indictum enim ab hero nescio cuius simulacri venerationi ieiunium cum neglexisset, in Christianæ religionis suspensionem facile venit, nec latuit domesticos quo se subduxisset, quam frequens ædem sacram ac nostros adisset. Ea ad heri matrem delata, grauiter eam, quod idola *Initia praeliorum.* coleret impensius, pupugerunt. Ergo Leonem vrget, vt totius familiæ sacra recipiat, nec vnus externos ritus domum inuehat. Leo quia iam se ad hunc insultum comparauerat ita respondit, se quod affecutus esset profana numina, nomina esse duntaxat, à quibus nihil boni sperare, mali nihil timere oporteret, ijs renunciasse, Christianique fidem, quæ vna huius vel æternæ vitæ bona salusque penderent amplexatum; hæc porro duo sibi æquè certò ita constare vt ad ætuenda vitam exponere nihil dubitaret. quo audito ethnica mulier respondit, eam sibi religionem bene firmam videri quæ suos ita confirmaret, cupere se de eâ non nihil inaudire. Herus autem cum verbis acius vrgeret nec quicquam efficeret, opera in auxilium vocauit, eum enim asperius alloquebatur, tractabat indignius: sed cum æquè opera vt verba irritò conatu cecidissent, cum famulo redijt in gratiam, eiusque opera vt prius omnia dissimulans utebatur. Contigit Leonem per eos ipsos dies ægritudine corripi, quam ægritudinem manifestam Deorum iram interpretati dimissa cum eo praelia instaurarunt. Vrgebant vt idolo cuidam, cuius iuxta urbem Miacensem cultus frequentatur, votiuæ pro salute donæ conciperet. Ille vero tantum imperium detestatus, etiam cum infirmabatur potens erat.

Paulò post recuperata valetudine cum iam conquieturus videretur, Ecce tibi noui ab Surunga rumores praelium instaurarunt. Vrget herus vt Imperatoris nec tantum suæ voluntati acquiescat, responder Leo se ipsi Imperatori idem quod hero, responsurum si per se ipse præsens vrgeret. Tenuit ista concertatio dies aliquot cum per se & per alios à se submissos herus vrgeret; è quibus vni respondit frustra secum teri tempus, se vnum à Christo nunquam defecturum tametsi quotquot erant Ozacæ Christiani à Christo defecissent. Hæc omnia ille Neophyto narrauit apud quem fuerat nuper

*Leonis mar-
tyrium.*

nuper in vicinia nostra diuersatus, monuitque videri sibi rem ad extrema deducendam. Vnde procuraret scire quid sibi in posterum ageretur. inde ad nostros diuertens totam noctem in spiritualibus colloquijs absumens sese ad agonem proximum comparabat, ea ediscens quæ ad eam horam opportuna viderentur. Tum primo diluculo amicis neophytis aliquot vafaciens in heri domum sui certaminis arenam se recepit, vbi iam ab Imperatoris metu ac inanum Deorum propensione facta ferocior heri parens filium ad Leonis mortem, si defectio impetrari non posset, incitarat. Postridie igitur quam aduenisset eum in aulam euocat, ibi qua potest vehementia præcipit, vt Christum eiuret, seque Dijs patrijs restituat. negat Leo se facturum, tametsi exilium aut præsentem mortem viderit. Et hoc igitur tibi planè ac deliberatè æternumque fixum & constitutum? fixum, inquit, & æternum constitutum. eoque dicto in genua proruit. Herus furorem ultra non tenens educto ferro propria manu præstolantem mactat. Est enim apud Iapones herile ius in famulos vitæ ac necis, nullo etiam iuris ordine. obseruato.

Ita fortissimus martyr septimo Iunij anno salutis 1612. ætatis suæ quinto supra tricesimum purpuratam effuso sanguine animam ei stitit qui, suo nos exemplo ac morte ad eadem prælia prouocauit.

Libri Primi Finis.

DE

CHRISTIANIS APVD IAPONIOS TRIUMPHIS

Anno Domini cio lxx xiiii.

LIBER SECVNDVS.

RECRVDESCENTIS APVD
Arimenses mali caussa.

C A P V T I



On semel in hac temporum varietate apud Arimenses sese remisit aut intendit furor, mirum ut alicui videri possit, vnde sub eodem principe in eadem causa tot rerum vices varierint. Id, quia non parum ad historiæ seriem spectat, paulò altius repetendum. Sasioie è fabro vilis terræ filius

ad maxima quæque assurrexerat sororis ope, quæ parem fortunam ad intimam cum Imperatore familiaritatem, cui iam senescenti sedulo famulabatur, euexerat. Is annos iam plures Nangasakuensis Emporio præerat, in cuius portum Lusitanorum ab Sinis, & Hispanorum è Philippinis commercia deferuntur, & ingenio plusquam fabrili multa miscere solitus onerariæ Lusitanæ nuper perniciem procurauit, Christianos etiam malis artibus potius quàm aperta vi acriter insequabatur, non odio solùm falsitatis in veritatem quod esse solet acerrimum, sed etiam quod ea re cupiditatem suam regnandi quæ libidinem tegeter atq; egregiè promoueret. Nam cum

Persecutionum causa.

Nanga-

Nangasaquienſi emporio Arimenſis ager immineat, illi quoque occupando ſibiſque adiungendo totus imminebat. Illius igitur artibus Ioannes Arimenſis Regulus (quem aſſutum quoque ſuásque fraudes ſentientem malè metuebat) in exilio vt vidimus periit, Michaelis filij opèra, à pellice quoque ſua in fraudem inducti.

Eius prouinciam cum Michael iniſſet, effecit vt ab Imperatore adoleſcentis dirigendi ſpecie, ſed perdendi cupiditate moderator nominaretur, ſine cuius conſilio nihil moueret aut gereret. Et vt intricatiſſimo negotio miſerum adoleſcentem impediret; effecit vt Imperatoris exemplo Chriſti fidem è ſuis terris (quod erat in ea multitudine confirmatàque religione perdifficile) exterminare conaretur; in quo alterum è duobus vitare non poterat, aut nimix crudelitatis, aut remiſſionis notam, quorum alterutrum ſatis erat ad eum loco mouendum, patrioque regno exuendum, velut per ætatem ineptiorem ad ſuam dynaſtiam excluſis ritibus barbaris, patrijs dijs reſtituendâ; quo factò Arimenſis agri gubernatio facilè viciniore & cum Chriſtianis Nangasaqui agendi perito videbatur demandanda. Quod adhibita in auxilium Fime reguli pellice donec perfecit, nunquam conqueuit. Ea enim pellex à Chriſtianis ritibus vt maximè abhorrebat, ita facilè in hanc terrarum mutationem conſpirabat, cum non eo quo maritus hæreditatis patriæ educationisque vinculo teneretur. Ita miſer in fraudem actus, dum exturbari timeret, ipſa prouinciæ conſeruandæ ſollicitudine præpoſtera exturbatur.

Hinc fiebat, vt quoties ille vel religionis memoria, quam inuitus depoſuerat, vel clientum amore, quos nolens vexabat, vel quietis cupiditate non niſi de furore in Chriſtianos concepto remittebat; nouis moderatoris ſui artibus, vel per ſeipſum, vel per ipſam pellicem incitatus, ne mollius ſe geſſiſſe deferretur, nouos ſignes concipiebat; non aliter ac ſi viridi ligno focum inſtruas, qui non ardet diutius quam ardere cogitur ſollibus incitatus. Quam durum eſt prauis animi motibus obſecundare! quam ſtultum eſt humaniſationibus quæ diuinis aduerſantur ſua conſilia deſignare! quam difficile eſt in lubrico vitiorum præcipitio lapſum retinere!

Cum

Cum igitur post commemorata prima illa praeliorum in fidei causa praeludia Neophytorum constantia furorem fregisse videretur, opus fuit novis artibus ad eum innouandum. Non defuit ver- *Sasioe inten-*
 sipelli occasio. Solent Iaponiæ reguli, quoties annua spacia rede- *sor malarū.*
 unt (quorum initia pro Sinarum more à Luna quæ vernum præcedit æquinoctium solent numerare) in urbem regiam non vacuis Imperatorem manibus salutaturi se conferre. Cum Regulo itaque colloquens Sasioe (quod in ea vicinia sæpe vel animi causa faciebat) ingessit, imminere tempus Imperatoris reuiscendi, vereri se ne querenti de Christianorum exterminio non satis aptè respondere possit: constabit enim quàm obstinatè restiterint, quàm acriter institeris non constabit: malè metuo ne mollior habearis, aut non satis cordatè Dijs patrijs restitutus videaris. Non abs re fore iudico si hoc ipsum tempus insigni aliquo facinore celebre feceris, non solum terrendis rebellibus atrox aliquod supplicium exercens, sed Imperatori conciliando æmulorumque tuorum obtrectationibus occludendis accommodum. Non est ausus adolescens improbisimi hominis consilijs, quibus se ipsum perditurum iuit, repugnare. Ergo fama volat viuos aliquos igni tradendos easque victimas retinenda suæ dignitati consecrandas. ita regnandi libido, vel non regnandi metus innoxio sanguine tueri se posse arbitratur.

Eruptit facile huius consilij rumor, cuius finis eo solum tendebat, ut territi Neophyti magno numero deficerent, eaque defectio Imperatoris gratiam venaretur. Arimenses tametsi à breui quiete nihil minus quàm huius supplicij atrocitatem expectabant, non solum non inopinata denunciatione obriguerunt: sed velut reffectis non nihil viribus vegetiores in aciem redierunt, tantoque numero Arimam concurrerunt, ut ad ludicrum aliquod laticie publicæ spectaculum evocari viderentur. Non referam mutuas inter se gratulationes, renouata Sodalitiorum Sacramenta, spes martyrii colloquiorum igne succensas. Hoc sit satis eos conuentus tales fuisse, ut permotus aut territus dynasta ipse moderatorem suum per literas monuerit nihil abesse Arimam à tumultu in tanta concurrentium multitudine comparato, quem sola fama exciuit; vereri se ne omnia possum, cuncti supplicio ipso multitudo iam permota gravius irritetur.

Martyrij desiderium.

irritetur. Ad has literas quibus ipsemet Sasioie terrebarur ne tumultus auctor apud Imperatorem malè audirer, quem demerendum sibi susceperat, respondit videri sibi nunc quidem conuiuendum, temporiq; seruiendum: ita phalarum qui conuenerant spe martyrij desperata dilapsi neophyti se ad sua receperunt.

**CHRISTIANA APVD ARIMENSES PRÆ-
lia seriore crudescunt.**

Thomas & Matthias occumbunt.

C A P I T U L U M II.

Non diuturna fuit Arimensibus quies ab eo ipso qui praelia susponderat hac occasione interturbata. Nam cum iturus in Urbem regiam Sasioie prius Arimam venisset ab ipso dynasta missa celoce propria inuitatus, inter nauigandum quasi catulis quibus intermissa praelia reuocaret. Remiges quadraginta celocem agebant Christiani omnes, qui etiam religionis suæ arma precatorios globulos & sacram agni ceres effigiem è collo gestabant, nihil dubij quid agerent in eius conspectu, quem non nesciebant Arimensis in se tragœdiæ inuentorem. Eam rem sui contemptum interpretatus, cum ferret impotentius, in hæc verba prorupit, vultu ad seueritatem ac minas comparato. Atane verò hæc barbaræ religionis arma in mei ludibrium & contumeliâ ostentatis? abijcite ex templo in mare vniuersas istasque sordes illius æquis eluite; ita iubeo, ita dynasta herus vester, ita Imperator. Ad hæc vnus ceterorum nomine ita respondit sanè sapientius ac fortius, quam à remigibus posset expectari. Quæ gestamus, in Dei honorem, non in cuiusquam ludibrium aut contumeliâ ostentamus: & quoniam quotquot hæc remigamus Christiano nomine gloriamur, hæc nostra religionis insignia vnâ cum ipsa religione retinemus? Qui detrahere parauerit, ceruices prius nobis putet detrahendas, quod non refugimus, sed optamus. Hic sese tenuit Sasioie, nec temere putauit intra celocis angustias quadraginta remiges irritandos: maluisse creuisse si verba reuocari possent, sed quia

*Remigum
pietas.*

non

non potuit, furorem secum vehens in Arimensem portum exportauit.

Hinc orta est incitandi denuo dynastæ occasio. Cùm enim querelas suas apud Fime pellicem de remigibus deposuisset, communi consilio & conatu dynastam aggressi, facile induxerunt vt ad intermissa de plectendis neophytis consilia se referret: quia tamen discessus instabat, nec atrocior supplicio in absentia scire tutum iudicaret; ne nihil egisse videretur, interim dum rediens grauiora meditatur, tria quæ mox à discessu suo exequenda voluit suis demandauit. Ac primo parentis sui patrum Ioannem, senem venerandum & Ecclesiæ illius columnam loco suo mouit. Iussit enim eum Arimensi oppido secedere, ac ruri viuere censu, quem habebat annum, dimidiatam partem detracto; noluit enim vt in eo haberent Arimenses neophyti quem inspicerent, noluit ipse habere quem vereretur, aut æmulis dare quod obtrederent. nec ausus est tamen planè impius videri in patrum, vel ingratus obsequiorum æstimator quæ suos maiores ab eo accepisse constabat. Non absimili deinde fortuna vti voluit Georgium illum Yafengi, cuius meritis & gratia vnica nostrorum sedes ex Arimensi ditione tota communem cæterarum fortunam euaserat; nec enim ea euersa contentus, ipsum quoque Georgium Arimensium finium proscriptione damnauit: Obsequijs tamen tanti viri dedit, vt quicquid in bonis mobile possidebat secum efferrer; quem scribunt mœrorem præ se tulisse, quod mitiore sententia damnatus infra sua vota in Christi causa pateretur.

*Christiani
duo nobilissimi
Arimæ
eijciuntur.*

Tertium atrocius fuit seueritatis exemplum quod Imperatoris gratiæ & vanæ formidini dedit admodum inuitus. Thoma enim ex prima nobilitate magni nominis ducem ac filiolos duos, fratremq; Matthiam & vtriusque parentem Marcham capitis damnauit. Sed hæc omnia demum cum in regiam tenderet exequenda mandauit. Nam cum triduo quatrduoq; terra iter faciens Nangasakuensi Præfecto Sasioie nauiganti in portu cui nomen Ximono Xequi occurrisset, ibique à suis literas accepisset neophytorum ardorem, quotidie magis accendi; placuit auctore

Sæpie quæ prius utrique rata fuerant exemplo exequi. quasi verò Christianus ardor sanguine sopiri posset, cui caritatis æstus olei non aquæ naturam impertiuuit. Horum gloriosam mortem in qua sunt quæ spectentur, nunc aggredior spectandam exhibere.

Hic ille est Thomas à Cami oriundus, quem anno superiore post heroicam Christi professionem à dynasta legimus publica fidei suæ libertate donatum, quam gratiam dabat ille multis in rem pub. meritis sub parente suo Ioanne sæpe bello paceque emerito, quæ omnia ingrata crudelitas ex animo desertoris expunxit, & quidem non deerant qui Regulum non rectis oculis Thomam eiusque familiam aspicere putarent, eo quod in parentem suum Ioannem demortuum nimis carus & officiosus fuisset. Sed ipsemet in primo conflictu fidei cum Thoma habito anno præcedenti hanc eius mortis causæ dubitationem soluit dicens, Non defuere adhuc viuentem patre meo aliquot contra te querelarum causæ, sed omnia lætus ignosco dummodo in hac vna Religionis saltem ad horam morem geras. quod mihi gratissimum crede maioribusque te beneficijs onerabo. Restitit ei vehementer ut vidimus ad huiusmodi prælia iam sæpius exercitatus veteranus pugil bis in fidei causa proscriptus & quam desperauerat inter prælia lauream, ibi reperit, quo eum prioribus prælijs strenue perfunctum Christiana pax Arimensis agri euocarat.

Huic ultimo certamini causam dedit Thomas congressu cum dynasta nuperrimo, Cum enim suis rebus minus tutum arbitraretur vnum è primarijs ducibus publicè Christi sacra colere, ne vel Imperatoris iras, vel aliorum quorum paria videri merita poterant, inuidiam hac immunitate incitaret, Thomam per se ipse rogat, ut tempori cedat, & heri sui exemplo auctoritatique lubens obsequatur. Ad hæc Thomas ita respondit, Quàm graue sit militi à vexillo ducis sui deficere, ex me ipso didici cum transfugas ducis officio perfunctus semper exhorui. Ego sub crucis vexillo ducem Christum sequor, in eius militiam ritu sacro sacramento adscriptus: ab eo transfugere grauius puto, quam vitam ipsam quæque infra vitam solent æstimari, prodigere. Hoc animo meo iam diu sedet ac sedebit: velimque ut tandem hoc ita de me sciatur, ut nulla spes muta-

Thomas constantia.

mutationis ultra me sollicitet ac laceſſat. Hoc à me poſtremum habe, nec aliud. ultra ſpera. quæ cùm dixiſſet ſalutato dynaſta ſeceſſit.

Satis hoc vnum Iaponenſibus regulis ad certiffimam mortem euocandam. Sed tamen ea erat viri virtus non Chriſtiana minus quàm militaris. vt ad eum grauius plectendum reguli animus non niſi pellicis, incentoris que ſui machinis potuerit permoueri. Thomas interim ſatis conſcius vel Iaponenſis impotentia, vel artium Sapiæ ac meretricij furoris, ad omnia ſe ipſum comparabat, & cau- tẽ obſeruabat, non vt ſubterfugeret ſua gaudia, ſed ne illis inopina- tẽ capere tur. Ergo continuis orationibus, ieiunijs ac voluntarijs corporis afflictationibus ad maiora præludebat, ſeipſum ſæpius expiatus cœleſti panis confirmabat, quoties ad eum è noſtris ſacerdos vnus Arimam clam rem Chriſtianam procuraturus ventitabat. Non facile dixeris, quæ pereos dies illius colloquia fuerint, non ſatis ſe capiebat, quod deſperatam toties martyrij palmam, è qua ſæpius excidiſſet, iam proximam teneret potius quam ominaretur.

Abierat iam regulus, nec obſcuris auctoribus conſilia erumpe- bant. Pridie illius diei quam tot votis euocabat, ſub noctem ami- cus ad eum adit, monet quid in ſe, quid in ſuos machinari dynaſta æſſeclas ſpargatur, ſeipſum nocturnis tenebris in tutum recipiat, ſi noluerit ſuis ſaltem conſulat, pietati tribuetur periculo proles eri- puiſſe, ſeipſum expoſuiſſe animi magnitudini. Thomas domi ſuæ filios duos, filiolum vnũ, vxorem, fratrem Matthiam & vtriuſque parentem Martham numerabat. Erras inquis Thomas, toto cœlo à quo nos abducis erras, nuſquam me ac meos tutiores quam ſub ictu ſicæ Iaponenſis molliter accliuēs puto: vtinam ego omnium truncas ceruices palpitare ad pedes meos viderem prius, quam me- as inclinarem. abiit amicus ſecum gratias boni nunciij baiulus, & ſuporem tantæ virtutis admirator efferens. Thomas verò totam eam noctem ſe, ſuos, ſuæque diſponens ad craſtina prælia pernocta- bat; nec eum ſua ſpes, nec ſpem ſeſellit euentus.

Nondum Imperator quemquam ſola religionis cauſa, morte, ſed exilio aut bonorum proſcriptione mulctarat; vnde ipſi quo- que dynaſta minis alijsque poenis ſuos territabant, & ſi quos occi-

di iubebant, id occultè aut dolo fieri curabant, ne aut de nimio rigore corripì, aut tumultus in populo excitari contingeret. quod & Thomæ accidit, ut videbimus.

Postridie enim sub horam nonam ante meridiem ab vno è moderatoribus Arimensis oppidi euocatur, causante nescio quid ædificij, ad cuius designationem opus illius præsentia esse simulabat. Sensit Thomas ead vrbem illam quæ *construitur in cælis visus ex lapidibus* euocari. Lætatus igitur in his quæ illi dicta erant, ipse sibi dicere videbatur, *In domum domini ibimus*, iam diu enim *stantes erant pedes nostri in atrijs tuis Hierusalem*, hæc enim est illa *Hierusalem, quæ adificatur ut ciuitas Dei*. inde suorum gaudiorum parte domesticos impertitus, omnibus illi, illo omnibus fausta comprecantibus, post mutuos amplexus extremumque vale dimittitur.

Thomæ mort.

Gubernator Thomam mentita vultus hilaritate (quam Iapones egregie fingunt) excipit perurbanè, & postquam de fictis ædificijs perfunctoriè tractasset, domestico prandio (cuius tempus est apud Iapones illud ipsum) excipiendum detinet. Et interim dum famuli triclinium parant, iussit afferri sibi sicam suam, quam glorioso militi Thomæ omnia subodorato laudandam, aut verius probandam ostentarer. Accepit eam Thomas, & militari manu sæpius quatiens admirabatur, & ex animo gloriæ suæ instrumentum colaudabat. Quid tibi videtur, inquit, Thoma, subridens gubernator, probè fungetur officio suo sica mea, nec ictum fallens molliter amputabit? Planè, inquit Thomas, hospitem potissimum illius ictum cupidè præstolantem, quæ cum diceret sicam sicario restituebat: qui nihil moratus, primo ictu altè in eius corpus adacto victorem interimit, ipse verò ferale suum conuiuium innoxio sanguine poluens carnificis munus functus, Martyri meliores epulas, sibi famam æternam præparauit. Sed ad Matthiam veniamus.

Matthiæ mort.

Vix bene domo abierat Thomæ, cum ab alio gubernatore Matthias accersitur: qui iam nihil dubius quò vocaretur super vtrumque sortem cecidisse gaudebat. geminata oscula & amplexus, faustæ quoque, vtrinque comprecationes, pugnante natura cum gratia, suæ tristitia lætantem suoque metu confirmatum dimiserunt.

runt.

ruht. Excipitur à moderatore pari vultu Matthias, & sciscitans quid esset in quo illi obsecutus aduenisset; non mihi, audit, sed hero nostro dynastæ obsecutus in hoc aduenisti, eductaque sica dum manus in cælum erigeret obruncatur. Ita fratres duo *quomodo in vita sua dilexerunt se ita in morte non sunt separati.* Eodem tempore, pari mortis genere, in vna causa vitam posuerunt, sibi que mutuo ad æternitatis valuas occurrentes sua gaudia, quæ sine carent, inchoarunt.

MARTHA MARTYRVM PARENS CVM

duob. nepotulis in ead. causa obruncatur.

CAP. V. T. III.

PROperabam vt Martha totique familiæ laureatus boni nunciij baiulus accurrerem; sed ecce à gubernatoribus missi satellites præuenerunt: Hi Martham ita compellarunt: Duo filij tui pertinaciæ suæ pœnas dynastæ iussu morte sua exsoluerunt; Tibi cum nepotulis duobus Iacobo Iustæque eadem ex causa extemplo moriendum; Iustam coniugem ac filiulam dynastæ clementia sinis intactas. In re subita licet non improuisa subiti motus variè varios inuaserunt; sed omnes lætitiæ vis & copia superauit. Martha sibi gratulabatur Martyres peperisse, filij se martyre parente iactabant, & breui eorum consortium sibi quia nepotulique promittebant. Vna Iusta, quod negligi se sentiret, mœrori reiecta lætitiæ fræna laxabat. Nescio quid prius spectem: num Martham nepotulis aniliter gratulantem, aut potius blandientem, in eo ipso in quo cæteri læuebant, an puerulos simplices colludentes, an Iustam eiulantem non tam mariti morte quam separatione? Sed quoniam hæc omnia mentis oculis spectata vehementius insiliunt, & muta scriptione segnius irritant animos, cogitationi laxemus habenas potius quàm scriptioni, & ab ea rei totius æstimationem verius exigamus.

Cum itaque diu tota familia cum suis affectibus esset colluctata, sedato iam tantisper nouitatis tumultu, ad huius tragicocomædiæ catastrophæ concludendam, applausumq; à spectatoribus

Deco

Deo Angelis, & hominibus extorquendum sese strenuè compararunt, Martha nepotulos instruxit, seipsam comparauit, nurumque solata est. In his tribus nonnihil immorati supplicium sistamus; mos enim est in extremis omnibus etiam quæque minutissima adnotare.

Martha nepotulos ad martyrium disponit.

Accersitis igitur nepotulis exponit parentis ac patruum mortem mortisque causam, quibus in sacrificij complementum ipsa filiorum, ipsi Parentis comites futuri plecti iubentur. Exultate filioli, Deoque ipsi, vobis, ac mihi sortem vestram gratulamini, filiorum gloria in æmulanda parentum similitudine terminatur. Præcessit ille, nos sequimur, quid est quod nos in hac mortalitate detineat? Ad hæc filioli omnis more impatientes hoc vnum scire vrgebant, quando id futurum, & quàm certò nunciaret: Ea ubi audierunt auiæ pueriliter blandientes, matri suauius gratulantes, domesticis cæteris arridentes, nihil omittebant eorum quibus exuberare solent animorum sensus. nutricibus suis munuscula diuidebant, suasque reculas inter æquales partiebantur. Tum Martha positis vel ætatis vel viduitatis vestibus iucunditatis suæ candido induitur apparatu, eoque ipso innocentiae teste puerilis puritas insignitur: sibi que ipsi gratulata, post gratias Deo impensè pro beneficijs redditas, iustam nurum suam, cuius orbitas communia gaudia respuebat, solari aggreditur: docet, omnia è Numinis nutu pendere: cuius sapientiae cedere, amoris fidere, voluntati parere mortales oportere, solari se posse, suum sibi manere meritum cum in tot pignorum gloriosa morte toties moritur, quor scilicet illi feriuntur. Iusta silentio suo, lacrymisque ac singultibus vehementius quàm verbis respondebat. Sed cum denique filiolos ultimo stringeret amplexu, in hæc verba scribitur erupisse: ite filij, fortes occumbite, nullus metus irreat, carnifici ceruices præbere, aptate vestem, ictum prouocate, neque vos à parentis fortitudine tenerior ætas excusat. Illi verò sicca parenti figentes oscula nisi quantum maternis lachrymis irrigabantur, his ultimis verbis pæne suam parentem affectuum variorum tumultu opprefferunt: Imus ad parentem nostrum, & si præcedimus, sequere, ibi te præstolamur.

Seipsam comparat.

Nurum solatur.

Hæc cum agerentur, nullumque finem iusta faceret in suis pignoribus quamdiu liceret retinendis, vrgent satellites, volentemque

Mar.

Martham ac puerulos gestientes, in sellam gestatoriam iniiciunt, & duplicato incessu ad supplicij locum breui deferuntur. Accurrerat ad hoc spectaculum Arima, totaque se neophytorum effuderat ecclesia, vel ardorem nouum conceptura vel piarum precum subsidio simul cum suis membris pugnatura. Exiliunt pueri saltu leuiore, tum Martha succedit: Ecce tibi duplex Isaac non de victima, sed de litante sollicitus, circumspiciunt intrepidi carnificem suum agnoscere cupientes, cum ecce in circumfusa multitudine se suo splendore sica prodidit, ad eam accurrunt, & eo ipso alter alterum attentius intuiti corde magis quam ore loquebantur. Tum ingenua ruentes spectatores suos horrore complebant alienoque periculo tremebant, cum nec ipsi timerent suo. Iacobus, ut erat edoctus à parente & auia Iusto fratre biennio iunior annos natus non amplius nouem, fratrem præuenit, aptatque veste ceruicem exporrigens sanctissima Iesu ac Mariæ nomina cum tertio repeteret, nondum ea bene inuocatione prolata, obtruncatur. Truncum caput, horribile spectaculum fratri accidit ad genua, in quo Iustus æquè sibi constitit ac si nihil præsentis morte moueretur: quam animi magnitudinem qui putet naturæ viribus in hac ætate maximè attribui, ego illum infra naturam sapere arbitrabor. Iustus igitur eodem vultu, eodem ritu se comparans agnus alter immolatur, dum fratris exemplo inter primam sanctissimorum nominum inuocationem vox interclusa deficiebat.

*Puerorum
Arimensium
mors.*

Spectabat hæc hilari vultu siccisque oculis, & plusquam anili animo Martha, quæ iam nepotulorum cura libera, sibi vni attendebat. Primum sacras reliquiarum thecas collo duas exemit, alteram filiæ suæ Nangasquium, alteram Francisco Arimensis dynastæ Ioannis filio, & huius fratri, de quo mox multa, transmisit, eò quod nutricia infantulo curam exhibuerat, velut eum ad proximum quod illi quoque funus imminebat inuitans, tum alia quædam inter neophytos diuidens, vnius horæ spacium ad eam orationem, quæ sola mente decurritur, impetrauit. Quos illi motus eo temporis momento ingesserit, nouit ille qui dedit. Ea expleta cælum intuens Deum ad quem properabat inclinata veneratur. ei genibus nixæ, vestisque composita ceruicem fortiter præbenti vni-

Martha gloriose mori.

R

co sicæ

co sicæ ictu caput excutitur, quod dum rueret bis resiliens exultauit.

Sic eadem die mater cum filiis ac nepotulis gloriosè de tyranno triumphantes, quorū annorum morte æternitatem compararint, adscribam. Martha annos agebat, vnum supra sexaginta, Thomas vnum supra 40. Matthias octo supra viginti, Iustus vndecim, Iacobus nouem numerabat; qui omnes, licet inæquali curriculo, eandem tamen metam attigerunt.

ARIMENSIS DYNASTA FRANCISCVM

& Mattheum fratres suos ex impro-
sa matris subet.

CAPVT IV.

CVM in urbem regiam Arimensis dynasta vna cum pellice & vmbra sua maloque genio Sasioie deuenisset, expletis visitationis officijs proxima fuerunt ea quæ ad exterminandam suam prouincia Christi fidem obsequens Imperatori perfecerat, aut perfecisse se iactabat; quæ cum æque mentientis Sasioie calculo, ad quem nihilo minus spectabat ea res, constitissent, Ea sibi omnia vehementer arridere demonstrauit Imperator. Qua demonstratione lætus iuuenis, cum se ad sua recepit, hortatorem habuit ad audenda grauiora eum, à quo paulatim in extremam perniciem rerum suarum imprudens trahebatur. Si hæc, inquit Sasioie, quæ iam inchoasti, tantum heri nostri animum rapuerunt; quid erit si bene cœpta ad exitum persequaris? quid non potes sperare, posteaquam nihil ultra timueris? Et quidem duo mihi nunc occurrunt, quibus res tuas stabilire possis atque promouere, mitius alterum, alterum asperius, omnibus quippe remedijs contra grauiora mala pugnatur. Non nescis clientum tuorum animos longa sacerdotum externorum cultura tantum in patrijs ritibus siluescere, quantum in barbaris luxuriabant. Nihil aptius puto, quàm si eiectis nuper impostoribus sacrificulum aliquem nostratem elegeris, cuius eloquentia, vitæ sanctimonia, nominisque celebritas externorum sacerdotum memoriam obliteret, ac desiderium restringat. Simul illi nominat insignem sacrificulum Banzui dictum.

*Illorū quinque
etas.*

*Duo Sasioie
consilia.*

*Primum, ut
sacrificulum
insignem no-
strum sufficiat.*

ctum, cuius nominis splendor ceterorum in vrbe regia splendorem ferebat illæsus. Placuit adolescenti consilium rato se hac ratione sine crudelitatis nota, sine clientum suorum iactura, sine motuum periculo, quæ ad ditionis suæ conseruationem exigebantur posse impetrare. Hic sacrificulus quid effecerit apud Arimenses proxima narratione subiiciemus, vbi quid absente dynasta perfectum fuerit seruato temporum ordine exhauserimus.

Alterum igitur seipsum conseruandi atque promouendi consilium malus consultor ita suggessit: Non attendis deinde vt in perniciem tuam fratres tui duo sensim adolescant. eorum ad barbara sacra propensionem adultis vix euelles, quos teneros abducere nondum toto conatu potuisti, maximè quod altera hæredum iura, inter publicos tumultus assurgunt; procliuè est Arimenses tot à te hæctenus malis irritatos tot in posterum irritandos in tuam perniciem conspirare, quamdiu coniurationi suæ caput è tuo sanguine repererint, in quo etiam religionis suæ propensionem non ignorant. Sed fratres sunt? vix dimidij, cum alius eos vterus effuderit, plus à matre quàm à patre fratres accipiunt si germani non fuerint. huius rei atrocitatem lenit necessitas sibi prima, patria consuetudo qua filij parentis quem sublatum oportuit fortuna inuoluuntur, ne vlturi parentem, iustum habeant ad iniusta prætextum, lenit regnandi libido magnis innata, cui omnia iura etiam naturæ per omnia retro secula & nationes tot Monarcharum exemplo cesserunt.

Hæc aliæque mali genij consilia, quæ filium in parentem nuper armauerant, non ægre adduxerunt, vt nihilo mitior in fratres insurgeret. Ergo ex ipsa vrbe regia mittit ad suos quàm occultissimè, vt vtrumque nullo tumultu quàm secretissimè, priusquam rediret, iugularent. Quid intactum finit in malum semel inclinata defectio! quid enim ab eo sperari potest, qui fidem fregerit immortalibus, in mortales fidei aut humanitatis? Sed antequam crudele parricidium spectaturi Arimam redeamus, ex itinere qui fuerint hi duo parricidæ ac desertoris fratres subiiciam.

Ioannes Arimensis olim dynasta, qui alio nomine prius Protasius dicebatur, ex priore coniuge Lucia filias tres & Michaelem

Alterum & fratres suos à medio tollat.

Ioannis Arimensis dynasta proles re hunc consilia.

huncipsum desertorem suscepit. Ex alio deinde coniugio cum Iusta legitimè contracto proles quatuor habuit, masculos duos Franciscum ac Matthæum appellatos, & fœminas duas. Priores tres nuptui elocatae sunt viuo etiamnum parente. Michael sublato parenti successit: Franciscus ac Matthæus hi sunt de quorum capite nunc agitur: Sorores horum duæ adhuc infantulæ postea Miacum ad parentem Iustam remissæ sunt educandæ. Miacum enim Iusta, tandem extincto marito, exilio soluta se recepit, cuius in aduersa fortuna iam probatam in coniugis morte virtutem in hoc quoque filiorum casu Christianè mirabimur.

Franciscus igitur & Matthæus extincto parente apud fratrem Michaellem Arimæ educabantur. Octauum annum agebat Franciscus Ioannis è Iusta primogenitus, vterque in hac temporum varietate sed maximè Franciscus, educationem suæ parentis ac nutricis Marthæ non pueriliter retinebat. Id maximè præ se tulit Franciscus, quando cum Fime fratris sui pellice, quo tempore primum Arimam venit, supra ætatem decertauit. Cum enim illa puerulis blandiens, forè in re non ludicra luderet, & ab eò exigeret, vt Christo renunciaret, Non faciam, inquit puer, iam serius è ludibundo. Nisi feceris, ait Fime, Imperatoris iussu mactaberis. Vtinam, ait Francisculus; nihil est quod minus metuam, aut æquè cupiam, quo responso eam ab his sermonibus in posterum deterruit, ac ceteros obstupescit. nec inferior fuit alius cum fratre quoque ludibundo congressus. Cum enim iussisset eum à fide deficere, nihil impetrauit. Sed neque sacram cerei agni thecam vt deponeret extorsit, ex quo enim in Neophytos sœuiri cœptum est, nunquam sine illa coram fratre comparuit: sed maximè cum postmodum illius congressus fratrem adiret, obtineri ab eo non potuit, vt eo careret, ne fortè vllam desertæ religionis suspensionem incurreret, aliàs etiam cum in multorum congressu ex Arimensibus illis triumuiris vnus pueri patruus, Camon dicebatur, multa ineptè effutiret; puer ita loquentem interpellauit: Patruè, qualis est dæmon? illius faciem spectare cuperem. Interrogationem puerilem astantium risus excepit. Camon enim vitæ licentioris infamia Dæmon inter Arimenses appellabatur, è quo puerilis iocus salem deprompserat, Et quidem in ætatis

*Martyrij de-
siderium.*

tatis illius tenebris tot maturioris iudicij scintillæ interlucebant, vt vel iam à fratre timeri inciperet, cùm nondum ipse timere didicisset.

Arimenses igitur ministri cum ab hero suo atrocia mandata suscepissent; nulla interposita mora (soleant enim in pœnis quàm in beneficijs exequendis ministri plerunque esse promptiores) spargunt se. Mi cum illos ad iustam parentem amandare, sed clam eos intra cubiculum recludunt, vnico famulo, Ignatius vocabatur, ad obsequia necessario illis relicto, quos non pauci ne fortè elaberentur, dispositis excubijs asseruabant. Quadraginta dies totos in eum modum asseruantur, vt hac mora contingeret illos vnà cum sui memoria sepeliri. Admirabilis per eos dies à pueris viuendi ratio tenebatur (tanti refert ad omnes fortunæ casus à teneris vnguiculis didicisse quod exerceas!) siue enim Christianæ religionis odio, siue vano suspicionum metu, siue vtroque captiui detinerentur, id assequi videbantur quod imminebat, ea sibi breui quæ supererat vitæ spacio comparanda, quæ vel mortem minus formidabilem reddunt præuisam, vel minus periculosa reddunt improuisam. Oratio coram sacris imaginibus quotidiana, ieiunia, (quis in hac ætate credat?) prope quotidiana; nec erat in Ignatij potestate volentes inhibere, qui cum non ignoraret ea, quæ intra paucos dies circa puerorum necem designabantur, ita sibi commissos moderabatur, ne mors præuisa terreret aut improuisa falleret. Eo igitur acrius pijs exercitationibus certabatur, quò propius immatura mors accurrebat.

*Fratres clam
in cubiculo
singulando re-
cluduntur.*

Et quidem ea ipsa nocte, quæ inopinantes erat oppressura, cū fortè neuter esset ieiunaturus, & iam hora ad cœnam conuocaret; ait Franciscus Ignatio: hodierna quidem dies nulli ex consuetis, ieiunijs illigatur, neque fames cœnam respuit; in cœnato tamen mihi dormiendum, hodiernum crimen aliquod expiaturum. Illud erat, quod inter colludendum è custodibus nescito quem sibi offendisse videretur. Et vix adduci potuit, vt fratri cœnaturo comes affideret, tantillum salua ieiunantium religione sumpturus; quæ res in ea ætate, tempore, & causa religiosissimam ostendebat in pueri mentem. Nec in hoc stetit prælagientis extrema omnia quædam modo

Francisci sagacitas. Postquam enim Matthæus obdormisset, ipse magnam cum Ignatio noctis partem terens ea prope fecit omnia quæ ad moriendum præmonitus facere potuisset: petijt recitari sibi ab Ignatio nescio quam precandi formulam, quam ut præsentem facilius memoriæ commendaret in papyraceo fiabello, gentis more descripsit; tum quinquies eam positis genibus decurrens, toties cum Angelo Virginem salutabat, quoties eam precandi formulam repetebat. Inter quæ cum longiorem traheret moram, admonetur ab Ignatio nocturnas iam dudum horas somnum suadere. Cui Franciscus alia omnia in hanc sententiam magno animi sensu respondit: Occurrunt mihi nunc Ignati Christi Seruatoris nostri tormenta, quorum atrocitas lachrymas elicit: quantum mortalibus Deus dedit, cum in eorum salutem mori non detrectauit: eorum me miseret, qui eam rem ignorant. Collachrymari cœpit Ignatius, tum pietatis sensu permotus, tum quod carnificinæ crudelis hora inopinantibus agniculis immineret.

Inde cum iam dormitum esset concessurus, sacris Indulgentijs Virginis Conceptæ iconculæ attributis ineuntis aut potius exuatis ætatulæ crimina expiabat; quæ cum Ignatius aduerteret auctor puero fuit, ut ex hac ipsa nocte sumens initium consuetudinem sibi faceret, velut qualibet nocte moriturus exitum suum Deiparæ peculiari colloquio compellatæ commendandi, quod ille fecit illico verbis in hanc sententiam religiosè conceptis: Domina mea, Sancta Maria, rogo te supplex per vnigeniti filij tui pro nobis passi tormenta, ut si me hac nocte mori contigerit mei memineris, ego enim in manus tuas: Domina, & Mater, animum meum corpusque commendo.

Trities deinde sanctissima Iesu ac Mariæ nomina religiosè pronunciauit, nec auellisse sinens tertio denique repetiuit; ac tandem vrgenti famulo cedens oculos morti clausurus aqua lustrali ab Ignatio conspersus in cubile concessit. Non tenebat inter hæc lachrymas fidelis seruus, sed & prudens pietatis potius quàm commiserationis prætextu celabat: abscedens porro ad orationem non ad quietem secessit, donec sicarij suo, quod ille impedire non poterat, parricidij se fœdassent.

Nocte

Nocte itaque media cum adhuc Ignatius in oratione pernoctans rei exitum præstolaretur; iussu Arimensium moderatorum ficarius thalamum ingreditur, & suspenso pede dormientes aggressus, Matthæo primum cor ictu prætentato transfigit, & mox Franciscum, fauces ipsas ferro petens, iugulat. Vtroque nihil sentiente confecta res est, ita ut regressus Ignatius utrumque, quo in situ reliquerat, in suo sanguine volutatos inueniit, pallido vultu non iam mortis imaginem, sed ipsam mortem protestante. Atque ita duplex victima cecidit, quam etsi non constat in religionis causa perijsse, constat tamen ita prætextum utrumque conseruandi status ac religionis euertendæ id temporis fuisse permixtum, vix ut alter ab altero separari potuisse videretur. Vt ut sit, agni duo sua innocentia inuoluti iugulum præbuerunt, magnūque sui desiderium Christianis omnibus reliquerunt, cum iam intelligerent sibi nihil in Arimensium Dynastarum sanguine ad rei Christianæ restitutionem spei superesse; quā cum vna cum his victimis humanis rationibus æstimata sepeliretur, hoc vnum supererat, ut à diuina manu nihil desperarent, postquam inter mortales nihil erat quod sperarent.

Crudelis porro parricidij tristem nuncium mœstus dedit Iustæ parenti, quam Miacum secessisse diximus, è Societate nostra Sacerdos P. Petrus Moreion, cui animam suam de more commiserat. Quid illam inter hæc egisse arbitramur? quid de illa fide sensisse, cuius prope vnus causa videbat se marito viduam, filijs orbam, terris suis eiectam, ad pœnam viuere, cui non liceret ad solatium mori? videbat ex aduerso parentem suam, fratres ac filium Ethnicos apud Dairi legitimum Iaponiæ Principem auctoritate & gratia in paucis valere, penes quem Idololatriæ ius summum; se verò ex quo peregrina sacra suscepisset partis omnibus excidisse. Nihil tamen simile viraginis Christianæ animum, diuina iam diu gratia confirmatum permouebant: sine vlla perturbati animi demonstratione quasi subridens, ita respondisse fertur: Duo me in huius casus acerbitate solantur, & ut auctori omnium Deo gratias agam beneficij ream permouent ac hortantur: Primum enim ex quo Michaelem priuignum meum, ab infantia

Christi

*Parricidium
ferale.*

*Matri Iustæ
nuncians.*

Christianis elutum ritibus, & Christianè per omnia educatum, non turpiter solum fidem eiurasse, sed eam quoque immaniter persequi, eoque regnandi libidine deuenire vt eiecto parenti, suisq; fratribus mortem bis parricida per summum nefas attulerit, grauiorâque in posterum videatur admissurus; magna me nunc sollicitudine liberam video, ne fortè filij mei fratris potius exemplum quàm filij educationem sequerentur, de quibus in hoc innocentiz statu sublatis id spondere mihi posse videor quod optare debuisssem. Deinde verò cum ad exorandam Ioanni marito quondam meo salutem æternam Deo Opt. Max. meam filiorumque vitam libens deuouerim ad expianda quæ contraxerat crimina, & quibus in se diuinam iram prouocarat; Id, inquam, omne cum seriò Deo deuouerim, quo tempore tristi spectaculo vnà cum illo magis morerer quod mori vetarer, videor iam mihi aliquod æternæ salutis illius pignus accipere, ab eo qui repetere videtur oblata, quod non faceret nisi hoc meum sacrificium in conspectu suo propitius admississet. Ita se iusta solabatur, & naturâ superior, de omnibus victrix cum diuina gratia triumphabat: Michael autem iam de fratrum interitu certior factus, vna cum suo sacrificulo ad extinguendas Christianæ fidei scintillas properabat. Sed quam in omnibus speratis spe sua exciderit videamus.

ARIMENSIS DYNASTA ADHIBITO CELE-

bri sacrificulo frustra domesticos suos peruersere conatur.

C A P V T V.

Rediturus ad suos Arimensis dynasta fumis aulicis iam diu cœcutiens, ne qua in re moderatoris sui consilia reiiceret, celebrem illum sacrificulum, Banzui appellabatur, de quo paulò superius, comitem adduxit ea spe vt concussos iam (quod arbitrabatur) de firmitate sua neophytos eloquentiæ vi excuteret, & patria sacra in patriam reuocaret. Is vbi aduenit, dici vix potest quo applausu fuerit exceptus à pellice maximè Fime, quod in eo rerum suarum statum stabiluisse Arimensem dynastam prædicaret. Neophyti

Sacrificulus à Fime Michaelis pellice maxime excipitur.

phyti ramen vt ad eum excipiendum obuij procederent adduci nunquam potuerunt; & si qui ad eum visitandum accesserunt rogatu dynastæ ne illum in re non mala offenderent, id ita fecerunt, vt iniecto in collum precatorio serpto fidem suam hac externa demonstratione profiterentur, ne cui offensionem neophyto darent. Et vt primis initijs ipsum sacrificulum demereretur, voluit vt ad conductum diem in arcem veniret, precatorios globulos Ethnico ritu dispositos, & inuocando Amidæ decurrendo destinatos inter aulicos & aulicas dispartiturus, vt hoc aulicorum exemplo reliquum vulgus facilius ad audiendum sacrificulum induceretur, nihil enim dubitabant, quin initio placiturus ad extremum persuaderet.

Venit igitur sacrificulus Banzui, compositoque ad pietatem, supercilio pauca præfatus mentitæ religionis arma depromit. Aderat fime profanæ rosariorum distributioni auctoritatem conciliatura, cuius imperio aulicæ virgines ac matronæ iubentur oblata de sacrificuli manu munera acceptare. Quid hic egisse putamus sinceræ fidei sectatrices? Nihil heræ imperio territæ, minus sacrificuli supercilium veritæ, intrepidè omnia respuerunt; per vim iniecta in manus superstitionis instrumenta, volente manu in terram labebantur, nec reperta est vel vna, quæ in fidei suæ contumeliam profanam perfidiæ suppellectilem admiserit. Sacrificulus interim, qui sibi alia omnia promiserat, cum pudore & ira colluctatus, colores alternis permutabat; nunc liebat iracundiâ, paulò post rubore suffusus pudorem præferebat, & heram intuitus contracto vultu de ancillis querebatur. Iterato igitur imperio distributio vehementius vrgetur, eodem semper euentu, nisi quod ex ijs vna, cui nomen Maxima, vim ultra non ferens, nec sacrificuli iam liberius inuehenti impotentiam, collectum globulorum sertum solo erigens in sacrificuli faciem audacter impegit, herile nihil in ea reuerita cuius auctoritate à diuinis imperijs auocaretur.

Fime in furem versâ, furiam diceres, visa sibi est sacrificuli, suam, deorumque iniuriam vltura, si repudiantibus profanam superstitionis suppellectilem, sacram eriperet. iubet igitur vt omnes sua sibi precatoria ferra detrahant, & in terram abijciant. Cum nemo pareret, ex aſſeculis vni imperat, vt singulis ea detrahat. is erat

S

fortè

Rosaria Amidæ profana inter aulicas distribuit.

Aulicæ omnia respiciunt.

Maxima rosarium in sacrificuli faciem impingit.

Inſſa ſacra rosaria diſmittere non parent.

fortè Christianus, itaque respondit: non sum rosariorum venator, non licet mihi Christiano sacra profanè, nec aulico minùs vrbaniè aulicas contrectare. Non ferebat vltra suorum audaciàm indignata pellex; dissimulato tamen tantisper furore sacrificulum globulis suis æquè onustum ita dimittit, vt iniuria castigata molliora omnia in posterum futura promitteret.

Dimisso sacrificulo furor in stomachum retrusus, diffusa bile totam viperam occupauit, quem in vnam Maximam colligens iniuriarum virus euomens, nihil indictum reliquit, in quo muliebris eloquentia in rabiem versa solet eminere. Sed verbis facta nihilo mitiora subiecit, iubet retrudi viraginem, ibique vinculis ita constringi, vt nullus propè illi membrorum vsus liber superesset; ad carcerem & vincula inediàm addit, cibo illi potùque eo vsque interdicens, donec aut sententiam de retinenda religione mutaret, aut in pertinaciæ pœnam lento mortis genere contabescens interiret. interim tamen ad eam laceffendam ethnica matronæ subinde submittebantur, quæ vna cum vinculorum inedia quæ acerbitate conspirantes constantissimæ viraginis animum è sententia deturbarent. Septem dies totos Maxima cum suis vinculis, cum inedia, cum instigatricibus suis decertabat, ea semper animi firmitate quæ Maximam decebat: nec toto eo tempore adduci Fime potuit, vt non nihil de seueritate remitteret. Sed neque Maxima quicquam de confidentia in Deum sua minuebat, continuis ab eo precibus vires exorabat, & in orationem effusa Christi columnâ animo magis quam vinculis stringebat, petebatq; vt ea sibi suppliciorum esset initium, quæ Christum imitata in eius confessione pateretur.

Septimo tandem die vinculis soluitur, sed eodem semper rigore dies alios quinque cibo potùq; interdicta inediàm sustinebat, licet enim tantillum cibi, quo ne vix quidem vita sustineri posset, furtim ei focia aliquoties ministrarint, integris tamen viribus, colorèque viuido exijt ac si perpetuis epulis saginata vixisset, eaque res ab ipsis Ethnicis notata prodigio similis visa est. Et sanè fateatur ipsa Maxima se cum semel acius siti premeretur, aquæ pluuiæ concha quàm fortè repererat, repleta, sitim ita temperasse, vt tametsi fel sibi potasse videretur, sitim tamen omnino exclusit. Sed

admi-

*Maxima
Gistella mem-
brorum & suis,
cibus potusq;
per septem die-
bus interdici-
tur.*

admirabilis est quod ipsa subijciebar, sibi aliquando nocturnis *Diminuitur*
 horis adfuisse matronas ipso vultu habitūque venerandas, vi- *reficitur.*
 gilinae an sopitae dubium, à quibus edulio nescio quo ita reficere-
 tur ut & sapor ad suauitatem, corpori ad vires conseruandas addi
 nihil posse videretur. Vnde nihil mirum videri debet, si ea con-
 solatione vegetior extiterit. Huius certaminis hic fuit exitus.
 Maxima palatio exclusa in vnus è gubernatoribus domo vilibus
 obsequijs addicta delicias aulicas cum dura seruitute commutat;
 quod illa ut perpetuum esset, abrafo capillitio gentis more sibi *Seruituti ad-*
 caducas huius vitae spes amputauit, satis sibi gratulata, quod amif- *dicatur.*
 sam semel cogente fortuna libertatem (erat enim natione Co-
 rea) recuperatam deinde cum fœnore, volens ac lubens Deo suo
 consecraret.

Nihilo melius cessit sacrificulo sub vmbra dynastæ globulo- *Idem sacrifi-*
 rum distributio; quid enim melius sperare potuit secundo cum vi- *culus rosa: &*
 ris certamine, qui primo prælio fragiliorem sexum victorem erat *Spirus obtru-*
 expertus? Itaque cum dynasta sacrificulo blanditurus inter hono- *dit.*
 rarios pueros & asseclas fecta diuidi imperasset, ab vno ex ijs hoc re- *Exploditur.*
 sponsum tulit, non constans minus quàm cordatum: Meminisse
 poteras, here, nos vna tecum infantes iisdem aquis salutariter ex-
 ptiatos in eadem sacra coniurasse; oportebat te quæ nobiscum acce-
 pisti religionis arma retinere, non autem ijs repudiatis auctoritate
 tua nos cogere, ut sacra profanis per summum scelus commute-
 mus. In cuius responsi sententiam cum cæteri venissent omnes, de-
 speratione victoriæ dimissa concertatio; ipseque sacrificulus iter
 suum damnans ad eam qua alibi pollebat auctoritatem suspirans
 aspirabat: Maximè cum è superiore loco perorare voluisset, vbi ex-
 ceptus est tot neophytorum sibilis & cachinnis, ut explosus descen-
 derit, qui sibi sperauerat applaudendum; quin etiam cum per vi-
 cos itaret, dieterijs & puerorum ludibrio exceptus domi se conti-
 nere cogebatur. Et mirabile videri potest sacrificulo fabros ethnici-
 cos extra Arimensem agrum necessario conquisitos cum aram sibi
 ad sacrilega sacrificia, & exedram ad perorandū parare voluisset: re-
 pertus est enim inter Arimenses nemo qui operā suam illi elocaret.

Dynasta in commodius tempus iram referuans, hunc quidem

sibi volens nolens temperauit, ac tandem vidit quam parum in sacrificulo esset sibi præsidij ad ea quæ auctore Sasioie destinaret, quem nouis artibus non ita multò post in Arimenses neophytos eodem semper prauis consilij fructu sæuiturum insequamur.

IMPERII HAERES IN SVA REGIA TEN.
do cur sæuierit in Christianos.

CAPIT. VI.

Videri possunt Imperator ac filius annuas sæuendi vices alternis permutasse, anno quippe superiori sæuendi principium dedit ille, hic ne intermissione procella mitesceret, tyrannidem leui satis ex causa, non leuiter instaurauit. Et sanè satis quieta fuissent omnia intra huius anni curriculum, nisi apud hos Imperij hæres & Sasioie apud Arimenses de nouo quietem interturbassent. Quanquam apud Arimenses ipsos atrox octo vt videbimus victimarum incendium & quæ deinde secuta sunt, ab hoc ipso Principis Imperij exemplo euulgata recruderunt, nec habuisset ex quo suas artes metusque Sasioie fabricaret, nisi ab regia nouæ turbæ suppeditaissent.

In vrbe Yendo Patres è D. Francisci familia anno superiore (amissa inter dirigendos ad vrbis ornatum vicos, æde quam habebant illic sacra) dum nouam parant, proscripti, magno suo dolore quod excolebant nouale, deferere coguntur. Ex eorum tamen numero ceteris discedentibus P. Lûdouicus Sotelus, ille qui postea cum legato dynastæ cuiusdam Iaponij in Europam venit in hac vrbe remansit, vt Neophytis in tanta destitutione alicui esset solatio: qui cum templum nullum esset, aut sacellum in quod rei diuinæ causa Neophyti conuenire possent (erant enim superioris anni edicto in ea ipsa vrbe promulgato ædes omnes sacræ dirutæ) de ædicula aliqua loco minus periculoso erigenda cogitare cœpit. In agro suburbano leproforum ædes aliquot seiunctæ, non tamen in Noloscomij formam redactæ visebantur: loco Asacusa nomen est. Iuxta hunc intra breue tempus collecta Neophytorum stipe ædicula auctore P. Sotelo erecta est, quæ paulò post magnorum malorum occasio-

casio-

caſionem dedit. Ferunt inter extruendum orta lite puerili inter Ethnicum Chriſtianumque adoleſcentem, indicio parentis Ethnici, qui ſe læſum querebatur, rem quæ diu latere non poterat, erupiſſe. Et vt fit creſcente fama vulgatum eſt inter militaris ordinis viros, ex ijs venit ad Toparchas, per eos ad principē penetrauit. Vulgatum eſt, inquam, Chriſtianos edictorum ſuorum violatores prodirutis ædibus aliam in agro ſuburbano extruxiſſe, capacem, altam, elegantem, ad quam multorum concuſſus, etiam nobilium ſuſpectam reddebat audaciam. Excanduit princeps, & in hæc verba prorupit: Itane verò apud Chriſtianos edicta noſtra intra annum obſoleſcunt? quis legem illam ferat, quæ Principum legibus, cum quibus ipſa illorum religio perſtat intacta, volens aduerſatur? Quærit deinde ecquis in vrbe ſacerdos delituerit, eius operis ſine dubio procurator. Nominatur ille, atqui, ait ille, ædem moliri ſine multorum auxilijs præ paupertate non potuit, de re ſola deſque auctori-
bus ſerio inquiratur.

Ad eam rem è ſupremo ſenatu Senator vnus Iulij 21. Thomam inter Neophytos veteranum, & Gregorium quo dicti Patres ad Catechiſmum vtebantur, euocat: quærit ſint necne Chriſtiani, ex quo tempore, & vbi, eam legem ſuſcepiſſent. Reſpondent eſſe ſe Chriſtianos, & ſuſceptæ fidei tempus notant, eamque ipſam urbem pro loco deſignant. quo audito nihil vltra locutus, arcè vtrumque vinciri, & in carcerem retradi iubet. Poſtridie accerſiti de æde Alfacuſa extructa interrogantur, qualis ſit, quorum ſtiſe aſſurrexerit, & ſimilia. Illi quod erat fatentur, ædiculam eſſe paruo ſumptu, opere tumultuario Chriſtianorum liberalitate conſtructam. Quærit ecquos nouerint Chriſtianos: paucos, aiunt, qui ſunt è noſtro ſodalitio, quorum nomina iuſſi tradere, non ſatis prudenter annuerunt, rati fortasſe eiſdem eſſe culpæ cum de fide à legitimo iudice quaſſitum fuerit, de alijs vt de ſeipſo reticere, traditis nominibus in vincula remittuntur. Exinde in Chriſtianos inquiri ſerio ceptum, quod cum generoſi Chriſti pugiles duo inaudiſſent, nihil dubitarunt, ad ipſum Senatorem pergere, ſeipſos prodere, & eorum qui ſecum ſodalitij communione erant coniuncti nomina etiam non rogati tradere. Leo & Vincentius dicebantur, heroica quidem ſed

Principis indignatio.

*Thomas & Gregorius ſi-
des cauſa
comprehenduntur.*

141

non satis cauta libertate Christum pro se alijsque professi. Ex eo tempore nobiliores quique ex nominatis domi suæ adhibitis custodibus & vicorum præfectis commendati recluduntur. Priores tamen duo cum socijs prius euocatis in publico carcere asseruantur.

Oprabat pater ille huius mali principia Senatore illo qui inquirebat probè rem vniuersam edocto præfocare. Ergo ad eum pergit: sed reiectus est, nil sibi iuris in alienigenas esse dicens, ita tamen, ut quæreret eum quem haberet indigenam suarum rerum conscius, à quo de omnibus posset edoceri. Aderat Patri Laurentius neophytus, qui sua sponte quod petebatur professus, à Senatore detinetur. Cum interim pararet, ædiculæ suæ culpam eleuare, interpellatur. Ædiculam vidi, ait, quid sit scio, quod superest trade mihi librum in quem Christianorum omnium nomina referuntur, ne de ijs vltra inquiretur; negauit Pater apud se asseruari, quod nouus esset in ea vrbe nec domicilium nisi transiens statuisset; inquiram igitur: eumque remittit, & mox Ioachimum natione Coream apud quem diuersabatur euocari mandat; ex eo quærit cum aduenisset cuius facultate sacerdotem illum externum contra Principis edicta hospitio excepisset, nominat Ioachimus Sandodonum, erat is principis moderator & eidem à Secretis illi in paucis gratus, imo & parens Conzuquedono, quo Imperator gratiosorem habet nullum. Vade, inquit, & illum domi tuæ reclusum asserua, dum aliud iubeatur. Inde Senator ad ipsum Sandodonum adit, refert quid Ioachimus sibi exposuerit, nec Sandodonus negat: externum illum monachum ait, ægrum ut domi suæ exciperet curaretque permisi. Atqui instat Senator, Coreæ hac nixus facultate è domo sua sacram Christianis ædem conflauit, in ea continui cœtus contra principis edicta coguntur, eiusque rei apud principem inuidiam sustines, cum quid agatur ignores. Sycophanta est, ait, Coreæ ille, quem virum probum arbitrabar; quod fecit luat, nolo quemquam fauore meo contra principis voluntatem abuti. Ioachimus ipse domi suæ cum hospite suo eadem excubitorum & vici præfectorum fide reclusus asser-

uatur.

ATRO.

*Ioachimus
Coreæ cum
hospite suo
domi suæ
clausus asser-
uatur.*

ATROCITER IBIDEM DE CHRISTIANIS INQUIRITUR.

CAPUT VII.

EXtraditis sibi nominibus facillè intellexit Senatorius ille inquisitor plures in vrbe Christianos reperiri: quod vt apertius constaret, edici tota vrbe iubet vt omnes vicorum præfecti omnium Christianorum nomina vicatim ad se descripta illico adferant, in qua descriptione sanè multa contigerunt Christiani ardoris argumenta, omnes quippe inscribi gestiebant: quæ cum nomina Senator accepisset, denuo edicit, vt domi suæ singuli recludentur & à vicinis dispositis dies noctesq; vigilijs asseruentur. ipsi quoque leprosi (erant enim omnes Christi sacris initiati) intra sua mapalia reclusi multa pertulerunt. Ea res aliquot dierum experimento ita onerosa visa est vicorum præfectis, vt simul omnes suorum nomine ad Senatorem venerint ea de re questuri leuaménque postulaturi. Tum senator, agite & qua potestis industria efficitote vt eiurato Christo suo ad patrios Deos redeant: quod si feceritis, & labore leuabimini, & vicinorum vestrorum vitæ consulētis, qua in re nulli labori parcite nec precibus aut minis solum, sed ipsa quoque tormentorum acerbitate certate: si quis perierit, ego vos liberos immunésque præstabo.

Interim dum hæc agebantur, inscripti neophyti non frustra suæ nomina descripta coniectantes, inuisitatos in Ioachimi domum Sacramentorum causa fecere concursus, quæ res magis magisque magistratuum animos abalienabat. Vicorum autem præfecti accepta furendi facultate ad suos redierunt, quæ senator permisisset, retulerunt. Hoc nuncio laxatis frænis infernus in Christi gregem exercitus irruere videbatur. Longum esset referre quid à singulis tentatum, quid intentatum fuerit, preces, minæ, fraudes nquam defuere, apud multos sæuitia pietas appellabatur, dum ne morerentur torquebantur, morsque minus pœnæ quam mora mortis habet: alij priuata odia publici boni prætextu vindicabant; à multis per vim extorta, vel per fraudem efficta subscriptio. Denique Ecclesia illa propè tot carnifices experta est, quot vrbs ipsa

*Christiani
à vicorum
Præfectis des-
cribuntur.*

*Descripti
rè ad defe-
ctionem sol-
licitantur,*

ipsa ciues numerabat. Multi ergo malis cedentes de animi sui constantia, saltem signis externis expressa remiserunt, magnaue fuit ciuium concussio. Sed neglectis ijs quæ aliena sunt à Christiana firmitate, heroica paucorum facinora de multis seligamus.

Apollinaris sese primus ingerit, casumque suum gestit insigni aliquo facinore resarcire. Is auditis tres totos menses Catechisticis orationibus multa sciscitatus, multa dubitans oculos tandem aperuerat veritati apud Patres è Diui Francisci familia qui eam vineam excolebant, anno porro superiore exoriens ab Surunga non satis intrepidum ferijt ruina. Cessit igitur vanis terroribus nondum satis robusta fides, defectionemque suam proprio chirographo volens nolensue firmavit. Vna cum fide mentis suæ tranquillitate excidens in perpetuo mœrore versabatur, neophytorum conspectum vitabat, & qui seipsum inspiciens exhorruerat, sibi horribilis omnibus videbatur futurus. audiit interim dum malo medicinam quærit adesse ex eadem familia sacerdotem, cui se sistens quærit an sit illus pœnitentiæ post lapsum locus, se nihil vt acerbum sit refugere vt sanctur. Ergo in spem reductus iubetur ad eos redire quibus defectionis suæ testem manu scripto tradiderat, apud eos palinodiam recantare, chirographum repetere, si negauerint contrarium dare: quo facto rediret, quæ iniungi ultra placeret subiturus. Pergit Apollinaris ad vicinos apud quos asseruari mali sui sententiam sciebat, facit imperata liberalius etiam quàm iubebatur, tum in Ioachimi domum redit, qua neophyti tum pro sacra utebantur, iniunctaque corporis coram omnibus flagellatione perfunctus ad expiandum crimen Ecclesiasticis sacramentis restituitur. Non ita multo post de Christianis, quod iam agimus, inquiritur. ergo vicini instant vt posterius chirographum diffingat, priusque quod de eiurato Christo seruabant ratum habeat. multæ machinæ adhibita sunt, vt denuo excuteretur; sed impetrari non potuit; ergo multa priuatim perpeffus, publico senatoris tribunali victus sistitur. Is vbi totius rei seriem ex vicinis audiuit ipsius Apollinaris confessione confirmatam, excanduit, & denuo multis machinis non expugnandus oppugnatur. Vna vox eiuserat: Hanc vnâ vitam Deo meo consecraui, ne illius gratia denuo exturbarer. Ergo in publi-

publicam custodiam arctissimè vinctus amandatur, insolenti satel-
litum sanctia mirè diuexatus: Carceris præfecto commendatus in
arctissimum ac foetidissimum ergastulum compingitur, in quo ita
se gessit vt virtutis suæ splendore omnium oculos in se rapuerit.
Non diuturnum fuit illi cum vinculis suis laboribusque certamen,
intra dies paucos inedia, carceris pœdore ac situ interiit, & æter-
nam quietem non longo labore comparauit. Ad eum nuncium
Ioannes Mimbo, de quo mox, & Laurentius ille quem iam Sena-
torille dimiserat, in carcerem accurrunt. humanum corpus ex-
perunt, sed fustibus eiectioni nihil impetrarunt. Cadaver vxori ethni-
cæ traditum, à sacrificulo in agro proximo extra fanum concrema-
tur more patrio. Verum neophyti omnium seduli observatores
frustra flammis eripiunt, sibi que pro sacris asseruant. Quis enim
dubitet hunc ipsum non minus quàm ceteros, qui ceruices ferro
præbuerunt, pari martyrij laude redimitum?

*In carcere
variè diue-
xatus mori-
tur.*

Verum ad ipsum Ioannem promissionis iam factæ rei venia-
mus, & nunc quidem qua ex causa comprehensus fuerit, rerum se-
ries postulat, mors enim ipsius extremos huius ruinae casus excepit.
Ioannes igitur à prima iuuentute salutis illius ad quam duce natura
immortalitatis studio aspiramus, diu per omnes Iaponiæ sectas va-
gus, nusquam quiescebat, ne apud academicos quidem suos, quibus
diu non mediocrem operam dederat. Incidit denique Miaci in
D. Francisci Patres, apud quos Catechista cæco doctore, Tobias
dicebatur, fidei lumen accepit, & deinde nostris rebus instructus a-
liquot iam annos catechistam agebat, ipse eo utilius quod Iaponen-
sium sectarum peritus earum commenta ex proprijs refutabat. In
hac ipsa miserabili neophytotum carnificina, quæ vicatim in sin-
gulorum ædibus exercebatur, Christiano ardore correptus, faculta-
tem petijt à Patre cui conuiuebat, vt sibi liceret per domos cursare
afflictis solatium aliquod præbituro. interrogatus quem sibi peri-
culosæ alex sinem præfigeret, ita respondit; nollem quemquam à
fide deficere, vellem aliquid in eorum consortio tolerare. impetra-
ta facultate sese ad opus suum accingit, iniectione in collum pre-
catorio ferto, è quo ad pectus crux non maxima pendeat, ire per-
git, adiuncto sibi comite & adiutore Laurentio. Quid vterque se-
cerit,

*Ioannes
Mimbo, &
Neophytos
periclitantes
inuit.*

cerit, quid passus sit in hac dierum aliquot exercitatione, ille nouit, qui nostra omnia compensaturus intuetur.

Die quadam cum exorata ab excubitoribus ingrediendi facultate neophytum nescio quem miserum in modum compedibus manicisque constrictum reperissent retortis in tergum brachijs circuloque ferreo in fauces iniecto miserabilem, quo in tormento iam dies aliquot animose perstiterat, ne à fide desisteret; cum, inquam, illum ad vltiora mortem que ipsam si res daret tolerandam confirmarent; nonnulli ex eodem vico accurrerunt, indignamque rem inclamantes excitato tumultu colloquium abruperunt, volebant quidem vinctum vtrumque iudici sistere nisi intempestiuæ noctis tempus auertisset. reducunt tamen in Ioachimi domum, multa de illis coram Patre ac Ioachimo exposulantes, sed id maxime non ferendum videri esse homines ita proiectæ audaciæ qui audeant hominem in tormentis positum vt Principi suo pareat, palam ab illa ipsa re auocare. Cui Ioachimus ita respondit: dominorum multi sunt gradus, ego eum veneror præ ceteris, qui in supremo maiestatis ordine residens ceteros infinito post se relinquit interuallo. Si his proxima officia principi meo defero, quid est cur ordinem violasse reprehendor? nec plura; abeunt ipsi, furorem suum in auroram differentes. Sed non distulit Ioannes eam quæ in hoc rerum statu exigebatur animi comparisonem. Totam eam propè noctem duxit insomnem, & iam sub auroram peccatis expiatus & epulo sacro refectus peccatorum indulgentiam amplissima illa concessione consequitur, quæ in ædis sacræ quam Portiunculam vocant, consecratione apud Franciscani ordinis Patres concessa perhibetur; in illum enim diem hæc quæ mox dixi contigisse narrantur. Vix bene illuxerat cum accepta à iudicibus auctoritate redeunt hesterni tumultus auctores, & domi suæ vinculis constrictum intra cubiculum recludunt, ipsis suis vinculis exultantem, in quibus eum relinquamus, nunc orantem, nunc de fide nostra cum ethnicis disputantem, donec eum è priuata custodia in publicam, & inde ad victoriæ suæ arenam eduçamus.

Ad martyrium se comparat.

Domi suæ claudisur & vinculis astringitur.

E VINCTIS NEOPHYTI OCTO

simul obtruncantur.

CAPUT VIII.

IN priuatis vt dixi ædium suarum custodijs multi tenebantur, & quibus in publicas educti octo capitisque damnati. Inter eos iure primas obtinet Sasanda Michael, qui primarius sodalirij præfectus ædiculæ extruendæ non tam interfuerat, quam prope præfuerat, is parum cautè cum alijs sociorum nomina scripto prodiderat, & domi suæ tenebatur, sed tamen vici præfectorum rogatu alio migrarat, apud toparcham nescio quem vinculis vigilijsque asseruatus. Prius ex ijs ædibus quam educeretur, iubetur nominum seriem suo chirographo sigillòque munire & inscribere illam esse seriem illorum qui stipe collata ædiculam crexerant, quod faciebat ratus id se non posse salua fidei suæ integritate reticere, cum à iudice legitimè quæreretur. Ea nominum series ad principem ipsum delata, negotium dies aliquot, nescitur qua ex causa, suspendit. Consuli placuit Imperatorem à quò mitior sententia sperabatur; inde tamen rescriptum venit, præcipuum quemque nisi Christum eiuraret obtruncandum.

Decimo itaq; septimo Kalend. Septembris, in feriam sextam forte tum inciderat, Ioachimus & Laurentius è suis ædibus ad iudicem euocati ex itinere à militari turma quæ illis occurrit eodem pertrahuntur, vbi alij quoq; sex iam aduenientes præstolabantur, Thomas videlicet, Leo, Vincentius, Lucas, Ioannes, Antonius. Varij fuere sibi occurrentium sensus affectusq; diuersi, sed omnes absorpsit gaudij magnitudo, quod sibi viderent in vna Christi causa omnibus extemplo moriendum. Huic omnium lætitiaë communique gratulationi coronidè addidit Michaelis aduentus, eductus enim ipse quoque priuata sua custodia vt erat primarius sodalitio præfectus, iam cum suo duce inuicta Christi cohors prælia domini præliatura sibi ordine suo videbatur. Sed omitti non potest, quid Michaeli cū educeretur acciderit, satis simile laudato illi facinori animòq;, quo Leuita Laurentius Xistum Pontificem suum flebiliter prosecutus se negligi querebatur.

Habebat Michael adolescentem famulum in Christiana pietate

T 2,

heri-

*Cum alijs
octo ad iudicem pertrahitur.*

herilis exempli æmulatorem. Is in Toparchæ domo in quam Michael è proprijs ædibus emigrarat hero vincto fideliter seruiebat. Sed placuit hero vexando solatium illi & qualequale obsequium eripere. Romanus igitur (hoc nomine dicebatur) Michaeli subducitur, & in alia domus parte vinculis oneratur. Fortè contigit Michael em dum ad custodiam publicam moriturus educeretur, conspiciari, & quid ægeretur conijciens ita exclamauit, Quo progredieris, here, sine famulo? nunquid degenerem me probasti? si antehac laboris partem tecum sustinui, quidni tecum admittor ad coronam? si mea me à corona peccata præpediunt, quidni mors in pœnam inferatur? Cui Michael, Quod petis fili, extra herilis potestatis terminos iacet, ab eo pete, qui solus est gratiæ gloriæque distributor; si cordatè hoc optas, ardentèrque petiueris, planè vt sperari potest, impetrabis; atque ita Michael à fideli seruo separatur.

Extincto postea hero Romanus ab vno è iudicibus euocatus ita compellatur, Hecus tuus pertinaciæ pœnas luit, te legibus debita seruitus inuoluit, cupis mihi famulari? cupio, verò ait Romanus, dum id mihi liceat ijsdem legibus quibus Michaeli seruiebam: Christiana me libertate dona, in ceteris vt vt voles non inuitam serui seruitutem: atqui, infert ille, non vides hoc fieri nullo modo posse, cum Christiano nulli tota vrbe Yendo vita, nedum libertas Christiana permittitur. Per te igitur moriar sodes, ait Romanus, certum enim mihi est non minus quàm hero si viuere non licet mori Christianè. Sile, inquit ille, nè te dictorum deinde pœniteat, satius est tibi à Christo quàm à vita deficere. Qui nescit, ait Romanus, in hac morte mortales in vitam renasci immortalem, quid mirum est, si ita iudicet, quibus dictis iterum ad sua vincula remissus.

Verum à Romano, qui nos digressionem non intempestiuam detinuit, ad publicam custodiam redeamus. Nouem in arenam prodierunt, coronæ pellucet octo, quis ex toto numero excludetur? Laurentij parens ad iudices appellauit, is vt erat ethnicus. Spondit se filium ad defectionem pertracturum si mora illi aliqua concedatur, non grauatè impetrat, quod ipsi iudices exoptabant. Itaque magno sensu doloris Laurentius frustra fidem suam protestatus à socijs auellitur, & in ergastulum reclusus noua prælia cum victoriam

istoriam tenere se credebat, præstolatur, cuius in fide tuenda; patiendique studio firmitatem suo loco postea non negligemus.

Octo igitur qui supererant in strigosos equos iniecti per celebriores vrbis vicos ignominiose raptabantur, hastili ad equorum iubas alligato præfixa quædam vexilla papyracea supra martyrum capita fluitabant. Id apud eam gentem signum est extremi supplicij cum rei eo pertrahitur. Supplicij locus fuit ille, ipse qui reorum ceterorum urbem inter vicumque Acacusa, ubi leprosi sua mapalia ad ædiculam habent, loco nomē est Tocicoy, ad eum locum ingens spectatorum præcurrit multitudo Martyrum per vicos circumrapratione accersita. In media spectantium corona ingentem fustibus abacta multitudo aream apparitores aperiunt. In ea quoque media præaltam sudem ad exponendam inscriptionem causæ defigunt: Cuius hæc erat ad verbum expressa sententia. Viri isti quia principis mandatum violarunt; & quia Patrum legē se addixerunt, & quia sodalitorum & cœtum præfecturam admiserunt hac pœna plectuntur. Primo die, Lunæ septimæ, Incidit in 16. diem Augusti.

Gaudete & exultate gloriosi Christi martyres, quia nemo vestrum patitur, vt homicida, aut fur, aut maledicus, aut alienorum appetitor; si autem vt Christianus non erubescat, glorificet autem Deum in isto nomine. Ita sentiebant inuicti athletæ in extremo iam agone constituti, nam lecta inscriptione inuicem sibi gratulati, non nihil ab inuicem seiuncti genibus prouoluuntur, & singuli prout affectus præsens suggerebat in variâ spiritus impetu distracti, concordem orationis discordiam præcinebant. Tandem ubi carnificum indulgentia animo suo non nihil indulserunt, inclinato capite sicam euocantes obtruncantur, & in mari rubro circumfusi cruoris, viam sine impedimento, & iter mirabile sunt ad terram uiuentium consecuti. In trunca deinde corpora Iaponensis barbarie sicarum suarum offentatrix membratim desçuij, & sacras exuias horribili carnificina confudit. Capita ad epigraphen exposita septem totos dies excubitorum fide seruabantur. Sedeam neophytorum sacra cupiditas, aut fefellit aut corrupit; sensim enim subducta omnia, & artuum frustra collecta clam non procul ab ædi-

Octo ad supplicium rapiuntur.

Capite truncantur.

cula humo commissa tubam, cuius sono cuncta suis locis restituta coalescent in partem gloriæ venturæ præstolantur.

*POSTRIDIE ALII QUATVORDECIM IN
eadem fidei causâ plebuntur.*

CAPVT IX.

TEnaces iræ principum non faciliè placantur, vbi semel ferrum induerint, primo sanguine sitim accendere videntur potius quam restinguere. Die igitur insequenti decimo sexto Calendas Septembres quatuordecim hesternis octo additi atrocitatem & prope numerum duplicarunt. Tertio ab vrbe lapide viuebat in vico, cui nomen Vxingome, Toparcha quidam, Bungenfis illius Francisci dynastæ pronepos, ac hæres, sed degener auitæq; pietatis oblitus: ex quo enim Taicosamæ Constantinum Francisci filium regno exturbarat, in hunc se vicum prope priuati recepere, qui ad eum attinebant. Is igitur quem dixi pronepos Principis gratiam aucupaturus haberi voluit Christiani nominis insectator. In eo igitur vico acriter inquirens effecit, vt nonnulli deficerent, alij secederent, omnes vexarentur. Ex ijs qui furenti se subduxit Marcus fuit ex eius familia, cuius opinio, si ea quæ fidem spectant attenderis, ea fuit apud omnes vt meritum parentis nomen sortiretur: ea enim omnia quæ neophytorum salutem spectabant ita procurabat, vt eos omnes in Christo genuisse videretur, tamen ex ijs non pauci apud Bungenfes olim à puero in Christi militiam adscripti Marcum ætate, nemo tamen virtute superaret.

Illius absentiam cum herus ipse sentiret, viri probitate inductus ei renunciauit, gratum sibi fore si se ad obsequia solita reciperet, intacta licet Christianè viuendi libertate. Rediit Marcus eoq; libentior quod in erigendis lapsis confirmandisq; nutantibus insignem industriæ suæ campum videret aperiri. Nec labor industriæ defuit, nec vtrumq; sefellit euentus. Intra breue tempus alia fuit illius vici facies, alius ardor, & pristina religionis integritas restituta. Vnde cum ille quoq; in ædiculam pro sua pietate contulisset, in serie quæ iudici tradita fuerat Marcus in primis legebatur, vnde facile coniecit ex ea re sibi ac suis periculum imminere breuiq; fore vt vrbani tumultul-

tumultus vicina quoq; inuoluerent. Ne igitur impārati improuiso fragore consternarentur, quos è priore metu vixdū bene collegerat, suā, si fortè contingeret, duplicato labore praeueniebat orbitatem:

Nec intempestiua fuit cura vico, nam ecce tibi inexpectatus ab indice nuncius vinciri Marcum aliósq; tredecim nominatos iubet. Interim de victis clam seriósq; inquiritur. inde constitit anno superiore plerósq; defecisse vel nutasse, sed eosdem hortatore Marco sibi restituros. Quare arctiore custodia Marcus in primis, tum ceteri recluduntur, ita vt neque spectare neque spectari, minus cum aliis neophytis colloquia miscere sinerentur. Ea solitudo spacium dedit omnibus ea commentandi quæ animos inflammarent, & oratione continua Deo se in odorem suauiter offerendi.

*Cum alijs
13. Vincens
affirmatur.*

Tandem post exhibitos hesternæ victoriæ triumphos ad hodiernas coronas Christi pugiles euocantur. è vico in urbem pertracti ad supplicium extemplo hesternæ pompæ ordine per nobiliores regiæ vicos circumducti raptantur. Magna fuit plebeculæ petulantia: probris, contumelijs, scommatisque omnia personabant. Longum esset quid singuli dixerint, quid fecerint commemorare, ac tametsi iucundum est, nolim tamen in his, cum aliò vocamur, immorari.

*Pertrahuntur
ad supplicium.*

Venitur igitur in hesternam arenam, cuius adhuc exhalans cruor animos pugilum incitare videbatur. Ex equis abiecti funibus immaniter hinc inde raptantur, donec impetratam fustibus aream in arcum se compingens corona laxauit, quam hesternæ frequentior fama conuocarat. Erigitur hastili præfixæ mortis causa, ad quam legendam nemo auidius quam ipsi qui damnabantur oculos conuerterunt. Ea cubitalibus expressa laceris spectantium oculis ita loquebatur: Hi quatuordecim viri cum in anni superioris disquisitione contra Christianos chirographo dato Christi fidem eiusarint, eo quòd postea ad eadem sacra redierint hac pœna plectuntur, altero die lunæ septimæ, hoc est 17. die Augusti. Mirum quantum Christi Martyres hac lectione exultarint, certi iam de corona, postea quàm de causa constaret. Nam tametsi ex ijs plerique nunquam à Christo defecerant, patebat nihilominus ideo se plecti quòd ad Christum rediissent. Et nihil ultra morati, vna omnes in genua lapsi, & Iesum ac Mariam inuocantes obtruncantur, vnâque

*14. Capite
plectuntur.*

vnâque omnes mortalitatis exuijs exuti ad immortalitatem sublimes abierunt: quorum corpora membratim concisa diu Iaponenses sicas exercuerunt: capita clauis affixa tabulam ipsam in qua inscriptio legebatur in auersa parte adornarunt. Ea quoque detracta sensim artûsque collecti tandem omnia communem sepulturam inuenerunt, ipsâque membrorum omnium permixtione in vnam se omnes fidem expirantes conspirasse profitentur.

In diem insequentem quotidiano semper incremento tres alij supra viginti ad eandem carnificinam vocabantur, nisi iudicum alter priorem monuisset videri sibi lentius aliquanto in tanta ciuium eade pergendum, multitudinem tantam cui sæpe licet impune peccare, non posse totam sine immanitate ad pœnam vocari, tentari posse denuo per vicorum præfectos num aliqui recenti metu consternati deficiant, delictorum enim pœnz solis reis in pœnam, ceteris in medicinam infliguntur. Placuit collegæ consilium. Vocati vicorum præfecti, ad repetendas cum neophytis preces, minas, tormenta que serio incitantur; sed nihil æque illis commendatur, quam vt ab ijs verum falsumne nihil attineret defectionis chi-rographum extorqueant, vt ita principis furor pia in ciues fraude miteret. quo artificio multi arrepta per vim manu, minus sæpe, quàm decuerat, fortiter aduersari subscripserunt, aut mentiro chi-rographo liberi dissimularunt.

*Neophyti per
vicorum præ-
fectos iterum
tentati.*

CHRISTIANA VIRAGO DESERTOREM

maritum Christo restituit.

C A P V T X.

TOparcha non ignobilis Yamaxiro dono dicebatur, in regia vivebat. is in Christi sacra ita propensus erat, vt nisi fortunis suis plus æquo consuleret, ea complexurus facile videretur. Ex herili propensione famuli eo prope deuenerant, vt eo etiam hortatore Christum profiterentur, quos hætenus in fide constantes ne lacefferat quidem vt Christum abdicarent. Ex eius famulis non pauci collata in ædiculam stipe ita opus promouerant, vt inter inquirendum eorum nomina negligi non posse viderentur. Ergo

Michael

Michael (ille quem primo certamine martyrij palmam paulò antè diximus consecutum) nomina rogatus ab illorum hero exquirat in hac re, quid suis fieri velit. Visum est illi neque prodendos omnes, nec quod sperari non poterat omnes occulendos: illius iussu alexius seligendi datur: illa selectissimos quinque nominauit, quorum nomina iudici tradita ad herum transmissa sunt cum mandatis ut illos domi suæ tutò asseruaret. Faciebat herus quod iubebatur initio perfuntoriè morem suum retinens propensamque in Christianos voluntatem. Erupit ea res nescio quo indice ad iudicem, à quo serio monetur, ut famulos suos ad defectionem omnino sollicitet, nisi fortunas suas gratiamque Principis exponere discrimini velit, cui certum est minimè arrisurum, si scierit eum famulis, contra quod superiore anno edixerat, uti Christianis.

Perculit ea res herum sua quàm suos audius retinentem. ergo in transuersum actus alia omnia molitur, & quam remissus antea fuerat ac propensus æque nunc in aduersum contendit ac nititur. Precibus, minis, vi, fraudibus omnes exturbat, aut exturbare se gloriatur: extorto enim aut efficto chirographo mittit qui iudici significet, nullum sibi domi suæ superesse christianum: & quia nouerat fraudem suam diu latere non posse, ut eos sibi conciliaret, quorum chirographum effingi curauerat, ne si fortè fraudem sentirent, eam iudici, quod Christiani plerique faciebant, aperirent, unde sibi maius periculum crearetur, statuit honoratis ijs, qui reuera Christum abdicarant, eos prouocare quos etiam tum sibi constare constabat, Simonem igitur inter eos primarium domestico epulo excipit, ut herili facilitate prouocati facilius ceteri darent manus.

Simonis vxor Maria Firoximæ in regno Aqui educata, insigni mulier pietate defectionem mariti ita exhorruerat, ut si correptum à malo genio maritum, aut ipsum malum genium conspexisset. Verum vxor marito saluti fuit, heroico sanè & plusquam muliebri facinore Magdalenam imitata, nisi quod Magdalena suam, illa salutem procurabat alienam, in qua eo segnior est virtus quòd alios quàm se ipsos remissius saluos cupit. Assidebat hero Simon igitur, & vix seipsum insolenti beneuolentia capere capiebat, nec satis attēdebat, quod venonū in auro biberet voluptatis manu propinatum.

V

Irruit

Irruit interim ex improviso Maria importuna conuinio sed opportuna beneficio: non eam remota est peculiaris sexui verecundia, non auctoritatis suae ratio, non mariti vel heri quam vereri poterat indignatio: saluus sit Simon meus, cetera periclitentur. Propior igitur marito facta interruptam singultibus vocem in hæc verba prorupit: cheu me miseram quæ martyris coniunx potui appellari, video me nunc malogenio illigatam! ita breuia æternis permuasti, hæccine reddis domino, aut plus ab hero tuo, quàm à tuo conditore beneficiorum accepisti? an fortasse vindicem Dei manum æternosque cruciatus illius ope subterfugies? Ita mulier Simoni, quàm Adamo Eva saniora consilia ingerebat, ad cuius vocem, quæ illi fuit, quod Gallus Petro excusso sopore seipsum inspiciens erubuit, exclamans, Quid me vis facere? toparcha chiographum meum impetravit. nihil te moretur, ait illa, chiographum, plus fecit ille qui thus adoleuerat Pontificiæ immemor dignitatis. is neque veniam sed neque martyrium desperavit, aliâque multa subiungens effecit, ut ab heri latere præ stupore obmutescantis exiliret, & ad eum conuersus supplex sibi chiographum suum restitui postularet. Negabat ille pertinaciter. Simon verò resumptis animis sic herum compellauit: Scire te velim here, Christianos cum eò deuenierint, quò me deuenisse admiraris mortem sibi proponere, quæ contempta nihil est quod non audeant. Sic igitur habeto me ad iudices iturum professorumque quibus artibus à me chiographum extorseris, quod ego recentiore irritabo: hoc à me mea religio postulat, è quo mihi soli, non tibi, velim periculum creari.

Hæc ad hæc satis intelligens quod rerum suarum discrimen adiret, si suæ fraudes ad magistratus erupissent. Eiecta igitur quam modò suspexerat viragine, & in fidei facinoribus heroina, Simonem solum sibi denuo suscepit expugnandum. Maria cum eijceretur exclamauit: toparcha vide quid egeris; ea dies quæ totius orbis actiones ad iustitiæ trutinam reuocabit, necessitatē tibi de hac ipsa re satisfacturo imponit; vices inter nos eo tempore permutabimus; in peius tibi, in melius mihi cadent. Eiecta vxore nihilo sibi minus Simon constitit, & post multa chiographum suum tandem impetravit, ac momento in omnium conspectu lacerauit. Et ne quo spiritus

Maria Simonem
maritum
desertorem
Christo restituit.

ritus impetu ad iudices delatus data iudicibus verba & fictam familie defectionem aperiret, domi ab hero in vincula compingitur, qui si martyrium in hac procella non est consecutus, sperare tamen potest arrepta se post naufragium metanoeæ tabula posse in portum enatare.

Hoc ipso Simonis exemplo prouocati ex eiusdem toparchæ famulis duo cum de sua defectione falsum ad iudices chirographum delatum esse inaudissent, ad herum adierunt, Gregorius alter, Paulus alter dicebatur. Constat nobis, here, te nos tua fraude in fraudem coniecisse, defectionis nostræ chirographum iudices habent, cum nos neque defectionem neque chirographum solo somnio destinauerimus; nostri muneris est chirographum damnare, fidem nostram profiteri, quod ut sine tuo damno fiat, vide quid consilij ceperis, nobis certum est maiora damna propria, tuis & maioribus anteferre. Indoluit herus, & iam noluisse famulos suos ad Christi sacra prouocasse, prouocatos noluisse sedellisse, cum videret se vtraque ex causa in necessitatis angustias irrepsisse. Sed ut mederetur iam factis, vtrumque multis rationibus eo pertrahere conatur, ut ratum habeant, quod inscientibus illis fieri necessitas imperasset. Hoc maximè vrgebat, legis vestræ præscripto herilem obedientiam contineri, neque legem Christianam rationi vbique consentaneam, alienis damnis ruinæque gaudere. Verum illi cum in sententia immoti persisterent, asserentes hæc omnia infra Deum intelligi, cuius cultus ac veneratio prima esse debet & vnica, si quando non potest cum alijs salua consistere, in domestica quoque custodia compedibus impediuntur, ne quo fortasse ad iudices indicio illius artes penetrarent; Et ut si quod immineret malum in alios deriuatum à se præueniens auerteret. Iudicibus renunciat è famulis suis, qui Christi sacra eiurant, duos à chirographi sententia resiliisse, & simul Gregorium Paulumque nominauit. De Simone minus laborans quod eius chirographum propriæ manus testimonium esse constaret, in alios fraus ipsa seipsam, si excuteretur, erat proditura. Iudices herum admonent ut duos illos dum euocarentur asseruaret.

Duo alij falsum defectionis chirographum ciurabant.

QUATVOR NEOPHYTI E PRIVATA IN
publicam custodiam plectendi retruduntur.

CAPVT XL

*Laurentij
aduersus pa-
rentem con-
stantia.*

Asseruabatur in publica custodia Laurentius, quem parens eius præsentī coronæ promissæ defectionis sponsonē subduxerat. Stabat igitur ad filiū frequens fidem suam liberaturus, sed filio si potuisset erepturus. Laurentius ne quam offensionem frequenti cum Ethnico parente congressu daret, sed maximè, vt se importuna sollicitatione liberaret, secreta cum parente colloquia, sublata in hanc sententiam voce vulgauit. Certum sit omnibus me Dei gratia confirmatum frangi non posse, ac tametsi chirographum viderit quispiam, nemo meum esse arbitretur, omne illud quale quale fuerit eiuro, atque ita parens tum quidem cum sua desperatione discessit, Laurentius porro alia certamina nobis deinde suppediturus in ergastulo suo asseruatur.

In Ioachimū nuper martyris domo Ioannes & Gregorius vna cum prædicto Patre vinculis domesticis tenebantur, quamquam Pater domi quidem sed sine vinculis tenebatur. Currabant iam dies aliquot, cum vici præfectus excubitorum tædio prouocatus, ad iudices venit, excubiarum molestias queritur, petitque totius vici nomine liberari. Quidni efficitis, ait iudex, vt Christum abdicent extemplo vos molestia, illi vinculis liberandi. Facilius ait præfectus, vicus totus eorum continuis hortationibus ad Christi sacra transibit, quam obfirmati resiliunt. Tentate ait denuo, si renuerint, edicite moriendum illis, ex principis voluntate, cuius tamen tanta est humanitas vt vitam illis offerat quoties resipuerint, tametsi iam iam sub ictu carnificis obtruncandi; quod si hanc quoque gratiam indigni reiecerint, Gregorij ac Ioannis manu firmatum chirographum exigit, quod Principi legendum exhibeatur.

Redit præfectus & vicum euocat, vt extremo ariete Martyrum constantia communibus nervis luxata quassetur, quicquid habet in mandatis explicat, omnes Principis gratiam humanitatemq; collaudant. Ergo Ioannes suo socijque nomine ita respondit: si me primum dicentem patienter audieritis, ego aptè respondebo.

Annuen-

*Ioannis ad
Ethnicos ora-
tio.*

Annuentibus de Iaponensium sectarum vanitate, de Christianæ religionis veritate multa ingessit, addidit deinde quibus pœnis mala, quibus præmijs bona æternitati tradita compensentur. His ita propositis ego vos iudices appello. Credite vos hæc ipsa quæ confirmavi pro certis habere, non aliter quam nos certa, explorata, indubitata esse profitemur: velletis æterna breuib. certa dubijs, magna paruis posthabere: an potius æternitatem vitæ, has miseras felicitati mortis sacræ compendio præferretis. Quid tunc facturi essetis, si nobiscum eadem crederetis, edicite, eosque idem facturos æstimate, si tamen semota omni animorum perturbatione iudicatis. Hanc orationem excepit concio non eodem animi sensu, aliqui cum Ioanne sentiebant, alij se doceri fremebant, vnus ex tota comprobantium multitudine hac oratione permotus baptismum deinde petijt & impetrauit.

Urget igitur præfectus, vt quicquid secum ipsi statuerint, hoc ipsum scripto profiteri ne grauentur. Tum Ioannes fidei suæ professionem in hæc ipsa verba concepit. Deus vnum ac supremum numen, qui cælum terram ac cætera condidit, omnia gubernat, & omnibus prospicit, siue in hac vita siue in æterna, vt mortales omnes seruaret ex virgine voluit nasci, & peccatis nostris satisfactorius in crucem agi voluit. Ab huius numinis cultu & amore neque nunc recedimus, neque vnquam recedemus, tametsi hac ex causa quantumlibet horribili ac immani nos morte plectatis. In cuius rei fidem hoc scriptum manu propria obsignauimus. Ioannes & Gregorius die 13. Luna septima. Incidit ea dies in Augusti diem octauam supra vicesimam D. Augustino Ecclesiæ Doctori sacram.

Ioannes & Gregorius fidei suæ professionem scripto profitebantur.

Id scriptum ad iudices delatum omnes stupore defixit, & exclamans vnus ait, hoc verè est Christianum, cui mori potius expedit quàm viuere, eaque ipsa die lecto in publico seniorum vrbs, quem tum haberi forte contigit, conuentu decretum vt in custodiam publicam retruderentur, quod vbi domi ab ijs auditum est, compedibus suis non ad fugam sese per vim expediunt, & ad Patrem accurrunt, sobriè se refecerunt, & valedictionis poculum gentis more sibi mutuo propinarunt. Tum ceteris officijs, quæ in hoc rerum statu amor cuiq; suus suggerit exhibitis à se mutuo auelluntur.

In publicam custodiam retruduntur.

Ioannes toto itinere concionabundus obuiam multitudinem hortabatur vt cæcitate damnata oculos aperirent veritati.

*In carcere
quid passus,
quid egerint.*

Abducti ergo cum in custodiam aduenissent, quæsti sunt præfecti longiorem moram; quam ubi rescierunt longiore sermone tractam, imperant præfecti vinctis ceteris vt Deorum contemptores malè plectant. Ingradientibus setta precatória crucisque rapiuntur, & pugnis excepti à vinculorum socijs saluantur, quin etiam vtrumq; in sublime tollentes, subitoque laxantes solo sæpius affligebant, aliæque multa addebant, quæ sex illa reipublicæ laxatis frenis audebat, & ad quietem deinde capiendam in foetidissimum locum, in quem tota carceris sentina confluebat, retruserunt. Hoc solatio fuit, quod Laurentium inuictum planè pugilem ibi repererint, continua sex dierum siti prope arescentem eâ damnatû quod nullum de Christi lege perorandi finem faceret. Cuius orationum nonnullus fructus fuit. In ipso carcere Christo vnum adscripsit, qui breui tirocinio stipendia emeritus, intra paucos dies, postquam cum Ioannes baptismo expiauit, martyrij palmam est affecurus. Inchoatam à Laurentio de diuinis rebus loquendi consuetudinem, aucto iam numero, nunquam intermittebant, nec inhiberi potuit præfecti carceris licentia, qua iubebantur vincti dicentem ita interturbare, vt orator obmutescere cogeretur: allatæ quippe rationes, & Christiana lenitas eam sensim venerationem inuexerunt, vt eâ petulans alioqui hominum colluies dissimulare non potuerit. Ea res delata ad iudices eos impulit, vt differri iam illorum necem non posse iudicarent. Ergo vt eiisdem supplicij comites darent, duos illos, quos herus postquam resipuerant denuo, desipuisse detulerat, Gregorium & Paulum in eandem publicorum vinculorum societatem euocarunt, quod in sextum Septembris scribitur incidisse.

*VLTIMI MARTYRES QVINQVE PRINCIPIS
furorem plexis capitibus excipiunt.*

C A P V T XII

TEnebantur ergo publicis iam vinculis quinq; Laurentius, Ioannes, Gregorij duo, & Paulus. Pridie quam ad supplicium vocarentur, Ioannis ac socij chirographum ipsi Principi legendû exhi-

exhibetur. Hoc Ioannifuerat in votis cum paulo explicatus fidei suæ capita exscriberet, ne Princeps rerum diuinarum ignorationē, vtrahat ipse, causaretur. Eo lecto iterum iterumque illius iussu repetito, ita pronunciauit: Mori per vim volentes, moriantur. In-stant pro Laurentio, quem parens vnicum sibi filium seruari postu-
labat. Si resipuerit ille liberetur.

Die insequenti, qui fuit natæ Virginis peruigilium & in Sabba-
thum inciderat, iudices in carcerem mandato principis armati con-
ueniunt, supra nominatos euocant omnes, vnūq; Laurentium in
hæc verba compellant: Renunciatum est Principi te illius iussu sa-
cra peregrina reiecisſe ac tandem sapuisse, qua ex causa vitam ille ti-
bi permittit, verum hoc ipsum an ita sit ex tuo ipsius ore lubentes *Laurentij in
fide constan-
tia.*
audiemus. Quibus Laurentius in hæc ipsa verba generose sane re-
spondit, Quod Principi renunciatum est, ne cogitatione quidem
sola, nedum verbo ex me profectum est, & hoc in posterum omni-
bus certum esse volo, tamenſi Principi nostro Christiani omnes in
deferenda fide parerent, tamenſi omnes ab eo crudeliſſimè nece-
rentur, vnus ego superſtes Dei gratia confirmatus nunquam à Chri-
ſto dimouebor, & quam diu lingua libero sermoni ſeruiet, non de-
ſiſtam omnes ad eandem Chriſti fidem cohortari, & quantum in
me erit efficiam, vt vniuerſa Iaponia repudiatis ſimulacris ſuum,
agnoscat conditorem, vnicumq; ſeruatorem. Quæ cum Chriſtiana
libertate ita pronunciaſſet, vt palmam quæ iam ſemel è manibus ex-
ciderat, extorquere velle videretur, in ergaſtulum tamen ſuum re-
truſus eſt, in quo diuturnum pædorem aliaq; multa iam patitur: vt
tamen viuat ſui memor inſtituti. ſatisque conſtat reos nonnullos
cum ad ſupplicia pertrahuntur Chriſtum inuocare, quod Laurentij
cohortationibus nihil dubium eſt impetrari.

Laurentio ita diſmiſſo iudices inter vinctos edicunt, vt ſi quis eā
religionem profiteatur, Chriſtianorum continuis cohortationibus
inductus in fraudem, prodiret in medium. Cum ecce tibi ſilentibus *In quinque
Chriſtianos
mortis ſen-
tentia.*
ceteris ille Laurentij præda, nuper à Ioanne baptizatus, exiijt magi-
ſtro ſuo palmā erepturus, Ego inquit ſum Chriſtianus, & huic legi
parata ſupplicia nō reformido. quæ cū diceret extēplo vincitur, &
cū quatuor alijs ad lēticię cumulū Laurentio ſubſtitutus eadē capitis
pœna damnatur. Cui⁹ quia nomē ignoram⁹, antiquitatis exemplo in
caſu

casu non abfimili Adauctum appellemus. Pronunciatur deinde sententia in hunc sensum fidelissimè descripta: Viri isti quinq; quia legem Patrum (ethnici sæpe ita Christi legem appellant) profitentur, & quia vt illam abdicent adduci non possunt capite plectuntur die 23. Luna septima. qui est septima Septembris. Ea deinde sententia de more cubitalibus expressa literis præferēbatur, & in loco supplicij, prout prius narratum est, infixa sude legenda exponebatur.

Antequam è custodia educerentur, Ioannes ad socios aptam habuit cohortationem, è qua tot lætitiæ signis alacres è vinculis eruperunt, ac si iam è corporis ergastulo educti coronam ipsam acciperent. In strigosos quoque vt socij equos impositi in oculis clarissimæ ciuitatis raptabantur; quam diu per vicos iter fuit Ioannes more suo perorabat, ceteri Deum exorabant. Verum extra muros sibi vacaturus obmutuit. Sed Paulus orationem suscipiens ardore suo incendens concionem suam silentio approbantem continuat. Inter quæ venit in stadium intra quod breui curriculo meta conspecta cursores prouocabat. Non longa fuit mora, quibus morserat in votis. Genibus nixi cum prius oculos in cælum simul omnes aliquamdiu defixissent, modesta paulò post ceruicem inflexione, ficas euocarunt, quarum beneficio trunca corpora felices animas in cælum præmiserunt. Eorum deinde fœda laceratio neophytorum pietate coaluit, vt potuit, donec è suo quemque tumulo in alteram vitam dies extrema reuocabit.

Quinque capite plectuntur.

Subiungitur ad ignominiam infamis latro.

Eodem supplicio plexus est post gloriosos Christi martyres infamis latro, quem consulto comitem addiderant, ad ignominiam augendam crimenque pertinaciæ latrocinio comparandum. Sed cæci non aduertebant quanta gloria magistri sui æmulatores afficerent, quem constat inter latrones medium idem cum illis crucis supplicium non exhorruisse. Omnium capite dies multos præfixa spectabantur.

Pater exilio damnatur.

Sed neque Pater ipse nobis est omitrendus, tenebatur ille adhibitis custodibus, vt diximus, in Ioachimi domo, & mortem in horas accurata comparatione præstolabatur. Sed cum de eo apud Principem sermo incidisset, isque illum pari supplicio inuolueret, è Se-

è Senatoribus nescio quis, indignum putauit, vt ira Principis in terra vermiculum (ita per contemptum appellabat) aduenamque sequeretur, satis videri si tota Iaponia eiectus aërem patrium tanta labe purgaret. Postmodum igitur in exilium mittitur.

Et quoniam de Patre hoc agimus, cui martyrij palma è manibus lapsa est, propè cum teneretur, nihil dubito, quin multis qui hæc aliæque legerint mirum videbitur, vnde nascatur, quod Iaponiis in suos ita seuiuentibus, externis fere parcat, & cuiuspiam in mentem venire possit Europæos nostros sacerdotes plus æquo cautos subterfugere ac periculis sese subducere, quod esset gregem suum proderè, & teneris in fide tironibus offensionem dare. Hunc ergo scrupulum quorundam animis puto eximendum. Primum id suauis Dei prouidentia referendum puto, ne in ea locorum distantia tantopere necessarius operariorum numerus imminuatur, quem in finem suum hanc gentem ita disponit vt ab externis sese absteineat mactandis, hoc solo contenta si suis eos terminis extermineat; aiunt enim, sacerdotes illi officio suo funguntur, cuius causa à suis superioribus missi huc navigarunt, quod in illis culpa caret; hoc in nostris crimen est, quod externa patrijs anteponant. Putant etiam non in verbum, sed etiam in humanum in externos, quos prius exceperis, deinde seuire. Sed nihil æque violentas illorum manus ab externis continuit, quam ea quæ ex proprijs commodis ratio petitur, quæ fere solet apud omnes nationes plus habere momenti, quam iustitiæ pondus aut species honestatis. Indigent Iaponenses rerum Sinensium copia, sed nulla re magis vt bysso, commercium cum Sinis omne Iaponum metus & horror interdixit. Sinæ Lusitanos solos ex omnibus populis ad commercium admiserunt, ita Deo permittente vt esset ex hoc commercio ianua qua sese Euangelij lux inferret. arbitrantur igitur Iapones se, si fuerint in externos immaniores, Lusitanorum commercio carituros, cuius amittendi metus ab Imperatore licet inuito aliquam extorquet lenitatem.

Et tamen non ita se subducunt periculis mortemque subterfugiant, quin hoc ipso tempore, quo tyrannicus furor exarsit, excentum ac decem & septem, quos nostra Societas numerabat, tri-

X

ginta

*Our Iapones
in suos, non
in sacerdotes
Europæos se-
uiant.*

*Triginta è
Societate in
Iaponia oc-
cultis ma-
nent.*

ginta sese occultarint, & totâ Iaponiâ vagi rem Christianâ hodiè quæ clâ procurent. Et quod de nostra Societate idè de ceteris religioforû familijs intelligo, quæ pro ea quam illic habebant operariorû paucitate, aliquos etiam intra tormentorum ictum, nō sine discrimine reliquerunt; ac si proscripti, vt postea narrabitur, pleriq; cesserunt, hoc exemplo maiorum faciunt, Christoque hortatore, non tam vt vitæ consulant, cuius toties prodigi per tot æquorum pericula satis intelligunt vilitatem, sed ne sua contumaciâ Principum iras augeant, quin potius mitigent, dum eorum se præ se ferunt decreta venerari. Nam etsi proscripti abeunt, hoc faciunt annis deinde sequentibus etiam redituri, & ad speciem debiliorem quemque senioresque dimittunt, iuniores ac robustiores retinent ad dici pondus æstusque sustinendum. Et sane hoc ipso maiorem laudem mereri mihi videntur neophyti Iaponenses, qui sine magistrorum suorum exemplo tam atrocia subeunt in Christiano agone certamina, quorum fortasse aliquando participes eos faciet, qui ea quæ futuri orbem enauigant, ille ille qui temporum vel momenta, quæ nostrum non est nosse, in sua posuit potestate,

IGNIS SUPPLICIVM AD TERRENDOS

Arima Neophytos hortatore Sasioie designatur.

CAPVT XIII.

NVnc ex Yendo redeamus Arimam, atque ibi exhauriamus omnia quæ intra huius anni curriculum contigere.

Sacrificuli contumelia, quæ pellicem incenderat effecit, vt non diuturna esset quies; nam intra menses aliquot, noua in neophytos hortatrice Fime, sed inuentore Sasioie, faba cuditur, qui cum non rarò negotiorum causa regiam urbem repeteret, sub mensem Octobrem Arimenfi dynastæ scripsit in hanc sententiâ: Nuperimis se literis accepisse ab Regia, ipsum ab æmulis recens delatum, quod remissiùs peregrina sacra persecutus ea in suis finibus foueret, nec satis cordatè ad patrios Deos rediisse videretur: ex ea re mutato Imperatoris animo agi cœptum, vt alio amandaretur, vbi nihil in Christianos esset negotij, quod cum ineptum ad exterminandos fi-

*Armenfis
dynasta, no-
nis artibus
ab Sasioie
implicatur.*

nibus

nibus suis barbaros ritus vel ob animi remissionem, vel in proprios clientes indulgentiam iudicarent. videri sibi res eius in extremo discrimine nutare, satisque scire se ab Imperatore cum in regiam venisset excutiendum, vt quis Arimensium rerum status sit intelligatur, facile videri periculosum sibi esse à vero tantillum defletere, cupere se vt quamprimum apud se statuatur quid hoc rerum statu iudicet expedire; se pro amicitia & aulicorum negotiorum tractatione noluisse, quin eum periculi sui admoneret. His literis adolescentis animus quotidianis fraudibus magis magisque consternatus expauit, metumque suum cum pellice sua Imperatoris pronepte, à qua fauorem sperare sibi posse videbatur, communicans, grauius semper ac grauius ludebatur. Illa enim cautè dissimulans quam in hac fraude doli mali partem haberet, cum ex composito inter ipsam & Sasioie totares ageretur, rei nouitate velut attonita in hunc fere modum succlamauit: Ecce quod sæpe non vana vates præfensi ac prædixi; atque vtinam te ipsum solum perderes, neque me tecum communi ruina inuolueres. Sane cum me tibi auus meus Imperator despondit, omnia mihi fortunata optare, multa dare sibi videbatur, exilium inueni, ludibria patior, barbaros ritus exhorreo. Age age tandem virum te præbe, nec vltra remissionis animi notam tibi obijci feras. non audisti, vt superioribus mensibus in regia sua Imperij hæres leui satis ex causa sæuierit, prout ipse Sasioie in sua latatur epistola? quid adhuc fecisti, quod Christianos terreret? nihilne tibi præter ferrum furor iustus in manus dabit? excurre si me audis Nangasquium, præfectum audi, amicum nostrum & aulicis in negotijs propè educatum; quod eo auctore feceris, illius erit Imperatori probare, quem si ex animo fautorem habueris, næ tu æmulo- rum omnium obtrectationes eludes? Ita Fime Christi gregem malis artibus muliebriter insecuta.

A Fime pellice contra neophytos inflammata.

Quid hic ageret Arimensis dynasta, amore & metu gemino telo imperitus, accurrit ad genium malum, cui sua omnia sicut ouem lupo commiserat. Sasioie cū adolescente suas artes explicans, nunc illius vicem dolet, nunc obtrectatores, quos ipse comentus fuerat, incusat, nunc periculi magnitudinem exaggerat, vt eo facilius ad ea quæ intenderat imprudens pettrahatur, odio nempe in Christianos

plusquam capitali ad suas rationes abuti. Tandem post varia consilia inter utrumque ita conuenitur. Redeat Arimam dynasta, optimatum suorum selectissimas familias expugnato capite sibi adiungat, artibus omnibus, machinisque in suam sententiam pertrahat, tametsi ad speciem simulatè, si non impetrat, viui omnes cum tota familia lento igne torrantur. Atrocitas supplicij, siquid unquam, eos è sententia sua deturbabit: sin, ceteros terreat, aut denique si nihil aliud, remissionis, eum nota liberabit, obtredataresque ipsos silentio suo damnatos ad rerum suarum incrementa adhibebit. Nihil aptius visum est, ac tametsi ægre sibi clientes eos eriperet, iudicauit tamen in paucorum iactura totius prouinciæ suæ salutem reponendam.

Cruelia sacrificia consilia.

*Optimates Arimenses o-
sta. ad defe-
ctionem solli-
citantur.*

Extemplo igitur Arimam repetens suis magistratibus mandat, vt euocatos ad se quos nominabat optimates octo, omni ope atque opera ad defectionem laceessant. Dictum factum, precibus, premijs, minis, ita certatum ac si defectio illorum Arimensis Reipublicæ esset incolumitas; sed fortissimos eatenus Christi pugiles non incrementa fortunarum, non heriles preces incendio licet armatæ dementis suæ firmitate deturbarunt; itaque rem per alios desperatam dynasta ipse in se suscepit. Singulis ad se accersitis primum præfecti Nangasaquensis ad se literas ostendit, aperit quo in discrimine Christianorum pertinaciâ res Arimensis tota versetur, se iam per tot ætates auita hæreditate pelli, clientes suos in externi principis dominium venire, idque solum ea ex causa, quod peregrina sacra patrijs immoderato religionis studio præferantur; scire se quid sit esse Christianum, non esse cur tantopere à simulata non longi temporis defectione abhorreant, cum in ipsa religionis sanctitate breui malo (si malum vocari potest id quo publica quies procuratur) certissimam habeant medicinam. Petrum ipsum Christi vicarium grauioris delicti veniam inuenisse. Se alia nulla de causa temporis cedere, melioribus annis postea cuncta instauraturum, petere se etiam atque etiam, ne se, ne suos, ne herum suum, ne patriam vniuersam perditum eant, sed in hac vnâ sibi hoc tempore in posterum non immemori obsequantur. Quæ cum diceret lachrymis verbainterruptus, tantum potuit, vt ex octo Christi athletis quin-

quinq; defecerint, & initiante sacrificulo patrijs dijs reddiri, Christum fictè quidem sed turpiter tamen ciurarint; reliqui tres et si sociorum lapsum extremo doloris sensu prosecuti, ex eo tamen apostoli consilio, Qui stat videat ne cadat, facti firmiores seiplos ita confirmarunt, ut æquè delusi adolescentis lachrymas ut antè preces, præmia, minasque repulerint.

*Quinque fr-
de Christum
ciurant.
Tres sibi com-
stant.*

Tyrannus prælio victor, supra spem & prope supra vota, non solum victoriæ lætitiâ non aliqua humanitate cōhonestavit, sed insolentior factus, tametsi designato numero quinque deiecerat, voluit tamen octonarium numerum illum, si Ambrosio credimus, mysticum reservare, in quo. spei nostræ perfectio, summâque virtutum exhiberi perhibetur: nam tametsi atrox incendijs sententia decem complexa est, octo tamen duntaxat arserunt. Adrianus cum Ioanna coniuge, Leo cum Martha vxore ac prolibus Iacobo atque Magdalena, Leo alter cum filio Paulo, nam illius vxor Monica cum filia propinquorum favore eodem incendio damnatæ pœnam euaserunt. Pronunciata igitur in prædictos atrocis supplicij sententia, omnes in priuatas ciuis Arimensis ædes adhibitis custodibus recluduntur. Quo ex numero cum se Monica sentiret excludi, nihil est quod ipsa per se, per maritum, per sodalitiolorum præfectos reliquit intactum; diceres illam pro vita seruanda, non pro impetranda morte sollicitam, sed nihil impetrauit. Dynastæ patruus Monicæ collataneus vitam impetrarat. Inuita igitur & reclamans à Martyrum consortio separatur, & in alijs ædibus arctius custoditur mortem quæsitura, quam damnati solent supplicium detrectantes. Incensa tamen vota quis contineat? elabitur delusis custodibus, ut ad ceteros adiuncta veram in vinculis haberet libertatem. Extra-cta tamen per vim cogitur viuere quæ optabat mori. Quis non in hac ætate nostra nascentis Ecclesiæ primos illos ignes aduertit, à quibus nec ardore nec frequentia Iaponia se patitur superari!

*Tres illi cum
uxoribus &
liberis ad
ignem dam-
nantur.*

*Vxor & ad-
iuncta quid-
bet tentat se
adiungatur.*

LAPSI QUATVOR SERIO RESI-

piscunt.

C A P V T XIV.

VBi Nangasaquij primis rumoribus increbuit octo familiarum capita florem optimatum ad defectionem aut ad incendium

X 3

rapi,

plurquam capitali ad suas rationes abuti. Tandem post varia consilia inter utrumque ita conuenitur. Redeat Arimam dynasta, optimatum suorum selectissimas familias expugnato capite sibi adiungat, artibus omnibus, machinisque in suam sententiam pertrahat, tametsi ad speciem simulatè, si non impetrat, viui omnes cum tota familia lento igne torrantur. Atrocitas supplicij, siquid unquam, eos è sententia sua deturbabit: sin, ceteros terreat, aut denique si nihil aliud, remissionis, eum nota liberabit, obtrectatoresque ipsos silentio suo damnatos ad rerum suarum incrementa adhibebit. Nihil aptius visum est, ac tametsi ægre sibi clientes eos eriperet, iudicauit tamen in paucorum iactura totius prouinciæ suæ salutem reponendam.

*Optimates
Arimenses o-
cto. ad defe-
ctionem solli-
citantur.*

Extemplo igitur Arimam repetens suis magistratibus mandat, vt euocatos ad se quos nominabat optimates octo, omni ope atque opera ad defectionem laceffant. Dictum factum, precibus, premijs, minis, ita certatum ac si defectio illorum Arimensis Reipublicæ esset incolumitas; sed fortissimos eatenus Christi pugiles non incrementa fortunarum, non heriles preces incendio licet armatæ mentis suæ firmitate deturbarunt; itaque rem per alios desperatam dynasta ipse in se suscepit. Singulis ad se accersitis primum præfecti Nangasaquiensis ad se literas ostendit, aperit quo in discrimine Christianorum pertinaciâ res Arimensis tota versetur, se iam per tot ætates auita hæreditate pelli, clientes suos in externi principis dominium venire, idque solum ea ex causa, quod peregrina sacra patrijs immoderato religionis studio præferantur; scire se quid sit esse Christianum, non esse cur tantopere à simulata non longi temporis defectione abhorreant, cum in ipsa religionis sanctitate breui malo (si malum vocari potest id quo publica quies procuratur) certissimam habeant medicinam. Petrum ipsum Christi vicarium grauioris delicti veniam inuenisse. Se alia nulla de causa temporis cedere, melioribus annis postea cuncta instauraturum, petere se etiam atque etiam, ne se, ne suos, ne herum suum, ne patriam vniuersam perditum eant, sed in hac vnâ sibi hoc tempore in posterum non immemori obsequantur. Quæ cum diceret lachrymis verbainterruptus, tantum potuit, vt ex octo Christi athletis quin-

quinq; defecerint, & initiante sacrificulo patrijs dijs redditi, Christum fictè quidem sed turpiter tamen eiurarint; reliqui tres etsi sociorum lapsum extremo doloris sensu prosecuti, ex eo tamen apostoli consilio, Qui stat videat ne cadat, facti firmiores seipso ita confirmarunt, ut æquè delusi adolescentis lachrymas ut antè preces, præmia minasque repulerint.

*Quinque fr
de Christo
iurant.
Tres sibi com
stant.*

Tyrannus prælio victor, supra spem & prope supra vota, non solum victoriae lætitiā non aliqua humanitate cōhonestavit, sed insolentior factus, tametsi designato numero quinque deiecerat, voluit tamen octonarium numerum illum, si Ambrosio credimus, mysticum reservare, in quo spe nostræ perfectio, summæque virtutum exhiberi perhibetur: nam tametsi atrox incendijs sententia decem complexa est, octo tamen duntaxat arserunt. Adrianus cum Ioanna coniuge, Leo cum Martha vxore ac prolibus Iacobo atque Magdalena, Leo alter cum filio Paulo, nam illius vxor Monica cum filia propinquorum favore eodem incendio damnata pœnam euaserunt. Pronunciata igitur in prædictos atrocis supplicij sententia, omnes in priuatas ciuis Arimensis ædes adhibitīs custodibus recluduntur. Quo ex numero cum se Monica sentiret excludi, nihil est quod ipsa per se, per maritum, per sodalitiū præfectos reliquit intactum; diceret illam pro vita seruanda, non pro impetranda morte sollicitam, sed nihil impetrauit. Dynastæ patruus Monicæ collataneus vitam impetrarat. Inuita igitur & reclamans à Martyrum consortio separatur, & in alijs ædibus arctius custoditur mortem quæsitura, quam damnati solent supplicium detrectantes. Incensa tamen vota quis contineat? elabitur delusis custodibus, ut ad ceteros adiuncta veram in vinculis haberet libertatem. Extracta tamen per vim cogitur viuere quæ optabat mori. Quis non in hac ætate nostra nascentis Ecclesiæ primos illos ignes aduertit, à quibus nec ardore nec frequentia laponia se patitur superari!

*Tres illi cum
uxoribus &
liberis ad
ignem dam
nantur.*

*Vxor Gnaen
clusa quidli
bet tentat &
adiungitur.*

LAPSI QVATVOR SERIO RESI-

piscunt.

C A P V T XIV.

VBi Nangasaquij primis rumoribus increbuit octo familiarum capita florem optimatum ad defectionem aut ad incendium

X 3

rapi,

rapi, qui Socijs præerat præter eum, qui rem Christianā clam Arimæ procurabat, alium misit sacerdotem, qui grauitè periclitantes neophytos ad inusitata certamina diuinis auxilijs consilijsque confirmaret. Is vbi aduenit lapsos illos quinque deploraturus potius quam confirmaturus sibi venisse videbatur, opportunus tamen reliquis aduenit interim dum lapsi quatuor serio resipiscunt, id vt acciderit, vt spectatum satis fuit ad illius Ecclesiæ mœrorem detergendum, ita narratum satis erit vt plures etiam in nobis affectus excitet admiratione defixis, cum viderimus ea nostra ætate contingere, quæ si olim accidisse legebamus, ipsam antiquitatis venerationem in fidei auxilium vocabamus.

Vbi de pronunciata sententia constitit, ipsique damnati recludi iussi sunt, per dispositos nuncios Sodalitiorum præfecti neophytos omnes de futuro Arimæ spectaculo intra dies paucos monuerunt. mirabile videri potest quod subiiciam. Ex Arimensi agro toto omnis gradus, ætas, sexus tanto numero concurrat, vt ad viginti millia excreuerit multitudo; à quibus omnibus contra receptum Iaponiæ morem, nihil armorum, ne sica quidem aut pugio gestabatur, ne repugnare militariter sed Christianè pugnaturi venisse ad patiendum viderentur. Precatorios globulos è collo conspicuos fidei suæ testes ostentabant. Hi omnes non concurrere solum, sed tanta festinatione accurrere, vt nemo de comæatu conferendo cogitaret, vel obliuione corporis in diuina rapti, vel quod morituri sibi omnes viderentur, curamque superfluam ducerent vitæ quam exposituri veniebant sustinendæ. Arimensium tamen neophytorum per Sodalitiorum præfectos distributa sollicitudo illorum suppleuit incurantiam. Latum spectaculum Deo, Angelis & hominibus, in latissimo campo sub arcem in oculis tyranni triduum totum neophyti, præter Arimenses, ad viginti millia martyrij candidati, aut potius iam in animo purpurati, ad martyrium spectandum, & si res ferret expectandum aduolarant. Tota vrbe, campoque toto publicæ lætitiæ signa, qualia vix vnquam in altæ pacis celebritatibus, edebantur. Interdum Arimenses Neophyti suos hospites modestis epulis excipiebant; nocturnæ tenebræ, dispositis concinnè lucernulis, excitatis ignibus pellebantur, diceres il-

los

*Conueniunt
ad martyriū
ex agro Ari-
mensi ad vi-
ginti millia.*

*Arima pu-
blica inter
neophytos læ-
titiæ signa.*

los sibi quemque suam pyram ad instar martyrum excitare, tyrannumque prouocare, vt quo omnes ardebant incendio concremaret: Quæ omnia cum impotentius ferret dynasta, edici iussit nisi secederent, se omnes immisissis sclopetarijs confecturum; sed illi tum demum exultare: nec inuentus est vel vnus è tanto numero, quem sclopetorum metus eiecerit, quin potius in globum acti, ne glans vllatemetere periret, substiterant. Inter quæ tantus sacrificuli fuit metus, vt in arcem se receperit, sed eius discipulus parum tutum in arcerefugium ratus Nangasaquium aufugit, in clamatóque Sasioe apud Arimenses omnia turbari, magistrum suum mactari euulgabat. Initio turbatus præfectus verebatur, ne facti, si minus è sententia succederet, apud Imperatorem inuidiam sustineret, sed breui constitit concurrentium neophytorum ardorem ex ipso martyrum incendio concipi, quo ipsi omnes ardere mallent, quam destinatas victimas aris eripere.

Hæc tam insolens neophytorum exultatio, concursus, applaususq; postquam Ethnicos ipsos stupore defixerant, in lapsos ipsos (quod vnum ad communis gratulationis cumulum deerat) exundauit. Ex ijs quatuor se ipsos inspexerunt, inspectosq; horruerunt, ex horrore pudor, lachrymæ cæteraq; pœnitentis animi signa eruperunt. Constabat lapsis ipsis ad eorū solatium atq; remedium Nangasaquio nostros accurrisse. Diu conquisiti cum in tanta multitudine non facile reperirentur, non comparebant. Nec illi vltra pœnitudinem differentes, in medios neophytorum cuneos irrumpunt, crimen suum incusant, offensionem deprecantur, lacrymantur, omnium genibus aduoluuntur, Sacerdotem in clamant, auxiliūmq; deprecantur. Inde ad magistratus excurrunt, palinodiam recantant, suarum fortunarum iuri cedunt, suppellestilis seriem scripto tradunt, petunt vt cum ceteris recludantur, eandem fortunam in pari causa subituri. Obmutescabant stupore defixi magistratus, dicebant in sua potestate non esse, de illorum fortunis ac vita statuere. Nihil agunt illi recusando, nam ad socios delati, crimen suum fatentur, & suum in vinculis locum deprecantur, vrgent custodes, vim inferunt, & tamen aliqd nihil extorquent, quam vt in vicinis ædibus tenerentur, donec de illis quid statuerit dynasta pronunciet. Ex hoc ipso carcere literas ad sacrificulum destinant, quibus literis eiurationem suam

*Lapsi quatuor scissore
suspiciunt.*

suam eiurantes, defectionemque damnantes, se Christianos esse ac semper fore protestantur, ac rogant ut apud dynastam, ne parato supplicio excludantur, agat. Inter quæ non facile explices quantum omnes exultarint, sed maximè tres illi ad rogam damnati, qui sociorum lapsum plus quam incendium suum exhorruerant, iam læti mortem præstolabantur, postquam eos, qui perierant, viderunt ad vitam reuocatos. Quis neget in cælis inter cælitæ gaudium super vno peccatore pœnitentiam agente, cum inter mortales ipsos vniuersam hanc multitudinem gestièntem gratulantemque nos ipsi tanto locorum interuallo disiuncti, sed in eodem parentis Ecclesiæ sinu gratulemur? Et ipsi quidem voluntario carcere detenti spe sua sed non præmio exciderunt. Nam venit à dynasta nunciatus quidem ille laureatus, quod vitam nunciaret; iubet eos secedere sibi que restitui, de illorum vita nihil nunc quidem statuere, paratos fore si euocentur. Acriter pupugit alia sperantes insperata humanitas. Sed parendum fuit, quamquam non sine lacrymis, suorumque criminum detestatione, in quorum pœnam lauream quam reiecerant, priuabantur. Verum sponte susceptam quatenus licet Christianè mortem exuta sibi ciuilibiter vita interdixerunt. Resecta quippe publicè cæsarie, census quos à dynasta colligebant, reiecerunt, fortunæque suas exuti voluntario exilio seipso suosque multarunt.



OCTO CHRISTI VICTIMÆ VIVÆ CONCREMANTVR.

OCTO CHRISTI VICTIMÆ IN FIDEI
CAUSA VINAE CONCREMANTUR.

CAPIT. XV.

FAuete linguis, sacrificia non prius audita, non prius visa laponijs, Ecclesiæ toti aggredior enarrare. Insolens neophytorum ex vniuersa Arimēsi terra concursus initio suspensum tenuit cum suis dynastam. nam tamen si discincti omnes inermesque venissent, tanta tamen multitudo obuijs saxis armata damnatos supplicio facile rapuisset, & populariter accensum vulgus in publica omnia nullo negotio inuolasset. Ergo de ijs intra priuatas ædes concremandis agi cœptum. nec latuit ea res multitudinem, cuius repentino concursu cinguntur ædes illæ, ne quo modo sacris martyrum exuijs priuarentur; priuatum quippe supplicium eò dirigi, non ad tumultum vitandum, de quo ne somniabant quidem, cogitarunt. Hic ministris accreuit metus, quem Sodalitiorum præfecti magistratibus supplices facti sedauerunt. Rogant enim omnium nomine, ne huius spectaculi nouitate, cuius causa concurrerant, priuarentur; liceat sibi suos ad supplicium Christiano ritu comitari, iuuare, sepelire; spondere se omnium nomine pacata omnia futura, nec dynastæ mandatum ab ijs interturbandum, qui eodem damnari gestirent. Et si quidem vim pararent, in sua esse manu, potuisse arma accingere, & primo impetu reos rapere, nec vilius imperio potuisse multitudinem contineri, si quidem furere voluisset. Sed hæc à Christianis legibus aliena de ijs credi non posse, qui mori malint, quam legum suarum sanctitatem violare.

Hab Præfectorum oratione sedati magistratus auctores dynastæ fuerunt, vt palam exequeretur, quod mandarat; id ad Imperatori satisfaciendum aptius, si non ad deterrendos Christianos accommodatius. Ergo intra primum ab oppido lapidem in latissima planicie lignea domus, aut templum potius ad exurendas victimas extruitur columnis octo incumbens, cuius tectum stramine, arundine, lignisque ad concipiendum ignem accommodatis insternitur. Circum ædem ipsam crassiora repagula arcendæ multitudini altè

desi-

*Præfecti sodaliti-
orum
metum in-
mulus ma-
gistratibus
extimuit.*

*Locus suppli-
cij appa-
ret.*

defiguntur, spacium quod est à repagulis ad columnas, ignium paulo completur, vt inde sensim adrepens ignis ad columnas alligatos lento igne torreret, donec in totum euadens flammis omnia simul inuolueret; hæc extra urbem spectantibus, gestientibusque neophytis parabantur.

Intra urbem monentur victimæ, aram parari, sacrificium instrui, holocausti horam aduenisse, (inciderat in feriam secundam Octobris die septimo anni 1613.) Ad eam vocem exultant fortissimi, pugiles & in genua prouoluti vno omnes ore Deo sibiq; proximâ sortem gratulantur Non defuit illis in hoc agone nostrorum sacerdotum auxilium, quorum opera, cum peccata expiassent, seque sacro ad hoc iter viatico, paulo antè quàm in vltimam custodiam traderentur, confirmassent, admirabiliter exarserunt. Nec minus Patres nostri eos in vltimo agone comitari gestiebant. Visum tamen est ipsismet Christianis, nullo modo expedire, vt nuper eiectione in publico ceterorum comitatu nostri palam comparerent, ne simili subsidio, si res ferret, eiectionis iterum & ætius custoditis nostris, alij priuarentur. Sodalitiorum ergo præfectis, quorum omnium princeps Gaspar vocabatur, tota res à nostris designata commendatur.

Vix putem aliud vllum per omnia retro secula gratius in re præsentis spectaculum legi, & vix aliàs vnquam victtricem Ecclesiam in simili fidei certamine speciosius triumphasse. nam tamen si fremerent Ethnici, tyrannusque rumperetur; multitudinis tamen circumfusæ merus vim omnem cohibebat. Euocata igitur ad spectaculum multitudo à præfectis in sua sodalitia diuiditur. Seniores incedebant, incensos cereos, vel ferta precatoria manu gestabant, supra viginti Christianorum millia latissimam, ac lætissimam supplicantium pompam explicabant, præibant plerique, ceteri sequebantur; in medium agmen, egregiæ victimæ, inter duos sodalitiarum præfectos incedebant, Viri candidam sodalitiæ super induiti, reuinctis post terga manibus gradiebantur. Vn° iacobus annorum vnde- ligari non potuit, vt maximè voluerit, negatibus ministris se pro puerofunes attulisse. Mulieres mundum omnem ad diem solemnitatis & lætitiæ cõtulerant, ligatæ quoq; procedebant. Si quis perturbato pompæ ordine, forte propius accessisset, gratulabundus acclamabat, si quid

Martyres facturi à sacerdotibus nostris ad agonem arman-

Supra viginti Christianorum millia supplicantium vim Martyres ad supplicij locum comitantur.

de vestibus poterat, sibi rapiebat. Sed mox futuri martyres honorem deprecari preces omnium postulabant, tanto se nomine indignos inclamantes: Iacobus maximè qui cum à nescio quo martyr fuisset appellatus ita respondit, Expecta sodes præproperè festinus, video coronam, nondum teneo. Eneophytis nescio quis Iacobum cum in humeros tollere pararet ita respondit, Permite me peditem certare, ducem nostrum sequimur, ille non equo, non sella montem conscendit, sed cruce sua onustus; satis tibi sit quod cruce careo, labori nunc indulgendum, æternitas nobis longam ac securam quietem parat. Nemo est, cui non ea vox lacrymas ciuerit, nec tamen Iacobus baiulum suum exorauit. Vi abreptum in humeros iniicit, & Christophorus alter videri voluit, dum ad supplicij locum veniretur.

*Iacobus puer
alterius hu-
meris effertur.*

*Christiani mili-
tantis de-
cantant.*

Ibat igitur alacris & ad lætitiæ cumulum non muta multitudo velut castrorum acies ordinata. Itinere toto Deiparam Diuosque omnes ex ordine, sollemni Christianorum ritu & carmine inuocantes, alternisque inuicem sibi grato concentu respondentes, ad diuos singulos, ut pro eis orarent, exorabant. Inter quæ venit ad torrentem (quis impedit quin Cedron appelletur) ultra quem ædes ad sacrificium, vel ara potius iam in conspectu posita visebatur, quem nauigio transmittentes dicere poterant cum Psalmista, Transibimus per aquam & ignem ut educamur in refrigerium. Ceteri vado viam quærentes transuadarunt.

Iacobus puer in eo itinere cum nonnullos lachrymantes aduertisset, exclamauit, Lachrymas tenere, lachrymas tenete, alacres incedite, prout me videtis exultantem. Quæ cum diceret vehementius, plorantes incitabat vel commiseratione vel gaudio, cui sunt etiam suæ lachrymæ, incitatos.

Venitur interea eodem semper ordine & pompa ad sacrificij locum, cuius apparatus quamlibet victimam! solo aspectu terruisset. Sed nihil eo perturbati ubi columnas inspexerunt, singuli suam amplexari, si non iisdem verbis, non absimili tamen animi sensu quo suam Crucem Andreas, salutarunt. Interim circumfusæ multitudinis gratulationes, applausus, acclamationes bene ominatis verbis sacrificium prosequabantur. Et dum singuli promptis ani-

mis

*Singuli colu-
mnas ample-
xati alligantur.*

mis hilarique vultu vincula induunt ad palos alligati, Leonum alter (Cayemon vernaculo nomine dicebatur) in tectum euadens in dicto silentio rugijt in hæc verba, quæ velut sacra temerarem, si hoc tempore, hoc habitu, hoc impetu dicta inferioris eloquentiæ fucio inducta producerem. Hinc scitote, fratres mei qualis sit fides Iesu Christi Crucifixi, quam Arimenses Christiani profitemur, cum eius causa tanta animi promptitudine moriamur: Morimur enim pro Dei gloria, & quia nusquam extra Iesu Christi Domini nostri fidem salutem esse profitemur, nihil dubitamus quin corpora nostra in die iudicii nunquam postea moritura in meliorem vitam reuocentur, quo tempore damnabuntur, qui sanctam eius legem persequuntur. quod parimur breue est, quod illi patientur, æternum. Aberrant à recto salutis tramite, qui sanctam Dei legem respuunt, in qua omnis veritas continetur. Fortunati sibi videantur, qui nos cum pari moriendi desiderio comitantur, ex hoc enim desiderio mors æque felix illos manet. Valedicturus hoc vnum, vos obtestor, ut legem Dei sanctam conseruetis, eam à cordibus vestris nunquam separetis, illam defendite semper, nihil vitam, nihil fortunas æstimantes. Este nobis testes coram Deo & hominibus, quod illius vnus causam morimur. Hæc dicentem & plura, secundus suæ concionis applausus, lachrymæ, acclamationes interpellarunt, & cum intelligi iam vltra non posset, ad columnam suam reuersus, sua gaudi gloriæque prælibans tenerrimè amplexatur, & ad eam alligatus circularis sacrificij peripheriam octauus impleuit.

Tum Gaspar supremum sodalitorum Arimensium caput, ut erat à nostris instructus, sacram Christi Seruatoris cum ad columnam alligatus flagellabatur effigiem explicans hastili erexit, in hæc verba exclamans, Ecce quem aptius quam alias vnquam hoc habitu ad columnas alligati refertis, Ille ille, cuius causa mortem expectatis, viuit & regnat in cælo; Ille vos certantes intuetur, fidem in se vestram coronaturus. Durate, & vosmet rebus seruate futuris, ille vos ad gloriæ ianuam, cuius est omnis gloria præstolatur. Quæ ubi dixisset simul ex omni parte incendium excitatur, cuius vim sanctissimæ victimæ dum ad se pertingeret votis suis præuenientes prouocabant, seque maioribus intus flammis inflammabant; quo-

Leonis ad multitudinem oratio.

Incendium excitatur.

rum vota circumstans fidelium multitudo suis persecuta in genua prouoluitur, plerique symbolum Apostolorum fidei nostræ summarium pro fide certantibus præcinebant, alij orationem dominicam pronuntiabant, alij virginis ab Angelo salutata carmine opem implorabant, alij cum propius iam vrgeret incendium pectora tundentes, magnis vocibus lamentabili ciulatu permixtis Dei misericordiam sæpius iteratis vocibus inclamabant. Spectate mecum qui hæc legitis, & quod verbis deest, cogitatione supplete. Spectabat cælum vniuersum, spectabat innumera multitudo, victimæ nostræ suos ignes intrepidi, socios gratulabundi, neophytos reliquos modesti spectabant. Quid habuit à multis seculis Ecclesia illustrius? In extremo orbe gens nuper sine Numine, fidei suæ tirocinium his ipsis ignibus illustrauit.

Sed interim dum spectamus ignis, qui iam diu sua propinquitate lentè torrebat, victimas nostras incendit. Leo ille noster orator, ex quo vincula induit, oculos cælo fixerat, vt eos nullo momento auocarit. Videre videbatur eos, à quibus inde spectabatur & expectabatur ad coronam. Leo alter (Suqueyemon vernaculè) tanto impetu flammis vrgentibus spiritum explosit, vt inclamans sacra Iesu ac Mariæ nomina, rugisse potius quam locutus videatur, Christo ipsi morienti hac ipsa vocis contentione simillimus; satis constat eam vocem supra naturæ sed maximè deficientis vires fuisse, ex eo quod inuito flammarum crepitantium fragore, inuito circumclamantis multitudinis murmure, nemo fuerit ethnicus aut Christianus, quem non ea vox distinctè perculerit, & ultra spectatorum coronam sese procul intulerit. Magdalena verò nostra virgo, non ætate solum sed & voto annis aliquot ante concepto, illustre facinus & ad posteritatis memoriam rarum inter medios ignes spectandum dedit: nam cum ignis sparteos funes adhuc spiranti soluisset, non refugit horrente natura, sed iam naturæ, sexus, ætatisque victrix ardentes prunas vtraque manu corripiciens capiti suo venerabunda pro serto imposuit, & deinde pacatissimè succumbens cum se prius ipsa coronasset occubuit.

Quid Iacobus Magdalene frater? inter maiores victimas agnus expirans, cum iisdem ignibus sua vincula dirupisset, per medias

Leo Suqueyemon Iesum ac Mariam mirabiliter inclamans expirat.

Magdalena seipsam prunam coronat.

diarum prunas flammâsque matrem quæsitam amplexatus, cum ab ea hæc verba audisset, Fili mi cælum intueri, fili mi; Iesum ac Mariam ter inuocans & in parentis sinum corpusculum reclinans suavissimè obdormiuit. Et ita tandem omnes exeuntem animam igne leuiore, vltra eius spheram, in cælorum superum inferentes, ex ipso incendio meliore sui parte auolarunt. Quis nunc neget auræ illa nascentis Ecclesiæ tempora, in hæc nostra tempora refluxisse, cum nihilo inferiora videamus ipsa, quæ stupentes legebamur.

Sed nondum rerum admirabilium finis. Cum enim spectatores neophyti aduertissent, hostias illas in odorem suauitatis expirasse, vltra se non continuerunt, quin, repugnantibus frustra ministris, in medios ignes inuolarent, sacras exuvias flammis erepturi. Et licet ambustis vestibus, corporibusque, ignium vestigia secum retulerint, nullum propè doloris sensum fuisse referebant, cum intrepidè prunas, & stillantia cadauera extraherent: quodan ardentibus animis, corporaque negligentibus referri, an cœlesti prodigio debeat, iudicet qui legerit. mihi certè vtrumque prodigio simillimum videtur; nec minus admiror animorum ardore incendia minus sentiri, quàm ignibus ipsis vrendi vim minui, cedente natura. Sacra igitur pignora pro se quisque rapientes, tandem in id omnes conuenerunt, vt Nangasacium in Societatis nostræ domicilia deponenda, deferrentur. Etiam ipsi post aliquot dies Conzurani, quos subducto Magdalensæ corpore rapinam in holocausto fecisse pœnituit, sacrum virginis cadauer ad cætera retulerunt. Cæterorum quæ incendio superfuerant nihil à tanta multitudine neglectum, ligna, columnæ, prunæ, cinis ipse collectus in hodiernam diem omnia neophytis sacra, vel monumentum victoriæ, vel virtutis incitamentum asseruantur. Denique composito iam non nihil sedatòque tumultu, per otium omnia ad sacrorum canonum normam, Episcopo inquirente, discussa in publicas tabulas relata ad posteritatis fidem asseruantur. E quibus hæc ipsa prout narrata sunt, inde ad nos transmissa descripsi, ad eius gloriam, qui

cum suis martyribus pugnat, vincit
actriumphat.

*Neophyti in
medios ignes
inuolant.*

*Sacra corpora
Nangasacii
quorum de-
scribuntur*

IN ARIMENSI AGRO THOMAS IN
odium fidei ferro mactatur.

CAPUT XVI.

POterat hac immanitate contentus dynasta tantisper à cæde quiescere, nisi furijs actus in dies nouis, nihil inausum relinquere statuisset, nihil intentatum, ut se vnde propediem ruiturus erat, ibi stabiliret. Virum quippe innocentissimæ vitæ maleuolorum calumnijs oppressum impulit ad ruinam, si ruina dici potest eius, qui ruit, ut resurgat. Erat nuper Arima proscriptorum in causa fidei refugium asyllumque tutissimum, in quod se referebant, qui alibi Christianè viuere prohibebantur. Id fecerat Thomas, Iaponensi nomine Cauacami appellatus, quo enim tempore ante annos nouem octo in Fingenfi regno Canzuye tyrannus neophytos exercebat, Thomas Arimam venerat Christianæ libertatis amore inuitatus; quod ut faceret exactius vna cum rescissa cæsarie curas sibi reliquas amputauit; qua viuendi ratione per annos aliquot ita se nostris sacerdotibus probauit, ut aptum iudicarent, cui vices suas in excolenda illius vineæ parte demandarent. Solent enim nostri sacerdotum penuriam hac arte sarcire, & locorum, quæ vni commissæ sunt inter se distantiam hac rei Christianæ præsectorum nominatione supplere.

In pago igitur Vrique Arimensis agri ædi sacræ præerat, illius ornatum nitoremque serio procurabat, neophytis exemplo præbat, ac sermone prouocabat ad ea omnia quæ Christianorum officiorum sanctitate continentur. Id ut semper fecerat accuratè, post exortæ tamen procellæ turbines studium laboremque geminabat, quibus officijs id consequebatur, ut plerique sibi constarent, & si qui ruerant, damnato lapsu fortiores assurgerent. quam rem cum ij, quibus exterminandæ fidei causa incumberebat ultra non ferrent, dynastam monuerunt, vnum Thomam apud Vriquenses instar omnium esse, illius auctoritatem ceteros vereri, nec eo viuo posse à neophytis quicquam è dynastæ voluntate extorqueri, eo sublato ceteros faciliè defecturos, totamque illius Ecclesiæ molem subducta illa, cui innitebatur columna, faciliè ruituram.

De-
struere

Thomas Cauacami in pago Vrique neophytus præerat.

struere omnia paranti facile fuit annuere, quod gratum erat postulari.

Per suos itaque moderatores sicarijs duobus mandat ut Thomam fidei Christianæ propugnatorem extemplo conficiant. Feria sexta ominato ad coronam die, matutinis horis sicarij domum ingressi, Thomam inclamant. Dormiebat etiam tum ille, quod pridie longo sermone apud neophytorum cætum, de rebus, quæ homini sunt extrema, in altam noctem perorasset, eo animi impetu & eloquentia, ut extrema sibi omnia prælagire coniectares.

Inclamantium voce somnum expulit, cuius ictu primo dexteramans, quæ naturæ imperio, scuti munere functa erat, excutitur. Nec plura: iam quid ageretur asssecutus, coram Christi è cruce pendentis effigie in genua prouolutus cancellatis in crucem brachijs vulnera excipit, Deo gratiam illam qua poterat voce gratulatus: Eum à tergo sicarij certatim inuadunt, multisque vulneribus lacrarum egressi dimittunt. Sed cum spirantem adhuc exorantis voce deprehendissent, altis denuo vulneribus luctantem animam eluctantur. Et ut regni moderatoribus fidem facerent cædis perpetræ, exanimi alteram aurem amputant, eamque corporis partem, qua fides ex auditu in animum penetrarat, illi eripiunt, cui iam beata corum, quæ audiendo crediderat, visio fidem sustulerat, & in melius commutarat.

Notam à Sicarijs conficitur

Erupit inter neophytos extemplo tristis, an lætus, nuncius: accurrunt omnes, sacrum corpus colligunt, venerantur, ac viri vitam fortemque in morte collaudant, collecto sanguine, ac distributis inter se vestibus, quam de viri morte opinionem haberent, prodiderunt de quo nunquam dubitatum est nec dubitari potuit, in Christi causa vitam posuisse. Sacræ mortalitatis exuuiæ à neophytis Nangasaquium delatæ in Societatis æde, cui à Diuis nomen est, in ceterorum martyrum consortio iacent, quorum, nihil est dubium, eum in æterna beatitudine, societate gaudere. In cuius certamine ac triumpho Arimenses interim reliquamus, dum se ad maiora parant, & quæ alibi sparsa sunt fidei certamina, vel virtutis exempla colligamus.

Sacrum corpus Nangasaquium deferitur.

Et quidem Arimensibus Omurenſis Neophyti facinus egregium

*Omnium
neophy-
tis va-
ria certami-
na.*

gium vicinitatis iure coniungamus. Illum sacrificuli ethnicis alijs permixti rogant, vrgent vt à Christo deficiat, frustra omnia tentantur, æquè frustra intentantur, à minis ad manus venit, verberibus, fame, siti omnique sœuendi genere certatur, ex omnibus machinis vna victoriæ desperatio reportatur. Sed ab ipsa desperatione desperata consilia mutuati, intra stramineum mapale arsurum includunt. ipsa siccitas flammam vocabat, momentoque conflagraturus videbatur: vrgent vt Christum eiuret, sin, ignem ostendant, intra cuius pabulum tenebatur: quibus illa ex ara sua hostia, vt rebatur, ita respondit: vt vt vultis ita sit, nulla me res à Christi fide in qua vna est salus, auocabit; hoc ipsum quo me deterretis, ambio, supra vitam. Nec mora. sacrificulorum furor ad neophyti constantis petram collisus ignem dedit, ardet mapale, sed ardet quoque ardendi desiderio neophytus, constat sibi, nihil mouetur suo periculo, cum incendiarij ipsi mouerentur alieno. Cum enim hæc omnia eo vergerent, vt à fide, non à vita deficeret, ignem sistunt, & è medijs flammis iamiam arsurum eripiunt, hoc vno repugnantem quod præsens è manibus corona laberetur. Sed ille qui honorum nostrorum non indiget, operum præmia non tam facto quàm voluntate metitur; interim tamen festinati supplicij acerbiter præscriptus exilij tarditate compensauit.

*E medijs
flammas ere-
ptus in exili-
um mittitur.*

QVIS RELIQUA IAPONIA REI

*Christiana statua hoc anno
fuerit.*

C A P V T XVII.

CUm in hoc volumine id mihi scribendum maximè proposuerim, in quo Iaponensis Ecclesia fortissimè in fidei causa decertans triumpharit; quidquid alibi gestum est, vbi mitius oppugnata mitius repugnauit, id solum sicut omitti planè non debet, ita debet calamo corrente perstringi, quod hoc vno capite faciam breuiter velut è specula Iaponiam lustrans, & loca Christianorum cultu celebria calamo velut digito indice singula demonstrans, postquam obtutu in vno prius exhibuerim vniuersa. Ecclesia quippe Iaponen-

ponensis (si Arimensem agrum, regiámq; Yendo exceperis, de quibus supra fusè) alibi concussa est, alibi trepidauit, alibi proxima mala prospexit, alibi deniq; pristinam pacem cursumq; retinuit. Et in hac quidem rerum varietate satis mirum est, & ad detergendum, mœrorem efficax videri potest, quater mille trecentos & octo supra quinquaginta hoc ipso anno Ecclesiæ nauem ingressos, adultos omnes in portum salutis aspirasse; hinc vt colligi possit, quanto numero nauim hanc sint conscensuri mari tranquillo, cum tot præsentem non exhorruerint procellam. Verùm breuitatis nostræ memores per singula saltitemus. •

*Baptizati
anno Gmo
4358. adul-
tis.*

Nangasauij vicinisque in domicilijs solita omnia, nihil infolens, nisi quod hoc etiam anno crux alia par ferè superioribus in pago Varacami reperta sit, quâ Crucis hostibus heris suis famuli Christiani, qui repperant tradere nolentes, exilium, crucis inuentę conservatęq; præmiũ, susceperunt. In oppidis Xiqui & Conzura nihil dum hoc anno circa nostrorum sedes immutatum. Conzura hoc præclarum; Ethnicam mulierem in lethali ægitudine suscipiendę fidei nostrę cupiditas incessit; vocantur nostri, instruitur, baptizatur, nec ita multò post ad extremam luctam vi morbi deuenit; aderat luctanti neophytus cordatę pietatis vir, qui orandi causã in secretiorem thalamum se recipiens à Domino postulauit, vt sacri fontis vim in animos vires suas exerentem signo aliquo externo demonstraret, vti testibus etiã ethnicis fidei suę authoritati cõsuleret. mira res. vix benè redierat ad ægram cordatus orator, cum se quod postulauerat exorasse cognouit; eo quippe tempore, quo mulier animam exhalauit, vniuersam domum splendor illustrauit, qui sensim se in sublime recipiens credit⁹ est splendentē recenti nitore morientis animã in cœlũ deportare; quã rem ipsi neophyto sed spectatorib⁹ ethnicis multo magis admirationi & stupori fuisse referebatur.

*Cruz admirabilis in
Varacami.*

*Baptismi Gm
miraculo
comprobata.*

Non absimile prodigium Facatę fuit in regno Chicugen. nam cum dynasta inde nostros eiecisset, & ex alio duo oppido Amangui satis illibens, & Imperatoris metu adactus, templumq; amplũ illud & percomodum solo æquari iussisset; insolito quoq; splendore cœlestique calculo res est improbata: nam continuas septendecim noctes fulgor admirabilis illustrauit, primum quã in parte principum

*Fulgor admirabilis per
17. noctes.*

valuarum peristylum sacrum Iesu nomen affabrè sculptum exhibebat. Aduersa ex parte planè ex æquo oppositi tres ignes alij cernebantur, quorum qui medius erat, reliquos duos claritate superabat. latitudo ignium pedalis erat, sex cubitis in sublime consurgens: ad quod spectaculum toto illo tempore multi conuenerunt, & è nostris frater vnus, alijque domestici plures oculati testes prodigium spectauerunt, quod æquata solo per eos dies æde sacra nunquam alias deinde comparuit. Sed & aliud in eadem æde diruenda portentum fuit. Fabri petulantius inter diruendum Christi sacra & Ecclesiæ administros prosequentes, subitâ trium columnarum ruina, qua parte minus illam minabantur, oppressi tres, ipso momento perierunt, è cæteris saucios triginta sex ex illo numero breui mortuiros cæteri extulerunt: territiq; omnes à blasphemis deinde scommatis, diæterijsque sibi temperarunt. Dynasta ipse ausus non est è lignaria ædis strue in vsus suos quicquam conuèrtere, sed vniuersam scaphis impositam Nangalaquium ad nostros voluit deportari.

Ethnici blasphemii tres oppressi de repente, 30. ad mortē sauci.

Dynastarum quorundam fauores Christiana et ante proædit.

In Regno Chicungo, Xanagauæ domicilium nostrum eadem tempestas inuoluit, quam dynasta quoque, quàm diu potuit suo fauore suspendit, ac tandem vbi se suaque, ni faceret, in discrimen videbatur adducturus, multis se apud nostros excusans eos per officiosè dimisit; ædem tamen sacram ac priuatas, adhibitis, qui eas curarent, certis hominibus, intactas esse mandauit, nec adduci potuit etiam ab vxore rogatus, vt eas sacrificulo nescio cui traderet, quod diceret, se breui nostros, cum primùm liceret, ad se reuocaturum; & apud similes dynastas nostri maiore libertate suas excursions ad visendos subindeneophytos exercent.

Apud Bungenfes tria nostrorum domicilia steterunt illa quidem, etiam hoc anno; sed postulante regulo, exercitiorum publica libertas non nihil est imminuta, quod Euangelij cursum stitit quidem, sed non planè siccauit.

Firoximæ dynastæ fauore Christiana res solitum cursum tenuit, nihil imminutâ inter tot procellas libertate; nam tametsi non defuerint obrectatores, qui omnia euerfa voluissent, illis tamen surdas aures præbuit, & vt beneuolentiam augetet, submissa Orizæ magna vi, cæteroque sumptu, magnam partem domesticæ tenuitatis

tis

et laxauit angustias. Publica igitur neophytis defuere pro fide certamina, priuatim quidam fortiter decertarunt. Christiana virgo nubilus ethnico marito per fraudem datur, qui se fingeat esse Christianum, in cuius ædes cum aduenisset, detecta fraus est: Ethnici ritus acriter suadentur, frustra. domi recluditur, incassum; nemo ad eam solaturus admittitur, ipsa sibi sufficit tanta etiam moderatione, vt nullum irati animi signum in ea posset deprehendi. Tandem cum ærumnis colluctata morbum contrahit, lentæque febricula sensim contabescit, & res iam ad extrema deuenerat, cum miseria mortis imminenti miserationi tandem locum dedit. Sacerdos noster eius rogatu admittitur, expiatur, moritur. Christianè, tantumque sui desiderium virtutis admiratio reliquit, vt Christianum mortuæ funus curauerint: vestes ac cætera eius supellectilem velut sacram tangere veriti religioni sibi duxerunt, nisi eam ad nos remisissent. ac deinde octiduo post veritati diutius oppugnatae modò cognitæ manus dantes maritus ac frater in Christi castra transferunt.

*Christiana
Virginis
ethnico per
fraudem nu-
pta passim-
tia.*

Alia mulier infantis ethnici nutrix adduci nunquam potuit, vt à fide deficeret; in arce degebat solita matronarum solitudine de-
tenta, neque illi cum vilo neophyto facultas erat colloquendi, ergo cum dies abirent ac menses, ipsa sextæ feriæ sabbathique ordine, la-
bente memoria, excidit, tantæque fuit in ea Christianorum rituum
obseruatio, vt carnum sibi edulia perpetuò interdixerit, ne si ali-
quando vesceretur Ecclesiastici præcepti vim etiam ignara viola-
ret, eaque res duodecim totos annos tenuit, donec illi tempus sa-
cramenta suscipiendi commoditatem dedit.

*Absinentia
à carnibus
singularis ob-
seruantia.*

Excursione quadam ex hoc Firoximæ domicilio sacerdos nos-
ter incidit in rem nullo modo prætermittendâ. E regno Chicuien
neophytus quidam pulsus duodecim iam annos totos exulabat, is
in regnum Nagato veniens viculum quendam familiarum septua-
ginta reperit, in eoque sedem sibi delegit, eo consilio vt incolas ad
Christi fidem adduceret. Res illi successit ex voto, nam conciona-
toris partes agens, ad Christum adiunctos, sacerdotis penuriam
supplens omnes ritè baptizauit, ethnicosque inde ritus ita proscri-
psit, vt nullo alio nisi Christiano nomine, laponesibus exclusis, vo-
carentur. Fortè non procul inde sacerdotem nostrum transire fa-

*Neophytus
exul scilicet
integrum cõ-
uerit, bap-
tizauit, Chri-
stianè instruxit.*

ma vulgavit, qui ab ijs euocatus, cum in vicum ex itinere deflexisset, dubium an lætitia magis quam admiratione correptus fuerit, ita ritè baptizatos, ita Christianè instructos, ita obseruantes inuenit. Ut igitur cætera suppleret, Missæ sacrificio nondum ab ijs viso neophytos recreauit, pœnitentiæ sacramento tum primum expiauit; ceteraque addidit omnia, quæ deesse videbantur. Erexerant illi honesto in loco crucem ad quam oraturi conuenire, litanias decurrere, statis se diebus flagellare, defunctorum corpora inferre consueuerant.

Quid hoc anno Miaci.

Apud Miacenses pacata hoc anno omnia solito cursu pergebant; hoc peculiare, quod nunc primum in Dairi regia Christianæ fidei rudimenta ipsius mater, vxor, matertera inaudierint, iraque probauerint, ut in ædes sacra nostra curiosius omnia contemplatæ, spem fecerint illius suscipiendæ; nisi annui census amore quem è prophanis cœnobijs, quibus præsunt aliquæ, alijsque impedimentis tenerentur. Ibidem Iusta Ioannis Arimensis quondam vxor Miaci viuit ab exilio reuocata, suam retinet pietatem, nec adduci potuit à consanguineis Dairi familiaribus ut Christum eiuraret. Iulia in deserta sua insula, eadem semper animi fortitudine tolerat exilium, tēque diuinis gaudijs orationi apprimè dedita solatur. Fuximi, Sacai, Ozacæ, quæta omnia. E neophytis Fuximi vnus vir nobilis suo sumptu alit quatuordecim illos aulicos ab Imperatore proscriptos, neque ab ea re fortunarum aut capitis discrimine deterretur. Atque hîc Anni huius res gestas claudimus ad maiora paulatim pro-

Libri Secundi Finis.

DE

183
D E
CHRISTIANIS
APVD IAPONIOS
TRIVMPHIS

Anno Domini cio dcc xiv.

LIBER TERTIVS.

QVIBVS EX CAVSIS IMPE-
rator auctum furorem in Christianos
renouarit.

C A P V T I



Vi tragœdias scribunt, eas in suos actus & scenas
ita partiuntur, vt à leuioribus malis ad atrociora
continuo velut incremento delati catastrophæ
eò perducant, quò altius fortuna sæuiens vix pos-
sit intumescere. Hanc ego tragico comœdiâ scri-
bens, nihil habeo quod de continuo laborem in-
cremento, res enim ipsa hunc ordinem secuta i-

ra succrescit, vt quæ præcesserunt præludia dici possint futurorum;
verum in fine deficiens pro catastrophæ coronidem nobis applau-
sumque suppeditabit.

Antehac Arimæ serè aut in regia vtraque sæuitum, regna cete-
ra fragorem potius quàm calamitatem sensisse dici possunt. Et qui-
dem Miaci, Ozaæ, ceterisque in locis, quæ Cami nomine inclu-
duntur, apud Bungenfes, Fingenfes, Fijenfes, & alibi, vel antiquo li-
ber-

bertatis torrente Christiana res voluebat, vel conuiuentibus dynastis Euangelij cursus nonnihil sistebatur potius quàm arescebat. Nam tametsi plerisque in locis fulgetra quosdam priuarim perstringebant, & vbiq; non vanitimores angebant, in solo tamen metu fere mala sistebant, neque ita mordebat Cerberus, vt latrabat. At nunc & deinceps ex omni simul plaga ingruente procella, Iaponense cœlum obuoluetur, & vnico impetu tempestas præfens occupabit vniuersa (quæ hoc libro describemus prope ad finem, qui cœlum rursus ab iteris nubibus aperiet) Nunquam alias æquè scuitum, nunquam aliàs æquè se procella diffudit.

Anni superioris ab Imperatore quies sopitæ tempestatis benignum sidus ostentabat, donec ab Yendo alterâ regiâ secundus ab Imperatore furor in Arimensem agrum delatus, prout retulimus, vtroque sæuisset. Atque vtinam seipsa contenta lues nihil vltra suos limites mali contagione vulgasset, tolerabile fuisset, quod cum tanta Dei gloria coniunctum optari potuisse videbatur. Verùm ex hoc iterato furore accidit, quod in morbis, qui maiore periculo recrudescunt. Non ferebat annos iam sexaginta quinque, ex quo Societatis nostræ opera nouale hoc eruderatur, humanæ salutis hostis implacabilis, tot sibi quotidie prædas eripi, & Iaponiam sensim in cœlum emigrare, quæ nuper nullum aliud iter nouerat, quàm quod eo doctore ac ductore in Orcum didicisset, & diuinorum iudiciorum venerabilis homini potius, quàm scrutabilis profunditas huius Ecclesiæ tentandæ tempus designarat. Hinc omnis causa peti ac pendere debet; nam cæteræ sunt primæ huius causæ, quæ cum illa conspirant, adiutrices. hoc solum inter vtrasq; discrimen inuenio, quòd etsi secundæ causæ peccent committendo, prima nihil peccat permittendo, cuius sapientia fit, vt mala nostra ipsius bonitate in meliora translata quodammodo corrigantur. Nihilo tamen minus, quibus causis permota mortalium malitia eo vsque sæuiorit, ad historicum pertinet expendere; non ideo tantùm, quod ex ijs rerum series texti debet, sed vt etiam constet, quanta innocentia morumque integritas hæc ipsa certamina cohonestarit: cum multum referat ad malorum quæ patimur solatium, cum sola pœna sine culpa conflictari,

Primum

*Causa remotiores.
Dæmonis inuidia.*

Dei permisso.

Primum itaque proponamus nobis Imperatorem simulacris
 additissimum hoc ipso à Christi sacris abhorrentem, quæ non vt
 cæteræ Iaponensium sectæ, secum reliquarum sacra patiuntur, nec
 ita se tueantur, vt tamen alia non evertant. Sed arca Domini ab eo-
 dem Maiestatis ac diuinitatis throno Dagon excludit, & Christi re-
 ligio sectatoribus suis ita salutem promittit, vt ab ea cæteros inter-
 cludat. Proponamus nobis eundem non vno religionis titulo Chri-
 stianis aduersantem, sed qualem initio proposuimus, suspicacem
 in ea parte, quæ regum pupilla dici potest, quæ sola refugit quodli-
 bet aliarum rerum etiam in solo contactu consortium: ea est impe-
 randi libido, quæ id omne metuit, vnde vel ex umbra territatur. Pro-
 ponamus denique hunc ipsum ita seipso comparatum, ijs quotidia-
 no conuictu congressuque vallatum, à quibus ipsi Principum nu-
 tus adorantur, qui cum ipsi quoque eadem scabie laborarent, quid
 mirum si quoties pruriebat, se mutuo perficerent, malumq; ipsum
 augerent renouando. Nunc quid hac ratione nutantem proximè
 impulerit ad ruinam expendamus.

*Imperatoris
in Christianis
nos odium.*

*Eiusdem for-
speciones.*

Post aulicorum suorum proscriptionem nihil amplius moue-
 rat Imperator, neque de re Christiana nisi fortè apud Arimenses in-
 centore Sasioie admodum laborabat, cum ecce tibi rumores in fi-
 lij regia excitati sopitum intra cineres incendium prodiderunt. Ne-
 gligi à Christianis Imperatorum edicta, plus apud eos posse barba-
 rorum mystarum auctoritatem, quàm suprema Iaponensis reipub-
 licæ imperia, in media vrbe palam ipsi principi repugnatum, nihil
 eum clementia, nihil minis, nihil tormentis, ipsaque morte impe-
 trasse. Neque hanc pertinaciæ notam paucis vnus vrbes ciuibus
 irrogatam posse in fauorem eleuari, cum non ita multò post apud
 Arimenses grauiora contigerint, vbi nihil dynasta precibus infimis,
 nihil puerilibus ad indignitatem lachrymis à suis impetrauit: ne vt
 ad vnum duntaxat diem conuiuerent, & principi suo res suas
 tuerentur; in ea pertinacia lentos ignes cum gaudio non à mili-
 taribus solum animis, sed à debiliore sexu, ab ætate teneriore ita to-
 lerari, vt à cæteris optantur quæ sibi quisque conducibilia arbitra-
 tur. Incidit tertium intra idem tempus Christianorum scelus, quod
 sectæ suæ reum scelerum suorum legibus pœnas dantem nullo re-

*Traducen-
tur apud Im-
peratorem
Christianis,
et qui edicta
contemnant:
vt pertinaces.*

vt impij.

ligionis prætextu adorarint. E quibus quis non videt eam legem, quæ Principum est contemptrix, quæ pertinaciter mori decorum arbitratur, quæ reorum infamiam numinum cultu cohonestat, ex ipsa orci face sentinâque in orbis perniciem exhalasse. Et ut sapienter, velut sibi videbatur, & ex legis Christianæ adytis dicta confirmet, ineptè blasphemus Sasioie frater Christianos, ait, Deū colere, qui infami reorum supplicio inter latrones medius expiravit; hinc fieri ut ipsi ad Magistri similitudinem aspirantes, putent se non posse fato nobiliore interire.

*Ut Imperio
Iaponia pe-
riculosa.*

A lege damnata venit ad eas rationes quibus Imperia stabiliunt, qui videri malunt quàm esse sapientes. Quis ferat eam gentem cuius industria tanta est, ut prope balbutiens civibus nostris persuadeat patriæ religionis numina esse nomina, eos qui ea per tot ante secula semper coluerint, amentes vixisse, arduos interisse; cuius auctoritati cedunt multa ex ijs damnanti, quæ veneranda tot sæculorum usu antiquitas comprobavit, vilius esse propria quàm aliena manu mori, non esse iustum quicquid armis occupatur, coniugia coarctat, multâque alia persuadet, à quibus natura abhorremus. Sed quàm pertinaciter magistrorum suorum dicta retinent palpatum. Quid non ijs auctoribus perficietur, à quibus ciues nostri hunc in modum fascinantur? nihil est quod non timere possis ab eo cui persuasum est semel scelestos venerari, principes contemnere, mortem exoptare. Hæc aliaque multa coram Imperatore de Christianis disputata, id ab eo impetrarunt, ut eam legem impiam, periculosamque pronunciaret.

*Ut qui reos
adorent.*

Triplex igitur accusatio, aut una potius tribus euentis confirmata, inauditam legem nostram non iniquè minus quàm ineptè damnauit, quibus ut satisfactam superfluum puto apud eos, qui aliis oculis obiecta intuentur. Solum superest, ut vnde orta fuerit offensio quæ de adorato reo ferebatur subijciam. Nouembri mense anni superis neophytus quidam Nangasackiënsis ciuis Miaci actus est in crucem & alij quinque ethnici cum eo plexi sunt capite, eo quod argentum contra leges sine Principis consueto sigillo distraxisset. Eum aliquot Christiani ad supplicium comitantur eo consilio, ut adsint morienti, sicut & Bonzj suos ethnicos comitati sunt.

sunt. Et fortè cum iam Cruci alligatus lancea de more cor transuerberatur, neophyti qui aderant in genua prouoluti excurrentem animam fusis ad Deum precibus Christianè comitantur; quam rem ex astantibus ethnicis nonnulli satis imperitè venerationem cultumque interpretati iocosè sparserunt colireos ex Christianæ legis instituto. Ex quo araneæ aulicæ, & præcipue Sasioye, vt suam apud Arimenses crudelitatem excusaret, venenum suxerunt, ac Imperatori telis suis irriterito propinarunt; vnde si apes fuissent, caritatis inter Christianos mutux mellifluum suxissent fauum.

Ab alienatis in hunc fere modum Sasioye industria omnium animis infenso Imperatori superuenit ipsemet opportunus, is enim commercijs regijs in Emporio Nangasacquensi præpositus, dimissis aut exceptis quæ suis temporibus appellunt vndiquaque nauigijs in regiam recurrebat, inuenit Imperatorem venationibus occupatum. & à serijs feriantem. Incidit cum eo de Arimensibus sermo, quem, ne sibi deesset, non Christianos minus extinguere, quàm dynastam exturbare cupienti, ita texuit ad Imperatoris ingenium appositè, vt quicquid in Christianos iam diu coquebat, impetraret. Conclusa sunt igitur in Christiani nominis extremam perniciem, quæ subijciam. Religiosi omnes Europæi & indigenæ sacerdotes & Ecclesiæ ministri tota Iaponia expellantur: ijs eiectis templum omnia diruantur; Christiani omnes exscriptis vbique nominibus sermō modisque omnibus ad deficiendum à Christo laceffantur: qui reuerint tormentis atrocissimis vrgeantur, pertinaces moriantur, eorum corpora Christianorum cultui subducantur. Hæc anno superiore per Decembrem exeunte constituta breui ad Christianos eruperunt.

Imperator ab Sasioye inceditur.

Nonna contra Christianos decreta.

MIACVM. TRISTIS NVNCIVS ET VNA

primus procella turbo defertur.

CAP. V T II

Sasioie quippe primarius malorum incentor, vt facti huius inuidiam à se amoueret (quasi verò illius fraudes quemquam laterent) nunciū expeditiuit, qui Collegij nostri Rectorem de tota

re admoneret. Literarum breuitas me admonet, ne illarum exemplar omittatur. Cursorem hunc expedio nulla alia ex causa, quàm ut te moneam, quòd Imperator cùm inaudisset Christianos reum illum, qui argentum informe distraxerat, & Miaci in crucem agebatur, veneratos, dixerit eam legem, quæ persuadet coli reos legum publicarum violatores, & latrocinij conuictos. eosque, qui à suis Principibus maectantur aut concremantur, legem esse à malis genijs inuentam, quæ ab illius ministris non sine immani scelere euulgatur. Eam rem ex animo doleo, dolorisque mei testem hunc nuncium expedio. Hæc Safioie. Idem paulo explicatius etiam constitit alijs literis eodem tempore ad neophytum transmissis, ab vno è familiaribus Imperatoris, à quo dudum neophytus ille alteri amicus ad eiurandam Christi legem sollicitabatur.

Christiani Miaci & vbique tota Iaponia Christi Domini Natalem magna celebritate peregerant, cùm biduò post Miacum tristis nuncius aduenit, è quo, tametsi sæpe timendo minus iam timere didicerant, sapientiores magna imminere mala coniectarunt. Collegij nostri Rector ad Safioie mittit è fratribus nostris indigenis vnum virum prudentem, qui de Miacensi reo explicet, offensionisq; causam diluat. Interim quia parùm in eo præsidij sperabat, in ceteris nullum; antequam vltèrius sciretur, aliquot è nostris temporè occultauit, ne cum nomina omnium exciperentur, tardius esset re desperata consilium, quod fuisse inprimis salutare comprobauit euentus. Frater noster à Safioie non reiectus solum, sed & increpitus, quod alieno tempore in regiam aduenisset, desperata iam esse omnia, extra Iaponiam excepto nemine pellendos omnes, nullum superesse deprecationi locum, aditum nullum ad rem restituendam posse aperiri. Et verè sanè, quod ipse qui clauem gestabat, aditus omnes occlusisset.

Prius Miacum, quàm tonantis Iouis fragor audiretur, fulgur præcesserat, rerumque futurarum metu consternarat. Nam Miacensis Gubernator die 27. Decembris anno superiore exeunte tota vrbe edixerat Christianos nominatim & sectarum Iaponensium sectatores separatim pro sua quemq; secta describi. Sed quoniam in solos Christianos faba cudebatur, quod vitandi tumultus causa

cœptum

Miaci describuntur Christiani.

cœptum fuerat, conquerentibus ceteris, momento conquieuit, & deinceps soli Christiani in tabulas referebantur. Ex insolenti factō dum coniectura veritatem venatur, adueniunt literæ Sasioie, ac paulo post aliorum, quæ rei veritatem, quæ inquirebatur, prodebant. Ea descriptio ex Yendo regia desumpta nouo inuento furo- rimateriam præparabat, ne esset qui se malorum atrocitati subdu- ceret, postquam aliorum pœnæ timere docuissent.

In hac descriptione certamen fuit Christianos inter ac descri- ptores edicti ministros; sed aliud quàm sperabatur; hi paucos ex- scribere laborabant, ex illis nemo se patiebatur excludi. Et quidem ubi familiarum capita suffecissent, filij, vxor, filiæ, famuli, ancillæ sua nomina obrudebant; quin pro ijs quoque sollicitæ matres, qui sui curam per ætatem gerere prohibebantur, lactentes infantesque adhuc mutos ipsæ matres prodebant, ne esset à tota familia, qui se Christianæ fidei subduceret. Ipsi quoque id temporis catechu- meni, quos nondum Ecclesia Christo pariens in fidei lucem eduxe- rat, pro Christianis exscribi se contendebant. Satis constat per eos dies ad sexaginta Catechumenos præperato partu iustum tempus præuenisse, præcōcēmque in baptismo vitam impetrasse, ne mori pro Christo non possent, qui Christo viuere nondum inchoassent, Prima igitur descriptione, tametsi multi sua nomina in tabulas re- ferri non impetrarant, supra quatuor millia numerus excreuit. Quam multitudinem non ferens gubernator (tametsi ab ea, quam Imperatori quadraginta millium dixerant, procul abesset) ne forte illi vitio verteretur, aut ne Christiani quibus illibens aduersabatur, acius vexarentur, eam descriptionem iussit repeti, & quam paucis- simos referri: nec tamen impetrari potuit, quin mille septingenti censerentur: tanta erat omnium concertatio, vt etiam qui se nulla sua culpa expunctos inaudierant, neque reclamarent, id sibi de in- de religioni duxerint, vt infra narrabitur.

Ista porro nominum exscriptio multa secum neophytis ad- ferebat incommoda. Primum enim cum illorum plerique in con- ductis ædibus habitarent, veriti qui eas elocauerant, ne religionis odium in ipsorum aliquam perniciem resili- ret, acriter laborabant, vt vel à Christo abirent, vel ab suis ædibus. Nec pauci fuere ita im-

Certatim omnes descri- bi volunt.

Etiā Cate- chumeni.

Quam in- comoda Christianis hac descri- ptio.

mites ut asperissima hyeme cum omnia gelu rigerent ac niuib. op-
plerentur, inquilinos suos eijcerent; quos sæpe contigit, cum di-
uersorij omnibus excluderentur vna cum familia tota in medio
vico sub louefrigido pernoctare, donec ab alijs neophytis excipi,
aut in alias ædes emigrare licuerit. In quo sanè officij genere alijs
alijs fidelem operam præstiterunt, & sæpe angustias suas caritatis
spacijs dilatarunt. Neque cum solis ædium dominis certamen
fuit. Eo ipso tempore Ethnici complures vel propinquitatis iure,
vel amicitie vinculo Neophytis illigati cum eorum periculum, su-
um putarent, acerrimè illos expugnandos sibi susceperunt. Sed illi
qui iam atrociora prælia spe, victoriasque nobiliores voto deuora-
bant, hæc facile præludia reiecerunt. Triginta totos dies ea descri-
ptio tenuit, quod spacium sibi neophyti feræ comparationi sepo-
nentes, ea sibi virium conquirendarum auxilia compararunt, quæ
deinde in futura certamina exerent; quas comparationes iam sæ-
pe cantatas nolim ubi præclariora me vocant recantare; & ut non-
nihil præludam, interim dum Christiani publico magistratuum
certamine laceffiti pugnant, vnum alterumque priuatorum prælio-
rum specimen prælibabo. Adolescens annos natus omniuo sede-
cim trimestre tirocinium veterani militis constantia cohonestauit.
Vnus in ethnica familia Christum nouerat, & spem pinguis cœ-
nobij patruo sacrificulo cesserat, quæ adolescentem præstolabatur.
Eam rem parens ethnicus tulit impotenter, & primo furore se pa-
trem oblitus filium suspensum atrocissimè flagellat, inde domo eij-
cit, exhæreat, nihil horum Christi causa recusantem. Interim do-
mi nostræ degebat donec à parente reuocatus sibi Deoque victor
pro arbitratu viuere permittitur. Alius à nobilissima matrona Tai-
cosamæ olim Imperatoris vxore sollicitatus illius gratiam ac fortu-
nas omnes ne Christum amitteret, libens amisit, resctioque crine
ne quid super flueret, omnia abdicauit. Illius vxor maritum secu-
ta tantis gaudijs incedebat, ut in ædem nostram pedes leucam pro-
pe gradiens accurreret, hac vna de causa, ut Deo de collato bene-
ficio gratularetur. Puerulus quidam tentatus à matre ita respon-
dit: Natas in fide mater? ego martyr esse volo, neque Christum ab-
dicabo vel si quidquid est rerum vbi que mihi efforatur, quibus ver-
bis

*Christianorum cum
Ethnicis amicitia corla-
mina.*

*Illustra ado-
lescenti cum
Parente
ethnico cer-
tamen.*

Alind.

bis contentam parentem cura liberavit. Sed nullus finis erit, si hæc minutiora persequar, ad maiora properemus.

MIACO NOSTRI NEC NON E RE-

liquis Cami partibus emittuntur.

C A P V T III.

IN hac neophytorum descriptione nostrorum quoque nomina *Nostri describuntur sed non omnes.* excepta sunt, eo consilio ne quis exilio se subducens procelloso tempore illius Ecclesiæ nauem è latebris suis moderaretur, naufragioque subtraheret. Sed non est consilium aduersus Dominum, cuius instinctu prælagus rector, ut iam dixi, præuenerat. Vix vnquã alias Miacensis nostrorum domus æque floruerat. Octo sacerdotes è nostris, fratres septem, alumni ad viginti eam incolebant, insolens in ea operariorum paucitate multitudo. Ex ijs sacerdotes tres; fratres totidem alumni sex exscripti, ceteri iam in suas latebras distributi exscriptioni publicæ, quæ satis obiter fiebat, subducti sunt diuino planè inuento, non enim nisi in hac multitudine id fieri poterat, alibi nostrorum paucitas piam fraudem excluderet. Hinc inde per vrbes proximas distributi nocturnis concursationibus omnia lustrabant, nec alicubi deerant, qui nusquam subsistebant. Volebant quidem omnes pio inter se certamine intra periculum leam relinquere. Sed Principi dari oportuit aliquid ne totum exigeret.

Ex ijs quæ de Christianis sancita nuper fuerant, seruato sensim *In proscripti- one seruamus ordo.* ordine singula seruabantur. Exscriptis iam Christianis pastores à grege separari oportebat, ut facilius in eum lupi sæuissent. Et quidem tamen si tota Iaponia proscribendos esse constaret, initio tamen Nangasacium dimitti iubebantur, ut ex eo deinde portu simul omnes solita soluendi tempestate ad suos renauigarent. Vnde fit ut rei ordinem secuti, sensim omnes comitemur, & exhaustis quæ alibi gesta fuerint omnibus Nangasacium accurramus exules reuifuri, & è Iaponia soluentes dimissuri atque solaturi. Nunc autem quoniam quotquot in Cami regione, id est Miaci, Ozacæ, Fuximi, Sacay versabantur in vnam exulum prope iustam classem conuenerunt, eos à se inuicem non iudicauimus separandos.

Que

Quæ de nostrorum exilio Decembri mense exeunte decreta fuerant, non ante Februarium insequentem cœpta sunt fieri. In cuius diem quartum ac decimum incidit ab urbano prætoris sententiæ legitima denunciatio. Iubentur nostri omnes intra septiduum Miaco excedere, quotquot exscripti nuper ad eam proscriptionem legebantur, Nangasquiū nauigent, ibique urbanis præfectis, ac totius prouinciæ præposito suo tradantur, donec sibi traditorum ratio exigatur. Interim sua secum efferant, ædes fisco relinquunt lapponensi de more instratas, ad efferendam suppellectilem nauigia ex publico designentur. Ea denunciatio quàm acerba nostris ceciderit, quàm luctuosa neophytis, cogitari malim, quàm explicari. Videbant illi se sua sede, quā annos supra sexaginta tenuerant ab eius auctore S. Xauerio, exturbari, quam in tanta temporum varietate toties desperatam conseruarant. Videbant hi se sacra æde solatio suo, sacrisque ritibus in posterum carituros. Iterum videbant illi se gregem lupis dispergendum dimittere; hi pastores suos importunissimo tempore sibi subtrahi deplorabant. Ingens igitur per eos dies in ædem concursus fuit, diurna simul nocturnaque Sacramentorum expiatio, pia collocutio, ceteraque huiusmodi, quæ in pari casu eadem ubique contigerunt.

In his auolant dies constituti, & primus supra vicesimum tristis illuxerat, cum ad Sacrificium magno numero conuenerunt, in quo fluentibus per ora lacrymis, compressisque singultibus dolorem testati, secum taciti expendebant, se hoc postremum sacrificium publico ritu spectare, pro quo singuli se in sacrificium substituebant corpus corpori, & sanguinem sanguini reddituros. Expleto per otium Sacrificio, ad exuendam suis ornamentis ædem, & sacro apparatu aram deuenitur: nuda templi facies attonitos omnes ingentis horrore consternauit, post quem orta omnium comploratio lamentabili omnia complebat eiulatu. Eum nostri, tamen solatio indigerent, dissimulato dolore, temperarunt, appositæque oratione, ad malorum tolerantiam, ad meliorum spem prouocarunt. Inde domum dimissi quod comitari vetarentur, vix à socijs auelli potuerunt, ipsique se ad imminentem discessum accinxerunt.

Collegij Rector Pater Gabriel Matos priusquam abiret

ad

Iubentur nostri intra septiduum Miaco excedere

Christiani Galedicunt.

ad urbanum prætorem pergit, à quo benignè exceptus extremum auditur; ait optasse, se modisque omnibus procurasse, ne Imperator de nostra innocentia dimitteret inauditos. Id per eos qui aditus omnes occluserant, obtineri nunquam potuisse; quam ob rem se conceptis verbis pauca in eam sententiam scripsisse, ne veritati defuisse videretur; petere se pro continua in se, ac suos humanitate, ut scripti exemplum acciperet, & si quando res ferret, Imperatori legendum daret. Sperare se innocentiae locum aliquem & veritati fore. Prætor amicissimè respondit, & omnia liberalissimè detulit, quæ in eius essent potestate. Sed vana fuerunt omnia, non quod ipse in Christianos animo esset alieniore, quos imèrito vexari dolebat, ac dolere se præseferbat, sed quod aliena pericula pauci propulsent suo, rarique sint, qui apud Principes infensos innocentiae patrociniū veritatisque suscipiant.

*Rektor scrip-
tam prætori
defensionem
offert.*

Sed urgentibus discessum ministris proscriptos nostros in portum abducamus. Miacum interluit fluuius non maximus, quem aquæ suæ subinde fere deferrent, nisi ars in naturæ auxilium euocata eas intra angustiore alueum contraxisset, & nauigijs seruire coëgisset. Ad eum fluuium, quoties eluione alueum egreditur, transmittendum, pontes duo ligneo, sed visendo tamen opere, in suos arcus curuantur, ad quos celebriores vrbis vici feruntur. Ad eos pontes rei solent concurrenti multitudini ad exemplum sua supplicia ostentare; in celeberrimo ex ea regione vrbis littore Prætor nostros soluere iubet, ut nostrorum exilium tota vrbe constaret. Et quoniam in exportanda suppellectile locus innotuerat, in eum locum ingens conuenerat multitudo, sed ethnicorum ferè, quòd illo ipso tempore Christianos intra suas ædes adhibiti custodes detinerent. Et tantæ multitudinis non vnus erat sensus; sed plerique tamen nostrorum vicem miserati prædicabant, quæ vitæ innocentia tot annos externi homines in ea vrbe vixissent; nec vllus fuit ex astante hominum corona, qui fortunæ insultaret; amici autem multi dolorem præ se ferentes, vel muto silentio, vultuque tristiore, vel efficacibus verbis eum testabantur. Neophytorum autem, qui non pauci ædibus eruperant, tanta fuit comploratio ut soluere Paulus Mileto videretur. In nauigia tandem cum custo-

*Nostri Miacum
solunt.*

dibus impositi secundo alueo labi cœperunt. In utroque pontē spectatores erant innumeri, è quibus aliqui exigua petulantis plebeculæ signa cum edere cœpissent à militibus cohibiti conticuerunt, quorum militum cum suo duce tanta fuit toto itinere in nostros humanitas, vt non in exilium rei deportari, sed cum anticis animi gratia nauigare viderentur. Id habebant à Gubernatore in mandatis, & quidem hoc nominatim vt frequentibus conuiujs à duce inuitati dolorem suum fallerent, & iniuriæ sensum mitigarent.

*Fuximi &
Ozaca ex-
ilium classis
excreuit.*

Abeſt Fuximi ſexies mille paſſuum itinere, eo vbi peruen-
erunt patres è D. Franciſci familia cum aliquot Chriſtianis æquè proſcriptis
in nauigio præſtolantes inuenerunt. Ii quoque Miaceniſis cohortis
præſecto traditi vna cum noſtris nauigare cœperunt Ozacam
verſus, quæ ſeptem leucas abeſt, quo priuſquam illuceſceret appu-
lerunt, è quo portu in mare egredi Nagaſaquium verſus exules o-
por-tebat, ibique ad fluminis oſtium exulum claiſſis excreuit. Nam
præter ſacerdotes noſtros duos, adiutorem vnum, Catechiſtas tres
Ozacæ deſcriptos è Franciſcano ordine tres cum ſuis alumnis ac-
ceſſerunt. His adiuncti ſunt, ex aquilonariis regnis Sacerdos v-
nus è noſtris cum ſuis catechiſtis qui iam præceſſerat inde proſcrip-
tus, vt ſuo loco videbimus. Antequâ noſtri Ozaca ſoluerent Mia-
ceniſis collegij rector Vr-bano prætori apologiæ quâ ſcripſerat alte-
rū volumen dedit, cuius fructus in ſola vrbanitate conſtitit, propen-
ſaque hominis in Chriſtianam religionem voluntate, quæ poſtre-
mo cum quodam ſacerdote noſtro congreſſu non parum viſa eſt
accreuiſſe. Dicebat igitur valedicenti, duo ſe in Europæis ſacer-
dotibus admirari, alterum quod tot pericula ſponte ſuſcepto per
tot maria exilio contemnerent, alterum quod cum tanta vitæ inno-
centia tot mala tolerarēt. Cui noſter ita reſpondit, ſe hæc ipſa peri-
cula, quæ adirent, hæc ipſa mala, quæ tolerarēt per tot maria quæ-
rere, quod apud ſuos ea nō inuenirent: Ex quo, aiebat, Iaponiā attigimus,
viti caput im-poſitū credimus, q̃ deuiter cōtorta vite facilè detraha-
tur à ceruicibus. Habere ſe tamen aliud q̃ ſentirēt, vnā ſcilicet filio-
rum quos Chriſto pepererant orbitatem, ac ſi è noſtris aliqui, quod
facimus, latebras quærimus, non metu, ſed eorum commodis pro-
uocamur.

*Ozaca Præ-
tor duo in no-
ſtris admira-
tor.*

nocamur. Obstupuit ille affirmans, eam rem sibi tantam videri, ut, aiebat, cupiditas mihi tantæ legis discutiendæ ingeratur, quod facturus sum, ubi sese remiserit hæc procella.

Soluit tandem Ozaca iusta proscriptorum classis nauigijs seprem exportata, præter alia quibus duces militesque vehebantur. Et postquam dies octodecim pari semper ducum beneuolentiæ nauigassent Nangasacium tenuerunt, ibique singuli magistratibus *Exules Nangasacium perueniunt.* urbanis, suisque superioribus traditi excenderunt. Duces autem accepta totius rei fide publica Miacum redierunt. Nostri quatuor domicilijs excepti & in vicinas sedes distributi cum alijs, qui ex varijs deinde partibus aduenerunt, rei finem præstolabantur. Nos ad eos deinde suo tempore redituri, nunc ad Miacensium neophytorum pro fide certamina redeamus.

POST NOSTRORVM DISCESSVM QVDD
Miaci contigerit.

CAPVT IV.

EXscriptos Miaci neophytos intra suas ædes excubitorum fides cassetuabat donec ab regia iuberet Imperator quidquid conspectis nominibus furor suggessisset. Ferunt eum conspecta multitudine, quæ ad tantam nihilominus sese contraxerat paucitatem satis impotenter excanduisse, & Miacensem prætorem acriter fugillasse, quod eius incuria, eorum qui sua imperia spernerent (ita Christianos describebat) tantopere turba succreuisset. Noluit igitur illi plectendorum, aut potius sollicitandorum neophytorum negotium committere, ne segniter ab eo transigeretur, cuius immodica lenitate malum paulatim irrepserrat. Habebat in aula filij principis moderatorem (Sangamidono dicebatur) ducem in paucis strenuum, cui si hoc negotium committeret duo sibi consecutus videbatur, nam & suspectum sibi magnatem honesto prætextu à filio amouebat, absente arce sua nullo tumultu priuaturus, quod habebat in votis, & Christianos tanti nominis duce in sui perniciem misso perterritos, sine viâ sine sanguine, sibi dijsque patrijs restitutus credebatur. Ergo cum selecta trecentorum *Imperator Sangamidono cum trecentis militibus Miacum misit.*

militum equitum ac peditum dimidiata manu, ducem, vt Christianos insequatur, amandat, non Miacum solum, sed & in reliquam Cami regionem. Et quia sperauit rem posse sine suppliciorum atrocitate confici, nullam ei proscribendi macandue facit facultatem; sed hoc postremum quod omnes initio ignorabant, euentus declarauit.

Sangamidonus igitur imperatoris fraudis ignarus ita veniebat, vt sibi de hoc munere gratularetur, & gratiam ex hac neophytorum persecutione venaretur. Miacum 26. die Februarij formidabilis ingreditur; & ne iniectum pauorem otiosa intermissione remitteret, die insequenti ædem nostram sacram, aliæque sacella duo, quæ hucusque steterant, magno tumultu diruit, & egestam inde lignorum congeriem ad fluminis ripam sub urbem mittit, eoque ipso die edicit Christianos omnes, quotquot Christum suum eiurare, & in patrios ritus coniurare renuissent, hac ipsa ædis suæ congerie ignibus correpta simul absumendos, & ne qua mora esset, pertinaces sibi ad supplicium columnam dedolarent. Nullus fuit vrbe tota, qui Sangamidonum nosset, cui non hæc agi seriò viderentur: & tamen neophyti non solum non hoc primo metu consternati titubarunt, sed rem sanè posteritatis memoria dignam aggressi tyranno vnâ rei conficiendæ desperationem reliquerunt; neque enim solum sibi multi columnam suam illico compararunt; sed ne dubitari posset, quis exuri potius vellet, quam Christum eiurare, aliqui suas columnas pro foribus statuerunt & sæuienti tyranno conspiciendas obiecerunt. Generosa est diuina virtus si cuius animum semel occuparit. Ecce tibi non superliminaria paschalis agni sanguine conspicua, vt angelo percutiente sine vulnere transfiliantur, sed ad proprij corporis sacrificium columnæ iam incendia prouocantes, ne sine vulnere à tyranno negligantur. Iucundum planè spectaculum, cum tot columnæ prostarent eorum, qui Christum professi ad nobilissimum funus aspirabant. In eaque re tanto à neophytis ardore certatum est, vt non defuerit, cui etsi paupertas columnam negauerat, sibi vestimenta detraheret. Fœminam ferunt Zonæ suæ præcio columnam comparasse. Sed omnium vota Sangamidonus elusit, cum sine suis victimis ingloria ligna intra dies

Sangamidonus ædes sacras diruit.

Christianos omnes comburendos edicit.

Christiani columnas ad quas exurantur pro foribus statuerunt.

dies paucos publico damnauit incendio, in quorum conspectu conceptum dolorem sibi neophyti deterfissent, si vna cum ædis suæ fauilla liberas in cælum animas emittere licuisset.

Ex præclaro Christianorum facinore tyrannus alia nulla re minus quàm mortis, cui se deuouerant omnes, metu deterrendos intellexit. Prætoris igitur vrbani, qui suorum ciuium sensa pernouerat, consilio vsus imposterum aliam debellandæ religionis inuit rationem. Vicorum præfectis mandatur, vt singulos, adhibitis propinquis amicis, precibus minisque eo lacefferent, vsque dum nomina sua publicæ descriptioni detrahi permitterent; quod si renuerent, nihilominus expungerentur, sparso rumore, quod expungi se permisissent. Huius fraudis scopus is erat auctoribus, vt Imperatori nominum falsa obliteratione satisfaceret, quem vera descriptione offensum fuisse constiterat. Irruunt igitur omnes eodem tempore in Christianorum ædes imperata facturi. Et primo è sacra suppellectile, quam apud eos inuenerant, harpastum exercentes omnia diripuerunt, tum ad suas artes conuersi, quid non fecerint facilius erit expendere, quàm quid fecerint explicare. Decem totos dies ea concertatio tenuit hoc euentu, quem triplicem esse si dixerò, nihil prætermittam. Primi precibus minisque cedentes Christum quidem apertè non eiurarunt, sed vt è libro vitæ nomina expungerentur, parum generose consenserunt: Alteri non hoc quidem permisserunt, sed per vim ab alijs factum parum cordatè dissimularunt. De his erit suus alibi dicendi locus. Nunc eos solos canimus, qui neque expungi voluerunt, neque dissimularunt, sed, cum fieret, fortiter reclararunt, & fraudem omnem, qualis qualis esset illa, exhorruerunt, & iudicum iras suppliciâque animosè prouocarunt.

Vicus erat in vrbe Miacensi, quem Christianorum appellabant, ideo quod eo in vico præter vnum ethnicum ceteri Christum profiterentur, quod nobilissimo quondam viro arcis vnus præfecto debebatur, exemploque superstitis coniugis Mariæ conseruabatur. Eum sibi vicum fidei hostes acrius exagitandum, de quæ sua firmitate deiiciendum frustra susceperunt. Primum duas familias, quarum capita Christianorum duces esse non ignorabant, extra vicum eiecerunt, vt ijs sublati minus ceteri repugnarent. Sed illi nihilo

Vicorum præfecti Christianos sollicitant.

Christianorum tria genera.

Miaci vicum Christianorum dicunt.

secius artes omnes minasque constanter eludentes, tertio chirographum suæ constantiæ rogati tertio tradiderunt, tandemque in verbórum auxilium ministri operam euocarunt. Nam tertio Martij Prætoris vrbanī famulus è primarijs, heri sui, & Sangamidoni nomine in vicum venit, ædibúsq; suis Christianos omnes educit, arreptasq; illorum vxores ac filios intra stramineos saccos Orizę vel tritici receptacula, singulos imponunt, funibúsq; fortissimè colligatos omni membrorum motu destituunt: viginti septem primo furore constricti, & in vnum omnes cumulum alij super alios iniekti. sed paulò pòst cum appareret aliquos superimposito pondere præfocandos, singuli iuxta se mutuo dispositi longum ordinem explicarunt: totum eum diem noctemque detenti spiritus ardore frigus acerrimum niuesque depluentes sub dio temperarunt. Non defuere qui tormento huic vna cum ignominia coniuncto in oratione defixi preces adderent; sed nemo repertus est qui cederet. reperti sunt etiam pueri aliquot qui supplicium illud precibus importunis ad parentum suarum similitudinem flebiliter impetrarint.

Die insequentī redeunt iudices & à fœminis puerisque victi ausi sunt cura viris certamen suscipere, spem aliquam ab ipsa desperatione mutuati. Exclamant igitur maritos qui suarum coniugum iniuriam non sentiant virorum appellatione indignos videri, nec indecorum esse, vt in fœminarum locum semiuiui vocarentur. Ergo dissolutis alijs ipsimet intra saccos eisdem arctissimè vincti compinguntur, vrgentur deinde vt Christum abdicent, sin fecerint fore vt tota vrbe in eo habitu palis impositi baiulorum humeris deferantur. Sed cùm æquè omnia reiicerent, ethnicorum cuneus ex composito euocatus accurrit, qui fictis precibus facile exorant vt soluti vinculis sibi tradantur spondentibus se defectionem à Christo procuraturos. Nec valuit ad eam rem impediendam quod fortiter ipsi neophyti reclarant, cum tota res ex composito ageretur. Traditi ergo ethnicis ne verbo quidem ad deficiendū à Christo sunt laceffiti: & tamen à ministris clam libello expuncti numerum iminuerunt, sparso rumore quod à fide defecissent. Alibi quoque simili saccorum ignominia supplicioque certatum, de quibus multa dicenda superessent, si nihil esset omittendum. Sed omitti

non

Christianorum vxores ac filij in saccis stramineis colligantur.

Viri in eosdē compinguntur.

Soluntur & libello expunguntur eorum nomina.

non potest Benedictus, quem domi suæ velut frumentum Christi compactum spiritus ardor continere non potuit, precibus, clamoribusque. ut in publicum educeretur obtinuit: sed cum illi ad tegendam iniuriâ vultus intra saccum reclusus ab amicis fuisset, tantum effecit, qua poterat membrorum contorsione ut caput erumperet, seq; transcuntibus proderet cognoscendum, ideò quòd honori sibi, non dedecori duceret in Christi causa ludibria tolerare.

Quid dicam autem de foeminis alijs atque virginibus in quas maximè tyranni sese furor exeruit? Illæ duce Iulia matrona grauiissima voto castitatis ritè concepto (neque enim apud Iapones hoc tempore Christi consilia ignorabantur) communem vitam in pietatis exercitationibus sanctissimè traducebant. Iulia porrò postquam præmaturam viduitatem ethnicorum cœnobiorum austeritati annis quatuordecim consecrarat, iam ante annos prope viginti Christum agnouerat, primâque Christianæ vitæ tirocinia sacrificulorum odio, quod simulacrâ quædam Vulcano tradidisset, futuris præludens consecrarat, ac deinde cœtum hunc Christianæ perfectionis æmulatione coëgerat. Eas quod nescio quid sacri habere viderentur, ethnici atrociter aggressi, splendorem virtutis non hebetarunt, sed acuerunt. Ergo cum iuniores huius tempestatis initio nebulonum libidini subduxissent, seniores extra pudicitiae aleam positæ ad martyrij coronam adspirabant.

Ad eas expugnandas quinque dierum mora laborem lufit: exponebatur ijs optatam mori cupientibus mortem defore, sed audas petulantis plebeculæ ludibrio per vicos exponendas, ac postmodum singulas separatim ut auxilio solatiòque mutuo priuarentur proscribendas, nisi sua expungi nomina non negarent. Illæ verò; si expunxeritis, inquit, vicatim excurrentes inclamabimus esse nos Christianas, fraudemque nobis ac Imperatori fieri propalabimus. Hac illæ constantia cum carnifices euocassent, ubi senserunt aduenisse, obuiz occurrerunt, momentoque in saccos compactæ, omnique per vinculorum atrocitatem motu destitutæ, baiulorū humeris è sudibus suspensæ per celebriores vrbis vicos nō sine militū manu armorūmq; strepitu gestabātur. Eductæ sunt in suburbanū agrum reorum supplicijs infamē, in eòq; temerè iacentes diē illum,

Virgines sacra duce Iulia.

Compinguntur & ipsæ in saccos.

illum, & insequentem totum, contumelias, vincula, frigus niuém-
que hilarissimè tolerarunt. Inter spectatores aduenit sacrificulus,
qui sexum ignorationis notans earum salutem in se suscipiebat,
quem illæ risu iocisque à se remouerunt.

*Vnius fa-
ctum admi-
rabile.*

Admirabilis fuit vnus ex illis pro Christo patiendi ardor. nam
cum propinqui, vt vinculis saccoque suo eximeretur, impetrassent,
cum in parentum domum sella gestatoria inuitam reducerent, vi-
catim proclamabat, Christiana sum, inuita abducor. Ea cum in pa-
rentum ædibus sibi relicta esset, clam se non ita multò post subdu-
xit, & ad socias per decem amplius vicos recurrens, vnà cum sacco
suo, quẽm nunquam dimiserat, vt iterum vinciretur, exorauit, quo
facto nõ se solùm, sed socias, cum spectantium admiratione, recre-
auit. Die insequenti, sub noctem, iudices illas reuifunt, iubent vt

*Omnium ar-
dor Christiana-
rum se profi-
tensum.*

vinculis saccoque suis eximantur. Sed illæ iam ex alijs fraudem e-
doctæ senserunt id fieri vt de illarum defectione fama spargeretur;
Ergo inclamant, Christianæ sumus, nec hinc abduci nos patiemur,
nisi præeunte præcone Christianas esse nos vcatim publicetur.
Nec instantibus negari potuit. In humeros relati denuo terræ pro-
missionis botri, præconem adiuuabant succlamando, quoties ille
voce languebat. In neophyti domo depositæ sacram supellecti-
lem receperunt, ibi donec de ijs statuerit Imperator conquiescant.

*Sacci quid
portenderint.
Coniectoris
pronuncia-
tum.*

Et quoniam de Orizæ, triticique saccis ethnici tormentum
confecerunt, videtur oraculo non carere, quod per eos dies ethni-
cus coniector de hac ipsa re quæsitus pronunciauit, Orizæ tritici-
ue sacci seminis copiam notant, ea re multiplicandos Christianos
interpretor, quantumuis coarctentur; faxit Deus qui Caiphæ ore
vaticinium pronunciauit, efficiatque vt hæc frumenti grana non
sola maneant, sed fructum multum adferant.

*OZACAE NON ABSIMILI A CHRISTIA-
nis ardore certatur.*

C A P V T V.

SAngamidonus, cui Cami regiones commissæ fuerant, à pereгри-
nis Christianorum sacris expurgandæ, quem tenuerat apud Mia-
cen-

*censes ordinem Ozacæ voluit obseruari. Committit igitur prætori vrbis (Ichino Camidono dicebatur) vti Christianorum nomina curret exscribi; & licet solos negotiatores artificesque mechanicos in tabulas referri mandaret Miacensi prætore astutius, ne nobiles ac militaris ordinis viros contra edicta Christianos esse constaret; impetrari non potuit, quin aliqui ministros fallerent, & sua nomina traderent, ne huius coronæ tempestas illis absque fructu laberetur. Admirabilis fuit neophytorum ardor, nam, adeum nuncium multi quos negotia forte alibi detinebant, ea abruptantes redibant, vt profiterentur singuli in ciuitate sua, si quos alios negotia necessario prius auocarent, quàm in suum vicum descriptio perueniret, vltro præueniebant, datoque chi-
rographo ac redditus sponfione discedebant. Exscripti non
secus ac Miaci post discessum nostrorum, intra suas aedes asseruan-
tur: immissi quoque in eos propinqui & amici, vt verum esset,
inimici hominis domestici eius, hostiliter se gesserunt. Dicerem
pueros atrociter flagris cæsos, dicerem alios in antrâ domo-
rum angustissima redactos, aliquot dierum in ediam tolerasse, dicerem
alia multa; nisi toties recurrerent, & grauioribus locum cederent non illibenter.*

*Ozacæ des-
cribuntur
Christiani.*

*Eorum ar-
dor in pro-
fiteudi nomi-
bus.*

Vix bene nostri discesserant cum Ozacæ præfectus Sangami-
doni iussu in ædem nostram sæuiens, eadem qua Miacensem fortuna
damnauit: ligna in insulam, quam fluuius aperit, comportata
publico incendio exarserunt. Sed non est hic ausus Ozacæ quod
Miaci malè cesserat, dum neophytos iisdem ignibus conflagra-
tos minabatur: ne nihil tamen auderet, edici iussit omnes qui Chri-
stum abdicare recusarent, die insequentis mactandos. Vix credi po-
test quanta inter omnes exultatio, totus dies abiit in gratulationi-
bus, & cœpere multi quæ habebant in pauperes erogare, vt elec-
mosyna martyrij meritum cumularent. Incidit inter duos neo-
phytos lis in forensibus iudicijs inaudita. Sodalitij præfectus qui-
dam lethali ægritudine correptus decumbebat, & prope occum-
bebat. In cuius vicem noster sacerdos antequam abiret alium sub-
rogat. Ad ægrum peruenit nescio quis de postridiana Christiano-
rum carnificina rumor; & quoniam primi sodalitiolorum præfecti
petendi

*Sangamido-
ni ædem sa-
cræm dirui
iubet.*

*Christianos
omnes ma-
ctandos edi-
cit.*

*Æger sano-
ritem inten-
dit pro sube-
undo marty-
rio.*

petendi erant, sibi suffectum accersiri iubet, & coram aliquot neophytis æger sano litem intendit: cum adhuc viuam, inquit, oportet me in hoc fidei theatro præfecti personam sustinere: non fuit ea mens nostri Patris, vt me martyrio priuaret, & quoniam ægritudo me breui extinguet, alia nulla post hanc occasio semihî offeret pro Christo moriendi, si hanc neglexero, tibi prout res sunt, alia deesse non potest, præterquam quod Ecclesiæ Ozacensi minus incommodi ex mea morte, quàm ex tua, qui viuus & vales enascetur. hæc ille, aliâque ita seridè ac si de alicuius hæreditatis possessione adeunda litigaret. Alter autem auctoritatem nostri sacerdotis testabatur, eum iam ex præfectum excludi, quod sine præuio labore, præmia consequeretur, hoc illius voluntate fieri cuius in manibus sunt *fortes mea*. Sed dies altera litem diremit, dum vterque spe sua excidit, sed non merito, cuius præmium ita incensa cupiditas non amittet.

Vbi dies multorum votis bene ominatus illuxit, in reorum locum trecenti supplicij horam præuenientes præstolabantur, nec fuere plures, quod ceteros propinqui amicique domibus suis clausos ire prohibuerant. Aduenere iudices satellitio suo stipati, quos conspecta, tanta multitudine satis pœnituit irritasse crabrones. E toto nihilominus numero octo supra quinquaginta, reiectis ceteris, viri ac mulieres nullo fere delectu temerè seiunguntur. ij ad vnum omnes in saccos compacti & arctissimè colligati, prout apud Miacenses eodem tempore fieri narrauimus, delatq; ad publicam ignominiam secundum celeberrimos pontes exponuntur. Hos comitabantur ceteri vel palam suam fidem profitentes, vel neophytis currentibus calcar admouentes, quæ duo ne facerent nulli satellitū fustes impetrarunt, vbi erat atrocior verberatio eò concurrebant, verbera pro saccis in meriti compensationem accipere gestientes. In hoc Christiani frumenti acervo, grana erant selectæ nobilitatis germina: sed nemo nobilior Ioannè Reguli Auâ nepote, nemo illius coniuge Magdalena, æquè nobili, quam à cupiditate martyrij nõ imminens partus abortusque periculum deterruit.

Totum eum diem in hoc tormento transegerunt. sub noctem vnà cum iudicibus ethnicorum cuneus in fraudem corruptus accurrit, rogat iudices vt soluantur, sibi que sollicitandi tradantur: quod

58. in saccos
compacti.

Nobiliores
duo.

quod cum fieret, illis frustra reclamantibus, magnus omnium tumultus vocem extulit, defectionem inelamando. Dimissi ergo, præter quatuor & viginti, cæteri ad suas ædes redierunt, hi qui vinculis superfuerant, vt qui notiores ac nobiliores essent Christiani in custodias immissi sententiam ab regia mensẽ vnum præstolari multa patiebantur, sed magna tamen hilaritate sperabant à gratia, quod à natura formidassent. Ex vnius epistola operæ precium est audire vt Deum suum etiam inter tormenta spirarent. Ad Ozacensem nostrum Nangasaquium inter cætera vnus scribit in hæc verba, Decimo octauo lunæ currentis in publicam custodiam ego, coniunx ac tres filij compingimur, & nunc 23. dies labitur. Peto vt nostri sis memor in tuis sacrificijs, vtj nobis ad finem vsque constemus, non excidere nobis quas à te audiuius, pia meditationes, nos tamen peccatores spiritali quotidie communione reficimus, sacrificij salutaris nobis præsentiam proponentes, sanctè nobis apprecare, veniãque à Deo nobis impetra eorum quæ mente, quæ verbo, quæ opere deliquimus. Memores diuinorum in nos beneficiorum, labores non timemus, neque vitam æstimamus, imò has ipsas vires animũque quem in nostris pectoribus experimur Dei Beneficium esse intelligimus & laborẽ fructus ac præmia quos in educatione nostra Christiana subiisti, pro quibus ex animo gratias agimus. Audio socios reliquos egregiè sibi constare, quod mihi summæ est voluptati, dies noctesque illorum memini, finio postulans vt Deo nos commendes. Vale.

*Epistola soluta-
tur nonnulla.*

*24. in cus-
todias missi*

*Vnius ad Pa-
trem epistola.*

*Christiani
adversus
gentes*

Hæc Urbani Neophyti. Sed ipsi quoque suburbani certant ac vincunt. Illustre est in paucis quod subiungo. In vicino pago adolescens Christianus villico Fideyori Taicosamæ filij seruebat; is vt erat ethnicus audito eo quod in vrbe gerebatur mille artes adhibet ad adolescentem à Christo auertendum: sed cum omnia frustra tentasset in furorem versus adolescentem nudum ad sudem al-
ligat, & arundinum ardentium manipulis totum corpus lentè am-
burit, crudeliùs vitæ parcens in lento supplicio, quàm si breuiore
luctantem animam expulisset. Diu tenuit ea supplicij ratio coronã
invidens lenti sed atrocioris inde certaminis. Sed non defecit ani-
mus adolescentẽ etiã cū lentos inter ignes patientissimè torreretur.

*Christianus
adolescens
lento igni
non cedit.*

Ereptus est tandem supplicio ne morte lataretur, bonisque exortus insignem secum victoriam exportans exulauit. Excurramus nunc in reliquas Cami regionis vrbes, ad Miacenses, & Ozacenses exemplo redituri.

*FXIMI ET SACAIVM SVOS QVOQVE
pugiles exhibet.*

CAPVT VI.

FVximi Taicosamæ nuper Imperatoris sedes frequentior, arcem habet ex primis Iaponiæ, frangendo Miacensi emporio ac reliquis Cami regionibus aptissimam, eam duces quatuor tñentur sex præfidiariorum millibus instructi. Ea in vrbe nostri annos iam ferè duodecim sedem statuerant, sed quoniã regio diplomate nondum fuerat stabilita, retrusa in interiora æde sacra, priuatas ad plateam transeuntium oculis exposuerant, easque ciuis primarij nomine possidebant. Tenuit ea ratio annos omnino decem, donec ante biennium primo illo huius procellæ motu excussus noster sacerdos Miacum se recepit, & ne disturbarentur ædes neophytus ille, cuius nomine possidebantur, Marcum appellabant, in eas emigravit, sacerdoti nostro, qui Miaco ad festos dies pridie (abest enim miliaria omnino sex) recurrebat, interiora relinquens. Quod cum aliquot menses factitaret, remittente se primo illo furore, nõ dubitauit antiquum tenere, ad quem neophyti de more conueniebant nemine obstrepente, donec recrudescente malo compulsus est cum socijs, vt iam diximus, exulare.

Nominum exscriptio & cum propinquis certamina nihilo minore constantia quam Ozacæ vel Miaci processerunt, & hoc peculiare quod per eos dies non infrequens concursus fuerit ad baptismum, ita gratia de naturâ triumphabat. Multa mihi dicenda essent omnia persequentî, verum iniurius mihi in fortissimos Christi pugiles videbor & iniquus posteritati, nisi pauca selegero. Habebat Oquidonus imperatoris germanus frater, qui arci præerat vna cum alijs quatuor præfidiij ducibus militem verè Christianum Petrum nomine (de quo in c. 25. præcedentis libri egimus) cui quod

*Fuximi nostri
strorum sedi.*

*Exscribuntur
Christiani.*

quod multum fideret, beneuolus videri voluit, in eo ad defectio-
nem lacescendo, quo carebat illibenter. Varia praelia nihil intenta-
tum dimiserunt, donec ad extremum misit, qui hæc ei renunciaret.
Imperatoriam constitutum Patres ad vnum omnes proscribere,
templa diruere, Christianos omnes cogere, vt vel Christum vel
vitam abdicarent. quo ita posito, quid ultra præstolaretur aut spe-
raret extrema sibi denunciatione renunciaret. Miles ita Chri-
stianè respondit, Non suscepi Christi fidem vt Christianorum ce-
terorum societate gauderem; quod sine exemplo cœpisssem sine
exemplo conseruabo, templorum ruinas & sacerdotum exilia fe-
ram quidem grauati, sed si ad eandem proscriptionis pœnam vo-
cer, Deum qui nusquam deest licebit in exilio quoque reperire,
cuius vnus causa Christum me profiteor venerari. De cetero ne-
mo mihi inolestus sit, proscribi me oportet aut mactari. Nec mo-
ra, fortunis omnibus exutus iubetur. cùm duobus commilitonibus
exulare: Quorum certamen ac responsa ipsa rei similitudo, dum
reticet, enarrabit.

*Solicitanti se
Duci Miles
Christiano
respondet.*

Maioribus machinis Marcus ille nostrarum ædium inquilinus
impetitur. nam cum vir esset, atque haberetur, in pauperes benefi-
cus, cum quibus opes suas libens partiebatur, auctoritatem ex vir-
tute, beneuolentiam ex beneficio, sibi apud omnes faciliè compa-
rarat. Ne igitur tali ciue priuarentur ad eum retinendum omnes,
vt sibi videbantur, amicè sæuiebant. Alios vt rueret alia spes per-
mouebat, nam cum neophytorum facile primus haberetur, mul-
tum ad ceteros inuoluendos illius lapsus pertinebat. Sed conatus
omnes irriti ceciderunt. Ergo Nangasaquium tandem emittitur,
sed ille pro Christo patiendi cupiditate prouocatus, ab hac senten-
tia leniter appellauit. Aiebat Nangasaquij se amicis abundare, quos
domi suæ diuersari constabat, non esse aptum exilij locum, si ad
pœnam irrogatur. Sed quia Imperatoris metus non iudicium vo-
luntas reum emittebat, pœnam lenire potius quàm irrogare cona-
bantur. Nangasaquium igitur ire cogitur, qui optaturus putaba-
tur. Sed antequam solueret amici rem dilaturi iudices rogant Mar-
cum sibi tradi, sperare se effecturos vti resipisceret; & verò liben-
tissimè annuerunt. Sed Marcus post increpitos acriter amicos ad

*Marcus neo-
phytorum fa-
cile primus.*

iudices se contulit, affirmans operam ludi, se nullius amori hac in re cessurum. Ergo collacrymantibus ipsis iudicibus Nangasaquium dimittitur.

*Eiusdem cum
Exore exili-
um.*

*Iterata Exo-
rii certami-
na.*

Ibat Marci comes Marina coniunx, & adoptionis iure filiola cum famulis aliquot. Vbi Nangasaquium peruenisset, non diuturna fuit quies, qua ex causa non satis constat, nisi fortè ut nouo ariete viri constantia quateretur. Marina reuocatur, quæ res Marcum sanè pupugit Marinæ periculo trepidantem. Sed dimitti oportuit. Repetita igitur leucarum prope ducentas navigatione Marina cum filiola patriam repetit nouum certamen initura. Illa igitur capillitium deronsa, quod Nangasaquius soluens fecerat, iudicibus sistitur, quibus multa lacescentibus ira respondit, Si me hac ex causa Nangasaquius reuocastis, nunquam defecturam mactate, aut æterna seruitute damnate. Qua mentis firmitate tandem euicit, ut quo vellet abire sineretur, & mox Nangasaquium repetens tertia navigatione ter victrix & exul ad Maritum est reuersa.

*Neophyti de-
fectorum pali-
nodia.*

Ex his qui nomina sua è libro vitæ expungi parum generosè diximus permisisse, vnus Feizaimon Ioannes se deinde intuens vires animùmque collegit, cum quo reuersus ad iudices ita palinodiam recantauit, Feci quod non debui Imperatori iniqua iubenti obediturum ostentans. Eius me rei ex animo pœnitet ac pudet, Christianus sum, isque viuam ac moriar, vestrum est de me statuere pro arbitratu. Ea res iudices ita permouit ut atrox illi tormentum, quo defectionis scelus magno meritorum cumulo expiaret, extemplo compararint. Nam è publicis vinculis; quo ex priuata custodia migrauerat, eductum celeberrimo vrbis vico, ad palum conuolutis toto corpore funibus atrociter colligarunt, & ut acrius torquerent pectus illi arundinæ fasciis alligatur. Quinq; dies totos ieiunus, sub dio pluuiū per eos dies cælū tulit constantissimè, tamen nemo ad solatium cum eo colloqui sineretur. Expleto iam spacio quod citra mortē vltra non videbatur posse prorogari, soluitur in publicū carcerem quamprimum detrudendus, quo in pædore totum annum agens, insequenti scribitur capite minor martyrij palmam consecutus uti suo loco videbimus.

Interea dum Sangamidonus Christianos toto Cami persequitur

tur Imperatori obsecutus, ad Miacensem prætorem literæ veniunt quibus perduellionis ac perfidiæ reus ab eodem Imperatore declaratur, arce fortunisque omnibus exutus, præter tenues quos in Omi regno census habebat, eo relegatur. Et obseruatum est non sine stupore, cum arce sua exutum, eo ipso die quo Christianorum ædes Miaci concremari iussit. Ita nihil misero profuit, Imperatoris gratiam Christianorum venatione persequi, cum pro gratia exilium omniumque bonorum iacturam reportarit.

*Sangamido-
nus Christiano-
rum perse-
cutor fortun-
ni exutus re-
legatur.*

Sacay sesqui mense tardius, quàm alibi toto Cami describi cæpti sunt Christiani, ex eo quod gubernator ante nouum ab Imperatore rescriptum nihil mouerit. Sed tarditatem atrocitate compensauit, quam neophyti tales exceperunt, quales alibi sunt laudati; nec repetito; sed duo solum sine nota non sum ausus omittere. Gregorius in primis exscriptus, quia fidem sibi euelli minimè patiebatur, domusque recluditur, quarto post die velut ià capitis damnato compedes iniiciuntur & domus ianua ferreis clauis occlusa obseratur; dies duodecim adhibitis custodibus, asseruatur, apud quos etiam clausa ianua, ex fenestra declamans ita permouit, vt ab ijs ipsis fortiter occumbendū prouocaretur. Non defuere ethnici, qui conpedibus pedes exuere voluerant, sed ne fama desertæ ab se fidei hac occasione spargeretur, adduci non potuit, vt annueret. Educitur tandem post diurnam comparationē conpedibus impeditus, & manibus post terga reuinctis, aut exportatur potius supino super asserem corpore. Venitur ad locū supplicij, in quo rē seriò agi nihil dubitans Deo, sublata voce coram infinita, quæ ad spectaculū concurrerat multitudine, gratias reddit immortales, quod se tanto beneficio afficeret inmerentē. Tum sacra Iesu ac Marię nomina sæpius inuocans ceruicē præbet, intentatū sæpius frustra ictum præstolatus; hæc enim omnia terrendo, quod in mandatis aliud haberent nihil, nō iugulando pugili parabantur. Soluitur tandē satis inuitus, & in atreptam manū calamū immittentes inuitum chirographum per vim exprimebant. Verū ille laxatā manu calamum dimittens præstolantes elusit; & tamē excitato tumultu succlamatur. Defecit à Christo. Sed Gregorius altius vocē tollens, inuito murmure clarè exaudiebatur cū diceret, Nō defeci, sed nec deficiā, & tamē soluitur libérq; dimittitur. Nec ita multò post insigne facinus ethnici quidā admirati, Gregorium

*Sacay descri-
buntur Chris-
tiani.*

*Gregorius
doms sua
clauditur.*

*Cum morte
lucatur.*

Vincit.

rium

*Victor ab
ethnici de-
pingitur.*

rium in throno victorem pingunt, abiectis ad eius pedes viris decem à quibus delatus credebatur ad iudices, Inscriptio addita erat, Christianus permansit. Ea pictura ad delatores delata, magnam Gregorio ceterisque neophytis velut insultantibus inuidiam conciliauit, cui vt cederet, ne exasperatis ciuium animis grauius in Christianos sæuiretur, Nangasaquij ad hanc diem sponte exulauit.

*Sponte exu-
lat.*

*Sexennis pu-
eruli con-
stantia.*

Nescio an admirabilius sit in puero quod sequitur, quàm quòd in viro præcessit. Id temporis nullus sermo, nisi de martyrio inter neophytos: quid enim potius? Ergo parentes puerum sexennem Thomam vt probarent adorti dixerunt, Breui nos pro Christo moriemur, tu superstes quid acturus es? martyr ero, ait puer, non superstes. tum parentes: martyrium difficilius est, quàm putes, aut enim actus in crucem lancea cor transuerberaberis, aut lento viuus igne torreberis; si ferri candentis particulam manu tractare nō potes, quī poteris maiora tolerare. Tacuit puerulus & forcipes in ignē iniiciens candentes arripuisset, nisi parentes qui eum obseruabant, impedissent. quod ille ferens molestè non potuit à lacrymis cohiberi, nisi postquam audiuit, se iam satis animi habere ad martyrium tolerandum, ad quod euocati eum essent secum abducturi. Hæc igitur ex multis Sacay contigerunt, in quibus enarrandis interim dum immoramur de neophytis in fide sua pertinacibus vt aiebant ab Imperatore responsum aduenit.

*QVID CIRCA NEOPHYTOS QUI SIBI
constiterant sanxerit Imperator.*

CA P V T VII.

Miaci & Ozacæ plures in domesticis vinculis suæ in seruata religione firmitatis à tyranno, pœnam, à supremo Imperatore præmium expectabant. Ineunte itaq; Aprili ex aula rescribitur non vna in omnes sententia. Triplicem supra neophytorū classem insinuaui, Infimam eorum qui ex Christianorum albo nomina sua expungi consenserant, mediam eorū, qui non consenserant quidem sed factum dissimulauerant minimè reclamantes, supremam eorum, qui nullam remissioris animi notam, nullam fraudis suspicionem admisierant. In hos duplex rescriptum fuit. Nam Iulia cum

cum reliquo suo sacratione gynæceo Nangasacium amandatur, *Rescriptum ex aula in Christianos.* eandem cum patribus extra Iaponiam nauigaturis aleam sortitura; ceteri neophyti supremi ordinis in extremam Iaponiæ oram, ut moxidicam, relegantur. Infimæ ac mediæ classis, tametsi multum re ipsa inter se discreparent, nullum discrimen apud Imperatorem fuit, ideo quod æquæ omnes à Christo defecisse dicerentur. De his *Aliud in doctores.* hoc rescriptum fuit, ut eligerent è sectis Iaponensibus in quâ transirent, æque sacrificulis magistrum cuius se disciplinæ traderent recudendos, eiusque rei tum à discipulo tum à magistro scriptam sponsonem exigerent magistratus. Cum itaque tres neophytorum ordines in duos sese contraxerint, cum sequar ordinem, de supremo prius, de infimo capite insequente, de utrisque illustria sancti Christiani constantiæ facinora tractaturus.

Indicatur ergo Miaci & Ozacæ, ut ad certam diem quæ fuit Aprilis 13. Miacenses septem supra quadraginta, Ozacenses quatuor & viginti pro foribus palatii, in quo Miacensis prætor degebat, se *Sistuntur ad palatium 71. in exilium abitur.* sisterent, ex eo loco simul omnes cum armata militum manu exilium suum ingressuri. Exilij locus Tzugaru dicebatur, extrema Iaponiæ in Boream plaga, sua prope solitudine cæli inclementiam solique sterilitatem incusans. Ergo ad condictam diem neophyti unus supra septuaginta iustum agmen, omnes in ea veste quam sibi quisque lætissimam ad alacritatis indicium elegerant, pro foribus Prætoris constiterunt, ibique ab eodem traditi præfectis militum duobus qui dynastam tristicii exilij dominum agnoscebant, maiori exulum voluntate dimittuntur, quam præfectorum qui eos abducebant. Nam cum aduertissent, ex ijs plerosque nobilitate ac militaria laude conspicuos haberi, refugere cœperunt eorū curam cum exigua militum manu suo periculo suscipere, nisi vinculis aut inusto cauterio fugam desperaturi mitterentur. Subiit prætor, aitque. Facile apparet, vos huius sectæ scita, & illorum, qui eam profitentur *Prætoris de neophytorum constantia certitudo.* animos ignorare, quos ego fustibus ac vinculis non continebo, quin exilio damnati discedant, vos illos fugâ metuitis ut quærant libertatem; libertas in eorum manibus est, unico eam verbulo possent si vellent recipere, atque utinam in mea esset manu; tales animos à me non amandarem. Ite, pro illis ego spondeo, & fugæ damnū, si quod

Dd

crit,

erit, meo periculo præstabo. Omnes igitur humanissimè salutatores
 rebûsque ad iter necessarijs donatos, equites etiam illibens à se præ-
 tor amandauit. Forè subduxerant parentes ex proscriptorû nume-
 ro puerum, & equus vnus cum ceteri conscendissent, fessorem ex-
 pectabat. Eam rem præfecti nondum de fuga securi querebantur,
 quærebantq; quis è numero deesset; adolescens alius qui tum forè
 aderat diuino repente ardore correptus exclamat: nemo inquam
 deest, adsum ceteris: & alacriter in equum sponte exulaturus insi-
 lit, & pia sollicitis exulum præfectos fraude delusit: ac tametsi Pe-
 trum dici non nesciamus, huic etià A daucti prænomen præfigatur.

*Nomen A-
 dauctus lo-
 cum absentis
 occupat.*

*Educuntur
 in exilium.*

Ibant medio die per celebriores vicos in oculis clarissimæ ciuita-
 tis, velut castrorum acies ordinata. Filix Miacenses venite, & vide-
 te Christi confessores cum coronis quibus coronauit eos dominus
 in die solennitatis & lætitiæ. Nec frustra euocantur ad hoc spectacu-
 lum: concurrerat prope seseq; effuderat ciuitas vniuersa, cuius tam-
 etsi sensus fuit varius, in vna tamè omnes tanti facinoris admiratio-
 ne conuenerunt. Neophyti magno numero totum illum diè abe-
 untes persecuti pompam augebant, suamq; fidem profitebantur. I-
 ter ea die trium leucarum fuit ad ingentem lacum, quem à magnitu-
 dine Iapones aquæ potabilis mare appellant. In eo nauigaturi neo-
 phyti postera lucem expectarunt. Cum neophytis Miacū redituris
 nocturna fuit collocutio, tanto animi sensu erumpens vt inde ple-
 riq; animos quos postea præbuerūt credi possint resumpsisse. Opta-
 bant nostri cū proscriptis solatio futurū è numero suo, qui Miaci ex
 latebris rem Christianā procurabat, sacerdotem destinare. Sed alia
 nostrorum facies totiusq; oris compositio nihil à mutata veste se-
 creti habet. Ergo vnum ex alumniis indigenis, quorū opera in huius
 Ecclesiæ gubernatione vtuntur, rogat qui cæteris præerat, vt volun-
 tarium exilium pro Christo suscipiens, nostrorum vicem subire ne
 grauetur: quod ille, vt erat religiosus, aggressus est perlubenter; & vt
 erat rerum diuinarum bene peritus, perfecit sapienter.

*Exules Tz-
 ruga diu de-
 tenti.*

Intra dies aliquot ad portum vnde in Boream suam erant solutu-
 ri deuenerunt, loco nomen est Tzuruga in regno Yechijen. Et quo-
 niam nondum aduenerat solita nauigandi tempestas, multos dies in-
 dimidiatum vsq; Maium ibidem substiterunt. Operæ pretium est

cum

cum ijs tantisper immorari ac videre quibus exercitationibus exilij sui molestias fallerent, tamen si corpusculi labores augerent. Et quoniam per eos dies Miaco & Ozaca plurimi ad eos visendos accurrerunt, ne quid augere videar, narratricem neophyti visitatoris epistolam ad nostrum Sacerdotem. P. Baptistam qui Ozacæ porro pluerat inferere à narratione nostra nō videtur alienū. Ita se habet.

Vicesimo ac secundo die, lunæ tertiæ (qui fuit Aprilis 30.) ad visendos exules nostros excurri, & eos in Tzurugano portu etiam tū prestolantes inueni; omnium quæ apud eos transiguntur sui admirator, & ita redij affectus, vt Ozacensibus nostris ea referens expleri non possim. Sanctè affirmo me quoties tantæ alacritatis in tot laboribus recurrit memoria, mirum in modum interiore mentis iubilo exultare, sed continuo pudere, quod ab ea virtute mihi videar tanto remotus interuallo. Ad vnum omnes viri ac mulieres crinem raserunt, (quod cuius gratia fiat sæpe iam monui) nullo non die ter ad orationē cōmunem vnus horæ conueniebant, reliquū tempus distributis inter se officijs ad cōmune laborum leuamē exigebant. Ludouicus ille noster ita vt nouimus tenerē semper educatus me sane permouit; annos tredecim non amplius natus nullius muneris abiectione terretur, vidi illum patinas eluentē ceteraq; vilia seruitiorū obsequia honorantem. Illis ip̄sis narratoribus audiui, eos, cum primum aduenissent simul omnes in horreū immissos, & in̄star pecorum numeratos illa ipsa nocte in nuda humo p̄noctasse, sed summa omniū exultatione quod tum inciperent primos illos nascentis Ecclesiæ Confessores rerum asperiorum tolerantia imitari, nocte insequenti lautius habiti singuli singulas storeas acceperunt. Cibus erat illis Orizæ vulgarioris scutella cū leguminum iusculo, q̄ sola fames absumeret; bis quotidie reficiebantur, eamq; viuendi rationē tenuerunt, quam diu eo in portu substiterunt. Loci primores paulatim ex eorū viuendi ratione in admirationē versi benignius illos habere cœperunt, & officiosis subinde conuiujs ex ijs aliquos frequentare. Præfeti militū primoribus narrabant, se cū Miaco discederent, subuertos hāc multitudinē parua militū manu educere, sed mox sententiā mutasse; & nunc intelligere legē eā quæ volūtaria exilia suscipit verā esse, & in ea quæ à sui sequacib⁹ similia impetrat, salutē p̄cul dubio

Quid ibi egerint.

Eshmicornum militum de fide nostra iudicium.

inueniri; quam, si aliud fecissent, æterna falsitatis nota damnassent, seq; ipsos nisi tanto Imperatoris rigore ab ea suscipienda deterrentur, de illius veritate quæ docentur audituros. Hæc & alia tum milites tū loci primores, per eos dies inter se conferebant, permoti ea vitæ sanctimonia, quam Dei serui omnium oculis exhibebant. Hæc omnia vidi meis oculis, & alia quamplurima, quæ me omnia scribere posse despero. Hæc ille. Nostri autem exules 20. Maij ex eo portu soluantes prospera nauigatione exilij locum tenuerunt, vbi à dynasta perhumaniter excepti scribuntur etiam ad vitam sustinendam necessarijs subsidijs ex eius liberalitate instructi.

Julia ac matronæ in exilium amandantur.

Dimissis in hunc fere modum fortissimis Christi pugilibus, in Iuliam ac socias, & in alias nouem matronas, quæ separatim inter se quoque conuiuebant, exilij sententia executioni demandatur. Pari ergo cum superioribus alacritate, ordine apparatu, dimittuntur, & prospera nauigatione Nangasacium appellunt, vbi ab omnibus excipiuntur prout earum virtus, labores, ac merita postulabant. Iis misericordiæ sodalitiū de necessario sumptu prouidit; & quidem eo in portu tantisper conquiescant, donec à nobis reuisantur.

VT CAETERI NEOPHYTI SESE PRO REScripto Imperatoris habuerint.

CAPVT VIII

NON fuit eorum neophytorum, quidam remanserant, melior conditio, quotquot enim nolentes aut volentes, conscij vel inscij ex primo Christianorum albo expuncti reperiebantur, in eos æquè omnes ex Imperatoris rescripto, lege agebatur, vt sectam ac magistrum scripto eligerent, & ab eodem in disciplinam admitterentur. Neophytorum non fuit vna in hoc negotio procedendi ratio; quidam absentia sua futuras molestias sefellerunt, alij tempori potius quàm æternitati seruientes, Imperatori verba dederunt, Deo cor suum, non satis cordatè reseruarunt. Pleriq; cum negarent se Iaponensem sectam aut sacrificulum aliquem in magistrum electuros, à parentibus, propinquis, amicisq; quorum opera nomina per fraudem tabulis publicis subducta cōstabat, ab ea mente de-

Qui desertores credebantur quo modo se habuerint.

te de-

re deterrentur, veritis, ne detecta fraus in auctorum perniciem refliret, & si nihil impetrabant, dolū dolo velut centonem consuentes, facile à sacrificulis tenui largitione impetrarūt, vt falsum chirographū vel acciperent, vel ipsi darent. Et fortasse aliqui neophyti, fraudem pati, non facere religioni sibi ducendū non putarunt, multi tamen initio se fraudē passos ignorarunt. Has omnes artes ac dolos nō erat difficile magistratibus obtrudere, quod falli mallent quā refelli.

Hinc factum est vt duos fere mēses Christianæ res satis quietē fluerent, totāque iam furoris Imperatorij flāma sopita videretur. Sed ignes suppositi cineri doloso breui reuixerunt, non à magistratibus excitati, qui eos vel extinctos, vel sopitos esse negligebant, sed nouo neophytorum ardore, qui diutius tegi dolis non potuit, aut intra cordis latebras contineri. Cœpit incendium ab inferiore vrbis regione (in duas quippe diuiditur) habentque sub vno gubernatore suos singulæ magistratus; ibi permulti erant, qui tamen nullo modo defecerant, offensionem tamen dedisse sibi religioni ducebant ideo, quod in re tanti momenti conniuerent, & passim pro desertoribus haberentur. Ergo ad eos magistratus se conferre cœperunt, & apud eos testari se neq; hæcenus defecisse, neq; in posterū à Christo defecturos. Illius regionis moderatores, quod scirent vrbani prætoris mentem id maximè spectare vt Imperatori satisfaceret potius, quā Christianos vexaret, mitius recantatores recepere, nobiliores enim amicè monebant, se nihil de ipsorum religione curare, sed monere vt sine tumultu id facerent, ac Imperatoris offensione. Vulgus autem acriter increpitum famuli fustibus extrudebant, aut vincula se iniecturos minabantur aliāsque pœnas intentabant. Nemo tamen inde discedebat qui non obtrusisset etiam inuitis fidei suæ scriptam professionem, vico etiam in quo commorabantur adiecto.

*Fraudem sibi
factam detegunt & querunt.*

Non eadem fuit in supremæ regionis moderatoribus lenitas, vel quod prætoris mentem ignorarent, vel quod remissionis in se notam suscipere nollent. Quotquot enim ad eos veniebant de facta sibi fraude queruli, aut suæ fidei professores, eos domi suæ denovo adhibitis custodibus iubebant asseruari. Ethnici autem veriti ne fraudis rei pœnas luerent, perfidix neophytos incusabant, quod

In suos errores relaberentur, quos prius eiurarent: ita perfidia fidem ludebat, mutatisque nominibus ac mentito vultu alia pro alia sumebatur. Multa in hoc genere sanè præclara contigerunt. Selectiora pauca meo persequar instituto, quo statui nec omnia percurrere, nec omnia exhaurire.

Ineunte Iulio neophyti duo (quorum alterius mater ac frater senior exilio superiore patriam amiserant ut fidem conseruarent) cum apud iudices fraudem aperuissent, sibi que factam iniuriam quererentur in domestica vincula retrusi præterita cum amicis prælia fortiter integrarunt, & tandem ad prætorem adducti pœnam sperabant. Prima die audiri non potuerunt, ergo domum reducti in diem insequentem differuntur, diuino fortasse cōsilio, ut tres numero sacro depugnarent. Ipsa enim nocte alius eadē professus, qui ceteris auctor erat gloriosi pro fide facinoris, rogabat die insequenti ad prætorem duci, quod & impetrauit. Ergo cū tres cum vniuersa familia tredecim omnino capitum in curiam venissent, traduntur excutiendi prætoris ministro primario, cui res Christianorum fuerant demandatz, ab eo rogantur tertio ne antiqua vlcera refricent, sed in sua pace per ipsum prætorem permissa conquiescant, neque relicta iam peregrina sacra repetant. Atqui hoc est, inquit, quod aduenimus negaturi, Christi que fidem etiam proposita morte professuri. Eo responso minister excanduit; & mox iniecto in funem collo, & manibus post tergum ita reuinctis, ut extemplo intumuerint, Prætori sistuntur, durisque verbis increpiti iubentur aut Christum negare, aut ignominiosè per vrbs vicos eo habitu trahi, mulieres verò in lupanar abduci. Cum Christum nihilominus confiterentur, lenonibus tribus lupanarium præfectis, qui ad eam rem venerant, euocati, traduntur. Sed lenones eam modestiam reueriti resistunt, profitentes sibi non licere sine suo periculo tales in fidem suam recipere, quas satis certum esset illatis sibi manibus aut fuga honori suo & integritati consulturas. Fallimini, ait prætor, hoc hominum genus in religionis causa fugere nescit, & sibi manus afferre nefas putat. Abducuntur igitur, quas deinde numero mox aucto gloriosi facinoris admiratione defixi reuilemus.

Viri per habitatiōes vrbs vicos ad pontem alterum reorum suppli-

*Christi fidem
profitentur.*

*Matrona in
lupanar ab-
ducuntur.*

supplicio destinatum pertrahuntur, præeunte præcone qui diceret: Hiquia Christianam fidem, quã reliquerant, denuo repetiuere, ple-
ctuntur. Sed, cum dixerint omne malum aduersum vos mentientes pro-
pter me gaudete & exultate: secum ipsi repetebant, totum eum diem
inspectante innumera multitudo subsisterunt. Interim ex alio vi-
co alij duo pari de prætoris victoria potiti, præmium illius similem
pœnã impetrarunt, & ita pœne duplicato numero & gaudio quinque
spectabantur. Ad eos confirmandos alumni tres à nostris, qui per
cuniculos Infidelitatis arcem expugnabant, dimissi, è quibus vnus
ad neophytos intra illum vicum, quem Christianum supra diximus
appellari, excurrit, monuitque vt distributas inter se horas quadra-
ginta solida oratione decurrerent, Deumque pro neophytorum
constantia exorarent. Sub noctem in custodiam publicam abdu-
cuntur, solutisque vinculis collum circulo ferreo cinctum funibus
astringitur, itaque totam noctem in nuda humo pernoctant.

*Viri ad res-
uum locum
ignominiosè
trahuntur*

Primo diluculo neophytorum charitas carnificum tormenta præ-
uenit. cum enim suspicarentur fore, vt repetita ignominia iterum
tentarentur, reficiendis corporibus obsonia cõtulerunt, quibus vix
bene confirmati, à tribus prætorianis ministris qui frequenti satel-
litio stipati aduenerant in vicum publicum educuntur, ibique denuo
sua vincula induti ad alium pontem æque reorum supplicio infamem
abducuntur, ibique totum diem spectandi ad ligneos pontis can-
cellos alligantur. Quod dum fieret vnus è ministris prætorianis ita
carnifices dicitur cohortatus. Gubernatori nõ satis probata est he-
sterna vestra remissio, qua factum est, vt rei nullius collum inserti
funes amputarint. Agite nunc & hodierna contentione hesternam
remissionem compensate; cuius vita periclitabitur, id erit meo pe-
riculo, ego vos indemnes impunèsq; præstabo. Facile sæuierunt ad
sc̃iendum inclinati, nam in pedum extremos ungues erecti nõ am-
plius insistebant, quã quantum ad sensum tormentorum incolumi
vita facis esse videretur. In quo tormento cum pœne incluso spiritu
præfocarentur, duo à sensibus abalienati ita defecerunt, vt neo-
phyti Iesum ac Mariam in morientium auxilium inuocarent. Et sa-
ne nisi astantium precibus carnifices inclinati aliquid laxassent, ad
vnum omnes incluso spiritu periissent.

Interim dum nostri athletæ torquentur ac spectantur, alius neo-
phy-

*Alius inter
iumentorum
cadauera Gi-
nus projici-
tur.*

phytus à vicinis ad prætorem deferitur, quod ausus esset non secus ac ceteri Christi fidem denuo profiteri. Euocatur extemplo, sed cum tantus repente lumborum dolor inuaserat, ut quo animus volebat corpus ire renuerit. Ergo asseri, supino corpore, impositus deportatur, quem prætor tentata incassum constantia, iussit sub vrbem ad ripam fluminis ubi iumentorum cadauera computrescunt, exportari. Hic reliquum diem continuo imbri expositus mansit. Nocturnæ tenebræ neophytos hominem sætori, dolori, pluuiæque cælo subducentes adiuuerunt. Sed illius vxor ac filia, quin ad publicum lupanar cum ceteris ducerentur, impediri nō potuit, ubi in reliquarum comitatu, didicerunt à marito Deum ubique præsentem, posse ubique reperiri.

*Tertiò expo-
nuntur.*

Sub noctem denuo qui ad pontem spectabantur, in pædorem suum retracti nouo in labore nihilo quàm heri mitiore quieuerunt: iterumque insequente diluculo educti ad tertium pontem eundem in modum vinciuntur. Inter spectatores aduenere sacrificuli nonnulli, quos vinciti nostri linguæ, cuius vnus libertate fruebantur, telis à se propulsarunt. Impostores illos appellabant, quorum fraudibus tot mortales æternum interirent. Non defuere etiam qui cōsputos eos Christiano fastidio simulacrorum horrore testante execrarentur. Ad reliquam verò multitudinem placidè conuersi hæc in verba proruperunt. Aduertite nos qui hæc sponte patimur id facere inductos ea lege, quæ salutem mortalibus æternam promittit & confert, quæ nisi veritas nobis clarè constaret, planè dubia præmia certis pœnis emere detrectaremus. Nox tandem ut prius pœnam locumque mutatura superuenit, nec amplius in arenam reducti spectati sunt: sed in publico pædore annum integrum, ad Imperatoris mortem vsq;, lenta morte cū multis quotidie malis conflictati moriuntur. Sed nihil de semel concepta firmitate dimittunt, & alacres diuinum de se nutum præstolantur.

*Matrona in
lupanari
quid egerint.*

Sed quid matronæ nostræ in suo meretricio vico in aliquot lupanaria distributæ? decem fuisse constat: quarum hoc fuit primum, scisso capillitio nuncium rebus omnibus, quanto magis impuris voluptatibus remittere, tum oratione frequenti lupanar in ædem consecrare. Nec defuere aliquot quarum forma fortasse

libi.

libidinem incitasset, quæ non sine antiquitatis exemplo vultum sibi vel leui vulneratione effusoque sanguine sedarent, ita vt horrorem potius quam libidinem incitarent. qua ex causa lenonum, qui lucra spectabant, vincula pistrinumque tolerarunt. Constat deinde à neophytis precio eductas apud probum virum æquè Christianum asseruari, & magnam diei partem sacris exercitationibus absumentes, diuinam de se voluntatem deque coniugibus hætenus præstolari. Hoc paucorum exemplo constantiæque, scribunt nostri plerosque neophytos qui aliquid humani patientes quoquo modo defecerant, resipuisse & fidem professos offensionem sustulisse.

CANAZAVA EXVLVM TVRMA NANGASAQVIUM AMANDATUR.

CAPVT IX.

IMber subitus ex alto cadens in varios torrentes excurrit, donec in vnum concurrentes aquæ vno eodemque cursu in mare deferuntur. Non absimilis huic mihi videtur apud Iaponios hic imperatorij furoris turbo è summo dignitatis vertice decidens, qui varias regiones percurrit & ingentem proscriptorum concursum Nangasaquiensi in portu cœpit. Hic torrentium concursus à suis originibus eductus à varijs partibus, sensim à nobis Nangasaquium adducetur, vt inde collecti fluctus extra Iaponicas insulas in mare deferantur. Et quoniam in æquor australe decurrunt, postquam imperij culmen Miacum suas aquas, vt vidimus, emisit, remotissimus ab Aquilone torrens vt Nangasaquium excurrat aduocetur.

Borealia regna Iaponij Fotiocu vocant, tribus dynasta Fyendono, Cangam Norum & Yechû moderatur. Canazauz, in regno Canga Societas nostra sedem annos iam duodecim fixerat, in vmbra lusti Vcondoni, quem annales nostri notiozem fecere, quàm vt opus sit alio quam proprio nomine tantum virum compellare. Is aliquoties exul quocumque ferebatur Christianæ secum religionis coloniam deducere videbatur. Et quoniam dynasta rei Christianæ fauere credebatur, ex varijs eo regnis non pauci concurrerant, quos

*Canazava
qui res Chri-
stiana statuit
ante persecu-
tionem.*

E c

ille

ille annuo censu pro sua quemque dignitate cohonestabat: quibus fiebat vt non paucos haberet ordinis militaris apud se Christianos, quos alia regna in hos Iaponiæ fines eiecerant. In eo domicilio sacerdos è nostris vnus cum socio alijsque administris sumptu Iustitiam Christianam eo promouerat, vt iam Canazaua paucis cederet Iaponensis Ecclesiæ noualibus, & propediem plura sponderet, nisi spem in hac procella fessellisset.

*Canazaua
Nostris pelluntur.*

Hic erat rerum status Canazauæ, cum ex improviso auditur, quid de Christianis ediceret imperator, eaq; fama ita tardè huc delata est, vt simul fere cum imperio & edicto veniret, tempusq; Iusto defuerit ad sacerdotem nostrum ne pelleretur occultandum; dimitti illud oportuit eo sensu Iustitiamq; quem alibi tetigimus, nec vbiq; repetimus. Venit is Ozacam, & inde cum ceteris, qui è Cami pellebantur Nangasacium, vt supra vidimus, nauigauit.

*Nobilissimi
duo Iustus ac
Ioannes cum
familia pro-
scribuntur.*

Triduo post nec amplius quàm nostri Canazaua discefferant, dynasta sanè illibens Imperatoris voluntatem Iusto, ac Ioanni nobilissimarum familiarum capitibus denunciatur, vt vel Christum abdicent, vel Miacum ad vrbis prætorem ablegentur à quo sententiam de futuro suo statu expectent. Ad hanc denunciationem cum amici plures suas preces addidissent, firmissimis, vt sibi videbatur rationibus cõunitas, aliud nihil audierunt, quam vultu ad seueritatē composito hanc æquè seueram compositamq; sententiam: Apud eos qui iam diu norunt quid sit esse Christianum, nec serio nec ioco quæ dicitis obtruduntur. Ergo venerandi senes duo plusquam sexagenarij, bis exules nihil morati se ad iter cõpararunt. Iusto erant nepotes quinque in ea omnes ætate, vt adolescere domestica copia potius quam exilij laboribus & inopia deficere deberent, nam nata maximus annum sextum & decimū, minimus octauum nondū ex-
cesserat. Iusta coniunx marito simillima. Vtriusq; filia iam coniugio illigata cum primario gubernatoris horum trium regnorum filio, qui iam hæreditatem paternam aditurus quadraginta prope aureorum millia numerabat, & tamen parentem sequi maluit inopem, quam apud copiosum maritum remanere, qui volebat ipse quoq; dimissis omnibus eandem fortunā sequi, sicut vtriusq; suasu occultè quidē fidem susceperat, nisi Iustus socer generū impedisset, quem ad spem fami-

familiæ superesse voluit, cùm minimè pelleretur. Ioannes verò quondam regni Tambæ regulus è regno Fingo deinde Christi causa proscriptus huc venerat, & tamen si seniù vrgeret aduersaq; valetudo, Christianæ tamen legis amor omnia superauit, propter eum qui dilexit nos. Parentem secutus est Thomas iâ familiæ suæ caput, ab ipso quoq; Fyendono nominatim proscriptus.

Hi vna cum suis iustam cohortem iusto duce conficiebant, quibus ad exilij longioris comparisonem hiberno maxime tempore cum Februario mense gelu ac niuibus maximè apud Boreales rigerent omnia, dies vnus cōceditur, qui prope totus abiit in vestibus ad propulsanda frigora cōcinnandis. In discessu maxime patuit, quanta animi magnitudine omnia pro Christo dimitterent. Iustus enim ad dynastæ fratrem natu minorē Chiuftendonum qui Canazauz imperitabat totius prouinciæ hæres sexaginta auri segmenta, quorum singula quinquaginta aureos nostratos valēt, dono misit in hæc verba; se pro eo quod huius anni censum collegisset, quē in herilibus obsequijs expendere non licebat, hæc mittere ad demonstrandam propensam obsequendi voluntatem. Et ad Figendonum vas quod apud ipsos in magno precio est, ad certam herbam conseruandam, sed hic dolens de Iusti exilio munus cum fœnore remisit, in exilij solatium expendendum. Domesticæ tamen supellectilis magnam partem quam distrahere possent sponte dimiserunt.

Omnia pro Christo genere rati dimittunt.

Februarius igitur cum vigesimum quintum numeraret exulibus nostris diem dixit. Eum diē dynasta cum suis non sine armis observabat, veritus ne fortè iniuriam vlturi Iaponensi more sæuirent, qui arma iam diu tractarant, ex eaq; tractatione per tot iam annos nomē sibi compararāt. Subodoratus est Iustus quod erat, missoq; ad dynastam Chicuzendonū nuncio significauit nō solum se ab amicissimo dynasta nihil repetere, sed multo minus Christianis sibi legibus licere vt exiliū suum vllius iniuria fēdaret, alijs se nunc armis dimicaturū quā olim cōsueffet, è Christi mansuetudine ac patientia petitis, quibus se ipsos potius quā alios vincere docentur Christiani. Ad eā denunciationē conqueuerunt omnes, effusiq; illos cominabantur quos ante suspectos habuerāt. Nō pauci lachrymis inōcentiā plecti deplorabāt, & comiseratione permoti plus sentiebāt aliena damna, quàm illi propria. Nonnulli rei magnitudinem introspectientes ex-

CANAZANA excedunt.

clamabant, planè res magna est lex Christiana, cuius causa viri tanto iudicio tantàque virtute præditi non dubitant fortunas, honorem, vitamque prodigere.

Vnum diem aberant Canazaua, cum ecce tibi sub quietis initia rumor increbuit armatos milites imminere, qui ad eos obtruncandos mittebantur. Iustus noui iam ductor exercitus nihil dubius ex Iaponensi consuetudine fieri posse, vt non sine causa rumor aduenisset, suos cohortari armisque cœlestibus munire occæpit. Mortem vt omnes arbitrabantur, imminentem genibus nixi præstolabantur, à Deo postulantes, vt verum esset, quod naturâ timebatur. Sed paulo post discussa falsitatis nube veritas sese exeruit, & constitit rumorem illum à famulis sola suspitione permotis erupisse, piguitque sperantes minus vera sperauisse. Pergunt igitur, perque asperos montes niues calcant, non iumentorum solum ungulis, sed proprijs subinde pedibus cum itinerum angustia id postularent, in quibus Iustus ætatis inimemor ceteros anteibat, & nepotibus auus addebat exemplo quod nondum ætas concedebat. Hoc fuit primum in quo tenera Christi cohors inexpertos labores experta supra ætatem, sexum, educationemque se promouit, & in huiusmodi laboribus decimo die in oppidum Sacamoto tribus ab vrbe Miaco leucis constitit non nihil quietis accepturus, donec à prætore, quid de se statueretur, inaudirent.

Audio Iusti aduentu cum sua cohorte, prætor satis formidauit fore, vt Miaco ingressi Neophytorum animos exemplo constantia ita augerent, vt lapsi quoque ipsi damnato lapsu assurgerent, nedum qui ad id tempus steterant, sibi magis magisque constarent. Ergo per literas monet duces quorum custodia commendati veniebant, vt eodem in loco subsisterent, donec ab Imperatore nouum rescriptum adueniret. In eo igitur oppido triginta totos dies subsisterunt. Quo tempore non defuere, qui nepotès saluos cuperent, qui familiam suaderent conseruandam. Verum ex hac ipsa concertatione Iustus ac Ioannes exulum primipili intellexerunt fieri posse, vt è tribus vnum ab regia deueniret, vel vt ibidem mactarentur, vel vt in regiam ad supplicium exemplumque ceterorum abducerentur, vel denique, vt alij ab alijs diuulsi varias in regiones

Tribus à Miaco leucis subsistunt.

nes abducerentur eò facilius à Christo defecturi. Hoc postremum præ cæteris metuebat Iustus periculi magnitudinem attendens, cui ut mederetur effecit, ut communi coniuratione conspirarent nemini se vel iurato credituros aut assensuros, filium, nepotem, nurum, socerumve aut quemlibet alium à Christo defecisse.

Verum huius coniurationis fructus in sola stetit voluntatis in suam fidem propensione. Nam post dies triginta rescribitur ab Imperatore ut viri puerique omnes Nangasaquium amandarentur, femine ac puellæ Miaci habitare sinerentur, ita tamen ut vtrisque famuli ad necessaria vitæ obsequia subtraherentur. Sed reperiri non potuit vel vna, quæ non voluerit cum suis exulare. Detracto igitur omni satellitiæ ac famulorum auxilijs, soluunt Nangasaquium versus, & initio gens delicijs assueta scrvilibusque obsequijs delinita, sibi scrviebat ipsi (cum nihil sit quod Christi causa refugiat, qui eius amorem omnibus anteponit) donec ipsi navæ tanti laboris commiseratione permoti pro famulis esse cœperunt, quorum auxilijs subleuati tandem Nangasaquium peruenerunt, & nostrorum ceterorumque benevolentia excepti præteritos labores obliuiscuntur, & interim dum longius amandantur Christianæ se legis libertate solantur.

Nangasaquium amandantur.

Ita Iustus à suis abiens suos inuenit, Deumque ipsum cuius immensitas occupat vniuersa. De Iusto Buiensis dynasta, postquam exulare percrebuit, dixisse fertur, Nunc quidem Iustus hoc ultimo suo facinore vetera sua facinora velut sigillo munivit, quod nisi fecisset fœdauerat vniuersa.

Canazaux non solus Iustus aut Ioannes cum suis, huius furoris impetum excepit. Thomas alius nobilis ex ordine militari iubetur exulare in extremas laponiæ oras, quo Miacenses neophyti missi fuerant amandatus. Is postquam Xacam post filios iam Christianos obstinatè coluisset, Christum tandem agnouerat, serò quidem sed serio; nam in suburbanum secessum orationis causa sæpius secedebat, etiam posteaquam ad regni gubernationem admotus à dynasta, vnus è quatuor omnia quæ ad lites pertinebant moderabatur. Hinc habuisse credi potest eam firmitatem, qua deinde prælijs

Thomas nobilis neophytus relegatur.

acerrimis impetitus sibi constitit, donec fortunis omnibus exutus una cum tribus filiis exularet.

Sed neque indictus nobis abire debet inuictus Christi Athleta cuius certamen in idem ferè tempus ibidem incurrit. Nobilis quidam toparcha Christianos habebat affeclas nonnullos. Exijs vnum aggressus vt à Christo discederet hoc responsum accepit, Ego, here, tanta luce Christi fidem penetraui; vt ab ea discedere non possim; qua in re nullam tibi me arbitror iniuriam facere, cum hac ipsa lege arctius tibi obsequendi legibus astringar. Sapiens responsum parum sapienter herus tulit, & educto pugione grauius illum vulnerat; cumque pergeret in genua nixum secundumque vulnus præstolantem confodere, astantium misericordia ereptus martyrij coronam amisit, si amissurus est quod sua culpa non dimisit. Dicuntur Neophyti qui eum eripuerant, piè magis quàm doctè dubitasse num sine religione liceret illius vulnus obligare, artèque medica morti gloriosæ Christi martyrem subducere. Sed euicit tandem pietas Christiana, ipseque prope martyr doluit ereptum se fuisse periculo, maluissetque hoc euentu crudeles in se neophytos quam pios experiri.

*QVIS ECCLESIAE STATUS FVERIT HOC
tempore Firoxima.*

CAPIT. X.

Firoxima in regno Aquì diuturno dynastæ fauore (Tayudono dicebatur) ita Christi gregem annuis augebat incrementis, vt hoc tempore nullo loco res Christiana esset ornatio, verum in communi ruina lenius quidem sed oppressa tamen est, non illibenter tantum sed inuito quoque regulo, ne res suas alieno fauori posthaberet. Degebat ille tum in aula principis Yendo, vnde post Imperatoris edicta scripsit literas, quibus mandabat vt nostri maximo cum honore, sed tamen omnino dimitterentur. In Christianos sed solum ignobiles ad speciem sæuiretur, Patres vt Nangasakium honorificè remitterent. Quæ omnia quàm faceret inuitus datæ ad nostras literas officiosè significauit, & diploma regium exilij

*Neophytus
quidam ab
Hero prope
occiditur.*

*Firoxima
nostri ab in-
uise dynasta
dimittuntur.*

exilij asperitatem à se amoturus transmisit. Nec absimilis parenti filius qui domi remanserat, tertio ad nostros misit qui suo nomine condoleret, quorum auctoritatem imitati affectu tametsi ethnici omnes doloris significationem præsetulerunt. Neophytorum lachrymæ concursus ad sacramenta nihil habuit quam alibi minus, ut etiam nihil peculiare. Nostri sacerdotes tres erant, laici fratres duo cum alijs ministris. Europæi sacerdotes duo cesserunt, quod incommodius tegi posse viderentur. Sacerdos è nostris indigena, non sine pia sociorum invidia oris compositioni victoriam tulit acceptam, cuius beneficio diurnam non minus quam nocturnam neophytis operam erat præstiturus.

Sacerdos & noster indigena oculus manet.

Post dimissos nostros in Christianum vulgus edictis pænisque propositis ex Imperatoris voluntate certatur. Et quamvis dynastalenter & ad speciem omnia geri voluisset: magistratus tamen neophytis sacram suam suppellectilem per vim eripuerunt, & eos qui sua prodere noluerunt vnum aut alterum comprehensos in orizæ saccos prout Miaci compegerunt. Quod dynasta factum reprehendit, & ultra speciem progressos pronunciauit, Sacra verò arma Christianis erepta iussit honesto loco velut sacra conseruari. Inter hæc sacrificulus vnum Christianum aggressus vrget ut Idolo quod secum attulerat venerationem exhibeat. Sed neophytus pro honore contumeliam referens, sputo sacrificulum simulacrumque sordauit. Quam iniuriam questus impotenter effecit ut contumeliam ignominia lueret: nudus enim toto triduo dies noctesque ad palum alligatur, quem neophyti reliqui fouere non destiterunt. Exacto triduo victor non sine hostium admiratione soluitur, & in eo quod pro Christo non erubuerat, gloriatur.

Neophyti in orizæ saccos compinguntur.

Vnus Idolum & sacrificulum sollicitantem compingit.

Ex aula, Tayudono ad quatuor è suis ducibus scripsit in hanc sententiam. Quid iubeat Imperator nostis, cuius ut imperio pareatis vos hortor etiam atque etiam, qua in re mihi quoque non mediocriter obsequemini. Has literas exitinere legerunt illi ipsi cum in eandem regiam se conferrent, responderuntque se præsentibus responsuros.

Cum igitur aduenissent ad herum mittunt, qui hæc ipsa verba renuntiant.

Duces quatuor Neophyti liberè dynasta respondent.

nunciet, Dolere se quod id ab ijs exigeretur, quod esset nefas præstare non lege diuina solùm, sed aulicis quoque ac militaribus institutis, nullaque se re magis ineptos fieri ad obsequendum, quam si se hac perfidiæ labe scdarent, quæ honorẽ illis apud alios, sibi ipsis animum detergeret. Posse se hoc vnum; Christianæ videlicet religionis vti exercitationibus ita moderatè, quam diu in regia substiterint, vt nullius incurrant in oculos ipsi hero malum creaturis; quod si hoc minimè sufficeret, se ac suos fortunarum iactura, exilio, viraq; ipsa constantiæ suæ culpam, si contrahi visa est nõ grauatè luituros. Ad hæc dynasta planè obmutuit, & se in penetralia recipiens, creditus est immoderatus tulisse libertatem: verùm postea collaudatis ijs satis ostendit, quid sentiret, & posthac vetuit nobiles ad defecti onem, sed & nobilium famulos etiam solo verbo laceßiri.

Puer honoris variis etiam ceruicem porrigit.

Non absimili euentu vnus è pueris honorarijs strenuè depugnauit. Collegæ illum sui sæpius ad eiurandam Christi fidem laceßebant, & die quadam fingunt ab hero sacram supellectilè exigere, quam illenec precibus nec minis dedit; & illi victos se non ferentes victorem deferunt, ac si reuera Christum eiurasset. qua de re cùm ex eo dynasta quæsisset, ita respondit, A puero Christianus sum vt nosti, nec vlla me res ab hac lege auocabit; in ceteris obsequar, in hoc vno est nefas, & si hac ex causa ceruicem petis, ceruicem præbeo, nudatamque porrexit. Nemo fuit qui ex laponenfi consuetudine dubitaret, quin euocata ficaliberè, suo impotenter officio fungèretur: sed planè contrarium euenit. Responsum, animum, puerum dynasta laudauit, & in posterum habuit chariorem.

Fins neophytus persecutionem prædicat.

Hæc Firoximæ nec grauiora contigerunt, quæ tamen neophytus quidam moriens videtur præuidisse, & etiam prædixisse. Vixerat insigni cum pietatis laude, quem dynasta virtutis admiratione permotus arci seruandæ loco periculosiori præfecerat, è quo ipse prohibitus sacrificio interesse, sub aperto cælo ad ædem conuersus in omnium oculis sacrificij tempore Deum precabatur ita intensè, vt falsus aliquando fuerit se ex eo ipso loco velut præsentem sacrificantem videre audireque sibi videri. Is leui ex morbo intra biduum bis expiatus extinguitur; sed prius filiam quam habebat vnicam ita dicitur allocutus, Vide, inquit, ne parentem quem viuam coluisti.

Coluisti, mortuum ignominia afficias, quod facies si tepiguerit esse Christianam; compara te ad martyrium, imminet enim Ecclesiæ Iaponensi arrox procella. Quæ cum dixisset, inuocato Iesu ac Maria, ipse se in portum nondum orta tempestate subduxit. Hæc enim Nouembri mense anni superioris edixit, cum de nouo Imperatoris edicto nec metus esset, sed Ecclesia ijs in locis alta pace frueretur. Eam prædictionem filia sacerdoti nostro mox narrauit; quam donec euentus comprobauit, non omnino à neophytis neglectam viri probitas intra memoriæ thesaurum conseruauit.

Priusquam abirent nostri, quod in Februarium incidit, eo anno ad centum adultos supra sexaginta nec quicquam reluctantem procella in Ecclesiæ nauem receperant, & fuit vnus ad Deum non omittenda conuersio. Is propinquos omnes iam habebat Christianos, nec adduci poterat, vt familiæ auctoritatem sequeretur, ideo maximè quod ab eo moritura parens sacramentum exegerat, quo se iam simulacrorum cultu vitam positurum astrinxerat, & perfidum ac impium in parentem videbatur ab huiusmodi sacramento resiliere. Patrum rationi surdum Virgunculæ nepres duæ vix bene duodennes precibus à Deo expugnandum susceperant, & iam intra spacium semestris millies ac sexcenties virginem angeli verbis salutauerant, cum repentino prodigio immutatur. Nepos illius iam Christianus ignota ægritudine tenebatur, quæ malum genium habere credebatur auctorem. Cum enim ea corripiebatur indigna quædam effutiebatur ab adolescentis, cum sanus esset probitate, admodum aliena. Nihil omissum quod ad eius salutem procurandam ab humanis remedijs peti posset, quibus denique damnatis ad sacra recurritur. Noster sacerdos cupream iconculam Pontificis auctoritate sacram, & quæ SS. Ignatii atque Xauerij ex utroque latere præferebat imagines, ex eius collo suspendit, iubetq; vt nullo tempore sibi eam detrahat. Quamdiu fecit, ab ægritudine liber fuit; sed cum eam nescio qua ex causa fortè detraxisset, subito corripitur. Verū increpitus à nostro eam sibi restituit, & instituta peccatorum accurata confessione planè conualuit. Quo viso patruus nihil vitæ cunctandum duxit, quin eam legem comple-

*Adulti x 60
baptizati.*

*Insignior
genus conuer-
sio.*

*Cuprea icon-
cula vna.*

cteretur, quam diuinis prodigijs viderat illustrari. Sacrilego itaq; sacramento se liberans sanctiore se in Christi militia illigauit.

BYNGENSIA PRÆLIA.

CAPVT XL

*Nostri è re-
gno Byngen-
si eiekti.*

BYngensium neophytorum aut veteranorum potius firmitas grauius tentata diuturnam à Francisci Regis temporibus in Christiana disciplina exercitationem non fefellit. Postquam enim nostrorum sedes tribus in oppidis, Tacata, Notcu, Xinga, eandem cum ceteris fortunam subiissent, eiekti nostri, ædes disturbatę, pari semper Christianorum sese ad extrema comparantium concursu sensuq; ; tum demum in oues suis pastoribus destitutas atrociter sanè sæuitum, è quibus quæ illustriora contigerunt pro instituto seligamus.

*Vnus se ipse
continuo flagellat.*

Primi qui huius certaminis arenam ingressi sunt septem fuisse scribuntur, viri duo cum suis vxoribus ac liberis tribus, è quibus vnus duntaxat martyrij lauream secum in cœlos detulit, ceteri meritum etiamnum præstolantur. Hi ergo cum multis in Christiana fide prælijs prouocati æquo semper animo constitissent, iussi sunt à iudicibus planè nudari satisque barbarè leucam vnā circumraptari, quam ignominiam concurrente ad spectaculum multitudine ita tulerunt, vt gloriam ex ea sperare facile viderentur. Sane Benedictus ex ijs vnus totum illud iter continua corporis sui flagellatione consecrauit, vt ipse sui carnifex tormentis per alios illatis non potuerit satiari. Idem, cùm in collem adreperent vtcunque arduum atque difficilem ita socios compellauit: Aduertite quoties hunc non sine fatigatione collem conscenderimus, nunc autem etiam cum voluptate conscendamus; id sine dubio illius beneficio contingit, cuius hæc vnus causa toleramus, cui præter laudes & gratias quid est quod aliud referamus? Idem intra vacuam arundinem quam læua manu gestabat aquam lustralem circumferens, socios velut ad refrigerium subinde aspergebat.

*In saccos immis-
si alij su-
per alios iace-
bantur.*

Deueniunt tandem in destinati sibi supplicij locum, in quo erat defixis repagulis arca circumsepta, in ea singuli in suos saccos

im-

immissi arctissimis toto corpore vinculis constringuntur, eum in modum quo Miaci plures depugnarunt. Id tormentigenus vni Benedicto lethale, ceteris prope lethale fuit. nam alij super alios coniecti nobilem aceruum erexerunt. Benedictus in imo ceterorum pondere oppressus diem vnam noctemque ita deficere cœpit, *Benedictus pondere oppressus.* vt cum iam moriturus videretur eum custodes exemerint, deportatumque in vicinam neophyti domum denuo ad defectionem sollicitarint. Sed cum id frustra fieret nonnihil ad vltiora tormenta refectum eodem includunt sacco ac inferiori loco restituunt, vbi cum alium diem perstitisset, vna cum occidente sole denuo occidebat. Ergo eadem immitti lenitate soluitur, & ad eandem ædes reportatur, vbi paulò post Iesum ac Mariam implorans suauissimè post exactum laborem in æternam quietem obdormiuit. Et ne fortè, quod Christianis erat solemne, mortalitatis exuias immortalitatis amore neophyti venerarentur; exanime Benedicti cadauer ad fluminis ripam flammis damnatur, illiusque cineres in flumen sparguntur, Sed quoniã semi iusta ossa esse constabat ignibus superesse; non defuit neophytus, qui piscatione simulata, nonnulla eduxerit, eaque Nangasaquium ad nostros vna cum ceteris afferuanda deportarit. Aprili mense passus scribitur vna cum socijs, qui omnes mortuo Benedicto soluti proscribuntur iubenturque Nangasaquium commigrare. Benedictus ille in regno Izumo natus è sacrificulo inanium Deorum ad Christum transierat ijs in terris quibus Iustus Vcondonus imperabat. Et toto eo tempore quo veritatem agnouerat toto eam studio complexus fuisse narratur, vt hoc animi ardore martyrum gloriam impetrasse dici possit.

Secundum huius procellę imbrem sustinere alij, è quibus tres gloriosè sanè de mortalitate triumphantes immortalitatem compararunt. Sed quia ijs proximum caput daturi sumus, hoc reliquo nonnulla sine sanguine prælia, tametsi fortasse non inferiora, persequemur. Nobilis inprimis neophytus sæpius per internuncios à dynasta suo vt à Christo deficeret laceffit, sibi semper æquè constiterat. dynasta non ferens eum sibi clientem detrahère, non dubitauit seipsum infra suam dignitatem abijcere, vt i stantem deiiceret. Ergo in clientis sui domum pergit, seipso fortasse impetraturus,

Nobilis neophytus dynastiam laceſſere parauit liberè prauis.

Obtruncandum ſe cum ſuis offert.

Proſcribitur.

Nobilis neophyti conſtantia. Hæc familia Monachij Beiorum in theatrum cum magno ſenſu ſpectatorum eſt producta.

turus, quod adhibitis alijs deſperarat. Reſciuit neophytus, & extemplo arma diſcingens, ſine quibus nobiles Iapones publicum non vident, ne repugnare velle videretur, hero occurrit, cùmque hiſ iſſis verbis ſanè animoſè compellat: Here, ſcire te velim mihi certum eſſe Chriſti fidem nequaquam eiurare, quod in ea vna ſalutem ſperem: ſi ad me laceſſendum veniſti, nihil eſt quod vltra te fatiges, poteſt hoc ipſo in loco renuentem obtruncare. Quod cum dixiſſet extemplo ſe pube tenus reiecta veſte nudauit. Vix dum ſe nudauerat, cum nouennis filius accurrit, patremque imitatus eadem nuditate ſicam prouocabat. Secuta eſt pueri mater, ac deinde auia, nudatis quoque ceruicibus eundem iſtum præſtolantes. Sed ea conſtantia iram molliens pro ſica tyranno lacrymas excitauit, quibus obortis vultum auertens domum repetijt. Nec ita multò poſt Imperatoris metu prouocatus inuitus ſanè paratum ad eadem ſed ab laurea auocatum cum vniuerſa familia proſcripſit, quæ Nangaſequium ad ceteros exules ſe recepit.


Sed præ multis admirabilis mihi videtur neophyti nobilis (Titum appellant) animi magnitudo. quæ ſi quater aut Abrahamum aut alterum Iobum dixero, nihil auxiſſe mihi videbor, cuius ego factum tragicomico mallet cothurno ſpectandum exhibere, quàm intra contractæ narrationis anguſtias ſtringere. Habebat ille filios duos, nouennem alterum cui Matthæo nomen erat, alterum annos natum ſedecim iſ Simon dicebatur. Habebat idem filiam Martinam nomine virginem annorum quatuordecim, & præter hos æquè carum pignus vxorem, quæ Marina dicebatur. Iſ igitur à dynaſta ſuo euocatus ad Chriſtum eiurandum, precibus, minis, imperio, nulla non arte omnique contentione tentatur, ſed omnium victor domum remittitur, grauiora in ſuis abſens prælia quam ſeipſo præſens depugnaturus. Nam poſtridie mittit ad eum tyrannus qui quærat idem ſentiat necne, quod pridie, quod ſi fecerit iuniorem ad ſe filium mittat, vt ab eo fidem ſuam vel vitam tormentis extorqueat. Acre fuit telum nouennem puerum ad carnificem amandare: amandauit tamen iſ monitis inſtructum, quæ tempus ferebat, nec ætas reſpuebat.

Poſt biduum denuo remittit qui nunciet ſe Matthæo vitam quod

quod fidem deferere suam noluerit, eripuisse. Ceterum si etiam- *Credita suorum cadem lentè torquatur.*
 num in ea sententia perstaret, Martinam filiam ad parem carni-
 ficinam ablegaret. Quid senserit Titus cogitate, quid filix dixe-
 rit æstimate. Nonnulla sunt, quæ facundia silentio explicatu-
 ra commendat. Iterum post dies aliquot Martina perijsse nun-
 ciatur, Simon primogenitus periturus æquè postulatur. Cui pa-
 rens, vade Simon, inquit, & sicubi sanguinis vestigia notaue-
 ris, fratris constantiam, sororisque spirabunt, caue ut degener
 habearis qui ætate superas, itaque dimisit. Nondum prælio-
 rum finis, nondum expleta tot victimarum sacra. Breui spacio in-
 teriecto, nunciatur Simonem ad ceteros accessisse, Marinam
 experi, si nondum pertinacia defecisset. Nec illibens mater
 sua pignora sequitur, quæ matrum voto noluisset præcessisse.
 Maritus uxorem emittit, breui, ut sperabat, secuturus. Deni-
 que ultimus internuncius narrat Marinam quoque tormentis a-
 nimam expulisse, ne fidem suam expelleret. Ipse quoque Titus,
 nisi iam suorum exemplo sapuisset, ad familiæ fortunam vocaba-
 tur extremus. Internuncio respondet Titus, cum, qui iam
 quater mori potuit, quintam pro Deo suo mortem minimè re-
 fugere. Cum igitur in arcem peruenisset, post iteratas tyran-
 ni minas, preces fraudesque superatas, admiratione constan-
 tiæ victoriam de stupente dynasta reportauit. Euocatur vxor, filij *Vinos omnium victor victo- res recipit.*
 duo cum filia, Tito omnes victori victores redduntur, vnà cum
 Christianè viuendi, quod adhuc faciunt, libertate. Ita Titus qua-
 tuor Deo victimas viuus tanquam mortuas obtulit, quatuor velut
 rediuuas recepit.

Sed jam domum reuersos audiamus singulos parenti mari-
 tōque sua cum tyranno prælia interim dum in arce versaren-
 tur enarrantes. Singuli enim in varia loca retrusi mille arti- *Una singulis quæ passis re- ferunt.*
 bus ad fidem deferendam fuerant prouocati. Matthæo puero a-
 sperrimo hyemis tempore aquâ gelida supra caput effusa totum,
 prope corpus obriguerat. Idem Marina supplicium vestibis
 suis ad contumeliam exuta sustinuerat. Martina filia tridui
 sustinuerat inedia. Simoni retorta in tergum immaniter
 Ff 3 brachia

brachia adolescens corpusculum prope luxauerant. Et tamen in his omnibus ætas sexusque fortiter de tyranno triumpharat. Titus tamen cum ceteris crediderat, uti nunciabatur, suos omnes perijsse, & interim quidquid passi fuerant patie potuerant fortiter tolerarat. Et sanè mitius est supplicium mortis breuitate pœnas redimere, *morsque minus pœna quàm mora mortis habet.* Dignus planè Titus elogio longiore, quàm quod historico permittitur; sed illud ab eo præstolatur, qui cum pugnavit, qui cum eo triumphavit.



MICHAEL ET LINVS EXVRVNTVR MAXENTIA TRVNCATVR.

APVD BVNGENSES MICHAEL ET LINUS VINI, Maxentietruncum cadaver
excuritur.

CAPVT XII.

Sed idem quoque Dominus insignem quidem victoriam sub fidei vexillo per aliquot pugiles suos ibidem de perfidia reportauit. Eos inter, qui primis huius turbinis inijs exagitati fuerant, Clemens vna cum filijs Michael Linoque fortiter repugnarat, desperataque defectione dimissus sibi viuebat ac Deo, nomine prohibente, donec hoc ipso anno nouus ab regia edictorum fragor intermissa praelia reuocauit. Clemens igitur cum filijs denuo la^o cessitur, & ita vt hoc secundo certamine remissior planè defecerit, propriaque manu scripserit se cum filijs Christi sacris renunciare. Fecerat hoc Michael Linoque inscijs, quos pupugit acriter se quoque vnà cum parentis casu nescientes opprimi. Ergo ad eum vrbis moderatorem pergunt, qui scriptum exceperat, Parentis factum inculant, à se remouent, suamque fidem profitentur; eam si per eum sibi retinere liceat gratum futurum, sin minus quidquid de se statueret non ingratum. Respondit moderator sollenni se iurciurando obligari ne qua in re Christianis faueret, aut in eos remissius ageret, domum redirent, se cum collegis collaturum, quid facto opus videretur. nec promissis defuit. Eo ipso die pomeridianis horis Clemens (quem iam adiutoribus filijs facti pœnituisse satis constabat) & vna Michael ac Linus in custodiam publicam pertrahuntur; nec ita multò post Clemens ipse & Maxentia Michaelis vxor cum filijs, quorum natu maximus nondum supra quartum & decimum ætatis annum adoleuerat, in vinculorum societatem abducuntur. Ibi singuli singulis locis distincti, vt facilius vincerentur. Sed cum fortiter restitissent in vnũ omnes locum compinguntur; vbi postquam omnia tela æquabili semper animo elussissent, ad minas ac tormenta deuenitur.

Et vt cæteros terrerent, tres ex toto numero selegerunt, quos torquerent, Linum videlicet, Maxentiam ac Petrum è filijs natu maximum. Vestibus igitur planè spoliatos intra saccos asseruando tritico

Linus & Michael ne patris defectione inuoluantur fidem profitentur.

Cum Patre & familia comprehenduntur.

tritico destinatos, quo sapiens dictum est modo, arctissime vinciuntur, & vt amplius torquerentur siccas aristas in ijs reliquerant, quos cum è carnificibus vnus Maxentia misertus priusquam alligaretur excuteret, illa inhibuit, testata dolere se quod vnum corpusculum haberet, quod Deo suo offerret, se si decem haberet totidem oblaturam, nec ante acquieuit, quam pari cum ceteris pœna plecteretur. Petrus intra saccum concionabundus Matrem ac patrum horrabatur, ne remissioris animi signum præ se ferrent. Et ad spectatores Ethnicos conuersus exclamauit: nemo sit qui ex vobis audeat falsum defectionis chirographum pro me scribere; quod si quis fecerit, in regiam vsque nihil dubitabo excurrere plagiarium delaturus. Linus interim sacras preces elatiore voce recitabat; quod cum ethnici ferrent molestius, nec ipse se pateretur inhiberi, ex fassis arundinibus frænum ori, quo silentium indiceretur, immiserunt; quod cum illi mox sustulissent, importunis precibus euicic; vt denuo frenaretur, totoque die ita perstitit animo suas preces, quas ore non poterat otiosè decurrens. Eum ex ministris vnus præsentem malo, proximæque morti eripere cupiens, effecit, vt solueretur, & abductum domum ipse cum suis obnixè rogar, vt saltem ad triduum à Christo deficiat; se vitam illi & non pœnitendam pecuniaz summam impetraturum atque largiturum. Sed æquè vitam ac numos spernens negauit se vllius rei causa fidem agnitamque semel veritatem deserturum. Ergo in vincula Linus reducitur, Maxentia porro triduo in sacco suo angustè vel potius angustè habitauit. Moniti Iudices frustra in ijs laborari, de extremo inter se supplicio statuere cœperunt.

Quod cum vincti non ignorarent, accurata comparatione ad futurum agonem præludebant. Operæ precium foret ardorem in literis legere, quem inde ad varios sparserunt. Vna Lini breuior epistola erit instar omnium, quæ totidem verbis ita se habet. Cum gratia spiritus sancti hanc epistolam scribo ex ipso carcere. Ego tamen si peccator & malus, totam meam fiduciam in domini misericordia colloco. Rogo vos quàm possum demissimè, vt pro me Deum, Beatam virginem, ac diuos omnes rogetis vt in finem perseuerem. Ego licet indignus intra saccum compactus,

Gg

diem

Tres ex ijs in
saccos comp-
inguntur.

Eorum in
sacco Chri-
stiana liber-
tas.

Lini ex car-
cere epistola.

diem vnum noctemque perstiti quod Christum nollem eiurare; inde nos in vincula reduxerunt. Multum animi sentio, multum comparationis adhibui vt in obsequio diuino ad mortem vsque perflatam, gratia illius auspice & cum precum vestrarum præsidio; quibus iterum etiam atque etiam me commendo, ideo quod sim magnus peccator, nec vllam aliam spem nisi in eius bonitate collocarim. Die sexto lunæ sextæ.

Septimo post die quàm in vincula retrufi erant, Iulij 13, in Michaellem ac Linum fratres atrox sententia viuos incendio damnavit, qua re ita sunt recreati, vt in egressu carceris cum ad supplicium traherentur, Linum Michael in hæc verba compellarit: Ergone fieri potuit, vt hanc pro Christo moriendi fortunatam sortem soli duo præ ceteris fuerimus consecuti? & cum eandem fortunam, toti familiæ optarent; ecce tibi Maxentia conspicitur, quæ sacco exsoluta ideo ad spectaculum trahebatur, vt horrore deficeret, aut mitiore saltem pœna plecteretur. Quorsum traheretur neuter sciebat, nisi quod vterque pro voto suo sperabat vti supplicij ita gloriæ societatem adipisci. Exitinere cum eum locum attingerent, in quo Benedicti cadauer arserat, martyrem venerati novos animos conceperunt: sed ijdem honorem sibi à neophytis velut mox martyribus exhibitum deprecari suam indignitatem, causabantur. Totum iter quod fuit prope vnus leuæ pedibus, & nudis ita confecerunt vt oblatos etiam calceos respuerint, protestati cupere se in præcutos lapides offendere, vt breuitatem vitæ patiendi ardore compensarent. Maxentia maximè fuit ad mirationem, cui diuina gaudia, quibus delibutam esse apparebat, omnem doloris sensum quatrinduo iam tortæ, nec laboribus assuetæ adimebant.

Cum ad supplicij locum peruenissent, altè præfixas fudes tres cuique suam inuenerunt: quas cum amplexu suo elegissent, dimidiatam horam in preces nixi expenderunt.

Tum fratres duo sacram suam supellectilem, ne simul arderet, neophyto tradentes, superiori se ipsos veste exuerunt, & ad fudes alligari cœperunt. Maxentiam interim vrgebant nonnulli, vti quolibet signo defectionem præse ferret ignem minitantes. Sed illa,

Michael & Linus educti ad supplicium. Adiungitur Maxentia.

Linus & Michael viui comburuntur.

illa, cum iam ligna ignem concepissent ter in ipsum incendium conata est inuolare: fecissetque pari, ut credi potest, spiritu, quem ex antiquitatis exemplo colligimus, nisi fune quo ad collum alligabatur, ministri profilientem cohibuissent. Ardebant interea fratres & medijs in ignibus apostolorum symbolum Michael, Linus Iesum ac Mariam pronunciantes vna cum ipsis ignibus expirarunt. Maxentia tamen sibi constabat nec extinctis fratribus in vicinas ædes abducta potuit à sententia dimoueri. Ergo ad locum supplicij reducta bis adacto in guttur nudo mucrone terri non potuit, sed minas ridens ait: Lepidum est quod facis; non terremur ijs quæ optamus, promitte vitam si terrere volueris; nam post talem mariti mortem superstes esse sine sensu qui possum? Quod cum dixisset, sparsum in occipio crinem reiecit in sinciput, & ad carnificem conuersa uti suo munere fungeretur generosè lacessiuit. Nec diutius ille differens sacratissima Iesu ac Mariæ nomina inuocantem obtruncauit. Truncum cadauer in rogi conijcitur, & vnà cum fratrum exuvijs in cinerem reductis, sportis etiam exportata humus in flumen abiicitur, ne quidquam neophytorum piæ venerationi reliquum superesset, non tamen defuit, qui prius ex illo holocausto frustula temporari eriperit.

*Maxentia
ter conatur
in ignem in-
uolare.*

*Solicitanti-
bus etiam in-
sultat.*

*Maxentia
obtruncatur.*

Sed maximè mirandum est quod certa Christianorum relatione comprobatur, In medio fluminis, noctu stellas quasdam affulsi-
se, quarum ducti fulgore sanctorum reliquias inuenire potuerunt, quæ Nangasaquium ad Patres Societatis asportarunt.

Duorum fratrum soror morientium generosa spectatrix supplicio interfuerat; ea mox in carcerem excurret, Parenti Clementi, ac ceteris quos etiam tum vincula detinebant, omnium fida narra-
trix. Quæ cum è spectaculo animum concepisset, victis maximè auctor fuit uti pari constantia ad non abfimile funus aspirarent; quod faciebant ipsi; sed Clemens maxime, qui non semel coram ludicibus defectionis suæ ignauiam detestatus, quod semel admiserat abunde reuocarat. Sed illi nihil ultra sæuientes, victos reli-
quos liberos domum remiserunt, sibi Christoque viuere permisos ut maximè voluissent.

*Reliqua fa-
milia domum
remittitur.*

CAP V T. XIII.

NON exigua Bungenſis regni pars illi dynaſtæ paret qui Buienſes moderatur. Hinc factum eſt vt in hoc caput quædam reiecerim, quæ apud Bungenſes conſtat contigiffe; ſed quæ propria ſunt Eccleſiæ Buienſi prius perſequamur. Yechudono dynaſta, quo tempore in regna Yendo ſæuiebat hæres Imperij, debebat ibidem ſuiſque oculis omnia ſpectabat. Et quanquam diuturna beneuolentia Chriſtianos, etiam cum noſtros inuitus ante biennium exegiſſet, ante hæc tueretur, non eſt auſus tamen edicti Cæſarei ſeueritatem negligere, quodres ſibi ſuas in diſcrimen adducere non temere fortaiſſe videretur. Mandat igitur ab regia vt ad defectionem neophyti omnes quouis modo laceſſantur. Et vulgus quidem poſt multas artes machinâſque concuti non potuit, donec ad eos terrendos de nudandis vxoribus ac puellis, ac vicatim circumtrahendis agi, cœptum. Ea res quippe cum ſupplicio quouis grauior habita fuiſſet, multos imo pleroſque de mentis firmitate deturbauit, effecitque vt tempori cederent, externoque ſaltem aliquo ſigno Chriſtum ignauiter abdicarent.

*Vulgus à fide
aſciit.*

*Nobilis cuiusdam
Didaci cum ſuis
conſtantia.*

Nobilitas planè ſe geſſit generoſius, etſi fortè nihilo mitius tentata. Primas in ea tenebat Fäitodono Didacus in vrbe regia Yendo arcis extruendæ pro dynaſta ſuo præfectus; hoc enim obſequium clientelæ Imperatori à dynaſtis debitum (quod alibi dixi) multos iam meſes operarum ſupra quinquaginta millia ex tota laponia detinebat. Hunc dynaſta non eſt auſus adhuc aggredi, vel deſperatione victoriæ (non neſciit enim inter eum & dynaſtæ familiariffimum conueniſſe vt cum de fide deferenda ageretur, primo nuncio capitis ſententia non defeſſio imperaretur) vel quod ſatis conſtaret eum ſi martyrij ſpes aſfulgeret dimiſſo cui præerat arcis opere, cum ſuis totum ad Euangelicæ turris ædificationem ſe accincturum. Quin eiufdem vxor, quæ domi remanſerat, ex abſentia mariti clientum ſuorum curam gerens miſit quaquauerſus qui moneret heri ſui mentem eſſe, vt in religione perſiſterent, neque

neque vererentur sua firmitate malum illi creare; qui iam apud se statuerat suam suorumque salutem fortunis vitæque præponere.

Tentatus est tamen eius gener iuuenis nobilissimus, submissis primùm regni moderatorum voluntate amicis regniq̃ue primoribus; quibus deinde fatigatis succedunt ethnici propinqui, mater maximè; qui precibus, lacrymis, auctoritate ac propinquitatis iurare acriter decertarent. Sed utrosque cum ita reiecisset, ut intelligeret vltiore sibi prælio decertandum; mox ubi audiuit suam dynastam ab regia domum reuerti, misit qui Nangasakio vnum, è nostris quàm occultissimè accerferet, cuius se opera efficacibus sacramentorum præsidij ad hunc agonem præmuniret; quod fecit accuratè sanè, postquam non sine suo sacerdotisque nostri periculo illum admisisset. Redit igitur dynasta, intelligit ab regni moderatoribus quam acriter Faitodoni gener oppugnatus esset, quam acriter restitisset. Non arbitror, ait dynasta, eum per ætatis licentiam de salute sua sollicitum adeo repugnare, sed ne Socero suo inconstans videatur sibi constare. Ergo ad eum mittit qui renunciet, ut hanc viri constantis deponat vanitatem: aliud velle tempora, non de fore illi per ætatem annos quos in salute procuranda sine villo periculo collocaret. Respondet se cum Christo sacra suscipere, sui, non soceri; salutis, non existimationis habuisse rationem, cuius procuratio ut est æternitatis ita ad omnem spectaret ætatem.

Ex hoc illius responso impotentius accepto factum est ut ad eius voluntatem pertentandam ad extrema prope omnia deueniret. Mittit enim ad eum schedas duas alteram in hæc verba conceptam. Tamen si iusserit imperator, aut hæres imperij vel dynasta meus Yechudono; Christianus esse nunquam desinam. Altera in contrariam sententiam concepta ita legebatur, In gratiam Imperatoris, principis, ac mei dynastæ protestor me Christianam religionem abdicare. Cum his schedis mittit qui renunciet, diligenter etiam atque etiam dispiciat, utra scriptio ex ipsius re sibi videatur, illique quam elegerit propria manu subscribat. Internuncio iuuenis animosè cordatèque respondit, hæc omnia dudum accu-

ratè meditata nihil nouæ deliberationis exigere. Tum extemplo priorem schedam nomine suo insignitam remisit ad toparcham. Eam rem qui tulerit nondum dynasta demonstrauit, creditur tamen Faitodonum præstolari, ut vno prælio cum socero generoque decerneret, non putatur tamen ex Iaponensi consuetudine tantam libertatem impune laturus.

Sagaci quidem vir est iudicio & in huiusmodi occasionibus sui minimè potens: sed eos peculiari studio prosequitur qui debita fide ac reuerentia dominos suos colunt, & nec mortis aut alicuius dispendij metu ab instituto bono possunt auocari; dicere solitus eos qui formidine, aut minis à recta ratione & boni prosecutione deterrentur, hominis nomine indignos esse, minimèque aut præfenti, aut futuræ vitæ idoneos.

Quod cum Christi pugil Christiani facinoris sibi conscius minimè ignoret; palatio abstinet, seque totum futuro certamini lætus accingit. Sed nec alij plures desuere à quorum certaminibus materiæ similitudine abstinemus. Inter quos vnus fuit, qui ereptum sibi à iudice per vim rosarium ita tulit molestè, ut uxorem suam iudicis propinquam repudiarit, nisi à propinquo suo precatorios globulos sibi recuperaret. Quod illa perfecit nec dubitauit alienissimo. Moqui tempore maritum imitari, Christum professa, ut aiebat, hac spe ut cum marito martyr euaderet.

Et ne perpetui simus in pugnando repugnandoque, duo subijciam quæ cælestis prodigij similitudine non paucos in fide retinenda confirmarunt. Apud Bungenses neophytus erat, quem tepor suus eiectum de ore Dei Satanæ tradiderat. Energumenus ab hospite suo importunè vexabatur. Et quoniam hoc illi malum ad animi salutem ipsi alijsque multis obuenerat, secretissima quæque scelera tepidioribus neophytis maximè, sed & ethnicis subinde aperiebat. Si quando neophytus aliquis ardentior eum adiret modesto silentio se continebat. Ethnicos suos vocabat, aliâque huiusmodi multa dicebat, quæ non paucos permouerunt. Cum illi aqua propinaretur cruce quàm occultissimè lustrata; adduci nunquam potuit, ut ex ea guttam attingeret. Ecclesiasticis tandem exorcismis liberatus pristinum teporem excussit, *ne fierent hominis illius posteriora deteriora prioribus.*

Aliud

*Stratagemata
Christianum
pro recuperando
rosario.*

*Fidei desertor
à damone
possidetur.*

Aliud suo genere lætius nihilo minus admirationis habere videri potest. Ethnica mulier ad Christi sacra diuturnis iam votis aspirabat, verum Ethnicum inaritum verita non se satis expediebat. Nocte igitur quadam, à matrona maiestatem supra mortalem præferente, vt Christiana fiat in somnis se monitam refert. Hoc viso confirmata Christianis prælectionibus vt imbueretur modum inuenit, iamque satis imbuta baptizatur. Resciuit hoc non ita multo post mulieris socer ethnicus, eamque rem ita vehementer tulit, vt eiectam domo nulum abdicarit. Illa nunc in parentum domo in suscepta fide religiose perseuerat, narratque visis non infrequentibus dormientem confirmari, & à matronis grauissimis sæpe moneri vti persistat, sibi curæ fore vt illi à Deo salutem impetrent, quam in suscipienda religione spectauit.

*Ethnica mulier
visis monita
ad fidem adducitur.*

FACA.

FACATAE IN REGNO CHICVIEN IOACHIMUS & Thomas post graua supplicia obtruncantur.

CAP. V. XIV.

EXpulsis anno superiore Facata & Aquizuqui nostris, vbi sub Chicujendono considebant, in hunc annum nihil in neophytos acerbius fuerat constitutum; hoc tempora incunte Martio procella, quæ vbiq; sæuebat nihilo mitior hic videri potest. Tamen etsi enim inuitus dynasta Christianum nomen insequeretur, voluit tamen videri Christianos ad vnum omnes suis in terris pro Imperatoris voto extinxisse. Totares in hunc modum scribitur contigisse. Edicatur itaque Martij 12. vt in forum quoddam neophyti omnes conuenirent, & quoniam vrbs duas in partes aliquantulum diffitas diuiditur, alteram quæ peculiariter Facata, alteram quæ Fucuola nominatur, forum autem illud in hac vrbs regione contineretur; solum eo conuenerunt ij neophyti, qui huius regionis magistratibus parebant, à quibus edictum ipsum duntaxat exierat. Hi ad centum numerati sunt capita familiarum, neque enim ceteri accersebantur. Ex alia porro vrbs regione poterant supra mille numerari. Ad eos excutiendos iudex Oribedono huius regionis præfectus cum assessoribus quatuor è regione sani cuiusdam, cui nomen Chifugi, confedit. Liber erat solo titulo inscriptus in hunc modum. Nomina eorum qui fidei Christianæ renunciant. Hic singulis proponebatur, vt propria manu sua nomina inscriberent. Quosdam mortis ac suppliciorum metus eo adigit, vt maluerint breui scriptione multas molestias redimere; alij cum negarent se id facturos, vt aliena manu tamen inscriberentur ignauè satis annuerunt: multis arrepta manu, immissoque in digitos calamo illata vis, ita tamen vt non satis fortiter repugnasse dicerentur. Denique toto ex numero præter duos nemo fuit, qui non perfidiæ infamia vel suspitione laborarit.

Duo igitur illi, digni qui nominentur, quoniam è libro vitæ expungi noluerunt, Thomas & Ioachimus dicebantur. E quibus euocatus Thomas ad scribendum inuitantibus ita respondit: Nihil
 Hh æquè

Neophyti sollicitantur.

Multis deficiunt.

Duorum insignis constantia.

æquè facile quàm nomen meum pingere, sed libri titulus non placeat. Cum enim Christo renunciare nullo modo velim, nemo quoque me adducet, vt in hoc perfidiæ libro ignauus ascribar. Vrgent hominem Iudices, vrgent vicini ac propinqui, & allegant nescio quot, qui cum initio acriter restitissent, cesserant tandem dynastæ voluntati. Eorum, ait Thomas, constantiam quam diu ad ignaniam minimè degenerauit, imitari contendam. Ioachimus ad nobile fidei certamen non venerat imparatus, quippe qui edicto illo quo Christiani ad arenam vocabantur, velut classico incitatus ad arma confugerat, breuiter enim composita re familiarium in orationem effusus ea quæ natura horremus votis cælestibus præueniebat; ad quem cum neophyti velut ad parentem conuenissent, orantem inuenerunt, ex eoque hæc quæ animo tractabat acceperunt. Tempus quidem coronam martyribus nectit, eam etsi despero si meritis datur, minimum tamen ad exilium adspiro; quod si contigerit vna cū coniuge sipe ostiatim conquistā vitam læti extrahemus.

Ad eum paulo post amici à Iudicibus missi, quam verebantur in prælio firmitatem, conati sunt ante prælium infirmare. Hanc illi præ ceteris humanitatem exhibebant, ideo quod continuis in plerosque beneficijs omnes sibi conciliant, arte maximè medica, qua valere putabatur eaque gratis in pauperes exhibita gratior habebatur. Verum ille hostiliter amicos ita repulit, vt ad iudices retulerint, in medico spem salutis esse desperatam. Euocatus itaque ab iniqui tribunalis præfide, interrogatus num in retinenda Christi religione animum obfirmasset, ita respondit, Ego medicus & alumnus Patrum Societatis, ab ijs salutariter educatus, debueram me vltro sanè exilio in magistrorum meorum societate damnare, sed me rationes moræ atque alienæ adhuc tenuerunt. Nunc quod hucusque distuli abruptam, si mihi per vos esse Christiano non licet.

Ioachime ait Iudex, nunc quidem de exilio non agitur, sed de Christo eiurando. De hoc ego, Ioachimus ait, ne agi quidem volo, vt vt de me meisque disponatur. Tum iudex collatis cum assessorum senatu capitibus Ioachimum vinciri sponte manus ambas offerentem & in partem alteram separatim abduci iubet. Interim ex arce nuncius examini, quod in noctem declinauerat, imponi finem dynastæ

dynastæ iussu monuerat; quod ut fieret, elata præconis voce conclamatur, ut si quis inuitus in album relatus esset, id palam protestetur. Ignauo sanè silentio præter vnum omnes siluerunt, tametsi constaret non paucos vim vel fraudem tolerasse. Vnus ille Thomas fuit de quo nondum quicquam fuerat acerbius constitutum. *Generosa Thomas re sponsa.* Prodit igitur Thomas, seque in eadem esse ac semper fore sententia profitetur. Cui iudex, Christianos omnes exterminari iubet Imperator, tu ubi consistes? ubi ubi voluerit, ait Thomas. Intra saccum in flumine maceraberis ut Ozacæ tuis factum audio; non displicet, ait Thomas; vel in cruce subdit iudex: hoc etiam magis placet, nihil excipio, quicquid eligatis. Excurret interim iudex Oribedonus in arcem, & extemplo reuersus ceteros dimittit Thomam non secus ac prius Ioachimum vinciri iubet; quod cum satellites atrocius facerent, laxari iudex imperauit negans eum qui sponte vincitur eum in modum stringi oportere. Sed Thomas ardore patiendi accensus laxari renuebat.

Hinc in publicam custodiam retrusi dynastæ sententiam alacres præstolabantur. quo tempore submissis denuo primoribus aliis post alios variè est illorum tentata constantia. Sed Ioachimus cum socio defectionis simulationem, quæ sola exigebatur, & que ac ipsam defectionem exhorruerunt: suaq; tandem constantia, quæ verbulo subterfugere potuissent supplicia prouocarunt. Nam dynasta lenitate in furorem versa, in pinetum vtrumq; abduci iubet, ibique ex altissima pinu pedibus suspendi, donec à sententia recederet. *Ioachimus & Thomas ex arbore pedibus suspenduntur.* Pinetum est suburbanum primariæ vrbs portæ imminens, & idem vel itineris vel animi causa frequens. Eo Ioachimus ac Thomas Martij 13. abducuntur. Et Ioachimus prior ex altissimo ramo pendens, infra se pendentem Thomam ita despiciebat, ut capite pedibus illius imineret. Et tamen ab imo Thomæ capite ad solū. alij duo pendere potuissent. Cōcurrerat ad spectaculū ciuitas vniuersa; qua teste pendetium è sua cruce constantia nobis constitit, nec videtur omittenda.

Pependérant iam aliquo spacio, cum Ioachimus Thomā ita compellauit, Thoma frater memor esto eorū quæ nostra causa Iesus Christus Dominus ac Magister noster in cruce tolerauit: grates illi referamus, & imitantes hac nos sui similitudine in ligno pendentes coher- *Alter alterū solatur & confirmat.* nestat,

neſtat, nōſque Diuo Petro ſimillimos capite demifſo pendere permittit. Cui Thomas: Eadem agitabam animo, qua commentatione ita dolores meos leniri ſentio nihil vt mihi videatur quod patior pro eo quod pati deſidero. Ita ſe Chriſti athletæ his ipſis verbis ſolabantur. Pomeridianis horis duabus cœptum ſupplicium totum eum diem ac noctem tenuerat, cum altero die frequenter ab vrbe tota in pinetum concurritur. E ſpectatoribus Ethnici neſcio qui alternis inſultantes ſuadentēſque vt ſaperent, in hæc forte verba proruperunt. Mirum eſt ſanè reperiri vſque adeo emotæ mentis homines, qui ſupplicijs præſentibus ſalutem incertam ac nunquam fortasſe futuram infeſtentur. Hæc illi cum inter ſe pluribus agitent; Ioachimus diuturnius ſilentium in hæc verba interruptit. Hactenus ſilui, quod præſens rerum noſtrarum ſtatus neglectus mortalibus cum immortalibus colloquiæ miſcenda commoneat. Ne tamen pœnituiſſe nos, aut hæſitare quis arbitretur vnum percontabor eos omnes compellans qui à dynaſta noſtro cenſus annuos aut alia recipiunt. Fingamus ex ijs aliquem eo deueniſſe, vt eum mori oporteat, aut perfidiæ in beneuolum principem ſe labe ſœdare. vtrum illi credetis eligendum? an non ipſam mortem qualibet etiam ſuppliciorum tarda grauitate terribilem? Quod ſi verum eſt, vt eſt: quis neget eodem nos ac tanto maiori fidei vinculo obligari quanto maior eſt is pro cuius fide tuenda hæc patimur, & quanto maiora ſunt ea quibus illi nominibus aſtringimur. Quæ ratiocinatio muto audientium ſtupore comprobata importunos hortatores abegit. Ergo in diem inſequentem, qui erat tertius, prope vſque ad meridiem ita pependerunt, vt toto illo (ſi paucas horas dempſeris) triduo ne frigida quidem hauſtu refici per ſatellites potuerint. Tandem iubente dynaſta, quod in pinetum animi cauſa de more cogitaret, deponuntur. Sed neque depoſitis quies aut virium inſtauratio permittitur; nam tametſi Ioachimus refici cupe-
ret, quod inedia ſupplicioque prope excutiret, ac vereretur ne ad vltiora ſupplicia non ſatis præſentem animum aut nouas vires adferret, non potuit tamen impetrari. Sed ad meriti cumulum in nouum crucis genus aguntur. Tranſuerſis quippe lignis in ſcalas immiſſis pedes manūſque fortiter alligantur. Ad eos in hac noua cruce

*Ioachimū
pendentem ad
ethnicos ra-
tiocinatio.*

*Tertio die de-
ponuntur.*

*Cibus ei ne-
gatur.*

cruce velut quiescentes (si minus hoc tormentum cum atrociori comparatum aptè quies appellatur) neophyti propius accedentes quærent vti se habeant, satis admirati hominibus post eam supplicij gravitatem ac moram, vitam nedum loquendi facultatem superesse potuisse. Ioachimus in hæc ipsa verba responderet: Multa olim & sanè graua tuli cum militiæ operam darem; sed si cum prioris supplicio conferantur vniuersa, ludus fuit. videbar mihi quippe ab alto ad imum serra diffindi. Verùm continua tormentorū Christi commentatio ideo me solabatur, quod viderem supplicij mei tenuitatem, cum ad eorum quæ passus est gravitatem tanta imparitate componebatur. Vnde ne nihil esset illud exiguum quod tolerabam, dolores meos cum illius doloribus coniungebam.

Interim dum nostri athletæ ad arboris suæ pedem cum neophytis colloquuntur, dynasta in pinetum animi causa superuenit. Satis constat eum cum impotentius ferret se ceterorum victorem à duobus superari, minatum se cum in pinetum venisset vtrumque sclopo traiecturum; quod ideo fortasse non fecit, quod spectantium multitudo eum ab impotentia deterruerit. Vbi tamen rescivit illos neque supplicij gravitate, neque tarditate à proposito elanguisse, dixisse fertur. Nihil est quod ultra meliora sperentur ab ijs quos hucusque perduxit obstinatio, quam truncatis capitibus actutum luant mando. Nec morâ, Iuvenes aliquot accurrunt, & vtrumque in supplicij locum abducunt. Ioachimum vires defecerant, & latus carnificum humeris eò deuenit. Thomas ætate iunior ire potuit. Ioachimus igitur primo ictu oblongiore romphæa truncatur. Thomas vbi nonnihil ad orationem spacij exorasset, socio comes additus gladio truncandam æruicem tradidit; & vterq; mortis sacræ compendio æternitatem compararunt.

Sacra eorum corpora in eodem pineto condita dies aliquot iacuerunt, donec à neophytis subducta in eum locum inducta sunt, vnde ad debitam illis venerationem educi poterunt cum illi Ecclesiæ serenitas redierit. Capita tamen mox aliqui neophyti surripuerunt, & ad ceteras martyrum reliquias Nangasaquium delata Societati sunt tradita, quæ facile dignouerunt ij qui cum viuis ante tractauerant. Eorum mors atque constantia tanti habita est ab ipsis

*Ethnicis sacrificulus
martyres commendat.*

ethnicis, dicere ut non dubitauerit ad frequentem concionem è superiore loco nescio quis sacrificulus. De illorum salute quis dubitet, qui pro sua lege ita certauerunt, utinam vos ea contentione salutem procuretis.

*AQUIZUQUI EODEM IN REGNO MAT-
thias in eadem causa capite plectitur.*

CAPUT XV.

AQuizuqui frequens erat neophytorum cœtus, qui auctore Michaelē Soyemondono eius quondam loci toparcha co-
aluerat: sed eo iam vita functo, cum præfectura tota in alterius iura transisset, soli ferè coloni negotiatoresq; remanserant, nobilitate vniuersa, quod in huiusmodi regnorum vicibus in Iaponia fieri solet, hinc inde diffuente. His præerat senex quispiam olim sacrificulus, & quod idem est Christiani nominis hostis acerrimus, qui cū ex Imperatoris ac dynastæ voluntate Christianis uti se ad patrios Deos referrent edixisset, plus in ijs quam cogitauerat inuenit firmitatis. Euocatos enim cū singulos exscripsisset, iubebat ut qui Christū negarent figurā nescio quam nominibus suis subscriberent, qui sibi constarent, supra nomen inscriberent. Et cū pleriq; velut seipsis superiores hoc extremū auderent isq; numerus ad septuaginta eosq; potentiores peruenisset, Christianos omnes criminaturus scribit ad dynastam, Aquizuqui neophytos in vnum coactos tumultuari, nec esse qui velit edicto parere. Ad eos igitur in officio cōtinendos trecentorum militum manus sub'ducibus quinq; in eos imittitur. Hi tametsi pacata omnia reperissent, facileque aduerterent ab odio religionis calumniam, non ab amore publicæ quietis, exortam, irruunt nihilominus in neophytorum domos easq; omni sacra suppellectile religionis indice violenter expilant, & secum victos atrociter abducunt. Pauci eo in tumultu defecerunt, alij chiographis adulterinis à propinquis frustra reclamantes liberantur. Ceteri nec interrogati, sed nec auditi dimittuntur, sublato militariter clamore quod omnes à Christo defecissent, facile ut ex modo constiterit omnia conuiiente dynasta ita fieri ut Imperatori fieret satis, magis quàm

vt

*Neophytorum
constantia.*

*Trecentis mi-
lites in Chri-
stianos im-
missi.*

vt Christi fides exterminaretur. Quod vt certius fama vulgaret, placuit ex omnibus vnum eligere quem sibi præ ceteris constare senserant. Sors autem cecidit super Matthiam.

Erat Matthias Aquizuqui Neophytos inter veteranus. nam in primis Christi fidem quondam satis cursim in primo illo Euangelij cursu susceperat, sed continua deinde nostrorum cura ita se sensim excoluerat, vt continua Christianæ pietatis exercitatione de virtute in virtutē ascensiones in corde suo disponens vnico martyrij saltu ad videndum Deum in Sion exultarit. Cum igitur inter primos nomini suo figuram religionis suæ testem præ ceteris animosius inscripsisset, domum repetijt ea facturus quæ generosus animus post heroicæ cōfessionis facinus prælagiebat. Et quoniam ipse sibi crucem spe votisq; proposuerat, illico vestem sibi parari iussit, cum qua honestè pudenterq; penderet. Sensere propinqui quid Matthias fecisset, quid in posterū facere cogitaret. Prima igitur prælia cum ijs miscuit, de quibus sacrę literę affirmant, quod inimici hominis domicili eius. Sed hæc erant huic animo præludia. Victor à se repulit vniuersos. Alterum agmen fuit eorū qui deni fere duodenū à moderatore quondam sacrificulo submittebantur, à quibus ante communem sacræ supellectilis stragem, priuata Matthiæ petulanter expilatur. Matthias militares animos laponēsi ex more ad sacra transferens eā iniuriam ita parum moderatè tulit, ac si armis quispiā eum suis exuisset, fleuit, infremuit, excanduit: donec aduertens tandem quid faceret, seipsum inculcavit: Itāne Matthia militariter & parum Christianè turbaris? Christi fides habet hæc pro signis solū sine quibus sarta rectaq; consistat; faciā Deo iuante vt constet his me sine religionis meę detrimento carere potuisse. atq; ita re quam meditabantur infecta, qui submissi fuerant ad moderatorem redierunt.

*Matthias se
ad crucem
parat.*

*Prima Mat-
thia certami-
na.*

Cum deinde militum trecentorum cohors gubernatori Ex-sacrificulo suppetias latura concurrisset. Matthias à iudicibus euocatur, eoq; ipso tempore quo refici volebat. Sed cū adduci vix ab vxore potuisset, vt paululum sumeret, excusso prandio assurrexit in hæc verba prolocut⁹, Agedū, eamus, cū eo vocemur, vbi reficiēdicorpusculi legib⁹ exsoluemur. Cū igitur in præstolantiū iudicū tribunal deuenisset ira interrogatur, Tūne es Matthias Xichirobioye? sum ait.

Tūne

*Liberè indi-
cibus respon-
det.*

Tunc ille qui scripto confirmasti te Christi fidem nunquam deser-
turum? Ille ipse. Tunc in hac sententia tibi constas? Consto, inquit,
nec est quod ultra vos fatigetis. Deo bene iuvante æternum mihi
constabo. Amicè tibi auctores sumus ut aliquid de hac animi con-
tentione remittas, ne ducum qui ad sollicitandos Christianos ac-
currere vim experiaris, tum maximè cum tibi subuenire nobis non
erit integrum. Quod, ait, respondi semel, vnum erit apud omnes i-
demque semper responsum. Quo dicto separatim iubetur præsto-
lari, dum ceteri non absimiliter exeunt. Nec ita multò post
dissoluto conventu Matthias ad gubernatorem ducèsque pertra-
hitur. Occurrit ex itinere facellulum in quo Iaponius Mars, Fachi-
man vocant, colebatur: in cuius conspectu (ne dubitari posset in
qua causa pateretur) solo afflictus, sustibusque contusus arctissimè
vincitur, non manibus solum sed iniecto quoque in collum fune i-
ta propè præfocabatur, ut sacratissima Iesu ac Mariæ nomina, quæ
sedulus inuocabat, ad audientes egredi laborarent. Eum funem cū
aliquid elocuturus remitti non nihil postulasset, hoc ab immitti sa-
tellitio responsum accepit, Cū tu tibi huius mali causa sis, mala
tua tibi habe. Bene moneris interclusa voce susurrat Matthias, et
Deo meo pati certum est quicquid occurrerit, nec passus est funem
à volentibus deinde laxari, cū diceret, finite me amabo reliquam
vitæ breuitatem suppliciorum meritis cumulare.

*Coram idolo
pane præfo-
catur.*

*Coram gu-
bernatore fa-
dem constan-
ter proficitur.*

Matthias igitur cum in gubernatoris ac militiæ ducum tribu-
nal deuenisset, rogatur edito iam nomine num à Christiana lege sa-
lutem illam quæ post fata speratur expectaret? planè, inquit. An et-
iam in Iaponiæ sectis eam reperiri putas? minimè gentium. si ita
sentis, inquit, quid est causæ cur imagines ceteraque tuæ religio-
nis arma tradidisti, scriptoque Christiana sacra patrijs dijs redditus
eiurasti. Priora, inquit, per vim erepta sensi acrius, quàm pro Chri-
sto patientem oportuit: posterius nec feci, nec faciam, nec si quis
meo nomine fecerit sum conscius, aut ratum aliquid habeo, quàm
quod præsentè ac iubente gubernatore firmaui. Næ tu, inquit, per-
tinax es, aprusque ad omne scelus etiam perduellionis perfrictè
patrandum. His alijsque conuicijs affectus Matthias eiectusque
ibat gaudens à conspectu concilij, quoniam dignus habebatur pro
nomin-


nomine Iesu contumeliam pati. Nec mora in eiectum capitis sententia dicitur, dictaque non differtur, sed abductus in reorum arenam cum iter totum precibus consecrasset, in genua ruit hoc vnum prolocutus. Testes mihi estote quod in Christi fide retinenda vitam pono; quod cum dixisset obtruncatur, eo ipso die quo loachim^{us} & Thomas Facatę in eodem regno fortiter occumbunt, Martij nempe quinto ac decimo. Nec absuit prodigium, constat iuratis testibus ipsoque carnifice, truncum caput tertio Iesum inclamasse: tertiamque vocem non solum non elanguisse, sed ac si se ipsam validius intendisset, clarius exauditam. Sacrum caput & reliquas mortalitatis exuias Diuorum omnium ædes à Societate Iesu asservandas excepit, & socia ceterorum martyrum sepultura donauit.

Capite truncatur,

Truncum caput tertio Iesum inclamat.

Non vnus Aquizuquì pugnauit Matthias. matrona quædam Anna nomine sine sanguine, sed non sine animo repugnauit. E quinque ducibus vnus ad eam nuncium miserat qui rogaret vt in eiurando Christo dynastę nec non Imperatoris mandatis obtemperaret, Cui illa, Satis admiror, inquit qua fronte missus ad me fueris lacessendam, cum hero tuo constare debuisset me tamen si fœminam non esse de numero transfugarum. Forte post dies aliquot obequitans ille, qui nuncium miserat, matronę ædes transierat; quę redeuntem obseruans, nondum decocta memor iniuria domo erumpit, equi frænum corripit, sessoremque in hæc verba compellat, Ego Christianè viuo si nescis & moriar Christianè quibuslibet etiam supplicijs lacessita. Eques rubore suffusus illam in ædes remittit, spondens neminem in posterum illi molestiam creaturum quæ cum se recepisset, cœpit quem conceperat animum toto suo sexu vulgare, apud quẽ auctoritas illi multa, quod fœminas prope omnes Ecclesię matri renascentes consuetis ritibus, si dicere licet obstetrix accepisset. Huius constantiam nonnulli exilio, aliquetiam grauius luxati non dubitarunt imitari. Sed quia maiora nos vocant à communibus abstinemus.

Christiana matrona constantia,



ADAM ARACAVA NVDVS PENDET ET DEMVM CAPITETRVCATVR

NOBILISSIMO MARTYRIO ADAM ARACANA in Insula Xiqui coronatur.

CAPUT XVI.

Insula Xiqui pars regni Fingo sub Augustino quondam Christum agnouit, hodie paret Ximadono, qui Figenſi in regno arcem incolit cui Caratcu nomen eſt, Inſulæſque Xiqui & Conzuram ſuffectis ſibi præfectis moderatur. Ante hunc turbinem ſerena i-bires Chriſtiana, fauente non Ximadono dynaſta minus quàm Inſularibus, eius exemplo, præfectis. Sed ubi detonuit ab aula præſentis procellæ fragor, quiſque rebus ſuis conſulere, quam fauere maluit alienis. Ergo ad præfectos ſuos admodum imperioſè ad noſtros non inurbanè ſcripſit, vt exemplo noſtri cedant Inſulis ſeq; recipiant cum domeſticis quo maximè placuerit. Scriptum, factum, iubetur ex Inſula Xiqui ſacerdos noſter P. Garceſius cum ſocio alumnisſque die poſtquam moniti fuerant horis matutinis abire. Parendum fuit eo neophytorum ſenſu, quem extremi luſtus extremum ſacrificium interrumpentes teſtati ſunt. Ne tamen omni cultore vinea deſtituta planè ſilueſceret, relictus eſt quàm fieri potuit occultiſſimè apud filium ſenex quidam annos natus 60. quorum plurimos domi noſtræ domeſticis obſequijs triuerat lubens ac volens ex eo tempore, quo ab Arimenſi rectore præſenti neci, quæ ab hero illi deſignabatur, ereptum ſe fatebatur. Is Arimenſi ex agro oriundus Aracauæ pagum (Arima duas fere leucas diſtat) natalem agnoſcebat, à quo etiam Aracaua dicebatur. Commendatur Adamo igitur, vt quantum laico licet, Patrum ſuppleat abſentiam, infantes e-
Noſtri ex Inſula Xiqui pelluntur.
Rei Chriſtiana procuratio ſens Adamo commendatur.

Quæ dum curat nemine vel aduertente vel prohibente non indiligenter, Ecce tibi à Ximadono literæ cum regiam peteret adueniunt, quibus & auctoritate & Imperatoris exemplo adductum ſe ſcribebat, vt ne vnum in ſuis terris pateretur Chriſtiano nomine cenſeri, idque ita ſeuerè ſuis edicebat præfectis, vt ſcirent ex hac vna re dynaſtæ ſui ſalutem ac totius Inſulæ incolumitatem dependere. Hinc factum eſt vt Xaroiemon ſupremus Inſulæ præfectus ſubita metamorphoſi viſus fuerit ex agno in leonē eſſe conuerſus, & qui fauere ſolebat furere cœperit atq; bacchari, ita tamen vt omnia geſta perfunctoriè furoris potius apparatus, quam furorem

In alios Christianos sic in Adamum serio inquiratur.

ostentarent, fictis enim chirographis tumultuq; hoc agebat, ut nemo videretur, nō ut nemo esset Christianus. Quia tamen oportebat Neophytos auxilijs suis destituere, vel exemplo terrere, aut etiam aliquid quo serio res acta credi posset ostentare, visus est Adamus vnus ex omnibus aptissimus in quem tota procella sauiret, quem si pauidum ruina feriret, eadem multos inuolui procliue erat, sin sibi constaret, cetera sibi hostes videbantur consecuti.

Adamus igitur vnus ad supplicia quærebat, & quoniam gregem suum lustrabat inscius fabæ quæ in eum cudebatur, apud nonnullos etiam neophytos in suspicionem venit adornatæ fugæ furorisque declinati. Inuentus est tandem ab vno è neophytis, toriusque rei factus certior laureatum nuncium sublati in cælum manibus gratulabundus excepit, nec mora, moras omnes abrumpens domum repetijt, in qua neque se periculis obijceret non vocatum, neque se subduceret conquisitum. Adeum continuo ethnicorum concursus facti, qui hostiliter amici suaderent ut id faceret exemplo, quod tandem esset urgente præfecto aliquando facturum. Quibus in hæc verba respondit. Ego neque præfectum, neque dynastam, sed nec Imperatorem curo quoties de hoc negotio salutis agitur, ideo quod Christianus sim & à solo Deo salutem sperem. Quibus verbis ac similibus cum importunos à se repulisset hortatores, ad Duumuiros qui de Christianis inquirebant amandatur, apud quos blanditias, minas, fraudesque ex vna omnes impietatis pharetra sagittas illæsus exhaustit. Vincit igitur in arcem raptatur ad præfectum tertio ante Dominicam Palmarum die, satis lætus quod sui suppliciorum dies cum Christi tormentis conspiraturi nō causa solum sed ipso quoque tempore videbantur.

In arcem venerat Adamus inclinata iam die, dilato igitur in aliam diem examine præfectus eum iubet, ut in crastinum mollior esset, tota nocte aliquo supplicio macerari, ita suspensum, ut extremis prope vnguibus corporis moles vniuersa consistere videretur. Postridie vocatur ad tribunal, præfectus vultu ad humanitatem lenitatemque composito, protestatur se nec sua, sed nec dynastæ voluntate in Christianos debachari, sed hoc vnus Imperatoris voluntate fieri, cui serius aut citius velis nolis sit parendum. Ego, inquit Adamus, mortales negligo in hoc negotio immortalitatis, iubeat qui

Sollicitatus ad desectio- nem liberè respondet.

qui voluerit, vni Deo parco, à quo vno quæ sunt æterna præstolor, dynasta ne statu suo excidat, quod iniustum est, facit, ego ne vita excidam immortalì à iustitia non recedo. à qua si excido, neque tu præfecte, nec dynasta, sed nec Imperator à morte me liberabitis æterna. Sed esto liberent, neque diuini Numinis, neque beneficiorum illius in nos magnitudo hanc in generoso pectore defectionis patitur vilitatem. De me statue præfecte, vt voles, non sum à Christo nec alius vllus me auctore defecturus.)

Excanduit hac respondentis libertate præfectus eique qui sum pectus aperuerat totum corpus iussit ad ignominiam denudari, perque arcis compita inclamante præcone pertinacem rebellemq; rapari. Cum iam celebrioribus vicis lustratus ignominiam insignem latissimo semper vultu animoque tolerasset, iubetur in frequentissimo trinio in nouum crucis genus agi, in quo ludibrium supplicijque ita immiti lenitate temperabatur, vt esset sine morte diuturnum. Duo in terram stipites alti palmos octo vel nouem, quinque fere palmorum spacio alter ab altero defiguntur, ab vtroque stipite transuersus alter ita visebatur vt eo leuiter inniti non sedere posset colligatus ad palos, supra funis ab vtroque item transuersus capiti reclinando leue solatium erat præbiturus. In hac Adamus machina nudus vt erat ita colligabatur ad cubitos vt extremis vnguibus insisteret, in eoque supplicio totos dies nouem ad Sabbathum quod sanctum vocamus planè otiosè detinetur, ne tamen aut ætas grauior aut recens ægritudo huius supplicij moram & nocturnum frigus non ferret nocturnis horis soluebatur, inque vicina domo seruabatur. Iuuat in hac mora non nihil immorari & Adamum nostrum ætate venerabilem, facie semper alacrem, situmque ad pietatem composito visendum intueri, eiusque facta dictaque pleaque ab interitu vindicare.

Ethnicus nescio quis ex aduentu famuli quem Adamus priusquam caperetur Nangasaquium amandarat, sumens occasionem ita illum interpellauit. Quæ te spes alit miser, cum iam patres tuos tota Iaponia eijci Nangasaquienses ædes sacras intra breue tempus dirui nuncietur. Spes mea respondit non in Patribus, non in ædibus sacris vnquam stetit, sed in solo Deo cæli terræque Domino ac seruatore nostro Iesu Christo, à quo in supplicijs omnibus vires &

*Nudus per
urbem rapid-*
tur.

Nonem die-
rum suppli-
cio torque-
tur.

*Adami diem
in tormentis
ad ethnicos,*

*Ad Christianos
vtr.*

æterna deinde gaudia constanter certoque præstolor. Ad omnia prope quæsita hoc erat solum vnicumque responsum, quo repetito importunos à se interpellatores amouebat, qui si rogare pergerent, oculos claudebat, quod aures non posset, vel sublatis in cælum vnà cum vtraque quæ à cubito pendebat manu in attenta oratione ita defigebat vt absorptus in ea suauiter conquiescere videretur, fiebatque tanquam surdus non audiens & tanquam mutus non aperiens os suum. Christianos porro quoties id custodes permittebant amicissimè compellans hortabatur ne à fide deficerent Deoque fiderent, fore vt in tormentis eius gratia fulcirentur, quoties eius nuditatem horroremque miserti vinum illi more gentis calidum propinarent, causabatur id orandi sibi studium impedire, nec admittebat nisi vrgente necessitate perraro. Martyr compellatus se peccatorem inclamabat, indignumque hoc nomine profitebatur, quin potius constantiæ sibi ac perseuerantiæ virtutem precibus ad Deum fufis obnixè postulabat exorari. Denique nihil agebat nihil loquebatur, cogitabat nihil quod non sanctimoniam pietatemque redoleret.

*Tormento
exsoluitur tri-
mestri toto
detinetur.*

Primis diebus pendebat in vico quodam cui ædium vmbra vim ventorum frigorisque nonnihil refringebat. Verum id illi quoque leuamen invidentes translata in apricum cruce iuxta portum etiam vbi maior esset concurrentium frequentia, supplicium simul cum ignominia duplicatum, additaque sensim alia multa quibus in dies grauius petulantiusque torqueretur. Sed ille rupis instar non constitit sibi solum, sed alios etiam ad æmulationem fortitudinis inflamauit. Initio cum Adamo alij duo pendebant neophyti, sed nec planè nudi nec diu, quod propinqui facultatem Christianæ legis factam illis mentientes, pro eorum defectione spondentes, eos ex gubernatoris voluntate liberarint, nec idem beneficium Adamo præstitisset illibenter si quispiam pro eo fide iussor accessisset. Ad extremum cum per tot dies constantia de pertinacia triumphasset Adamus exsoluitur, & in amici neophyti domo iubetur custodiri, quanquam non ita multo post spondente pro eo ædium hero custodes amouentur, vnde factum est, vt Adamus trimestri toto in Christianis liberè confirmandis, seque ad martyrium comparando per otium occuparit, quod spacium, in quo multa posteritatis me-
moria

moria dignissimā contigerunt, non videtur cursum mihi transigendum. Siue enim secum ageret, siue cum ethnicis, seu cum ipsis denique neophytis, planè fuit admirabilis, quemsi ordinem seruauero nihil mihi videbor omisurus.

In ædium penetralibus cellulam inuenerat à tumultu remotiorē *Eo trimestris*
 eam dies noctesque incolebat, orationi aut piæ lectioni, quoties ab *quid egeris.*
 inuisentium sacris colloquijs se proripiebat incumbens. Libellus il- *Quid fecimus.*
 li de Christo imitando carus inprimis & frequens; ac solatia illi
 cœlestia defuerunt, maximè post heroicum ad gubernatoris minas
 horribiles responsum, ex eo enim tempore cœlestibus solatijs ita
 rapiebatur vt iā ea consecutus non sperare videretur. Satis constat
 ipso narrante Deiparam oranti Virginem quæ crucem manu gesta-
 bat adfuisse, quo ex tempore certior de martyrio factus iam non vt
 prius id nomen respuebat, sed Deo sua beneficia gratulabatur, præ-
 dicebatq; fore vt extremo supplicio plecteretur tametsi res, vt mox
 dicam ad exilium inclinatura videbatur. De hoc cœlesti viso
 cum ex eo quæsisset neophytus an Dei matrem sanctissimam clarè
 conspexisset, initio conticuit velut dubius silendūne potius an
 respondendum, sed paulò pòst hæc ipsa verba scribitur reddidisse,
 Crucem in manu sanctissimæ dominæ nostræ clarè conspexi. Nec
 hoc vno cœlesti viso recreatus creditur, sed quod inter colloquen-
 dum cetera subobscurius significasset omittuntur.

Ex eo quod ita secum ageret Adamus, quicquid cum ceteris age- *Quid cum*
 ret velut ex fonte nascebatur. Cum Ethnicis primum brevis & ner- *ethnicis.*
 uosus paucis verbis eos à se remouebat, quod vt cū importunis age-
 ret liberius, cellulæ ianuam quam opponeret ab hero custode impe-
 trauit. Multa illi cum ijs prælia victoriam quotidie celebriorem fre-
 quentiorēque comparabant. Sed nihil nobilius quam susceptum
 cum gubernatoris internuncio minisque certamen. Cum enim ad-
 uerteret eum nullis machinis moueri, misit qui moneret, sibi iam
 certum esse nisi tandem aliquandò à Christo deficeret, digitos illi
 pedum ac manuum amputare, sed ita vt ad supplicij tarditatem, nō
 alium prius amputato quam prioris vulnere persanato, nec se à len-
 tis supplicijs cessaturū donec sententiam permuraret, mortē porro,
 quā tantopere pro Christo suo exoptabat, se ad pœnā illi negaturū.
 Magna vis Christianæ fortitudinis, cui mors tantopere sit in votis vt
 negata

*Mirum etiā
crudelissima
passendi de-
siderium.*

*Cum neophy-
tū quid ege-
rit.*

*Secreta cor-
dium dāni-
mus cognos-
cit.*

*Futura pra-
dicit.*

negata sit pro minis. Huius internuncio athleta noster in hac ipsa verba respondit, Ad haec aliaque supplicia grauiora comparatus confido mihi vires à Deo meo minime defuturas. Si mors ex ijs sequatur gaudium erit mihi suis numeris absolutum, sin peccatis meis debita supplicia Dei causa tolerasse mihi ad solatium plus est satis. Vnum peto vt quoniam iam haec mihi supplicia decreta sunt ac certa, nihil moretur exequi, ne ingrauescens iam aetas parūque firma valetudo mihi mea gaudia meritāque praecripiat. Obstupuit responso gubernator, iussitque vt crudelem carnificinam inchoaret. Sed ille cui fuerat demandata horrore supplicij sanctique senis innocentia deterritus tam diu distulit, donec mollior post dies aliquot praefectus sententiam ipso intercessore reuocaret.

Cum Neophytis porro non inferiora contigerunt, omitto quotidianas de rebus diuinis colloctiones eaque omnia quae viri virtus persuadet esse vulgaria. Duo non possunt insigniora praetermitti in quo vtroque prodigium est euidens, & quod negari non possit prophetici muneris argumentum. Neophytus quidam cum animo tractaret attentius quibus supplicijs à Christo posset auocari, restitit in vno satis dubius quid ageret, si contingeret septem quas habebat proles se praesente torqueri, aut coniugem suam populo inspectante nudari. Ea cogitatio dies aliquot hominem suspensum tenuit, satisque mœstum, quod inuenisset in quo, vt tum sibi videbatur, gratiam natura superaret. Haec illi cogitatio nullis sensuum limitibus egressa intra mentis arcem tenebatur, cum qua visens Adamum forte vt seipsum tanto hortatore solaretur, priusquam verbum daret ita est ab Adamo compellatus, Heustu quā altè in animum tuum prolium tuarum tormenta coniugisque ludibrium penetrarunt. nescis heu nescis cum qui tibi ad cetera animum subministrat ad haec quoque vires minimè negaturum. Obstupuit ille qui sciret, hoc ex animo suo in Adami notitiam nullo sensuum vehiculò deuenire potuisse, suoque stupore confirmatus didicit spes suas in vno Deo non in se collocare.

Alius importunis vnus è ministris precibus Christum inuitus & simulatè sed tamen eiurauerat. Is deinde facti poenitens, sed nondum satis efficaciter. Adamum inuisit dum in sua cellula tenebatur.

batur, à quo est in aliquorum præsentia satis asperè increpitus, cumque discessisset hæc de eo dixit astantibus. Ipse quidem nimis ignauè se gessit, sed non ita multo post, diuinum honorem suumque abunde resarciat. Prædictionem probauit euentus. Vix bene Adamus martyr obierat, cum ille ipse ministrum adiens à quo fuerat ad defectionem prouocatus eum coram testibus ethnicis in hæc verba compellat: Meminisse potes quàm importunè nuper à te lacessitus nimis turpiter in fidei causa defecerim, nunc te ipso ceterisque testibus profiteor me nunquam ex animo Christi fidem posuisse, sed contra doloris mei testem conscientiam ex eo tempore nunquam conquieuisse, tametsi quotidiana corporis flagellatione assiduâque comprecatione conatus sim immane scelus eluere. Nunc rogo te vt posthac me pro Christiano habeas Christianèque viuendi facias facultatem. Excanduit ille cumque se ac præfectum quint & ipsum dynastam negasset hanc facere posse facultatem, iniurijs affectum eiecit è confesso. Tum ille magno planè animo facinus aggreditur animo dignum poenitente. In proximas enim ædes irruens candenti sibi ferro bene conspicuam in fronte crucem inurit. Tum in confessum redit in hæc verba prolocutus, Quis hoc signo inustus dubitabit me iam Christi fidem profiteri, cuius causâ quidquid est ubiq; suppliciorum irrogate, qui ad hoc animum ingessit, ad cetera vires non negabit. quo dicto se à confesso proripuit silentium illis ex stupore relinquens. Non nesciuit hoc gubernator iamque statuerat atrocibus in eum tormentis animaduertere, sed quod intelligeret plerosque Adami exemplo recentique facto inflammatos in eandem arenam prodituros abstinuit, Christi que seruus suo cauterio conspicuus in totam vitam liberè se pro Christiano gerit, præfecto velit nolit conuiuentem.

Sed tandem aliquando ad Adamum nostrum redeamus. Interim cum ipse sua cella detinetur diuque spes præfecti suspendit, incidit forte nobilium de eo cum præfecto mentio. Multis videbatur in eo torquendo demandatum sibi munus excessisse, cum enim domesticus esset noster, videbatur ex dynastæ sententia solo exilio non supplicio plectendus, nec vllum mactari oportere, cum dynasta nullum in Christianos ius necis concessisset. Præfectus itaq;

*Defertor fidei
palinodiam,
recantat in-
signis liberta-
te.*

*Candenti
ferro sibi ipse
crucem inma-
rit.*

fatis dubius quid ageret, renunciari iubet hero cui Adamum commendarat, suaderet Adamo ut se clam Nangasaquium recipiat. Cui Adamus non faciam, inquit, nisi publica iudicis sententia iubeat exulare, sed neque id sum facturus nisi publico scripto munitus, quo constet me à Christi fide deficere noluisse. Quod cum audisset præfectus, statuit cum ceteris regni moderatoribus absente dynasta rem agitare. Ergo cum in arcem se Caratcu dynastæ sedem contulisset, placuit præter omnium expectationem Adamum toties rebellem tamque insigniter peruicacem obtruncari, non dubiam esse in simili casu dynastæ voluntatem. Hanc moderatorum sententiam illi pronunciarent, si ea territus resipisceret, vivere sineretur, sin verò, plecteretur.

Hanc mortis sententiam Adamus ita excepit sicut semper optauit, ad quem fama rem vulgante tanti subito neophytorum concursus facti sunt, ut de publicè plectendo consilium deposuerint ne sacra martyris exuias ad cultum, quod nuper Arimæ fecerant, per vim sibi raperent Christiani. In arcem igitur ex custodia sua reductus eo prætextu, ut in suam denuo crucem ageretur, post aliquot deinde dies palam obtruncandus. Neophyti tamen si fraudem facile sentirent, nullo tamen modo illius martyrio per custodes interesse potuerunt. Illa igitur ipsa nocte clam magnòque silentio Adamus educitur sub gallicinium eo gaudio delibutus, ut omnes obtupescerent. Iter erat asperum ac præceps è summo monte in quo arx sita est ad littus, & tamen alij qui cum ducebant sæpius laberentur, quod ad secretum nulla face iter regerent, ipse senex victusque saltitans nusquam offendit, sed potius cum à carnifice de loco periculoso moneretur, exilijs eo animi corporisque impetu, ut eum qui funem trahebat post se raptaret. In supplicij loco breui perorans, cum rogasset carnificem, ut vna cum filio fidem susciperet Christianam, ipsæque se facturum recepisset, cervicem fortiter præbuit amputandam. Verum in tenebris aberrans sic humeros tetigit, ipseque immobilis ac Iesum in clamans, alterum ac tertium ictum, quo demum decussum caput exilijs, expectabat. Ethnici qui soli aderant, affirmarunt, truncum caput postquam in terrâ excidisset, bis Iesum ea contentione vocis in clamasse, ut tota vallis insonue-

Capite tran-
scitum.

Truncum
caput bis Ie-
sum in cla-
mas,

in sonuerit, quo permoti dicebant, hanc mortē aptam esse, ad Christi fidem persuadendam, orationem. ideo quod fieri non posse videretur in ea lege in qua tanta viri virtus cęlestibus prodigijs honoratur, salutem minimē reperiri. Sacrum cadauer vna cum capite reti inuolutum, altum scapha conscendentes saxisq; prægrandibus depressum in mare demerserunt, priusquam neophyti qui paulò post accurrerunt, concurrissent. Sed recenti cruore tepesactam adhuc humum colligentes, ethnicos qui paulò post aqua maris sanguinem venerant diluturi, præuenerunt. Sacrum corpus & caput sedulò cōquisitum reperiri non potuit, tametsi ex luce, quæ supra locum, vbi demersum dicebatur, frequens visebatur, in spem venissent illius educendi. Lux etiam in eo ipso loco in quo fuerat obruncatus, sæ- *Lux in loco*
pius illuxit, quod vtrumque iurati testes permulti confirmarunt, & *supplicij visa*
aliquando contigit ad octoginta simul omnes eam lucem eminus conspiciari, & quosdam, qui eam videntibus ceteris non videbant, precibus ad Deum fufis vt viderent impetrasse.

QVIS ARIMENSIVM RERVM STATUS
hoc anno fuerit.

C A P V T XVII.

Diu iam tota Iaponia vagati sensim redigimur in angustum; relique Christianæ maximam cladem cultorum illius vineæ expulsiōem persecuturi in extremum Iaponiæ angulum compingimur. Et quoniam à Nangasaquienfi portu proscripti exulare iubebantur, prius loca viciniora circumlustramus quā Nangasaquiū repetamus. Arimenses primū nobis reuisendi sunt, tū Fijensis regni domicilia (in quo Nangasaquienfis portus ipse numeratur) percurremus, ac demum Iaponia soluturi Nangasaquij conscendemus.

Redire velim in memoriam ea quæ libri secundi principia de Saffioie fraudibus aperiunt, quæ tandē hoc aņno eos quibus incubabant fœtus excluderunt. Ea vti contigerint & anno sequenti tragœdiam horribilem præpararint, aggredior explicare. Arimensis regulus cū aduerteret Octobris elapsi victimas ita arsisse, vt in reliquum Arimensē agrum incendia sua vulgarent, & Neophytos omnes intelligeret vehemensius votis quā flammis ardere; satis

Kk 2

intel-

intellexit, ex Saffoie principijs in quæ iurauerat nimis inconsultè dynastiæ suæ statum ab offensi imperatoris nutu velut à filo pendere, eo maximè telam intercidente, quam non aduertebat sibi texere, quam alteri retexebat. Ergo vt malum præueniendo minueret, aut in melius etiam noua illectus fraude commutaret, ad Imperatorem auctore Saffoie rescripsit in hunc modum, Sibi iam diu patrijs dijs post eiurata barbara sacra restituto nihil magis cordi fuisse, quàm vt clientes suos auctoritate, minis, precibus, ac demum supplicijs eò pertraheret, quò ipse iam exemplo præiuerat. Sed cum omnia cum peruiacaci hominum genere sibi in vanum recidissent, nec aliud ad sperandam victoriam telū superesset, cupere se etiam atque etiam vt permutata prouincia sibi liceat in eam regni partem commigrare, in qua non sit ei cum ea pertinacia colluctandum. sperans fore vt ampliorem hac via ditionem aulæque propinquam ei darent qua ditiores ac securiores essent; id sibi coniugique, Imperatoris pronepti gratissimum ideo fore, quod esset expectatissimum.

Interim dum eæ literæ non tam itinerum quam aulicas moras expertæ responsum differunt, auditur, fama vulgante, quid Miaci, quid toto Cami, reliquæque Iaponia Christianæ religionis odio turbetur: inde factum est vt & ipse dynasta eodem semper metu palpitans ne iners incuriusque videretur intermissum aliquot iam menses in Christianos furorem renouare meditaretur. Re in dubitationem vocata, supplicia, exilia, minæ, ceteraque huiusmodi, quòd parum nerui habuisse constaret, non satis placuere. grauiora quærebantur. Ea ex studio virtutis petita, laborarunt, vt virtus, si fieri posset, secum ipsa pugnaret. Nam statuunt alia nulla re moueri acrius posse neophytos, quam si vxores ac filias nudatis corporibus per compita circumraptarent, petulantique vulgo ad ludibrium exhiberent. Ea res omnino pudoris ac verecundiæ cultores acriter permouit, non vt fidem pudori posthaberent, sed vt inusitatis modis animosè sanè, sed nimis fortasse militariter fidem pudoremque simul in tuto collocarent. Quibusdam videbatur tuendæ castitatis causa posse vxores ac filias simul omnes potius iniectis ignibus conflagrare, quam se igneis libidinum telis exponere. Quibusdam

*Arimensis
dynasta petit
prouinciam
sibi ab Impe-
ratore per-
mutari.*

*Minatur
neophytorum
vxores ac fili-
as nudas cir-
cumraptari
debere.*

*Varia contra
neophytorum
consilia.*

dam mitius credebatur armistuum pudorem, ne de viuis impudentia triumpharet. Placuit tamen ad extremum vt sodalitorum præfecti ad dynastam pro ceteris legatione fungerentur, supplicesque exorarent vt supplicijs vſitatis contentus ab ijs abſtineret quæ barbarum erat non exequi ſolùm, ſed etiam deſignare, ne fortasſe inaudita ludibria læſam patientiam verterent in furorem, cui dediſſe cauſam nemo non prudens iudicaret eum qui barbara in non barbaram gentem ſupplicia fortasſe primus inuexiſſet. Continuit ea res impetum, ac metus ratioque maleſana conſilia ſuſpenderunt. Ne nihil tamen feciſſe, ſolòque metu elanguiſſe, non etiam rationi ceſſiſſe videretur, ſicca nihilominus ac ſine ſanguine tela in vniuerſam nobilitatem euibrauit. Edixit enim, vt quiſquis ab eo cenſum ſiue annuos redditus acciperet, ex templo aut religioni cederet, aut fortunis. Nec mora, familiæ omnino quinquaginta à ſplendore atque opibus ad pœdorem extremamque inopiam libentes deuenerunt, ideo quòd Apolto doctore didiciſſent, *omnia vt ſtercora arbitrari vt Chriſtum lucrificarent.* Cætera quæ in Chriſtianos moliebatur in Saſioie redditum ab regia Imperatorisque ſuper prouincia permutanda reſponſum differebat.

*Chriſtianos
nobiles fortunæ
exiſt.*

Eam moram Chriſtiani (pudet enim prope in poſterum veteranam horum pugilum virtutem neophytorum nomine compellare) eam inquam moram in lucro reponentes totierant in accurata comparatione ne telis improuiſis obruti cederent. Nec pigebit interim dum Saſioie præſtolamur, ne otioſi ſimus, hæc animorum incendia propius, vt incaleſcamus, contemplari. Solenne illis iam erat intra octauum quemque diem vnum ieiunio piæque flagellationi dedicare; alterum addiderunt, ſtatas preces duplicarunt, & eas quæ in horas quadraginta nunquam intermiſſæ producuntur varijs in locis indixere, ſacramentum de non eiurando Chriſto ſolenniter innouarunt. Tum Nangaſaquo clam Sacerdotem è noſtris vnum alium euocant, à quo intra dies paucos octingenti ſunt magno eorum ſolatio à peccatis expiati.

*Chriſtiani
ad martyrium
ſe committunt.*

Ipi pueri, qui infra quintum ac decimum annum ſub auſpice D. Iosepho ex nutricia Chriſti pueri cura, puerorum archipatriarcha cogeantur à ſacramento excuſari per ætatem ac iura noluerunt.

*Pueri è Iosepho
ſodalitio
committuntur ad
martyrium.*

runt. Illud in hæc fere verba non pueriliter conceperunt. Tametsi nobis vngues euellantur, aut sigillatim dentes eruantur, tametsi aqua torqueamur, aut viui conflagremus, aut quidlibet aliud pari nos oporteat, nunquam à Christi fide, quam hoc profitemur sacramento, discedemus.

Vbi aduenit Arimam Sasioie, nihil prius habuit quam vt duodecim ad se sodalitiarum præfectos euocaret, ij quoniam de martyrij palma nihil dubitarent agi, dictu est incredibile quàm læti se stiterint euocanti. Nec ij solum, sed alij quoque permulti ad spes proximas non vocati, dum vocatos comitantur seipsos inuitabant, ij quæ tanto numero vt propè aulas omnes atriâque oppleuerint. Arimensem dynastam vna cum Sasioie reperiunt, à quo sunt in hanc sententiam compellati. Peruicacia vestra in barbara religione retinenda non solum res vestras eò detulit, vt inter supplicia perpetuo timoresque aut moriamini aut viuatis, sed principis vestri, quem per tot iam auorum ætates coluistis, prouincia est in extremum adducta discrimen. Huc igitur à me estis auocati, vt admoneamini, saniora consilia, non vt antehac respuentes, an vitio vestro dynastam vestrum perdere vósque ipsos innumeris in posterum velitis calamitatibus inuoluere? Deliberaturis de tanta re spacium damus, & saniora consilia optamus. Huic orationi quæ prona videbatur ad quidlibet extorquendū, vnus cæterorū nomine in hæc ipsa verba respondit. In religionis causa iā dudū omnia extrā deliberationē statuendo posuimus. De Arimensis prouinciæ ac principis periculo aut etiam perniciē nihil vitio nostro religionisue adituum arbitramur, cum illius legibus nostræque omnium propensione fidem illi non secus ac parenti simus seruaturi; quem in finem fortunas nostras omnes ac ipsam virā, salua duntaxat religione, deuouemus. Si cuiuspiam vitio principi nostro clades accersatur, liberi sumus à culpa, infortunium commune, prout par est, deplorabimus. Nec ideo tamen Arimensi regno cælorum regnum, nec vitæ breuitati æternitatem postponemus. Cum hoc responso dimissi iubentur nihilominus rem denuo in deliberationem adducere, antea quàm res adhuc integræ eo deueniant, vt nullus consilio locus supersit aut modus.

Tentatis in hunc modum Arimensis opidi incolis ad alios etiam

ex

*Sodalitiarum
præfecti à Sa-
sioie tentam-
tur.*

Respondent.

ex agro transitur. Cuchinotcu principium dedit, sed & finem quod eorum constantia victoriæ spem etiam cum ceteris fecisset desperatam. Ea constantia magnam partem, secundum Deum, accuratæ illorum comparationi debetur, quam ne referam materiæ similitudine deterreor. In renouato tamē fidei sacramēto, noua suppliciorū genera expresserunt in hunc modum. Tametsi exilia, bonorū proscriptioes, proliū coniugumq; nostrarum seruitus ac ludibria proponātur, tametsi frustatim secari, viuos assari, frigi nos oporteat, etā et si quolibet alio supplicij genere torqueri nos cōtigerit, nunquā à Christi Dñi ac Seruatoris nostri lege recedem⁹. Id iuramentū educto sibi ex digito, more gentis sanguine nomē ascribentes cōfirmarunt. Ac ne fortasse herouū sodalitiū nota ex cuiusquā defectione inurertur, non nisi selectissimū quemq; inscribentes vltra centuriā censerī noluerūt. Ex eo igitur pago primores quinq; Arimā euocantur, cū quibus Sasioie similibus formulis pugnavit, illi pari responso repugnarūt hoc solū supra Arimensiū responsum addentes, q̄ deliberationē etiā post altera iussa admittere noluerint, itaq; responderint, vt Sasioie impotenter se ex tribunali proripuerit, & in proximum cubiculum receperit. Cum hac victoria reduces ita ciues suos incendunt, vt ardere omnia iam proximo persecutionis igne viderentur. Sodalitij sacramentiq; centuriam candidatorum torrens extra suū alueum in alias quatuor centurias vno hoc impetu exportauit, nec vltra limites pati voluit numerum indignata. Fuit vnus aliquis quē suppliciorum imaginēs menti oblata terrere non poterant, nisi ea quæ lentum incendium minabantur. Statuit experiri, luculento igni nudus assedit, sudauit, prope ad delirium æstu iam caput corporis arcem inuadente, turbatur inde ac trepidat veritus ne huic supplicio cederet, sed à nostro sacerdote edoctus hæc virtuti supranaturam, quæ suo tempore copiosè confertur, accepta deberi, metum ponens animo conquieuit. His alijsque pluribus Arimenses ad insequentis anni atrocissima prælia nobilesque victorias abundè comparati, nihil enim vltra molitus est Sasioie, vel dynasta neque est hoc anno vltra scutum.

In Cuchinotcu Christiani sentiantur.

Sodalitium Martyrum sacramentū renouat.

Mirum Martyrij desiderium.

Sasioie interim cum dynasta de permutanda ditione consilia miscens persuasit ne mutaret, noua fraude adolescentem deludens. Eo enim maximè adnitente alia iam illi provincia erat assignata in regno siunga, aliquanto Arimensi agro inferior, eaque

Arimensi dynasta de ditione permutatur.

in parte in qua vicinos parum fidos erat habiturus primo in tumultu competitores & fortasse qui per vim inuaderent. Scribitur igitur in regiam, Sasiois omnia spondet ne Arimensem agrum alteri eripuisse, sibi rapuisse videretur. Sed fictè omnia, iam enim aleam iecerat, nec ullus conatus aut gratia profuit. Ergo breui ex aula rescribitur, vt Arimensis dynasta in designatam sibi extemplo translatat prouinciam, eique velut proscripto, qui tot insontes proscripserat, dies intra quos abire, suaque cogatur efferre designantur; eiusque rei exequendæ negocium Sasioie mali totius architecto demandatur. Mirum quanto mœrore confectus abierit, maximè quod ex clientibus neminem permittebatur abducere, qui non prius Christum abdicasset. Ne tamen solus abiret dissimulandum illi fuit, nam apud ipsum eo tempore supra 300. palam Christi fidem profitebantur. Multa illi ex itinere incommoda terra marique contigerunt, demersis nauigijs amissaque supellectile, planè vt constiterit iratum Deum defectionis ab eo pœnas repetere, quibus vtinam saperet, seque, quod nondum facit ad frugem reciperet. Ita miser ijs ipsis artibus, quibus auitas terras conseruare tanto conatu cogitauit, quia non est consilium aduersus dominum inconsultus amissit; quod si in parentis sui funere attendisset expressum, non dedisset ipse filius experimenta recentioris toti Iaponiæ documentum. Hæc omnia post mensem Iunium, quo Sasioie ab regia redierat intra hunc eundem annum perfecta contigerunt.

DE NOSTRORVM DOMICILIIS NANGA-
saquiensi Collegio attributis.

CAPVT XVIII.

EXtra emporium Nangasaquiense finitimus ager magnam partem Christum profitebatur intraque regnum Figen in quo est ipsum emporium nostri sedes aliquot numerabant. Earum in communi malo par fuit fortuna, sed de singulis pauca seligamus. Isafay sub vmbra sui dynastæ licet amicissima procellæ vim euitare non potuit, sed tamen minore damno tolerauit. Iussus est sacerdos noster Nangasaquium se recipere, clam quoties ad neophytos veller

*Dies ad abe-
undum tan-
quam pro-
scripto desi-
gnatur.*

Isafay.

vellerediturus. Aedes sacra diruta, sed ad eā suo tempore restituendā quę integra ante ruinam fuerunt dynasta iubente seponuntur. Aedes nostrę priuatę stare permittuntur nec ad eas conseruandas, sed maximē fouendos Christianos duo alumni nostri expelluntur. Cū neophytis pręter edictum vix aliud tentatū nam tametsi singuli ad iudices excutiendi vocarentur, ab ipsis tamen iudicibus moniti hoc Imperatoris gratia fieri, posse Christi fidem liberē sed non palam profiteri, ne dynasta malum pro beneuolentia reportaret. Ex toparchis tamen intra eosdem fines minoribus non defuere qui priuatim in domesticos suos vel religionis odio, vel priuatis ex causis vtcunque sēuirent, quorum pręlia & triumphī tametsi à nobis omittuntur, non sine suo pręmio, Deo teste, conseruantur.

Alia nostrorum sedes ex qua Iaponensis Ecclesię instituto sacerdos noster vicinos Christianę fidei limites moderabatur. *Fundoyama.* Fundoyama vocamus. In Omurę regione sacrificuli dynastam incitauerunt, vt Iaponię totius exemplo in Christianos sēuieret. verum ille renuens ait se religionis causa nolle suis terris inferre solitudinem, aut qui eos clientes supplicij solicite, certarent ipsi qua se valere profitebantur facundia vel causę bonitate, in quo tametsi sibi non defuerunt, neophyti tamen, qui iam eorum artes norunt, ipsi quoque sibi adfuerunt, pecuniaria tamen multa illi qui nostros reciperent imposita, sed nunquam exacta. Ximadono arcis suę neophytos Caratcu vocant acrius tentauit, nonnullos enim exilio bonorumque proscriptione damnauit, è quibus insignis Christi confessor Acafoxi Georgius breui martyr spretis omnibus vnā secum fidei margaritam exportauit. A Nabexima, qui maximam Figenis regni partem obtinet, eiectioni nostri sua sede quę in dynastę eret potestate sacram ædem à ruina tueri non potuerunt. latuit nihilominus diu vnus è nostris, qui deinde subinde ad suos recurrebat postquam se Nangasaquium recepisset, sacellum vicino in pago sibi commendatum Clemens in eoque sacram imaginem asseruabat, vrgentibus vt traderet, ceruicem obtulit, imaginem negauit. Cūque fugam ab eo post hoc facinus adornari metuerent priusquam dynasta moneretur, protestatus est fugam fore sibi pro defectione si eam adornaret. Monitus dynasta Clementem proscriptione

ne damnauit; abiuit ille quidem sed victor, imaginem quippe suam controuersia principium exportauit, ita lætus, ut nihil amisisse sibi videretur. Inter eosdem neophytos magnus pietatis ardor erat, quem Deus cælestibus prodigijs videtur cohonestasse. Ex ægritudine paralyfin contraxerat iuuenis ingrediendi facultate planè destitutus. Vouet se in ædem nostram confessionis causa venturum. Nec mora, cum tentasset ingredi, ad eam facile se contulit ultra tres leucas constitutam. Neophytus alius in fano pernoctabat, quod domo careret, quem cum nocturna spectra terrent, imaginem B. Virginis eo in angulo suspendit, in quem se recipiebat. Eam spectra spectare cum non ferrent, in perpetuum diffugerunt. In pago Vracami, & Mongui sedes nostras Collegij Nangasaquiensis vicinitas tam diu defendit, quam diu ipsum stetit.

Paralyfis diminutus curata.

B.V. imago spectra fugat.

Fucafori.

Fucafori pagus est in ore portus Nangasaquiensis, ædem ibi sacram eius dynasta, hortatore Sasioie, diruit, ne cum suo, quod ibi erexerat, exiguò sano certaret. Hoc anno superiore. Præfens annus in ipsos sæuijt atrocius Christianos; præfectus enim propositis grauibz pœnis edixit, ne quis esset Christianus. sed furdis cecinit edictum, in vnũ corpus facti de Christo nõ deferendo conspirarunt. Primores præfectus ad se accersitos dementiæ incusauit, quod in religione barbara & insuaui salutem quærerent, quam patriæ sectæ sine fortunarum ac vitæ periculo spondent minus inclementer. Cui vnus ceterorum nomine ita respondit, Atqui hoc est Præfecte, quod controuertitur; neque enim eam legem elegissemus, nisi prius planè apertèque nobis constitisset, in ea vna salutem, non in cæteris reperiri, quæ tota Iaponia mortales sua falsitate dementant; quo ita constituto breuia non debent æternis anteponi. Præfectus in re seria iocatus ita retulit. Quis ab æterna vita cursor aduenit, cuius auctoritati quæ creditis innitantur? Alter verò, rationes quibus adducti nobis in animum induimus hanc legem sequi, pluris nobis sunt, quam quæ à cursoribus noua sparguntur: catechisticas prælectiones excute, si nostræ legis veritatem, si Iaponensium sectarum inanitatem tibi voles sine fraude constare. locus in furorem vertitur, sorta rosaria, tradi iubet.

Neophytus præfecto libere respondet.

bet, sed iuuenis, Petrus dicebatur, excanduit. Nemo fidem & rosarium sertum nemo tradet, pro quo vitam ponere venimus comparati. Petri socer ethnicus iudicem postea rogauit, ne adolescentis libertatem, pro eo quod merebatur plecteret, spondere se facturum ut positis iuuenilibus animis intra superiorum se iussu recipiat. quod cum Petrus inaudisset, indoluit, extemploque uxorem ac proles ad socerum amandauit. Filiae tuæ, ait, ac nepotum amor immodicus effecit, ut pro me nolente sponderes, tu tibi illos habe, ego sine illis liberior, si res tulerit, mortem feram. Præfecto autem sicam suam dono misit, se; qui breui pro Christo moriturus esset, sica non indigere. Socer tandem ubi domesticis prælijs generum frustra tentasset, filiam illi remisit ac proles, protestatus, velle se, ut mariti, ac parentis periculum sustinerent. Sed gubernator mentito soceri chirographo, ad speciem defectionis, contentus, Petri spes infortunium suum deplorantis elusit.

Fortunatiores fuere Cosmus & Ludouicus fratres, hic martyrio, alter exilio. Cum enim de varijs interrogati hoc vnum respondissent, esse se Christianos, pro ea causa mori paratos, domum se receperunt, donec per internuncium præfecto iterum urgenti, maxime à cognominum similitudine, & aliqua propinquitate, hoc ipsum, nec aliud responderunt. Domus igitur utrique in custodiam designatur, dum statuatur dynasta, quid hac pertinacia fieri iuberet. Interim dum responsum expectatur, ipsa nocte Nangasacium excurrunt, peccata expiant, preces aliorum postulant, ipsaque nocte domum reuertuntur, ubi ad martyrium vestes, ac cereos etiam, quos gestent manu, parant, tantoque desiderio ad dynastæ responsum anhelant, ut aliud à visitatoribus nihil prius exquirerent.

Interim præfectus accepto iam responso, Ludouicum secum ad piscationem, quam animi gratia meditabatur, inuitat. In eum diem forte inciderat, quem à Christi corpore solennem appellamus. Parum absuit, quin Ludouicus celebritatem causaretur. Sed cum incidisset, esse posse quod tantopere cupiebat, scapham cum præfecto conscendit. Vix aberant à littore leucâ vnam cum præfectus ita

Ludouicum compellat. Constat tibi Ludouice in eo quod circa religionem tuam nuper es professus. Planè ait ille, & hilaris & ad moriendum comparatus. Responsum qui aderant sannis & dictis spernente Ludouico exceperunt. Itaque præfectus ceruicem illi iubet amputari. Ruit ex templo Ludouicus in genua & suauissimè Iesum ter inclamans altero ictu obruncatur. Cadauer & caput alligatis saxis demersum piscationem fictam quæ in hoc solum adornabatur absoluit. Reuersus præfectus fratris utriusque domum diripit, & familiam vtramque perpetua damnat seruitute. Solus Cosmas extra fines iubetur exulare, satis tristis quod ipse senior fuisset à iuniore præuentus. Neophyti porro Nangasaquienses non fictam piscationem adornant, sacrum sicubi reperiri posset cadauer extracturi. Dies quinque iam frustra lapsi erant, cum nocturna lux locum notat, ut iurati testes confirmauere: eaque duce per facile sacrum pignus eduxerunt, & Nangasaqui societati nostræ commendatum ad ceteros martyres est adiunctum, donec pace reddita in patriam remittatur.

Ludouico caput amputatur.

Cadaver in mare demersum nocturna lux prodit.

NANGASAQUI ANTE EXILIUM gesta.

CAPUT XIX.

Quàm inuiti se ad exitum à Iaponia comparant exulaturi, anti- quam stationem breui deserruri, tam inuitus ad eius narrationem accingor, malique nunciij baiulus non possum non claudicare. Gloriosum est quidem in Christi causa mori, gloriosum est pro retinenda fide proscribi, sed quia apostolicum est pro fratribus anathema fieri, non potest etiam pastoribus oues deferentibus exilium non esse luctuosum, ijs inquam qui salutem alienam propriæ gloriæ quantum licet libenter anteponunt. Sed tamen ut in partem laboris si non patiendo, compatiendo saltem veniamus ad id quod inuiti facimus, ut ut fuerit accingamur.

Vix vnquam mala sola irruunt, catenati labores alterum ex altero cadunt. filoque continuo se mutuo intertexunt. Primus Nangasaqui naufragantis ecclesiæ fluctus nauarchum excussit, viduū- que

que gubernaculum arte sua destituit. Ineuntis quippe anni, qui Iaponensi ecclesiæ criticus fuit, initio Februarij mensis die sexto ac decimo Iaponensis præsul diem suum obiit. Is erat è Societate nostra Ludouicus de Cerqueira Lusitanus, vir ijs dotibus præditus, quas ea dignitas exigit, etiam in ecclesiæ nascentis incunabulis difficiliter occupata. Trimestris illum sustulit ægritudo, cui causam continuus ex sponsæ suæ malis conceptus dolor dedisse creditur, secundum hunc inter humeros à dextro nonnihil latere dolor internus accesserat qui dies ante obitum quindecim in apostema duplex erupit, quod malum cum omnia medicæ artis præsidia pertinaciter elusisset, Iaponensis ecclesiæ lumē extinxit eo maximè tempore quo tenebris ingruentibus optabatur.

*Ludouicus de
Cerqueira
Iaponensis e-
piscopus mori-
tur.*

Quo sensu iacturam communem omnes exceperint, satis testatum videri potest ex incredibili ad funus prosequendum concursu, ex publica comploratione, iustisque funebribus omnium ordinum consensu qua fieri potuit pompa celebratis, quæ omnia persequeretur nisi me alia vocarent, hoc vnum sit satis, Ecclesiastico splendori nihil defuisse, neque apud Nangasackienses in hoc etiam rei Christianæ tirocinio, Europam desiderari potuisse. Non me teneo tamen quin elogij loco viri virtutes per summa capita percurram, hoc ipso luctum fortasse communem solaturus. Quam ex religiosæ disciplinæ diuturna exercitatione virtutem hauserat, ad Episcopale munus cūm attulisset, mirum quantum supremo illi apud Iaponenses neophytos muneri contulerit dignitatem. Vnica illum sui officij cura dilinebat in pauperes, proscriptos maximè, quod effunderet, de non opimi beneficij tenuitate subtrahebat. Clericis suis licet adhuc in hac ecclesiæ nascentis infantia paucis, ipse non raro de conscientia casibus quæ nuper ediderat, ad tempus accommodata prælegebat, charus erat prope ex æquo omnibus, ijs etiam, quos ex officio suaūiter fortiterque corripiebat, ipsi ethnici magnates etiam, per omnes honorum gradus ad Cæsarem usque beneuolentiam suam quoties inciderat venerationi mixtam testabantur. Qui in cæteros talis fuit, qualis erat in seipsum? qualem planè religio finxerat, honor, morum non rarus immutator, nihil innouauit erga Societatis Præpositos & maxime Generalem,

*Mortuo pa-
tentissimè.*

*Episcopi Ia-
ponensis elo-
gium.*

pro ea, quam exhibere non poterat obedientiæ religioſæ demiffio-
ne, promptam & voluntariam obſervantiam perpetuo ſubſtituit.
Domus Societatis ordinem æmulata, orationum tempora datis ſig-
nis particbatur. Denique non religioſam vitam deſeruiſſe, ſed ad
eam paſtoralis officij munia addidiſſe videbatur. In ea ægrotudine
quæ illi ſuprema fuit, ſocio ſæpe affirmavit, terrena iam ſibi omnia
diu viluiſſe, cuperéque cum apoſtolo diſſolui; ſed vnam ſuperſeſſe
curam, vt quam in infantia rudiorem acceperat eccleſiam, novis
præceptis, prout adoleſcendo capax fiebat, erudiret, quam ad rem
ſummi Pontificis, quem de multis conſuluerat, reſponſum præſto-
labatur, circa quæ multa mihi dicenda eſſent omnium conſcio, niſi
hoc remotius eſſet ab inſtituto; in ijs ſaltem toti Romanæ curiæ
conſtitit, quam exactum haberet Eccleſia in extremi orbis angulo,
ſacrorum Canonum obſervatorem. De quibus tametſi reſpon-
ſum non eſt aſſecutus, quod laborum meſuram præmia comple-
uerint, non deſuit eccleſiæ tamen ex Chriſti vicarij liberalibus in-
dultis, vnde ſui laboris abſentiam deſideriûmque leniret, interim
dum ille novus è Luſitania præſul aduenerit, è Societate noſtra nu-
per nominatus Dominus Didacus Valens, in cuius conſortio hoc
ipſo anno, quo hæc ſcribimus, ad Iaponas Sinasq; noſtros cum ſele-
cta ſociorum manu bene ominatum, vt ſperamus, iter repetimus &
per immonſa maria Deo duce renaugamus.

*Provincialis
Iaponia sede
vacante Gi-
carius gene-
ralis eligitur.*

Præfulis obitum crudelissima huius anni tempestas excepit, cuius pondus ex Clericorum electione canonica in P. Valentinū Caruallium præpositum Prouincialem est reclinatum, in quo clerus ille cum summi pontificis voluntate nihil aduertens planè conspirauit. Cum enim auditum est Romæ, Iaponiæ præfulem ecclesiæ suæ decessisse, ne quid ex longa successoris mora in ea locorum distantia caperet detrimenti, suprema Pontifex auctoritate sancit, ut quoties illam Ecclesiam suo viduari pastore contingeret, vicarium munus, nulla noua electione, in eum recideret, quem tota Iaponia supremum Superiorem Societas Iesu agnosceret, quocunque illum tandem nomine appellaret. Is igitur ex officij sui ratione proclama ingruentem auersurus, in regiam misit è nostris P. Iacobum Mesquitam, qui diu Collegium Nangasackiense moderatus præfe-

cto Sasioie notus & charus esse (si quis illi rei Christianæ admini-
ster vnquam charus fuit) in paucis credebatur. Degebat tum in aula
Sasioie, à quo neglecta propter odium in Christi religionem amici-
ria, qui missus fuerat, ne ad Cæsare^m adiret planè est impeditus; quod
diceret, principi certum ac statutum, omnes ad vnum ecclesiæ ad-
ministratos Iaponia pelli, nec vnū Iaponia tota neophytum superesse:

*Aditus no-
stro ad Impe-
ratorem à
Sasioie præ-
cluditur.*

Ex hac extrema rerum desperatione humana remedia damnari
cœperunt, diuina euocari; in quo sanè tanto à neophytis ardore cer-
tatum est, vt nemini molestam arbitrer fore narrationem, si solito
enucleatior inseratur. Ea quæ à neophytis in hoc genere patrata
sunt, si priuata partim fuisse dicam, partim publica, nihil prætermi-
tam. Priuatis facem præluxere nostri, dum intra domesticos parie-
tes id occeperunt, quod ab alijs erant exacturi. Ex præpositi prouin-
cialis voluntate sacrificia complurima, corporis afflictationes, ora-
tio continua potius, quam in horas quadraginta de more sæpius di-
stributa, ad quam intra secretius sacellum augustissimi sacramenti
præsentia intuentium oculis exposita, precantium feruorem inci-
tabat. Hinc profecta sunt & ex aliorum ordinum familijs, quæ de-
inde ad neophytos eruperunt. Omnes in sua sodalicia distributi
domi primùm suæ solita pietatis exercitia insolito ardore sunt pro-
secuti, ea deinde in ædes sacras penetrarunt, quæ tetigisse satis est
ijs, qui ex re nata faciliè sunt cetera collecturi.

*Extrema o-
mnia Chri-
stianis inten-
tansur.*

*Neophyti ad
martyrium
se comparāt.
Priuatim.*

Publica vero ita inusitata fuerunt, vt faciliè testentur priuatum, *Publicè.*
vnde nata sunt, incendium. Teneri quippe nullo modo potue-
runt, quin inconsultis suis rectoribus in publicum erumperent, ar-
dore fortasse magis pio, quàm prudente consilio, quod ex hac ipsa
causa, vt deinde constabat, ethnici obtrectatores calumniæ ansam
arripuerint. Sed culpari non possunt plerunque, quod spiritus
impetus abripit vltra quàm humana consilia detulissent. Ergo
neophyti, ad impetrandam diuinam opem, supplicantium pompas
explicant, totaque vrbe sua vota, frementibus licet, qui præerant
ethnics, euulgant. Maio mense duplex huiusmodi pompa præces-
sit, in qua, præter reliquum apparatus, in seipsos supra mille fla-
gellis sæuebant ijs, quibus cruor copiosus exprimitur. Alij multi
suppliciorum in se nouorum inuentores sponte imitabantur, quæ
alibi

Varia in supplicatione corporum afflictiones.

alibi Tyrannis in Christi martyres intentarat: Quidam intra strotas compacti neophytos Miacenses, totiusque Cami referebant, alij tibias intra præduras arundines prensabant, alij crucem imitabantur: nonnulli nuda pubetenſis corpora spinis inuolvebant; nec pauci ingentia saxa humeris gestabant: quidam manicis compedibusque manus pedesque induebant; multi pectora silicibus tundebant: quidam aliorum humeris ad transuersa ligna pedes manusque extensas colligati gestabantur. Nullus erit finis si omnia pœnarum comprehendere nomina tentem. Hos pueri sequebantur Christi tormentis quæ capite manûque gestabant insigniti, à quibus Diui omnes ex ordine in auxilium vocabantur, idque voce ita lamentabili ut multis lacrymas excitarent, etiam ethnicis, qui communem vrbis luctum siccis non poterant oculis intueri. Nec vna fuit huiusmodi supplicantium turba. exinde plures ac plures ita increuerunt, ut die quadam sex septemue in hoc apparatu prodierint, nec temerè affirmari posse putetur nullum tota vrbe fuisse cuiuslibet ætatis aut sexus, qui non aliquoties supplicaturus prodierit, ac sese palam peculiari corporis afflictatione, quam cuique pietas suggererat castigarit.

Nangasaquienſibus neophytis conſpiratio ſupin-gitur.

Ex his vrbis moderatoris ethnici Saſioie famuli & familiares veriti ne quis tumultus oriretur, cuius ipsi culpam sustinerent, maluerunt calumnia imminens à se malum remouere, quàm veritati patrocinari. Ergo ad eum scribunt iam ab regia reuertentem, Christianos publica totius vrbis coniuratione ad Imperatori repugnandum conspirasse, neque passuros videri, ut sui pastores laponia tota exulaturi nauem conscenderent. Has literas si ex itinere præfectus accepisset leuius malum futurum erat, quippe quod longa cum Christianis tractatione, quid agerent non quid molirentur assecuturus. Sed cum nuncius obuiam minimè reperissent, Surungam vsque peruenit, literasque illius sorori tradidit, quam alibi christianam imprimis Imperatori familiaremque esse monui. Illa fratris amore ac muliebri furore amens Imperatorem adit, fratris periculum explicat, eoque credulum redigit, ut senex iuuenili furens impetu sicam corripiens exclamauerit, se ipsum Nangasaquium deleturum, nisi remotius abesset, Satis enim versor, ait, ne Saſioie rebellis.

bellicæ non satis peritus minus appositè hunc tumultum sedet. Et mox ad consilium refert, vti dispiciant, nequid respublica capiat detrimenti. Cuius auctoritate militum præfecto nobili qui Fuxi-
Militum præ-
sidium Nan-
gasadium
mittitur.
 mi in arce præsidio erat, mandatur, vti Nangasadium cum copijs extemplo aduoler, & præfecto suppetias ferat, communique consilio atque opera decretum in Christianos exilium executioni mandetur; quod vti perfectum fuerit denarrabo.

REI CHRISTIANÆ ADMINISTRI NANGASADII soluentes totâ laponiâ exulare coguntur.

CAPUT XX.

Venerat interim die supra 23. Iunio mense Nangasadium ex aula Sasioye, qui ciuitatis statu accuratius expenso facile animaduertit Christianorum ardorem plus in seipso sœuissè, quam in rempublicam quicquam machinatos, vimque cœlo potius ab ijs factam, quàm terræ intentatam; vnde factum est, vt conuiuere maluerit, quàm, vt sibi videbatur, de nouo crabrones irritare. Iam enim diu didicerat ex Arimensium firmitate, quam obfirmatè Christiani sua sacra retinerent. Biduo nihilominus posteaquam in urbem aduenerat, præposito nostro prouinciali, ceterisque religioforum ordinum moderatoribus renunciari iubet, vti sibi quisque suo sumptu nauigia paret, quibus in exilium exportetur: statutum esse iam dudum Imperatori, ac ratum, ad vnum omnes vel indigenas vel aduenas rei Christianæ administros totâ laponia exterminari.

Ingens rei Christianæ malum quò propius omnium capitibus impèdebat, eò vehementius in animos influebat, pari apud omnes doloris sensu in causa non apud omnes dispari. Pastores angebat gregem suum deserere, gregem pungebat impendentium potius maiorum metus, quàm præsentium sensus, non facillè dicas, vtri vtris in suo quisque ordine cesserint. Omitto solitas toriesque cantatas, in simili casu, neophytorum ad diuina præsidia confugientium comparationes; quibus interim dū vacant, in negotio salutis otiosè, non otiosi, Satanz ministri cum suo hero minimè dormitarunt.

Mm

Aduce-

Aduenit enim id temporis missus ab Imperatore cum selecta militum manu præfectus Fuximensis, Surungadonus dicebatur, qui satis molestè tulit, se muliebri metu, quem soror Sasioye concitabat, coactū ad inermes venisse, ad tumultum quem minimè repererat sedandum. Primis igitur diebus satis querulas ad Imperatorem literas scribit, quibus pacata omnia se Nangasaquij reperisse fatebatur. Referebat tamen magnopere ad exstimationem Sasioye non vanos metus tumultūque nunciassse, seuerius igitur in neophytos posthac animaduertens quærebat in scirpo nodum, & quod vero falsoue causaretur. Nec defuit illi ex quorundam inconsulta comparatione quod carperet. Conueniebant, vt alibi plerunque aliquot inter se neophyti, deque retinenda religione sanctè inter se conspirabant, sed quia difficile est etiam in bonis modum tenere, quorundam hortatu nonnulli in quædam, quæ mordicus retinerent capita, scripto & sanguine coniurarunt. Inter quæ duo sæpius à nostris impedita, nunquam tolli omnino potuerunt. Coniurabant enim se Imperatori in rebus fidei minimè parituros, quod tamen si in retinenda religione sanctum erat, quia tamen sæpius eiusmodi sententiam scripto inuicem tradébant, calumniabantur aliqui maius ibi latere, quod seditionis speciem præberet. Alterum etiam minus poterat excusari, astringebant enim se, ne morte quidem proposita permissuros, vt religiosi quidam ex Imperatoris voluntate laponia pellerentur. Quod sic ipsi intelligebant, vt quos vi retinere nullatenus poterant, absconditos sibi reseruarent.

Hinc arripuit Sasiois, quo auxilium copiarum præfecto persuaderet, non inaniter à suis in præsentem re trepidatum, cum constaret apertè in Imperatoris edicta eius emporij ciues prope ad vnum Christianos pæne publice conspirare, quibus si accederent Arimenses eodem æstro perciti, quis non videret ab exigua scintilla potuisse pertinax incendium excitari. Communibus igitur literis Imperatorem monent Christianorum conspiracyonem non nullam fuisse, & deregiam occepisse: excanduisse ferunt acrius vbi se negligi sensit, quàm cum priore nuncio muliebribus furijs ageretur, Nangasaquium deleri, Christianos perdi omnes oportere. Neq;

his

*Vnde orta
conspiracyonis
suspectio.*

*Imperator ab
Sasioe in
Christianos
inflammas-
tur.*

his contenti, ad augendam rem militem parant monito per præfectum Sazumque regulo, alijsque; conterminis ut in armis militem haberent, si forte illum ad Nangasaquienses tumultus sedandos oportuerit euocari. Et ne quid ab Arima moueretur, quæta ibi omnia placuit hoc rerum motu conseruari, ac per fraudem moneri factam illis in posterum liberam Christianè viuendi facultatem. Sed hæc omnia quàm ficta fuerint, quæ mox à nostrorum discessu Arimæ gesta sunt, satis superque testabuntur.

Res igitur eo deuenerant, ut ab ingruente procella nullum sidus serenius affulgeret, cum ecce tibi præter omnium opinionem ex Amacaensi portu in Nangasaquiensem Sinensis commercij uetrix oneraria deuenit. Nullus fuit cui non ex hoc euentu si non meliora, minus atrociora saltem sperari posse videretur. Cum enim mortales fere suis lucris omnia metiantur, nihil dubitabant in præfecti onerariæ gratiam aliquid de concepto in Christianos rigore remittendum. Non defuit omnium expectationi præfectus qui in rei Christianæ gratiam nulli sumptui parcere parabat, adornata Imperatorem legatione placaturus, in qua sine dubio momenti erat plurimum, nisi ab eo qui hæc omnia cudebat, fuisset impedita. Cum enim de hac ipsa legatione cum eo ageretur, sine cuius auctoritate institui non poterat, per summam dissimulationem Sasioie auctor fuit, ne periculosam rem inconsultè præfectus aggrediretur, satius sibi videri si ex Lusitanis negotiatoribus aliquot in aulam cum suis muneribus ablegarentur, qui literis à se ad amicos conscriptis Imperatoris fauorem, si quis reliquus esse poterat, parua quidem spe, sed sine periculo venarentur. Non latuit Lusitanos ea fraus, sed nequid intentatum relinquerent, rei Christianæ, quod solent, deesse noluerunt. Electus igitur ad eam rem, alter à Præfecto onerariæ amanuensis, Amacaensis urbis in eo commercio procurator. Additi sunt comites, nec munera ad inungendas negotij rotas defuerunt. Sed eum finem habuit ea legatio, quem Sasioie procurante habuerat paucos ante menses nostri Sacerdotis excursio: cum primoribus acta res est, aditus ad Imperatorem patuit, sed quæ ad negotia tractanda pertinent, non nisi scripto potuerunt impetrari, libellus supplex red-

*Legatio sine
fructu per-
gitur.*

ditus, in ijs omnibus, quæ ad religionem spectabant, reiectus est, nec impetrari potuit, ut Nangasakuji saltem sacerdos aliquis cum negotiatoribus rem sacram procuraturus remaneret; quin Imperatorem denuo dicunt in Christi sacra debacchatum, quas initio huius libri causas attulimus in memoriam reuocasse, elapsaque Taicosamæ precessoris tempora repetentem aduertisse, ex vna, quæ Nangasakuji remanserat nostrorum sede, cetera per vniuersam Iaponiam domicilia & dēsque sacras renouatas, idemque fore, si huius mali semen denuo intra Iaponensem agrum, extremo licet in angulo, remaneret.

Tristis ex aula nuncius, extremique mali narrator aduenit, qui spes omnes intercidens præter solita diuinæ opis præsidia nihil reliquit, quod speraretur; quibus ab Octobri ineunte, cum desperari cœptum est, inuocandis, tanto ardore certatum, ut nostris etiam in ea multitudine nocturnæ diurnæque comparationis labor solidus ac sine quiete fuerit subeūdus. Quo tempore aduenit ex Imperatoris familiaribus quidā, Gozaimon dictus, cui proscriptorū expulsio demandata præter alios duos credebatur, ne forte mitius agerēt, aut segnius, si qua vis foret, repugnarent, quē in finē miles iam monitus ē regnis cōterminis in Nangasakuientes fines cœpit immitti. Octobris igitur quinto supra vigesimum edicit Sasioye, ut intra biduum proscriptorum classis vniuersa conscenderet, neque causarentur imparata nauigia, nisi ea vellent in Facundæ portu Nangasakuio pulsi præstolari. Erant tunc in vniuersa Iaponia ex sacris religiosorum ordinum familijs Diuorum Dominici, Augustini, Francisci, Sacerdotes omnino duo supra viginti, & laici quinque, Indigenæ sacerdotes septem, inferioribus ordinibus initiati quinque; E Societate nostra sacerdotes ac laici omnino septendecim supra centum, in seminario alumni plerunque centum & alij iam rei Christianæ adiutores prope totidem, ē quibus tamen plerosque huius procellæ initia dissipauerant. Ad hos omnes euehendos nauigia Sinensia non maxima, iuncos Lusitani vocant, in portu tria numerabantur, eaque malè materiata naufragium in ea multitudine satis certum minabantur. Ex toto numero latere permissi sunt quotquot occultari potuerunt, ē Societate nostra 18. sacerdotes, Laici 9. alijque plu-

Inuentur pro-
scripti intra
biduum sol-
mere.

Proscriptorū
numerus.

Aliquot ec-
clesiæ ma-
nent.

plu-

plurimi ex alumnis nostris, rei Christianæ, Iaponensis ecclesiæ more, administri; vltra quos plures alij ex nostris erant designati, & ipsemet Prouinciæ præpositus omnino manere decreuerat; sed quia omnibus noti erant, profectiois tempore ostentare se iudicibus cgebantur; Eaque fuit custodum solertia, vt è naui in scaphas ad id in medio maris præparatas elabi non possent, & ideo cum ingenti dolore excedere coacti sunt. Ex alijs quoque religiosis ordinibus nonnulli intra tela pro sua paucitate remanserunt; nec plures delitescere poterant, tametsi sancta lite felicem sortem ambiebant; sed parendum fuit, ne maius malum ecclesiæ Iaponensi crearetur, donec adspiraret dies, & inclinarentur vmbrae,

Extremus huius tragædiæ actus nos vocat. Sacra ne in ethnicorum manus venirent, quantum licuit occultata: sacra martyrum pignora nõ vno in loco, pro reditus pignore, relicta sunt, nec efferri placuit, ne cum viuis mortui discedentes tota possessione cedere viderentur. Idem factum est cum plerisque sociorum corporibus, qui hanc ecclesiam suis sudoribus excoluerant: nudata sacris imaginibus templa solitudinem luctumque inuehebant; extremum missæ sacrificium lacrymæ singultusque interruperunt: augustissimi sacramenti species, distributa per neophytos synaxi, cõsumpra, ad eosdem extrema oratione peroratum, eo omnia sensu perfectæ, quem res exigebat, faciliusque is animo concipi quàm oratione potest explicari. Octobris igitur septimo ac vigesimo, salutis nostræ anno 1614. Nangasaquio, præter eos qui latebant, omnes extruduntur. Eorum maxima pars Tueundam delati piscatoria mapalia, dum nauigia concinnarentur, incoluerunt; pauci cum præposito nostro prouinciali propius urbem dies aliquot substiterunt. In his mapalibus vnus è nostris moriens ab exilio solutus, in cœlestem patriam euolauit. Is fuit P. Didacus de Mesquita Lusitanus, ille ipse quem iam annos supra triginta vidit Europa ab Iaponia reducem, cum primam inde legationem ad pontificis pedes ac regis Hispaniæ manus adduxisset, qui cum iisdem redux ad hunc vsque annum suam retinuerat in excolenda Iaponia stationem, quem corripiciens extrema, in communi hoc luctu, ægritudo lætum alacremque consumpsit, & quidem haud sine aliqua specie martyrij, quod hic mor-

*Anno Christi
1614. pro-
scripti Nan-
gasaquio ex-
truduntur.*

*P. Didacus
Mesquita
moriuntur.*

bus ex persecutionis laboribus itinerisque in aulam huius causa suscepti contractus creditur, prædoreque casæ piscatorię, in quam negato hospitio, à Saffoie delatus à medicis ac debitis remedijs prohibitus animam emisisset.

Templa diruuntur.

Vix bene ex oculis Nangasaquienſibus abierant pastores, cum in caulas, ædes inquam sacras, lupi sæuierunt. Nam conferta manu templa diruunt, & ea quæ ignium sunt pabula flammis absumunt, quo ipso die ferunt inusitatam multorum annorum in Iaponia pacem, exortis bellis ciuilibus, vt suo loco videbitur, interruptam in posterum in apertam defectionem erupisse, vti constaret, eum, qui bellum cælo infert, bella è cælo euocare. Sed nostros exules conſcendentes nauigantesque comitemur.

Ipsa die cinile bellum exoritur.

PROSCRIPTI È IAPONIA SOLVENTES PARTIM Philippinas Insulas, partim Amacuum petunt.

CAPVT XXI.

NOuembris itaque septimo nonnulli, ceteri octauo die Iaponiam à tergo relicturi conſcendunt, & quidem in vnum nauigium religiosi ceteri omnes, è Societate nostra sacerdotes octo, Laici quindecim, alumni totidem ingressi comites habuerunt nobilissima illa Iaponiæ lumina Iustum ac Ioannem cum sua quemque familia. Iuliam item nobilesq; alias matronas, & aliquot eodem tempore Miaco proſcriptos, hi omnes in Insulas Philippinas profram suaque vota direxerunt. Alijs duobus nauigijs Amacuum Sinenſem portum petebant è Societate omnino sexaginta, alumni supra quinquaginta, quos relictæ tantisper Iaponia, in portum quemque suum deducamus, ad Iapones deinde reuifendos nullo edicto- rum metu reuersuri.

Ibantigitur oculis Iaponiam, quam, diu licuit legentes animo nunquam dimissuri, ac tametsi multa erant, quæ in tantis malis leuamen adferre poterant ijs, qui diuina iudicia, potentiam, prouidentiamque solerent intueri, non potuit tamen parentum in filios amor minus afficere eorum animos, quam solet in humanis par iactura parentes filiosque perturbare. Nauigia quæ Sinas petebant, ali-

aliquanto meliora breuioris itineris moram ventorum felicitate
 fefellerunt, & intradie paucos'p'iam exulum sarcinam in siccum
 exportarunt. Verum tertium quod in Philippinas ferebatur ma-
 lemateriatum, annosum & oneri impar, p'æne fatiscebat, cui formi-
 dini accrescebat in comuodum ex ergastuli potius quam nauigij
 angustijs, in quo vix crederes stare potuisse tot, quot oportebat na-
 uigare. Ex ijs incommodis è Societate paulo post quatuor exilij
 sui breuitatem cum æternitate commutarunt. Et ne quod hosti-
 um incommodorumque genus ad meriti cumulum deesset, hære-
 tici quoque Bataui cum ethnicis libenter conspirassent, nisi illi ipsi
 hæreticis mitiores impedirent. Nauigia Batauorum duo id tem-
 poris Firandensi in portu prope oculis hæc ipsa spectabant, ac for-
 tasse prædam aliquam subodorati ad eam rapiendam, à qua ethnici
 abstinerant, seipso comparabant. Sensit hoc Firandensis topar-
 cha, suæque auctoritate ne pereos dies portu abscederent impedi-
 uit, ita in extremo terrarum orbe in ethnicis catholici contra hære-
 ticos patrociniū repererunt. Tandem igitur mensem totum cum
 procellis incommodisq; conflictati, in Insulis illis Maniliæ portum
 tenuerunt, in quo vt excepti fuerint dicturus cursim aduerto, vt
 æquus iudex discrimen inter hæreticos catholicosque Christianæ
 humanitatis aduertat.

*Duo nauigia
 breui ac felici-
 ter Amaca-
 um appellat.*

*Tertium post
 incommoda
 & pericula
 multa Mani-
 liam tenet.*

Notiorem esse arbitror Iustum Vcondonum Iaponensium,
 Annalium non imperitis, quam vt opus sit eius merita com-
 morare, quibus exhibitum illi ab Hispanis honorem in se pro-
 uocauit, de quo nihilominus elogij loco capite insequenti quin
 aliquid è multis seligamus, satis vereor vt non possimus con-
 tineri.

E' quatuor nostræ Societatis viris quos breui exilium cum æ-
 ternitate diximus commutasse, vnus P. Antonius Critana in ipsa
 nauigatione extinctus est; prouecta ætate vir, quique triginta an-
 nos in Iaponia egerat, magna sanctitatis laude Zeloque anima-
 rum, nulla alia corpus infestante ægitudine, sed solis labo-
 ribus, squalore, angustijsque nauigij consumptus, magna a-
 nimi læticia animam exhalauit. Nota erat omnibus eius vir-
 tus & sanctimonia, exilijque causa vnde tanquam illustris
 Christi

Christi confessor colebatur, eiusque corpus, quod longè à portu abessent, ventusque esset aduersus, in scapha exceptum ab ipso nau-
 archo, & viris religiosis in littore sepelitur, vt postea maiori cum
 veneratione in collegium Societatis asportetur. Hac igitur occa-
 sione priusquam exscenderet inuicta fidei pugilum cohors audi-
 tum est Manilæ de omnibus, ac de Iusto maximè, appellere Iapo-
 nensium athletarum classem, cum integro quod inde deportabant
 uictricis fidei vexillo. Placuitque prætori Ioanni à Silua (quem sæ-
 pe strenuum audientes nunc pium legemus) placuit inquam inusi-
 tatis officijs insolens facinus persequi, Christi que exules cum suo
 duce Iusto publica pompa cohonestare. Triremis igitur instructa o-
 mnium obsequiorum genere in portum expeditur, in quam Iustus
 cum sua turma laborum immemor, beneficióque gratus exscendit,
 & cum littus legens festo tormenti principis sonitu obuias præto-
 ris ædes salutasset, tota velut signo dato, quæ pro muris stabant, tor-
 mentorum furia reboauit. Effuderat se ad spectaculum ciuitas vni-
 uersa, totumque late littus occuparat, prætoria etiam in littore co-
 hors exscensuros præstolabatur, eos in prætorias ædes abductura.
 Diceres patriarcham illum post exsiccatas eluisionis aquas ex arca
 sua in aridam exilire. Iustus enim cum vxore, filia, nepotibus quin-
 que, animæ omnes octo exscendebant. Sequebatur eum cum fami-
 lia Ioannes ac, deinde Thomas, cum ceteris neophytis quanquam
 horum vxores & filiæ, simul cum Iulia, & quas Miaco pulsas pari
 exilio multatas fuisse comemorauit, fœminæque omnes, pro innata
 decentia, ac verecundia, vitata prætoris domo, alia scapha recta
 sese ad Societatis ædes receperunt. Solenne enim nobilibus ma-
 tronis apud Iapones & Sinas vultum studiose velare ne à quopiam
 facile conspiciantur. Hos omnes omnium ordinum religiosi se-
 quebantur, qui cum exscendissent, nobilem supplicantium pom-
 pam ex composito instituisse videbantur, quæ dubium vtrius plus a-
 lacritatis pareret aut gaudij. Sub vrbis muros cetera præsidij mili-
 taris multitudo exulibus festo sclopetorum sono applaudentes
 Christi milites militariter salutabant, & Iapones natura pugnaces
 suis ludis recrearunt. In palatio Prætor cum vniuerso regionum iu-
 dicum senatu venientes præstolabatur: qui vbi in conspectum ve-
 nire

*Exules à Pra-
 tore Philippi-
 narum pu-
 blica pompa
 excipiuntur.*

*Prætor in
 Iustum Vcon-
 donū officia.*

nère passis vlnis alter alteri occurrentes in mutuos amplexus cor-
ruerunt, nec vtrunque lacrymæ defuerunt testes gaudij, cui solent
etiam non rarò famulari. Prætor Iusto ac socijs sua prælia, trium-
phosque in fidei causa gratulatus, catholici regis nomine omnia de-
tulit, quæ de catholico rege vbique possunt à catholicis expectari.
Non defuit Iustus tantæ humanitatis obsequijs eaque fecit ac dixit,
quæ aulicorum rituum peritus per vniuersam vitam exercendo di-
dicerat. Expletis vtrunque officijs, Iustus cum nepotibus in præto-
riam rhedam conscendere iussus, præeunte vniuerso prætoris satel-
lito, in oculis clarissimæ ciuitatis non sine faustis multorum accla-
mationibus in Societatis collegium, vbi cibum sumpturus erat ab-
ducitur. Iter illi fuit per ædem principem, in cuius vestibulo cle-
rus cum vniuersus cum omni musici concentus genere præstolaba-
tur, ad quam salutandam, rheda sua exiliens Deo sua beneficia bre-
uiter est cum socijs gratulatus. Idem ex itinere præstitit in Diui Au-
gustini & postridie in Diuorum Dominici & Francisci cœnobijs.
In Societatis vero collegio præter cætera omnia canticum Te De-
um laudamus musici suis numeris decurrerunt. Domestico dein-
de exceptus epulo in vicinas collegio ædes demigravit.

Officiosa vrbis humanitas diei vnus angustijs claudi non po-
tuit, postridie prætor illum non sine digno vtrunque munere voluit
visitari, quod ille deinde ipse subsequutus officiosæ benevolentia
numeros omnes explere contendit. Exinde orta inter vtrumque
familiaritas vix quotidianis in collegio nostro colloquijs poterat
saturari. Nec absimili officiorum genere omnes cum eo socijs pri-
morum vrbis ordines decurrerunt. Sed non in nudis officiorum
verbis constitit humanitas. Satis constabat Prætori Iustum soci-
osq; apud suos nobilissimam gentem in hoc infortunio quod Chri-
sti causa patiebantur, fortunis omnibus excidisse. Prætor igitur è
regis catholici voluntate futurum ratus, si tantorum virorum ino-
piam subleuaret, censum annum designauit. Sensit hoc Iustus, se-
riòque adhibito è nostris sacerdote laborauit, ne inopia sua, quam
copiæ præferbat, excideret, cupere se vbi vitam non potuerat, ce-
tera in fidei causa prodigere, nec ad ea redire, quæ Christi causa reli-
quisset, neque iustum videri id ætatis senem, quæ non meruerat,

*Prætor ex a-
ritio regis ca-
tholici cen-
sum annu-
um Iusto as-
signat.*

N n

nec

nec mereri poterat, ab rege catholico stipendia acceptare. Quibus rationibus, tametsi prætoris voluntatem ad dies aliquot distulit, non sustulit tamen, cum enim Iusto mors intra dies paucos obligisset, perfecit tandem, ut ceteri in catholici regis munificentia sine cura conquiescerent. quam rem cum rex catholicus tandem literis prætoris accepisset, non confirmavit solum, sed humanissimis literis prætoris factum collaudavit.

IVSTVS VCONDONVS INTRA DIES QUADRAGINTA MORITVR.

CAPVT XXII.

Nihil est in humanis rebus diuturnum, vix bene nostri exules præteritos labores in præsentī humanitate sepeliuerant, cum Iustus noster communis huius lætitiæ caput læticiam communem sua morte intercicens, sua gaudia, quæ intercidi ultra non poterunt, inchoauit. Nam siue cæli permutatio, siue ciborum insolentia, siue nauigationis reliquæ, aut denique simul omnia coniurato impetu eum inuaserint, continua febre corripitur, quæ paulatim contabescens intra dies quadraginta, ex quo appulerat extinguitur. Aegritudinem omnes, quam leuare non poterant, frequenti visitatione Prætor, Archiepiscopus religiosorum ac magnatum gradus omnis cohonestauit. Ex quo non minus existimatio Iusti crescebat, quam in eo solitudinis desiderio sensus augebatur, non ideo solum quod extremas fugientis vitæ horas vni Deo sacras esse cuperet, sed, nequam meriti sibi partem honor exhibitæque officia detraherent. Vbi se ægritudo prodidit cum vicina morte conspirasse, quod per vniuersam vitam fecerat, mori studuit, priusquam moreretur. Et quidem Patrem Petrum Moreion, cui se regendum expiandumque commiserat, in hæc ipsa verba dicitur allocutus. Facile aduerto me mori, tametsi meorum causa dissimulem. Ab eo magno gaudio delibutus, quod diuinam esse videam voluntatem, maxime, quod tot religionis stipatus, & apud eam gentem quæ Christum colit, ex me Prætori, Archiepiscopo, iudicum senatui, Religiosorum ordinum familijs,

*Iustum in-
madus febris
continua.*

*Iusti Verba
extrema ad
sacerdotes
nostrum.*

lijs, ceterisque gratias ages, pro ea qua nos benevolentia exceperunt. Ad uxorem, filiam nepotésque quod attinet, omni cura liberemior. exules Christi sunt, hoc vnum est satis. Quod me in exilium abeuatē persequi voluerint, amorī multum debeo, sed is qui eos in externas regiones aduexit, vt parentis officio fungetur, ita magno eorum lucro, hac me cura liberabit. Crescente postmodum ægritudine, frequenti cohortatione Tobia testatorem imitatus, suam suis supremam expressit voluntatem: ea fuit, vt in fide persisterent & Societatis nostræ sacerdotes perpetuos vitæ suæ rectores adhiberent. Si quis aliquid peccaret, ceteri monerent, monendum ad Patres deferrent, quos si non audiret, hæreditate ac gentilitio nomine priuaretur. His expletis sacramentis omnibus ad extremam luctum muniri eo tempore voluit, quo nondum ægritudinis vi pietatis sensu priuaretur, inter quæ cū prope continuo hæc verba proferret: iam tandem cupio frui Domino meo, suauissimè in Domino obdormiuit, sub noctem mediam quæ Februarij quintam inchoat. Anno salutis instanti. Sed in hunc annum illius mortem materiæ series necessario reiecit.

Ad familiam suam.

Moritur instanti.

1625.

Quantus viuentem amor acceperat, tantus morientem luctus excepit: Prætor funus eius eo est honore prosecutus, cui nihil adpotuisse videbatur. Vbi ad efferendum feretrum conuenere, pialis orta piæ sarcinæ humeros supponere gestientium, ea tandem dirempta est in hunc modum, Prætor cum consiliarijs regijs ex ædibus in mediam urbem sarcophagum extulit, ibi excipitur ab ijs sodalibus, qui à misericordia nomen inuenerunt, vna cum magistratibus ciuitatis. Cuius sodalitij institutum iam diu apud Iapones inductum ipse Miaci, Nangasacki que susceperat. Pro foribus ædis sacræ, quæ nostra fuit, religiosorum ordinum superiores ad aram vsque principem cadauer, omnium æstimatione sacrum extulerunt. Ibi dum ecclesiastico ritu parentatur, vix auelli multitudo potuit, quæ ad deosculandos pedes manusque, postquam id officij maximus quisque præstiterat, concurrebat. Denique cum in tumultum inferretur, profanas secularium manus à sacro corpore placuit amoueri.

Effertur per quam honorificè.

Religiosi confertim circumfusi extremum hoc obsequium impenderunt.

*Iusto Vcondo-
no parenta-
tur.*

Nec dum satis honoratus Iusti exitus visus fuit. Indicta iustis funebribus de more dies, regio nihil minus habuit apparatus. Pulla vestis totam ædem serico-panno circumuestiuit. Sed eam candida papyro conscripti versus, emblemata, aliâque id generis illustrarunt, quæ cum in sacello principe minime caperentur, in ceteram sese ædem diffuderunt. Quatuor linguis descripta pleraque videbantur, latina videlicet, hispanica Iaponensi, ac Sinensi, quibus omnibus vnica viri virtus celebrabatur. In æde quoque primaria & apud ceteros religiosorum cætus, suo apud quemque die Iusto est sanè iustè magnificèque parentatum. D porro Augustini Patres in æde nostra idem pietatis officium exegerunt. Stupuisse feruntur Iapones, qui supra mille ea in vrbe numerabantur, quod ciuem suum tot officijs coli viderent apud exteros, cui apud suos ne viuere quidem licuisset. Orationem funebrem habuit Collegij nostri Rector, cuius orationis desiderium commemoratis quam breuissimè Iusti per vniuersam vitam facinoribus prout potero, temperabo.

Non id ago nunc vt Iusti mortem vitæ anteaactæ commemoratione cohonestem, aut virtutum eius seriem texere aggrediar, ne instituta breuitate rei magnitudini detrahâ, aut extralimites vagus anteaacta tempora pererrem. Appello Iaponensem historiam, quam ab initio nascentis ibidem ecclesiæ cudi audio, fortasse breui

*Iusti Vcondo-
nistres de tri-
bus Iaponia
Imperatorib-
us Historia.
Prima de
Nobunanga.*

excudendam. hoc vnum, in quo Iustus tota Iaponia neminem parem habuit, de eo dici potest. quod de tribus Imperatoribus, iisque apud Iapones potentissimis in fidei causa triumpharit. De Nobunanga videlicet, de Taicosama, deque Cubosama. Prima victoria sequenti prælio comparatur. Araqui potens in paucis dynasta, idemque Iusti amicus & beneficiorum vinculis illigatus Nobunangæ bellum indicebat, cum Iustus ab eo bello cum frustra remouere contendisset, ne minus fidus haberetur, nouo sacramentò fidem amicitiamque suam obligarat & vtriusque obsidem filium vnicum ac sororem adhuc pueros ei tradiderat, quare iam securus Iustum pacis sequestrem in regiam ipse mox secuturus amandauit. Vix bene abierat cum Iusti hostis Xesioye dictus Araqui persuasit Iustum

sum in hac causa non dubium esse proditorem. Ergo ne à Nobunanga praeueniretur. Araqui bellum prior occupauit, in quo bello Iustus licet inuitus amicum sequitur, ne quod Araqui crediderat, proderet se fidem prodidisse. Ad eos expugnandos Nobunanga cum ingenti exercitu superuenit. Et quia Iustum nouerat strenuum iam tunc belli ducem, selectissima militum manu instructum victoriam dubiam effecturum, nihil prius habuit, quam ut eum metu, promissis, largitionibusque si fieri posset, eriperet, maximè quod in munitissimam arcem refugerat, quam auro potius quam armis posse crederet expugnari. Verum cum omnia frustra tentasset, arietem vltimum adhibuit, quo vno Iustus poterat expugnari. Renunciari illi iubet, nisi Araqui partes deserat, se sacras omnes Christianorum aedes solo æquaturum, neophytos extincturum, P. Organtinum reliquosque Societatis nostræ sacerdotes (qui soli ijatemporibus eam vineam excolebant) in crucem acturum in conspectu arcis, quam pertinaciter tuebatur. Ingens fuit vtrunque bellum, illinc fides Araqui data, perfidiæ horror, obsides traditi detinebant: hinc religio & innocentia nostrorum in eius pectore decrabat. & quidem in eo bello Nobunangæ pars iustior esse putabatur. In his angustiis Iustus ad orationem totius rei vnus conscius refugit, ibique coram Christi è cruce pendentis effigie nixus genibus religionis bonum, filijs, honori, fortunisque anteposuit, & criminem sibi radens Iaponensi ex more huius vitæ spes decurtauit, dum breuibus literis Darium parentem suum cæterosque intra arcem duces monuit, se cum exitum nullum reperiret Iaponensi ex more mori debuisse, quod cum proprijs manibus Christiano sit nefas, eo se modo mori quo fas est voluisse, ideoque pergere in Nobunangæ castra, vt vna cum patribus in crucem ageretur, ipsi fidem Araqui seruarent, arcemque pro viribus tuerentur. Nec minus fecit quàm dixit. Ipso Nobunanga Iusti non solertiam minus quam virtutem admirante. Darius parens citatis equis Araqui se stitit professus Iusti factum sibi non nisi post factum constituisse, venire se vt filij culpam propria multa lueret, infantesque obsides morte liberaret. Verum Araqui, Iusti etiam in retinenda religione studium potius admiratus, quam perfidiam detestatus, ab innocentium sibi sanguine

ne temperavit, & à Nobunanga breui victus hanc litem diremit. Iustus porro rebus omnibus, quas reliquerat, cumulatè restituitis obsidès recepit, Iaponiamque vniuersam admiratione virtutis in se conuertit, effecitque vt Christiana religio ab Imperatore commendaretur, perque omnium ora volitaret.

*Secunda Iu-
sti Historia
de Taicosama.*

Altera Iusti victoria de Taicosama siue Quabacondono triumphauit. Cum enim Nobunanga vnus è ducibus Aquechi manu periisset, Iustusque in primis eius mortem vlturus Quabacondoni partes ita promouisset, vt eius opera fere potissimum totius Iaponiæ Imperium occupasset, magnis honoribus ab eo auctus inter primarios Imperij Principes habebatur. Et quoniam in eius fortuna Christianæ religionis incrementa fere voluebantur, tantum auctoritate sua perfecit, vt nobilissimus quisque fidei nostræ prælectiones admitteret, eoque hortatore multi legis nostræ sanctitate caperentur, ita per annos aliquot christiana religio secundo euangelici torrentis impetu omnia rapiebat, donec humani generis hostis videns & inuidens Iusto infortunium, & inde religioni detrimentum procurauit. Acaxi enim Sacrificuli omnes, cum Iustus eam provinciam ex Imperatoris munificentia esset aditurus, suis dijs malè metuentes eorum simulacra sacratiora ad Imperatoris parentem anum deportarunt, illius auctoritatem contra Iusti insolentiam obtestati, gaudius est maximè oblata Iustus occasione, vt Boncios è ditioris suæ finibus arcere posset, questus eos nulla à se iniuria læsos reipublicæ suæ statum perturbasse. Quod illi iniquissimis tulere animis & præcipuè Yacuin ex Boncio Imperatoris medicus, qui eorum causam tuendam susceperat, moxque persecutionis huius præcipuus extitit author. Cum enim hic ex medico leno, Christianas ex Arimensi agro virgines Imperatori pellices futuras abducere pararet, effecit apud Arimensem dynastam Pater vnus, vt Christiana pudicitia ethnicæ libidini minimè subiaceret. Leno ad Imperatorem reuersus, de audacia queritur, amissam prædam exaggerat, indignumque exclamat, vt externi Sacerdotes inductos in fraudem Imperij principes ita fascinent, vt suam voluntatem imperatoris opponant voluptati. Ea res, (vt impotens est accensæ libidinis furor, si ad sui contemptum adiungatur)

gatur) Imperatorem in furias egit, iratum graviterque Christianis infensum cum primum eum sensit, conceptum iam pridem in eos & in Iustum animo virus euomuit Yacuin: tolerare nefas esse dictitans ignotos aduenas tanta audacia templa Deosque suos, tanti à maioribus habita demoliri, Boncios, quos ut magistros & semideos antiquitas venerabatur, malè multatos templis bonisque spoliatos cogere è natio solo exulare, tum in regno Bungi Arimæ alijsque locis, tum præcipue Tocazaqui & Acaxi Iusti opera. Grauibus id verbis exaggerabat, neque suspicione carere Iusti sagacitatem dicebat, qua optimatum corda, ut Christi fidem amplecterentur, sollicitabat. Aestuanti Imperatoris animo circumstantium corona faces subijciebant, factumque repente est ut edictis crudelissimis Christianam religionem nobilitati interdixit, euangelij ministros Iaponia tota proscripserit, & Iustum velut ab ijs dementatum ad saniora reuocare, omni ope atque opera laborarit; cuius id fuit vnicum responsum ab internuncio Imperatori reddendum, se in Taicosamæ gratiam fortunas, prouincias, vitamque non grauatè proiecturum, sed prius id ipsum se regi regum supremoque Imperatori Christo debere. Nemo fuit cui satis esset animi ad id Imperatori referendum, quod Iustus animosè renunciabat. Atque igitur, responsum ego ipse & simul sicam, qua me obtruncet, ferre nihil dubitabo. Verum Imperator cum alia tentasset omnia, quæ longum esset commemorare, fortunis omnibus exutum, toties merita dignitate ingratus exturbauit. Nec id infortunium ad eum solum attinebat, sed ad eos omnes qui ex Iaponensi consuetudine clientelæ nomine illi obsequijs astringebantur. Verum ut erat selecta, habebaturque militarium animorum cohors, à reliquis principibus certatim in familiares adsciti, quam à Iusto didicerant Christi fidem, per multorum principum familias magno rei Christianæ bono Deoque in bonum mala vertente diuulgarunt. Annum integrum Iustus priuatam vitam duxit, & apud Societatis nostræ sacerdotes in Amacusa Insula, quos se receperant, eam vitam vixit, quæ religioso non indigna videretur. Tandem Imperator mitigato non nihil furore, cum de Iusto sibi adiungendo desperaret, in extrema Iaponia regulo

regulo illum cuidam pro dignitate alendum commendauit, vbi annos sex supra viginti prope priuatus ita vixit, vt vicina loca omnia eo fidei ardore, quo incensus erat, inflammaret, perpetuosque quoad potuit comites è nostris habuerit, vt eorum operam autoritate sua roboraret.

*Tertia Iusti
Victoria de
Cubo.*

In his occupatum tertia cum Imperatore Cubo pugna, victoriaque quam hoc ipso libro descripsimus deprehendit, quæ tanta admiratione Iaponiam affecit vniuersam, vt affirmarent plerique ethnici dynastæ, iustum hoc extremo facinore totius vitæ decora velut sigillo munisse. Sed hæc de Iusto sint satis, cui Dominus pro merito gloriam æternitate dimensurus in extremis abeuntis vitæ diebus videtur inchoasse.

APVD MOSCOVITAS NICOLAUS JAPON
martyr palmam inuenit.

C A P V T XXIII.

PRIUSquam nos in Iaponiam recipimus, longius excurrere facultatem accepturi non nihil digredimur. nam tametsi Iaponenses triumphos intra Iaponiam partos scribimus, materiæ tamen similitudo allicit, vt Iaponensem apud Moscovitas triumphum ab obliuione vindicemus. Quicquid in hac re commemorabimus ex religiosorum Patrum D. Augustini autoritate constabit, nec non cuiusdam patris Ioannis Tadzæ à S. Eliseo ex Carmelitarum discalceatorum familia, & maximè postquam excussa hæc omnia ab Illustrissimo Alexio Menesio ex eadem D. Augustini familia Archiepiscopo primum Goano deinde in Lusitania Braccarensi (qui nuper Madriti Lusitani senatus præses obiit) nobisque tradita sunt, quæ conscripta sine suspicionis nota possunt edi.

*Nicolaus Iapō
pō è Philippis
Europam pe-
tit.*

Ex eodem D. Augustini ordine P. F. Nicolaus de Mello Lusitanus in Philippinas insulas nauigarat, vbi post annos sedecim in Procuratorem electus Europam reuisebat, adiuncto illi comite F. Nicolao Laico, qui cum parentibus è Iaponia Maniliam puer venerat, ibique Christi fide suscepta in baptismo Nicolaus à P. Nicolao est appellatus, educatusque in ipso cœnobio tandem habitum illum susce-

fufcepit, illiusque profellus est institutum. Illo igitur comite cum per Orientis Indiam iter ideo instituiſſet, vt Archiepiſcopi Goani, quem dixi, authoritate ad ſua negocia vteretur, eoque anno ex India nulla nauis Luſitaniam peteret, ne deeſſet negotijs, ſi annum inſequentem præſtolaretur, terreſtre per mediam Perſiam iter Armuzian delatus arripuit, quo tempore, cum in Europam ad ſummum Pontificem ceterosque principes Chriſtianos Perſa legationem adornaret, legato comitem ſe adiunxit, qui per Moſcouiam iter inſtituit, vt à Polonia legationem inchoaret. Cum in regiam quæ Moſcua dicitur deueniſſent, vterque hoſpicio excipitur à Paulo doctore medico Mediolanenſi, quem eo neſcio quæ fortuna detulerat. Is vt erat catholicus, domi ſuæ miſſæ ſacrificium, ceteraque Sacramenta miniſtrari latino ritu permittebat, & filiolarum, quæ id temporis medico nata fuerat, ſacris aquis Romano ritu tradiderat eluendam. Ea res Moſcouiæ legibus interdicta Anglorum quorundam Caluiniſtarum indicio ad Ducem erupit, cuius ſententia vterque vinctus in Inſulam Solocci relegatur, ibique monachis è D. Baſilij inſtituto ſchiſmaticis commendatur. Sex annos in ergaſtulum retruſi in digna multa pertulerunt. Cibus illis erat ille ipſe quo cœnobij ſeruitia utebantur, cetera ex odio Romanæ religionis apud Moſcouitas licet conijcere. Sæpe ad defectionem ſollicitati non conſtanter minus quàm appoſitè repugnarunt.

*Captiuis in
Moſconia de-
tinetur.*

Interim moritur Moſcouiæ Dux ſine hærede, cui Demetrius ille Europa tota notus, Poloniæ regis auxilio, poſt bella multa ſucceſſit. Is vt erat catholicus, facilè Nicolaum vtrumque liberaſſet, ſiquidem illorum captiuitas ad eū deueniret: id factum Clementis VIII. authoritate, cum per Moſcouiam Carmelitas diſcalceatos in Perſidem deſtinaret. Liberantur igitur inſulari ergaſtulo, ſed mox in atrociora vincula retrudendi, nam cum Moſcuam deueniſſent, alia omnia quam ſperauerant, inuenerunt, quod eam in ciuiliū bellorum tumultu Baſilius Demetrio ſuffectus occupafſet, qui vt erat ſchiſmaticus, in cuſtodiam eos publicam vnà cum ceteris reis ablegauit: Sed ea lege, vt, ſi eiurata Pontificis Romani authoritate ritu Ruteno baptiſmum iterarent, liberi mitterentur, Ducis deinde munificentia honorandi. Verùm cum vterque repugnafſet, poſt atrocem

cem flagellationem, in obscurissimum totius carceris ergastulum, retruduntur, ibique annos quatuor detenti, sæpiusque flagellati, nec rarò per vicos publicos detractis vestibus raptati & ad ingentem pyram quæ in foro ardebat, adducti, semper tamen sibi in catholica religione retinenda constiterunt, quod cum facerent, publicè flagellati in vincula non sine contumelijs verberibusque ac pugnis reducebantur.

È Moscua postea educti ad urbem Nisna supra flumen volgam cum iisdem vinculis abducuntur, nec ibi mitius habiti, tandem à Basilio Duce iubentur denuo ad incensam pyram adduci, in eaque nisi resipiscant, concremari. Ducebantur ad supplicium eo die quem ecclesia D. Andreæ memoriæ consecrauit, inspectante multitudine, & vtriusque vel maximè Iaponis animum admirante, quem minuendum rati, si à socio separaretur, in alium locum publicum denuo sollicitandum abducunt, vbi ad eum territandum, variam suppliciorum suppellectilem ostentantes acerrimè vrgent, ut à Romana fide deficiat. Sed ille: absit, inquit, ut veritati errores anteponam, ut ab ea fide discedam, quam à Socio puer accepi. Vbi minæ nihil poterant fraudem adhibent, accurrit è composito, qui P. Nicolaum ad se defecisse mentiatur. Sed ille Iaponensi correptus animo, summa libertate, mentiri omnes affirmavit, non eum esse socium suum, qui post tot supplicia extremum exhorruerit, quod etsi fecisset, cuique salutis suæ curam peculiare munus esse, cupereque pro fide Romana centies, si licuerit, emori. Recurritur igitur ad Ducem, qui admiratione constantiæ mollior factus supplicium mitigavit, iubet enim ut denuo ad socium reductus incendij præsentia terreatur, si repugnarit capite plectatur, sibi que spectandum caput offeratur.

Nudus etiam tum stabat ad pyram P. Nicolaus, totoque corpore frigidissimo cælo ad ignem palpitabat, ingens vtrique solatium fuit mutuus hoc rerum statu conspectus. Carnifex igitur vbi optanti frustra ignes intentasset, prout erat iussus, inspectante socio Iaponem obtruncauit, eo ipso die anno salutis supra millesimum sexcentessimum vndeçimum, truncum caput Duci delatum ludibrio materiam dedit, quo expleto sacrum cadaver canibus lacerandum

Nicolaus Iaponensis in Moscua capite truncatur.
1611.

dum more gentis exponitur, à quo tamen canes schismaticis mitiores, ita pertinaciter sibi temperarunt, vt ea res pro miraculo habita negotiatores quosdam Polonos, qui fortè catholici aderant, inuicarit, vt humandum etiam contra leges impetrarint. Non defuere tamen ex schismaticis, qui rem admirandam in peius trahentes didicarent, Romanam hæresin vsque adeo pestilentem esse, vt luc in corpus vulgata canes ipsos à laceratione deterreat. Adeo nullus etiam prodigijs & miraculis schismaticorum & hæreticorum pertinax error corrigi potest.

*A cadanere
lacerando
canes perti-
naciter ab-
stinem.*

P. interim Nicolaus sanctæ inuidiæ lacrymis perfusus suam sortem expectabat, verum Polonorum eorundem intercessione, dilata in custodiam reducitur, in qua annum totum denuo latuit martyrij spe, ex qua toties exciderat prope exturbatus. Degebat ibidem Marina Gurgia Demetrii nuper Ducis vxor, quæ vt erat catholica, summo opere catholici sacerdotis, cuius opera vteretur libertatem exoptabat, quam tametsi alias frustra tentauerat, sublato interim Basilio ab altero Demetrio, qui successerat posse sperabat impetrari. Nec eam sua spes fefellit. Adhibito enim ad eam rem mariti quondam sui duce primario, quod tantopere cupierat, tandem est aliquando consequuta. Ex ergastulo igitur suo post tot annorum vincula Nicolaus educitur, & in familiam suæ liberatricis adsciscitur, in qua catholico ritu sacra procurans familiæ totius parens habebatur. Ex eadem numerabatur nobilissima matrona Barbara nomine, quæ Marinam ab ipsa Polonia cum Duci Demetrio tradenda venerat, comes fuerat prosecuta. Non minus fuit illius gaudium, quod ex catholico eoque insigniter religioso nacta fuerat sacerdotem. Demum cum ciuilibus omnia bellis arderent, Marinamque plurimum ab hostibus mariti sui vexaretur, in extremam Moscouitarum urbem, quæ Persidem tangit Astarcam nomine secessit, in Persidem deinde si qua se commoditas offerret, abitura. Quod priusquam perficeret ab hostibus suis oppressa eadem in vrbe matris prius, qui eam tuebantur, famulis domi suæ.

Barbara verò cum P. Nicolao vinculis onerantur, & religionis Romanæ nomine rituūque latinorum exercitio contra leges vsurpato deferuntur, ac deinde post redintegrata prælia

nec mereri poterat, ab rege catholico stipendia acceptare. Quibus rationibus, tametsi prætoris voluntatem ad dies aliquot distulit, non sustulit tamen, cum enim Iusto mors intra dies paucos obrigisset, perfecit tandem, ut ceteri in catholici regis munificentia sine cura conquirerent. quam rem cum rex catholicus tandem literis prætoris accepisset, non confirmavit solum, sed humanissimis literis prætoris factum collaudavit.

IVSTVS VCONDONVS INTRA DIES QVADRAGINTA MORITVR.

CAPVT XXII.

Nihil est in humanis rebus diuturnum, vix bene nostri exules præteritos labores in præsentī humanitate sepeliuerant, cum Iustus noster communis huius lætitiæ caput lætitiæ communem sua morte intercidens, sua gaudia, quæ intercidi ultra non poterunt, inchoauit. Nam siue cœli permutatio, siue ciborum insolentia, siue navigationis reliquæ, aut denique simul omnia coniurato impetu eum inuaserint, continua febre corripitur, quæ paulatim contabescens intra dies quadraginta, ex quo appulerat extinguitur. Aegritudinem omnes, quam leuare non poterant, frequenti visitatione Prætor, Archiepiscopus religiosorum ac magnatum gradus omnis cohonestauit. Ex quo non minus existimatio Iusti crescebat, quam in eo solitudinis desiderio sensus augebatur, non ideo solum quod extremas fugientis vitæ horas vni Deo sacras esse cuperet, sed, quæquam meriti sibi partem honor exhibitaque officia detraherent. Vbi se ægritudo prodidit cum vicina morte conspirasse, quod per vniuersam vitam fecerat, mori studuit, priusquam moreretur. Et quidem Patrem Petrum Moreion, cui se regendum expiandumque commiserat, in hæc ipsa verba dicitur allocutus. Facile aduerto me mori, tametsi meorum causa dissimulem. Abeo magno gaudio deliburus, quod diuinam esse videam voluntatem, maxime, quod tot religionis stipatus, & apud eam gentem quæ Christum colit, ex me Prætori, Archiepiscopo, iudicum senatui, Religiosorum ordinum familijs,

*Iustum in-
madit febris
continua.*

*Iusti verba
extrema ad
sacerdotem
nostrum.*

lijs, ceterisque gratias ages, pro ea qua nos benevolentia exceperunt. Ad uxorem, filiam nepotésque quod attinet, omni cura liberior. exules Christi sunt, hoc vnum est satis. Quod me in exilium abeuntem persequi voluerint, amori multum debeo, sed is qui eos in externas regiones aduexit, vt parentis officio fungetur, ita magno eorum lucro, hac me cura liberabit. Crescente postmodum ægritudine, frequenti cohortatione Tobia testatorem imitatus, suam suis supremam expressit voluntatem: ea fuit, vt in fide persisterent & Societatis nostræ sacerdotes perpetuos vitæ suæ rectores adhiberent. Si quis aliquid peccaret, ceteri monerent, monendum ad Patres deferrent, quos si non audiret, hæreditate ac gentilitio nomine priuaretur. His expletis sacramentis omnibus ad extremam luctum muniri eo tempore voluit, quo nondum ægritudinis vi pietatis sensu priuaretur, inter quæ cum prope continuo hæc verba proferret: iam tandem cupio frui Domino meo, suauissimè in Domino obdormiuit, sub noctem mediam quæ Februarij quintam inchoat. Anno salutis infestæ. Sed in hunc annum illius mortem materiæ series necessario reiecit.

Ad familiam suam.

Moritur in fine.
1625.

Quantus viuentem amor acceperat, tantus morientem luctus excepit: Prætor funus eius eo est honore prosecutus, cui nihil adpotuisse videbatur. Vbi ad efferendum feretrum conuenere, pialis orta piæ sarcinæ humeros supponere gestientium, ea tandem dirempta est in hunc modum, Prætor cum consiliarijs regijs ex ædibus in mediam urbem sarcophagum extulit, ibi excipitur ab ijs sodalibus, qui à misericordia nomen inuenerunt, vna cum magistratibus ciuitatis. Cuius sodalitij institutum iam diu apud Iapones inductum ipse Miaci, Nangasackijque susceperat. Pro foribus ædis sacræ, quæ nostra fuit, religiosorum ordinum superiores ad aram vsque principem cadauer, omnium æstimatione sacrum extulerunt. Ibi dum ecclesiastico ritu parentatur, vix auelli multitudo potuit, quæ ad deosculandos pedes manusque, postquam id officij maximus quisque præstiterat, concurrebat. Denique cum in tumulum inferretur, profanas secularium manus à sacro corpore placuit amoueri.

Effertur per quam honorificè.

Religiosi confertim circumfusi extremum hoc obsequium impenderunt.

*Iusto Vcondo-
no parenta-
tur.*

Nec dum satis honoratus Iusti exitus visus fuit. Indicta iustis funebribus de more dies, regio nihil minus habuit apparatu. Pulla vestis totam ædem serico panno circumuestiuit. Sed eam candida papyro conscripti versus, emblemata, aliæque id generis illustrarunt, quæ cum in sacello principe minime caperentur, in ceteram sese ædem diffuderunt. Quatuor linguis descripta pleraque videbantur, latina videlicet, hispanica Iaponensi, ac Sinensi, quibus omnibus vnica viri virtus celebrabatur. In æde quoque primaria & apud ceteros religiosorum cætus, suo apud quemque die Iusto est sanè iustè magnificèque parentatum. D. porro Augustini Patres in æde nostra idem pietatis officium exegerunt. Stupuisse feruntur Iapones, qui supra mille ea in vrbe numerabantur, quod ciuem suum tot officijs coli viderent apud externos, cui apud suos ne viuere quidem licuisset. Orationem funebrem habuit Collegij nostri Rector, cuius orationis desiderium commemoratis quam breuissimè Iusti per vniuersam vitam facinoribus prout potero, temperabo.

Non id ago nunc vt Iusti mortem vitæ antea actæ commemoratione cohonestem, aut virtutum eius seriem texere aggrediar, ne instituta breuitate rei magnitudini detrahā, aut extralimites vagus antea acta tempora pererrem. Appello Iaponensem historiam, quam ab initio nascentis ibidem ecclesiæ cudi audio, fortasse breui

*Iusti Vcondo-
ni tres de tri-
bus Iaponia
Imperatoribus
victoria.
Prima de
Nobunanga.*

excudendam. hoc vnum, in quo Iustus tota Iaponia neminem parem habuit, de eo dici potest. quod de tribus Imperatoribus, iisque apud Iapones potentissimis in fidei causa triumpharit. De Nobunanga videlicet, de Taicosama, deque Cubosama. Prima victoria sequenti prælio comparatur. Araqui potens in paucis dynasta, idemque Iusti amicus & beneficiorum vinculis illigatus Nobunangæ bellum indicebat, eum Iustus ab eo bello cum frustra remouere contendisset, ne minus fidus haberetur, nouo sacramento fidem amicitiamque suam obligarat & vtriusque obsidem filium vnicum ac sororem adhuc pueros ei tradiderat, quare iam securus Iustum pacis sequestrem in regiam ipse mox secururus amandauit. Vix bene abierat cum Iusti hostis Xesioye dictus Araqui persuasit Iustum

stum

Num in hac causa non dubium esse proditorem. Ergo ne à Nobunanga praeueniretur. Araqui bellum prior occupauit, in quo bello Iustus licet inuitus amicum sequitur, ne quod Araqui crediderat, proderet se fidem prodidisse. Ad eos expugnandos Nobunanga cum ingenti exercitu superuenit. Et quia Iustum nouerat strenuum iam tunc belli ducem, selectissima militum manu instructum victoriam dubiam effecturum, nihil prius habuit, quam ut eum metu, promissis, largitionibusque si fieri posset, eriperet, maximè quod in munitissimam arcem refugerat, quam auro potius quam armis posse crederet expugnari. Verum cum omnia frustra tentasset, arietem vltimum adhibuit, quo vno Iustus poterat expugnari. Renunciari illi iubet, nisi Araqui partes deferat, se sacras omnes Christianorum aedes solo æquaturum, neophytos extincturum, P. Organtinum reliquosque Societatis nostræ sacerdotes (qui soli istis temporibus eam vineam excolebant) in crucem acturum in conspectu arcis, quam pertinaciter tuebatur. Ingens fuit vtrunque bellum, illinc fides Araqui data, perfidiæ horror, obsides traditi detinebant: hinc religio & innocentia nostrorum in eius pectore decrabat. & quidem in eo bello Nobunangæ pars iustior esse putabatur. In his angustiis Iustus ad orationem totius rei vnus conscius refugit, ibique coram Christi è cruce pendentis effigie nixus genibus religionis bonum, filijs. honori, fortunisque anteposuit, & criminem sibi radens Iaponensi ex more huius vitæ spes decurtauit, dum breuibus literis Darium parentem suum cæterosque intra arcem duces monuit, se cum exitum nullum reperiret Iaponensi ex more mori debuisse, quod cum proprijs manibus Christiano sit nefas, eo se modo mori quo fas est voluisse. ideoque pergere in Nobunangæ castra, vt vna cum patribus in crucem ageretur, ipsi fidem Araqui seruarent, arcemque pro viribus tuerentur. Nec minus fecit quàm dixit. Ipso Nobunanga Iusti non solertiam minus quam virtutem admirante. Darius parens citatis equis Araqui se stitit professus Iusti factum sibi non nisi post factum constituisse, venire se vt filij culpam propria multa lueret, infantesque obsides morte liberaret. Verum Araqui, Iusti etiam in retinenda religione studium potius admiratus, quam perfidiam detestatus, ab innocentium sibi sanguine

ne temperavit, & à Nobunanga breui victus hanc licem diremit. Iustus porro rebus omnibus, quas reliquerat, cumulatè restitutus obsidès recepit, Iaponiamque vniuersam admiratione virtutis in se conuertit, effecitque vt Christiana religio ab Imperatore commendaretur, perque omnium ora volitaret.

*Secunda Victoria
de Taicofama.*

Altera Iusti victoria de Taicofama siue Quabacondono triumphauit. Cum enim Nobunanga vnus è ducibus Aquechi manuperiisset, Iustusque in primis eius mortem vlturus Quabacondoni partes ita promouisset, vt eius opera fere potissimum totius Iaponiæ Imperium occupasset, magnis honoribus ab eo auctus inter primarios Imperij Principes habebatur. Et quoniam in eius fortuna Christianæ religionis incrementa fere volebantur, tantum auctoritate sua perfecit, vt nobilissimus quisque fidei nostræ prælectiones admitteret, eoque hortatore multi legis nostræ sanctitate caperentur, ita per annos aliquot christiana religio secundo evangelici torrentis impetu omnia rapiebat, donec humani generis hostis videns & inuidens Iusto infortunium, & inde religioni detrimentum procurauit. Acaxi enim Sacrificuli omnes, cum Iustus eam provinciam ex Imperatoris munificentia esset aditurus, suis dijs malè metuentes eorum simulacra sacratione ad Imperatoris parentem anum deportarunt, illius auctoritatem contra Iusti insolentiam obtestati, gaudius est maximè oblata Iustus occasione, vt Boncios è ditionis suæ finibus arcere posset, questus eos nulla se iniuria læsos reipublicæ suæ statum perturbasse. Quod illi iniquissimis tulere animis & præcipuè Yacuin ex Boncio Imperatoris medicus, qui eorum causam tuendam susceperat, moxque persecutionis huius præcipuus extitit author. Cum enim hic ex medicoleno, Christianas ex Arimensi agro virgines Imperatori pellices futuras abducere pararet, effecit apud Arimensem dynastam Pater vnus, vt Christiana pudicitia ethnicæ libidini minimè subiaceret. Leno ad Imperatorem reuersus, de audacia queritur, amissam prædam exaggerat, indignumque exclamat, vt externi Sacerdotes inductos in fraudem Imperij principes ita fascinent, vt suam voluntatem imperatoris opponant voluptati. Ea res, (vt impotens est accensæ libidinis furor, si ad sui contemptum adiungatur)

gatur) Imperatorem in furias egit, iratum graviterque Christianis infensum cum primum eum sensit, conceptum iam pridem in eos & in iustum animo virus euomuit Yacuin: tolerare nefas esse dictitans ignotos aduenas tanta audacia templa Deosque suos, tanti à maioribus habita demoliri, Boncios, quos ut magistros & semideos antiquitas venerabatur, malè multatos templis bonisque spoliatos cogere è nativo solo exulare, tum in regno Bungi Arimæ alijsque locis, tum præcipue Tocazaqui & Acaxi iusti opera. Grauibus id verbis exaggerabat, neque suspitione carere iusti sagacitatem dicebat, qua optimatum corda, ut Christi fidem amplecterentur, sollicitabat. Aestuanti Imperatoris animo circumstantium corona faces subijciebant, factumque repente est ut edictis crudelissimis Christianam religionem nobilitati interdixit, euangelij ministros laponia tota proscripserit, & iustum velut ab ijs dementatum ad saniora reuocare, omni ope atque opera laborarit; cuius id fuit vnicum responsum ab internuncio Imperatori reddendum, se in Taicosamæ gratiam fortunas, prouincias, vitamque non grauare proiccturum, sed prius id ipsum se regi regum supremoque Imperatori Christo debere. Nemo fuit cui satis esset animi ad id Imperatori referendum, quod iustus animosè renunciabat. At igitur, responsum ego ipse & simul sicam, qua me obtruncet, ferre nihil dubitabo. Verum Imperator cum alia tentasset omnia, quæ longum esset commemorare, fortunis omnibus exutum, toties merita dignitate ingratus exturbauit. Nec id infortunium ad eum solum attinebat, sed ad eos omnes qui ex laponensi consuetudine clientelæ nomine illi obsequijs astringebantur. Verum ut erat selecta, habebaturque militarium animorum cohors, à reliquis principibus certatim in familiares adsciti, quam à iusto didicerant Christi fidem, per multorum principum familias magno rei Christianæ bono Deoque in bonum mala vertente diuulgarunt. Annum integrum iustus priuatam vitam duxit, & apud Societatis nostræ sacerdotes in Amacusa Insula, quos se receperant, eam vitam vixit, quæ religioso non indigna videretur. Tandem Imperator mitigato non nihil furore, cum de iusto sibi adiungendo desperaret, in extrema laponia regulo

regulo illum cuidam pro dignitate alendum commendauit, vbi annos sex supra viginti prope priuatus ita vixit, vt vicina loca omnia eo fidei ardore, quo incensus erat inflammaret, perpetuòsque quoad potuit comites è nostris habuerit, vt eorum operam autoritate sua roboraret.

*Tertia Inſi-
gnificatio de
Cubo.*

In his occupatum tertia cum Imperatore Cubo pugna, victoriæque quam hoc ipſo libro deſcripſimus deprehendit, quæ tanta admiratione Iaponiam affecit vniuerſam, vt affirmarent plerique ethnici dynaſtæ, luſtum hoc extremo facinore totius vitæ decora velut ſigillo muniffe. Sed hæc de luſto ſint ſatis, cui Dominus pro merito gloriam æternitate dimenſurus in extremis abeuntis vitæ diebus videtur inchoaſſe.

APVD MOSCOVITAS NICOLAVS IAPON
martyr palmam inuenit.

CAPVT XXIII.

PRIUSquam nos in Iaponiam recipimus, longius excurrendi ſcultatem accepturi non nihil digredimur. nam tametſi Iaponenſes triumphos intra Iaponiam partos ſcribimus, materia tamen ſimilitudo allicit, vt Iaponenſem apud Moſcouitas triumphum ab obliuione vindicemus. Quicquid in hac re commemorabimus ex religioſorum Patrum D. Auguſtini autoritate conſtabit, nec non cuiuſdam patris Ioannis Tadzæ à S. Eliſeo ex Carmelitarum diſcalceatorum familia. & maximè poſtquam excuſſa hæc omnia ab Illuſtriſſimo Alexio Menefio ex eadem D. Auguſtini familia Archiepiſcopo primum Goano deinde in Luſitania Braccarenſi (qui nuper Madridi Luſitani ſenatus præſes obiit) nobiſque tradita ſunt, quæ conſcripta ſine ſuſpicionis nota poſſunt edi.

*Nicolaus Ia-
pō è Philippiæ
Europam pe-
tit.*

Ex eodem D. Auguſtini ordine P. F. Nicolaus de Mello Luſitanus in Philippinas inſulas nauigarat, vbi poſt annos ſedecim in Procuratorem electus Europam reuiſebat, adiuncto illi comite F. Nicolao Laico, qui cum parentibus è Iaponia Maniliam puer venerat, ibique Chriſti fide ſuſcepta in baptiſmo Nicolaus à P. Nicolao eſt appellatus, educatùſque in ipſo cœnobio tandem habitum illum ſuſce-

fufcepit, illiusque profellus est institutum. Illo igitur comite cum per Orientis Indiam iter ideo instituiſſet, vt Archiepiſcopi Goani, quem dixi, authoritate ad ſua negocia vteretur, eoque anno ex India nulla nauis Luſitaniam peteret, ne deeſſet negotijs, ſi annum inſequentem præſtolaretur, terreſtre per mediam Perſiam iter Armuziam delatus arripuit, quo tempore, cum in Europam ad ſummum Pontificem ceterosque principes Chriſtianos Perſa legationem adornaret, legato comitem ſe adiunxit, qui per Moſcouiam iter inſtituit, vt à Polonia legationem inchoaret. Cum in regiam quæ Moſcua dicitur deueniſſent, vterque hoſpicio excipitur à Paulo doctore medico Mediolanenſi, quem eo neſcio quæ fortuna detulerat. Is vt erat catholicus, domi ſuæ miſſæ ſacrificium, ceteraque Sacramenta miniſtrari latino ritu permittebat, & filiolarum, quæ id temporis medico nata fuerat, ſacris aquis Romano ritu tradiderat eluendam. Ea res Moſcouiæ legibus interdicta Anglorum quorundam Caluinistarum indicio ad Ducem erupit, cuius ſententia vterque vinctus in Inſulam Solocci relegatur, ibique monachis è D. Baſilij inſtituto ſchiſmaticis commendatur. Sex annes in ergaſtulum reuſi in digna multa pertulerunt. Cibus illis erat ille ipſe quo cœnobij ſeruitia utebantur, cetera ex odio Romanæ religionis apud Moſcouitas licet conijcere. Sæpe ad defectionem ſollicitati non conſtanter minus quàm appoſitè repugnarunt.

*Captiui in
Moſconia de-
tinentur.*

Interim moritur Moſcouiæ Dux ſine hærede, cui Demetrius ille Europa tota notus, Poloniae regis auxilio, poſt bella multa ſucceſſit. Is vt erat catholicus, facilè Nicolaum vtrumque liberaſſet, ſiquidem illorum captiuitas ad eum deueniret: id factum Clementis VIII. authoritate, cum per Moſcouiam Carmelitas diſcalceatos in Perſidem deſtinaret. Liberantur igitur inſulari ergaſtulo, ſed mox in atrociora vincula retrudendi, nam cum Moſcuam deueniſſent, alia omnia quam ſperauerant, inuenerunt, quod eam in ciuiliu bello- rum tumultu Baſilius Demetrio ſuffectus occupafſet, qui vt erat ſchiſmaticus, in cuſtodiam eos publicam vnà cum ceteris reis ablegauit: Sed ea lege, vt, ſi eiurata Pontificis Romani authoritate ritu Ruteno baptiſmum iterarent, liberi mitterentur, Ducis deinde munificentia honorandi. Verùm cum vterque repugnafſet, poſt atro-

Oo

cem

cem flagellationem, in obscurissimum totius carceris ergastulum, retruduntur, ibique annos quatuor detenti, sæpiusque flagellati, nec rarò per vicos publicos detractis vestibus raptati & ad ingentem pyram quæ in foro ardebat, adducti, semper tamen sibi in catholica religione retinenda consisterunt, quod cum facerent, publicè flagellati in vincula non sine contumelijs verberibusque ac pugnis reducebantur.

E' Moscua postea educti ad urbem Nisna supra flumen volgam cum iisdem vinculis abducuntur, nec ibi mitius habiti, tandem à Basilio Duce iubentur denuo ad incensam pyram adduci, in eaque nisi resipiscant, concremari. Ducebantur ad supplicium eo die quem ecclesia D. Andreæ memoriæ consecrauit, inspectante multitudine, & vtriusque vel maximè Iaponis animum admirante, quem minuendum rati, si à socio separaretur, in alium locum publicum denuo sollicitandum abducunt, vbi ad eum territandum, variam suppliciorum suppellectilem ostentantes acerrimè vrgent, ut à Romana fide deficiat. Sed ille: absit, inquit, ut veritati errores anteponam, ut ab ea fide discedam, quam à Socio puer accepi. Vbi minæ nihil poterant fraudem adhibent, accurrit è composito, qui P. Nicolaum ad se defecisse mentiat. Sed ille Iaponensi correptus animo, summa libertate, mentiri omnes affirmavit, non eum esse socium suum, qui post tot supplicia extremum exhorruerit, quod etsi fecisset, cuique salutis suæ curam peculiare munus esse, cuperèque pro fide Romana centies, si licuerit, emori. Recurritur igitur ad Ducem, qui admiratione constantiæ mollior factus supplicium mitigavit, iubet enim ut denuo ad socium reductus incendijs præsentia terreatur, si repugnarit capite plectatur, sibi que spectandum caput offeratur.

Nudus etiam tum stabat ad pyram P. Nicolaus, totoque corpore frigidissimo cælo ad ignem palpitabat, ingens vtrique solatium fuit mutuus hoc rerum statu conspectus. Carnifex igitur vbi optanti frustra ignes intentasset, prout erat iussus, inspectante socio Iaponem obtruncavit, eo ipso die anno salutis supra millesimum sexcentessimum vndecimum, truncum caput Duci delatum ludibrio materiam dedit, quo expleto sacrum cadaver canibus lacerandum

Nicolaus Iapon in Moscua capite truncatur.
1611.

dum morē gentis exponitur, à quo tamen canes schismaticis mitiores, ita pertinaciter sibi temperarunt, vt ea res pro miraculo habita negotiatores quosdam Polonos, qui fortè catholici aderaat, inuenerit, vt humandum etiam contra leges impetrarint. Non defuere tamen ex schismaticis, qui rem admirandam in peius trahentes didicarent, Romanam hæresin vsque adeo pestilentem esse, vt lue in corpus vulgata canes ipsos à laceratione deterreat. Adeo nullus etiam prodigijs & miraculis schismaticorum & hæreticorum pertinax error corrigi potest.

*A caduere
lacerando
canes perti-
naciter ab-
sinem.*

P. interim Nicolaus sanctæ inuidiæ lacrymis perfusus suam sortem expectabat, verum Polonorum eorundem intercessione, dilata in custodiam reducitur, in qua annum totum denuo latuit martyrij spe, ex qua toties exciderat prope exturbatus. Degebat ibidem Marina Gurgia Demetrii nuper Ducis vxor, quæ vt erat catholica, summo opere catholici sacerdotis, cuius opera vteretur libertatem exoptabat, quam tametsi alias frustra tentauerat, sublato interim Basilio ab altero Demetrio, qui successerat posse sperabat impetrari. Nec eam sua spes fecellit. Adhibito enim ad eam rem mariti quondam sui duce primario, quod tantopere cupierat, tandem est aliquando consequuta. Ex ergastulo igitur suo post tot annorum vincula Nicolaus educitur, & in familiam suæ liberatricis adsciscitur, in qua catholico ritu sacra procurans familiæ totius parens habebatur. Ex eadem numerabatur nobilissima matrona Barbara nomine, quæ Marinam ab ipsa Polonia cum Duci Demetrio tradenda venerat, comes fuerat prosecuta. Non minus fuit illius gaudium, quod ex catholico eoque insigniter religioso nacta fuerat sacerdotem. Demum cum ciuilibus omnia bellis arderent, Marinæque plurimum ab hostibus mariti sui vexaretur, in extremam Moscouitarum urbem, quæ Persidem tangit Astarcam nomine secessit, in Persidem deinde siqua se commoditas offerret, abitura. Quod priusquam perficeret ab hostibus suis oppressa eadem in vrbe matris prius, qui eam teuebantur, famulis domi suæ.

Barbara verò cum P. Nicolao vinculis onerantur, & religionis Romanæ nomine rituumque latinorum exercitio contra leges vsurpato deferuntur, ac deinde post redintegrata prælia

nisi Rutenos ritus iteratúmque baptisma susceperint, incendio viui damnantur, abductique in publicum supplicij locum ad suam singuli pyram, propositis denuo legis mutandæ conditionibus, repudiatisque, in medios ignes vterque conijcitur & expirantem animam, recto ignium itinere sursum exutis mortalitatis exuijs, exhalat.

Ea res in hunc ipsum annum 1614. quod inciderit huic loco studio est à me reservata. Nicolaus igitur, postquam socium laponem in cælum præmisisset, anno ætatis suæ sexto supra sexagesimum, à religiosa professione quadragesimo, seruitutis suæ decimo quinto. quam amissurus non est inuenit libertatem, qui securus dicere poterat moriens, post aditas fidei causæ Philippinas Insulas, Malacam, Goam, Armusiam, Persidem, atque Moscouiam, Cursum consummaui, fidemque seruaui. Qui nunc repositam à iusto iudice coronam est consecutus. Verum tempus est vt lapones nostros prælia Domini præliantes denuo reuisamus.

Libri Tertij Finis.

DE

CHRISTIANIS APVD IAPONIOS TRIUMPHIS

Anno Domini. cio. ioc. xv.

LIBER QVARTVS.

ATROCISSIMÆ CONTRA
*neophytos Arimenses persecutionis
initia.*

C A P V T I



Ræsentis anni triumphos aggressurus in memoriam reuoco, quod aliàs dixi, me minus religiosè annorum periodos metiri, quàm Astronomi soleant. Cùm enim Ecclesiæ administratorum proscriptio furori ethnico habenas laxauerit, placuit ab eius furoris inijs, quæ mox ab eorum discessu sese exeruerunt, inchoare potius quàm inchoatam materiam religiosa mensium obseruatione interfecare. Scribimus igitur hoc libro ea, quæ ab Euangelij præconum exilio, ad exeuntem vsque annum quintum decimum, post secularem contigere. Et quoniam disturbatis vbique sacris ædibus, nostrorumque domicilijs, qui latebant tota Iaponia vagi, certis in sedibus nusquam constitere, non est quod eorum vestigia vagi persequamur, aut loca omnia in quibus olim debebant percurramus, quod tamen nō inutiliter faceremus,

*Quid hoc li-
bro scriben-
dum.*

si certis auctoribus ea quæ ubique contigerunt, constarent, sed in eorum absentia non fuit, qui minutiora cum fide colligeret. Narrabimus igitur ea solum quæ sua magnitudinæ ac splendore in omnium oculos incurrerunt, quæ quoniam tanta sunt, tamque admirabilia, ut apud nonnullos fortasse fide laborare possint, priusquam ea aggrediar, fontes ipsos ex quibus hausta sunt designabo.

Ex ijs, qui è Societate nostra latebant, à Præposito Prouinciali nostro P. Valentino Carualho quem Iaponensis Episcopatus Administratorem in interregno canonicè electum dixi, nominatus est vnus P. Hieronymus Rodericus, qui & Viceprouincialis officio & Vicarij Generalis auctoritate eam Ecclesiam regeret, aliùmque præfecit in Vicarium Nangasackiensem, & ideo, quod ipsemet occultari non posset. Hic officij sui esse putauit, ut profectò erat, legitimè de Martyrum certaminibus causaque inquirere, æque iuratis testibus purissimam elicere veritatem, cuius inquisitionis exemplar authenticum, penes me habeo cum hæc scribo, ipsius etiam vicarij Generalis sigillo munitum, sancteque testor, me ab ea ne latum quidem vnguem discessurum, ac nisi tædio futura esset iuridica testium interrogatio, solemnesque legum formulæ, maluissem eam ipsam totidem verbis reddere, quam ex ea medullam elicere: non omittam tamen, quin huius ipsius exemplaris præmium hoc loco inseram ad posteritatis fidem sine nota exigendam.

Pater Carolus Spinola è Societate Iesu Vicarius Generalis in partibus Ximo (ita vocantur regiones illæ quæ Cami partibus ad eam Iaponiæ partem opponuntur in quam Lusitana nauigatione deuenitur) pro P. Valentino Carualho eiusdem Societatis Prouinciali & Episcopatus Iaponensis administratore, sede vacante, cum intellexisset publica voce & fama, quod in Arimensi terra regni Figen multi Christiani, iussu Iaponiæ Regis martyrio affecti fuissent, quod Christi Fidem, suadentibus licet ministris regijs negare noluerint, ipsemet in eas partes se contulit, inquisiturus de his rebus & veritatem indagaturus. Mandauit igitur inter neophytos edici, ut ij qui similibus martyrum certaminibus interfuissent

*Unde de-
sumpta qua
hoc libro scri-
buntur.*

fuiſſent ad ſe venirent, vt legitimè interrogarentur &c. In poſte-
rum enim ſequuntur ea quæ iurati teſtes affirmarunt, quæ ego
in hiftoriæ ordinem redacta cum fide, vt promiſi, iam ſum nar-
raturus.

Saſioye Nangaſaquiensis Præfectus exacto tandem malis arti-
bus Arimenſi Dynaſta, vt ſuperiore libro vidimus, ei ab Imperato-
re ſuffectus Nangaſaquiensi Præfecturæ Arimenſem aggregarat, ac *Saſioe curſu
pellio.*
tameſſi eam rem annos iam plures designatam ſummis votis ex-
petuerat, ne tamen adoleſcentem ſefelliſſe, & in rerum ſuarum
perniciem dolo malo (quod fecerat) conieciffe videretur, artes
ſuas repetens verſipellis finxit, eam rem ſibi nouam nec opor-
tam accidiſſe, viderique voluit inuitus id onus ſubire ad quod per
totiam annos aſpirarat, præferebátque ſe vicariam alterius operam
interim ſubiturum, dum Imperator legitimum Arimenſis agri do-
minum nominaret.

Conuenerat igitur illi cum Imperatore, vt eiecto Arimenſi
Toparcha, quem natura molliorem, & ſuis nimis addictum in ex-
tinguenda barbara religione fecerat, non ante Chriſtianos ad defe-
ctionem vrgeret, quam eiectis Paſtoribus liberior in gregem pate-
ret incurſus; ita enim ſibi perſuadebant, eorum præſentia multos
in officio vel cohortatione vel verecundia contineri, ac tameſſi
pauciſ antequam eiſcerentur diebus, cum timeret ne Arimenſes
Nangaſaquiensibus coniuncti tumultu excitato Paſtores ſuos abi-
re prohiberent, miſſa ad eos legatione pacata omnia in poſterum a-
pud eos fore nunciarat, ex eo quod iam in Cæſarei iuris ditionem
traſſiſſent, cum quibus mitius quàm cum cæteris priuatorum dy-
naſtarum clientibus ageretur; nihilominus, poſtquam ſine tumultu
paſtores abierunt, quam induerat lenitatis perſonam poſuit, exuto-
que vellere lupum aperuit.

Habebat in armis vt ſuperiùs dixi, è vicinis regnis ad compe-
ſcendos, ſi naſcerentur tumultus, exercitum iuſtum potius quàm
ſelectam paucarum cohortium manum. conuocatis enim vnde-
quaſque copiis ad decemmillia dicuntur conueniſſe, quorum capi-
ta Saſioie, Præfectus Surungandonus & Gonzaimondonus, quorū
vterque ideo miſſus fuerat, vt eiectis ſacerdotibus externis Chri-
ſtianos *Saſioie extr-
cius contra
Chriſtianos.*

ſtianos

stianos ad vñum omnes, eiurato Christo, cogeret ad patria sacra redire, qui renuerent, acerrimis tormentis, longam mortem viuerent, vitamque morerentur, ne breuitate gloriosæ mortis allekti, martyrij palmam adepturos se rati, Christiani maiore impetu repugnant. In Arimensis igitur agri neophytos primus tempestatis furor detonuit. Sed superioris anni (nondum enim decimum quartum excessimus) fortissimi athletæ, qui excussam ignibus animam, vltra ignium sphaeram in cælos immiserant, suis illis ignibus ita neophytos, qui spectaculo frequentissimi interfuerant, in eum retinendæ religionis ardorem induxerant, vt sua prælia prælagire viderentur, aut etiam prouocare.

PRIMVS HVIVS PROCELLÆ FVROR IN
Portum Cochinosu defertur.

CAPVT II.

CVchinotzu Arimensis Oceani portus, primos huius procellæ fluctus ita excepit, vt sua stabilitate deterritos aliò auerterit, donec ad se maiore impetu referrentur. Vix bene decem duodecimue dies abierant, ex quo proscriptorum classis è laponæ conspectu discesserat, cum Sasioie ratus nullum planè huius gregis Pastorem superesse (tamen si supra triginta è suis latebris rem Christianam procuraturi, remanserant) toto impetu rem aggrediendam ratus, in portum Cochinosu cum exercitu toto defertur, quo cum peruenisset lenitatem simulans, qui venerat sæuiturus, è familiari-
bus suis primarium ad plebis capita (Oronas vocant) cum hac oratione amandat; significarent plebi, cum hoc exercitu se in agrum Arimensem ab Imperatore destinatos, hoc vnū spectare, vt omnes eiurata quam susceperant barbara religione, Dijs Patrijs redderentur, sibi gratum futurum, si qui totius populi capita censebantur, ceteris præirent, sibi que subditos ad obedientiam, quæ Cæfari debebatur, non autoritate minus, quàm exemplo prouocarent, pristinaque obstinationis oblit, demum intelligerent hoc insultu pertinaciæ arcem expugnandam; non esse sibi nunc negocium cum dynasta suo, quem sua remissio parentum suorum hæreditate auitisq; honori-

Sasioie cum
exercitu Se-
nit Cochinosu.

Plebis capita
sollicitat.

honoribus exturbarat; rem sibi nunc fore cum Sasiole, Surungandono, & Gonzaimondono Imperij primoribus, quos Imperatoris immediatus fauor authoritasque munierunt, rem sibi fore cum ceteris, qui aderant belli præfectis, qui hunc in fidem è diuersis regnis euocati Arimenfi agro non essent pedem, nisi cum euulsis stirpitibus barbaris sacris elaturi; quamobrem varia sine morte supplicia in eam erant moram protracturi, donec illorum atrocitas inglorios ad defectionem volentes nolentisue pertraheret, pedum manuumque digitos singillatim detruncandos, corporis molem subneruatis cruribus alienis auxilijs fulciendam, candenti ferro cauteria frontibus inurenda; neue solatium superesset bonorum proscriptione exuendos; quæ si nondum essent satis; coniuges, filiosque ac filias in seruitutem redigendas, & quibus esset in corporis venustate ætatis ac pudicitie decus, lenonibus prostibulisque tradendas, postquam ad ignominiam nudæ, petulanti se vulgo spectandas præbuisent: voluisse se de his omnibus ante præmonere, ne quis superesset ignorationi vel querelæ locus. Ex aduerso verò si à pertinacia deficerent, seque ipsos intra obseruantia, quæ supremo Imperatori debetur, castra reciperent; effecturum se ut tributis oneribusque, quibus obruti gemebant sub pondere, magnam partem leuarentur, permissurumque ut in suum portum Sinensia nauigia suasopes inueherent, quibus in antiquum splendorem oppidi facies reuocaretur. Denique nihil futurum in quo non eius fauor cum Imperatoris munificentia conspiraret.

Auditus est à Præfectis parum secundo suæ concionis applausu Sasiole internuncius, à quibus responsum in hæc ipsa verba remittitur: Annos se iam aliquot communi consilio statuisse constantiæ, non obstinationis arce; patientia non armis ad extremum tuituros; non habere se quod actum agerent, aut certa in dubium reuocarent, sibi que nefas esse id à neophytis exigere, quod ipsi nefas esse statuisent; quod enim facere non licet, quis non videat nefas esse suadere? effecturos se pro viribus uti ex tota multitudine reperiretur nemo, qui à iurata retinendæ religionis firmitate resili-
Constanter præfecti respondent.

ret, oppidumque suum turpi defectione sædaret. Hanc esse postremam suam de hac materia irreuocabilemque sententiam. Cum hoc

Plebs ipsa similiter sollicitatur.

responso parum latus ad Præfectum legatus reuertitur. Sed nondum spe sua excidens Sasio eundem remittit cum mandatis, ut omnino totidem verbis coacta multitudo res illi tota constaret; ne ignorasse quispiam ante tormenta in tormentis ipsis causaretur, maximè quod non id nunc agebat, ut Christi fidem abdicarent, sed satis sibi factum fore, si se quod iuberentur facturos esse reciperent. id si qui tamen si ita facile renuerent, sua ei seorsim nomina descripta mandarent. Fecere minorum Præfecti quod iubebantur, conuocataque multitudini Sasioe mandata euulgarunt: à quibus una voce responsum fidem sibi Christumque ut ut esset retinendum, descriptis illorum nominibus qui duntaxat familiarum capita censuebantur, cum iam numerus ad duodecim supra centenarium excreuisset, Sasioe familiaris exclamauit animi sibi non esse satis, ut seriem ita numerosam hero suo velut munere suo malè functus obtruderet, viderent etiam atque etiam quid agerent, deque hac multitudine quam plurimos detraherent; ideo quod traditis semel nominibus facile non erat futurum, à negotio resilire. Sed vicorum Præfecti augendi se non tamen minuendi modum facile reperturos, ideo quod ad felicem pro Christo multi patiendi fortunam æque omnes aspirarent.

Similiter respondet.

Describuntur Christiani.

Redit igitur ad herum nuncius, qui decursis descriptorum nominibus excanduit non sola multitudine irritatus, sed multò magis quod primarium quemque cuius industria oppidum regebatur descriptum inueniret, quibus sublati scdam toti oppido solitudinem inuehebat, qua ex re ad ipsum insignis ignominia non sine periculo fortasse redibat, quod Arimensem agrum primis diebus ita tractasset, ut nobilem vicum portuque ipso per commodum immanitate sua destruxisset. re igitur in deliberationem vocata, placuit primum furorem aliud auertere, ne primo impetu victi, victoriæ apud cæteros desperationem primo ex oppido exportarent: multum enim ad rem facere videbatur cæteris neophytis quod imitarentur, vel firmitatis vel remissionis exemplum quod deinde sequerentur exhibere. Suppliciorum tarditatem grauitate compensandi, maximè quod cæterorum vel exemplo vel metu reddi poterant ipso tempore molliores.

Sasioe multitudine deterritus aliam inest consilium.

Inte-

Interim auditur ab regia Ozacam, Fydeiori Principis & Taicosamæ filij arcem ab Imperatore deficere, & seque ad bellum vel inferendum vel ferendum acriter comparare. quæ res cum satis sollicitos haberet huius expeditionis duces, in noua consilia coniecit. nolentes neque ab incepto resilire, neque Imperatori deesse cum ad bellum vocarentur. Placuit igitur Arimensem agrum totum in tres omnino portiones partiri, in quas immissa exercitus parte, dum singuli singula occupant, vno eodemque tempore aggredierentur vniuersa. quod consilium non id habere solum videbatur, vt temporis compendium sine rei dispendio fieret, sed etiam vt multiplicatus vbique tormentorum fragor horribilius detoneret, neque solum suppliciorum atrocitas velut fulmine, sed eorumdem multitudo velut grandine baccharetur. Firandensibus igitur turmis Arimenfis agri occasus Chinijua & Obama cum suis limitibus commendatur: Sazumani ad ortum Ximambaram, Ariye, Miye, cæterosque pagos inuaserunt: Fyensibus Arima ipsa cum proximis vicis committitur. Hanc partem velut præcipuam Sasioye & Surungandonus velut primariam sibi reseruarunt expugnandam, quorum communi consilio Gonzaimondonus suppliciorum præses est appellatus. hunc ordinem persequar etiam ab Arimensium, quæ atrociora fuerunt, prælijs inchoando.

*Exercitum
in tres Ari-
menfis agri
portiones di-
uidit.*

Pp a

ARIMÆ



ARIMÆ IN CHRISTIANOS ATROCITER SEVITVR.

ARIMÆ IN CHRISTIANOS ATRO-
citer sauriscapitum.

C A P V T III.

PRæses igitur vicorum Præfectos oppidique moderatores mis-
so apparitore ad se in tribunal euocauit, aduentus sui confes-
susque causa indicata mandauit, vti quamprimum à sibi subdi-
tis exigent, quam Imperatori debebant obedientiam, cuius exe-
quendæ causa, ingens ille in agrum Arimensem exercitus immitte-
batur. Verum illi Christiana libertate fidenter responderunt, se
quod nefas esset, neque posse neque velle præstare, cumque super
ea remulta vltro citroque fuissent agitata, in eo tandem præses ac-
quieuit vti postridie familiarum capita cum in locum, vbi nuper
Societatis Collegium steterat, cogerentur. Incidit ea dies in No-
uembri vigesimum, Anni 1624. qua cum in locum adducentes ex
ardentioribus neophytis sua sponte conuenere, ceteri vel domi
præstolabantur euocandi, vel imbecillitatis suæ conscij nonnulli se
in latebras abdiderant. Vbi eum in locum deuenissent, sacras sta-
tûsque Christianorum preces elata simul omnes voce recitarunt,
quibus exhaustis varios Psalmos piè flebiliterque decantarunt:
quod dum facerent, Satanæ ministri singulorum nomina in tabulas
referebant, exscriptos, qui aderant milites in vicinum locum coge-
bant, vbi nuper sacra ædes nostra paucos ante annos ab Arimensi
dynasta Ioanne religiose constructa, & ab eius hærede nuperrime
sacrilègè solo æquata visebatur.

Eo in loco defixis altrè sudibus repagula cinxerant, quibus or-
bum pastoribus gregem lupi continerent, cingebant militari coro-
na satellites supra mille, omni ad terrorem armorum genere instru-
cti, vel solo conspectu minaces, & ad inferenda supplicia compa-
rati, quæ res ita terribilis nonnullis visa est, vt ex omni numero pau-
cialiquot primo intuitu titubarint.

In media repagulorum corona, carnifices omnino viginti resti-
bus armati, in quos furorem suum exercerent ingressuros præsto-
labantur. In ianua enim erat, qui ab illis exigere, vti Christi fidem
eiurarent, qui si repugnassent, intra claustra immittebantur à carni-

*Chonzaimo-
donus Ari-
mensis Sico-
rum præse-
bos sollicitas.*

*Familiarum
capita cum
in locum con-
ueniunt.
1624.*

*Libère preces
recitant &
cannunt.*

Idem professi septo inclunduntur.

ficibus torquendi, à quibus vncinis ferreis capillitium & aures etiam vellebantur, & solo afflicti, calcibus, pugnis, fustibusque ita salutabantur atrociter, vt ex ijs nonnulli semianimes stupidique vix spirarent. Quibus erat animus integer nihil erat antiquius, quàm vt elata voce celeste auxilium recitatis precibus inuocarent, nec ab ijs impetrari potuit fustium pugnorumque grandine vt à diuinis laudibus abstinere. Et quoniam etiam iudicum cura in eo versabatur, vt cum paucissimis certamen ad extrema deueniret, ex militibus nonnulli hospites suos, apud quos diuertebat, inuitos reclamantesque à supplicio exemerunt, & atrocitatem mentiti fustibus pugnisque misericordes extra repagula dimiserunt, succlamantes eos iam Christi sui fidem abdicasse, qui si pararent reclamare, obdurato ore loqui prohibebantur, tantusque erat inconditæ multitudinis tumultus, vt audiri nemo potuerit, tamen si totis viribus reclamaret.

Durè & contumeliosè tractantur.

Qui intra repagula remanserant, post primam fustium pugnorumque salutationem, vestibis omnibus exuti, funibus crudeliter altringuntur, iterumque solo afflicti calceis luto infectis faciè ipsam proterebantur, quæ res apud saponios ignominiam habet præ ceteris singularem. His iungebant sales & scommata, id maxime exprobrantes, quod impudenter suam minus sentirent nuditatem, in angulum deinde retrusi ita raptabantur, vt alij super alios lapsi triginta mutuo grauitè offenderint. E' toto numero septuaginta supererant, è quibus quinque supra quinquaginta fortiter nuditatis ignominiam pertulerunt, nec intra eū locum solum sed per oppidi vicos, eos in primum vbi conuenerant locū conduxerunt, concurrente ad spectaculum multitudine, cuius petulantia ignominiam duplicaret. tum in tres diuisi turmas in vicinas ædes retruduntur, in quibus totam eam noctem, alij alios exhortati, supplicia quibus vitam clauderent animis votisque prouocabant. quo in genere Petrus Quiuan, natura eloquens gratiaque, feruidus excelluit, totamque eam noctem concionabundus exegit, ac deinde Diuos omnes ex ordine cantu euocans, sacras litaniàs psalmosque percurrit: nec fortasse alienum erit credere, illius ardore vsam gratiam, pluribus ex ea turma martyrij palmam concessisse. Die insequenti in eas ædes in quas se se

In carcere se mutuo adhortantur & canunt.

seſe receperant, turmatim milites ingreſſi, non paucos nullo alio ex-
euſſos examine liberos ideo dimiſerunt, quod vel largitionibus a-
micorum corrupti noctu aliquam humanitatē induiſſent, vel pau-
corum morte & ſupplicio reliquum vulgus terrere cupientes, in re-
liquos furorem congerunt, & acriter vt à Chriſto deficiant vrgen-
tes, nihil tamen impetrarunt, tametſi ea ſape ingererent, quæ à ſup-
pliciorum grauitate, atque tarditate, à coniugum proliumque ſup-
plicijs & ignominia defectionis argumenta ſumebantur. Et cum
minis nihil cederent, qui iam ſupplicia pertulerant, atrociffimum
quæſtionis genus inuenerunt. Tibiarum quippe oſſa intra octogo-
na ligna duo arctiſſimè conſtringentes, ingentem doloris ſenſum
prouocabant, quem vt augerent, ſupra ligna ipſa, extenſosque ſole
milites ſalcitabant. Quo in dolore pauci aliquot animo lapſi cir-
ca fidem titubarunt, & Satanæ vinculis induti, corporis emerunt li-
bertatem. Hoc ſupplicio duo ſupra triginta torti feruntur: & non-
nulli iterum ac tertio, tanta carnificum rabie, ſi quem conſtantiem
reperiſſent, vt aliquoties ligna illa tametſi craſſiora in fructa diſſilie-
rint. Hoc ſupplicio perfuncti, in eaſdem ædes, in pomeridianas ho-
ras retruduntur, quibus ad eos reuerſi, intermiſſa certamina integra-
runt, minisque ſuis tantum potuerunt, vt aliqui amicorum preces
admixtas amiſerint, tametſi ex ijs aliquot etiam nulla ſua culpa,
propinquorum interceſſione libertatem impetrarint. Nec admo-
dum egrè quod, vt monui, id vnum miniſtri agerent, vt extrema cer-
tamina ad paucos contraherentur.

SEPTENDECIM ARIMÆ NEOPHYTI MAR-
tyrij palmam fortiffimè conſequuntur.

CAPVT IV.

QVi ad finem vſque perſtiterunt, ſimul extremo ſupplicio ple-
ctendi, artibus ijs quas partim miniſtri comenti ſunt, partim
mortalis quorundam fragilitas palmæ ſubtraxit, ad ſeptende-
cim contrahuntur; quibus alij deinde duo, & demum vnus ad ex-
plendum viciſimum numerum, poſtero die tertioq; ſunt aggrega-
ti, quorum nomina hîc adſcribi oportebit, ex libro vitæ deſcripta.

1. Michael

*Quidam libe-
ri dimittun-
tur.*

1. Michael Nixi Xichiroyemón.
2. Ludouicus Matzuxíma Ienyemón.
3. Thomas Ocumúra Domi.
4. Adrianus Ocumúra Iuyemón.
5. Ioannes Nacamúra Sосуqué.
6. Dominicus Yaquichi.
7. Michael Acafóxi.
8. Andreas Yocónzu linxiró.
9. Dominicus Yafángui Xóijro.
10. Dominicus Matzudáque Fióngo.
11. Adrianus Sunga Yaquichi.
12. Martinus Tacayá Mango Yemón.
13. Petrus Quiuan.
14. Dominicus Ocumúra Xófuque.
15. Ioannes Tacaya Quiufayemón.
16. Cosmas Tacaya Xóbióye.
17. Michael Conganemáru Quiú Yemón.

*Septendecim
capite trun-
cantur.*

Hi septendecim (ceteros enim alio capite commemorabimus) eo ipso die Nouembris 21. sub noctem id obtinuerunt, quod iustis scriptura promisit: quasi meridianus fulgor consurget illis ad vesperam. Nam post varia certamina, quæ minæ, preces, promissa, propinquorum amor intulerunt, cum sibi semper æque constitissent, alius post alium amputatis ceruicibus obtruncantur. Quo in supplicio id omnes obseruarunt, vt sibi Deoque beneficium ingens gratulati immensam eius clementiam extollerent, quod è toto numero liberi iam à Dæmonis eiusque ministrorum artibus, ad eam palmam electi fuissent, è qua tot alij sua vel culpa vel infortunio excidissent. Ergo inuocato suauissimè Iesu, à quo salutem præstolabantur, salutem inuenerunt.

Sed ij tameri à nobis celeri morte sublato abierunt, nos eorum desiderio moram trahentes tantisper in singulis, eo quo scripti sunt ordine, immoremur, sicubi maximè erit, quod non inuiti moram dignum iudicetur.

Primus



CEVRA MARTYRVVM INTRA TRABES COMPRIMVNTVR.

Primus, Michael Nixi Xichiroyemón Fingenſi regno oriundus, annum agebat quartum ſupra quadrageſimum, is cum præſidi ſe oblaturus ex ædibus abiuiſſet, coniugem ſuam ita dimiſit, vt nunquam alias rediturus, idque vnum ab ea poſtulauit, vt continuis interim precibus, quam non merebatur, martyrij palmam à cœleſtibus impetraret, quod ipſum ex itinere, miſſo ad eam rem vnam internuncio, inculcandum iudicauit, quod neclet mittens manum ſuam ad aratrum, retro reſpicere. Cùm vincula indueret, veſtitum carniſex induebat, quod ille paſſus non eſt, ne ceteris minus aliquid pateretur, quos videret alacres ignominiam non reſugiſſe nuditatis, ergo excuſſis veſtibus ſeipſum nudauit, ne in extrema lucta veſtitus cum nudo dæmone, vt ait Gregorius, inæquali ſorte luctaretur.

Patiendi deſiderium.

Secundus, Ludouicus Matzuxima annos octo ſupra triginta in hac mortalitatis infirmitate numerans, emit morte immortalitatem. Arima ciuem ſuum ſibi vendicat, Is in arenam deſcenſurus cum aduertiffet coniugem ſuam in colligenda ſupelleſtile, quam latebris fideret occupatam, ne faceret admonuit. Quid agis mulier? ait, vbi nos in ſacrificium ipſi Deo deſtinamus, nec ſupelleſtilem illi ſubtrahas, qui rapinam odit in holocauſto, nullo loco eam rutius collocatam putes, quàm ſi eam ipſi Deo tradideris aſſeruandam. Peculiaris illi fuit per vniuerſam vitam, de alienis culpis indiſta non linguæ ſolum, ſed auribus abſtinentia. Nec enim auditus eſt vnquam vel aliena tangere, vel aliena tangentes audire. Solenne enim illi erat talibus ſe colloquijs, etiam cum violatæ vrbanitatis nota ſubtrahere. Cui cùm vxor quadam die obieciſſet, eum morem alienum eſſe ab eo, quem inter homines viuere oporteret, ita reſpondit, Cæteri, hominum leges, ego diuinas, quibus id mihi nefas eſt obſeruabo. Idem cum in vinculis, prenfatis iam cruribus conſtantem ſe præbuiſſet, extremo die ad ſuorum, quæ obijciabantur oculis ſupplicia, breui futura deſecit, iam iamque liber domum abibat, niſi eum diuina electio martyrem factura reuocaſſet, vbi enim aduertit ſociorum iam truncari capita, denuo ita exarſit, vt ad ſupplicij locum recurrens, recantata palinodia, quod amiſerat recuperarit.

Fuga detractio.

Tertius,

Tertius, Thomas Ocumúra Ximambara natus in Arimensi agro, annum agebat septimum supra sexagesimum, is cum in extremo, quod uxori dicebat, vale, veniam illa erratorum à marito postulasset, ita respondit: mutuum sit, quod petis vtrinque munus extremum. mihi certum est in hac tandem causa mori, nec minus, ut reor, certum, vitimum fore hunc uxoris maritiq̃ue conspectum, in quo tibi maximè sum auctor, ut constans in fide persistas, si mutuum affectas in altera vita conspectum. ac licet multi sint, qui non quam bene, sed quam diu victuri sint attendant, tu de multis esse ne labora, pauci sunt enim ij qui ad vitam ingrediuntur æternam. Præterea si te Christiano nomine quicquam pati oportuerit, eius causa patere, qui te patiundo præuenit. Ac tamen difficile sit iustum iniuste pati, iustius tamen erat, ut tuorum peccatorum ultor Deus à te pœnam exigeret, quàm tu te illi subduceres patiundo. Hoc senis est consilium ad martyrium properantis. An fortasse immemor es eius, quod toties à magistris nostris audiuius, Christianum oportere mori dum viueret, si viuere veller, dum moreretur. Neque nos ethnici arbitrentur vitam viuere iniucundam, aut minus esse fortunatos, ideo quod asperam pœnitentiæ viam ingredimur, se autem beatiore, quod in sua vagentur libertate. Vtrum, amabo te, videtur eligendum, an ipsi Deo victimam offerri, cum animi quiete, conscientie securitate, salutisque certitudine, an Dæmoni, tigribus, leonibusq; lacerandum cum indubitata perniciæ? Quæcum dixisset, quinque quos habebat, famulos euocans veniam ab ijs postulare non dubitauit, si quod verebatur, minori, quam par erat, eos amore tractasset.

*Uxorem ad
constantiam
excitat.*

Quartus, Adrianus Ocumúra Ciuis Arimensis Thomæ, quem nominaui, adoptionis beneficio filius, ac deinde gener, annum agebat vnum supra trigesimum. Is cum filium in communi vapulatione cruentum conspexisset, exclamauit: Euge fili fortunate, præbe te virum, quam nobiliter cruorem fundis illius causa, qui tua suum ante profudit. Uxorē ille quoq; suam abiens martyrij spe plenus reliquit, & precatorijs globulis donatam scriptis ex itinere literis in eandem sententiam salutauit.

Quintus, Ioannes Nacumúra Amacusq; triginta septem annos na-

tus ac Thomę propinquus, in communi prensatarum tibi arum supplicio socios fortiter exhortatus exclamabat, vt inuocato Iesu ac Maria pręsentem sibi Deum exhiberent. Quod cum faceret frequentius, atrociter à carnifice, vt sileret verberatus, vultu hilari grates illi pro beneficio retulit. Cum ad ceruices amputandas trahe-
Socios ad cō-
stantiam
hortatur.
 retur, tertium locum occupans carnifices exorauit, vt in vltimum differretur, in eum finem vnum, vti ceteros spectator postremus ad constantiam hortaretur.

Sextus, Dominicus Adachi, ciuis Arimensis, secundum ac vigesimum numerabat annum. Is cum prensatis tibijs à socijs hortatoribus audisset, vt ætatis suę florem maioribus, quę ventura credebantur, supplicijs consecraret, exclamauit, Veniant tormenta quęlibet etiam hoc, quod patimur, atrociora, omnia libens, aspirante celesti fauore tolerabo.

Septimus, Michael Acafoxi, è regno Fingensi, minus etiam ætatis annos natus nouendecim numerabat, is è nobili familia, bellorū fortuna, libertatem amiserat Arimensi quę neophyto seruiebat, in quo nihil erat quod herus culpae posset, nisi quod domesticis officijs horas quotidie minimum duas orando subtraheret. Soleñe illi erat, quartę, sextę ferię, sabbathique ieiunium; & sexta quidem feria ad orizam pro condimento præter salem nihil adhibebat. Frequens illi erat corpusculi flagellatio, quę omnia Christianę pietatis exercitia Christianę modestiæ pallio occultabat. Herilibus obsequijs nuncius de Christianorum verberatione occupatum inuenit, itaq; succendit, vt nulla mora seminudus, vt erat, ac puluere cōspersus accurreret, obuij currentem interrogant, quo vadis, aut quid acturus es? docebit me Deus, ait, ac iuuabit. Vrgebant vti vestem componeret, seque ipsum cibo reficeret. Non est, inquit, Deo difficile suorum viros alio cibo sustinere. Cum eo deuenisset neque illum milites intra repagula recipere, consensu pariete, ceteris se adiunxit, tametsi quod seruus esset in serie ceterorum non fuisset adscriptus. Eiectus est igitur à militibus, sed denuo seipsum insinuans ad ceterorum supplicia non minore ambitione admittitur, quam ab alijs solent euitari. Fuit è militibus heri sui hospes, qui cognitum liberaret, verum ille ita reclamauit, vt voti compos per
Seminudus
ad martyri-
um currit.
Per vim
martyribus
se adiungit.
 vim

vim fieri obtinuerit. Cumque prensatis tibijs ad eiurandum Christum vrgeretur, protestatus est in hæc verba, Nihil doloris sentio, tibijs pali tangere non videnter, stringite amabo, vt doloris aliquid experiar; iterumque liberari potuerat, nisi eodem animo restitisset. Capite iam iamq; truncandus, cum denuo ad defectionem sollicitaretur, ita respondit, Neque volo, sed nec possum quod vultis præstare, ita me interna vis adigit ad fidem retinendam.

*Fervor in
tormentis
admirabilis.*

Octavius, Andreas Yocónzu, è Bungenfi regno annos natus quadraginta, cum instante exercitu quorsum mitteretur inaudisset, gratias Deo egit, quod se in hæc tempora reservasset, sociosque compellens ait: globulos hætenus precatorios in eum finem virgini decurrimus, vt ea auspice victoriam imminuentis prælij consequeremur, agite modo, facite ne vana fuerit nostra postulatio. Ita de se sentiebat demissè & modestè, vt martyrium sibi ad salutem necessarium profiteretur, vnde factum est vt sortem suam vix caperet, cum atrocius tibijs prensarentur, osque ipsum frangeretur, qua ex causa stare prohibitus, flexis genibus ad Martyrij locum capite truncandus adreptauit.

Nonus, Dominicus Yafángui Arimensis agri pago Oye oriundus annum trigessimum decurrebat, biduo ante quam moreretur, domi suæ multis explicuit, dudum se pro Christo mortem exoptare, ad quam subeundam ne filiolar, quam habebat vnicam, amore prohiberetur, se illam Virgini Matri filiam consecrassè, illamque ipsam noctem quæ vincula præcessit Pascha suum appellabat, & vxori valesfaciens, præter multa monuit, vt carnifices suos odio ne prosequeretur sed pro eorum salute Deum exoraret.

Decimus, Dominicus Natzudáque annos natus quinquaginta, alterius Dominici ciuis, neophytum apostatam auctorem habuit, vt hanc procellam in latebris falleret. Verum ille, Triennium est, inquit, ex quo in hanc occasionem intentus, ad martyrium aspiro, certum mihi est eam minime negligere; cum incertum sit, an similis aliàs offeratur.

Vndecimus, Adrianus Sunga Aracauz, Arimensis Agri pago exierat; annos numerans vnū supra triginta, qui quod in ciuibus suis, nescio quam in fide retinenda remissionē aduertisset, expungi voluit.

*Martyrj de-
siderium.*

ex eorum tabulis, & in Arimenses; quod atrocius ibi scuituros ho-
stes crederet, procurauit adscribi, & abiens Arimam parentes his
extremis verbis salutauit, Ab eo vitam pro legis nostræ sanctitate
positurus, extremum à vobis peto, vt eam fortiter teneatis.

Duodecimus, Martinus Tacayá Ciuis Arimensis, annorum qua-
draginta, cum ante huius tempestatis initia Nangasaquium, ibi vi-
cturus abiisset, ad primas martyrij spes Arimam reuolauit, ceteris-
que adiunctus, cum vinculorum sensu non nihil ingemisset, noluit
tamen laxare volenti, vt dolorem minueret, assentiri. Aiebat e-
nim se in pœnis suis solatium aliud nullum, quam à cœlo præstolari.

Decimus tertius, Petrus Quinan octo annos & quadraginta de-
curterat, natus Vncemoti. Adolescens eam sectam professus fue-
rat quæ dæmonem veneratur, eorumque fuerat sacrificulus. Ve-
rum Fingeni in regno cum Augustino famularetur, Christum agno-
uit, ita feliciter, vt sacerdos noster absentiam suam illius ardore in-
natæque facundia suppleret. Anno superiore Arima proscriptus,
Nangasaquium refugerat. Ad eum expugnandum plus industriæ
ministri posuere, sperantes ex eigs lapsu ruinam cæterorum. Ne-

*Nocturno vi-
so ad marty-
rium inuisi-
tatur.*

que enim adduci potuerat, vt spem martyrij Nangasaquiensi vita
dimitteret, qua in re cum illi vxor aduersaretur, visa est nocturno
prodigio Arimam inuitari. Matronam enim admirabili auctorita-
te conspicuam hortatricem audiuit, vna cum comitibus quos ha-
bebat angelis, vt iter quod ostendebat Arimense arriperet, in hæc
verba prolocuta, Iter hoc vobis erit fortunatum. Quod visum

*Scipsum su-
per iudicibus.*

cum illa marito enunciaffet, nulla mora vocantem secuti sunt. Ille
præfidi se sistens ita iudices dicitur allocutus, Fortunæ omnes in
causa religionis amisi, vxorem ac filios à me remouens Deo redon-
naui, nihil præter me ipsum mihi superest, hic sum mortem præ-
stolaturus, nec ædes meas ultra reuisurus tametsi differatur. Cum
torqueretur, & supplicia maiora intenterentur, exclamauit, Quan-
tum volueritis ac potueritis torquete, ad omnia venio comparat-
us. Cumque ligna prensatis tibijs intorta prensantium vires ex-
tremis in partibus coniunxissent, interrogatus an Christum eiura-
ret, nihil simile cogito, inquit, nedum eloquor, & ad præsidem con-
uersus ita eum compellauit, In regno Quinocuai natus, cum Chri-

*In tormentis
instantia.*

stianos hic torquendos audissem accurri, præsentem Deum eundemque adiutorem quis negabit? obtruncandus porro elata voce succlamauit, Deo, quem tamen videre non liceat, præsentigratias ago immensas, quod me eam in horam, qua pro eo morerer, seruauit, & subito implorato Iesu obtruncatur. Prodigio carere non potuit quod sequitur, Filioli duo, octennis alter, alter bimus, quo momento truncum parentis cadauer oëcubuit, absentes videntur conspexisse, Octennis lacrymis obortis dolorem testari, bimus in gremio suæ parentis exclamauit, Pater meus in cælum penetrat, *In cælum & collatisque temporibus ipsa momenta conspirarunt. Eo iam è uiuis sublato, schedula reperta est, in qua narrabat se Martij vigesimo septimo, anni 1614. cum matutinis horis de more crucem adoraturus se ad locum, in quo illa steterat, nuperrimè contulisset, primum stellam vnā, deinde duas, postea tres, ac denique aliam circularis figuræ maiorem, quæ alias plures ex se ipsa videbatur iaculari conspiciatū, ut inde portendi videretur quamplurimos regia crucis via id impetraturos, ut sicut stellæ, fulgerent in perpetuas æternitates.*

Decimusquartus, Dominicus Ocimura annos natus erat triginta.

Decimusquintus, Ioannes Tacayá priorem annis octo superabat.

Decimussextus, Cosmas Tacaya prioris frater, uterque Yamato oriundus.

Decimus septimus, Michael Conganemáru Miacensis, annorum quinquaginta, quem cum transfuga hortaretur, ut exemplo suo vitam seruaret, his ipsis verbis excepit, Itane tu viuere te putas? vel audes in hoc misero statu constitutus, neque formidas, ut terra hier, ac tartarus absorbeat, cum tu Deum ipsum tibi hostem effeceris? auctor tibi sum ego, ut ad fidem redeas, turpémque defectionem eluas pœnitendo.

Hæc de singulis breuiter, ac spero sine tædio. quis enim non eo in statu constitutos libenter audiat, ac minutim extrema omnia de more prosequatur?

ALII

CAPVT V.

*Petrus &
Ludovicus
Gotó fratres.*

AD hos decem & septem fratres duo, non pietate minus quam nascendi sorte germani, mox accesserunt, alter Petrus, Ludovicus alter, vterque Gotó dicebatur. Petrus annos duos & quinquaginta natus, decennio toto fratrem superabat. Hi vicum incolebant Arimæ conterminum, eumque vicaria heri præfectura moderabantur: vterque cum superioribus, intra repagula vinculis, fustibus, ceterisque supplicijs pugnae suæ principia nobilitabant; sed quoniam è primoribus nescio quis, vicum illum sublati fratribus minus commodè administrari posse credebat, inuitos ac renitentes vinculis exuit, suæque libertati redonauit, spero mentientis famæ rumore, vtrumque in sui gratiam, Christi gratiam abieciisse: vnde factum est, vt in dubium constantissimorum pugilum constantia vocaretur: sed breui fuit suus veritati locus, non sua tantum professione, in qua suspicionis esse nota poterat, sed multò magis iterata Christianæ religionis confessione; dimissi quippe se à Christo nunquam defecisse proclamabant, socios in arena relictos ad constantiam hortabantur, & immitem ethnici clementiam hostiliter sibi procuratam interpretabantur, cuius rei veritas breui erat, vt sperabant, è suis tenebris egressura. tum deinde Ludovicus ad circumfusam militum coronam conuersus, iterum ac sæpius hæc ipsa verba proclamauit: notum sit omnibus nunquam nos à Christo defecisse. quod ipsum cum se domum recepissent, ciuibz inculcarunt, satis mœsti quod paratam è manibus coronam, sua, vtaiebant, sibi peccata excussissent; neque ex eo tempore à confirmandis in fide neophytis, nondum excusso martyrij ardore, destiterunt.

*Ob fidei pro-
fessionem ste-
rum capti.*

Toties repetita fidei professio, non potuit fautorem ethnicum ac ceteros iudices latere. ergo fraudem detectam, iniuriam suam sunt arbitrati. Præfecto cuidam militiæ ultio demandatur, Euocatur Ludovicus prior, q̃ ardentius ea in re, iuueniliùsq; se gessisse deferretur. Ibat alacer, nihil dubius ad iterata prælia palmamq; euocari. Obuium

Obuium habet ex itinere fratrem, qui se adiungens ita coniecit, Dubio procul ad defectionem sollicitandus euocaris, quippe fauor hesternus, visus est mihi semper aliena commoda potius quam amicitiam redolere: adiungo me comitem quod ominer hoc euentu nobis certissimam martyrij coronam à domino præparari. Vbi in præfecti ædes deuenere, vinculis uterque constringitur, ideo quòd toties Christum recuperata libertate profiteri, præfectus in iuriam suam ex mendacij nota interpretaretur, quæ vinculorum causa ab alio militaris ordinis amico suo, coram multis testibus, denuo est apertè confirmata.

Nec plura, eum in locum abductis, vbi pridie trunca cæterorum cadauera temerè iacebant, denuò ex iudicum voluntate significatur, ideo illos plecti, quod se nunquam à Christo defecisse sapius, non sine iudicum iniuria proclamassent, ea res enim accuratius à iuratis testibus excussa ita constitit, nequa suspicionis nebula rumorum vaporibus excitata, martyrum splendorem obscuraret. Ad eam iudicum denunciationem fratres de mortis causa securi, confirmatis quæ obijciebantur omnibus, denuo Christum professi carnificem rogant, vt in ea causa volentes obtruncet, quòd inuocato de more in auxilium Iesu feliciter impetrarunt.

*Capite ple-
buntur.*

Deerat ad destinatum numerum vigesimus, quem die insequenti Thomas Matzuxima, annos natus sex supra triginta, postremus expleuit. Is Arimensis agri vicum propè suburbanum natalem habuit, in quo potiora, iudicij potius bonitate, quam natalium splendore obtinuerat. De eo sparserat miles quidam amicum liberaturus, Thomam suis cohortationibus adductum, barbaris iuratis, ad patria sacra rediisse. vnde factum fuerat, vt de Thoma tardius ageretur. Patuit tandem militis dolus, ac Thomas à præside totam rem excussuro in tribunal euocatur. Nondum sciebat ille quid sparsisset miles, minus quid præses in milite detexisset. Cum igitur ad eum vincendum carnifices accederent, scire prius voluit, qua ex causa vinciretur: si quidem aiebat in fidei causa; manus porrigo; si qualibet ex alia, militariter ex Iaponensi consuetudine me tuebor. Strenuum virum, carnifices veriti rem totam aperiunt, ipseque extemplo abiecta sica, pugione,

*Thoma Ma-
tzuxima
martyrium.*

Rr

bal.

baltheoque militari, agnum dices, vincula non refugit. Coram præside re discussa, cum defectionem negaret, Christumque profiteretur, capitis sententiam lætus excepit, ipseque ad præsidem conuersus ait; vera sunt quæ pronunciaſti præſes, nunquam à Christo defeci, nec simile quippiam etiam animo solo tractaui: quisquis alius dixit amicè magis quàm verè faciens, nullo fundamento commenta ſua ſtabiliuit, plus tibi debeo quod me hac in cauſa iubes obtruncari. Ergo agnus in macellum abductus, ceterorum cadauerum carnificinæ adiunctus, poſt neophytorum preces poſtulatæ Ieſumque inuocatum, iugulatur.



SEPTVAGINTA NEOPHYTI SAFIOYE SE VLTRO AD
MARTYRIVM OFFERVNT.

R r 2

*Omnes post
mortē mem-
bratim con-
iis capita
altiore loco
defixa.*

*Ethnicorum
de Christia-
nis iudici-
um.*

Omnium cadauera, vt hoc de omnibus semel dicam, immanitate fucarum Iaponensium barbara, capitibus iam euulsis membra-
tim concisa, ita permixta sunt, vt cuius singula membra fuerint à
neophytis dignosci deinde nunquam potuerit. Iacebunt interim
cōfusa omnia, donec in vitam reuocata, diuina vi, cui subtrahi nihil
potest, singula in suum locum reuocentur. Capita verò ad specta-
culum altiore loco defixa, ne à neophytis raperentur, diurnos ac
nocturnos diu custodes habuere. Horum incredibilis in suppli-
cijs constantia, & in obeunda morte alacritas, ita ethnicos specta-
tores affecit, vt stupentium esset vna vox, Fieri nullo modo potest vt
ab his vera ad salutem via ignoretur, qui tanta hilaritate supplicia,
mortemque ipsam tolerarunt. Plusquam enim humanum est, con-
iugum, filiorū, propinquorum, quibus ita rapimur, obliuisci. Et sa-
nè tametsi cæcutirent, aliquam tamen in hoc veritatis splendore
lucis partem admiserunt. Ad amorē enim suorum quod attinet,
vix alias clarius constitit pronuntiata à Veritate sententiæ Veritas
raro nota, Inimici hominis domestici eius. Non pauci enim post-
quam atrocita supplicia propè sine sensu tolerassent, vbi de suorum
supplicijs, seruitute, nuditate agi cœptum, leones vidimus in lepo-
res animo deficiente mutatos. Clarius hoc vnus exemplo patuit,
quod ad posteritatis institutionem non debet prætermitti. Propria
vnus ex ijs qui defecere, neophyti confessione cōstitit, cum pedes
manusque ita constrictum, vt funes intra carnis latebras se prope
rotos occultarent, fauces porro more patrio propè præfocatas vix
spiritum admitterent eo in supplicio diu sine vllō doloris sensu su-
perante gratia iacuisse, donec admissa de filiolo, quem tenerrime di-
ligeat cogitatione, alteri compatiendo naturam sibi reddidit, quæ
gratiam extrudens tanto doloris sensu patientē inuasit, vt impatiens
extemplo à Christo deficeret, & ab inchoato prælio turpiter resili-
ret, hoc ille deinde de se prædicans, prænitentiæ beneficio in gratiam
cū gratia rediens ceteros docuit, quam exiguū sit illud quod nature
viribus sine peculiari Dei concurrentis auxilio, humana possit infir-
mitas, vt nemo sibi fidat qui viderit eū, qui præsentis gratiæ viribus
in seipso atrocita tormenta sine sentu tolerabat, absentis auxilio de-
stitutum, alienorum suppliciorum minas, suorum, sensu reddito
non potuisse superare.

IN



VIGINTI MARTYRVM CAPITE SVSPENSA..

Kr 3


INTERMISSAM CVCHINOTZV PERSEC-
tionem Sasioyeredintegrat.

CAPVT VI.

PRima neophytorum in Cuchinotzu Arimensi portu repugna-
tio alta mente reposita manserat Sasioye. Ratus igitur Arimen-
sium supplicij & nonnullorum lapsu reddi posse molliores, ad
eos redit magnam iram habens, maximè sciens, quia breue tempus
habet. Rumores enim bellici nouis quotidie nuncijs ab regiare-
crudescebant. Ab ipso igitur portu priusquam discederet, missa
legatione superiori satis simili, multitudinis animos nulla non ar-
tentauit. Responsum superiori par fuit, sed responso superior ani-
mus seipsum superauit. Postridie quippe cum iam exscenderet
neophyti ad septuaginta, sua sponte nondum vocati in arenam de-
scenderunt. Arena fuit ædis sacræ & domus Societatis solo aqua-
tæ area, in quam fama sparserat pugiles ad certamen euocandos.
Quo in studio patiendique desiderio tanto à neophytis ardore cer-
tatum est, vt nonnulli suæ secum vincula, si carnificibus fortasse de-
ficerent, domo exportarint. Hæc neophytorum animositas ethio-
cos rabie incendit, ac rubore perfudit, præueniri se ad supplicia fe-
renda potius quam inferenda, suam ignominiam arbitratos. In eum
igitur vbi conuenerant locum, militari tumultu delati, tres trium
cohortium ordines selopeta, sagittas & pila, triplici corona expli-
cuerunt, medium gregein precibus occupatum suauique psalmo-
rum cantu personantem vndequaque cingentes: & quoniam idage-
bant potius vt terrerent, quam torquerent, vnusquisque vultum
seueritate ac minis armabat. Vicinum erat eidem loco cœmeteri-
um, illud eodem trium cohortium ordine ac præsidio munientes,
in mediam aream omnem suppliciorum supellectilem territuri vel
torturi congesserant.

*Neophyti 70.
Sasioye senō
vocati offe-
runt.*

*Precibus &
canticis occu-
pati à tribus
militum co-
hortibus cin-
guntur.*



SEPTVAGINTA NEOPHYTI SAFIOYE SE VLTRO AD
MARTYRIVM OFFERVNT.

Præses item in lapideo tumulo editiore sibi tribunal elegerat. In ingressu apparitor è publicis tabulis neophytorum nomina pronuncians, singulos euocabat. Dicam prius quid ab omnibus toleratum, ne longa singulorum commemoratione, nimia lectorem mora suspendam. Ne tamen ignoti remaneant singuli, & præclara eorum dicta factaque, vel in hac ipsa pugna, vel in antea cta vita, indigna oblivione sepeliam; quæ digna iudicauero sequentibus capitibus, ne cum tyranno conspirem, ab interitu vindicabo. Euocati ergo neophyti, cum è priore corona bis inter militares cohortium ordines facto transitu, in alteram admissi, præsidi se stitissent, in genua lapsi quini consistere iubebantur, & interim fufis ad Deum precibus cæleste auxilium euocabant, tum singulos, milites duo brachijs vtrinque raptantes, acriter vt Christum eiurarent lacescebant, qui si renuerent, octo decemue carnifices, solo afflictos pugnis, verberibus, calcibus ita impetebant, vt ex ijs alij malè saucij cruoremque naribus, auribus oculisque mittentes, & semianimes multi iam iamque expiraturi viderentur. Huic primæ salutationi succedebat nuditas, nuditati varia ludibria, sed maximè calceorum luto infectorum, quod Iapones horrent, sæda in vultu verberatio. In aliorum deinde carnificum, nihilo mitiorum iura transmissi, manibus pedibusque arctissime vinciuntur, & funibus in collum immissis prope præfocantur.

Variè lacescuntur.

Hæc



CHRISTIANI CORONA MILITVM CINCTI ET POSTEA INTERFECTI
Sf

Hæc omnia inauditi patiebantur, euocati deinde à præfide singuli, verbis ad lenitatem compositis, iterum iterumque monebantur, atque rogabantur, vt à pertinaciæ proposito desisterent: renuentes exemplo in aliam aræ partem raptati, machinam reperiabant in patibuli modum erectam, in quam pedibus educti, capite in terrâ demisso pendebant, & ne corporis pondus leuiter pedes sustinerent, saxū duorū triūmue virorū iustū pondus addebāt, manus enim ad pedes à tergo retortę, iisdęq; vinculis cōstrictę, vacuū in tergo saxo locū relinquebant; alijs tibiae prensabāt vti modò diximus,

*Crueliter
et variè tor-
quentur.*

transuer-



CHRISTIANI MANIBVS PEDIBVSQ IN TERGVN REVINCTIS
DORSOQ GRANDI SAXO IMPOSITO SVSPENDVNTVR.

transuersaque toto corpore ligna stringentes, ipso saltu carnifices extrema ligna supremum cum infimo ad contactum cohebant, & admirabile multis visum est, nullum in ea prensatione fuisse, cui iam libero, stare atque incedere non licuerit; vix vt credi possit natura fieri potuisse, vt non ipsa ossa comminuta dissilirent. Nonnullis pedum ac manuum digiti ita truncabantur, vt pollex primum, deinde reliqui simul digiti amputarentur, atque ita octo vulneribus viceni digiti dissiliebant.

Pierisque



TIBIA INTRA TRABES PERSTRICTA MANVS PEDESQ̃ TRVCA TVR

Plerisque etiam candenti cauterio crucem non paruam in frontibus præses inuri iussit, quo supplicio nullum gratus neophytis fuit, quod iam sibi viderentur hoc signo in Christi seruitutem indelebiter ascripti. Ad singula supplicia, ut Christum eiurarent vrgebantur, quem si profiterentur, obtuso saxi ore carnifices labia lacera-
bant. Denique ad gradus infimos, quibus in eum locum conscende-
batur, in auersis genibus subneruati corrucebant. Quo ex sup-
plicio mox expirarunt. Viui reliqui omnes, vno die octodecim,
truncis ceruicibus in hoc certamine victoriam reportarunt. Ali-
qui tamen post tot supplicia viui ad exemplum, meritique cumu-
lum superstites remansere. Qui glorioso fine trunci vitam finie-
runt, Nouembris secundo ac vigesimo nouam in æternitate, quæ
non finietur, vitam inchoarunt.

Admirabilis porro neophytorum constantia tepidusque mar-
tyrum sanguis vim extemplo suam exeruit, omnium enim ore lex
ea prædicabatur, quæ tantis animis sectatores suos contra omnia
supplicia muniret, mirabanturque omnes, fieri potuisse, ut exter-
norum sacerdotum industria (vim enim gratiæ non agnoscebant)
ea mortalibus acrius persuaderet, quæ à sensibus remota speran-
tur solum, esse persequenda, quam ea quæ videmus ac sentimus,
esse retinenda. Præses porro, cum nimis crudelitatis à quibusdam
insimularetur, causatus est id à se lenitatis potius amore factum,
quàm immanitatis furore. Neophytos enim oportuisset trunca-
re singulos, nisi atrocibus supplicijs deterritos ad minorem nume-
rum contraxisset, tanto omnes ardore martyrij palmam, supplicio-
rum breuitate affectabant.

Sed ad singulos, quorum hic nomina subijciam ex ordine ve-
niamus.

ingulorum
vniua,

1. Petrus Faximóto.
2. Paulus Rióyéy.
3. Ioannes Narayá.
4. Ludouicus Fisazúmi.
5. Michael Yxinda.
6. Michael Coráy.

7. Soter

7. Soter Cundó.
8. Matthæus Xinyemón.
9. Thomas Niyemon.
10. Dominicus Yoichi.
11. Petrus Coráy.
12. Petrus Ixinda.
13. Michael Yaxichiró.
14. Thomas Vñi.
15. Thomas Cáyxé.
16. Matthæus Aráqui.
17. Dominicus Yenámí.
18. Matthias Aráqui Xinzamburó.

DE SINGVLORVM MARTYRV M DICTIS
actis.

C A P V T VII

PRimas obtinuit Petrus Faximóto, annos natus duos & quinquaginta, quem Cuchinotzu ciuem suum agnoscebat, is per vniuersam vitam Christi fidem eximio ardore coluerat, sodalitiij sui magnam partem moderabatur, & in id incumberebat maximè vt in fide persisterent, nec frustra fortasse, cum ex eo aliquot martyrij palmam in hoc certamine fuerint assecuti. Nosocomij quod ibi erectum nuper fuerat, curam suscepit, illique stipem corrogans abiectissima seruitia seruebat; à biennio triennioue, ex quo minari vel sœuire tempestas cœperat in Christianos, ingens martyrij votum accurata comparatione incende- *Martyrij de-*
bat. Ante hoc extremum certamen & vincula, militum præ- *fiderium.*
fectus cum tentaturus per iocum monuit, se læti nunciij baiulum, significare nihil in Christianos hoc tempore sœuiendum, nulla res illi tristior accidit; quam eum dissimulare non posset, subridens præfectus, alia omnia serio nunciauit; quæ subito ad sodales excurrrens & vnà lætitiæ suæ partem, effudit. Ergo vbi optatus dies illuxit, magna festinatione, tametsi pedibus infirmior claudicaret, scipioni innixus animo vitium naturæ

*Sollicitatur
ad deficien-
dum.*

naturæ supplebat, cui cum obuia mulier ipsi nota occurrisset, intel-
ligeretque qua ex causa properaret, Vadeage, inquit, Petre, persi-
ste, & fortiter in hac causa decerta. Cui Petrus, curam pone, ait, spe-
ro me cum bono Deo, tamen si pedibus claudicem, animo minimè
titubaturum, Sed & pedibus ipsis perfectam hodie spondeo sanita-
tem. Prius verò quam torqueretur, è belliducibus vnus viri virtu-
tem miseratus eripere illi amicè studebat, quod tot votis ambierat.
Ergo suadebat, vt ab externa fidei demonstratione tantisper absti-
neret, cui Petrus in hæc ipsa verba respondit: Christiana lex fraudè
dolúmque respuit ex eo, quod Deum vnum cœli terræque condito-
rem agnoscat, cuius potestati & sapientiæ nihil subtrahitur, vt oc-
cultum esse credatur: atque ita cum vnicum sit sine consortio nu-
men, vnicum est etiam ad salutem æternam iter, quod ille proscri-
psit, vnde fit vt Christianis nefas sit, aliud ore quam corde præfiteri.
Quod verò idem Deus suos ab ethnicis torqueri sinat, magna id fa-
cit in electos suos clementia, quorum fidem amorémque hac ratio-
ne experitur, & illis securam & cum meritorum scœnore salutem
parat, maximè quod Dei filius in nostram veniens mortalitatem,
pœnis, quas pro nobis tulit, atrocissimis ad sui nos imitationem, gra-
túmque beneficijs animum hac suppliciorum similitudine provo-
cavit. Ad hæc præfectus subridens insticit, Tota hæc constantia ve-
stra vsque ad suppliciorum conspectum sensúmque protrahetur.
Vbi ad rem ventum fuerit, alius erit rerum color è proximo, quam
is quem fingitis è longinquo. Cui Petrus: qui altas in hac legem di-
ces egerunt, hæc omnia sine metu vident, ac prope sine sensu ma-
ctant, tantique boni participes suos omnes esse gestiunt. Quibus
alijsque dictis præfectus resistere non potuit spiritui qui in Petro
loquebatur. Sed qualis fuerit in supplicijs ipsi smediâque arena
videamus.



PETRVS FAXIMOLO TRVNCATIS MANIBVS ET PEDIBVS
FERTVR ET MORITVR.

Præses item in lapideo tumulo editiore sibi tribunal elegerat. In ingressu apparitor è publicis tabulis neophytorum nomina pronuncians, singulos euocabat. Dicam prius quid ab omnibus toleratum, ne longa singulorum commemoratione, nimia lectorem mora suspendam. Ne tamen ignoti remaneant singuli, & præclara eorum dicta factaque, vel in hac ipsa pugna, vel in antea facta vita, indigna oblivione sepeliam; quæ digna iudicauero sequentibus capitibus, ne cum tyranno conspirem, ab interitu vindicabo. Euocati ergo neophyti, cum è priore corona bis inter militares cohortium ordines facto transitu, in alteram admissi, præsidi se stitissent, in genua lapsi quini consistere iubebantur, & interim fufis ad Deum precibus caeleste auxilium euocabant, tum singulos, milites duo brachijs vtrique raptantes, acriter vt Christum eiurarent lacecebant, qui si renuerent, octo decemue carnifices, solo afflictos pugnis, verberibus, calcibus ita impetebant, vt ex ijs alij malè saucij cruoremque naribus, auribus oculisque mittentes, & semianimes multi iam iamque expiraturi viderentur. Huic primæ salutationi succedebat nuditas, nuditati varia ludibria, sed maximè calceorum luto infectorum, quod Iapones horrent, sæda in vultu verberatio. In aliorum deinde carnificum, nihilo mitiorum iura transmissi, manibus pedibusque arctissime vinciuntur, & funibus in collum immissis prope præfocantur.

*Variè lace-
suntur.*

Hæc



CHRISTIANI CORONA MILITVM CINCTI ET POSTEA INTERFECTI

Hæc omnia inauditi patiebantur, euocati deinde à præfide singuli, verbis ad lenitatem compositis, iterum iterumque monebantur, atque rogabantur, vt à pertinaciæ proposito desisterent: renuentes extemplo in aliam aræ partem raptati, machinam reperiabant in patibuli modum erectam, in quam pedibus eduçti, capite in terrâ demisso pendebant, & ne corporis pondus leuiter pedes sustinerent, saxū duorū triūmue virorū iustū pondus addebāt, manus enim ad pedes à tergo retortę, iisdęq; vinculis cōstrictę, vacuū in tergo saxo locū relinquebant; alijs tibias prensabāt vti modò diximus,

*Crucliter
et variè tor-
quentur.*

transuer-



CHRISTIANI MANIBVS PEDIBVSQ IN TERGVN REVINCTIS
DORSOQ. GRANDI SAXO IMPOSITO SVSPENDVNTVR.

SI 2

transuersaque toto corpore ligna stringentes, ipso saltu carnifices extrema ligna supremum cum infimo ad contactum cogebant, & admirabile multis visum est, nullum in ea prensatione fuisse, cui iam libero, stare atque incedere non licuerit; vix vt credi possit natura fieri potuisse, vt non ipsa ossa comminuta dissilirent. Nonnullis pedum ac manuum digiti ita truncabantur, vt pollex primum, deinde reliqui simul digiti amputarentur, atque ita octo vultu viceni digiti dissiliebant.

Plerisque



TIBIA INTRA TRABES PERSTRICTA MANVS PEDESQ TRVCA TVR

Plerisque etiam candenti cauterio crucem non paruam in frontibus præses inuri iussit, quo supplicio nullum gratus neophytis fuit, quod iam sibi viderentur hoc signo in Christi seruitutem indelebiter ascripti. Ad singula supplicia, ut Christum eiurarent urgebantur, quem si profiterentur, obtuso saxi ore carnifices labia lacera-
bant. Denique ad gradus infimos, quibus in eum locum conscen-
debatur, in auersis genibus subneruati corrucebant. Quo ex sup-
plicio mox expirarunt. Viui reliqui omnes, vno die octodecim,
truncis ceruicibus in hoc certamine victoriam reportarunt. Ali-
qui tamen post tot supplicia viui ad exemplum, meritiq; cumu-
lum superstites remansere. Qui glorioso fine trunci vitam finie-
runt, Nouembris secundo ac vigesimo nouam in æternitate, quæ
non finietur, vitam inchoarunt.

Admirabilis porro neophytorum constantia tepidusque mar-
tyrum sanguis vim extemplo suam exeruit, omnium enim ore lex
ea prædicabatur, quæ tantis animis sectatores suos contra omnia
supplicia muniret, mirabanturque omnes, fieri potuisse, ut exter-
norum sacerdotum industria (vim enim gratiæ non agnoscebant)
ea mortalibus acrius persuaderet, quæ à sensibus remota speran-
tur solum, esse persequenda, quam ea quæ videmus ac sentimus,
esse retinenda. Præses porro, cum nimis crudelitatis à quibusdam
insimularetur, causatus est id à se lenitatis potius amore factum,
quàm immanitatis furore. Neophytos enim oportuisset trunca-
re singulos, nisi atrocibus supplicijs deterritos ad minorem nume-
rum contraxisset, tanto omnes ardore martyrij palmam, supplicio-
rum breuitate affectabant.

Sed ad singulos, quorum hic nomina subiiciam ex ordine ve-
niamus.

signorum
numera,

1. Petrus Faximóto.
2. Paulus Rióyey.
3. Ioannes Narayá.
4. Ludouicus Fisazúmi.
5. Michael Yxinda.
6. Michael Coráy.

7. Soter

7. Soter Cundó.
8. Matthæus Xinyemón.
9. Thomas Niyemon.
10. Dominicus Yoichi.
11. Petrus Coráy.
12. Petrus Ixinda.
13. Michael Yaxichiró.
14. Thomas Vñi.
15. Thomas Cáyce.
16. Matthæus Aráqui.
17. Dominicus Yenámí.
18. Matthias Aráqui Xinzamburó.

DE SINGVLORVM MARTYRV M DICTIS
ac factis.

C A P V T VII

PRimas obtinuit Petrus Faximóto, annos natus duos & quinquaginta, quem Cuchinotzu ciuem suum agnoscebat, is per vniuersam vitam Christi fidem eximio ardore coluerat, sodalitiij sui magnam partem moderabatur, & in id incumberebat maximè vt in fide persisterent, nec frustra fortasse, cum ex eo aliquot martyrij palmam in hoc certamine fuerint assecuti. Nosocomij quod ibi erectum nuper fuerat, curam suscepit, illique stipem corrogans abiectissima seruitia seruebat; à biennio triennioue, ex quo minari vel sœuire tempestas cœperat in Christianos, ingens martyrij votum accurata comparatione incende- *Martyrij desiderium.* bat. Ante hoc extremum certamen & vincula, militum præfectus cum tentaturus per iocum monuit, se lati nunciij baiulum, significare nihil in Christianos hoc tempore sœuiendum, nulla res illi tristior accidit; quam cum dissimulare non posset, subridens præfectus, alia omnia serio nunciauit; quæ subito ad sodales excurrrens & vnà lætitiæ suæ partem effudit. Ergo vbi opratus dies illuxit, magna festinatione, tametsi pedibus infirmior claudicaret, scipioni innixus animo vitium nature



PETRVS FAXIMOLO TRVNCATIS MANIBVS ET PEDIBVS
FERTVR ET MORITVR.

Te

Cum igitur in media militum corona dum quini genibus neophyti niterentur, intenta prece diuinam opem inuocaret, subito elatis in cœlum manibus oculos eodem ita defigebat, vt insolens aliquid spectare videretur, & effusis gaudijs exclamans hæc verba, Sancta Maria quid est hoc? repetiuit. Qui aderat illi neophytus metum interpretatus dixit, Titubas Petre titubas? cui ille non est hic metus sed gaudium. & pergens iterum exclamat, Iesu bone, quot angelos, quot Diuos aureis argenteisque vestibus insignes conspicio? quod ipsum visum moriturus deinde vxori suæ domi narrauit, asserens ex eo selæritiæ sensu absorptum omni prope doloris sensu caruisse. Verberatur ergo, nudatur, vincitur, & in atrocem machinam pedibus manibusque à tergo reuinctis actus ingenti saxo opprimitur, digitis manuum pedumque volens libensque truncatur, candenti crucis cauterio frontem inuritur. Quod etsi carnifex faceret otiose, caput sine motu quietum dolori minimè subtrahebat, & ad infimos gradus transuerso sub axillis fuste delatus sub poplitibus enervatur, & impetu ruens solo affligitur. Aderat domesticus illi miles qui hospitem suum sæpe ad defectionem lacerasset, is Petrum miseratus ita compellat, Jam spero intelligis quam vtilia tibi consilia dederim, Cui Dei seruus manus pedesque truncos ostentans, non sine risu respondit: quid censes amice miles, annon ex diuino fauore impleri vides quod domi sæpe dicere me memini nullo me casu à Christo defecturum? annon vides quanta sit Dei nostri gloria, qui ad hæc ferenda supplicia nobis vires animûmque subministrat, ne ipsius fidem abdicemus? Inde domum elatus vxorem suam cælesti perfusus gaudio ita compellauit, Vides mulier, & vulnere suorum stigmata ostentabat, vides inquam ingentia bona Dei que beneficia quibus me cumulauit? in referendis gratijs auxiliarem mihi confer operam, ac deinde superius cæleste visum ea qua morientes fide solent, prout supra retulimus, enarrauit, tum illa ipsa nocte Deo mortem illius causa obitam gratulatur. in ipsa sanctissimorum Iesu ac Mariæ nominum inuocatione pedibus manibusque truncus meritorum alis ad coronam euolauit.

Secundus, Paulus Rióyey ciuis Arimensis, annos numerabat nouem supra sexaginta. Isoctennium totum ædis virgini sacræ procurationem exercuit, quam cum ethnici diruissent, ne à pijs exercitijs otia retur, pueros Christianæ legis rudimenta docendos suscepit, Martyrium in continuis votis habebat, cui cum nescio quis dixisset hunc in Christianos turbinem cum Sasioie discederet differendum, respondit, Quantum placuerit differatur; trienni- *Martyrij. de-*
um est ex quo magnæ matri concepto voto sponendi me nun- *siderium.*
quam ullis tormentis cogendum, vt benedictum illius filium negem, tamen longius longiusque spes martyrij differatur. In arenam porro proditurus amico distichum scripsit in hanc sententiam:

Hi quibus à puppi faciens afflauerit aura

Securi ex voto litora tuta petunt.

Quibus verbis innuebat hanc persecutionem ventum sibi esse prosperum, à quo securus in gloriæ portum deferretur: eodemque tempore rem animo suo, posteritatisque memoria dignam patrauit. Cum enim carnifices nosset ad supplicia inferenda nominatos, ad eos domum officiosus uisitor accessit, eosque in hæc verba supplex compellauit. In vestras manus breui venturus sum, amabo vos, officio vestro mecum rigidè fungimini. Cum enim Christianus sim & annos natus septuaginta, cuperem in gloriam meritis onustus introire. quod illi se facturos liberaliter promiserunt, & liberalius expleuerunt. Supplicia igitur omnia fortiter tulit & ad extremum poplites eneruatus domum refertur; vbi cum audisset ex amico viginti neophytos certamen feliciter expleuisse, actis Deo gratijs fide seruata cursum ipse quoque suum feliciter consummauit.

Tertius, Ioannes Naraya annum agebat quinquagesimum primum è regno Deua, quod est in extrema ad Boream Iaponia. Priusquam Christo nomen daret in Insulas Philippinas excurrerat, vbi salutari fonte elutus annos viginti Christum coluit, & in Iaponiam reuersus in hoc portu coniugio illigatus confedit. Quo martyrij desiderio teneretur, tum maximè præ se tulit, cum nunciaretur eo in oppido contra neophytos atro-

cius ſæuendum. Tântis enim gaudijs incede-
bat, vt minacibus, quæ hæc nunciabant militibus dixerit, Cum vos amici mei ſitis, à minis
ad manus venite, torqueto rigidè, neque enim alia me vlla re felici-
us faciliusque beabitis, quibus verbis minas eludens, importunè
minacibus ſilentium indixit. Iis porro quæ amicitia causa impor-
tunius Imperatoris obſeruantiam externo ſaltem cultu exigebant,
in hæc verba ſatiſfecit, Nec interno, nec externo cultu impetrabitis
vt tam immane ſcelus admittâ, conditor enim cæli ac terræ vtrum-
que ſibi cultum exigit, neque ore minus quam corde decet eum ve-
nerari. nec facile eſt ſcelus in hac materiæ grauitate admiſſum elu-
ere aut corrigere. Adoleſcens eam ſectam colui quam Focquexus
appellatis, ceterarum Iaponenſium ſectarum peritiam proficeor,
illarum nulla ſuos in ſalutis tramitem deducit, ſecuri erratis, & quia
ſine remedio vobis ex animo compatior, cupiôque vt Chriſtianas
prælectiones in aures ſaltem admittatis, tum enim, quam vobis in-
gero, in animum admitteretis veritatem, cuius retinendæ cauſa cer-
tum eſt truncas manus, truncos pedes, conciſos artus, lenros ignes,
ardentes ollas lubentem admiſſurum, nec tamen ideo cogitetis
Chriſtianum nomen in Iaponia poſſe deleri, quin potius Chriſtia-
norum ſanguis, Chriſtianorum ſemen, quos ſuſtuleritis cum ſceno-
re multiplicabit. In tormentis porro ita ſe geſſit, vt nihil verbis
facta debuerint. Supplicia cum ceteris paria fuerunt, hoc pecu-
liare, quod amputatos non ſatis ſtirpitus digitos Præſes aduertens,
ſupplicium repeti iuſſerit. Ipſe iam truncas manus hilariter offe-
rens, iterato ſupplicio duplices animos præ ſe tulit, ſuccis popli-
tum neruis in tergum ruit, manûsque iunctas, oculosque in cælum
ferens, animum eodem itinere iter aggreſſientem generoſè dimiſit.
Carnifices demortuo ceruicem amputant, & in reliquum cadauer
digladiatrices ſicas inmittunt.

*Conſtantia
in fide.*

Quartus,



IOANNES NARAYA CVM ALIIS CHRISTIANIS OBTRUNCATVR
ET IN MVLTAS PARTES CONCIDITVR.

Tc 1

Quartus, Ludouicus Fisazumi annis vixerat quatuor supra septuaginta è regno Chicungo originem trahens. Non illum ætas à certamine subduxit; nec ætati fauor diuinus, defuit. Supplicia cum cæteris eadem tulit, cum quibus tamen id ætatis bimestre spacium fore superstes octauo Ianuarij renitentem animam, tormentis expulit, nec alia illum ægritudo nisi quam secum ferebant vulnera confecit. Nam vt aliud nihil foret, tantum è vulneribus sanguinem mittebat, vt id ætatis firmioris nedum senectutis vires vltra ferre non posse viderentur. Quo die mori desijt vitam inchoaturus, domesticos admonens iussit omnes eo die sibi adesse, quem esse sciret extremum, reique finem probauit euentus. Postquam enim longam mortem, sæpe à peccatis expiatus & sacro viatico refectus animosè pertulerat, eo quo die monuerat, expirauit.

Quintus, Michael Yxida è regno Fixen, annum sexagesimum secundum decurrebat. Post cætera supplicia eneruis diem noctemque totam sub Ioue id temporis perfrigido vulneribus nondum obligatis transegit, ac deinde dies vnum & quinquaginta superstes Ianuarij duodecimo suppliciorum finem inuenit. Admirabile est, quod sacerdoti nostro cuius opera suum animum frequenter expiabat, moriturus retulit. Exactis nempe quindecim primis diebus duos pueros venustissimos à se conspectos affirmabat, à quibus è vase quod ferebant exiguum liquorem suauissimum propinantibus exhaustisse, qua portione sibi nauseam cuiuslibet ferculi ita iniectam, vt totos triginta sex postea dies nihil omnino gustarit. Plerumque toto ægritudinis tempore clausos oculos snbrahebat vanitati, quod assereret nihil esse, quod in hac valle mortalitatis arrideret. Paucis ante diebus quam oculos mortis nocte damnaret, hanc velut fidei suæ professionem dictauit exscribendam. In martyrij locum delatus verbera, nuditatem, ac vincula tolerauit; in aërem eductus ex machina pendendi pedibus ac manibus à tergo vnà reuinctis, saxumque ingens in humeris ibi tuli, digitos pedum manuūque truncos dimisi, sanctæ crucis cauterio inustam frontem gestauit, ac demum saucijs poplitibus eneruatus corruui. Potuisse me tam atrocia tormenta

alesti potione confirmatur.

menta

menta perpeti non id viribus meis, sed Iesu Christimeritis, magnæ Matris intercessionis acceptum fero, vnde vires obtinui à sanctissima Trinitate Patre Filio & Spiritu sancto tribus personis vnóque Deo, vt eum non negarem. Imperatoris Iaponiæ potestas sanctæ fidei viribus cedere coacta victoriam mihi reliquit in manibus. Hæc ego scribenda curauim vt de rei veritate constaret.

IN EADEM MATERIA

pergitur.

CAPUT VIII.

Michael Coray à regno dictus quod natale illi solum fuit, annos natus octo & quadraginta sextum in perferendis supplicijs locum inuenit. Is in bello, quod Iapones contra Coray sub Taicosama susceperunt, in seruitutem reductus, Nangasackij Christianam libertatem inuenit, ac tamen secunda expeditione in patriam cum hero redierit, maluit tamen patria quam Christo carere. Ergo in Iaponiam rediens ab hero iam libertate donatus pro sororis suæ libertate seruus vltro, annos aliquot denuo seruiuit seruitutem. Multa de illius virtute scribi possent, nisi alienum esset ab instituta breuitate. Quotidie horis antelucanis, ne quid labori detraheret, leucam vnā per montium solitudines vagatus in locum pium ad orationem missæque sacrificium secedebat. Satis constat etiam ipso teste, stellam ipsi sæpius ducem cælitus affulsisse: aliquoties etiam fertur Dei parentem, angelos, aliaque visa sua vitæ innocentia à Domino impetrasse: quæ omnia non temerè de tanti viri simplicitate, quam glorioso fine coronauit, credi posse arbitrandum. Labores manuum suarum quotidie manducabat, è quibus quod in pauperes distribueret sextæ feriæ ac Sabbathi perpetua ieiunatione subtrahebat, fraudata etiam necessitate potius quàm voluptate. Lepra infectos in domum suam inducebat, eosque quibus poterat pro sua tenuitate delicijs recreabat, acerbâtque isti sunt fratres mei quos spernere est nefas, quibus si similis nō sum diuinis beneficijs miser, nonique debe-

*Vita ante
martyrium
sanctæ acta.*

*Stella dux ad
templum e-
nit.*

*Martyrij de-
siderium.*

debetur. Martyrium illi ex quo sperari potuit, perpetuo fuit in vo-
tis, & vt comparatio praelium affectaret, in S. Spiritus sodalitium,
quod in hunc finem erigebatur, ascribi voluit, & vxori, socru, ac
sorori narrasse scribitur, prius in eum portum, quam suppliciorum
ministri appulissent, visam sibi per quietem matronam vultu vene-
rando, quæ moneret venturos breui qui Christianos atrociter in-
sectarentur, ipsūque cum alijs infidei causam morituros. Cum
igitur tyrannica classis appulisset, læticia gestiens in hæc verba pro-
rupit, iubilum nobis aduenit, pascha mox celebrabimus. Et cum
alijs colloquens dictitabat naues illas, quæ tyrannos veherent, à Deo
missas, esse maius omnibus bonum; vnde oportebat milites illos
deposita omnimalevolentia amore prosequi, & intra quædam receptos
omni officiorum genere demereri. Iam diu cum vxore continen-
tiam mutuo ex consensu seruabat, aiebatque se ex eo tempore no-
uum in pietatis exercitationibus ardorem concepisse.

Satis mirabile est quod de eo tot testium fide narratur, quod in
Cuchinozu agro capita censebantur. Paulo antequam sciretur,
Michael tritici agellum seminauerat, cui vxor, dimitte, inquit, me-
tendi tempus nunc est potius, quam seminandi. Cui Michael ve-
lut vaticinans: mihi meretur, tibi seritur. Res mira solito tardius
semina iecerat, idque triticum eiusmodi est vt mense tardius in spi-
cas exeat, quam triticeæ species ceteræ, & tamen quinto Ianuarij,
asperissimo apud Iaponesæque ac nos, hyemis tempore, conspicitur
ad quatuor palmorum altitudinem excreuisse, inque spicas & flo-
res erupisse, inuito gelu ac niuibus, quibus omnia tum rigeabant; cæ-
teræ autem triticeæ species, quæ prius semina iecerant, vix tres qua-
tuorue digitos assurrexerant. Spicæ illæ proculdubio ad perfectam
frugem excreuissent, nisi neophyti certatim euulsas pro miraculo
habuissent. Ex ijs aliquot in Europam missæ à multis & à me quo-
que inspectæ sunt, nec fuit qui eam rem à prodigio eximere po-
tuerit, maxime quod etiam semel demessæ iterum pullularint, ac
nonnullæ etiam tertio messores suos inuitarint. Ea res neophytis
magno solatio fuit. Exinde magnam Euangelici seminantis mes-
sem martyrum sanguine irrigatam in posterum augurati, tamen si
persecutionis niues ac frigora ingruerint, aut carnificum gladijs
messis

*Triticum
media hyeme
in spicas al-
tas excreuit.*

messis iterum pullulatura demetatur. Michael igitur in tormentis vno illo caruit, quod fuit atrocissimum, machina videlicet illa quæ suspensos saxo opprimebat; Sed eius vicem subiit, quo alij caruerunt, tibiæ præfatio, qualem cum de Arimænsibus neophytis ageretur expressimus. Initio suppliciorum in hæc verba prorupit, Michael Coray dicor, Deo meo immensas gratias ago quod ex gentiliū terris eductum ad hæc supplicia pro eo toleranda segregarit. Poplites ad extremum enervatus, ipso momento corruens expiravit, caput illi detruncatur, cadauer laponenſium ſicarum ludibrio in frusta diſſiliit.

Septimus, Soter Cundo è Bungenſi regno annos natus duos & quinquaginta. Hunc à puero noſtri educarunt, & quoniam laponenſium ſectarum peritia & ingenij bonitate multa ſpondebat, adhibitus eſt ad fidei noſtræ myſteria, poſtquam ea didicerat, accuratè in alios diſfundenda. Septem annos in Inſulis Goró noſtrorum ſacerdotum, quos toparcha Imperatoris metu excluſerat, ſuppleuit induſtriam; i dem deinde præſtitit in Inſula Xiqui & Amacula, quibus in Inſulis olim Auguſtini tempore nulluſerat qui non Chriſtiana ſacra ſuſcepſiſſet, nunc verò toparcharum gentiliū inſolentia nonnulli ſenſim ab incæpto reſilire velle videbantur, quos continuis laboribus Soter ad ſalutem reduxit lapſos, lapſurosque confirmavit; nec ethnicoſ paucos & in his præſecti, apud quem degebat coniugem, Chriſto adiunxit, & quos deinde illi pepererat ſolitis Chriſtianæ pietatiſ exercitijs tuebatur. In eam Inſulam, poſtquam Imperatoriſ ediſta nauigaſſent, ægriùſ hoc dimittitur, quòd eſſet omnibus carus, quàm pro Chriſto relegatuſ ipſe diſcedit; nec tamen eum caritaſ longiùſ abire permiſit, nam in vicinum pagum ſecedens, ſub alio toparcha vtriſque ſatiſfecit, nocturnis excuſſionibus officio ſuo fungebatur, diurnis reſcuſſionibus præſecti voluntatem exul explebat. Ea res præſectum non latuit, cuiuſ ſenſuſ nimis impotens Soterem iubet occidi. mox ubi Soter inaudiuit, ad ſacerdotem noſtrum excurrere, qui tum fortè neophytoſ illoſ clam viſitatuſ accurrebat, peccata expiauit, ac tametiſ ex eo au-

*Sacerdotum
ſicceſſum
tur.*

*Etiã rele-
gatuſ & pro-
poſita morte
prohibituſ.*

taminis occasionem omitteret. Ergo domum redit satellites præstolaturus, qui postridie ad eum concurrerunt. Excepit illos Soter hilari vultu, deque vita agi arbitratus, breue spacium ad se comparandum flagitabat. Verum illi responderunt, se ab hero suo ideo missos, vt si intra ditionem suam reperiretur, vitam relinqueret; sin, moneretur ne alios ad neophytos morte proposita excurreret. Dimisit igitur satellites, sed non officium suum, quia iustius est obedire Deo quàm hominibus.

Non latuit denuo præfectum quod fiebat in latebris. Ergo nouo furore correptus vicinum præfectum rogat, in cuius toparchia Soter degebat, vt huic malo remedium quæreret, ab eo comprehenditur, & in arcem abductus verbis asperrimis increpatur, quod sua pertinacia præfecturam totam Imperatoris furori exponat, vrgèq; morte proposita vt fidem eiuret, cui Soter in hæc verba respondit. Dynastæ, toparchæ, præfecti laborant vt regiones suas in hac vitæ breuitate conseruent: ego officio meo fungor, si pro viribus laboro, vt æternam hæreditatem mihi meisque subditis parem ac tucar. Ad fidem porro eiurandam quod attinet, ita in eius veritatem altè penetraui, vt fieri nullo modo possit quod iubetis, quamdiu integer mihi sensus fuerit animusque. De cætero de me pro suo statu arbitratu. Excanduit hoc responso præfectus, restatus se effecturum, vt tametsi magnus sibi orator videretur, palinodiam tamen recantaret, & simul illum ethnico sectarum Japonensium peritissimo tradi iussit, vt falsitatis conuictum à Christo abduceret. Is operam diu lusit, demumque persuasit, vt Soter ad præfectum cuius erat subditus ablegaret; à quo post multa cum coronam se manu tenere arbitraretur, extra insulas relegatur, ideo maxime, ne illius cōstantiâ neophyti confirmarentur potius, quàm supplicio terrentur. Igitur post tot tribunalia vinculaque, demum in hoc portu potissimum consedit, quod ab eo Arimensem procellam initia sumpturam iudicaret. Abeuntem porro sacerdotem nostrum Patrem Garcesium, sub cuius cura fuerat, his verbis valesaciens est profecutus. Quoniam prohibeor vobiscum exulare, curabo per vniuersam vitam, vt Christianos iuuem ac confirmem. De me curam ponat, vbicunq; spes vitæ pro religione ponendæ affulserit,

*Ad defectio-
nem sollici-
tatur.*

Relegatur.

eo me oblaturus accurram, eaque una res in hac me statione solatur. In supplicijs paria illi omnia cum cæteris fuerunt, nisi quod *Post varia supplicia capite truncatur.* silentium indicturi, cum Iesum frequentius inuocaret, saxo illi os immaniter percussissent, ac tandem cum ad omnia repeteret, Deum meum, Dominum meum non sum negaturus, ceruicibus amputatis cadauer ludibundi lacerarunt.

Octauus, Matthæus Xinxemon eiusdem huius oppidi ciuis, annum attigerat quadragesimum, cū eternitatem adeptus est. Is quam *Martyrj desiderium.* ardentibus votis ad martyrij lauream aspiraret, continuis domi suæ colloquijs præ se tulit. quæ omnia id unū spectabant, ut domesticis suis, quàm arcte vitam Christo debeamus inculcaret. Domus illi erat editiore in loco, arbutis vndiq; circumdata, ea cum egrederetur in martyrij locum cum cæteris excursurus, vxorem ita compellauit, Domus hæc nostra hortus mihi Gethsemani videtur, è quo exiens Christum comitor ad profundendum sanguinem, seque Patri æterno victimam offerendum omnium causa meaque priuatim exeuntem, in eius societate, quis à Domino præeunte animum viresque desperet? nec spes illum sua fecellit. nam paria cum cæteris supplicia, mortemque pari cum ceteris animo tolerauit.

Nonus, Thomas Niyemon Amacusanus, annos vnum supra triginta decurrerat. Erat is ex copiosis oppidi negotiatoribus, idque maximè curabat ut seruitia, quibus abundabat, diuinæ præcepta legis obseruarent. Huius tempestatis initio, sodalitijs parti præficitur, quam ipse domestico in sacello prope quotidie ad orationem cogebar, quam etiam aliquoties in quadraginta continuas horas curauit prorogari. Sexta quaque feria sortes de corporis afflictationibus intra hebdomadam obeundis, quisque ex vna educebat, totusque Thomas negotiationis oblitus in hæc studia incumberebat. quibus ad martyrium ita accendebatur, ut moræ impatiens, cum nondum in Arimensem agrum hæc tempestas extrema deplueret, in Insulam Xiqui ad nunciatas martyrij spes nauigari, vbi tamen vota, non tamen operam lussit. Confirmandis quippe neophytis non parum opportunus aduenit. Audit interea Nangasaquium ab regia mitti magnatem, qui Christianos infectetur. Eo Thomas extemplo recurrit, sed cum eum ibi spes quoque sua fecellisset, de Sasiöye inaudiens, ad eum excipiendum

in ipsum portum properavit. Sed in itinere aberrans ab eo quod illi susceperant, domum redit, ubi cohortis præfectus, & Surungadoni familiarem diuersantem inuenit, à quo interrogatus, num in oppido aliquis superesset Christianus, ad vnum omnes, inquit, egoque me primum gaudeo nominari, cum ille ad defectionem vrgeret, ita respondit: Dudum has cohortes ac sollicitè præstolamur, & quoniam mori cupimus, omnes negotiatione intermissa, pauperes viuimus, sed hilares, quod fidem nostram veras nec perituras opes arbitremur. Responsum risu excepit ethnicus, satius dictitans regijs mandatis obediens, fortunisque intentos tempori obsecundare. cui Thomas, æternitati malumus, inquit, idque sapientius arbitramur. Neque tu gloriosum arbitraris, etiam in ea quam sequimini gloriæ vanitate, quod plebeios homines & inermes armati toparchæ, duces, militesque tanto numero persequantur? Impotentius hoc responsum tulit ethnicus, & Christianos vecordes, quod se suæque prodigant, contumaces, quod suos superiores spernant, pronunciauit. Biduo toto varijs altercationibus vtrinque certatum. Sed hoc vltimo responso hospiti suo os in perpetuum occlusit: satis miror Imperatorem, eosque qui illi sunt à consilijs, arbitrari Christianum nomen illatis supplicijs posse deleri, cum illud adhuc alia nulla ratione magis excreuerit. Idem quod alias semper, hodie futurum quis dubitet? Quod igitur à vobis petimus hospitalitatis præmium hoc vnum est, vt postquam vxores nostras filiosque nobiscum immaniter cruciaueritis, capita deinde nostra demeratis.

Ipso die quo ad martyrium iturus erat, antelucanis horis sodales sibi commendatos domum euocauit: ubi lectis de Deiparalitanis, de Christi tormentis caput appositum oratione, quæ sola mente fit decurrerunt, cuius finem hoc ipso colloquio Thomas excepit, Christi pendentis effigiem manu tenens, genibusque nixus ait: cum tu, Domine, verus sis Deus, Rex cæli ac terræ, voluerisque pro nobis miseris peccatoribus, tanta pati, diuinæ tuæ maiestati supplicamus, vt vires nobis subministres, atque constantiam, vt in tuo amore vitam ipsam posituri persistamus. Nec reiecta videtur oratio, cum ex illo cœtu plerique vitam glorioso martyrij fine con-

*Comparatio
ad martyri-
um.*

cluse-

cluserint. His dictis omnes sibi mutuo valefacientes & fratrem inprimis suum Dominicum, æque martyrem futurum, extremum salutavit. Cui Dominicus, ardeo desiderio, frater, ut quemadmodum in vita dileximus nos, ita in morte minime separemur, in cœlo ipso sanguinis vinculum, quod natura inchoavit, gloria perfecturi. Cui Thomas, Ita futurum confido. Nec diuturna fuit mora, nam eo ipso die, alter in alterius conspectu, quod maximè optauerat, est consecutus. In supplicijs enim toti cœtui communibus, non solum sibi constitit Thomas, sed neglectis etiam ministrorum minis socios confirmabat, & fratrem maximè, nec non Barnabam, qui supplicijs superstes in alium locum reservatur. Cùm enim eum truncis pedibus manibûsque conspexisset, ita compellauit: Eia strenue Christi miles, cuius causa truncandos digitos præbuiisti, consta tibi fortiter Deo placiturus, & promissam lauream adepturus. Quibus cohortationibus os sibi contundi neglexit, prensatâsq; tibias cum cæteris supplicijs fortiter tolerauit, ac trunco deinde capite, laceratoque corpore ad præmium euolauit.

*In supplicijs
socios confir-
mat.*

Decimus, Dominicus Yoichi Thomæ frater, annorum septem supra viginti, cætera cum cæteris supplicia tolerauit: Id peculiare, quod ætatem miserati, importunius vrgerent, ut vitam cōseruaret; hoc saltem tempore dissimulans, facturûsque deinde, quod magis arrideret. Verum ille ita, nec aliter respondit: non si mihi totum orbem dederitis à fide desistam, cuius causa neque Sasioye vereor, neque alium quempiam. Responsum liberius milites notarunt, deque eo atrocius cruciando conspirantes primo, in arena impetu solo afflictum crudeliter ore toto contuderunt. Sed in hoc cæterisque supplicijs æquabili semper hilaritate omnia superauit, ac demum vno cum fratre mortis genere parem est palmam cōsecutus.

*In fide com-
stantia.*

CÆTERORVM FACTA DICTAQVE
concluduntur.

C A P V T IX.

V Ndecimus, Petrus Coray æque ut Michael, à patria nuncupatus, annos natus octo supra triginta. Is ab ætatis anno tertio

Vu 3

deci-

Precibus importunè impetrat, uti cū neophytis describat.

decimo vsque ad trigefimum inter ethnicos seruierat. postmodum nescio quo casu Cuchinotzu deuenit, vbi cum nostri Christi sacris imbuerunt, è quorum præscripto vitam instituens, ex optimis habebatur. Cum vicorum præfecti Christianorum nomina in tabulas retulerunt, Petrum excludebant, quod in aliena domo habitaret ac tenuior haberetur, sed ille precibus importunis ab oppidi moderatoribus euicit, vt heri loco scriberetur. quod cum impetrasset de sorte sua nihil vltra dubitauit, sed omnis curis omnibus id vnum agebat, ne imparatus caperetur. Præ multis alijs trium sibi dierum, intra octauum quemq; indixit inedia, bis corpusculum flagellabat: ipsa nocte quæ martyrismum præcessit amico suo aperuit, post preces cōmuniter institutas, sacratissimam virginem Dominam nostram sibi visam, è cuius præsentia maximos animos concepisset, certamque spem fore vt breui martyrij palmam obtineret, nec diutius dilata spes Die insequenti, visi cœlestis promissa sese, vnde venirent prodiderunt, nā paribus supplicijs cruciatus hoc vnū obtinuit, vt post os saxo contusum, cū nondum ab inuocando Iesu desisteret, graui vulnere saucius ab vno è ministris audierit, Christum tuum abdica sodes; quod cum se facturum negasset, obtruncatur.

Duodecimus, Petrus Yxida Michaelis quinti martyris filius, annos natus nouem & viginti, postquam in Christiana pietate diu ad grauiora certamina præluserat, in hoc ita certauit, vt cū amici crudeliter pij rogarent, ne spes ætatis primæ truncaret, ita responderit. Cum Iesus Christus filius Dei viui ac veri, suscepta miseriarum nostrarum mortalitate, tres annos ac triginta tanta pertulerit, ac deinde innocentissimam vitam cum ignominiosa morte salutis nostræ causa cōmutarit, hoc solum nobis, qui Christiani videri & esse volumus, satis esse debet vt in eius obsequio vitam nostrā profundamus. Cui quicquid domi habebat adiungens carnificibus libens vna cum vita offerebat. Idem cum in tormentis parentem vidisset pedes manūsq; truncum sibi constitisse, exclamauit, quid est in hac vita, quod angere me possit in posterum, cum id modo videā, quod de parente meo tot votis optaui. Verebatur enim ne inclinata ætas tormentorum atrocitati succumberet. Ad extremum carnifices adegit desperatione victoriæ, vt longiora certamina capite breuior amputaret.

Decimus

Sibi ac parenti martyrium gratulatur.

Decimus tertius, Michael Yaxichiro, cuius ipsius oppidi Cuchi-
 notzu. Is ad martyrij comparationem in sodalitium, cui à Spiritu
 Sancto nomē erat, adscriptus, inuentus est in schedula se iureiuran-
 do astrinxisse, consilijs Petri Faximoti, qui erat eidem sodalitis præ-
 fectus, in omnibus pariturum. Postquam inaudiit Sasioye Cantzuse
 exscendisse (abest ab oppido leucā vnam) eo mox accurrit, obsequi-
 um illi aliquod ideo præstiturus, quod ad se per futura supplicia be-
 andos aduenisset. Ergo ante lecticam prodromus, iter ignorantibus
 baiulis indicabat. Quærit interim ex eo Sasioye verūne sit ciues
 suos suppliciorum metu in latebras diffugisse. Cui Michael, nihil
 minus inquit, præfekte, sed potius illi qui aderant, in ædes suas ad-
 ventum tuum prætolaturi redierunt. In militarium hospitiorū di-
 stributione decem illi milites obtigerunt, quibus vti liberaliter quæ
 domi reperiebantur effunderent, volens libensq; permisit; Cui cū
 illi respondissent, non inutilia fore superstiti familiæ, quæ morituro
 superarent, Michael retulit; si mihi fortunata sors obtigerit, pro Deo
 meo moriendi, bonū illis in eo parentem æconomūq; prouidi,
 cuius providentia vltra necessitatis limites sollicitudinē est laxatur-
 a. Cū alias ex eo quæreretur, an Christiani suos persecutores odio
 persequerentur necne, ita respondit: minimē gentiū, inquit, lex e-
 nim nostra amore vult illos, etiā beneficijs prosequendos. Ex quo
 in Christianæ legis sanctitatem oratione dilapsus in hunc modum
 perorauit. Magnam orbis partem nauigando percurri, regna Sion,
 Camboyam, Cochinchinam, & alia peruagatus vidi regnum illud
 natale Xacæ vestri, solum ipsius, fanum, statuamque conspexi,
 sectas illas omnes stirpitus excussi. Vos ea quæ sacrificuli vestri,
 quæstu dolisq; concinnant, præterea scitis nihil: sed indubitata ve-
 ritas est, nullū apud eos esse vestigium veritatis. Cum ad supremi lu-
 dicis tribunal omnes rediuiui cōsistemus, nā ego pertinaciæ vestræ
 delator prodibo, & diem locūq; explicatæ vobis veritatis & indi-
 catæ ad salutē viæ in perniciē vestram exprobrabo, quasq; hodie a-
 perio fraudes conscientia vestra teste confirmabo. Hæc ille aliāque
 multa secundo suæ concionis applausu ita dixit, vt cōmendata legis
 nostræ sanctitate, dolerent se temporū iniuria ab eius accurata di-
 scussione prohiberi. Cum ad martyrij locum Deo iam plenus pro-
 peraret, opportunis prius familiam consilijs erudiuit, maximēque

*Erga per-
 secutores bene-
 ficus.*

*Ad ethnicos
 de Christiana
 lege peror-
 at.*

con-

coniugem allocutus monuit, vt ne tormentis cederet, aut corporis ignominiam animi fœditati anteponeret, non horreret nuditatem, immortalitate vestienda, non horreret lupanar à quo abesse, qui vbiq; præsens est, non potest. Nulla vis animum fœdat, nisi consensus accesserit, cætera quæ ab hominibus inferuntur, duplicantur ad coronam. De supplicijs fortiter ab eo toleratis, tamen si nihil dico, nihil tamen omitto, cum cæteris parem fuisse pronuncio.

Decimus quartus, Thomas Vtui Cantzuzæ natus, annos tres supra quinquaginta numerabat, triennio iam toto multum se ad id vnum quod necessarium est, continua pietatis exercitatione collegerat, ex quo filius illi vnicus familiæ spes & solatium inopina morte perierat. Sæpius enim repetebat Abrahami Patriarchæ exemplum, quem oblato filio nobilem vnà cum scriptura miratur antiquitas. Defuit mihi animus quidem ad eum, composita cum diuina, vt decebat, voluntate hilariter offerendum; nunc tamen si tardius illum offero, & cum eo me ipsum in amoris holocausto absumendum; quippe si me medium secuerint, si digitos singulos singulis ictibus per dies totidem lento supplicio truncauerint, si quolibet cruciatu tentauerint: totum hoc ad diuinorum beneficiorum nomina compensanda quantulum esse arbitraris? Deo meo fido, me illius fidem nunquam negaturum. Abeuntem vxor in hæc ipsa verba prosequitur, cum cæteri torquebantur, oculos in cælum diuertere, vnde veniat auxilium tibi, humanum est, sæpe grauius metu malo torqueri. In cælo habes quod spectas, præmium quod expectas. Dies aliquot, qui proximè præcesserant, ægritudine correptus ficcam mortem exhorrebar, Deo recuperatam salutem gratulabatur, quam Deo redonaret. Euocatus pridie vt in eorum tabulas referretur, qui se sua sponte cruciatibus erant oblaturi, tanta festinatione accurrit, vt pede lapsus satis grauiter offenderit; monitusque vt gradum moderaretur, ita respondit: Indignum & nefas arbitror diuinis in obsequijs moram trahere, tum maximè, cum occasio capillatam frontem subducens, caluum occiput exhibet tardius pœnitenti. Eadem supplicia parem cum cæteris animum inuenerunt, prensatis tamen tibijs, cum illi doloris sensus elatiorem vocem inuocato Iesu expressisset, visus est carnificibus posse animo deficere; quibus

*Ingens patiens
endi desiderium.*

*Currit ad
martyrium.*

quibus ille; supplicia inferre pro arbitrato, de neganda fide silentium vobis indico; tum laboribus cæteris herculeæ defunctus, mortalitatis hydram extremo ictu truncus amputauit.

Decimus quintus, Thomas Cayxe è pago vicino annos censebat duos & quinquaginta, plures annos Christianis præfuit Ecclesiæ Iaponensis more, cum sacerdotum nostrorum paucitatem suppleret aut absentiam. Sapiens familiaris nescio quis, mentientis famæ rumoribus sparserat nullum eo in pago superesse Christianum: non tulit communem iniuriam Thomas, sed in oppidum bis aduolans, vt tamen in tabulas referretur, præ martyrij candidatorum multitudine non potuerit impetrare. Verum à desperatione consilium sumens, qui nil potest sperare, desperat nihil. Vbi ergo Saffioye iterata prælia cum oppido redintegrare nuntiatur, tertio aduolat, Præfidique se sistens, non inuitatus in nuptias se intrusit, & quia nuptiali caritatis veste seipsum induerat excludi non potuit: & qui nomen suum in libro mortis ascribere prohibebatur, vt in libro vitæ legeretur impetrauit. Tanti ardoris ignis tormentorum aquis extinguere non potuit, sed peculiari præ ceteris hilaritate supplicia prouocans, ceruicem denique præbuit amputandam.

Decimus sextus, Matthæus Araqui huius oppidi ciuis, annum agebat ætatis sexagesimum, de quo præter paria cum cæteris omnia, hoc solum peculiare reperio, quod domo voluntaria victima discedens, salutata solenni cantico, Salve Regina, Dei matre accurrenit, cum prius cum hospite suo militum præfecto, domesticis prælijs fortiter præluseret.

Decimus septimus, Dominicus Yenami, ex eodem oppido annos natus quatuor & septuaginta, dici non poterat iste neophytus ac tiro, sed potius non solo tempore sed virtute quoque veteranus. Cosmas eum de Torres societatis nostræ sacerdos ex primis apud Iapones Euangelij præconibus salutari iam dudum fonte eluerat, Martyrij votum cum alijs octoginta commune statis temporibus varijs pietatis exercitijs in sacello domestico confirmabat; quæsiit ex eo cohortis vnus præfectus, quàm graui odio Christiani suos infestatores prosequerentur? Nullo, ait. Dominicus, sed potius grati beneficium accipimus; vestra enim opera plebeij eo attingimus digni.

*Martyrj de-
fidensum.*

*Martyrj de-
fidensum.*

dignitatis, ut supra reges euehamur; præter beneficium legis nostræ, scita de diligendis hostibus minimè ignorantur. Multa illi promisit iste, si gratiæ defectionem daret, quæ omnia ita reiecit, ut spem illi omnem sustulerit. Hæc primo Sasiøye aduentu contingere; altero exscendentem eundem præfectum excepturus, in portum se contulit, à quo cum Arimensia supplicia ex itinere ad incutiendum metum fœdiora, quam par erat pingerentur, Dominicus ita subiecit: Laureatus mihi nuncius aduenis, hinc enim coniecto non inferiora nobis quam Arimensibus tormenta debent. Ad me quod attinet dies iam plurimos eam sortem præstolabar eò ardentius, quod inclinata iam ætas longiores non fert moras, & maioris meriti cumulum festinat implere. Die igitur insequenti cum rosarij precatorij mysteria decurrisset, salutæ Virginis auxilio fretus descendit in arenam, in qua simili fortitudine paria perferens supplicia demum obtruncatur. De quo peculiare illud retulit ethnicus belli dux, quod caput sua sponte ad truncum redierit, corporique coniunctum oculos in cælum sustulerit, ac si abeuntem animam exanime spectaret. Eam rem stupuisse scribitur Ethnicus, nec minus tantam in ea ætate fortitudinem admiratus.

Decimus octauus, Matthias Araquæ eiusdem oppidi ciuis, annos vixerat duos supra quadraginta, quos inuicta constantia cohonefians, medio in curriculo metam est assecutus. De illo peculiare nihil inuenio, sed vulgaria non sunt omnia quæ cum alijs obtinemus.

*ALII QUATVOR AD MARTYRII LAVREAM
Nangasaguo accurrentes pertigerunt.*

CAPITULUM X.

QUOD ardebat in Arimensi agro incendium, suo calore per vicina loca vulgabatur. Nangasaguienses eo accensi, aliquot ad spes proximas, in hunc portum diei vnus itinere nauigauerunt, è quibus quatuor duntaxat animam tormentis iam sæpe tantatis expulerunt, vnus supplicijs superstes Domini nostri Iesu Chri-

su Christi stigmata vulnerum suorum cicatrices in corpore suo portat etiamnum. Sed de hoc suus erit proximè dicendi locus : Nunc eos prosequimur, qui vitam in hac causa posuerunt.

Primus fuit Georgius Acafóxi & multis nominibus primus, ætate, nobilitate, pietatēque conspicuus. Fingensis regni natale solum agnoscebat, annos porro quatuor & sexaginta natus, matura morte non immaturam clausit ætatem. Is nobiliter natus nobilitatem virtute militari ita cohonestarat, ut alius nemo toto Fingensi regno fortior haberetur. A puero Christianus miles Christo nomen dederat, & ita serio, ut Canzuidono Fingensis tyrannus, eum aggredi ausus non fuerit, sed cum eo dissimulans religionis odium bellicæ virtutis opinione temperauerit. Eo mortuo dynastæ filij moderatores ac tutores, quem non potuerunt expugnare, exutum fortunis relegarunt. Sed cum Ximadonus alter dynasta suscipiens duplicato proventu ad se inuitauit. Verum ipse quoque in hac procella Imperatoris metu Georgium promissis lacessens quem minis expugnare desperabat, hoc ab eo responsum accepit, Non si mihi Ximadonus ditionem suam vniuersam, non si lapponse Imperium tradiderit Imperator, Christi fidem eiurabo. Dimissus igitur Nangasaquium cum sua paupertate se recepit, ubi toto ardore Christum colens prælagire quod optabat, accurata comparatione videretur. Post commune Pastorum exilium eo se recepit, ubi ad spes martyrij, proxima spes aspiraret. Cum igitur venisset Cuchinotzu, omnem lapidem mouit, ut in eorum tabulas, qui ad martyrium aspirabant referretur. Sed præ candidatorum ciuium multitudine externus admitti non potuit. Non dum tamen abiecto clypeo cum sua spe venit in arenam, ut vel martyrum intueretur victorias, eisque ad tormenta sufferenda animos iniiceret. A qua tertio per vim reiectus, tristis domum se recepit. Et cum domi suæ à Domino ardenti prece contenderet, ne diutius repulsam pateretur, in ea oratione occupatū satellites, qui per domos excurrabant, inuenerunt, à quibus interrogatur, esset ne Christianus? affirmantem vrgent, ut esse nolit quod à puero fuerat, quibus Georgius, non sum ego puer, à quo in re tanti momenti mutationē

Georgius Acafóxi martyrnum quem nec inuenerunt.

possitis expectare. Georgium cætera satis notum etiam corporis proceritas & alterius oculorum orbitas facile prodebat. Agnitus igitur terrori fuit, & ad eum vinciendum triginta ferè milites euocantur, quos ille à metu liberos ijs verbis esse voluit: laudetur Deus, qui Christianos docuit hoc se casu armis non tueri. si qua alia ex causa vincla pararetis, proclive mihi erat inermem solis calcibus quatuor è vobis quinque solo affligere; Sed absit hoc ab eo, qui vincula Deo gratulatur, eiusque nomini consecrat.

Sistitur ergo præfidi, sed agnitus soluitur, & vrbane rogatur vti cum patrijs dijs redeat in gratiam, in hoc ipsi Cæsari obsecutus. non decere strenuum virum inferna supplicia formidare, vel Imperatoris toriusque nobilitatis societatem, si eò descenderit, detrectare. Cui Georgius iocanti seriò ita respondit, Si nosse præses, æque ac norunt Christiani, quid sit illud quod infernum barathrum appellamus, satis certus sum, te alia consilia tibi sumpturum, alijs ingesturum, alia in re qualibet facile erat obsequi, sed vbi æterna salus tangitur, ne verbo quidem solo reiici debet. Domum ergo remittitur. iubeturque responsum accuratiùs meditari; sperabat enim posse Georgium coniugis ac propinquorum precibus reddi molliorem, sed vt abiret impetrari non poterat, nisi postquam præses sanctè affirmavit, eum se denuo vocaturum. Egrediens neophytum sibi notum cum alijs aliquot, vincula indutum salutatin hæc verba, Quàm gloriosi mihi videmini cum his in Christi causa vinculis, nolite ab incepto desistere vllò suppliciorum metu, quæ enim vna hora torquent, æterna mercede donantur. Confidite in domino qui vires non negabit; ego domum remittor inuitus, sed ea spe, quod sim denuo euocandus. Cum rediret, cohortis vnus præfectum inuenit, qui cum suorum militum manu Georgij ædes inuaserat, velut heroiam mortuo destitutas; excepit illos perhumanè primùm, sed in Christum blasphemos deinde non tulit, sed increpitos in hæc verba compescuit: sectæ Iaponenses ad vnâ omnes salutem spondent, non conferunt: Christi fides quod spondet exsoluit; ideo quod vnum cæli terræque conditorem Deum, agnoscit, eundemque bonorum ac malorum remuneratorem mortaliumque seruatorem veneratur. Qui huius veritatis lucem semel con-

*Comprehensus soluitur
& domum inuitus remittitur.*

conspexerit vltra cæcutire non potest aut fidem negare, vel solo vnicóque verbo. Sed contra, pro ea veritate tuenda, quam horremus mortem, suppliciaque prouocat, votis quibus accenditur.

Sensit tandem voti se compotem breui futurum, salutatisque amicis, festiuore cultu hilaritatem animi declarauit. Præses igitur eum ad se vocat, ad quem cursu iuueniliter incitato moram redimens ire pergebat, præstolabatur eum ex itinere Naiquidoxo primarius Surungadono familiaris, Cui salutató iter decurtaturus iudicum sententiam indicauit, Non decet te virum nobilem ac strenuum plebeia manu truncari, hic ego te præstolor, vt mea manu honestior moriaris. Hic Georgius exultare, gratijsque habitis rogare vti spacium breue morituro concederet ad ea præstanda, quæ Christianæ leges id temporis exigunt. Concessit alter prolixè quod petebatur. In genua ruens Georgius erectas in cælum manus attentissimæ precationi coniunxit, paulóque pòst cruce se muniens solennem confitentium formulam idiomate vernaculo vsurpauit, ac deinde cælum intuens erecta manu percussori signum dedit, à quo primo ictu obtruncatur, & mox truncum caput suo loco reponens decenterque operiens famulis heri sui sepeliendi facit facultatem. Ea res in vigesimum tertium Nouembris contigit, ethnicósque admiratione compleuit illius legis, quæ nobilissimis viris fortunarum contemptum mortisque desiderium tanta cum hilaritate persuaderet.

*Tandem Georgius
si combos capite
truncatur.*

Secundus, Thomas Teramáchi, annorum quatuor & quadraginta è regno Chiunga aduena. Is in ætate teneriore à belli fortuna seruitute damnatus herum habuit Christianum, apud quem breui bis libertus corporis animique excussit seruitutem. Nangasaku in æde nostra Christo nomen dedit, libertate recuperata negotiationi paruis initijs pro tenuitate sua operam dabat, sed non exiguo quæstu, quem ars artium quæstuosissima Christiana munificentia captiuis redimendis, visendis agris cæterisque huiusmodi operibus congregabat. Totus erat in sepeliendis mortuis ac missæ sacrificio iuuandis: si quem nosset ethnicum ad Christiana sacra propendere, conquisito ad prælectiones quibus imbui cum oportebat, ducem se præbebat, qui si tenuior esset, in Thomæ charitate

*Vita ante
martyrium
sanctæ acta*

domo exceptus, tenuitatis nesciebat angustias; & qui aliena curabat, à se ipso sumebat initium. Corpusculum enim suum ad ceteros labores ita tractabat, ut trium sibi dierum qualibet hebdomade ieiunium indiceret, & quotidianæ flagellationi cilicinam vestem adderet. In solenni quadraginta dierum ieiunio piscem sibi ac vinum interdicebat. Nec his contentus, annum integrum, qui martyrium proximè præcessit, in solitudinem se recipiens, non procul Nangasaquio cælo propiorem vitam in monte transegit, ea vitæ sanctitatis opinione, ut ibi martyrij cyrociniū censeretur decurrisse. A^o Nouembri quippe mense in Nouembrem alterum, solitudine exercitus fidem solenniter est professus; ac licet ut in martyrij candidatorum tabulas referretur, extorquere præ multitudine non potuerit, non euocatus tamen supplicia euocare visus est. nam in mediam militum turbā audenter ingressus, à custodibus ex editiore loco excussus spes suas desperavit. Ergo Nangasaquiū se recepturus scapham cōquirebat: verū diuina eū manus inhibuit, itaq; omnia designauit, ut nullam inueniret, ex eo quod Sasioye, ne quisquam se inconsulto fugā adornaret, omnes impediuerat. Cū ecce tibi postridie militū p^{er} domos cursantiū manus in Thomā incidit, apud quos, cum quæsitus se Christianū profiteretur esse, ac semper fore, ad præsidem adducitur, à quo nudatus vinctusque, cū fide sua spoliari nō posset, & in Christi confessione libertatē vinctus reseruaret, mortis sacræ cōpendio cetera supplicia abruptens iubetur obtruncari.

Tertius, Petrus Cabáxima quinque annorum ac viginti, tertium locum obtinuit. Ex eodem ille regno Nangasaquium veniens Christum agnouit, in æde nostra baptismum suscipiens, quinquennium vix expleuerat eo virtutis ardore ut veteranum diceres. In breui consummatus expleuit tempora multa: Oriza distrahenda vitam sustinebat; sed ita tamen tempus partiebatur, ut quotidie decies quinquies è sermo precatorio Deiparæ coronam texeret, postquam ante lucanis horis oratione, quæ sola mente decurritur è Christi vita selectum aliquid commentatus, sacrificio missæ interfuerat. Intra octauum quemq; diem bis indicta sibi inedia corpusculum fraudabat. Illo quod à Christi fide suscepta primum habuit temporis lapsu solenne ieiunium, non nisi semel quotidie se reficiebat,

*Ad martyri-
um se Giliro
ingressi.*

*Petri Cabá-
xima vita
ante marty-
rium.*

bat, exclusa quæ permittitur cænula: quadraginta sequentis anni dies Oriza sola, cui ad aquam & salem nihil accesserat, victitavit. Tertiam redeuntis anni ieiunationem quotidiana flagellatione & insuper cilicina veste exasperavit. ita annis singulis ascensiones in corde suo disponebat donec videret Deum in Sion; à coniugio se per vniuersam vitam continuit, vulgòque credebatur voto se castitatis obligasse. Ad hæc mense quolibet pœnitentiæ se & sacræ synaxis sacramentis accuratè comparatus muniebat; frequens amicis distabat oportere Christianum vbilibet etiam vicos terentem Christum in cruce pendentem animo velut oculis exhibere, nullum finem faciebat suæ vocationis ad fidem, beneficium Deo gratulandi. Venit igitur cum cæteris ad martyrij speratam lauream. Captus est à militibus qui eum ducem sequebantur, à quibus ad præsidem raptus cum in cælum oculos defixisset orationi quam decurrebat intentus, à præside interrogatur, quid esset in cælo quod ita intentè suspiceret, & quid secum tacitus mulsetaret? cæli terræque conditor, inquit hominûmque seruator, à quo singuli operum suorum stipendia sunt accepturi, cœlestem boni gloriam, infernas pœnas mali, æternum vtrumque. Deum illum adoro ac veneror, cuius beneficijs vitam redditurus hic asto, meque oratione munio rem tantam aggressurus. Apage, inquit, istas nugas, teque patrijs dijs eiurata religione barbara quam nuper suscepisti, restitue. Subrisit modestè Petrus in hæc verba respondens, Nangasa quio veni quæsiturus quod teneo, qui patiar è manibus elabi? facerem profecto quod ineptè faceret, qui longa nauigatione perfunctus ab ipso portu regressus, tempestatem naufragiûmque certissimum, in altum se referens, prouocaret. Eo responso nimirum crabrones irritauit, à quibus nuditate, vinculisque damnatus, cum nullum finem faceret suauissimum Iesu nomen inuocandi, carnifices duo bacillum in os transuersum ingerunt, eumque medium crudeliter extrahentes genam vtramque lacerarunt. Inimmani deinde tibiarum prensatione milites octo extrema ligna saltu corporisque pondere deprimentes horribiliter eum cruciarunt. Sed cum inuictus eius animus nulli malo cederet, nitentis in genua & Iesum inuocantis decusso capite animum excusserunt.

*Eiusdem di-
ra supplicia
& mors.*

Quar-

Quartum, Thomam Firay regnum Chicungo, annos iam duos natum supra triginta martyrem dedit. Decennio ante Nangasaquium venerat Christum agniturus, quod ita seriò fecit, ut Iaponicè ac Lusitanicè legere didicerit, ideo solùm, ut pios libellos, qui vtriusque gentis characteribus idiomate Iaponensi prodierant, legeret. Martyrij desiderio accensus amicos vndecim adduxit, ut instituto inter se sodalizio, ad ponendam pro Christo vitam iureiurando tenerentur, cuius hæc erat formula, quam illius manu scriptam, postquam obierat reppererunt. Spondemus quotquot huic formulæ manu nostra subscripsimus, ad honorem sanctissimæ Trinitatis, quod tamen procilla in Christianos atrocissima excitetur, Iesu Christi fidem nunquam simus negaturi. Quin potius ubi de illis inquiri cæptum fuerit, spondemus nos in eundem locum conuenturos mutuòque ad sanctissimæ fidei nostræ confessionem perpetuo retinendam cohortaturos. In cuius rei fidem sua quisque manu subscripsimus. Aprilis 27. Salutis anno M. DC. XIV.

Cum Idem Nangasaquio venisset Cuchinotzu, obuios habuit Sasioye famulos, à quibus agnitus suspicionem dedit illius quod venerat, quæsiturus, vrgetur igitur audiente Sasioye ut esse desinat Christianus, quibus Thomas: veri Christiani à suscepta fide nunquam deficiunt, audijt Sasioye & ad eum conuersus, Quod iuuentutem tuam decet, id age, cætera prætermitte. Nangasaquio, inquit, Thomas, huc veni pro fide Domini mei Iesu Christi moriturus; millies id faciam potius, quàm eum negauiero, liberiore responsio actus in rabiem præfectus, iubet eum nudum vincitumque ad præsidem raptari, cuius iussu cùm prensatis tibijs sibi constaret, hilariter dato capite seipsum coronauit.

ALII QUATVOR SVPLICIIS SVPERSTITES
longam mortem viuunt.

CAPVT XL

IN hac postrema procilla cum duo supra quadraginta mortalitatis naufragio immortalitatis portum tenuerint, non omittendi mihi videntur, qui nondum emensa nauigatione adhuc fluctuant,

Thomas Firay auctor
sanctæ ad
martyrium
conspiratio-
nis.

Capite truncatur.

ant, portúmque insipientes ad quietem aspirant: nam cum tyrannus animos perdere potius quàm corpora cogitaret, hoc vt alias monui sedulus agebat, vt mortem intentaret, non inferret. Verum rabies furentium carnificum & obliuiosus tyrannorum furor tenere se non potuit, quin suppliciorum atrocitatem eo pertraheret, quò vitæ pertingere non licebat. Plerique igitur supplicijs cessare, vitámque tyrannis vel inuitis reliquere: ne tamen deesset Ecclesiæ Iaponensi nobiletanti facinoris monumentum, & ad æmulandam virtutem incitamentum, visum est illi, qui præmia nunquam aufert licet differat, superstites aliquot gloriæ suæ reseruare. Quibus non tantum animi satis fuit ad moriendum in tormentis, sed etiám ad viuendum post tormenta superauit.

Quatuor illos omnino fuisse reperio qui mense Martio anno M. DC. XV. supererant; & quoniam de illorum morte nondum insequentis anni literis audiuius, satis credibile est illos obligatis vulneribus suis vitam in hunc vsque diem protraxisse. Ex prima in oppido Cuchinotzu athletarum turma, tres quos prius comunemorabo censebantur, quartus Nangasaquio cum ijs venerat, quos proximè collaudaui. Inter tres, primus Paulus de Vto Fingensis fuit: isque meritò primus, qui etiam cum octodecim martyribus prima supplicia tulit, verberatus, nudatus, vincus fuit, & in machinam actus, sæpe cantatam, saxi pondere quod illi in humeros ingestum fuit, funes disrupti sunt, ipsèq; in terrâ lapsus grauius afflicus fuit, multúmque sanguinem naribus misit, & lubens digitos pedum, manuúmque obtulit decurtandos, professus se nullis cruciatibus adigendum, vt à corde suo fidem exigere, truncas igitur manus ridente vultu ad pectus iungens, præfidi deinde velut insultans ostenta- uit, crucis porro cauterium immota fronte constanter admisit, ac demum eneruis domum remittitur, vbi cum vulnerum dolore velut quotidiano tyranno fidei suæ causa conflictatur.

Alter Barnabas dicebatur, Sina parente, natus annos octo & quadraginta eadem cum priore tulit, eadè semper alacritate: quòdque magis in eo mirum est, quod natura timidus supplicia sentiebat atrocius, maximè quod gentis suæ in doloribus sensum acriorem à parente trahebat: is licet sine nota, quod alij fecerant la-

Yy

tere

Paulus de Vto post atrocissima supplicia superstites.

tere potuerat, seipsum tamen gentisque suæ vitium gratiæ præsidio superauit.

Matthias Yénsay annorum septem & quadraginta, Coxiró regni Fijen natale solum habuit. Is salutis suæ commodius procurandæ causa, cum alia nulla suppeteret, domi nostræ serui loco famulabatur, peccandi laqueos, vt aiebat, facilius vitaturus, qua re ita se cohonestari arbitrabatur, vt pro tribunali nomen rogatus ediderit, *Patrum famulus*, & aliud nihil. Paria illi cum socijs supplicia fuere, in hoc superior, quod digitos iterato truncari præses iusserit, ideo quod semel truncos sibi velut insultans ostentasset.

Didacus Toyoxima Nangasaquiensis ciuis è borealibus Quantó regnis oriundus, annos numerabat octo & triginta. Is cum cæteris Nangasaquio ad martyrij famam accurrerat, nec tamen impetrare potuit, vt in purpuratorum potius quam candidatorum tabulas referretur, atq; ideo fortunam tentaturus in arenam prodijt, ac socios confirmans comprehenditur, & in mediâ coronam euocatus iubetur Christum abdicare, itane verò, ait, ego qui alios veni confirmaturus, deficiam? Interim auditur illum esse Nangasaquiensem ciuem, ideoq; dimissus magnum doloris sensum præ se tulit, quod sperata illi palma è manibus laberetur. Abibat igitur exclamans, Christianus sum, ideoq; solum excludor ab arena quod certamen in patriam differatur. Abijt igitur, & die tamen insequenti à militibus denuo capitur, nudatur ac vincitur, cumq; adduci nullo modo posset, vt Christianam fidem abijceret, iubente præside nares illi præcisæ manuúmque; digiti decurtati. atq; ita dimissus est constantiæ suæ specimen fœdis vulneribus gloriosè præbiturus: ac tametsi acriter eum pupugerit, quod ex amoris in Deum holocausto viuus exiret, quod tamen signatus superaret, solatium fuit amissæ coronæ non inane. Præter hunc alij tres quatuorue, qui Nangasaquio aduolabant vincti, nudatiq; iussi sunt Nangasaquium redire, ibiq; sperata supplicia præstolari. Qui ex arena discedentes hæc ipsa verba proclamabāt, Christiani sumus & è composito Nangasaquio venimus ad Christum profitendum & supplicia in fidei causa perferenda.

Sed priusquam ab his martyribus abeamus, ad eorum gloriam pertinebit scribere, quod testium fides iurata narrauit. Voluit enim Deus

Didacus Toyoxima præcisæ naribus ac decurtatis digitis suis dimittitur.

Deus Opt. Max. cœlesti calculo præclara illorum facinora illustrare. Quodq; alias accidisse narrat antiquitas, hoc ipsum recentis exempli testimonio confirmatur. Lux nempe nocturna non infrequens ipsum martyrij locū sæpius collustravit, nunc stellas exhibens, nunc ignium sphaeram, quæ in alias deinde plures erumpebat, ignesque illi sursum delati disparebant, idque frequentius Sabbatho ac die dominico, in quos dies illorum certamina inciderant, fertur euenisse. Natalis Domini nocte splendor fuit sua magnitudine insolens, & qui à prodigio nihil discreparet. Quibus neophyti magis magisque non ad venerationem minus quam ad exemplum incitantur, coniectantes eorum in cœlo gloriam, quæ in terram sua se luce diffunderet. Verùm à Sasioye ad alias duas tyrannorum turmas vnus certaminibus defuncti transeamus.

Locus supplicij nocturna luce collustratur.

QVID SATZUMANA COHORS AD ORTVM

in Arimensi agro turbaris.

CAPUT XII.

INterim dū apud Arimenses Sasioye sæuebat, Satzumana cohors ad ortum excurrrens Miyæ & Ximambára cum vicis conterminis seuitura secesserat. Sed lenior fuit isthic procella remissiôrque persecutio. Cum enim Satzumani præ ceteris Iaponiæ populis militiæ leges religiosius obseruare sibi videantur, indecorū putant & vile vulneribus supplicijsq; cum inermi hoste certare, sanguinēque profundere quem neq; militaria iurgia, vel monomachia, vel denique bella prouocarint. Et quoniam Christiani non nisi patiēdo repugnaturi sciebantur, cum inermibus de legum cōtrouersijs certare vile censuerant, maximè quod non nescirent eosdem calumnijs oppressos iniuria malè apud Imperatorem audiuisse, cuius ira mollior futura erat si veritati niteretur. Præmittunt igitur in ea quæ petebant loca, qui moneat horteturq; Christianos vt huic turbini tantisper se subducant, ne cum præsentibus sæuire cogèrentur. Factum est id à plerisque, ne martyrij cupiditas tyrannorum furorem iusto acrius incitaret. Veniebāt igitur Satzumani, & maiore tumultu quàm impetu Christianam rem parū seriò perturbabant; si cuius in cœdibus absente patrefamilias è famulis aliquē deprehenderāt,

Satzumani in Christianos ut inermes, milites agunt.

Y y 2

isque

isq; parùm cordatè segereret, adscripto illius nomine contenti, de cetera familia nihil admodum laborabant, ita perfunctoriè omnia peruagati, in neminem nisi volentem, seque magno Spiritus ardore ingerentem inuiti sæuierunt; è quibus cum altero vinculis solum, cum altero etiam supplicijs ad territandos cæteros decertarunt.

Prior Paulus Vchibóri Ximambáræ natus, damnata quam ingredi potuerat fuga, maluit sortem suam præstolari, quàm tormenta declinare. Ita nonnunquam Spiritus Sancti vnctio diuersis primòque aspectu pugnantibus ad salutem vijs, electos suos solet inuitare: in hoc enim euentu quosdam docuit publica rei Christianæ commoda priuatis anteferre, alijs ingessit vt diuinæ gloriæ procurandæ inutilem fugam esse iudicarent. Vtrumque placet probare, neutrum reiicere. Ergo postquam cum eo multis ad eiurandam Christi fidem actum fuit, ipseque sibi semper æque constitisset, ab inuitorum manibus vincula prope tandem extorsit. Vincit igitur ad cæterorum metum, vicitim vna cum tota cohorte circumraptabatur, ac tandem hac secura liberaturi in Arimensem custodiam ad Sasioye illum amandant. Ibi incredibile est, quanto ardore, quanta in publicis vinculis pateretur. Carcer erat in aprico campo sub Ioue gelido, solis vnde quaque repagulis libertatem cœrens, quod apud Iapones non est infrequens, caueam dixisses potius custodiendis feris, quàm reis accommodam. Tempus erat, quale in Iaponia esse solet Nouembri mense asperrimum, gelu niuibúsque etiam ijs terribile, qui cœli iniurias domesticis parietibus arcere conantur, ipse seminudus, præter vilem stoream nuda in humo dormiturus, aliud nihil habere sinebatur, & tamen tanto ardebat diuini amoris igne, vt in corpus caloris communionē vulgaretur, eo donante, qui dat niuem sicut lanam, & facit cum tentatione prouentum. Nam cum ad expiandum nocturnis latebris tectus, corruptis largitione custodibus, sacerdos noster adrepisset, hominem miseratus quærit, qui fieri possit, vt eo frigore eaque nuditate non rigeat, Cui Paulus affirmavit, se nullo planè frigore correptum, aëre frui vel maximè temperato. Quod qui naturæ viribus factum putauerit, velum vt suas vires in eo frigore

*Paulus Vchibori sub Dio
et asperrimo
gelu aërem
sensit temperatum.*

gore experiatur. Tandem cum ipse mortem in Christi causa lætus expectaret, spe sua excidit, ideo quod fratris gratiæ, qui Ximam-baræ Primus erat, vitam dederit, aut potius mortem distulerit, domum enim cum vinculis remittitur, dum extrema de illo sententia statuatur.

Meliore adhuc fortuna usus est Adrianus Quindo Tacayemón, cum enim Paulus vicatim circumtraheretur, Ariye nobili in vico Adrianus occurrit, & egressus domo Christi pugilem perquam officiosè salutavit. Quæritur ex eo, quid sit, cur hominem reum tantopere veneretur, sitne ipse quoque fortè Christianus: venerator, inquit, pro merito strenuum pugilem, qui pro rege ac Domino Iesu Christo tot labores tolerat, Scitote quoque me cum illo æquè esse Christianum. Fidem igitur, aiunt, ac legem tuam nega, sin, paria cum eo vincula præstolare. Adrianus porro: neque fidem, neque legem meam nego, sed libens pro utraque cruciabor. quibus dictis domum remittitur, iubeturque intra eam, quid de eo statuatur præstolari. Non diuturna fuit mora, nam breui reuocatus ad defectionem acrius lacessitur, constitit sibi fortiter Adrianus, & mox manus, brachia, collum ipsum asperrimo vinculorum genere induitur, & vicatim raptatus cum nihil vrgentibus spei daret, dexteræ manus vno digito truncatur, iterumque lacessitus sua firmitate carnifices adegit, vt sinistrae manui alios duos totidè ictibus amputarent, idq; ad doloris sensum augendum ita lento supplicio, ac si serra finderentur. Ferebat omnia, vel nullo, vel dissimulato dolore, quin potius subridens exclamabat, Benedictus sis Deus meus pro eo beneficio, quo me afficis immerentem: cùmque vltèrius rogaretur, num in eadem sententia persisteret, affirmanti nares excinduntur: tum deinde vestibus omnibus nudatus, cruore ex vuneribus diffluens, cohortem quocunque iret iubetur comitari, donec in pagum Sucáua intra quartam leuicæ partem constitutum deuenitur. Ibi à Iudicibus interrogatur, quid esset causæ, cur legis suæ retinendæ studium Christiani vitæ anteferrent? ita respondit, Ideo quod extra hanc legem salutem nullam reperiri credamus, ac deinde de Deo homine ita diuinè perorauit, vt dicere nihil ethnici dubitarint, Qui talia sibi persuadent, quid mirum si pro Deo suo

*Adrianus
Quindo lentus
supplicij ad
defectionem
solicatus.*

*Adriani com-
pantia, ora-
io, & mori.*

hilariter moriantur? Die insequentem cum ad eum filius nescio quid edulij detulisset, à custodibus rogatur, vt à parente defectionem impetret, amore illum expugnaturus, qui timorem superaret. Verum Adrianus à filio conuersus ad importunos hortatores fidei nostræ mysteria vrgentibus ingessit, orationemque ita conclusit, Si quod credimus, Dei filius homo factus pro mortalibus tot tantâq; tolerauit, cum id mea priuatim causa fecerit, non sum Seruatorem meum, tamen si discerpar in frustra, negaturus, nihil est quod vltra vrgear, certum habeant, me nunquam ab eius lege discessurum. Quibus dictis ad cibum sumendum se, præmissa prius oratione, actisq; postmodum gratijs in genua nixus accinxit.

Nullus fuit eius regionis pagus vicusque qui non raptatum spectauerit Adrianum, & quoniam grandiori ætate prolixo in itinere multum sanguinem miserat, aliquoties deficientibus viribus in terram ruit. sed cum immanes carnifices calcibus, fustibusque contusum erigebant. Continuum orationem decurrens, cum aliquando pietatis sensu suspiraret, milites pusillum animum interpretati obiecere, Quid tu degener quereris, cum tua culpa pertinaciâque crucieris? facile apparet, refert Adrianus, vos nondum in cordis mei abdita penetrasse, neque enim hæc suspiria mæsticiam metumue redolent, cum mihi mors ardentioribus quàm reliquis vita sit in votis, è diuinorum beneficiorum commentatione, & huius maximè, quo me sua in patiendò similitudine dignatur, hætenus eruperunt. In quo responso Satzmanorum militaris animus habuit quod satis miraretur. Denique cum de nouo acriusque breui moriturus vrgeretur ita respondit, vultis à me naufragium in portu extorquere? Quibus dictis iunctas ad pectus manus ambas in crucis figuram componens, Iesumque ac Mariam inuocans, reliquum truncatis cervicibus sanguinem constanter effudit.

*Adriani ante
martyri-
um exerci-
tia.*

De quo elogij loco nonnulla subiiciam. Ariæ annos viginti nouem natus, Christianæ militiæ nomen dedit, in qua ad annum sexagesimum, emeritis stipendijs, æterna hodie rude donatur. Habebatur inter neophytos aut ardentissimus aut in primis. de quo Michael primus Arimēnsis agri martyr dicere solebat, dùm viueret, fore vt Adrianus Ariæ, si quis alius, procul dubio pro Christo moreretur.

reretur. Christianæ doctrinæ rudimenta, orandi modum & sacramentorum vsum aptè libenterq; quos poterat docebat, sacerdotum nostrorum penuriam vel absentiam vicario labore supplebat. Infantes, si quando necessitas vrgebat, eluebat, infirmos vifibat, tenuiores sustinebat, mortuos, tametsi ethnici essent, sedulo sepeliebat, ac neophyto, cui ea res immodica nimiaque videbatur, respondit, dum inter opera, quibus alienam miseriam subleuamus, sepeliri mortui iubentur, eam rem nullis hominum limitibus coarctari. Arsit semper martyrij desiderio, etiam dum Taicosama olim fureret. Cum enim placuisset Christianæ religionis arma tantisper seipone, ipse etiam cum capitis periculo precatorios globulos è collo gestabat, donec ab vno è nostris admonitus, publicæ quieti ac cæterorum cessit authoritati. Si quando quempiam pro Christo extinctum audiebat, ipse in seipso sancta inuidia correptus, antiqua sua vota renouabat, non diffitens id quod agnoscebat, esse se tanti boni gloria perindignum: si quis inter supplicia titubauerat, diuina iudicia reformidans perseuerantiæ donum extollebat. In hac procella ita desideria excreuerant, vt latebras suadenti filio ex ætate argumentum sumentis responderit in hæc verba, Annos attigi sexaginta, vincula nondum expertus, nec tamen id ætatis horreo, nec vitam in hac causa ponere reformido. Cum filijs valefaceret obuium Paulum excepturus, donatos sacra sua supellectile & opportunis præceptis institutos dimisit, primogenitum in hæc verba allocutus, Abeo nunc quidem pro Christo moriturus, Tu vide quid egeris, si victoriam de supplicijs desperas, fidei tuæ thesaurum intra latebras abde conferuandum. Quod cum dixisset, festam vestem induens ad publica certamina prodijt, domesticis generose defunctus.

Martyrj desiderium.

*TERTIA COHORS, DVM QVATVOR CRV-
ciaret, duobus vitam eripuit.*

CAPVT XIII.

ACies Firandensis cū suo duce Chingiuā, Obāmam & loca contermina discutienda suscepserat, quæ Satzumanæ nō absimilis satis pfunctoriè decurrebat & quasi coactus illi^o cohortis pfectus, vt seuerius

seuerius ageret, cum quatuor ad se delatis adductus est. Meminisse nos oportebit, inter prima Arimensium prælia, nobiles aliquot familias atroci proscriptione damnatas, posteaquam dignitates, annuos census, patriamque dimisissent, igni & aqua publicè interdictos, in secretiora Arimensis agri loca secesisse. Exijs quatuor, quorum nomina mox, cum de singulis pauca dixerimus, subiiciemus. His in edito monte, cum rupes specum præparasset, eo se immiserunt vnà cum suis familijs exilio suo latebras quasituri, neque enim abire aut vsquam habitare sinebantur. sub ea rupe quanta tolerarent, facilius erit cogitare quàm dicere, nam ad cetera incommoda, extremaque paupertatis angustias, aqua ipsa asperitatem loci refugiens erat quàm longissimè conquirenda & in arduum magno labore euehenda. Hæ latebræ proditorem apostatam nescio quem minimè latuère, qui ex alienis malis gratiam sibi procuraturus, cohortis præfecto latebras aperit. maluisset ille quidem nescire quod sciebat, ne id agere cogeretur quod nolebat, sed cum tandem ea res multorum indicio in publicum erupisset, maluit præfectus alijs quàm sibi nocere. Euocat igitur proximi vici capita, & grauit increpat, quod igni & aqua publicè interdictos apud se latere permisissent, neque fouere dubitassent. Simul iubentur eos ad se victos pertrahere, pertinaciæ suæ culpam luituros. Redeunt ad eos pauidi multisque lacessunt renitentes, vt externis saltem signis non nihil de suo rigore remittentes illorum quieti consulant, à quibus non sine periculo adiutos esse se fatebantur. Voluissent planè athletæ Christiani hospitum suorum indemnitati consulere, si cum diuinis legibus sartaque fide beneuolentia illa stare potuisset. Officiosus itaque verbis culpam deprecatus, inurbani videri quàm infideles esse maluerunt; & id quidem eo rigore, vt grauitær pœnituerit exijs vnum, quod officiosius sibi locutus esse videretur. quam culpam qualis qualis illa fuerit, cum ad suppliciū raptaretur, seriò à se remouens, & satis religiose exponens, videri noluit remissius in retinenda fide locutus, cum laxius aliquanto se reciperet conaturum, vt beneuolentia nihil caperet detrimenti.

Ad præfectum igitur è cauernis suis leones educuntur in arenam prodituri, triduum certis in ædibus deponuntur, dum Sasioye
moni-

monitus de illis statuisset. Statuit igitur in hanc iniquissimus iudex sententiam, ut quatuor viri isti, quia Christiani, & quia fidem abdicare noluerant, ideoque fortunis omnibus excidentes, herilibus dynastæ Arimensis obsequiis se subdlexerant, naribus ac pedum manuumque digitis truncarentur, frontemque candenti ferro inustam gestarent, ac deinde viuere sibi ad pœnam cæteris ad exemplum finerentur. Ea sententia octauo ac vigesimo Nouembris die Obâmam venit, & mox præfectus in forum delatus, eo in loco, ubi crux superioribus annis prodigiosa prodierat, sibi tribunal erexit, & notari fortasse non ineptè potest, Iudices istos sibi plerisque in locis, torquendis neophytis sacra prius loca sacrificij quodammodo aram diuino planè ex nutu elegisse, quod ipsa locorum recordatio Christianis esset ad fortitudinem cohortatio. ita Arimæ, ita Cuchi, norzu & alibi factum vidimus, ijs in locis ubi sacræ steterunt ædes, aut Societatis Ecclesiæ, supplicia publicè fuisse constituta. Singuli ergo singillatim ad iudicem pertrahuntur satis læti, quod desperatam tantæ exilij mora martyrij coronam ad spem proximam reuocarint. Qui solutos adduxerant, cum vinciri illos oporteret, ut præfecto sisterentur, satis timidè ad eos vinciendos accedebant, non innocentia solùm opinione, sed multò magis ex antiquæ nobilitatis gradu, qui plebeios homines ab inferenda vi cohibebat. Verùm Christi milites nouam militiam edocti, quæ ipsi horrebant, molliora reddiderunt. Ipsi enim seipsos, quoad fieri potuit, vinculis induentes, tandem ut vincirentur impetrarunt, professi nihil esse quod magis, quàm admissa pro Christo vincula, gloriosæ initium mortis, optarent.

*Sapientia
sententia qua-
tuor isti ad
supplicia
damnantur.*



GERMANI GROSQVE ET ALIORVM SVPPICIA
CHRISTI CAUSA EXANCLATA.

Adducuntur igitur ad iudicem singuli, & primus Germanus *Germani*
 Gorosué annos natus vnum & quadraginta, ciuis Obamensis, *Gorosué*
 qui cum pronunciatam adhuc de se sententiam ignoraret, eamque *supplicia*
 capitis esse arbitraretur, in genua ruit ceruicem oblaturus. Verum
 in nuda humo extensus, transuersis palis in crucis modum alliga-
 tur, & Christi cruce nihilo tepidior suo cauterio latus insignitur,
 tum ad pollices ceterosque digitos sigillatim truncandos deueni-
 tur, quorum etiam nares fortunam subiere. Quæ supplicia omnia
 constantia pro Christo certantis eludens non corpore minus quam
 animo immoto suscepit, soli linguæ ad inuocanda sacratissima Iesu
 ac Mariæ nomina motum imperans.

Alter Michael Toyemón annos septem & quadraginta Oba- *Michael*
 mæ natus, is eadem supplicia pari sustinuit animi firmitate. De qui- *Toyemón.*
 bus hoc solum querebatur, quod essent exigua, sibi que martyrij, vi-
 ta superstitæ, palmam inuidissent, quanquam hac in re ita suis votis
 indulgebat, vt tamen à diuina voluntate nusquam discederet. Vter-
 que post hæc supplicia in eadem arena (erat enim ad mare consti-
 tuta) duos dies supra viginti vulnerum dolorem, famem, frigus a-
 liæque sexcenta incommoda rustico mapali exceperunt. Nanga-
 sa quo tamen, corrupta custodum qui assidui aderant fide, subuen-
 tum illis fuit, quantum inhumanitas humanitati permisit. Hi duo
 longum martyrium ingressi, viuunt etiam nunc cruce ceterisque
 supplicijs insignes, & indies mortem viuunt inter longa supplicia
 diurnam. Qui sequuntur duo intra eandem suppliciorum aleam
 martyrij iactum seipsis abiectis coniecerunt.

Ioannes Fayemón tertius, annos natus quinque & triginta O-
 bamensis, cum in arenam prodijisset, coniectis eum in locum ocu-
 lis, vbi crux olim steterat facta prece sanctissimè testatus est, se non
 digitos ac nares solum, sed quidquid haberet lubentem in hac cau- *Ioannes Fa-*
 sa offerre, vt diuinis beneficijs gratus suisque sceleribus pœnitens *yemón ex fri-*
 aliquid tribueret. Excepit igitur supplicia fortis animus & corpo- *gore obrigit,*
 ri suos dolores latus imperauit, totamque eam noctem cruore suo *post suppli-*
 non indecorè sordidus in arena volutatur. Nec fuit qui à custodi- *cia.*
 bus extorqueret, etiam haustum aquæ præbiturus. Concubia ni-
 hilominus nocte neophytus vnus aliquis ad eum dormitante iam

custodum fide lentus adrepfit, cūque vt Christi Domini meminisset, admonuit. A quo etiam retulit dignum hoc posteritatis memoria responsum. Ab ineunte Martio crucem non vnā in rei familiaris angustijs exegi. cum præter non ingentem specum ad familiæ totius angustias coercendas aliud nihil superesset. Hodie digitos narēque obtuli, deque ceteris nihil sibi mea vota reseruant, quibus omnibus in spem adducor fore vt clemens Dominus meamihī peccata indulgeat, æternāque vitam largiatur: nec votis suis excidit, viribus quippe ex nimia sanguinis missione cœloq; frigido destitutus, die insequenti nono ac vigesimo Nouembris obriguissē reperitur.

Postremus fuit Saluator Fachiró, annos natus sex & viginti, Chingiuæ natus, iuuenis erat, in quo cum ætatis flore venustas conspirarat. Ergo vt eum præfectus est intuitus, subitò exui mandauit, O infelix iuuenis, exclamat, id ætatis ac formæ ad mortem venis huius causæ vilitate sœdatus? Vtinam esset in mea manu paratis te supplicijs liberare, quod in tua esset manu (quod factururus non es) si barbara sacra tantisper eiurares. Quod quia non facis, Imperatoris ac Sasioye voluntati cogor etiam nolens obsecundare. Cui martyr ita respondit, Propensæ gratias habeo voluntati, petoque vtī mea causa dolere desinas, eo ipso quod ego volens libensque suscepi, votisque omnibus affectaui: nihil enim est, quod æquē cupiam ac pro Christo meo pati quamplurima, quibus Deo gloriam, mihi æternam vitam paro. Vtinam ea supplicia quæ tantopere horres plura essent ac maiora, neque vitæ conseruandæ parum vtiliter famularentur. Pronunciata igitur publicè ex omologesis formula, cum eam orationem, quam Dominus docuit, Angelicæ salutationi præmisisset, ad paria cum socijs supplicia constans admittitur: bi-duo superstes, eo ipso in loco vulnere dolore, quæ nemo obligauerat, frigore, alijsque incommodis animum expulit diutius viuere renitentem. Omnium coniuges ac filij suæ paupertate diuites, aliquandiu magnas rei familiaris angustias experti sunt, sed demum alienis ædibus crediti nihilo prope melius quàm in sua cauerna commorantur.

Saluator Fachiró post supplicia bi-duo superstes moritur.

TEMPESTAS IN CHRISTIANOS EXORTA,
civilis bello se remittit.

C A P V T XIV.

TAntus erat depluentis in Arimensem Ecclesiam grandinis furor, vt publicæ calamitati nihil intactum relicturus videretur.

Verum ille qui mari & ventis imperat, eique obediunt, effecit, ne tentaretur supra id quod poterat neophytorum grex nouellus, & vt constaret è cuius manu fulmèn hoc à Christianis retortum è cælo vibraretur, inopina bella pacem Iaponibus insuetam, annosque plures ab Imperatore custoditam perturbarunt. Quorum bellorum causas & euentus ideo nunc præmitto, quod peculiarem locum sint in historię serie breui sortitura. Quod nunc ad rem facit, est, quod exercitus ille, qui per Arimensem agrum bacehabatur, ad obsidendam Ozacam cum cæteris copijs in Cami regiones nulla mora accersebatur, cuius belli rumores primum effecerunt, vt per transennam ac velut cursim omnia tractarentur, & Christiani potius terrentur paucorum supplicijs, quàm vbique torquerentur. Et sanè non cursim notari debet, Imperatorem tot annos bella ex vniuersa Iaponia exterminasse, ipsòque tempore cum in Christi fidem laxare cœpisset, bella velut ab exilio reuocasse. Quod ipsum Miacensis illi præfectus, vir prudens & cordatus primis huius tempestatis initijs videtur prædixisse, cum enim de Christi nomine inter Iapones delendo ex Arimensis dynastæ cum Paulo Daifachi controuersiis plus æquo incitatus ageret; illo authore placari non potuit, tametsi diceret prope varicinans, fieri posse vt ex ea re quies publica motus aliquos euocaret.

Reuocatus igitur Sasioye cæterique duces sparserunt, neminem toto Arimensi agro superesse, cui ad Christum profitendū satis animi superesset. Quod tametsi euidenti falsitate ruebat, potius quàm nitebatur, victi tamen esse malebant, quam videri. Ne forte rei male gestæ apud Imperatorem nomine deferrentur. Cui rumori causam tametsi nullam dederint Christiani, plerique tamen adstringi se non putauerunt, vt sparsam nulla sua culpa, non sine

Exercitus ex Arimensi ditione ab Imperatore reuocatur.

Arima re-mittit se persequi.

rei Christianæ periculo maiore, diluerent falsitatem. Nec eam præfecto Sasioye displicuit, non ideo quod non ex animo veller Christi fidem stirpitus, si potuisset, euelli, sed quia desperabat id fieri posse, cognita iam neophytorum firmitate, temporisque angustijs in arctum redactus, lætatur id credi posse, quod fieri posse non sperabat. Cum Christianorum coniugibus ac prolibus, contra quàm minæ persuaserant, nihil est etiam tentatum, nihil in reliquam familiam turbatum, nihil de absentibus, qui se subduxerant, inquisitum, unde factum est, ut tametsi Arimæ & Cuchinotzu nonnulli defecerint, alibi tamen vix vlli, nec ibidem quoque complurimi. Ergo Arimensis agri victoria tametsi non sine sanguine, & aliquorum lapsu, à Christo tamen indubitata stetit, stabitque in ecclesiasticis fastis præter æternitatis memoriam sempiternam.

Abijt igitur Sasioye Nangasaquium, relictis in domestica custodia ad speciem seueritatis aliquot Christianis, & spoliatis militari petulantia neophytorum ædibus, duces crudelitatis suæ vestigia vbique reliquerunt. Ex eius discessu cum non nihil Christiani respirarent, ad colligendas martyrum exuvias, quas posteritatis testimonio, venerationi, exemploque reseruarent, animum adiunxerunt. Otium quoque fuit ijs qui à Christo defecerant, seipsum inspiciendi, inspectaque perfidie suæ fœditate, seipsum exhorrendi, diuinaque iudicia non admirandiminus, quam seipsum non sine stupore recolendi, cum se viderent post tantum orationum, ieiuniorum, cæterarumque corporis afflictationum comparisonem subito corruisse, quos rupe firmiores nulla vi labefactari posse vulgo credebatur. Didicerunt minus sibi fidere, Deo magis. Ex his tacitis apud vnumquemque commentationibus ortus est dolor ille, publicæque pœnitentiæ ardor, quo se lapsi pristinum in gradum reuocarunt. Cum quibus illius Ecclesiæ administri è suis latebris aliquantò liberius erumpentes ita se gesserunt, ut neminem facilitas laxaret, aut difficultas deterreret.

Aderant quidem Christianis Patres sedulo, etsi occultè, hoc persecutionis tempore, eorumque necessitatibus pro viribus succurrebant, ex umbra in puluerem prodire gestientes, ut desideratam cum alumniis suis coronam consequerentur. Sed cum compertum iam

*Martyrum
reliquia col-
liguntur.*

*Lapsi se eri-
gunt.*

iam esset, fidei hostes nil aliud in animo habere nisi ut aduenas omnes expellerent, & eorum subsidio in posterum lapones priuarent, deprecabantur eos Christiani ne se detegerent, eosque prae proprio seruire ope & consilio in perpetuum spoliarent. Hoc enim modo acrior haud dubie futura erat persecutionis atrocitas, maiorque eius Ecclesiae desolatio. ex umbra ergo, ut dixi, per se & alios administratos quos poterant Christianis suggerebant animos, mitescente verò persecutione aliquanto liberius boni pastoris ministerium exercebant.

Nangasaquienses porro, audita è proximo sociorum vel firmitate vel ruina, aduenientem Sasioye sapientius alienis exemplis edocti exceperunt. Qui enim de suis viribus non satis sibi promitterent, in tutum se vel suos tempori subducentes receperunt. Alij Christum propugnaturi in castris fortiter sese tenuerunt, spiritus enim, qui ubi vult spirat, cum quibusdam suspirat in tenebris, cum alijs vehementius incitatus de Christo tuendo conspirat. Cuius ductum qui non sequitur, nã ille deficiet in supplicijs aut tristitiæ tenebris obruetur. Et sanè tantus fuit apud Nangasaquienses nonnullos pro Christo patiendi ardor, ut eo nonnullæ mulieres incitata capilitium sibi deraferint, virilemque habitum mentitæ ad martyrij palmam viriliter aspirarint, ne forte muliebris infirmitas huic certamini non satis apta videretur. Nangasaquium etiam ad speratum tumultus famam religiosi è suis latebris singuli ad pugilum pugnas auxiliaris cohors aduenere. Qui si tenebris se nocturnis tuerentur, non id vitæ desiderio, sed cæterorum bono, salutique faciebant, maximè quod nullo fructu prodituri, martyrij quoque palma ex imperatorijs edictis, ut alibi monui, carituri credebantur.

*Nangasa-
quiensium
mulierum
patiendi ar-
dor.*

Nangasaquium porro posteaquam præfectus aduenit, res Christiana in deliberationem vocata, diu ancipites tenuit, utrum potius eligerent, num extrema omnia nullo fructu tentanda, num reliqua vel omittenda vel differenda viderentur. Præsidii placebat, hoc vno impetu concussam Christianorum religionem excutere, ne intermissa res euerteretur lenitate. Surungadonus belli huius cum suis pertæsus ad aliud aspirabat, & quæ ad eum diem gesta fuissent, sufficere arbitrabatur. Sasioye, cuius erat litem dirimere, neutrum

*Safoye omif-
fis neophytis
in rofaria,
Et imagines
Etc. Nanga-
faquij fancti.*

neutrum displicebat, quod optaret vtrumque, & tamē in lenio-
rem partem suis commodis nulla naturæ bonitate prouocatus in-
clinauit. Sciebat quā acriter Nangafaquienfes ex longa rei Chri-
stianæ tractatione repugnaturi crederentur: videbat Amacaenſis
Onerariæ commercium, quæ tum Nangafaquij aderat, in Luſitano-
rum conſpectu Chriſtianorum ſupplicijs poſſe perturbari, cuius rei
inuidiam, cū religione cupiditas acrius Imperatorem afficeret,
non ſatis tutò poſſet ſuſtinere. Verebatur adhuc ne rem aggrede-
retur, è qua minùs honoratè poſſet egredi, nèc prudentis eſſe puta-
bat, in eas anguſtias ſe conijcere, è quibus exire deinde non liceret.
Urgebat præterea auxiliarium copiarum, quas Imperator euocabat
penuria, ſine quibus nihil auderet, & quas dimittere honore ſaluo
non poſſet. Statuitur igitur, inchoata cum Chriſtianis prælia in al-
liud tempus differri, non auferri. Ne tamen nihil egiſſe viderentur,
publicis flammis precatorios globulos, cereas agni cœleſtis, aliàsque
pias imagines, quas Chriſtianis eripuerant, ante abitum damnaue-
runt. Abiere tandem, & cum ijs metus ac ſpes, prout quemque
rei expectatio affecerat, exularunt.

*Post abitum
Safoie quid
actum.*

Sed ad colligendas tempeſtatis reliquias labor huius nauis re-
ctoribus duplicatus accreuit. Ac tamenſi id facerent, plerique in-
tra prudentiæ limites anguſtiàsque concluſi; latere tamen non po-
tuit omnia ſcrutantem, etiam cū abeſſet, minùsque timeretur, ex
neophytorum ardore, Præfectum. Diſſimulauit nihilominus præ-
ſens omnia quamdiu potuit, verum ex itinere, cū in caſtra perge-
ret ex vrbe Sacayo, in hanc ſententiam ſcripſit ad negotiatores ex
oneraria Luſitanos, conſtare ſibi contra Imperatoris edicta, religio-
ſos aliquot ſeſe cæterorum exilio ſubduxiſſe, vix adduci poſſe, vt
crederet, quod credere cogeretur; eius rei culpam vni onerariæ Lu-
ſitanæ ſine controuerſia deberi. Quæſi ad Imperatoris aures per-
tingeret, ſatis eſſe, vt omiſſa religionis cauſa, emporium Nangafa-
quienſe extremam ſibi cladem pertinaciæ ſuæ pœnam euocaret.
Viderint igitur negotiatores quid agant, neque de ſua clade præ-
moniti poſtmodum deinde conquerantur. Non videbatur vana
denunciatio, ſed tamen ab eo ſperandum, qui metum hūc motum-
que prope ſopierat, fore vt ſuo quoque munere fungentes contra
vum tueretur.

QVID

QVĪD RELIQUA IAPONIA GESTVM
fuerit.

CAPVT XV.

Nihil dubium quin præsens rerum motus, post Ecclesiæ Japonensis exulantibus illius administris orbitatem. alibi extra Arimensem agrum multa turbarit, maximè priuatim apud toparchas minores domesticis in suos prælijs seuiantes. Verùm in nostrorum absentia aut saltem vaga nec otiosa paucitate, vix satis temporis fuit ad agendum nedum ad scribendum. Rerum nihilominus gestarum frustra reliqua Iaponia colligam, non illa quidem pro dignitate sed pro scribentium breuitate concisa.

Apud Fingenses in vrbe Cumamoto Paulus Yasodâyū annos natus quinquaginta scribitur Christo vitam consecrasse, sibi que illustre martyrium comparasse. Erat is insignis architectus & præfectus operum ea in arce sub Canzuyedono illius regni quondam dynasta, & acerrimo Christiani nominis hoste, cui cum esset artis peritia carissimus, adduci tamen nõ potuit, ut ab eo laceffitus Christum abdicaret. Moritur tandem Canzuyedonus, & teneriorem sibi filium substituens, sui in Christianos odij reliquit hæredem, non illum quidem seuiendi sed regnandi libidine incitatum, quod nimirum malè metueret, ne paternam hæreditatem Imperator Christianis insensus tolleret, aut saltem decurtaret, nisi cum eo in extinguenda Euangelij luce conspiraret. Ergo in hoc tumultu non pauci ab eo vel potius ab eius moderatoribus iubentur exulare, hoc solum nomine, quod à Christo deficere noluisent. Paulus porro annua prope vincula perpeffus ab eo dimitti non poterat, artis illius præstantia non nihil furorem leniente. Et quoniam mutari eum volebat potius quàm torqueri, dici vix potest, quot arietibus illius constantia quateretur. Sed illius animum nulla vis de sententia deturbauit, ideo fortasse quod continua prece, piorumque librorum lectione vires quotidie velut nouo pabulo reparabat, & ut in neophytos stipem aliquam corrogaret, in ipsa custodia non nihil artis suæ exercitio conquirebat. Mirum est quanto cæterorum exemplo vitæque comprobatione omnes architectus noster ædificaret,

*Paulus Yai
sodâyū nobi-
lis archite-
ctus ad defe-
ctionem solli-
citatnr.*

non verbis magis quam incommodorum tolerantia ad supplicia futura præludens.

Tanta Paulus tamque diuturna firmitatis suæ significatione hoc à dynasta suo impetrauit, ut in posterum de plectendo potius quam de peruertendo cogitarit. Ergo Ianuarij vigesimoquinto, mittit ad eum, qui renunciaret ipsi, ea ipsa die moriendum. Cui denunciationi Paulus in hæc verba respondit, Hero meo propter annua vincula plurima de pere me fateor. Sed multo magis quod ea nunc mihi cum optata morte commutet. Quare nuncium accipere nullum possem æque laurearum. Educitur ergo Paulus vrbe, totum iter oratione sua consecrans. Cum in supplicij locum venisset nixus in genua ad certamen sese præmunivit, qua finita in humo nuda nudus extenditur, in latus alterum reclinatus, iusserat enim inhumanus dynasta, ut in eo diuidendo sica quædam pro Iaponensi barbarie probaretur. Carnifex igitur ictum in latus vibrans, vnico ictu per medium pectus in duas partes diuiditur. Diuisus dicitur audientium testimonio tercio Iesum ac Mariam inclamasse. Tum tribus alijs ictibus lacer in frusta quinque diffecatur. Sicam suo functam munere cum apud tyrannum collaudarent, respondit, Probata est illa quidem, verum peritissimum artificem mihi sustulit, parenti meo carum & præ ceteris Christianis vnice conseruatum. Verum id illi sua pertinacia peperit, & ab inuitis extorsit. Neophyti illum sanè honorificè humo commendarunt. E nostris sacerdotibus vnus cum auxiliaris ad eum accurrisset, ita venit opportunus, ut post extremi supplicij præsidia certantem in agone viderit ac inuiderit.

Sed non solus Paulus fuit, ex literis nostri sacerdotis, qui rem Christianam in vrbe Fuximi occultè procurabat; alij duo neophyti eadem in causa prælio suscepto victoriam reportarunt, alter Fiozaymon Iaponensi nomine, Christiano, Paulus vocari credebatur, vir nobilis & integritate vitæ oculos in se conuertens cæterorum, baptismum susceperat ab vno è nostris sacerdotibus, idem anno superiore 1614. cum in Christianos inquireretur, remissius se gesserat etiam cum offensione cæterorum. Sed conspecta per viros Miacenses neophytorum quinque pro fidei causa nuditate, vnde

*ad mortem
damnatur.*

*Phico illi in
duo fragmen-
ta diuiditur.
Diuisus ter
Iesum &
Mariam in-
clamat.*

*Paulus Fio-
zaymon la-
psum fidem
profiteatur.*

Vnde intepescere potuerat (tanta vis est exempli in vtramque partem) subito exarsit, & sacramentis primum expiatus ad vrbis moderatores se contulit, his verbis perfidiam suam inculcaturus, Agnosco me cum Imperatoris voluntati celsisse me præ me tuli, graue scelus incurrisse, quo ad incredibilem dolorem adigor ac pudorem. Christianus sum igitur, & Christianus viuam ac moriar diuina gratia semper adspirante. De me ergo pro libito statuatur. Ea res incitatos Iudices eo pertraxit, vt extemplo vincula imperarent, è quibus post dies paucos ad publicæ nuditatis ignominiam ille ipse pertrahitur, quem conspecta neophytorum nuditas tantopere excitarat. Inde ad vrbis portam, publicum ad palum alligatus, vinculorum spira totum ab ipso collo corpus obuoluitur, & vt supplicium augerent, pectus ipsum arundineo arcu stringitur, quales apud nos vasa circumligant. Dies quinque sine cibo ac potu, quem custodes prohibebant, animo stetit & corpore, quibus exactis in asperiores custodiam remittitur, eaque ipsa tenebatur cum Ecclesiæ Iaponensis pastores gregem suum deferere cogerentur, nunc è latebris suis monet sacerdos noster Paulum, post annua vincula Ianuario mense millesimo sexcentesimo decimo quinto, post varia verborum ac verberum certamina, Christo caput dedisse, ne vitam negaret. Cui socius additus est alius vere neophytus ac tiro, quem Paulus in vinculis suis Christo pepererat, quorum corpora carnifices in vrbis fossas coniecta, debito cultu priuare nitentur, priuassentque, nisi quidam ad eos inueniendos animum ac industriam adiecisset.

*Post varia
certamina
capite ple-
ctitur.*

Ex eodem sacerdote nostro rescitum Imperatorem, priusquam ad bellum Ozacense Surunga discederet, iussisse vt Christianis quinque pedum ac manuum digiti truncarentur, & ardenti cauterio crucis inusta signum in fronte paterentur. Quorum nomina tamen nondum certo sciuntur, vitæ tamen libro non exciderunt. Verùm hæc aliæque non pauca locorum interualla, nostrorumque, vt dixi, vel absentia vel paucitas nobis eripuerunt, donec otio maiore collecta enucleatius proferantur.

CAPUT XVI.

ANNO salutis nostræ 1598. moriens Taicosama Iaponiæ totius Imperator filium reliquit puerum, eumque sui regni nominavit heredem, Is Fideyori dicebatur. Cuius regendæ pueriliæ regnorum Quantô dynastam, Daifusama dicebatur, præter alios aliquot dynastas, primarium tutorem moderatorumque præfecit. Tutores omnes, ut fieri solet, mutuis inter se discordijs primario ianuam aperuerunt, ut quod puero debebat, sibi procuraret. Anno igitur seculari, biennio post Taicosamæ obitum Iaponiæ totius tyrannidem armis occupavit, & Xôgun vel Cûbo-sama voluit appellari. Fideyori verò in arce tota Iaponia nobilissima, & in illius propè cardine constituta, cum moderato censu reliquit. Multos annos tenuit ea gubernandi ratio, sine insigni aliqua, quod apud Iapones rarum est, rerum mutatione: donec anno post occupatum Imperium & nostræ salutis æquè decimoquarto acris eum cupiditas incescit arcis occupandæ, & Fideyori provinciæ, in qua suspitionis ac metus esset minus, quod sæpe alijs faciebat, cum alia permittendæ. Optabat enim filio ac hæredi suo hunc metum eripere, certoque certius imperium in sua stirpe conservare.

Id ut faceret, noluit aperto Marte uti, ne Taicosamæ defuncti factionem iniquissimo bello irritatam in seipsum provocaret. Sed (ut est neçtendæ fraudis peritissimus) in mille partes se vertit, ut voti compos euaderet. Verùm adoleverat iam Fideyori, & sub parentis suæ tutela, quæ regnantium fraudes longa reipublicæ tractatione pernoverat, tutoris sui artes diu tutus elusit, donec tandem aliquando in apertum Martem artes eruperunt. Extruxerat, ut huius operis initio dixi, Fideyori templum ingens hortatore tyranno, qui versipellis hoc agebat, ut exhausto Taicosamæ thesauro, filius eneruato ærario, bello inutilis redderetur. Fanum illud dedicari tandem oportebat, & simulacrum Daibut, ingentem illum colossus inter numina reconstitui. Adeam dedicationem, quæ in octauam Lunam, id est, extremum Septembrem inciderat, tria sacrifici-

*Imperator
 Ozacam ar-
 cem Fideyori
 Taicosama
 filio eripere
 conatur.*

crificulorum millia conuenerant, & ingenti sumptu omnia parabantur; & quoniam arce sua exiturus Miacum, in cuius terminis erat sanum Fideyori, cogitabat, ipse quoque Imperator vniuersæ fraudis suæ tempus obseruans Ozacam cogitauit. Erupit ea res certis indicijs ac Fideyori inaugurationis illius celebritatem distulit, ne arce sua pelleretur. Interim Imperator Surungam ad se Ozacæ vrbis Gubernatorem accersiuit, Ichinocami dicebatur, quem sibi arctè deuinxerat, & à fide, quam Fideyori debebat, auerterat. Colloquij publica fuerunt initia, ne secretiora consilia erumperent, de Fideyori grauer queri, quod in æs campanum, cuius ingentem machinam templo fuderat, characteres nescio quos incidisset, quos in sui contumeliam legi causabatur. Verùm secretioribus deinde congressibus illi aperit, quantopere cupiat Ozacæ arcem sibi ad hæredis securitatem necessariam occupare, illiusque ad id auxilium promissis exigit ac impetrat.

Redit Ozacam Ichinocami, spargitque Imperatoris iram ex machina campanæ characteribus exortam, & suis artibus quas parum astutè texit eò deuenit, vt suspectus haberetur: ac nisi matura sibi fuga consuluisset, vitam Ozacæ reliquisset. Ex illius fuga cum cæteris suspicionum causis liquido tandem Cubosamæ consilia patuerunt, vimque vi necessario repellendam Ozacenses intellexerunt. Ergo Fideyori arcem bellico instruere cœpit apparatus, & varios ad se duces, qui superiorum bellorum fortunam experti dilatauerunt, euocauit, è quibus non pauci Christiani proscriptionis suæ refugium Ozacæ repperunt. Interim monetur imperator ab Ichinocami arci male prouisum, illiusque occupandæ spem in celebritate repositam. Ipse igitur quam maximum potuit tumultuari-
um constans exercitum venire parabat. Interim dum circum O-
zacam trium quatuorue leucarum ambitum, sana omnia diruuntur, ædibusque solitudo indicitur, parum absuit quin eadem Sacaium urbem nobilissimam clade damnaret. Quod si fecisset, venturo contrà exercitui annonam planè subtraxisset, quæ inde toto belli tempore suppetebat.

Non fuit in Cubosama tanta, quantam oportebat esse, celeritas, nam expectato filij exercitu, non ante Decembrem oblidio cœ-

pit, obsessosque à nulla re imparatos inuenit. In ea obsidione varij fuerunt insultus, ijque omnes obsidentibus aduersi, cum obsessis fortuna miserante conspirarunt, & maximè cum proditione prodita, autore sublato, obsessi per summam dissimulationem obsidentes præstolati, ex insidijs adoriuntur, multosque mortales obtruncant. Imperatoris exercitus ad ducenta millia numerabat, è quibus triginta millia scribitur in hac insultuum oppugnatione sublata. Etiam non pauci inclinantis fortunæ vento auolantes ab Imperatoris acie diffiuebant, fuissetque procul dubio extrema senis clades, nisi eam astutia sua, qua plurimum semper valuit, præuenisset. Cum enim videret, se non ad occupandam Ozacam, ut scriptum fuerat, cum euocaretur, sed ad oppugnandam venisse primosque impetui ita tulisset aduersos, vereri meritò cœpit, ne Taicosamæ memoria multos ab occidente sole in orientem filium auerteret, & subito aliquo tumultu tot annorum labores senex perderet, eo maximè tempore quo illorum fructum in posteros suos propagare conabatur. Ad pacem igitur fingendam, obsidionemq; nō iniquis legibus soluendam animum explicuit, quod ut faceret, ex arce, annuente Fideyori, propinquum illius euocat Nobunangæ, qui Taicosamam præcesserat, fratrem, cui multum Fideyori fidebat atque deferebat. Fide igitur publica euocatus, multa cum Imperatore contulit, qui hoc maximè agebat, ut tegeret quod optabat, videreturque beneficiū in obsidione soluenda præstare, non accipere. Aiebat potuisse se ac posse quoties veller Fideyorum perdere, ostendebat literas, fictasne an veras ipse nouerit, plurimorum dynastarum, qui à Fideyori contra se sollicitati auxiliares venire renuerant, dictitabat se non paucos ex ipsa arce prodere illum volentium posse exhibere, sed se Taicosamæ beneficiorū memoriam in filio reseruare, neque velle parentem illius, cuius soror hæredis filij sui vxor erat, in extremam cladem redigere, nec suam senectutem, cum vita tota pacem accuratè quæsiisset, bene de se meritorum sanguine foedare. Verum quoniam suspiciones inter vtrumque recens exortæ in apertum Martem eruperant, nolle se iniquis legibus abire, ne, qui alium perdere potuerat, victus videretur. Cum his alijsque mandatis in arcem redire legatus, à quo iuuenis ex parentis suæ cōsilio ad pacem inclina-

Ozacam Imperator obsidet non sine frequentis suorum clade.

Imperator pacem se Gelde simulat.

inclinatur, ideo maximè, quod in tumultuario arcis tuendæ apparatus multa deessent, si obsidionē pertinacius Imperator vrgeret, longiusque protraheret. Multi quoque duces militesque aduenerant, quorum fidem tamen non satis exploratam necessitas admiserat, de quibus non videbatur incredibile credi, quod affirmarat Imperator, fierique posse, vt plures, quod nuper vnum fecisse constiterat, de arce tradenda conspirarent. Vtrinque igitur ficta pax adornatur. rarò enim apud Iapones controuersia, quæ in apertū bellum erupunt, alia ratione, quàm alterius partium extrema pernicie sopiuntur. Imperator quippe ideo pacē adornabat, vt maiore deinde impetu instauratòque exercitu inermem obrueret, & incautum. Fideyori oblatam pacem etiā parū æquis legibus non respuebat, vt otiosè deinde comparatis sollicitatisque nouis ducibus auctior inclinante ad se fortunam tutius reuocaret. Ianuario igitur mense 1615. certis legibus pax parum vtrinque fida iuratur. Imperator à lacessendo posthac Fideyori abstineret, amicitiam fidelius tueretur: Fideyori è tribus fossis, quibus arx tota cingebatur, duas oppleret. Atque ita ab armis vtrinque, sed non diu, cessatum.

*Vtrinque
ficta pax
adornatur.*

OZACÆ ALTERA OBSIDIO ET MORS

Cubosama.

CAP. XVII.

PAUCORUM mensum pax fuit, vix enim bene ab armis discesserāt, cum denuo de armis cogitatur. Fideyori diffidentiā, Cubosama pudore permouetur: vtrinque fertur ducenta in armis mortalium millia singulos habuisse: cum enim ad Fideyorum alioqui imparem, victoria nuper sæpius inclinasset, mirum nō est plurimos eò secundis famę ventis appulisse. Ergo Ozacam arcisque angustias non ferens, castra castris sub urbem opponit, cum prius Sacaiumemporium in fauillam redegisset, ne quod prius contigerat, hosti annonam, hospitiumque suppeditaret. Verum quia æstate pugnabatur, hostiis caruisse minus nocuit, quā si rigidior aura pugnaretur. Duabus velitationibus, quæ iusta prælia videri alibi potuissent, Fideyori superior euasit, tertium præliū iustum fuit, in quo denuo Cubosama de victo-

*Imperator
obsidione
stans
tertia
pugna
inso-
luciter.*

victoria desperans adstantes sibi monuisse fertur; v̄t vbi sp̄m nullam superesse aduertissent, ipsum obtruncarent, ne viuis in hostium manus deueniret. Verum ecce tibi secunda fortunæ aura subito ad proram reflauit, certasque victorum spes momento intercidit. Sanandadonus copias vniuersas pro Fideyori ducebat, is aduertens victoriam non dubijs signis à suis inclinare, misit qui moneret Fideyori, vt certæ victoriæ honorem adepturus in castra properaret, manserat enim intra arcem parenti suæ solatio futurus aut arcis præsidio. Venit igitur ardore iuuenili honorem sitiens, parumque fidis custodibus arcem reliquit incendendam. Vix enim bene abierat, cum proditio in fumum erumpens sese prodidit. Antiquiores enim illius asseclæ, quibus arcem fidebat asseruandam interpretati se præ nouis, qui ad herum venerant, ducibus negligi, ac fortasse Cubesamæ largitione corrupti, exeunte Fideyeri in tumultum conuersi arcem incenderunt. Ea res victis animos dedit, victoribus abstulit. nam Fideyori in arcem regrediens, parentem suam, vxorem, quæque potuisset, flammis erepturus, ad salutis curam ab honoris cupiditate conuertitur. Ita subito reflante fortuna miser Fideyori victoria excidit. Quo quid factum fuerit, nondum planè compertum, verum perijsse certius videtur, ideo maximè quod tametsi literis anno 1616. ineunte datis viuere scribatur, & in borealia regna ad factionis suæ dynastam profugisse; recentioribus tamen eiusdem anni mense Iulio, die decimo octauo datis, nulla illius mentio fit, sed Ozaca tantum deleta, nullusq; Imperatoris hostis superesse legitur; qui si viueret præcipuam scribendi materiam erat præbiturus. Graue & cruentum fuisse prælium satis constat, nec in eo titubat fama, hoc extremo bello multa mortalium millia perijsse, si cæteras velitationes in numerum adduxerimus.

Hoc metu perfunctus Imperator, victoria sua inflatus Surungam se recepit, nec dubitauit hunc prosperioris fortunæ successum simulacrorum suorum fauori ex eo arrogare, quod Christi sacra tota laponia dijs suis obsecutus exterminasset. Mox igitur ad omnia componenda animum adijciens, Sasioye Nangasaquiensem præfectum Sacai ruinis excitandis præfecit. Itaque cum ea re detentus nepotem suum sibi suffecisset, Nangasaquio & Arima pacata omnia nuncian-

*Incensaper
proditionem
arce succit
Fideyori.*

nunciantur. Iulio igitur mense anni 1615. Imperator Ozacam de-
 leuit ac solo æquauit, cùmque sibi videretur spes ætate longiores
 inchoare, anno 1616. Martio mense, cùm venationi operam daret,
 morbo corripitur. Cuius vi, ætatisque vitio sensim contabescens
 primo Iunij extinguitur, cùm prius Principem eorum, qui Dairi a-
 stare possunt (magnates Hispaniæ referre videntur) seipsum nomi-
 nasset, nondum satur tot honorum gradibus ac titulis, quos secum
 libens, si posset, efferret. In arce sua Cunó humari voluit, vbi æra-
 rium suum asseruabat. Ita verum est quod veritas pronunciauit,
 vbi est Thesaurus tuus, ibi & cor tuum erit, non desiderio solum
 cùm viueret, sed cadaueris quoque societate cùm moreretur. Fili-
 us, quem dudum hæredem appellarat, imperij possessionem adiit.
 neque est vllus qui adhuc repugnarit, recens enim Fideyori clades
 plus omnibus dedit quod timerent, quàm quod noua factione spe-
 rarent. Non creditur tamen sopitum, nisi dolosos inter cineres in-
 cendium, quod erumpet breui, denuòque omnia turbabit, neque
 enim hic parenti similis, æquali prudentia vel authoritate poterit
 volubiles Iaponum animos continere. Alterum filium parens mori-
 turus videre noluit, vnde nunc nescio qua ex causa proscriptus
 viuít. De alijs duobus palam senex edixit, vt nisi se intra officij sui
 limites continerent, capite plecterentur. Quod parentis præceptũ
 hæredi fortasse ansam dabit in fratres maiore licentia, dedecore mi-
 nore sæuendi. Multa imperij sui initia largitione sædauit, itaque
 se gessit, vt iam nunc precario regnare videatur.

*Imperator
anno 1616.
morbo extin-
guitur.*

*Filius eo
mortuo im-
perat pane
precario.*

Ad rem Christianam quod attinet, tametsi constet eum nihilo
 minore odio Christi legem insectari, nondũ tamen quicquam mo-
 uit, neque beneuolos nobis dynastas à fauore coërcet; neque illi
 eius authoritatem ita verentur, vt Christianos ritus ex odio alieno
 metiantur. Vnde fit, vt Ecclesia Iaponensis in antiquam reditura
 speretur libertatem. Nostri maiore iam numero redeunt, suaque
 munia (occultè tamen) plerisque in locis exequuntur. Nondum
 tamen sacras ædes aut priuatas instaurare possunt, ne nimia liberta-
 te velut mortuo insultantes, malum euocent ac procurent. Ea est
 omnium neophytorum sententia, qui Principem iudicant deme-
 rendum potius cunctatione moderata, quàm præpropera festina-

*Christiana
res ad anti-
quam liber-
tatem, sed ta-
men causò
redit.*

tione irritandum. Ita factum est, ut cum religiosus vnus aliquis Nangasakuij cæ nobilium extruere, etiam alterius nomine, cæpisset, id neophyti tulerint ægerrimè, effecerintque, ut, quoniam res in publicum eruperat, vitandi periculi causa, ab eo qui extruxerat, solo æquaretur. Atque hoc est tandem, quod per hosce annos contigit, ortamque procellam, si nondum sustulit, prorsus interrumpit, nec aliud recentius, cum hæc finio, ex Iaponia legimus quam à Iulio M. DC. XVI.

CAPUT XVIII.

Occurrant multa passim in huius historię descriptione non sine fructu aduertenda, quæ studio in hunc locum, ne historię seriem importunus orator interpellarem, finem libro quarto impositurus reseruauī. Ac primū, quo ipso tēpore pcella desēuit, satis mirum est quanto numero neophytorū grex accreuerit. Verū ut fuerit, non antiquis solum temporibus, quod scriptum legimus, Non minuitur persecutionibus Ecclesia, sed augetur, & Martyrum sanguis est Christianorum semen. Anno quippe 1611. quando iam persecutio timeri cæpit, quinq; millia, quatuor & viginti (de adultis loquor) Christo se adiunxerunt. Anno sexcentesimo duodecimo, quo anno planè erupit, quatuor millia & quinquaginta. Anno sexcentesimo decimo tertio, quater mille trecenti quinquaginta octo. Anno insequenti, cum iam suis sedibus nostri aliq; pellerentur, mille trecenti octoginta. Sexcentesimo decimo quinto, ratio iniri non potuit. Quin imo subductis calculo adultis, quos soli Patres Societatis Iesu ab anno 1598. quo Taicosama Ecclesię persecutor extinctus est, vsq; ad annum 1614. quo Patres, ut dixi, expulsi sunt, vltra centum quadraginta millia salutaribus aquis expiasse numerantur. ut è factis baptismalibus constabit. Dixi adultos, nam infantes qui Catechismo non indigent, ab hoc numero excluduntur. Quis non speret magnos secundis auris afflantibus progressus, quando aduersis ita nauigatur?

Aduerto præterea insolitum Ecclesię huius ardorem, cui non legimus

Quanto numero adulti tempore persecutionis baptizati.

gimus fere vltquam maiorem, præteritis in seculis, cui non videmus æqualem inter hæreticos à Catholicis nostro seculo pro fide certantibus. Tanto quippe studio non paucos, sed prope omnes martyriū optare, ad illud tanta cura se comparare, occasione illius vltro querere, mœrore affici eos qui exciderint, tanta lætitia exultare illos, qui hac sorte gauderent, nec solos illos viros fuisse, ab armorū tractatione vitæ contemptores, sed pueros ac puellas, mulieres etiā nobilissimas ea optasse ac tulisse, à quibus natura tantopere abhorremus. Quis non videt agnoscitq; in his eandē Dei manum, cuius potentia primis illis Ecclesiæ nascentis temporibus legē suam natura, Principibus, Orco repugnante in orbem introductā. Eadem est sanè fides nostra, eadem doctrina, eadem Ecclesia ad nos nulla interruptione per tot sæculorū gradus propagata. Sed dicet aliquis; miracula defuerunt, qualia nobis maiores nostri vnā cum antiquitatis fide reliquerunt. nō defuerunt illa quidē omnino, sed rariora, obscurioraq; fuisse non diffiteor. Causam nouerit ille, qui etiam cū non vult, potest, sed ideo fortasse, quod nunc Ecclesia quibusdam pollet adiumentis, quibus noua carebat omnino: Habet viros literatos quorū rationes diuina luce cum influit adhibita, miraculorū necessitatem supplent, quæq; sunt supra naturam, hominibus persuadent. Sed omissis, quæ ad institutum non spectant, his disceptationibus, ad rem facit, quod ex hac ipsa obiectione in rem meam traho, videlicet eō magis admirabilem, præconiōq; digniorē, & illustrius diuinæ potestatis argumentum, quod Iapones nullis prodigijs allekti, ea tolerarunt, quæ alij, qui quotidianis illis è cœlo fouebantur auxilijs. Quis enim dubitet fidei meritum perfectionemq; ex eo crescere aut minui, quod ad euidentiā plus minúsue accedit aut recedit. Ego sanè miraculū aliud illustrius nullū videri volo, quàm q̃ externi aliquot ac pañosi sacerdotes, balbutiente adhuc lingua, potuerint apud gentem sagacissimā ac superbissimam efficere, vt sua reiicerent, externa probarent: idq; tanta animi firmitate, nihil vt dubitauerint ad ea tuenda fortunas, principum suorum fauorem, carnis illecebras, vitam denique ipsam atrocissimis supplicijs exponere, idque ea alacritate, qua natura ferimur in ea, quæ his aduersantur. Qui hoc prodigium non admittit, neque si aliquis ex mortuis resurrexerit, credet.

Insolens Iaponensium ad martyrium ardor.

Quid in hac persecutione maxime admirabile.

Et quàm verum hoc sit Ecclesiæ veræ signum, cuius nomen tot hæreticorum sectæ vsurpant, ex alio constat, quod è superiore deducitur. Repete memoria mecum superiora post Christum natum secula quindecim; percurrere mecum Christiani orbis regiones ad vnam omnes; nullam orbe toto repperis, quæ sectam aliquam, ex ijs quas Ecclesia nostra antiquauit, habeat aut agnoscat primam apud se Christianæ fidei propagatricem, multæ multas iam Christo adiunctas in errorem abduxere, nulla tenebras ethnicas etiam suis nebulis potuit vtrumque illustrare; verum hæc quæ longiorem tractationem requirerent, omittantur, sufficiant illa ijs, qui sponte oculos non claudunt veritati.

Habet porro Europa nostra gentis nuper sine numine exempla quæ imitetur. Non iudicabitur difficile veteranis catholicam fidem apud hæreticos sanguinis sui sigillo confirmare, quando ad eam rem neophytos habemus extremo in orbe hortatores exemploque suo præcessores. Quis non operam tuam per tot maria, labores, pericula, bene collocatam putet, cum viderit fructum excul-ti huius nonalis ad messem peruenisse. Quid est, quod nos teneat, quin tantam indolem, tantasque spes per vltiora etiam, si forent, maria conquiramus. Et quibus ad eas expeditiones animus, ætas, valetudo, conditio vel quippiam simile defuerit, nondum à fidei propagatione procuranda se arbitrentur excusatos. Alij eam suo fauore, alij consilio, alij authoritate alij opibus, nos industria, laboribus, periculis, vita ipsa procurabimus. Cætera subsidia, ab ijs, quorum interest, aut quos Deus peculiari beneficio ad id permouerit expectantes. Vnum est, in quo omnes possumus conspirare, si nempe fusis communiter precibus Orco repugnanti nos opponentes diuinum ad res tantas auxilium euocemus.

Libri Quinti Finis.

DE

CHRISTIANIS
APVD IAPONIOS
TRIVMPHIS

LIBER QVINTVS.

PROE MIVM.

Persequar his litteris è Iaponia Goam ante menses aliquot allatis captum in Europa opus, & quatuor libris comprehensum, de Christianis apud Iaponios triumphis, qui è gloriosis fidei certaminibus contra gentilitia perfidia ministros à neophytis Iaponensibus sunt constantissimè reportati. Priusquam enim in stationem meam reuocarem, in Europa commentarium reliqui, iusto volumine quatuor libris comprehensum, quem Christianos è Iaponia triumphos inscripsi, sæptos ab anno 1612. per quadriennium ferè continuum, nam etsi aliquid ex ijs tetigi quæ anno 1615. contigerunt, ea tamen è priuatis Sociorum literis erueram, interim dum iusta narratio solito annalium nostræ Societatis more perueniret, eam è Lusitano sermone acceptam non transfero, sed refero, aut potius ex ea seligo ea omnia quæ Europam nostram sine fastidio lecturam esse coniicio, vulgaria vel potius consuetæ, vel solum tango vel planè prætermitto, ne singulis annis repetita non noua legantur sed vetera. Vetera enim sunt in hoc genere quæ à veteribus non discrepant, Quin etiam breuitatem sectaturus hoc biennium 1615. & 1616. non seiungam, sed con-

tinuo filo alterum alteri subiungam, ita tamen ut legenti constet quo singula tempore contigerint. Nec inferiora illa esse video ijs quæ terribilio superiore etiamnum perseverant, modo asperiora, modo leniora, prout Dominus hanc sponsam suam tentare constituit, ex secretorum iudiciorum norma ita dirigens omnia, ut in suam gloriam, in quam omnia decet collimare, vel suauiter vel fortiter, sed nunquam non certo deducantur.

DE POLITICO IAPONENSIS

Imperij statu.

C A P V T I

Incipiam ab altera Ozacz obsidione (de priore quippe proximè ut iam arbitror edito rerum Iaponensium commentario agere, & Iaponiam malè stabilita inter Daifu & Fideyori pace nutantem relinquere me memini) Ignis igitur, ut ait ille, suppositi cineridoloso ut in flammæ eruperint, quibus arsit Ozaca, totaque Iaponia caluit, dicere aggrediamur. Ex Ozacensis belli fortuna Daifu domum retulerat stragem suorum, eorum æstimatione qui parcissimè scripserunt, ad quadraginta millia, retulerat parum honestæ paciæ, ac sollicitati fœderis indignas suæ æstimatione, ætate, dignitate conditiones, maximè cum adolescentis tirocinio ac tenuitate comparatus, apud quem reliquerat ducentos exigua strage mortales, eosque de militum grege, si duos tresve aliquanto celebriores exemeris, apud eum reliquerat spem Imperij, fortunæ opinionem, ætatis auroram, senij sui occidentis calcibus imminentem.

Ergo ad solitas artes conuersus, quod sibi sentiebat esse non posse perpetuum, in filio statuit omnino retinere, nec ei relinquere spes dubias, nutante prioris belli fortuna inclinatas. Ergo iam iterum perfidus, neglecta nuperrimi sacramenti religione, mittit ad Fideyori, qui suadeat Ozacam relinquere, & maiora sperare, quæ fuisse sed falso promittebat. Non latebant adolescentem parentis sui potissimum artibus instructum, senis consilia, nec facile spe futuroræ præsentia dimittebat, sed quod præsentens nihil dubitauit, cum

eum collectis denuo viribus ad se rediturum, vt quod arte subterfugerat infortunium, fortuna meliore sarciret. Ergo cœpit clam primo, deinde cum ultra regi non posset, palam militem conscribere, & in suas partes quotquot posset euocare. In his numerati sunt Francisci Bungensium quorundam Regis filius, & trium qui Taicosamæ tempore omnia moderabantur filij, quorum parentes Imperij mutationem experti, superioribus bellis perierant, & alij complurimi è quibus exercitum conflauit, quo centum & septuaginta mortalium millia censerì dicebantur, si ijs credimus qui vero propius numerabant; quem exercitum, non vt prius, intra vrbs angustias stringere, sed sub vrbem castra metari voluit, quod iam obli-deri nollet, sed vnus prælij fortunæ vel infortunio iam non dubitaret summam rei definire. Exercitum tres omnino moderabantur, Ethnici duo, Christianus vnus, Ioannes Acaxicamon appellatus, à quibus etiam in omniem belli apparatus comestus, & cætera præliorum supellex temporì conuecta colligitur. Quo tanto bellumore finitimæ vrbes & oppida metu correpta, eo in interiora se recipiebant, quo conijciebat vnusquisque arma non penetratura, putabant enim nec temerè irruptionibus tentanda omnia, & alieno sumptu militem continendum. In ipsa vrbe Miacensi tanto tumultu trepidatum est, vt in palatium Dairi sui, velut in asylum plerique confugerent, & in eius ambitu subito opere mapalia extruerent, arbitrati capta etiam vrbe, Dairi non impetendam de more maiestatem. Non desunt qui hunc metum inter astuti Daifu artes referant, vt constaret ex hac publica trepitatione arma non à se, sed à Fideyori moueri, nec violari nuperrimi sacramenti religionem, sed necessaria defensione cohonestari. Quin & hoc intendebat, vt iniecta inuasuri mora ærarium exhauriret, & multorum animos armorum languore debilitaret, nec male fraus illi cessit, quæ quemlibet alium dilatione perdidisset, cum enim animi nondum esset satis Principi Fideyori, & Imperij Iaponensis potentiam aggrediretur, defendere se non offendere cogitabat, quod si auctore vulgo metum illius Ducem secutus fuisset, næ magnam Imperij partem prius occupaf-

cupasset quam senex occurrisset, proprioque parcens ærario exhostium spolijs militem iam victoris more furentem saginasset. Interim Daifû, (quem alias Cubum, alias Imperatorem appello) planè sibi non deerat, sed partim insidijs, partim aperto Marte seipsum comparabat, Insidiarum hoc initium fuit. Onaxari, ex primarijs Fideyori ducibus arcem egressus, à sicario ad eum alloquendum accedente, graviter in altero latere vulneratur, is comprehensus socios coniurationis cum nominare nolle, in frustra discerpitur, sed intra paucos dies tota conspiratio prodita est, illiusque auctores obtruncati, constititque tum demum rupta fœdera non sine sanguine, rei summam, in dubiam belli aleam eruptura. Nam exinde Imperator vicinaloca quæ proximo metutrepidabant, præsidario milite cinxit, & sensim Duces alij post alios cum suis turmis submittebantur, donec tandem ineunte Maio Daifu ipse cum filio Xogun, cuius causa maximè agebatur, aduenit, & hic in arcem se Fuximum, ille Miacum recepit, & interim dum se totus vniret exercitus, mentita denuo fœdera tentantur, eo consilio ne iniquo Marte prius cogeretur decertare, quam robur omne conuenisset. Abest Ozaca Sacajum leucas omnino duas, Emporium tota Iaponia celeberrimum. illius ciues priusquam Daifu adueniret, in umbram se Fideyori receperant, commeatum & reliquum belli apparatus profusè obrulerant, sed cum Daifu aduenisset, vtraque manu pugnare, vel potius mentiri statuerunt, nam perquam occultissimè ipsi Daifu eadem deferunt, arbitrati se in bello communi communem calamitatem euasuros, sed miseri seipsos, neutrum se fellerunt. Cum enim ab ijs rogatus Daifu, præsidium submitteret, subodoratus Fideyori miles superuenit, qui promissa exigeret, duo millia eo perueuerant ad vitandam suspicionem, non plures: qui cum à Daifu tene adhuc præsidium reperissent, euocatis mox auxiliarijs copijs, iussi Sacajum incenderunt eo furore, ut ex emporio nobilissimo intra vnâ noctem ne vna domus illuxerit, in qua viginti familiarum millia censebantur, hoc in ædificijs Iaponum ligneis procliuè est fieri, credique, sed quam horribile fuerit, non æque procliuè est æstimari. Eo ipso tempore, quo Sacajum ardebat, Fideyori Ducem submisit Onaxari fratrem, cum quindecim millium copijs, ut arces duas

duas vicinorum regnorum Izzumi & Cinocumi inuaderet, quæ arces, Daifu partes tuebantur, sed in vanum cecidit expeditio non sine multis in eo prælio desideratis. Quod ut audiuit Daifu, nihil ultra cunctandum ratus, hominum animos sibi satis conciliaffe, ut hætenus pacem prætuliffe visus est, exercitus eum comitabatur qualem vix alias Iaponia videre se meminit, sub signis quippe suis expeditum militem, non adductis in numerum impedimentis, ad trecenta millia numerasse dicebatur; eo exercitu per Yamato regni gyro circumducto, primo Iunij priora signa è vicinis montibus sub vespere cōspecta sunt, quem exercitum iam toto biduo Fideyori cum suo iam intra castra distributo, satis fidenter expectabat. Postridie primo diluculo, duo exercitus Ozacensis Duces singuli cum decem millibus velitaturi, descensuros ad pedem collium præstolantur, & iam ad manus ventum erat, diuque dubio Marte pugnabatur, sed tandem Ozacenses ab Imperatorij fugari cœperant, cum alij Duces duo, in quibus noster Ioannes, prælium restaurarunt, & renitenti fortunæ virtutem opposcentes hostem coegerunt in suos semontes, vnde exierat fuga recipere. vtrinque cæsi sunt multi sed Ozacensium plures ijque ex prima nobilitate, Ioannes ipse glande saucius ad suos redijt victor.

Die iterum insequenti, Iunij tertio, exercitus duo in ingenti planicie totum illum diem ad secundam horam post meridiem in armis quieti constitere, vel ad prælium se parentes, vel dubij fortasse quid agerent, in eo enim prælio Iaponensis Imperij fortuna nutabat; Daifu veteranus Dux, Marti artem additurus, fingit se diuiso impetu velle urbem varijs in locis inuadere, ut hostis sui vires quoque separaret, Interim in vnam partem egregium militem selectosque Duces euocat, ut primo impetu hostem aggressi victoriam ad se inclinarent, quam deinde reliqua turba persequeretur, nec Ozacenses fraudem aduerterant, sed in suam quisque stationem sese recipientes repugnare potius quam pugnare parauerunt.

Vix benè altera hora post meridiem ad occasum declinabat, cum duo exercitus impetu facto coeunt, sed eo impetu quo quisque res suas in ea Imperij concussatione tuebatur. Primum Ozacensium agmen ducebat Sanada vnus è tribus summis exercitus Præfectis &

Ccc

cum

cum eo alius, Morinus vocabatur. Hi militum è Quanto Imperatoris partium primum agmen eo impetu repulerant, vt tertio quarto ue cederent, mox vt apparebat, fugam paraturi. Eo tandem res adducta est, vt ex Xogun exercitu nonnulli iam fugam caperent, ipseque idem parabat, nisi à suis detentus paululum restitisset, quin ipse Daifu victoriam desperans, propè iam sibi ventrem de more lacerabat, cum ecce tibi repente fortuna conuertitur, satis leui euentu subito inclinata. Onaxari numerofo agmine, Fideyori vexillum habebat sibi commendatum, is nimis inconsultè victoriæ gaudium non vltra ferens, in vrbem regreditur, ipsum Principem, qui prælio aberat ad victoriæ gloriam euocaturus; cum vexillo fortuna quoque regressa est, nam primò creuit hostibus animus, quasi cum sui Principis vexillo fugerent, inque vrbem se reciperent Ozacenses, deinde digresso iam in prælium Principe, cum nihil minus cogitaretur, armata intra vrbem coniuratio, ignibus in varios vrbis angulos iniectis, sese prodit, quæ fumo suo Imperatorijs victoriam reuehens prælium tanto impetu restituit, vt iam Ozacenses de vita magis quam de Imperio solliciti, fugam nullo ordine arripuerint, quemque via necessitas abducebat.

Ea omnia intra duas non amplius horas expedita, victoriam minimè dubiam Imperatori reliquerunt, qui suos statim classico à prælio reuocans fugientibus viam aperuit, & pontem, vt aiunt, strauit argenteum, qua parte apparebat plerosque fugam adornaturos, ne forte, si de vita certamen esset, desperatio prælium instauraret, & qui nollent mori, deinde vincere se denuo posse non desperarent, iter itaque Miacum versus paruit fugientibus, eo die reliquo & nocte tota insequenti. Ferunt ex ea parte plerosque & nobilissimum quemque diffugisse, quin & ipse Fideyori cum parente, diu creditus est fuga salutem inuenisse, sed cum iam sesquianno toto nusquã, ne fama quidem indice comparuerit, credibile vix videtur huiusmodi Principem, diligentissimè ab Imperatore filioque conquisitum latere tanto tempore potuisse; Dilabente iam exercitu, Imperatorij in vrbem inuadunt, nemini parcentes, nec etiam suis, cum alij vix alios agnoscerent, vrbem vniuersam populabundi incendunt, evertuntq;. Sub noctem qui intima arce adhuc Fideyori partes tuebantur,

tur, desperatis rebus eam incendunt, & horribile spectaculum exhibent, cum tota arderet Ozaca, quam ex optimis Iaponiæ urbibus sæpè annales nostri cantauerunt. Cuius cladis, solitudinis, incendij adeo tristis fuit facies, ut longa narratio superesset, si singula prosequeretur. Sed neque hoc est instituti nostri, neque apud bonos æstimatores opus esse pluribus iudicavi. Hoc solum addam, Iaponem vulgò arbitrari, nullum aliud prælium exijs quæ apud se celebrauit antiquitas, maiorem mortalium vim intra duas horas absumpsisse, cuius numerum tamen plus alij, alij minus augeant, centum milibus tamen plerique circumscribunt, ferunt ipsum flumen Ozacense altum alias, alueoq; latiore, cadaveribus oppletum, velut pontem fugituris aperuisse, & ad duas retro leucas cum sanguine fluctaret, aquis suis, velut metu contractis, refluxisse.

Parta victoria, Daifu Miacum redit totius Iaponiæ nobilitate stipatus, & quasi iam demum Imperium occupasset, sibi iam recens videbatur imperare. ibi præmijs propositis eorum capita, qui à Fideyori steterant, illumque ipsum ad se adferri & adduci iubet, imperata fecere permulti, & viuos illi multos multorumque capita intra paucos dies stiterunt, & in cæteris ipsius Fideyori septennem filiolum ex illegitimo toro susceptum, quem tota Miacensi vrbe per ignominiam circumductum voluit obtruncari, quem ferunt animo supra ætatem efferuescente, ipsi Daifu præsentem exprobrasse, quod iusiurandum solemni, quoad fieri potest, ritu conceptum, bis per summum nefas violasset, Multi deinde mortales omnis ordinis in hac ipsa causa iugulati, & ut in posterum spes omnes coniuratis rebellandi præscinderet, voluit extemplo toto regno, ut reguli omnes, quotquot sub Imperij, quod ipsi Tenca vocant, legibus viuunt, arces suas omnes diruerent, vna excepta, quæ illis ad habitandum permittebatur. Nec fuit, qui atrocissimo huic mandato sit ausus repugnare, dirutasque ferunt intra breue tempus arces tota Iaponia minimum quadringentas. Quibus tandem ita compositis Surungam ipse ad suam Imperij sedem, Xogun ad suam Yendo se recepit, dimissis ad suos regulis omnibus ac milite, quibus vsus in hoc prælio nobilissimam victoriam reportauerat, quæ vtrum Ecclesiæ Iaponensi comquæ ceciderit nec ne, num forte magis optari

*An Tensa?
Ge alij.*

poterat, vt in Fideyori declinaret, vtrinque dubitari posse video, sed quia hoc ad sequens caput spectat, in quo de eius statu agitur vniuersim, in eum locum quæstionem differemus.

Non diuturna fuit Imperatori victoriæ fruendæ mora, quippe quod nihil sit in humanis rebus durabile, vel hoc exemplo patuit. venerat ille iam ad votorum verticem, in fortunæ rota tenebar apicem, cum horrendo casu miser in æternam calamitatem è summa felicitàte prope in momento gustata descendit. Nam 8. Martij, anni 1616. graui super ætatem morbo corripitur, cumque se moriturum intelligeret, filium suum principem, quem Iaponensis Monarchiæ relinquebat hæredem, aptis tempori monitis ad ritè gubernandum instruebat. In his fuit, ne cum Dynastis ac Toparchis subditis iam iniret subito rationem, qua se videbat perpetuo vsum, aliud iam tempora, aliud pacem vna cum Imperio partam postulare, conaretur sibi omnes animi facilitate ac lenitate demereri, nisi si fortè vnus aliquis peruiçax eam, facilitatem verteret in contemptum, talem enim oportebat collecto exercito perseipsum persequi funditusque delere, neque enim aliter Iaponensis imperij possessionem posse conseruari. Addebat his qua se ratione cum fratribus gereret, nihil illis aliud, inquebat, moriens lego, præter id quod à me viuo donatum possidebant, tuum erit prout eorum in re merita postularint, ita fratres remunerari, quorum si fortè quispiam aliquid in te peccauerit, non omittes eum pro delicti ratione mulctare, nec eorum vitæ parces, si criminis fortasse id postulauerit magnitudo; nec in hac re hominum obloquia vereretur, neque enim id immanitati dabunt, quod à parente mandatum sciuerint, extrema morientis voluntate. Hæc ille aliaque huiusmodi plura, tandemq; Iunijs Calendis, eodem propè die quo nobilem illam victoriam, anno superiore reportarat, diem clausit extremum, & breuia huius vitæ gaudia, tam late fusi sanguinis humani, sed maximè Christiani reus, cum tormentis æternis infelicitissimus commutauit.

Hæres imperij, quem perpetuo Xogun appellabo, adita nemine inturbante Imperij Iaponensis Monarchia, sedem suam vbi hæctenus habuerat, in vrbe Iendo reliquit, Surunga quæ parenti sedes fuerat, fratrem suum Fitachidonum reliquit arcis custodem, nō thesauri,

thesauri, quem senis cupiditas conseruata tot annos in Imperio pace compilarat, eum enim ad se transtulit, ne fratri esset ad coniurandum incitamento. Cætera solito cursu fluunt, neque ad Nouembrem 1617. de vlla mutatione scribitur, nisi quodè Sinensis Regni Prouincia Fuquiana à negotiatoribus nunciatum Amacao scribitur, ipsum quoq; filium, & nihil aliud, perijsse. Ex hoc rerum publicarum statu vniuerso ad Ecclesiæ faciem & Societatis nostræ veniamus, tum per singula loca in quibus olim domicilia nostra sita erant, excurrentes peculiarem vbique rerum statum: in hac temporum varietate memoria dignum exploremus.

ECCLESIAE IAPONENSIS FACIES

uniuersim.

CAPUT II.

NOn immerito dubitari potest, si rei euentus humanis rationibus exquirendus est, & in alteram partem controuerti, num Ecclesiæ Iaponensi commodius cecidisset, Imperij summam ad Fideyori redire, an in familia vt factum videmus, Daifu remanere. Nam etsi pacata semper Ozacæ omnia quantum per Principem licuit nobis fuere, nec vnquam vt alibi sæpè publicè fuerit Euangelij cursus per eum impeditus, tamen si etiam in eius exercitu strenuam illi operam Christiani multi, tum maximè Ioannes Acaxicamon impenderunt, eratque satis credibile fore vt officiorum memor, rei Christianæ laxaret angustias, id nihilominus initio duntaxat futurum non temerè conijcitur, Nam ille doctus à vidua parente, se nullam Imperij repetendi spem humanam habere, totum se ad colendos Deos beneficijsque prouocandos conuerterat. Duo simulacrorum genera colunt Iaponij, alterum Camis, alterum Fotoques vocant. Priores Deos putant humanas res moderari, easque mortalibus pro arbitratu diuidere, pro ratione meritorum his fortunatas, alijs infœlices. Posteriores Dij futuræ vitæ bona partiri posse creduntur. Ergo Fideyori de alia nondum vita sollicitus, totum se ad colendos Camis contulerat, nec propè vllum erat tota Iaponia Fanum illorum celebrius aut opinione vulgi sanctius quo non eius

Ccc 3

bene-

beneficia penetrassent, ille sana instaurabat, extruebatque, ille sacri-
ficulorum cœnobîa dotabat, ille ad omnes munera submittebat. O-
zacæ restituerat intermissam diu supplicantium pompam, in quam
annis singulis dicebatur minimum aureorum sex millia profun-
dere, vulgo vt dicerent omnes, pendente adhuc belli fortuna, il-
lius euentum magis ad Camis, quam ad Fideyori pertinere, qui
si Principem toties de se benemeritum ad Imperium non euehe-
rent, nemo noluisse, sed omnes non potuisse, credituri non teme-
rè videbantur. Ad hæc cum eius parens Taicosama iam inter Ca-
mis relatus, vulgo coleretur, præliorum numen appellatus, cui tum
alibi sana multa, tum Miaci molem illam insanam de qua superio-
ribus annis, erexerat, quis non metueret eam legem, cuius calculo
diuini honores Parenti vulgo dati negabantur, diu illi placere po-
tuisse, quin eam rebus iam confirmatis, cum Christianis non egeret
auxilijs, acrius insectaretur fortasse, quam hæctenus Daifu fecerat,
cui res minus quam de parente colendo cordi erat. sed vt vt sit, hoc
saltem ex eo prælio consecutum est, vt de inanum Deorum aucto-
ritate multum decesserit, dum vel, si noluerunt ingrati, vel si non
potuerunt, infirmi ab omnibus iudicantur. Quin ipse Daifu cæ-
teroquin & ipse superstitiosus in paucis, victoriæ insolentia di-
citur præliorum numini, quod filium in prælio destituerit, in-
sultasse.

Verum enimuero non inferior ex alia parte metus, eoque ma-
ior quo præsentior, non timeri sed teneri videbatur, nam è tribus
primarijs belli ducibus sciebat vnum fuisse Christianum, eumque
in paucis fidei ardore præstantem, quem habuerat etiam in alijs præ-
lijs cum Imperium occuparet, cum reliquis Fideyori tutoribus Re-
gni que moderatoribus, contra se conuiratum, quem cum tot iam
annos plectendum inquirat, hodieque quærat, non est dubiû furo-
ris illius, quo in eû ferebatur, partem in ipsam Religionem deriuatum
iri. Ad hæc ignorare non poterat in exercitu Fideyori neophyto-
rum vexilla multa crucibus Iesu nomine, D. Iacobi effigie, ac simili-
bus insignita contra se militasse, vt non omnino temerè suspicari
potuerit, Christianum nomen, vna cum suis hostibus contra se con-
spirasse. Quid quod propè ipsius prælij tempore Ozacam euocati è
nostris

nostris duo, totidem è D. Francisci familia, nec non & vnus è D. Augustini ordine alijque duo sacerdotes indigenæ ad Duces militesq; Christianos diuinis misterijs confirmandos accurrerunt, quod si ad aures eius peruenit, vt facile est peruenisse, suspicionem auctum iri nihil dubitandum. Ex his eiusdemq; generis alijs futurorum argumentis, neophyti non videbantur temerè nouam procellam augurari, ad eamq; solitis præsidijs ad diuinam opè euocandam vrebantur. Nullus erit finis, si sacramentorū frequentia, si orationis, eiusq; potissimum quæ in 40. horas excurrit, assiduitatem, si spontè susceptas corporis flagellationes, si cōtracta sodalitia inter viros, mulieres, ac pueros, si institutas de martyrio collationes, si huiusmodi sexcenta cōmemorauero, ea si nusquā cōmemorabūtur, vbiq; factitata solito etiā accuratius intelligi velim, nusquā desiderata, nusquā remissa, multoq; minus prætermissa. Quin potius in tanta temporū varietate, cultorumq; penuria satis mirū videri debet, potuisse neophytis tota laponia sparsis, ex ordine omnibus subueniri, magis admirabile, quod subiungam, potuisse nostros è suis latebris cum tot neophytis paucos, tot ethnicos ad Christum adducere, nam hoc biennio adulti bis mille nongenti Christo nomen dedisse scribuntur, quibus si addideris eos qui à Christo defecerant, & ad eum redierunt, profecto magnum laborem magna messis est consecuta.

Sed quid pepererit tandem non omnino vanus neophytorū metus videamus. Nihil eorum hic commemorabo quæ priuati Dynastæ suis in ditionibus, propria auctoritate, turbant, hæc habent priuatum suis locis locū, sed quid ab Regia velut Imperij fonte in reliquum laponensis Ecclesiæ agrum eluisionis redundarit, & quidem eo anno toto qui victoriam est consecutus, vsq; ad obitum Daifusamæ, magnum in Regia de Christianis rebus silentium, fortasse quod occupati rerum nouitate animi, dum proprijs cōmodis consulunt minus curant aliena. Verum ex mortuo vix aliquot mensium fuit quies; nam septembris mense anni 1616. in Christianos edicta publica renouantur, quæ tametsi maximè ex eo dimanarint, quod filius vestigijs parentis insistere se per omnia profitetur, habuere tamen hanc quantum assequi potuimus, de ijs renouandis cogitandi occasionem. Annis superioribus relegatos in Tzugaru

ad

ad ortum Insulæ scriptum est permultos Miaco; & aliunde Neophytos, ut ibi eruendis syluis & noualibus exercendis, Dynasta illius regionis operam darent, In ea Iaponia parte, hoc ipso anno iugens annonæ caritas fuit, quod Nangasakuij cum esset auditum, collata stipe aurei trecenti corrafi, è quibus Oriza coempta, Nangasakuij ad proscriptos nauigauit, vnde factum est ut eorum necessitati tempori consuleretur, priusquam eo deueniret penuria, ut indigenæ ipsi exhaustis herbis & oleribus, mortales multi fame interierint, neophyti, ad quos egestas primo peruentura putabatur, non incommodè publicum incommodum tolerarent; Pupugit ea res quæ probari debuerat indigenas, atque adeo Dynastam ipsum, moleste ferentes homines apud se proscriptos, & ad vilia colonorum damnatos officia, commodius habere quam ipsos qui in patria commorabantur indigenas, Ex eo euentu Dynasta fremens inuidiæ causam arripuit in Regiam in hanc sententiam ferè scribendi. Monebat multos esse tota Iaponiam contra edicta Neophytos, quod ex eo probabat, quod qui apud se exulabant, collecta trium millium aureorum stipe (trecentos enim iam Fama vel inuidia ducta per decem proportionem multiplicauerat) à collegis submissa Oriza commodè semem, qua indigenæ multi periissent, hætenus tolerabant, quæ summa non facile cogi potuisset, nisi magna esset etiamnum in Iaponia Christianorum multitudo, His adde quod eodem tempore nauigium Lusitanorum cum Malacam peteret in Iaponiam, quod subinde contingit, aberrarit, eo nauigio è nostra Societate duo & alij religiosi totidem vehabantur, alijs etiam nauigijs quæ è Philippinis & Couchinchina redierant, aliqui è nostris & Iaponenses duo sacerdotes in Iaponiam appulerant, quæ omnia Corrocu Nangasakuiensis gubernator pro Sasioie patruo suo non potuit ignorasse, qui ne quiseum præueniret, misso in Ægiam cursore monuit Xogun eorum qui in suum portum recens appulerant, addiditque insuper extra hos, plures alios in mentito habitu passim & impunè per varia loca diuagari, Ex alijs quoque portibus etiam peiora nunciabantur, nam è regno Tosa in Insula Ficocu scribebatur nauim vnã, dum è noua Hispania in Philippinas ferretur, orta procella eo delatam ægrè in portum confugisse, cuius sociam deinde scri-

describent in Saccumano portu confectis, priorē nauī ferebantur ē D. Francisci familia duo, & aliā plures, quatuor videlicet & viginti, ex eodem ordine, qui se ex Europa delatos aiebant, legatione missa in Europam inductos, quæ ab ipso Imperatore adornata dicebatur, de qua legatione parum his temporibus opportuna, alias memini me scribere, quæ utinam plura non pariat mala, & hoc primum sit extremum. Saccumanus Dynasta de hac re ipsum Xogun admonuit in hunc modum, venisse Hispanam nauem, quæ religiosos habebat 50. è quibus media pars iam exscenderat priusquā ipse monitus impedire potuisset, eos qui exscenderant, nescire se ubi delitescerent, sed monere tempore, ne in hoc negotio remissus haberetur, Ita ille multis mendacijs, opera sine dubio sacrificulorum confarcinatis, obruens totius rei veritatem.

Ex his omnibus excauit in Christianos Tyrannus, & pro eo quo rem Christianam prosequitur odio, in quo ipsum etiam parentem superabat, factus iam ex imperandi libertate potentior, sua in Christianos edicta in hunc modum renouauit; iubet igitur suo nomine à supremis Imperij gubernatoribus diploma conscribi, ab omnibus Iaponiæ regulis subscribendum, in hæc verba, Has literas nomine suæ Maiestatis scribimus. Quoniam Daifu tanto rigore veruit legem Patrum, adhibere omnem curam, vne vel vnus in vestris ditionibus, tametsi colonus sit, aut è qualibet sæce vulgi, eam legem profiteatur aut suscipiat, & si contigerit Lusitanorum naues aut Hispanorum, Anglorum etiam & Hollandorum, qui eandem legem sequuntur, in portus vestros appellere, ne permittatis eos merces exponere aut exscendere, sed in portus nostros Nangasackium, vel Firandum amandate; Sinarum porro nauigia, quocumque in portu maluerint, liberam habeant negotiandi facultatem, Octauæ Lunæ octauo, & in 18. Septembris nostri ceciderat. Diploma hoc per varios cursores quaque versus dimissum, ut exceptum fuerit & executioni mandatum, per singula loca videbimus, quo eam rem, quæ non ubique fuit æqualis, sum arbitratus pertinere. Hoc edicto tametsi Nangasackienses non excipiebantur nominatim, tamen excipi videbantur, quod nominatim nihil in eos dicebatur, & sanè cum ijs nihil fuisset innouatum, nisi quorundam nimius

fortasse fenuor crabrones irritasset, id quomodo acciderit ad eum quoque locum pertinebit.

DE SOCIETATIS IN IAPONIA REBUS

UNIVERSE.

C A P V T III

HOc biennio in Iaponia nostri minimum nouē & viginti, summum tres & triginta numerati sunt, ex ijs duo Nangasackij laboribus perfuncti quietem inuenerunt, sacerdos alter, alter rerum temporalium adiutor, Iaponius vterq; Sacerdos Mancius Fira-baixi, alter Mancius etiam, sed Misogachi dicebatur, sacerdoti mors ingentibus doloribus euocata, maximam quoq; diuinorum solaciorum vim euocabat, quibus delibutus hæc verba Iob sæpius magnoq; sensu repetebat. Hæc mihi sit consolatio, vt affligens me dolore non parcat. Reliqui è nostris qui ad hanc prouinciam spectant, Amacai ferè degunt, vel in Insulis Philippinis, sed ibi plures hic pauciores. De omnium spiritualis exercitationis consensione & in virtutibus progressu nihil dicam, memor institutæ breuitatis.

Nostrorum omnium in hac vinea excolenda labor est incredibilis, ex temporum iniuria duplicatus. nam excolendi sunt eodem quo prius numero Neophyti, sed à paucis non eodem numero colonis, qui etiam, si Europæi sunt, nunquam nisi in tenebris publicum vident, aut ex vno in alium locum migrant, ne diuersitate vultus ab indigenis dignoscantur; ij tamen nusquā certas sedes habent, plerumque tamen ijs in vrbibus aut oppidis degunt, vbi prius domicilia habebant, hoc vnum discrimen est, quod vnus, labore in orbem redeunte, aliquot locorum sæpè curam gerat, vnusque multorum vicem suppleat, denique nunc Iaponensis Ecclesia suos sacerdotes habet, & reliquos rei Christianæ ministros, non secus atque Anglicana suos, qui è latebris mentitoque habitu procurent vel parata tueri, vel quærere noua quæ tueantur, hoc solum discrimen est, quod latent nostri operosius, ex ipso vt dixi vultu, sermoneq; atq; adeo, vt aiunt, ipso incessu pro Europæis facillimè dignoscendi: sed hoc etiam est leuius, quod fere non est æquale in ethniscis

cis odium religionis Christianæ, illi odio quod est in hæreticis contra Ecclesiam Catholicam & priuatim contra nostram Societatem.

Sed quoniam de ingenti nostrorum labore, quo hanc vineam veltuentur à procella, vel instaurant illius stragem, operæ pretium est aliquorum Patrum testimonia referre in huius rei argumentum. Itæ scribit ex ijs vnus. Nullus est in hac mea domo locus, præter vnâ cellulam, cui per ianuam & fenestellam duorum palmorum lumen immittitur, in ea vixi clausus diebus his continuis sexaginta, non sine ingenti labore propter æstum intolerabilem, iam sex dies, ex quo in alium pagum concessi & cælum aspexi, sed in antrum meum me actutum recipio, quod in hoc loco latere non possim. Alius scribit in hæc verba: Intra hunc annum ter iui Cocuram (metropolis est Regni Bungenfis) non sine ingenti labore & euidenti vitæ periculo, nocturnis horis iter faciebam, diurnis confessiones excipiebam, nec sæpius egressum esse, fuit ex mea voluntate, sed eorū apud quos dego, & qui huius Ecclesiæ sunt primores, à quibus pender mea in hoc regno statio, tantas in omnibus angustias patior, in obscuris mapalibus, æstum, frigus, famem vsq; adeo vt non meminerim alias me pati plura, è quibus omnibus tertio quartoue in ægritudinem incidi, Non semel contigit, cum noctu iter facerem per abrupta, pede labi, & cum ipsis pedibus laceris cadentē, lacero vultu assurgere, sanguine subito, erumpente. facile constat hæc parū carni grata ideo suscipi, vt Ecclesia hæc sibi constet, & aliquando restituat nobis neophytos docendi libertatem, Alius aliunde scribit in hanc sententiam, Hoc tempore non deest nobis meritum leges, clausus viuo in tenebris, & horas canonicas recitaturus ad rimam accedo, quæ lucis aliquid admittit, Mapale meū stramineum est, in ipso solo stat, humidum supra modū, vnde intra paucos dies ingentes laterum dolores contraxi, qui neq; stare me, neq; iacere permetterent. hospes meus nec famulis suis fidit omnibus, quod eorū aliqui etiamnum ethnici sint, sed neq; filijs, quos grætas nondū silere docuit, quia nondū timere, atq; ita nesciant hic me cū alumno meo latere, cibū clā nobis submittit, eumq; sæpè tardissimè. Cib⁹ est Oriza, aqua & sale cōdita, dū coquitur, cui ad delicias aliquid falsi piscis accedit, si cōfessionis causa excurrendū est, id noctu fit postquā omnes

iam sopiti creduntur, sæpe ad mediam noctem, sæpe in auroram excurrimus. Et nihilominus cum his alijsque incommodis, maioribus solatijs afficimur, quam cum nuper nostram retinebamus libertatem, neque hæc solatia in solo sunt spiritu, in corpus ipsum videntur præ copia redundare, nam intra paucos dies ex ijs doloribus conualui, & alias ægritudines, quibus olim tenebar expuli. Alius quoque inter cætera hoc affirmat, vescimur ad mensuram, ac velut vnciatim iam dudum, cibus est Orizæ pila, eaque propè cruda, quæ mihi clam per foramen iniicitur ab ijs qui me domi suæ occultarunt, loco angustissimo, non fidentes etiam eiusdem domus inquilinis, & ex his incommodis non solum non exij æger, sed solito valentior, & morbos quos antea patiebar, hac velut dieta decoxi. Fufius aliquanto alius ex partibus Cami scripsit, in hæc verba, iam fere biennium est, ex quo de domo in domum, ex oppido in oppidum perpetuo sine vlla quiete demigramus, ne hos neophytos animo ad ferendam persecutionem destituamus, latitamus in Iaponum mapalibus, cibus insuetis vescimur, perpetuo, non nostra sed hospitum nostrorum causa trepidamus, ne tenues illorum fortunas ac vitam ipsam in discrimen vocemus, & metus noster post Ozacensæ bellum accreuit, ex eo quod Daifu iubente, nusquā non essent exploratores, qui coniuratos inuestigarent, qui si in nos incidissent, par erat eorum periculum, qui nos occultabant, quod contra eiusdem edicta, tota Iaponia proscriptos domi suæ occultarent, & quoniam externi sumus, non possumus æque latere, vt in Anglia sacerdotes Angli, nos ipso vultu signum, quo prodimur gestamus, vnde non æque proum est, vt illis, occultari. O nos felices si hac causa vitam posuerimus. Hæc ille, De alio quoque scribitur sene illo & cui anni ad onus erant satis, ingressum sibi fecisse facilem in urbem ad quam euocabatur, baiulum mentiendo, & nocturnis horis onustum sarcina, eo penetrasse magno suo vel neophytorum solatio, qui boni senis industriā caritatemque maximopere suspexerunt. Alia his similia permulta contingere, quæ materiæ similitudo à scriptione liberat, maximè quod id ipsum magis constabit ex ijs, quæ per singula capita infra narrabuntur.

Sed non nostri solum in suis laboribus ac periculis exultabant, ipsi

ipsi neophyti magistros secuti, certatim nos excipere etiam cum capitis fortunarumque periculo gestiebant. & si quando cautè ac timidè nostros custodirent, nostrorum periculum, non timebant suum. Nobilis matronæ breues literas huius rei testes subiungam, ad nostrorum in Iaponia superiorem Ludouica illa dicitur, Soror Didaci Fato Cangayamo noti nostris annalibus, ob veterem illam insignemque in tuenda fide constantiam. Ex eo quod Dynastæ nostro (scribit illa Bungi) scriptum sit Miaco vnum è Societate sacerdotem comprehensum, nō defuit qui nobis suaderet, vt eum quem domi habemus, Nangasaquium remitteremus, verum maritus Ichinocami affirmat, quod, vt maxima sit Miaci vel alibi persecutionis furia, nihil sibi noui posse contingere, quod non ea determinatione quæ sacerdotē excepit, abundè contineatur, quod si creuerit inuestigandi solertia hostibus nostris, nobis crescet occultandi cura, qui si tandem proditus fuerit, votorum nostrorum faciet nos compotes, quibus etsi peccatores ad offerendam Domino vitam nostram ex singulari eiusdem beneficio aspiramus, vna cum nostro Patre, in cuius gratiam libentes, quæ Dei causa est, moriemur, & si fortè P. V. eum reuocauerit, sciat nos semel iterumque ac sæpius repugnaturus: Nam si quid Miaci erit periculi, ne Nangasaquium quidem erit immune, & quo euidentius erit periculum, eo ardentioribus votis Patrem retinemus, Deoque seruimus. Hactenus Epistola, quam hic exhibui velut exemplar cæterarum, quas vt breuis sim prætermitto, ad singulæ tandem ordine solito descensurus.

DE NANGASAQUIENSI

Ecclesia.

C A P V T IV.

Qui oppidum Nangasaquienſe, emporium ad mare tota Iaponia celeberrimum, Chriſtianæ religionis aſylum, contra idololatriæ perfidiam appellari, Nangasaquium ſuis coloribus vno velut lineamento depinxerit, eo enim plerique à patria pro ſide proſcripti profugiunt, fortasſe vt hi omnes, cum reliquis alibi comparati, propè numero excedere videantur; De ijs nolo com-

D d d 3

munia,

munia, quæ vix sine illorum iniuriâ commemorari possunt, quasi quis dubitet non esse hodie, quod semper fuerunt Nangasaquien-
ses exulum hospites, pauperum parentes, martyrum raptores, so-
dalitiorum auctores, sacramentorum si, dicere liceat, helluones, o-
rationum publicarum institutores, corporis afflictionum inuento-
res, denique vt vno verbo cætera comprehendâ, Ecclesiæ Iaponen-
sis absolutissimum Christianæ pietatis exemplar. Eam urbem præ-
ter alios religiosos & indigenas sacerdotes fere quatuor, è Societa-
te nostra septem hoc tempore in latebris suis incolunt & excolunt,
ex ijs quatuor inter se urbem partiti munus suum exercent, reli-
qui tres, neophytos ferè suburbanos; ad eos excipiendos certa-
tur à ciuibus tametsi proposita morte, ne hoc facerent, cum pelle-
remur inhibiti sunt, sed non deterriti: solent dicere se nunc in
hac procella videri sibi beatiore, quod domi suæ sacerdotes exci-
piant, quod quietis rebus, cum domicilia nostra incoleremus, non
licebat. Tempia omnia & collegium, ac reliquæ sedes nostræ stare
permittuntur, sed clausa sua solitudine squalent, & nobiscū lugent
sordidata. Verum dici verè potest pluribus locis modo sacra fieri,
& neophytos conuenire quam prius. Nam plurimis suis in domi-
bus oratoria pereleganter adornarunt, ad quæ sacerdotes euocati
sacra peragunt, eaque omnia faciunt, quæ in templis ante consue-
uerant, tantusque est concurrentium, vbi rescierint, globus, plus
venunc laboretur in ijs continendis, quâ olim in ijsdem excitandis.

Non idem fuit hoc biennio rerum status Nangasaquij, toto eo
tempore, quod ab Ozacensi victoria ad Daifu mortem, & aliquot
alios deinde menses pax fuit, qualis per reliquam ferè Iaponiam,
pax inquam nullis nouis edictis irritata, sed magis bellicis rumori-
bus potius, quam vlllo principum fauore bellum intermissum. Edi-
ctum porro septembri mense ab hærede scriptum, vt cap. 2. Dixi-
mus, Nangasaquij tum nihil admodum res commouit, nam edi-
ctum est publicè, vt Christiani suæ religionis exercitia domi conti-
nerent, nec vllus ethnicus aliunde commercij, vel alterius rei causa
commeans à Christianis in gregem suum adscriberetur. Verum
postea cum Nangasaquij comodè res flueret, sed fortasse minus
caute ageretur, quam tempora suaderent, nouis edictis, cautum, ne
quis

quis sacerdotem quemcunque exciperet: eiusque criminis poenam, non ea solum domus sustineret, quæ illum occultabat, sed vicinæ decem, vtrinque quinque luerent non inæqualem, quod in edicta regia peccantes non prodidissent, qui modus iam diu apud Iapones inuectus, vix quicquam esse finit occultum. quibus edictis Europæi religiosi quatuor, primi in hac persecutione iugulum fidei causa ferro præbuerunt, Hæc vt se habuerint aggrediamur enarrare, sed quoniam hæc Omuræ gesta sunt, non Nangasackij, quæ in toto Regno Figen persecuturi, Pauli cuiusdam insigne martyrium prius illud tempore præmittemus.

IN REGNO FIGEN PAVLVS TAROSVQVE
pro fide obtruncatur.

CAP. V.

XImadonus Figenfis Regni maximam partem Dynasta, priusquam in Christi fidem hæc edictorum, ab Regia fulgurum murmura detonarent, non alienus esse à Christianis videbatur, sed in hoc tumultu ad Imperatoris nutum factus, acriter apud suos institit, vt Christum abdicarent, nam præter exilia neophytum quendam, cui Pauli Tarosique nomen erat, extremo supplicio in hac ipsa causa damnavit. erat is ex Regno Iamaxiro Miachatus & educatus, sed in Regno Chicungo, in eius metropoli Christum agnoscens à nostris fuerat baptizatus. Idem ante aliquot annos factus iam Regni Figenfis incola, in eius metropoli Riuzogi artem inaurandi discebat. In prima huius persecutionis procella, cum eo prima illa in Christianos edicta iubente Daifû peruenissent, magna in vrbe fuit perturbatio, ad detegendos, vocandosque Christianos instituta. quin ipse Pauli magister, & eiusdem collegæ qui eandem artem discebant, è viuendi ratione Christiani illum agnoscetes, acriter apud eum institerunt, vt Christo terga verteret. diu resistit ille, donec intra cubiculum recluso, minarentur se illum non nisi negato Christo educturos. Nutauit ille non nihil, ac dubie locutus, vt solueretur impetrauit, sed huius fraudis ita illum deinde pernituit, vt denuo sit protestatus apud eosdem, se fuisse esse.

esse, ac semper forè Christianum, tametsi eorum minis victus non nihil nuperrime titubasset. Inde ad sacerdotem quærendum excurrens peccatum suum magno pœnitentis animi sensu expiauit, & in posterum pro Christiano se gessit, nihil veritus edictorum rigorem, vitæq; quod adibat ex ea professione periculum.

Exacto post hæc biennio, cum denuo recrudiissent edicta, denuo etiam Paulo nostro sua prælia recreuerant, vrgente vrbis Præfecto vicini amicique instant vt Christum eiuret, renuit primum fortiter & obfirmate, sed cum exscripsissent chirographum, quo se Christi sacra deferere profitebatur, arrepta manu effecerunt, vti per vim subscriberet, in quo tamen non omnino culpa videtur caruisse. Id chirographum ad vrbis Præfectum deferitur, vicinis ratis se homini magnum vitæ conseruatæ beneficium contulisse. Interim Paulus iterum pœnitens, quod iam secundo Christum turpiter deseruisset, conscientia iudice torquebatur, non illi cibis sapiebat, non somnus obrepebat, satis dubio quid ageret, & qua ratione se ipsum à sui ipsius carnificina liberaret, neque enim illi tum suppeditabat præsens remedium, absentia sacerdotis. Constituit ergo ad ipsum vrbis Præfectum pergere, palinodiam recantare, chirographum repetere, sed dū differret vel metu, vel fortasse pudore præpeditus; ecce tibi diuinæ procul dubio prouidentia nutu, quæ ipsum ad martyrium destinaret, occasio labitur in manus eius, quod maxime tum cupiebat, peragendi, cui cum vberiore influxu gratia succurrisset, animosior solito, de tyranno cœpit triumphare. In ea quippe cogitatione positum, vt ad Præfectum pergeret, missus ab eodem iustitiæ minister, pulsatis foribus interpellat; admissus in ædes profert chirographum, dicit vrbis Præfecto minus placere quod in eo desit, quam Iaponensium sectarum suscipiat, quemue sacrificulum eligat in magistrum, cuius etiam sacrificuli magisterium admittentis chirographum desideraretur. Irruit in Paulum Spiritus Domini, arripit chirographum, lacerat, comburit, & in hæc verba deinde prorumpit, Dic amabo te, Præfecto, me non solum non aliud chirographum scripturum, sed quod ex eo tempore, quo ad hoc ipsum subscribendum me cogi permisi, nullam ceperim quietem, mali quod à me commissum lugebam, conscientia perturbatus,

batus, & apud me iam ipse statueram ad illum ipsum adire, chirographum repetere, & de fide mea dubium, extremo responso fidei meæ reddere certior, deliberatum esse mihi vivere morique Christianum, super quo negotio requisitus quoties placuerit, ipsi me sistam, & calicem Domini mei post hac nihil dubius epotabo.

Redit internuncius ad Præfectum, qui audito responso nihil ultra tentandum, aut cunctandum ratus, mittit eodē die 24. Octob. 1616. nocturnis iam horis, militum manum, qui non sine ingenti tumultu Paulum nostrum in custodiam publicam, vinculis onustum pertraxerunt, ibique adhibitis excubitoribus dimiserunt, ibi iam demum sibi persuasit, se non nisi cæleste iter arrepturum, è vinculis istis dimittendum, frequenti se oratione, altiore voce concepta ad sælicem exitum comparabat, & memor quam tepidè seu potius trepidè semel iterumq; se in Christi confessione gessisset, ex impetratis à suis custodibus, funiculis flagellum armat, eoque manum induens, totam vnam sine ulla intermissione noctem, pernox se flagellat, donec aurora exeunte, à flagellatione fatigatus abstinuit, stupere qui audierunt, ad tor verbera custodes, nec satis capiebant Pauli, Christianæque religionis, quo moriturus videbatur, ardorem. Postridie porro matutinis iam horis, neophytis valedicturus, ad quinque nominatim, quibus familiaris vsus fuerat, breue hoc expedit epistolum. Ardens desiderio, vitam in obsequium Dei ac Domini mei Iesu Christi consecrandi, victus teneor isto carcere, si morti adiudicatus fuero, magni eam rem æstimabo, & Deo meo multis gratulabor, rogo vos igitur, vt eidem Domino accuratè me commendetis. nona Luna. die 15.

Eo ipso die sub vesperum, minister Præfecti venit in carcerem, & in Paulum sententiam mortis enunciat, quam ille eadem animi serenitate excepit, qua cupiditate exoptarat, Compellato deinde illo, cui sciebat exequendam sententiam demandari, rogat illum serriò vt in crucem ageretur, habere se depromptas è Christiana disciplina causas, cur hoc ipsum postularet, negat ille, causatus deesse ex mandato vel tempus, vel apparatus, eum iussu Dynastæ obtruncandum, Acquiescit Paulus, & è vinculis, vt coniecerat egressus, in cælum se ferri iam cogitabat, & cum venisset ad locum, impetrato

ad orationem spatio, sanctissima Iesu ac Mariæ nomina inuocans primo ictu iugulatur, Octobr. 27. cum annum ageret ætatis plenitudinis Christi tertium supra tricesimum. Nondum expleta sæuitia Iaponius carnifex sicam probaturus, truncum cadauer altero ictu aggressus, prope illud circa pectus in duo frusta diuisit, ac deinde vili storeæ inuolutū, in vicino agro terræ commendatur. Caput vnus ex satellitibus secum detulit, ratus fortasse Præfecti mandato pro murorum pinnis, vt sæpè fit, exponendum, sed & illud storeæ fragmento etiam obuolutum humatur, donec vtrumq; clam neophytirapuerunt, & Nangasadium, vt asseruaretur, tulerunt.

Non eadem fortuna vsus est alius in eodem regno Figenfi, qui cum iussus est occidi, nulla sua culpa votis excidit, & coronam martyrij, sed non meritum, vt speramus, amisit. Is olim apud suos sacrificulus fortè Nangasadium venerat, & ibi conspecto Christianæ religionis ardore exarsit & ipse, & necessarijs præceptis imbutus baptizatur, & domum reuersus, abdicato sacrificuli munere legitimas nuptias cum supersticioso cœlibatu permutat, Is quo tempore renouatur in Christianos procella, interrogatur à nescio quo idolorum cultore, ex ea secta, quæ Dæmonem ipsum sine alio numinis furo veneratur, esset nec ne Christianus? Non sum, inquit, ex optimis, sed quoad vires meæ ferunt, eam legem profiteor. Vadit ethnicus ad Præfectum, prodit hominem, & mox submissis famulis iubetur occidi; quod cum noster præsensisset, obuius fit suis intersectoribus, domum abducit, frugali conuiuium pro sua tenuitate excipit, qua humanitate, quod minus optabat, aut cogitabat, impetrat. Hortantur hominem igitur tanta humanitate capti, vt se tantisper subducatur, dicturos se tyranno, se fuga lapsum non reperisse. Absit, inquit ille, vt oblatam pro fide mea moriendi occasionem abijciam, perficite quod habetis in mandatis, præsto sum. Attoniti hoc responso diu subsisterunt, & tandem hominem dimiserunt, sibi sumentes Præfectum ab hac sententia, quod & fecerunt, abducere.

quo euentu fortis Christi athleta tantum doloris concepit, quantum alter gaudij, qui præsentem mortem illæsus euasisset.

OMNIAE DYNASTA RELIGIOSOS EVRO-
peos, quatuor è singulis ordinibus, singulos obtruncat.

CAPIT. VI.

Nondum in hac à Daifu commota in Christum tempestate vl-
 lus Europæorum Ecclesiæ ministrorum obierat, cum fuisset
 hætenus in solos indigenas proposita morte sæviturus, exter-
 ni sola proscriptione pledebantur, sed tandem aliquando Domino
 placuit quæsitæ post tot maria coronas, quibus paratæ ab æterno
 fuerant, elargiri; nam è quatuor religionum ordinum familijs, quæ
 in Iaponensiū hodie salute defudant, videlicet D. D. Dominici, Au-
 gustini, Francisci & Societatis Iesu, è singulis singulos elegit, quos
 eodem ferè tempore hac martyrij gloria insigniret, quod etsi ad-
 huc parca manu concedi videtur, spem tamen acuit fore vt in po-
 sterum plures eandem gloriæ societatem consequantur. Id hac oc-
 casione scribitur accidisse.

In his postremis fidei certaminibus Daifu, & filius cum Nanga-
 saquensibus mitius sese semper habuerat, nam etsi deletio Nan-
 gasaquo, religionis Christianæ iugulum peti videbatur, ille tamen
 vt erat externi commercij cupidissimus, noluit illud emporium.
 Lusitanorum portum acrius quam edictorum minis, & interdi-
 cto palam religionis exercitio, dimissisque fidei magistris, nec ali-
 ter diuexari; id maximè patuit, cum annis proxime superioribus,
 Arimensibus instaret Sasioye, cum suis tamen Nangasaquensibus
 sæuire tam diu distulit, dum Ozacensis belli rumor minas in-
 terturbaret. Quin etiam hoc ipso tempore, cum tota Iaponia
 nefas esset aliquem in suis terris, etiam è vulgo tolerare Neophy-
 tum, à solis Nangasaquensibus exigebatur, vt religionis suæ ex-
 ercitiū intra domesticos parietes continerent, nec posthac
 ethnicum vllum Christo aggregarent. Ex hac Nangasaquien-
 sium velut immunitate, cœpta est ibi maiore quam fortassis o-
 portuerat libertate res Christiana tractari; id ex eo accidit, quod
 cum ibi Religiosorum ordinum quatuor, & aliqui sacerdo-
 tes indigenæ delitescant, nullusque sit cui sede vacante pare-
 ant omnes, sed singuli suum superiorem agnoscant solum.

hinc fit, vt non fit vna rei Christianę tractandę ratio, & licet in eundem scopum, non eadem omnes tamen via collimant, sed arbitrat^{ur} vnusquisque suum esse optimum quod concepit. Ex neophytorum etiam parte, quicquid est in hoc genere diuersitatis, ex eodem quoque fonte procedit, quod ijs contingat id quod olim scribit Apostolus, Ego Apollo, ego Cephæ, ego verò Pauli. Alij putant Imperatori, quoad fieri potest, salua fide parendum, tempori consulendum, & orta procella libertatis vela non nihil contrahenda; alij Zelo ducti, faxit Deus, vt sit secundum scientiam, feruori suo indulgentes turpe putant, cedere, latere, conuiuere.

Ex hac nimia libertate constare cœpit Iaponiæ vniuersæ, esse Nangasacuij, contra duorum iam Imperatorum edicta, sacerdotes, cum enim illud sit emporium, in quod commercij causa negotiatores ethnici vndequaque conueniunt, ad suos hunc de sacerdotibus rumorem referebant, & simul suspicionem, non paucos fortasse alibi, & tota Iaponia multos occultari. Huius rei fama cum ad supremum Imperij senatum delata peruenisset, & ita vt iam dissimulari, salua Imperatoris auctoritate, vltra non posset, totam rem ad ipsum Xogun detulerunt, veriti ne, qua alia via, res ad eum suo periculo penetraret; nam cum soleat Xogun, ex quo Imperium adeptus est, secretos quaque versus expedire inspectores, quos Nangasacuium etiam non dubia fide venisse ferebant, facillè erat suspicari eum nihil eorum quæ Nangasacuij gererentur, ignorare.

Id temporis Omuræ Dynasta, nepos Bartholomæi Omurandoni in Regiam iuerat ex more, sub initia redeuntis anni, eum igitur supremus senatus negotijs breui expeditum remittit cum mandatis, vt Nangasacuij diligenter exploret, num quem sacerdotem è latrebris eruat, & contra edicta fecisse deprehendat, ferunt eum initio nihil aliud in mandatis habuisse, quam vt deprehensos denuo ex Iaponia tota dimitteret, sed postmodum nouis mandatis, vt morte mulctarentur imperatum. Hoc autem negotium huic Dynastæ, quam vlli alteri demandatum, non id solum vicinitatis iure, sed quia anno 1614. vt omnes emitteret, eiusdem curæ fuerat commendatum, vnde & hæc prioris velut negotij reliquiæ, videbantur ad illud quoque iure pertinere. Et hic est Dynasta filius Tangodoni,

qu

qui Tangodonus cum è cunis ipsis Christi fidem ad multam æratem eduxisset, demum ante annos aliquot Christo terga verterat, & ad simulacra redierat, subditos suos, quoad potuit secū trahens, & cum tandem huic filio suo. Mimbudono ditionem tradidisset, reservato sibi censu, quantum satis esset ad familiam sustinendam, tandem inopina morte periit, cum sororē suam. Marinam Augusto mense 1616. visitasset, doloribus correptus acutissimis, à quibus iudicio priuatus, intra biduum extinctus est, sed ad institutam narrationem redeamus.

Non fuere ita secreta, quæ Omurenſi Dynastæ fuerant demanda, quin Nangasaquij obscurè tamen prorumperent. Ergo Urbani magistratus, qui omnes sunt ex selectissimis Neophytis, inter se deliberabant, quid de Patribus rogati responderent, adeunt igitur Provincialem nostrum (Provincialis enim Amacai debebat) ut aliquot Amacaum amandaret ijs nauigijs, quæ in Cochinchinam propediem solutura dicebantur, posse cæteros è nostris in vicina loca tantisper emitti, dum exploratorum primus feruor tepesceret, ut etiam possent rogati non falsò affirmare, nullum delitescere Nangasaquij, sacerdotem. Visa est superiori non iniqua magistratuum postulatio, ergo ijs nauigijs quinque dimisit, cæteros in opportuna loca ita dispersiuit, ut tamen subitis neophytorum casibus, sacramentorum præsidia non planè deessent. Idem fecere Religiosi cæteri, quorum alij, cum soluere se simulassent, clam redibant in portum, alij denique alio dilapsi, urbem vel omnino reliquerunt, vel intra illam cum nostris per paucis, quam occultissimè se occultarunt.

Vix benè rebus ita compositis, nauigia è portu soluerant, cum ecce tibi Omurandoni familiares, velut aliud acturi, solertissimè sed frustra sacerdotes inuestigant, nec desuere qui Iudam imitati è Neophytis facti sunt proditores, nusquā enim id genus hominum deest, quod Apostolico duodecim collegio constat minimè defuisse, qui tamen si confessionum prætextu se tegerent, non fuere tamen ignoti. Cum nihil Omurenſes proficerent, ex oppidi moderatoribus quærun, ubi delitescerent? si eos tempori proderent, nihil sibi, nihil hospitis, qui eos occultaſſent, mali creaturos, si alijs indicij proderentur, omnes legum recens latarum atrocitate mulctandos.

dos, sed quotquot interrogati sunt, candidè se de Patribus, vbi late-
rent, ignorare responderunt, nec ipsi fallebant quæsitores, si qui e-
nim Nangasaquij supererant, ita paucis conscijs latebras elegerant,
vt sine mendacij conscientia cæteri, quod erat, affirmarent. Nan-
gasaquij ergo tum quidem Patrum exploratio sine vltiore iniu-
ria conqueuit, nam cum Omurensis Dynasta Patrem habuerit
Auumque Christianos, & ipse quoque infans sit baptizatus, facilè
Christum profiteretur, nisi pluris faceret ditionis quam animæ sa-
lutisque iacturam; Præterea optandum erat Dynastæ, post accura-
tam inquisitionem nullum reperire, ne si multos deprehendisset,
remissus, cum illos eiecit, fuisse videretur.

Hoc igitur rerum statu Nangasaquij relicto, ex quo sequens
narratio dependet, ad martyres hoc nobis capite propositos venia-
mus. Ex ijs qui à Prouinciali Nangasaquio dimissi sunt, vt jam
diximus, P. Ioannes Baptista Machado vnus fuit ex Insula quam
Terceram Lusitani vocant, oriundus, illi Neophyti Omuren-
ses & Insulares in Goto visendi incumbabant; ergo ad suam sta-
tionem Nangasaquio emissus numerum minuebat & munere fun-
gebatur, & vt videas martyrij lauream non esse neque currentis, ne-
que volentis, sed miserentis Dei, qui videbatur extraictum teli re-
motis in Insulis tutus, capitur, & qui Nangasaquij vel sub urbem
latet, quæ situs etiam nominatim euadit. Nam Omuren-
ses ex ijs quæ Nangasaquij didicerant, assecuti sunt, multos quidem ibi nu-
per delituisse, sed eorum nonnullos postremis nauigijs abiisse,
alios alio dilapsos Nangasaquium reliquisse. Mittuntur ergo
exploratores terræ marique, nam sicut Omurensis Dynastæ rebus
consultum non erat, plures deprehendere, ita ad ostentatio-
nem industriæ cupiebat vnum aliquem alterumue, non plures au-
cupari.

Primus itaque qui in exploratorum manus incidit F. Petrus ab
Ascensione dicebatur, è D. Francisca familia, proditus est ille nebu-
lonis indicio, qui sacerdotem ad ægrum confessione expiandum
mentita pietate disquirebat. Captus est non procul Nangasaquio, in
pago, cui nomen Quinquizu, in terris Ifasai, & in Omurensem ditio-
nem abductus in locum, cui nomen Gori, excubitorum fidei com-
men-

mendatur, eo quoque ipso tempore in sacerdotem indigenam, Nangasaquio scapha soluentem, exploratores inciderunt, qui tamen ut erat indigena, nescio qua arte, sed tamen exploratorum manus euasit.

Egressus igitur noster Nangasaquio, circa loca vicina & in Omurenſi ditione se in exercendo suo munere detinebat, quod in Insulas nauigandi non eſſet opportunitas, & cum deinde transmissione pararet, aduerſis ventis repulſus, Firandum petijt, facilius, inde ut aiebant, tranſmiſſurus. Interim dum nauigandi comoditas expectatur, noster ſolitis ſuis munijs occupatus Nangasaquio monetur à ſodalitio quodam, cui prius ille præfuerat, ſpargi rumorem conſtare iam in Insulas amandatũ, eo exploratores ad eum comprehendendum nauigaturos, rediret potius Nangasaquium, ſecurior ibi futurus, nam inueſtigatores inde, nomine deprehenſo, diſceſſerant; aut ſi mallet, ex eo portu in partes Cami curaret ſe transportari, poſſe ibi ſine periculo præſens periculum declinare. Accepto ille hoc nuncio, inſtituta ſuper hac re ſeria ad Deum prece, conſtituit ſe non alio, quam quo à ſuperiore mittebatur, abiturum, nihil temerè fieri, cum ſit quod iubetur. Neophytis verò gratiam habuit, addiditque ſe, ſi in locis ſuæ curæ commendatis caperetur, duplicem coronam manere, alteram martyrij, alteram obedientiæ. Exploratores prædam ſecuti, in Omurenſi ditione Patris veſtigia ex auditis ubiq; confeſſionibus odorati, non enim deſuit qui proderet, eumque quacunq; tranſierat, perſequentes demum Firandum peruenerunt, ſed iam in Insulas noster vocante repente vento, breui nauigatione tranſmiſerat, eoque peruenerat Aprili, anno 1617. in portu, qui Canoco vocatur exſcendens. Et quoniam iam de eius aduentu exploratorum literis moniti erant magiſtratus, poſtridiè quam appulerat, dum pœnitentibus aures daret, ingreſſus eſt adoleſcens, quem ſibi deinde ſuſpectum fuiſſe Pater dicebat, à quo moniti ex templo magiſtratus in ædes irrumpunt, eo ipſo tempore quo ià expiatum pœnitentem abſoluebat, abſoluendi formula ritè pronuntiata noster aſſurgit, & magiſtratibus obuius factus, cum audiſſet ſe ab Omurenſi Dynaſta ex Imperatoris mandato comprehendendi, quod eius ediſta neglexiſſet, ita reſpondit. Hæc vinſculà non refugio, ſed ea ſunt, quæ ab ipſa Europa in Iaponiam
uſque

vsque quæ siturus adueni, nec vlli hoc nomine succenseo aut quicquam queror, quin potius Deum obtestor, vt ijs qui ad hoc mea vincula quicquam contulerunt, hoc peccatum dimittat & condonet.

Omuram reuehendus noster, aduersis ventis biduo detineretur, quo biduo, magistratibus volentibus, sacrum fecit, & SS. Sacramentis Neophytos expiauit, eosdemque magno spiritu cohortatus dixisse fertur, se septennem puerum de laponia inter suos audijisse, ex eoque tempore ad eos Christo adiungendos animum concepisse, vnde nunc exultet in Domino, quod suorum se votorum etiam supra spem summum videret assecutum. Nauigium conscensurus, custodes suos rogauit, vt vinciretur, sed non obtinuit, quod dicerent, nihil esse quod vinciretur is, qui vinciri cupiebat. Soluentes igitur veniunt in Insulam, iam in Omurense ditione, in qua nautas & neophytos dimiserunt omnes, præter Patris alumnum, qui summis precibus vix à ministris impetrauit, vt comes esset magistro, quod dicebant se solos quærere sacerdotes, nec habere in mandatis vt religiosum laicum comprehenderent, etiam deprehensum. Impetrauit tamen bonus alumnus, Leo dicebatur, tum quidem vt Patri comes esset, postea etiam vt vinculorum, ac deinde coronæ particeps in eandem martyrij gloriam vocaretur. Inde moram iniicientibus ventis non nisi 29. Aprilis Omuram deuenerunt, vnde postridie iam nocturnis horis, cum facibus incensis, abducitur eum in locum, vbi F. Petrus tenebatur, qui ex tumultu se ad iugulum peti suspicatus, in orationem incumbere aggreditur, cum ingreditur noster; eaque vinculorum Societate non parum est vterque recreatus, hic nouis precibus Leonii certandum fuit, vt iisdem vinculis teneretur, quod tandem agentibus vinctis impetrauit, ac sedulo quibus in rebus potuit, vtrique ministravit.

Ex hac sua custodia literas scripsit ad aliquos, è quibus ternas, quarum exempla ad manus meas venerunt, à me impetrare non potui quin hic insererem, nihil prolixitatem veritus, sua vt spero pietate salutarem. Ita igitur ad eum scribit, qui Nangasakuij nostris præerat, 3. Maij. Hodiernus dies est duodecimus, ex quo comprehensus sum. Deo gratias ago, quod eam mihi quietem dederit, vt
nihil

nihil magis cupiam, quam eum vitæ statum, quem in hoc ergastulo sum consecutus, eidem gratias ingentes habeo, quod ex ea hora, qua me video detineri, nihil aliud occurrit, quam quod me in cruce fingam, aut sub ictu sicæ Iaponensis. Benedictus sit Dominus, qui ad hunc modum suos solatur, pro se vel exigua patientes, vim verborum sacræ scripturæ, & robur spiritus, quod conferunt, nunquam alias sum affecutus, nisi ex quo me video in hoc rerum statu constitutum: atque ita Imperiorum orbis in unum collecta potentia non videtur mihi vnus è terra vermiculi vires æquare. Facile intelligo me in hanc rem nihil conferre, totumque esse Dei ac Domini mei beneficium, cum quo, & pro quo in finem decerabo. Vnum dolebo, si eius causa parum patime contigerit, jam est quadragesimus dies, ex quo ingenti dolore crucior, qui ex huius carceris, qui est in media palude, humiditate ita increuit, vt nullam quietem capiam, id in magnis Dei beneficijs repono, vt quoniam hactenus mecum mitius agitur, hos dolores, qui similes sunt mortis doloribus, à Deo immisos alacriter feram, & inueniat Dominus quo me probet, cum præter peccata mea nihil sit, quod me afficiat, non carcer, non ipsa mortis expectatio. Hactenus ille.

Ex alijs literis, 17. eiusdem mensis Maij datis, excerpti quæ sequuntur. Afficior vestrorum laborum & angustiarum recordatione, sed Dominus, qui hæc ita deponit fines suos habet, quos nondum assequimur; & quoniam causa ipsius est, & ille omnia moderatur, credi debet eum omnia ex maiori sua gloria, & huius Ecclesiæ nostroque omnium bono directurum. Hæc me cogitatio contentum facit, eique gratias ago, quod mei memor fuerit, cum animum subministrat, quo labores omnes, totiusque mundi tormenta, pauca esse mihi fingo, quàm nihil sit, quod ex me possum, quàm multum, auxilio eius instructus, quod nunc experior, Bonus Iesus eos qui se ipsi tradunt non deserit, quæ promissis explet ad amissim, nemo eum inuocauit, qui non eum inuenerit, non deserit suos in vinculis, in tribulationibus non derelinquit, & ideo diuina eius lex iugum, quod semper est duorum, appellatur; vt soli patiamur, ipse non patitur. Id iugum etsi natura sit plerumque insuauis, tamen est & vocatur, quia socium habet, qui, quod est

Fff

ponde-

ponderis, in se suscipit, & ita nostræ infirmitati accommodat, ut non patiatur nos tentari supra id quod possumus. Gratulor igitur ex animo Deo, cuiusque me voluntati accommodo, tamen si velit me incommodiore ergastulo ad diem iudicii detineri, nam si de me ita disposuerit, vires quoque in huius sitineris longitudinem suppeditabit, si me voluerit è contra vitam hodie reddere, quam in eius obsequium impendendam accepi, beneficio gratus non repugnabo, satis certus, quod ut ut fuerit, me tamen si peccatorem indignissimum non derelinquet, & ita cum Propheta dico: factus est Dominus refugium pauperi, & adiutor in tribulationibus, Iesum Christum habemus pro refugio, quotquot eius causa omnia relinquimus; sumus enim pauperes, habemus fidum in tribulationibus adiutorem, qui tempore subuenit opportuno, velut amicus semper & ubique fidelissimus. Hactenus ad eundem literæ.

Ad alterum denique scripsit in hæc verba: Captus sum in Goto, cum ad absoluendi formulam manum erexissem, ea pronuntiata, magistratibus occurri, ea dixi quæ Dominus id temporis in os immittebat. Huc in Cori pertractus sum, & custodior diligenter, utinam etiam aliquid in eius causa paterer. Benedictus sit ille, à quo maiora meritis beneficia suscipio. Affirmo R. V. & ipsissimam scribo veritatem, Præsentem rerum mearum statum, cum totius Orbis imperijs vel secularibus vel Ecclesiasticis neutiquam permutabo, nunquam alias vixi mea sorte æquè contentus, nunquam æquè hilarem me sensi, nunquam æquè sine cura sine sollicitudine me reperi. Benedictus sit Deus à quo ita copiosè compensatur tantillum illud, quod in eius causa toleramus. Nunc quod vincula patior, ut Euangelij præco, videor mihi iam aliquod de munij Societatis Iesu affecutus. Hactenus noster, iam velut entheatus, diuinoque spiritu correptus, animo suo indulgebat, ut videas ab eo sperandas hoc euentu vires à quo conferuntur, nec timenda pericula, quibus eripimur à potenti Dei manu proprijs viribus omnino diffidentes.

In suo carcere, dissimulantibus magistratibus, nostri à die Pentecostes ad alteram diem post festum SS. Trinitatis, in quem incidit eos plecti, quotidie sacrificium missæ obtulerunt incrementum,

entum, mox de se cruentum oblaturi. Eo ipso die, qui fuit Maij secundus & viceſimus; Dynaſta miſſo internuncio vtrique ſignificat veniſſe ab Regia ſupremi ſenatus mandatum, quo mactari iubebantur, quod illa ipſa nocte vt fieret, imperabat. Eum nunciū vterque hilariſ vel maximè excepit. P. F. Petrus dicebat ſe, per eos dies ſacrificantem vel orantem aliud nihil à Deo poſtulaſſe, & quod auditus eſſet, ſe Domino maximoperè gratulari. P. Ioannes Baptiſta reſpondit ſetribus in vita ſua diebus, præ cæteris, maximo gaudio delibutum, cum ſocietatem ingrederetur; cum ſuper caperetur; & nunc cum de morte moneretur. Abijt cum vtriuſque reſponſo ſenator internuncius, & athletæ noſtri ſe ad agonem comparabant, & prolixius orantes, modo in ſilentio, corde clamabant, modo in externam vocem erumpentes Chriſti in cruce pendentiſ effigiem piè amplexati cum eo ſuauiſſimè colloquebantur. Deinde mutuo ſe mutuiſ peccatiſ expiarunt, ſimul ſe vterque flagellauit, tum pſalmiſ aliquot cantu elatiore decurrerunt, & cum aliqui ad eoſ, vulgata iam fama, concurriffent, apriſ eoſ cohortationibuſ accendebant. P. Ioannes Baptiſta, poſtquam eſt de morte admonituſ, breuiſſimè ad ſuperiorem ſcripſit in hæc verba. Hac ipſa hora laureatuſ ad me martyrij nunciuſ aduenit, morior ſolatio plenuſ, quia pro bono leſu morior, ago illi gratiaſ, quod me licet indignuſ, tam inſigni beneficio affecerit.

Cum iam dieſ vergeret in occaſuſ, impiæ ſententiæ miniſtri conuenerunt, vnus ab ethnico ſenatore Nangaſaquienuſ miſſuſ, aliſ treſ ab Omureniſ Dynaſta deſtinati, iubent Patribuſ cibum parari, ſed illi iam ſe nullo ad ſuſtinendam vitam cibo indigere profeſſi, qui ad eam ſuſtinendam duntaxat debet adhiberi, ac tum denuo alter alteruſ de peccatiſ couſitentem excepit, tum ſimul Litaniaruſ ritu ſanctiſ in auxilium omneſ euocarunt, quibuſ expletiſ è carcere emiſſi, ad locuſ martyrij perrexerunt. Aberat iſ leucam ſerè dimidiatam; geſtabat vterque manu ſuam crucifixi effigiem, & ſubinde ex itinere alter alteri ſuccedens, neophytoſ qui multi comitabantur, exhortabatur ad ea, quæ tempori erant opportuna, ſed quoniam omneſ ingenti planctu eoſ proſequebantur, non ſatiſ fuerunt, quæ dicebantur affecuti, cum ad locuſ ven-

tum esset, alter alterum tenerrimè amplexatur, P. F. Petrus ad Neophytos conuersus orationem habebat, quæ cum senatoribus prolixior videretur, à P. Ioanne Baptista, qui hoc aduerterat, vè finem faceret admonetur, Tum denique breuiter alter alterum à peccatis confitentem absoluit, ac denuo se inuicem complexantur, & elata voce salutatis extremum Neophytis, alter ab altero nonnihil seiunguntur, vnde se inuicem intuiti, cum nescio quid essent collocuti, quod neophyti non assequebantur, lætissimè arriserunt. Tum ex Neophytis vnus Damianus dicebatur, qui vinctis magno amore ministrarat, & vnus ex adhibitis custodibus fuerat, qui solus ex ijs nunquam à Christo defecerat, vtrique storem suam protulit, in qua genibus positis obruncarentur, ne vt aiebat, cum ruerent capita, in solo volutarentur, verum illi eodem vterque sensu renuerunt, affirmantes, corpus è terra factum, & in terram rediturum, nusquam melius quàm in humo nuda posse volutari. Ergo tandem reiectis storeis, in genua ruunt, manibus in cælum erectis, & hoc situ compositos illico obruncarunt. P. F. Petrus primo ictu truncatus ruit prior. D. Ioannes Baptista cum primum vulnus excipisset, errore carnificis, nondum truncus affurgit, ac iterum in genua ruit, Iesum ac Mariam inclamans, & tum tandem tertio duntaxat vulnere obruncatur. Mortuos neophyti cum ingenti deflerent ululatu, lachrymas ipsis qui aderant senatoribus excitauit, & neophyti alius super alterum ruentes ad sacrorum pignorum venerationem irruerunt, quin & ipse, qui Nangalaquio venerat senator ethnicus, vnum è famulis, quem sciebat esse Christianum, vè idem faceret admonuit, si enim in vlla lege salus est æterna sequacibus, in hac deesse non potest, quæ mortem excipit eo hilaritatis sensu, quo alius quilibet vita donaretur. Neophyti deinde de martyrum capillis, vestibis infectis sanguine, herbis, humo, lapillis harpastum exercentes, omnia rapiebant. Quin & alumnus Leo, qui à magistri latere nunquam discefferat, Sudarium quoad potuit, illius sanguine infectum, secum retulit, nescius se breui eadem laurea coronandum.

Vtrique Sarcophagum Neophyti attulerant, quo conditos

optabat Damianus illico terræ, quæ iam aperta erat, commendasse, sed concurrentibus vndeque neophytis; ut id fieret, non nisi expletis omnibus, videndo, deosculando, plangendo imperatur. Magdalena Christiana mulier, sindonem, qua P. Ioannes inuolueretur obtulerat. Socius storea inuoluitur. Postridie missi à Dynasta viri supra centum, sepulcrum extructo pariete cingunt, honoris, ut aiebant causa, & ne ex alijs locis neophyti subducta cadauera pro thesauro, alio asportarent.

ALII DVO RELIGIOSI ET CVM IIS LEO

alumnus noster in fidei causa plectuntur.

C A P. VII.

EXtincto Magistro, lugebat Leo suam orbitatem, fortunamque suam, quod vna cum eo mori non licuisset, serio deplorabat; ignarus futurorum, nam expletis omnibus, inde abductus à ministris in eundem carcerem reducit, & traditus quinque custodibus arctissimè vincitur, quos carceris Præfectus indignans ita compellauit. Quid est quod hac atrocitate Leonem alligatis, an periculum erit in eo fugæ, qui sponte magistrum comitatus, ne carcere quidem ab eo diuelli potuit, & ipsa morte noluisse, ego pro illo spondebo, si fugam timetis, oportebat vos suam solitudinem deploranti condolere, & non addere afflictionem afflicto; quibus auditis, illi iam facti mitiores, funium nodos ita laxarunt, ut sine dolore vincirent.

Post dies à martyrum certamine ferè sex, alij religiosi duo, sacerdos vterque P. F. Alphonsus Nanarrete, Provincialis Vicarius suorum ex ordine D. Dominici, qui in Iaponia degunt, & P. F. Ferdinandus à S. Iosepho, qui solus ex D. Augustini familia in Iaponia remanserat, nouo spiritu correpti in euidens se martyrij periculum coniecerunt, quod etsi vulgo non probatur, in multis tamen SS. martyribus non damnamus, sed admiramur. Communicato igitur inter se consilio, salutatis amicis, Nangasa quio in Omurensi

Est 3;

ditio-

divionem palam demigrant, reiectoque habitu seculari, quo tota utebantur, suum induunt singuli, & crinem circum rasi, sacerdotibus vsurpatis coronas aperiunt, eos Nangasaquio multi, ac deinde ex alijs locis plures comitantur. Sunt qui duo-millia numerent, sed vltra dimidium vix fuisse accipio, ij cum in Omurensium terras aduenissent, excitata repentino opere, ex arborum ramis, velut zede, medio in agro, vt plures caperet, palam sacra facere, confitentibus aures dare, sacramenta ministrare ceperunt. Omurensis Dynasta tamen si exandesceret, senire tamen ad dies aliquot distulit. Postquam vero sine suo periculo vltra conuiuere non posse iudicauit, mittit qui eos comprehendat. Occurrunt latimissis ad se magistratibus sacerdotes, & postquam eos, eo quod ad manumerat, frugaliter exceperant, vna cum ijs libenter nauigium conscenderunt, & in Insulam non procul ab Omurensi arce deportati, sine iniuria tumultuque, sed potius cum honore ibidem detinentur. Non defuere qui Patribus se vinculorum comites offerrent neophyti, sed maximè Nangasaquienes duo, qui se illos toto hoc biennio domi tenuisse fatebantur, alius quoque Patrum alumnus idem vrgebat, sed tum quidem nullus quod maximè vrgebat, impetrauit.

Post quadriduum ferè, cum iam illos Dynasta pro eo quod ab Regia mandatum fuerat, eiusdem supplicij pena multandos, cum alijs duobus iudicaret, expediri noctu celocem, & in eam vtrumque, sed & Leonem alumnus imponi iubet, eoque ipso tempore, quàm occultissimè potuit sociorum cadauera exhumari, non ferens vltra concurrentium multitudinem, vt simul omnia in mare mergerentur. Non latuit intentos ad omnia Neophytos, nam aliquot nauigijs locum exploraturi, consequi ceperunt soluentes. Nox erat perobscura, celox incitato remigum multorum cursu expedita, quæ momento disparuit, ac Neophytorum studia & vota frustrata est, sed ex ijs, qui interfuerè ministris, omnia deinde constituerunt. In desertum itaq; scopulum delati posttridie mane, concesso ad orationem pro arbitrato spatio, cum se ad moriendum comparassent, repente Leo nonnihil à Patribus seiunctus, aliquid sibi temporis petijt prorogari, veriti sunt Patres,

ne subito mortis metu immutatus noller ijs viuentibus à fide deficere, ergo incipiunt illi animos addere; verum ille modestè subridens, non est hic, inquit metus Patres, sed quia me indignum arbitror, vt vna vobiscum hanc martyrij coronam adipiscar, decet me nonnihil præstolari, mortemque differre, quam rem admirati, simul vterque, & Leo post paululum capitibus amputantur.

Omnium sacra pignora, prout à suis exacto iureiurando, sanguine confirmato Dynasta præceperat, in mare abijcienda hunc in modum disponuntur. Aperiunt vtrumque sarcophagum, & P. Ioanni Baptiste P. F. Alphonsi Nauarrete socium cadauer adiungunt, alterique alterum, vtrumque denuo deinde occludentes. Leonis autem sacrum corpus storea inuolutum, alligatis ingentibus saxi vna cum reliquis in mare demergunt, in ea maris altitudine, qua triginta minimum passus ad ima ferebatur, veritus enim fuerat Dynasta, ne ex concursu neophytorum nouas sibi molestias crearet. Auditum est, quod contigerat Nangasaquij, nec defuit, qui locum plus minúsue proderet, sed hoc ad incitandum in Neophytis vestigandi studium vsui fuit potius, quam ad sacra pignora eruenda, nam tamen multis nauigijs, retibus, harpagonibus tentata res est, omnia in irritum reciderunt, verum postea cum vt apparet, tempore funes computruissent, assurgente altero è duobus sarcophago duorum sacra pignora enatarunt, P. F. Petri videlicet cum socio, in qua sortè cum neophytorum scapha incidisset, Nangasaquium quam occultissimè deuehuntur, ibique asseruantur. Ad priorem tumulum, explendæ pietatis sua causa, venerat inter ceteros Marina Dynastæ amita, de cuius in fide constantia annales propè singuli habent, quod dignum historia commemorent, & multa miseratione simul & comploratione vtrumque venerata, domum se receperat, neglectis hominum de se sermonibus, qui voluissent superstitionem nobilium faminarum apud Iapones solitudinem, hac velut excursionem minus necessaria violare, præter cetera id sensit nepos Dynasta, neque se continuit, quin parum vrbane misso internuncio, animi sui sensum explicaret, verum illa nepoti suo responderi iussit in hanc modum, se si alios in posterum sacerdotes comprehenderet mactaret, maximè si essent

si essent à Societate Iesu, quos illa magistros semper habuerat, se inquam, vna cum ijs ad moriendum prodituram, quo ille responso acrius quam prius incitari se præferulit.

*ALII RELIGIOSI DVO, PLVRESQVE NEO-
phyti ibidem comprehenduntur, ex his duo occiduntur.*

CAP. VIII.

Nondum fuit hic Omurenfis tragædiæ finis, cum opprimi nullo negotio potuissent omnia, si tantum prudentiæ quantum feruori, communi placuisset consilio indulgere. Sed tantus in Nangasäquiensibus hæctenus ferè intactis erat ardor martyrij, ut prudentiam interpretarentur metum, & iam intra latebras non posset ignis contineri, quin erumperet. Quin si qui eos continere vellent, hominum obloquia non effugiebant. Nam cum senatores Christiani, concursus ad superiorum martyrum tumulum vertarent, deque ijs inquirerent in singulos vrbis vicos, ecqui eo contra mandata excurrissent, in eos multi propè velut in hæreticos, qui diuorum exuias venerari nefas volunt, insultabant, quasi verò non id agerent, ne iustum ex Regia furorem accerferent, dum ea quæ salua etiam religione omitti possunt, studio viderentur consultoque facitare. Et fuere, qui velut dubium putarent fidei proditiæ argumentum, si de ijs spargeretur ad martyrum tumulum nondum excurrisse, nam cum vnus à magistratibus Christianis rogatus, ecquis è suo vico eo se contulisset, id negasset de omnibus, serio qui eo se contulerant, exquisuere, vtrum tenerentur ex fidei profitendæ debito seipsum prodere, an liceret eius qui nescierat confessioni acquiescere. In quo sanè neophytos laude dignos esse quis dubitet, sed vtrum æque illos à quibus incitabantur, nec audeo probare, nec meum esse puto damnare, sed reliqua quæ hæc genus contigerunt colligamus satis trepidi; insequentes annales quæ cepta sunt mala, perducent.

Vbi auditum est de posteriore martyrio, eiusdem etiam cupiditate incensit tres alij religiosi, ad Omurensem agrum se contule-

re, in

re, in quo & messem de commotis iam neophytis colligere, & quod sperabant, consequi sibi posse videbantur, verum aliquanto cautius in mentita veste, & sine comitatus tumultu perrexerunt. Sed non latuit diu res tota, quod fortasse concurrentium ad sacramenta multitudine proderentur, Dynasta, quem iam pœnitebat inchoatæ disquisitionis, quod ut supra dixi, plura deprehenderat, quam eius rebus conducere, dies aliquot iam excursionis conscius substitit, ut sese recipiendi tempus, & viam daret. Verum, ubi res quotidie magis ac magis erumpebat, non est ausus ultra differre, ne si huiusmodi supremo senatui non proderet, ipse proderetur. Iubet igitur Religiosos illos comprehendere, quod ubi ad ipsos est perlatum: conati sunt illi quidem sese periculo subducere, sed id vnus duntaxat impetrauit, in reliquos exploratores inciderunt; ij fuerunt P. F. Apollinaris Religiosorum S. Francisci, qui in Iaponia degunt, commissarius, & P. F. Thomas à S. Spiritu è S. Dominici familia. Cum ijs etiam aliquot neophytos comites & Patrum hospites, nec non alios qui Nangasackio venerant, spiritu nouo correpti, & per Omurensium terras concionabundi vagarentur, martyrium ut aiebant quæsituri, hi non pauciores sed decem septemdecimue, exclusis Patribus, omnes simul in vincula protrahiti sunt, noluisse in hac venatione Dynasta tantam prædam, quantæ se sua sponte in retia coniiciebat, sed ira incensus, inopsque consilij quid acturus esset, non satis expediebat. Venerat per eos dies nouus Imperator ab Regia sua Miacum, ad quem visendum nobilitas vniuersa properabat. Hinc occasionem sumpsit minis impetrandi, quod nollet morte conficere. Ire se aiebat Miacum Nangasackienses delaturum, quod suam ditionem turbarent, quod falsis chiographis nullum apud se sacerdotem degere iurati confirmassent, quod quotidie novos ex se dimitterent, aliosque plures occultarent, viderint ipsi si quid inde in Remp: vniuersam mali erumperet, ipsos in se culpam conferre, in alium neminem oportere. Miacum iuit, quid dixerit non constat, nisi ex ijs quæ deinde sunt consecuta. Sasioye quippe id temporis à Regia scripsit in hæc verba, literis ad magistratus Christianos destinatis. Dicebat se iam aliquoties monuisse, constare sacerdotes aliquos ibi delite-

Ggg

scere.

scere, & vnus solius latebras sufficere, vt toti vrbi solitudinem inuehant, extremamque perniciem, & vt ad hanc regulam suas moderarentur actiones, id se denuo & postremum iam admonere. Mandatur etiam ex Regia, vt Gonzocu Sasioye nepos, Nangasakuensis gubernator comprehenderet eos, qui se Patrum hospites professi Omuræ fuerant, & vinculis obtulerant, eorum bona publicaret, vxores ipsas ac filios in seruitutem redigeret, & ipsos hospites obtruncaret.

Comprehendit illico cæteraque fecit omnia, sed victorum mortem coactus est differre, quod tumultum vereretur, quamquam neophyti non alia ex causa sexcentis plures & sæpè septingenti carcerem cingerent, quam vt morituris adessent, & mortalitatis exuias raperent, debito cultu prosequendas. Gubernator igitur cum professus esset ciues ipsos vrbi suæ excidium allaturos, quod ipse cum patruo tanto tempore iam & toties auerterat, supplicium distulit, donec tepescente paulatim ex mora neophytorum ardore, cum alia omnia suspicarentur, victos ad se adduci iubet velut eos auditurus, certisque de rebus percunctaturus, cumque illos ianua publica in domum admisisset, ad quam neophyti multi euentum præstolabantur, secretiore emittens nocturnis iam tenebris tectos in nauigium imponi iubet, & post tertiam leucam, in alto iam mari, capitibus minui, & cadauera vna cum capitibus in mare demergi, quæ omnia perfecta sunt priusquam neophyti aduerterent, aut se ad eos compararent persequendos.

Qui interfuere deinde narrarunt eos summa alacritate ferro iugulum præbuisse, & religiosissime animas proprii sanguinis flumine deportatas in cælestem portum appulisse. Cum ad eos comprehendendos ministri publici in domum irruerunt, in superiore conignatione religiosi tres Dominicani, cum ara suæ erecta ornataque aderant, qui ne caperentur neophytorum, qui concurrerunt industria factum est, ministros enim diutius in inferiore aula detinentes in describenda suppellectile occuparunt, interim dum illi se subducunt, & quæ suspicionem mouere poterant è conspectu efferuntur. Viuebant hi duo Patrum Dominicanorum hospites in eodem vico, & ades contiguas habebant, conclusio igitur iam

eum

cum ijs negotio, cum vicinis agebatur. Nam ut supra tetigi, non multi anni sunt, ex quo in Iaponia, ut nihil secreti sit, cuius Dynastæ mox conscij non sint, mos inuectus. Decem proxima inter sedes conueniunt, & iureiurando inter se colligatæ adstringuntur, quicquid ab singulis scitur aut agitur in commune conferre, & ad Dynastam, si res digna videatur referre, sin fecerint, ex eaque remali aliquid oriatur; ad omnes æque culpa peruenit, inque omnes æque pœna diuiditur, hoc ipsi Iuningumi vocant, & colligationem sonat. Nangasacuij mos iam ille inualuerat, & Gubernatorum voluntate denæ quæque inter se ædeserant vrbe tota colligatæ. Hinc factum est, ut cum iam duarum ædium domini plexi fuissent, quod sacerdotes hospicio exceperant, aliz octo familiæ superessent eadem pœna mulctandæ, nec diudilatum est, mortuis illis, familiarum capita comprehenduntur, coniuges prolesque seruitute damnantur, bona omnia publicantur, idque tanto rigore perfectum est, ut decennem puerum comprehenderint pro familiæ capite, qui parentis demortui locum occuparet, oportet enim è singulis ædibus vnum familiæ caput comprehendendi, quin etiam ethnicus qui forte ex eadem colligatione erat, victus est, non recepta quam ad se purgandum adferebat causa, esse hanc de religione, quam ipse non profitebatur, quæstionem, hinc enim ipsi culpam eius augeri non minui distabant, quod ethnicum cum Christianis grauius sit, quam Christianos inter se de silentio conspirare. Octo igitur illi hactenus sunt in vinculis, ut & Omurense, quos supra numeravi, quid ijs futurum sit, nondum constar, postremæ quippe literæ etiam priuatæ annalibus posteriores nihil ultra commemorant.

DE CHRISTIANÆ REI STATV APVD

Arimenses.

CAP. IX.

HOc biennio apud Arimenses quies fuit, non in vrbe solè, sed agro toto, quem Tacacu vocant, quam proculdubio martyrū

Ggg 2

precii-

precibus acceptam ferunt, qui eam regionem suo sanguine purpuratam ita copiosè, vt annis superioribus vidimus, irrigarent. Eam excolunt è nostris quatuor magno labore, nec minore fructu; & licet regio tota, postquam tyranno Michaëli erepta est, sub Sasioye fuit, etiam huius biennij magna parte, & qui census exigunt & gubernant, ferè sint è famulis Dynastarum, Figenfis, Omurenfis, Firandenfis, tamen neophyti quieti sunt, & cum nostris, si quid de eorum latebris audieriat, hætenus conuietur. De his multa dicenda essent, si vulgaria & consueta commemorarem, hoc sanè fuit insolens & annalibus dignum. vxores pleræque neophytorum, cum arderet, anno superiore, tyrannorum furor, in syluas se cum puellis abdiderant, ne earum pudori, vt fama erat, petulanter insultaret militaris proteruia, postquam illæ se denuo receperunt, quæ mârtyres maritos, quæ mantos, & vulnere nondum clausis cicatricibus, insignitos inuenerunt, in Domino exultantes triumphabant, quæ verò integro corpore, quod animo nutassent, suos reperiebant, in planctum effundebantur, ac si mortuos reperissent, perfidos illos timidosque increpabant, nec cum ijs viuere inducebantur, etiam postquam cum Christo in gratiam rediissent, & scribitur aliquot etiamnum ab eorum, qui nondum resipuerunt contubernio abstinere. Supra ea loca, quæ martyrum sanguinem biberunt, scribitur etiamnum splendor, ijs maximè diebus, quos ipsi suo martyrio consecrarunt, apparere, permultisque visos, non dubiam fidem facere illius gloriæ quam sunt in æterna luce consecuti.

E Regno Ficonga in patriam redijt Arimensis puella, quam Fime Michaëlis apostataz Iezabel, Daifu proneptis, secum abduxerat, quæ cum non ferret in suo gynecæo Christianam, sedulo curauit vt illa Christum eiuraret, nunc agebat promissis, nunc minis, nec illis minoribus. Sed ignes illos, quibus octo victimæ apud Arimenses viuz arserant, puellæ intentabat, sed maior erat ignis in tenero pectore, amoris in Deum Christiani. constitit illa sibi perpetuo, suæque constantia tamen si speratum non impetrauit incendium, ignominiosè tamen è palatio dimittitur, & in patriam conuersa, redibat gaudens, quod ab ethnicorum consortio Christianis ciuibus, quibus diu caruerat, redderetur.

Chin-

Chingina Arimensis agri pagus est, ethnicis finitimus, in quem idololatriæ lues penetrans, semper aliquos inficiebat, ex quo factum est, ut cum præliandum fuit, permulti deficerent. Eo senoster sacerdos contulit, & diuina ope ducentos Christo reddidit, vixerat eo tempore apud pium Neophytum, qui secretam cellulam domi suæ in eam rem nostris extruxerat, Xistus vocabatur; Receperat se iam noster alio, cum ea res ad ethnicum vici moderatorem, nescio cuius indicio erupit. Is iubet Xistum comprehendere, quod cæteri neophyti non ferentes ad moderatorem adeunt, fere ducenti; in clamant Xisti culpam, si culpa est, communem esse, quod hospitium Patri dedisset ex omnium voluntate, ergo vel omnes vinceret, vel Xistum solueret, quod cum dixissent, ex vniuersa multitudine duo audacter sanè vinculis Xistum exsoluunt, domumque reducunt, hoc factum apud Iapones est capitale, ergo non hi duo solum, sed reliqui etiam omnes ad mortem se comparabant, ad eamque rem Christi effigiem gestantes, & globulos precatorios decurrentes, in supplicantium morem prodierunt, ac si media in pace, non etiam turbulento Ecclesiæ tempore omnia agerentur, & in hunc modum sine armis omnes illi occurrerunt, qui ad eos plectendos aduenerat, sed ille denuo comprehendere Xistum iubet, ea quæ sibi factum voluit, nihil ultra molitus. Ea res permouit cæteros, qui nondum à sopore perfidiæ excitati etiam tum in fide nictabant. Præ reliquis vnus è vici primoribus, qui cæteros impulerat ad ruinam, nec facile surrecturus putabatur, qui hoc euentu permotus, donec se Christo redderet, nunquam conquisiuit, effecitque tandem qua valebat apud Iudicem gratia; ut Xistus impune solueretur, totique rei silentium impetrauit, ea res vniuersum Arimensem agrum permouit, miratum quod ijs quos in pace timidos nouerant, in bello viderent animosos. Celebre fuit etiam perditum cuiusdam neophyti infortunium, quod cælo vindice immissum nemo dubitauit, Is ut alienam uxorem raperet, duas leucas excurrebat, & cum infami præda lætus domum redibat, ex ijs factus, qui gaudent cum malè fecerint. & exultant in rebus pessimas. Sed breue gaudium fuit, nam in eo ipso itinere, nulla quæ quidem sciatur ex causa, subito moritur, stupefacta mu-

liere, quæ inuita rapiebatur, liberâque refugit ad maritum, nar-
toque & comprobato adulteri infortunio, magnus animorum mo-
tus in ijs fuit, ad quos culpæ ac pœnæ fama peruenit.

Commentario superiore constat ex Arimensi ditione in Re-
gnum Fiunga Michaële translato, interim Sasioye, vt iam dixi, fu-
isse commendatam. dum ad eam proprius Dynasta mitteretur, id
hoc anno factum est 1617. Nam Xogun postquam est adeptus
Imperium, inter componendum illius statum, huic etiam ditioni
de proprio toparcha prouidit, is Mathucura Bungo, ex Regno Ya-
mato oriundus, quod vnum est ex ijs quinque Goquinai appellatis.
Is nobilis inprimis, & in bello strenuus habebatur, cæterum natu-
ra mitis ac facilis, & ingenij bonitate præditus in paucis, quem
cum Arimenses ethnicum audierunt, nihil dubitarunt nouam sibi
procellam imminere, ad quam solitis se ex Christiana disciplina ex-
ercitationibus comparabant, sed meliora prouidit Deus, & iam
probatis quietiora permisit. Nam ille tametsi ab Imperatore disce-
dens acceperit in mandatis, vt inter familiares & affeclas suos ne-
minem adscriberet, qui eam legem profiteretur, sed neque vlli ex
subditis eam legem sequi permetteret, habet se nihilominus cum
omnibus humanissimè, professusque se nulli molestiam legis suæ
gratia facturum, solum postulare, vt ab exterioribus suæ fidei de-
monstrationibus sibi temperarent, neque in se hominum oblo-
quia prouocarent; quibus & ipse quoque prouocatus cogere-
corum supplicijs, Imperatori persuadere, se illius mandata mini-
mè neglexisse. Et quia non desunt ex Iaponensium sectarum præ-
scripto, qui toto regno vagi peregrinantur, & pietatis prætextu,
quæstum faciunt, stipe vndique collecta, Sunt & alij, qui se de-
monem colere profitentur, eumque sacrificijs placare, ne morta-
libus noceat, à quibus ipsi largitionem acceperint, & vtrique ve-
lut aliud agentes explorent, quicquid vbique rerum geratur, vt se
ab hoc hominum genere liberum redderet; à quibus prodi pote-
rat, quod Arimenses permetteret esse Christianos, aliud causatus,
edicto publico illis omnibus toto Arimensi agro, magno illius bo-
no interdixit; & nuper à duobus sacrificulis officiosè visitatus, ro-
gatus est, vt stipendium sibi à Sasioye ex ærario publico assignatum,

nouo

nouo diplomate confirmaret, satis lepidò responso se & illos expediuit. Assignatos sibi ab Imperatore in Arimensi agro centum & viginti sex Orizæ saccorum millia, si post dimensos agros suos, inueniret se vltra Imperatoris censum habere aliquid, quo illis stipendium penderet se facturum; sin de suo, nihil imminuturum, sed posse tum, quo vellent ad pinguiorem fortunam per se proficisci, quod ille dixit, qui his quoque carere velit Syndicis, vt cum neophytis agat, quæ agenda iudicarit, nullo teste, qui possit oculata fides suas calumniari, & hæc ille consilia Firoximæ à propinquo suo nobili illo, non fide minus, quam sanguine fertur accepisse, quibus in spem venimus forè vt sensim in antiquum splendorem Ecclesia Arimensis reuocetur, & à tumultibus præteritis martyrum, quos in cælis habet, patrocinio tandem aliquando conquiescat.

*IN REGNO FINGO MARTYR VNVS.
ceteraq; ibi gesta.*

C A P. X.

Acceptum à parente Christiani nominis odium, Canziue filius, huius regni Dynasta nunquam dimisit, nec tamen impetrare potuit à suis, quin plurimi Christianam vna cum fide retineant pietatem. Eos nostri aliquoties modo Nangasaquio, modo ex Tacacu, modo aliunde vt res fert, interuisunt, eoque semper fructu qui speratur, Idem de Insulis Amacusa, & alijs quæ ad hoc regnū spectant, intelligas velim, in hac nostrorum paucitate ac latebris nihil omis- sum, labore tempus bene diuisum subministrante. Inijs diuinā prouidentia enituit in eo, quod iussu Dynastæ, septem octone ethnico- cos viros primores, à quibus coloni, sed maximè Christiani vexa- bantur in redituum exactione, viderunt extremo supplicio luentes, quod iniuste exegerant, qua ex re mollior eorum conditio facta, plus aliquanto temporis in salutem procurandam dedit, lamabaxi nomen est eorum nebulonum, quos dixi dæmonis cultu terribi- les, ab omnibus stipem extorquere. Ex ijs vnum Insulares neophy- ti magna constantia reiecerunt, nihil veriti Dynastæ sui furo-

furorem, à quo ille, vt hoc illi liceret, literas impetrauerat, quæ res ne ad aures Dynastæ deueniret, ab ipso ethnico gubernatore illius loci, largitione placato impostore, sopita est, ad quem eundem gubernatorem vnus è neophytis se contulit, quem iam apostasie suæ pœnitebat, & eo vidente scripta abiecit, quæ impostores characteribus Sinensibus descripta, contra dæmones valere mentiuntur, eamque rem tacitus dissimulauit gubernator, ne in Christianos sœuire cogeretur.

Anni superioris 1615. res gestæ in Europam venerunt non vt solebant rebus per loca nostra dispositis scriptæ, sed in recenti nostrorum exilio nondum compositis rebus, illustriora, quæ certis auctoribus constiterè descripta sunt, omissa multa, plura suis circumstantijs nuda prodierunt. Ex his vnum quod vel omissum fuisse credo, vel sane tactum solum, est Pauli Yafudayu martyrium sane nobile, animique ad grauissima quæque comparati illustre monumentum. Erat ille quidem è Regno Firoxima, sed multos iam annos in vrbe Cumamoto, quæ est Regni Figenfis Metropolis, vitam sustinebat opificio. pixides bitumine illo suo illiniendi, quod opificium Europæi quoque nostri non immerito admirantur, hic in omnibus prælijs, quæ Christiani Fingenfes multa pertulerunt, sibi semper æque constiterat, nec adduci vnquam potuerat, vt nutaret, sed continuo pietatis studio, quod minutim scribere longum esset, martyrij coronam è qua toties exciderat, à Domino tandem dici potuit extorsisse.

In hac igitur vltima velitatione sub Daifu, à quatuor totius regni moderatoribus vocatur in domum vnus, ad quam cæteri conuenerant, ibi vrgetur vt multorum exemplum secutus, sese temporari accommodet, sed cum modestè renueret, ac nihil proficerent, exhaustis iam promissis rationibusque, ad minas deueniunt, scias igitur tibi moriendum esse. Ille verò nuncio lætus, præsto sum inquit, hoc vnum peto ne vltra mecum tempus teratis, nihil enim est in hac vita mortali, quod me possit à proposito meo detertere. Age igitur, cum ita sis animosus, inquiunt, in domum perge moderatoris vnus è quatuor, quem nominabant, eo denuo conueniunt omnes & iam Paulus præuenerat, ibi denuo

lacef-

laccessit his ipsis verbis ad defectionem extremis prouocatur, atqui falli nolis, aiunt, nisi enim acquieueris, tormenta te manent, quibus atrociora nemo vidit Iaponia tota. atqui, responder Paulus, animo iam efferuescente, videbitis etiam ea tormenta serenem eo animo, qualem nunquam Iaponia vidit vniuersa, quod cum dixisset, irruentibus ad iudicum nutum ministris, Paulus reuinctis post terga manibus, & iniecto in collum fune, in carcerem abducitur, & cum eo priuignus illius raptabatur, qui metu iam certæ mortis consternatus in iudicum se voluntatem turpiter inclinauit, ipsoque momento liber dimittitur, vt videas vel hinc qua Paulus ex causa caperetur; huius defectionis sensus athletæ nostri gaudium non nihil temperauit, in carcere maximam temporis partem cum Deo terebat, reliquam fallebat opificio suo exercendo, submissis ad amicos neophytos ex eo munusculis, si quis ad eum adibat, colloquijs illius ita incendebatur ad retinendam in fide veritatem, facile vt appareret hos ignes ex martyris corde prodire.

Ianuarius tandem nono supra vicesimum, quadriduo ante anni Iaponensis initium, quo tempore leuioris culpæ rei dimitti, grauiores plecti solent, vt carceres in publica lætitia vacui videantur. Paulus noster cum tormenta præstolaretur. Sibique iam grauissima fingeret, vsitata morte damnatur, voluit enim in eius corpore Dynasta sicam vnā probare, quam ille in pretio habere dicebatur, eo nuncio lætus renunciari voluit Dynastæ, se pro ingenti beneficio gratias habere ex animo, eoque ipso die sub vesperum in apertum aërem educitur ex ergastulo, vnde cælum liberè, quo tendebat aspiceret, totum iter ad martyrij locum, nunquam interrupta prece decurrit, sub urbem erat locus, vbi ad concurrentes conuersus, admirabiliter de fidei nostræ sanctitate ac veritate, pro qua retinenda mori gaudebat, perorauit, tum fixis in cælum oculis intuens, mox illos ad amicū conuertens ait, abire tu iam potes, inquit, de me Deo meo libens hoc sacrificium offero, quod cum fecisset in terram ruens, caput in solum vsque declinauit, interim dum nescio quis scelorum suorum reus plectebatur; eo mortuo, Paulus in alterum latus reclinatur, & vt illi ægrius morienti facerent, priuignum apostatam cogunt, & illius affinem, vt alter po-

Hh h

des

des, alter brachia interim dum plectitur, contineret; subridente semper Paulo, & hilaritatem vultus ad omnium stuporem præferente, cum priuignus iam prope martyr, carnificis adiutor esse maluisset. Iacentem in hunc modum victimam, sicarius vno ictu, quod satis mirere, in duo frustra diuidit, infra cor, sica totum corpus penetrante. Ferunt eam corporis diuisi partem, in qua caput est, etiam post ictum, ter Iesum ac Mariam distincte inuocasse. Carnifex nondum eo ictu contentus, repetitis ictibus in frustra quinque corpus partitur, quod amicus illius Magoyemo colligens, erat ille neophytus, in horto suo clam sepeliuit, quam ob rem ab vno è gubernatoribus increpitus, non ineptè se expediuit, quod diceret id à se factum, ne Nangasaquienses, harum rerum eximij raptores, alio, non sine iniuria Dynastæ, Pauli corpus asportarent, qua excusatione contentus gubernator, quod fecerat approbavit, ille verò nostris, cum primo tuto poterit, tradendum asservat. Ea morte feruat non solum non terribos esse neophytos, sed quod semper fiebat accensos, nec paucos defectores hoc exemplo permotos ad Christiana castra rediisse.

Idem rerum status fuit reliquo tempore, multa bis visitatis neophytis perfecta, sed consueta, quæ inusitata selegi, hic subiungam. In eadem Fingensis regni metropoli, sacrificuli inter se dissidentes, propè in Christianam fidem inclinarunt vniuersos, Iconu vocantur ij, qui animam Amidæ putant in sacrificuli Ozacensis corpus, & in omnes deinde illius stirpis primogenitos demigrasse, quos ideo non secus atque Amidam viuum venerantur, ij cum viderent, quam decem legis nostræ præcepta passim tota Iaponia probarentur, eæ ad verbum descripta in Amidæ libros inserunt, sui que sequacibus eadem obseruanda proponunt.

Yabe vicus est inter asperos montes, ubi se neophyti conseruant adiuti potissimum à duobus eius loci primoribus, alter è sacrificulo factus est strenuus legis Christianæ propagator, alter pro Dynasta census exigit, estque regni gubernatoribus carus imprimis, à quibus cum sæpius vrgeretur, vt Christum desereret, tandem, vt se semel expediret, ita respondit, vocate si vultis quotquot libuerit,

buerit, sectarum Iaponensium peritos, atque adeo sacrificulos, ego vos eligo iudices, si victus è certamine cum illis suscepto, abiero; vobis acquiescam, sin; me ritu meo viuere permitteris, non abnuunt iudices oblatis certaminis aleam; rati hominem illiteratum nullo negotio à sacrificulis superatum iri, conueniunt euocati contra eum sexaginta non pauciores, partim sacrificuli, partim qui se pro Iaponensium sectarum peritis venditabant, venit in certamen acre ac diuturnum, è quo noster non dubius victor pronunciatur, posteaquam conuictos silentio damnauisset. Verum ut est pervicax huiusmodi sciolorum contumacia; Age inquit à verbis ad rem veniamus, si aliquid præter naturam admirabile in omnium oculis perfeceris, qualia multa in confirmationem vestrae legis facta iactatis, ne tu merito tunc omnium calculo victor iudicaboris. faciam, inquit ille, non vnum sed duo, quæ si vestrum aliquis facere potuerit, miracula non esso iudicabit. An creditis me tanti facere uxorem, filios, fortunas denique meas, quanti Xogun imperium suum? tanti inquit, Ego verò infert noster, hæc omnia hodie legis meæ causa dimitto, ne illam dimittam, & hoc est primum, quod vestrum nemo faciet pro sua secta miraculum. Alterum est, quod non hæc quæ dixi solum dimitto, sed vitam quoque trado, qua nihil est homini carius, ne fidem prodam, quam profiteor, facite fodes & pro lege vestra vitam exponite, sin facitis, hæc ut verè sunt, pro miraculis acceptate, quibus cum nec illi, nec iudices haberent, quod ultra obijcerent, noster est non dubius victor appellatus, & tamen iudices re iam nimis publica, hominem liberum dimittere non sunt ausi. Sed ad speciem aliquot mensuram exilio damnatum, in patriam deinde & munus antiquum libentissimè reuocarunt, ita tamen ut ex omnibus nemo, prout sunt tempora, satis probatam complecti veritatem auderet.

In Regnum Satcumanum, Iaponensium superstitionum arcem, hoc etiam anno noster sacerdos non sine periculo penetrauit. Præmissus est è fratribus nostris vnus indigena, qui exploraret, æqua via posset noster eo penetrare, quò explorato, ex captus est à neophytis instar angeli, iam enim aliquot annis eo nullus è nostris penetrarat, hospitium illi fuit in ipsis ædibus

matris illius, quæ vxor est Dynastæ, illa enim mater fidem Christianam proficitur, quæ filia quamuis ethnica proculdubio persuasit, ut hospitem suum misso munere cohonestaret, & vicissim ab eo peteret aquæ lustralis vasculum, & cereum ritu ecclesiastico consecratum, peteretque ut se ac primogenitum suum regni hæredem, Deo suo commendaret, quæ res inter Christianos vulgata, magnos illis animos dedit, ac spem fecit fore ut aliquando sperare possint meliora.

Factum est etiam postrema in Fingo excursionem, ut matronæ omnes à Dynastæ gynæceo, quæ olim Christum professæ ac diu intermissæ rei Christianæ exercitatione sylvescebant, modum inuenirent, quo palatium clam egressæ ad pœnitentiæ sacramentum conuenirent, & denuo res Christianas edoctæ conciperent animos nihil ultra admittere, quod ethnicos ritus saperet, Christianæque fidei veritatem vlla ratione pollueret; huius generis multa omitto, sed ex his facillè reliqua materis similitudine æstimantur.

QUE CHRISTIANÆ REI FACIES IN REGNO Chicuien & Chicungo.

C A P. XI.

Vnus è nostris sacerdos horum regnorum neophytos curat, immenso labore, magno fructu, hæc enim duorum regnorum distantia, neophytorum multitudo, temporum iniuria huiusagri curam perdifficilem reddunt; maximè in Regno Chicuien, cuius Dynastamirum in modum à Christi fide abhorret, & malè sibi ab Regia meruit, & vniuersæ ditioni: Nam cum in superiore sub Daifu fidei certamine, primus ipse inter Dynastas totius Iaponiæ, Imperatoris edictum, duorum pugilum sanguine sædasset, eo ipso tempore nescio qua ex causa delatus, fidei certamine, quod cum neophytis susceperat, intermisso, ad res suas tuendas, in vtramque regiam excurrit, ibique annum totum derentus, tantum non excidit statu, quem fuso Christianorum sanguine stabilire moliebatur, nec mitior ab Regia domum reuersus est, eo nihilominus noster sacer-

sacerdos excurrrens, nihil quod non ociosè visiteret, reliquit intantum, tantum est constantia res persequi, & prudentia moderari.

Facilior est in Chicungo conterminum Regnum excursio, & Dynastæ beneuolentia, qui tamen si edictis regijs parere se ad speciem præferret, metu potius quam odio in Christianos incitatus, tamen ex eo quod adhibito studio, & iudicij bonitate assecutus est, & se assecutum profiteretur, nihil esse in vniuersa Iaponensium sectarum superstitione, quod valeat ad salutem, aut dignum sit homine, qui cerebro præditus fuerit, in fidei nostræ, quam nondum tamen excussit, veritatem inclinatur, ex eo quod eius professores ad eam retinendam libenter omnia profundant, & quod multorum obtreccationes incurrerit, quicquid enim bonum est ait, malorum inuidiæ subijci, & maleuolentia laborare necesse est.

In vtroque nihilominus Regno, magno fructu laboratum est, sed Neophyti maximè in retinenda fide enituerunt, quorum certamina etiam ad sanguinem mortemque sensim persequamur, sed prius admirabilem senis cuiusdam ad Christum conuersionem perstringamus. Is annos natus octoginta, cum Christum agnouisset, iussus est solitas orationes & doctrinæ Christianæ compendium ex more memoriæ commendare; verum ea iam per ætatem ferrea, nihil imbibebat, non sine magno Catechumini senis mœrore, maximè quod non defuerit ex ethnicis susurro nescio quis, qui eam rem ad salutem Christianis esse necessariam affirmaret, satius esse ut in antiqua religione persisteret, quam ad nouam sine fructu magno labore se inclinaret. Angebat ea res bonum senem, non satis distinguentem quid interesset, inter articulos fidei intellectos creditos, & eosdem memoriæ commendatos, neque se audebat sacerdoti à quo baptismum expetebat aperire. Ergo ad orationem conuersus, coram Christi seruatoris effigie, cor suum effudit supplex, ut sibi Deus significaret, num quæ vitio memoriæ sibi deerant, ita requireret ad salutem, ut sine illis eam esset negaturus, an fortè consultius esset in antiquis ritibus salutem quærere, quam sibi videbatur in ijs non posse reperire. Non distulit clemens Dominus candidi senis simplicem animum suo lumine collustrare. Non post mediam noctem etiam tum peruigil, & in oratione con-

sistens, videre sibi visus est ad læuam iter præcipitijs asperum, & ipso aspectu formidabile, ad dextram aliud, quo per gradus in amplas ædes verèque regias conscendebatur, & hæc omnia videbat in magna luce, quæ inuita nocte, totum cubiculum illustrat, cui viso vox est addita, nec satis vnde ferretur aduertit, quæ voce iubebatur bono animo esse, nec memoriz vitio angeretur, fore si ad ea quæ iam audierat atque crediderat, diuinæ legis obseruationem addidisset, vt in amplum illud palatium reciperetur. Ex quo bonus senex itineris ad læuam præcipitia exponens, nihil dubitauit vno seclorum Iaponensium perturbationem, altero Christianæ fidei rectum ad vitam tramitem portendi, ergo reliquam noctis in gratijs Deo referendis decurrens, pergit in agnita veritate post susceptum fidei Christianæ sacramentum.

Veniamus nunc ad illustriora Neophytorum certamina, quæ in duas partes diuidemus, primum ea persequemur, quæ sub Dai-fu, tum quæ sub filio contigerunt, vt enim iam antea monui, ex nostrorum exilio factum, vt multa exciderint annis superioribus, quæ iam constiterunt, & ne pereant alieno tempore restituuntur, cum aliena non sint abinstituto.

Yanauagz, Metropolis est Regni Chicungo, dum de Christianis iubente Dynasta inquiritur, ventum est in ædes Neophyti, Rochus dicebatur, quem tunc abesse forè contigerat, sed non defuit qui pro capite familiæ caput exponeret. Nam vxor nihil ægritudinem qua tum forte grauiter tenebatur morata, vna cum filiolo nondum septenni prodijt in arenam, Quærentibus responder Maria, ita enim vocabatur, totam familiam Christum profiteri, se priuatim, vt erat, ægram offerre, vt pro ea fide, quod reliquum habebat vitæ perderet potius quam proderet suam fidem, quo dicto in lectulum se recepit, in ædium interiora, mansit in arena puerulus, Iacobum vocant, cum quo nihil omisum est eorum, quæ pueriliter illam ætatulam mouere posse putabantur, sed responsa, quod in eo præcox erat, prodiderunt, viriliter impugnatus restitit, & cum ad suppliciorum minas veniretur, eo suggerente qui linguas infantium facit esse disertas, ita respondebat, vt nec blanditijs

delicijs cederet; nec minis moueretur. Longum esset illius responsa subijcere, quibus ministri perfidiae, cum in desperationem victoriae venissent, abierunt, & ad iudicem reuersi narrauerunt, quam inutilia cum puero praelia suscepissent, quem ille, si quando puerum habet obuium, minatur se in frustra discerpturum, ut ab eo responsum eliciat, quod est plerumque in hanc sententiam, vtinam ego me viderem in istis delicijs ad quas aspiro & suspiro, quae tanto maiores futurae sunt, quanto supplicia fuerint acriora, & reuera tantus est illi ad martyrium ardor iniectus, ut ipse sibi somnia fingat, & parentem suam inclamet, sibi visum esse in somnis, se sub fida carnificis ceruice inclinasse, quae ille vota continuo fouens incendio, scribitur in quotidianas preces sesquihoram non pueriliter impendere, & ita viuere domi, ut foris etiam ad certamen ipso laceffat sacrificulos, itaq; premat, ut propheticum illud confirmet testimonium Domini fidele, sapientiam praestans paruulis; det illi Dominus qui dedit initia, promissa perseverantibus praemia.

Nihilominus fuit inferior colonus neophytus, qui vici sui caput habebatur, is ad iudices vocatus rogatur an sit Christianus, & ut ceterorum, quos aiebant esse sexaginta, nomina proderet; ego quidam, ait ille, sum Christianus, de reliquis, nihil est quod quaratis, quamdiu vixero, conabor efficere, & perfecturum spero, ut nemo deficiat, quod si opratis, prima mecum praelia instituite, si me viceritis, fortasse potestis de ceteris non omnino desperare, quae cum ille magno animo pronunciaffet, & alios contra fidem tulisset insultus re desperata dimittitur, & modo cum suis viuit, ut vno verbo dicam Christiane.

In Aquizaqui, & Amaqui, vici sunt, regni Chicugen, sex neophytorum familiae exilio suam fidem cohonestarunt, de quibus multa possem, sed ex vno Mariae facinore ceterorum colligi velim. Illa quatuor iudicibus sistitur, blanditijs, promissis, precibus, minis, nulla non ratione, sed frustra tentatur, tum denique iudices, cum facultas nobis facta non sit mulieres morte mulcandi, mitteris in urbem Tucauoca, ut ibi negotium tuum merito sine claudatur, sed eques mitteris pro dignitate, quibus illa, quo vultis ibo, sed pedes, qualem eam decet, quae pergit moritura; illi sperni

se in-

se interpretati, pedes ibis age, sed & vestibus detractis, vt leuius incedas, imo illa, etiam pelle, si vultis, tum enim hilarior erit mihi ad mortem via, quo vltimo responso ita fracti sunt, vt nihil ultra exilium intenterint. Alia mulier rosarium, quod è collo pendebat, rogata; ceruicem obtulit, qua detracta, nihil rosarium moraretur, hæc Beatrix dicebatur.

Sed præ omnibus admirabile mihi videtur quod subiungo. Ad futuri certaminis famam Thomas neophytus quidam, cum vxore & septem prolibus communi consilio statuunt, vitam si res ferat in Christi causa ponere, & ad cruce[m] modestè subeundam, vestes iam diu sibi consuerant, è prolibus viuebat in vicino pagus filia, iam coniugio illigata, quæ cum audisset in parentum ædes venturos ministros, qui de Christiana fide quærerent, eo cum tribus filiis suis occurrit, excubitores à marito dispositos, ne domo egrederetur fallens, dictitantque se ideo venire, vt de se & filiis suis sacrificium Deo offerret in odorem suauitatis, quæ res non immerito in stuporem ethnicos qui aderant rapuit, tametsi trecenti satellites in eum vicum, cum suo iudice irruissent, & interim dum toto triduo vijs omnibus pusillus ille grex ad defectionem sollicitatur, puerulus nondum sexennis, crepundia sua cum æqualibus diuidebat, quod assereret ea sibi in posterum nulli vsui futura, quod pro Domino Iesu mactandus esset, ipsoque die in cælum penetraturus. Abeunt tandem infecta re desperationem secum referentes, quod è tot pueris nec vnum à Christi fide dimouere potuissent, exijs tamen satellitibus aliquot, ne nihil fecisse viderentur, è Thomæ filijs vnum solo affligunt, eique per vim sacram agni thecam eripiunt. & ibant iactabundi, quasi huic suam fidem rapuissent, verum ille cum surrexisset, ad abeuntes recurrit, quærir ex ijs cuius rei causa missi essent, an vt se ad defectionem impellerent, an vt aliena per vim eriperent, sed abirent quo vellent, esse se & semper fore sine sacra theca vel cum illa Christianum, cauerent porro ne signum proditæ à se fidei, quod per vim eripuerant ostentarent, fore si id fecissent, vt ipse ad Dynastam pergeret, calumniâ refutaturus atque protestaturus, se cum parente ac fratribus in fide persistere, & in posterum persituros, & si ex fraude

penam

penam meterent, ne se deinde culparent, quo audito ita affecti sunt ut vel metu, vel potius virtutis admiratione permoti, suam adolescenti thecam restituerint, quam latus recepit, nec ultra cum ijs certatum est, aut indicta pena, ne familia nobilis cara periret. Verum anno deinde insequenti, Thomas idem alia ex causa certamen iteravit, & bis victor de hoste triumphauit.

Exigebat proprius loci Toparcha ab incolis omnibus, ut scriptum, nescio quod sui nominis scriptione ac iureiurando confirmarent, cum ad Thomam ventum est, ait se ex legis Christianæ præscripto prohiberi ab huiusmodi sacramento, se usurpatum suis Crucis iusjurandum non detrectare, quod si Toparchæ non esset satis, posse illum de se ac suis pro arbitrato disponere, se morte etiam proposita aliud in hoc negotio nihil esse facturum, Impotentius tulit hoc initio Toparcha, & cum vxore Thomam iubet in publicam custodiam raptari, exultantes, quod fortasse optatam illis Dominus coronam ostentaret, sed aliter cecidit, nam Toparcha tempore mollior factus, vtrumque solui iubet, & Christiano contentus sacramento cum Thoma redijt in gratiam.

VARIORVM CERTAMINA SED MAXI-

mè Ludouici supplicia grauissima commem-
rantur.

CAP. XII.

PRiუსquam ab Regia, secundus ab Xogun tumultus in Christianos erumperet, is in Regno Chicujen, non procul ab Aquizucui, videtur crucis cuiusdam portento, præfagio cælesti prænunciatus. In altissimo & maximè arduo monte crux olim fuerat, quam cum reliquis, prioris procellæ turbo deturbarat, ea olim fuerat concurrentium turba celebris, & quamuis asperrimus esset ascensus, vel loci natura, vel silicum molestia, non deerant tamen multi, maximè per dies solemni Ecclesiæ totius ieiunio consecratos, qui nudis pedibus subeuntes in montem, ingentia saxa humeris gestarent, aut corpus suum ascensu descensuque flagellantes affligerent,

rent, iter vniuersum sepius sanguinis sui vestigio notantes, de illa cruce certis auctoribus multisque narratur, sabbatho sancto anni 1616. sub noctem visum esse eo ipso in loco, quo nuper steterat ingens incendium, aut potius flammiam, quam accollæ ethnici satis admirari, credebant fortasse excitatum ignem à concurrentibus de more neophytis, pellendo frigori exarsisse. Verum cum diutius arderet, visum esse ignem illum sensim diminui, & in medijs flammis, quæ rariores circumlucebant, crucem conspiciunt splendidissimam, quæ à superiore nuper exturbata nihil omnino differret, nisi quod hæc in ea ipsa magnitudine formaque ignea videretur, atque ita splensens, vt neophyti permulti ethnicique vltra leucam ipsum crucis titulum clarè distinguerent, quod prodigium minimum, duas horas oculos multorum tenens, crucem inter flammis modo maiores, modo minores prodebat, ac subinde occultabat, quid illa portenderet, nouit ille qui facit, sed cum deinde persecutionis incendium denuo exarsisset, vix fuit qui dubitaret, & crucem & flammis hanc iniuriam temporum prænotasse, de quo iam nonnulla de multis seligemus, nam si priuata domi prælia, si eiectiones à parentibus filios, si ab heris seruos, in hac causa commemorare aggrederer, ipsa rerum prolixitate lecturos deterrerem, & materix similitudine nauseam inueherem.

Ad inquirendum de Neophytis præses, cum armata satellitum manu circumcursans vbique certaminum vestigia relinquebat. Ad eum, vbi non scribitur, Fabianus, vir non armis nobilior quàm fide, vna cum Regina vxore vocandum se sperabat, & ad gloriosam mortem votis omnibus aspirabat, cum ecce tibi à Præfide nuncius hæc ferè attulit, se quod diffideret de victoria, nolle cum eo certare, sed quod esset in eo Regno externus, iret quo maximè vellet cum familia vniuersa, nolle Dynastam in suis terris Christianos, sed nolle etiam externos alia pœna mulctare, aderat tum fortè in domo Fabiani vnus ex nostris, quem ille occultabat, ad eum se contulit mirè tristis, quod spe martyrij excidisset, certum sibi esse in metropolim excurrere, supremis iudiciis se sistere, & martyrij coronam vel ab inuitis extorquere. Laudauit noster animum, sed minus probauit consilium, quod longioris

marty-

martyrij penam in hac bonorum proscriptioe pateretur, & ne forte cuiusquam ex familia, quæ octodecim capita numerabat, constantiam in discrimen adduceret, non facili sua sponte adeunda pericula, ne nimia confidentia lapsu aliquo castigaretur. Acquisivit Fabianus, & profugus in magna rerum penuria vix inuenit mapale, quo se suosque recipiat, ita oppressi sunt vbique Christiani.

Mulier alibi Christiana maluit ipsa exulare & filium seruituti permittere, quam à fide vel verbulo declinare. Alij duo maritus Thomas, & vxor Lucia proscripti non inueniebant ubi caput reclinarent, abiecti ab omnibus sub nudo celo auxilium celeste præstolabantur. Illud fuit planè insolens, nam sacrificulus pænas legum nihil veritus, eos excepit, & alienam miseriam suo periculo sustulit. Verum omittis ijs certaminibus, quæ sine sanguine gesta sunt, ad atrociora veniamus. Cusantum est Regni Chicungo non ignobile oppidum, in eo præsidis iussu tres neophyti in publica vincula conpinguntur, de singulis agemus, ac primum de fortissimo athleta Ludouico Sotaro, is in prioris prælio sub Daifu victor multa tolerat, neque hoc vltimum, quod eripit illi vxore, & in seruitutem redacta, ipse sibi noua prælia procurans, ex eo tempore continentiam imperauit; Is ubi de hoc vltimo tumultu inaudijt, primum omnia, quæ forte contraxerat debitorum nomina dissoluit, res suas domesticas composuit, peccatis se expiauit, ac deinde Iudici se stitit, ea passurus quæ nunc subiungā, quibus atrociora nemo in hac secunda tempestate pro fide tolerauit, sed quia tandem liber cum vita dimissus est, & Nangasakij viuit, rogatus est vt propria manu diuina circa se mirabilia testaretur, quod fecit ille auctoritati nostrorum cedens, qui eos colit vt magistrōs, & quamuis à nostro sacerdote & ab alijs fidè dignis eadem scripta sint, iuvat tamen potius ex eius scripto candidè ac fideliter rem excipere, & eum velut narrantem audire, ita igitur se habet narratio ad verbum è Iaponensi descripta.

Vndecimo die Lunæ postremum renascentis (cecidit is dies in 21. Octobris anni 1616.) sexta quadam feria Cusani,

cuius oppidi ego eram incolæ, edictum publicatum est, quo edito Christiani, propositis grauibz pœnis, suam legem deferere iuebantur. Eo ipso die res meas composui, & sequenti sponte ad iudicem vrbani me contuli, vbi mox multis prælijs laceffitum sum à multis, vt me à fide Domini nostri Iesu Christi remouerem, quibus ego respondebam, me neque cum vitæ periculo tantam perfidiam in Deum admissurum. Tum iudex iubet me inuolui intra stoream, è filis arundinibus intertexto sune contextam, & inuolutum funibus exterius tota ferè storea conuolutis stringi, & ita nudum, in medium vicum ad ignominiam proiectum, in quo tormento perstiti totum eum diem reliquum, ad mediam noctem, vrgentibus interim qui adstabant, vt Christum cūrarem. Primo diluculo insequenti, dies erat Dominicus, Yauzagam Regni metropolim vinctus abducor, & asseruari iubeor in ædibus præfecti, cui Cusanum, eiusque ditio est commendata, is Vacajadonus vocatur, qui totus in eam curam incubuit, vt me de proposito deturbaret, sed cum videret me per Dei gratiam nihil suis persuasionibus commoueri, iubet me ad vnum è supremis regni moderatoribus abduci, is Tonaca Dayendonus vocatur, vbi vinctus in atrio ab astantibus multis, & maximè ab adolescentibus nobilibus vrgēbar nunc blanditijs, nunc minis, nunc alijs rationibus, vt sententiam mutarem, quo in negotio supra duas horas me frustra tenuerunt. Tandem prodijt ipse gubernator, qui nihil reliquit intactum, quod non ad me de proposito deiiciendum adhiberet, sed ad omnes res, hæc vna mea deinceps responsio, nihil esse quod se ultra fatigarent, esse me Christianum, cum viuo, fore me cum moriari, æque Christianum.

Hoc extremum responsum grauate tulit gubernator, & vulnus ad seueritatem composito dixit, se mihi ea supplicia infaturum, quæ me fortasse ad huius contumaciæ pœnitentiam inducerent, ac deinde me in yendo Regiam amandaturum, vt ibi extremas pœniaciæ pœnas darem. Respondi posse illum quicquid vellet facere pro arbitratu, sed tamen longè abfuturum ab eo quod maxime cuperet, vt me ad negandam legem meam adduceret, & mox Domino Deo me commendaui, petijque vt à me peccatore manum suam
mini-

minimè remoueret, sed potenti suo brachio infirmitatem meam sustineret, quoniam pro sanctissimo eius nomine persecutionem patiebar. Et tunc in animo meo sensi magnum robur & solatium. Deinde me in priorem domum reduxerunt, vbi denuo vrsere me vti tandem aliquando desisterem, neque ita essem cerebrosus in eo maximè negotio, quod mihi tanti erat, sed nihil aliud respondebam, quam ne quid in Deum meum peccarem, me omnia quæcunque contingerent toleraturum.

Cum igitur iam demum intelligerent, me per Dei gratiam, nihil eorum verbis commoueri, ad opera venire constituunt, nam abducor in eum locum, vbi reis tormenta infliguntur, ibi ex trabe funem crassiores suspendunt, & me manibus pedibusque in vnũ colligatis instar globi vincientes, ex eo fune, de trabe suspendunt. Tum carnifices magna celeritate me in gyrum rotant, donec intortus funis ad ipsam me trabem eleuaret, tum laxato repente fune, in aduersum reuoluo ea celeritate, quam intortus per vim funis & corporis pondus efficiebat, & tum ita caput turbatum est, & oculi defecerunt, vt cordis agoniam, quam tunc sensi nullis valeam verbis explicare. Quieto iam fune, cum mihi præsens non essem, leuiter aqua perfundor, vt mihi restituerem, & tum vrgent denuo vt Christum eiurem, sed cum negarem me facturum, denuo intorto fune conuoluo, & quia ex illo primo tormento ita defeceram, credidi me ex secundo moriturum, verum inuocatis SS^{is} nominibus Iesu & Mariæ, ita mirabile robur sensi, vt magna illud secundũ facilitate tolerarim, quo perfunctus, iterum vrgor ad defectionẽ. verum Dominus Iesus vires mihi dedit, vt semper in sanctissima fidei confessione constans permanerem.

Tum igitur vinculis exsoluo, & pronus in terram abiectus, denuo vincior in globum, manibus ac pedibus inter se à tergo colligatis conuolutus, ad eum modum iterum ex fune suspensus in gyrum agor, hoc solum discrimine, quod nunc à dextra in laeuam conuoluebar, & ad eum modum, quo supra eleuatus ac demissus celerrimè reuoluebar, sed in hoc tormento sanctissima Iesu ac Mariæ nomina, quæ nunquam nec ex ore nec ex corde dimittebam, vnicum solatium fuerunt. Id tormenti genus tormentum surungarum appellatur.

Vbi nihil hoc tormento impetrare se vident, in atrium abducor, vbi duo carnifices magna vi os tibiæ sinistræ intra duas scloporum fistulas arctissimè includunt, idque per longum spatium, continuis interim me interrogationibus laceffentes, num Christum abdicarem, & cum me facturum negarem, adfertur arundo non crassa, quales ex sunt ex quibus sagittæ conficiuntur, ea crus dextrum sensim perforare aggrediuntur, ad modum terebri arundine conuoluta, & arundo sensim in carnem penetrans, eam quoque carnem intra vacuitatem sua recipiebat, tunc extrahentes arundinem, carnem, quæ pro medulla erat, subducebant, & in idè foramen arundinem immittentes vltra perforare pergebant, donec ad os ipsum peruenirent, à quo nonnihil discedentes secundum os arundinem circumuoluebant, semper interim sciscitantes num Christum abiurarem, & negantem me duobus in locis, in dextero crure, ad eum modum terebrarunt, cum interim tibia læua intra suas fistulas arctaretur.

Finito hoc tormento vices permutarunt; nam soluta tibia læua, dexteram ad eundem modum intra fistulam coarctarunt, & crus sinistrum eadem arundine, duobus in locis, ut supra terebrarunt, interim interiore solatio perfundebar, quod hæc omnia paterer pro sanctissima fide Domini nostri Iesu Christi. Ad hunc modum cruciatum & cruentum duo tresque carnifices in interiorem me domum retulerunt, neque enim pedibus consistebam, & cum nescio quis, ibi ex astantibus diceret, tibias intra suas fistulas non satis, arctè laborasse, carnifices responderunt se ita strinxisse, ut crepitum dissilientis ossis audirent, & reuera ita fuit; tum alia grauiora & atrociora tormenta minaces intenderunt, quibus singulos manuum ac pedum digitos per vim se extracturos iactabant, quæ cum dicerent, sensi me quodam sudore perfundi, qui permixtus sanguini, quem vulnera emittebant, in memoriam mihi reuocauit sudorem sanguineum, quem Dominus in horto expresserat, eaque meditatione admirabile sensi animæ meæ robur & solatium.

Tum præses ad me conuersus, alia multa tormenta me manere

nere pronunciauit, eiusque iussu baiulorum humeris in custodiam publicam deferor; ibique pro foribus, vestibibus planè omnibus exuor, & in terram abiectus ibi semiuivus relinquor, sed alij duo neophyti, qui in eadem fidèi causâ tenebantur, me in inferiora ergastula receperunt, ibique tres tenebamur propè nudi, nisi quod intimam nobis vestem tenuem illam, & tegendo corpori magis quam arcendo frigori accommodaram reddiderunt, cibus noster erat Orizæ paululum, nec plus aquæ, in diem semel utrumque, quantum ad mortem arcendam non ad vitam sustinendam satis esse videretur, & ne quid nobis aliunde suppetere, vigili excubitorum custodiâ, caritas omnis arcebatur. Denique Cusanæ ditionis in metropoli iudex Cusanis me reddidit asserens quod à supremis regni moderatoribus ut viverem impetrarat. Hactenus Ludouicus qui modo Nangasaquij viuit, non latior eo quod passus est, quàm tristior ex eo, quod vivere, finiretur.

Alij duo neophyti, quos initio dixi, Cusani comprehensos, Ioannes Rocayemon & Leo Quezayemon dicebantur, uterque in his pro fide prælijs veteranus, multisque iam certaminibus nobilis, & qui iam aliquoties coram iudice bonam confessionem confessus, vincula sua quibus iam diu tenebatur, cohonestarat, vix dici potest quam acriter horum Christi pugilum constantia sit oppugnata, nihil blanditiæ, nihil preces, nihil adductæ rationes, sed nec minæ poterant, tametsi in eâ nuditate, in eâ penuria, in eo carceris pædore, in eâ vinculorum molestia detenti audirent, eam rem fore perpetuam, in cuius condimentum varia deinde supplicia se addituros minabantur, quam eorum firmitatem ethnicus nobilis qui criminum suorum reus iisdem vinculis tenebatur, cum attentius intueretur & diuturnitate temporis stuporem confirmaret, tandem apud se statuit eam alacritatē, eam vitæ integritatē, illud patiendi desiderium aliquid habere supra mortale, nec sine arcano aliquo mysterio posse constare, rogauit ut id arcanū atq; mysteriū doceretur, Ioannes in prælectionibus catechisticis probè eruditus, Christianis mysterijs hominem imbuit atq; adduxit, ut ad baptismi fontē amhelaret, quē Leo illi aperuit, & Ludouicus eū de sacro fonte susce-

suscepit, ita quod erat inchoatum omnium opus, omnes perfec-
runt, alium etiam, qui iam olim infans ablutus fuerat. & ethnico-
rum consortio se deinde polluerat, horum eorundem opera se in-
spexit, & iisdem prælectionibus imbutus, cœpit esse, quod esse se
nesciebat.

Nocte quadam eorum alter eductus vinculis ad Gubernato-
rem aut ad mortem rapi se cogitabat, sed ecce ad suos omnes qui
ex composito conuenerant adducitur, ibi mater, ibi frater, ibi
vxor, ibi filij, ibi cæteri propinqui cum eo pugnaturi aderant, roga-
bant, supplicabant; obtestabantur, modo singuli, modo simul
omnes, vt tandem de pertinacia decederet, vt sui, vt cæterorum,
misertus, omnium gratiæ ne verbum negaret. verum ille non re-
spexit ad carnem & sanguinem, sed omnia tela nequissimi ignea
scuto fidei excepit ac repulit, quod cum eius frater vidisset, in furo-
rem versus pugionem strinxit, & arreptam vtriusque parentem se
confossurum inclamat, ne diutius tanto filij dolore contabescat.
Interim noster pugil veritus ne fratris furor in parricidium vertere-
tur, nihil nisi SS. Iesu ac Mariæ nomina inuocabat. nec adductus est
vt alieni periculi metu æternam sibi mortem inferret, Christoque
negato animo non corpore moreretur. Quibus Gubernator audi-
tis, de victoriæ spe deiectus, cum mortis inferendæ ius à Dynasta
nullum haberet, etiam à tormentis abstinuit, Ludouici exemplo
doctus, minus hæc quam reliqua valere, ad eos de proposito di-
mouendos; quod supplicia horrere nescirent, qui ea tantopere af-
fectarent, dimittit igitur liberum vtrumque satis mæstum, quod
cupientes dissolui, & esse cum Christo, vinculis mortalitatis, è
quibus iam prope se expediuerant, adhuc tenerentur.

Horum exemplo accensus Andreas ita efferbuerat, vt sua
sponte ad Iudicem pergens profiteretur, se in eadem lege viuere,
cuius causa tres illi dicebantur comprehensi, petere se, vt si hoc
crimen erat, eadem cum illis pœna plecteretur. Ad hæc Iudex
inquit de patria, cùmque externum didicisset, damnat exilio,
professus ita se habere in mandatis, & ad sua conuasanda triduum
illi attribuit, Incredibile est quanto mœrore sententiam exceperit,
quod mori pro Christo cuperet, & viuere cogeretur, ad nostram
itaque

itaque sacerdotem accurrit & totus in lachrymas effusus, suam sortem deplorabat, ac si non de vita, sed de morte lugeret, admisit tandem solatium & nondum planè desperans sperata exilij sententia, Christi milites cum Cusano Yanagauam ducerentur, statuit comitari, in eorum consortio sperari fortasse id, à quo nuper exciderat, sed ibi spem ludens Cusanum redijt, nec fuit qui neglectam exilij sententiam causaretur, sed viuit quietus in martyrij occasionem quamlibet nitentus aut potius anhelans.

IN REGNO CHICUNGO MARTINVS SV.

quimoto Christi fidem sua morte cohonestas.

CAP. XIII.

Martinus Suquimoto natus in Regno Chicujen, in pago Votomura, parentem habuit auumque Christianos, ipse infans Christo aggregatus, in hac renouata sub Xogun tempestate, facto vitæ naufragio, martyrij tabula delatus, in cælestem portum enatauit. Id quomodo acciderit ad Christianam fidem confirmandam sanè gloriôsè, hoc capite videamus, rem totam altius repentes.

Cum primo Daifu edicto Christi fides impeteretur, & edictorum atrocitas in Chicungo regnum irruisset, Martinus tum gubernatori ditionis vnus seruiebat, & ab hero euocatus monetur, vt ex edictorum sententia Christum eiuret, & quam maximè lapensium sectarum velit eligat, nec dubitet in hoc tanti momenti negotio consilium sequi, quod ipsa rei magnitudo secum adferat. Ad hæc Martinus respondit: negotium salutis æternæ tanti sit, vt non malè monueris, illud consilium sequendum, quod ipsa rei magnitudo secum affert, quod dudum iam ipse secum statuerat illius videlicet mori potius, quam eam legem deferere, in qua est illa salus æterna, quam ego inquit, ab ipsis cunis acceptam, per vim vniuersam retinebo. Nihil habuit ethnicus quod redderet, sed à furore consilium sumens, in Martinum inuadit, & in terram iectum, rosario seruo quod è collo gestabat, exuit ac si vna fidem

Kkk

Marti-

Martino rapuisset, qui satis simpliciter aliquot dies mæstus dubitauit, num quid ea sibi rapina herus de fide detraxisset, sed tandem se colligens, nihil deinde dubitauit culpam sine consensu nullam esse, neque Christi fidem ita istis externis pietatis auxilijs contineri, vt ijs carere non possit, sine contemptu prætermisiss. multoque magis per vim ereptis; & tamen, vt est tenera recte factorum conscientia, renunciari iussit hero per contubernalem; nihil sibi de sua fide cum globulis peccatorijs rapuisse, quæ non erat necessario illis signis illigata, esse se non minus, ac semper fore Christianum. Quin etiam conquisito sacerdoti rem exponens, in sua firmitate confirmatus est, ne tamen ultra cum Religionis ignominia ad eum modum luctari cum hero cogeretur, ab eius famulatu descissit, & ad alium transit ethnicum, etiam alterius ditionis moderatorem, à quo præficitur censuum exactioni, nescio quibus in pagis exercendæ, quod munus cum vix exerceri posse videret & cum heri gratia, & cum vitæ puritate, maluit & hunc herum relinquere, quam huius gratiam diuinæ præferre, quantumvis ne id faceret ab hero, cui iam esse carus ceperat, impensè rogaretur, ergo in posterum sibi Deoque viuens egregie se ad futura prælia comparabat.

His occupatum pietatis exercitationibus, altera tempestas, de qua nunc agimus, deprehendit, & quoniam nulli non erat notus hoc nomine, quod esset cum multis, & præ multis Christianus, in eum Iudex designatus primum & maxime deterrauit. Ergo ad seuocaturn his, vt scribitur, verbis non male ad persuadendum compositis compellat, non est, inquit, Martine, quod tibi exponam, quanti referat ad Regni ac Dynastæ res tuendas, in eius ditione nec vnum censeri Christianum, quod ita exactè præcipit, ac procurat Imperator, velim vt maturè dispicias, quid e tua res sit, an in tua sententia pertinacem mille te molestijs immergere, an iter sequentem regium, quod in Iaponia tot iam sæculis supremi infimique terimus, barbara lege ac peregrinis ritibus abiectis omni temetu ac molestia liberare. Ad hæc Martinus in his prælijs veteranus, ita respondit breuiter sed neruose; mihi iam diu constitutum est, nullo periculo proposito, perfidiam in Deum admit-

nittere, Christianus sum, & id esse coram vniuerso orbe probor, quo dicto abiit è conspectu, & salutato iudice domum in se recepit. Non satis se expediebat Iudex, quid in hoc negotij caperet, ne speritus fuisse videretur, demum ad se loci sectam vocat, iubet vt omni arte Martinum expugnet, adhibeue si solus non potuerit, contra vnum vniuersos, quod si nihil retraret, tum demum toto Regno pelleretur, Concurritur ergo Martini domum, & pro se quisq; exaggerat, quam carus sit omnis, & quam cupiant ipsius res in melius semper crescere, vnum ere, quod ipse nimium propositi tenax, euocet sibi magnos lares, quos omnium consilio, votis, precibus à se auertat, & cedat quando de sententia, neq; pertinax haberi velit, qui constans huius videri potuisset. Quibus Martinus primo responso, spem nem victoriz præripuit in hunc modum. Nihil est inquit, quod illum verba teratis ac tempus, in ea, quam vos opinionem meam certinaciam appellatis, ita sum saxeus vt, tamen si ad me ex ea deducendum tres filiolos meos in oculis meis in frustra membratim indaris, non erit hoc satis ad impetrandum vt vel tantillum à lege Dei mei, in qua velle me viuere & mori proor, quo responso tota ea turba ita obstupuit, vt suo silentio maderet.

Vix bene finierat Martinus, cum ecce tibi à Iudice nuncius sciens ocquid Martinus de sententia discessisset, si nondum, intracam è fissis arundinibus contextam inuolueretur, & ad ignominiam suppliciumq; in publicum deportatus abijceretur. Proferunt extemplo stórez dux, tum demum exultante Martino, sed murepente consilio, in alium pagum abducitur, iridente nostro ille, quasi esset cum loco sententiam mutaturus, verum deinde loco, cum sibi relictus esset, redijt ad priorem cum vxore &c., quod illius pagi incolæ, nescio quos eius causa metus concepit, & quoniam in dies incrudelcebat malum, Martinus iam stianæ militiæ dux factus videbatur, vicina loca circumcur- omnes, vt sibi constarent hortabatur, nec eo regno contentus, io degebat, cum audisset Facata, quæ Regni Chicujen est metropolis, vrgeri Christianos, eo accurrit. Degebat ea in vrbe Paulus.

Martini frater, fratri simillimus, aberat tum fortè domo, cum ad eam vrbani gubernator suos ministros destinauit, Paulo mandata ferentes vt à Christo deficeret. Quibus Martinus abesse fratrem ait, posse nihilominus responsum ei dare, à quo mitterebantur, se illius nomine negare facturum quod videbatur, in eo quod ad legem spectabat immutandam, cui ministri nihil aliud de eo suspicamur, ita futurus vix à quoquam dubitatur, & tandem Paulus cum aduenisset iubetur exulare.

Ita fluebat tempus interim dum adhuc Martini causa penderet, donec altero die lunæ decimæ, cum intellexisset gubernator eum non tantum non toto regno exulare, sed etiam intra ditionem suam commorari, excauidit, & alteri mandat, vt de tota re inquirat, reosque castiget, qui loci Præfectum aliosque ex eodem pago multos comprehendit, quod reuientem à fide deficere, toto regno non eiecissent, prout habuerant in mandatis, neque illos comprehenderat, sed etiam velut grauium criminum reos, iniecto in collum fune ac reuinctis manibus detinebat, nec adduci potuit vt solueret vinctos tamen ad culpam eleuandam, penamque deprecandam aliquot illius loci seniores ad eum accessissent, dixissentque collaborasse omnes vt Martinus expugnaretur, sed cum ita esse pertinacem vt ne verbulo quidem, saltem vt fingeret potuerit impetrari, quibus Iudex respondit, eam culpam suique contemptum, in ipsum Imperatorem cuius spernerentur edicta redundare, pro quo Martinum dedisse iam legibus penam oportebat.

Hoc ipso tempore apud fratrem Facatæ diuersebatur, qui accepto nuncio mirè lætus ad suos recurrit, & cum ex itinere ad ethnicum ditionis cuiusdam Præfectum, amicum suum diuertisset, accepit clarius quam multi eius causa vinculis tenerentur, teneri eum vrbani legibus vtiq; vincula se traderet, innoxios liberaturus. Cui Martinus ait se illius rei causa venire, neque aliud in votis habere, quàm ipsam mortem in Christi causa subire. Comprehenditur ergo Martinus vna cum vxore tribusque filiis, & quidem bono vt augurabatur omine, quod is vinculorum dies B. Martino patrono sacer esse ab eo non nesciretur. Primogenitus eius

eius Michael, nondum duodennis, parenti carissimus, quod ingenij ac naturæ bonitate multa promitteret, is igitur cum in conspectu parentis vinciretur, ita est ab eo compellatus. Has manicas, quibus manus, hunc funem, quo collum induisti, ne arbitreris te mei causa induisse, pro Christo Iesu Deo ac Domino nostro captus es, exulta fili, pro beneficio ac felici sorte, ne formides fili, nam curriculum erit breue, sed præmium sempiternum. Cui puer agnosco parens quæ dicis omnia, nulla te mei cura angat, ego te ad mortem usque comitabor, quod eo vultu dixit ac animi firmitate, ut stupuerint, quotquot aderant vniuersi, dicebantque inter se submurmurentes, pueri ad sicæ conspectum tremunt, hic iam propè de morte certus exultat, quid illud est, quod in hac lege arcanilaret, è quo tanti animi suppedientur?

Dies nouem vna cum suis ergastulo detentus, prælia Domini nulla intermissione præliatus est, nam cum omnibus carus esset, amicitia dare se putabant, si cum de sententia deturbarent. Dicebant igitur alius post alium, renouato in horas certamine, hanc edictorum atrocitatem ventorum turbinem posse appellari, quem illæsus exciperet, si se tantisper inclinaret, si resisteret frangeretur: videret quantum famæ suæ detraheret, quod vxoris ac filiorum vitæ ne verbulum quidem daret, quam hoc ab omni naturæ ac vrbauitatis lege esset alienum, quibus Martinus gratias agebat pro propensa omnium in se voluntate, neque se mirari aiebat, quod, ignoratâ salutis æternæ viâ, se ab ea conarentur auertere, sed attenderent omnes esse mortales, nec omnia cum huius vitæ breuitate finire, æternam manere vel vitam vel mortem, quis est satis mentis compos, qui breuem æternæ morti vitam anteponat, his ac similibus colloquijs importunos à se hortatores repellebat. Quod reliquum erat ab his prælijs temporis, totum illud Martinus in preces expendebat. Die porro quadam vxorem suam Magdalenam, ita fertur allocutus. Nihil est quod me hoc rerum statu sollicitum habeat nisi tu, si fortè quod Deus auertat, præsentis mortis metus te deiiciat, atque ideo pro te virginem Mariam precor, ut à filio suo tibi talem animum impetret, ut eo confirmata hostium acies, nudas sicas, vibrata tela non horreas, nec animo permouearis, si te

præfente filioli nostri membratim lacerentur, quibus illa ita respondit, ut maritum magna sollicitudinis huius parte liberaret.

De fratre iam victo, in pago Tanuximiro, Paulus interim audit, eoque accurrit fratri suo vicem redditurus, cui Martinus, ego inquit, cuius rei causa teneor iam inaudieris, non arbitror me indignissimum in eam fortunam venire, ut pro fide mea vitam prodigam; qui Cusani capti fuerant, & Yanagauam abducti dimissi sunt, quid est ultra, quod sperem quam mori, abire poteris, neque ad tua recipere. Cui Paulus tametsi satis scio, nihil opus esse currenti calcar addere, rogo te tamen ut consummes cursum tuum, neque committas, ut te ego fratrem dedigner, imo & salutatione indignum putem, quod omnino contingeret, si spem meam falleres repente immutatus: subrisit Martinus, sperareque se ait eum qui hactenus vires dedit, in posterum minimè negaturum. Ille etiam gubernator eius ditionis, in qua degebat Martinus, hoc negotium commiserat, eum monuit, se Martinum cum vxore & filiis in vinculis habere, iuberet quid ijs fieri vellet, ille pro ea malevolentia, qua persequitur nomen Christianum, tametsi à Dynasta non haberet in mandatis ut quemquam morte mulctaret, ex ijs qui deficere renuissent, sciretque supremos Regni moderatores in metropoli à sententia mortis nuperrimè sibi temperasse, nihilominus in Martinum sententiam capitis pronunciat, vxorem cum liberis liberam dimittit, non illa quidem sua voluntate, sed multorum precibus adductus id permisit. Quam hilares laureatæ mortis nuncium exceperit noster, non facilè est exprimere, liberis vxoriquè vitam impetratam grates habuit intercessoribus, dixit tamen gratus sibi futurum, si omnes in sacrificium præmisisset, sed sicut fuerit voluntas in cælo, sic fiat. Cum educerentur inquit à vinculis, in eum eiulatum cum liberis Magdalena prorupit, ut intuentium oculis lachrymas imperarit, solus maritus sereno vultu, nullum ex oculis imbrem depluebat, & siccus postrema illis mandata, quæ semper fuerunt illi prima, de retinenda fide commendauit. Eodem tempore Cosmam Neophytum, qui ad eum in hoc agone confirmandum vnus accurrerat, breuissimo scripto salutauit in hæc verba: In diem huius Lunæ nonum indicta erat mors mea, biduo dilata est

in

in hunc vndecimum, quod ad me confirmandum veneris, gratias habeo, magnique æsumo quod tuis consilijs edoctus ingressurus mihi videor in eorum numerum, qui gloriæ Domini participes sunt. Vale.

Aduenit tandem opratus martyrij Lunæ decimæ, dies vndecimus, Nouembris nostri 19. anni 1616. sub noctem, quæ illi fuit æternæ lucis aurora, veniunt in carcerem magno satellitio stipati tres è senatoribus, & magna quiete præstolantem reperiunt, vincitur manus post tergum reuinctus, in collum funis iniicitur, vix præ orationis intentione aduertenti, & cum ad se rediisset exclamare capit, nescire se quo suo merito vincula & mortem in Christi causa pati consequeretur, hoc à Deo beneficium, non aliunde prouenire. exijt igitur à suo ergastulo, comitantibus ethnicis amplius trecentis, Neophytis omnino 12. è quibus duo, Cosmas & Gregorius non nihil præeuntes latus dexterum affini eius Domini- co, finistrum Paulo fratri reliquerant, hic cerum accensum manu gestabat, Martino cum traditurus, sed vincula non permiserunt, idem fratri agni sacri effigiem ceream, deosculandam dedit, tum denique se totamque familiam ipsius precibus, cum in cælum mox venisset, commendabat. Cui Martinus modeste respondit, se martyrij corona indignum, si tamen ea potiretur, fore ut petitioni non deesset. Venitur interim in sacrificij locum, & Martinus ad ortum conuersus, in genua ruit, cumque breui oratione se tacitus collegisset, elata voce ter Iesum ac Mariam inuocat, Deoque gratias agit, quæ verba cum repeteret amputatis cernicibus vox nondum interrumpitur, sed quæ dicere cæperat accuratè pronunciauit, deinde in truncum cadauer immanes carnifices nondum sœuire destiterunt, sed Iaponiensi barbarie fidas & nervos ostentantes membratim conciderunt, frustra Nangasaquium delata Ecclesiæ pacem colenda præstolantur. Ea mors multis hominum sermonibus causam dedit non satis capientibus, quid esset in lege Christiana, cuius causa Martinus uxorem, filios vitamque latus exposuerat, quod nemo faceret ex indigenis sectarum suarum, non tanti pendentibus vanis

sacem.

DE

CAP. XIV.

BVngensis ac Bugensis Regnorum Ecclesiam è nostris duo procurant, maiore quam alibi labore, quem neophytorum multitudo, locorum distantia, regionis asperitas tenuitasque auget, quibus etiam hoc biennio accepit Fiungæ Regni ea pars, in quam Arimensis tyrannus & apostata Michaël translatus est, ad cuius familiam, in qua multi sunt Christiani, altero annorum vnus ex alumnis excurrit, altero etiam sacerdos noster, fructus ex tota messe collectus spem colonorum non fefellit, & ipsam laborum magnitudinem sua copia cumulauit, verum ad priuata quædam descendamus pauca de multis feligentes.

Vrbis cuiusdam Præfectus ad Neophytum adolescentem nobilem, qui Leonis nomen, fortitudinis omen acceperat, se contulerat. Hunc oppugnaturus, sæpe repetitas artes admouit, cui Leo beatum se fore dicebat, si in causa fidei moreretur, qua re nihil esset in hac mortali vita, quod cuperet ardentius. Age igitur Præfectus inquit, quoniã cõtumax es, & in hac tua sententia obfirmatus, scribe sodes te in hoc tuæ legis negotio nec Dynastæ nec Imperatori Daifu parere: scribo ait Leo; nec mora scriptum tradit, quæ adolescentis constantiã cum creuisset oppugnantium furor, in interiorum domum irruunt, quærentes si quid sacrum reperirent, nec aliud occurrit (cætera enim iam domestici seposuerant) præter papyraceam imaginem ipso tempore propè laceram. Tum in adolescentem irruunt omnes, arreptamq; illius manum per summam vim cogunt, scribere, se à Christo deficere, nomenque expresso sanguine è digito subscribunt, verum ex ipsis scripti lituris & malè formatis characteribus, facillè vim homini factam esse apparebat, & licet iam liber reclamaret, abiire nihilominus cum scripto impossibiles. Id cum primario moderatori & huius causæ iudici traditum esset, facillè patuit fraus, maximè illi qui Leonem nouerat, vinci non ita facillè potuisse. Mittit igitur qui à Leone quærat, numm

um Christi fidem scripto à se abdicatam fateretur, negavit ille se
 etiam cogitasse, simul aperuit fraudem, quæ seipsa prodebat,
 idextamen hoc accepto responso conniuit, & victor Leo anti-
 quam retinet Christiane viuendi consuetudinem.

Casa locus est Regni Bungenfis, quo cum furor ethnicus de-
 enisset, inuenit Christiana pectora, quæ intrepidè repugnarent;
 id præ cæteris nouem excelluisse scribuntur, qui intra saccos,
 triza detracta, arctissimè alligati (prout varijs in locis fuerat iam
 surpatum) abiecti sunt in desertum locum, additis custodibus,
 ut prohiberent quenquam ad eos ex vrbe diuertere, ergo sine ci-
 uopotuque lupis expositi, quos ea in regione ferunt esse permul-
 tis, dies quatuor, noctes quinque mortem læti præstolabantur,
 que inuicem hortabantur non viri solum & sæminæ, sed & pue-
 ros, quos præ cæteris scribitur fuisse continuos hortatores, è quibus
 natus nondum quadriennium totum vixerat, ut verum esset quod
 tribitur, ex ore infantium perfecisti laudem, qua ex firmitate iu-
 xta ne victus videretur, seruo suo cuidam mandat ut eos interfi-
 cat, sed ita mandat, ut famulus intellexerit, gratus illi fore si sol-
 untur, ergo ad eos famulus cum perrexisset, funes maluit quam
 flos truncare, dimissi à famulo iubentur exulare; conniuite in-
 asterum iudice, nec ultra de reis inquirente.

Melior fuit alterius fortuna, qui suæ constantiæ præmium
 martyris lauream est assecutus, in Regno Bungenfi; è Bungenfi ta-
 men oriundus, è familia supra vulgarem, Christianus factus, ita
 xerat, ut exemplar esset cæterorum, nam orationi deditus erat
 apense horis præsertim nocturnis primoque diluculo, |solemne
 à sextæ feriæ sabbathique ieiunium; alterum Christi tormentis,
 terum colendæ virgini dedicatum. Is in primo impetu non tan-
 tum non nutauit, sed neque Iudici cessit, neque amicis defectio-
 nem vrgentibus, quod molestè ferens vnus è propinquis eius, So-
 ro appellatus, chirographum clam concipit, quo chirographo
 Christum abdicare profitebatur, Romani manum quoad potuit
 nitatus; delatum est illud ad Iudicem, incio planè illo, cuius
 maxime intererat, donec tandem indicio Neophyti, fraus Roma-
 o prodita est, satis indignanti, quod à suo propinquo ad eum mo-

dum infamia notatus sibi videretur, sed ea, si quæ fuit, quam diu fraus latuit, eâ prodita faciliè compensata est tot officijs, quæ ad eam delendam sunt à Romano procurata. Nam primum ex ea die globulos precatorios è collo gestavit, domi suæ in aula, quæ prima ingredientiæ excipit, crucem exponit, nec adduci vnquam potuit neophytorum etiam consilij, vel precibus, vt hæc externa religionis signa semoueret, dicebat enim id ijs licere, in quos nulla proditæ fidei suspicio cecidit, se ad offensionem tollendam, iniustæ sibi calumniæ teneri ad id quod credebat, externis signis profligandum. Nec his contentus ad Iudicem pergir, fraudem aperit, de iniuria quæritur, & quid credat, quam legem sequatur, ac semper fuerit secutus, exponit.

Iudex hominis libertatem, sui contemptum interpretatus, Romano iniici vincula imperat, & in publicam custodiam abduci, ibi varia prælia ab hostiliter amicis, quin ab ipsa sua coniuge & socru tulit fortiter, ac generosè, deinde in arctiorem custodiam compingitur, ac tandem post menses 8. Martij 21, anni 1616. morte damnatur, admirabili gaudio perfructus, quod in votorum suorum apicem euasisset. Educitur ergo in locum supplicij, quod iter & longum & asperum, vt aliter quam nudis ac deinde laceris pedibus emetiretur impetrari non potuit, cum neophyti sapius calceamenta obtulissent. Totum illud iter tacitus, & cum Deo vno colloquens ita confecit, vt nemini etiam quippiam querenti responderet, nisi fortè semel cum duo neophyti eum, vt ad finem sibi in retinenda fide constaret, hortarentur, respondit enim, vt sine cura essent, daturum se cum diuina gratia operam, vt ne deficeret. Fortè cum exitinere nobiles aliquot in eum adulescentes incidissent, querunt ex ministris, cuius rei gratia moreretur, cum illi respondissent, mori quod esset Christianus, intrulerunt miseros esse ac mente captos Christianos, si qui essent in Iaponia vniuersa, quippe quod legis suæ causa morerentur, in quos Romanus intuens subrisit, tum oculis in cælum sublati dixit, Benedictus Deus, ac si diceret. Confiteor tibi pater, quia abscondisti hæc à sapientibus, & reuelasti ea paruulis. Inter hæc venit ad locum, in quo velut in ara, victimam mactari oportebat, ibi

fixis

xis in terra genibus ultra horam orando absumpsit, donec carni-
ci venit in mentem nihil ultra præstolari, oranti enim caput pri-
mo ictu decussit, in ea ætate qua Christum Dominum pro nobis
vitem subiisse vulgò creditur, & alia quoque re similis Domino
eo, quod eandem cum fontibus insons tulerit sententiam. Cor-
pus propinqui asseruandum sibi velut sacrum, quod erat pignus
ceperunt, & vt certius constet, qua in causa sanguinem fuderit,
mitti non debet illius testimonium, cuius erat rerum causas reuere-
re, is porro Zozayemon dicebatur, cuius rei causam Romanus
ipite luisse, quod Christianus esset, nec desierit setalem profite-
, & addidit Christianos in lege sua retinenda videri nimis duos,
ille, qui quæsierat, Didacus Faidono, felicem igitur illum
ter sociicem, quam felicitatem ethnici risu exceperunt, ignari
ad talimorte Christi pugiles consequantur.

ALIA NONNVLLE IN IISDEM REGNIS.

C A P. XV.

Amoti multa passim omitto similia refugiens, aut vilitata, non
possunt tamen omitti casus aliquot euentu mirabiles, & va-
rietate materiarum diuersi. A Christo defecerat neophytus vnus ali-
us, Daifu fulminatus, is ex eo tempore subinde eo furore corripie-
tur, vt nemo illi Impunè occurreret, ac si quando monebatur
sum ac Mariam innocere, in blasphemos clamores prorumpens,
nidam eructabat. Contigit die quadam vt velut aliud agentes
ophyti quidam, hominem in ædem alterius neophyti deduce-
ant, pro eo preces ad Deum facturi, verum in limine restitit iam
atque quid ageretur, & è manibus omnium elabens, in domum
i recurrit. Non muki dies abierant cum nocturnis horis, per ma-
ios imbres domo erumpit quem eius frater, quoad posuit conse-
tus, denum & nocturnis tenebris & imbre fatigatus, cum extra
nspectu se proripuisset, domum redit satis mactuens aliquod bac-
anti infortunium. Die insequenti cum nusquam compareret, ad
m vestigandum multi oppido egressi, ne vestigiū eius repererunt,
cum post quintum diem, duas leucas à domo distitus reperitur.

ad rupis pedem mortuus, horribili aspectu formidabilis, è qua rupe videtur ille precipitem se dedisse, aut à dæmonibus precipitem datum defectionis suæ pœnas luisse, qui casus omnes terruit, nec parum aliquos in retinenda fortiter fide continuit.

Ludouica matrona nobilis illa, cuius epistolam initio retuli, cum de nostris agerem vniuersim, illa inquam, imminente partu, insolitos dolores experta, toto etiam corpore intumuit, eoque res deducta erat, vt iam extra spem vitæ posita videretur. Ergo quoniam domi suæ nostrum sacerdotem habebat, peccatis expiata, sacro etiam pane ad viaticum confirmatur, & quia nulla ei spes ex artis medicæ subsidijs supererat, ad diuina conuertitur, acceptam à nostro sacerdote reliquiarum thecam, in qua de S. P. N. Ignatii sacris mortalitatis exuiijs nescio quid, seruabatur, maritus è mulieris collo suspendit, nec mora, nullo negotio partum emittit, totaque corpore breui conualefcit.

Magis admirabile videbitur fortasse eiusdem S. P. Ignatii contra dæmonem in eurgumeno subsidium, senex ethnicus ætate iam ultra 70. annum inclinata, in grauem morbum inciderat, rogatur is à neophytis propinquis vt in ea saltem ætate vitæque periculo de æterna salute cogitaret, annuit senex & euocatur catechista ex alumnis nostris, qui prælectiones solitas aggrediens eodem labore & alios instruebat. Iam biduum tenebat ea prælectio, cum catechista eorum quæ dixerat rationem exigens, de Christi Dominis tormentis sermonem ingesserat. Ecce tibi senex improviso furore corripitur, os vultumque ita contorquens vt terreret vniuersos, multa etiam extra rem effutens, vix id ætatis & æger à multis poterat contineri. Ingesta illi per vim in manum agni ceret theca, quam ille tolli sibi exclamabat, quod ea sibi sentiret manum perforari, & quia dextro humero fortior videbatur, in eum eandem thecam transtulerunt, quod ille sensit extemplo & miserabiliter ciulans, querebatur quid esset, quod se probum & honoratum virum sine causa mactarent. Cum igitur catechista aduerteret eurgumenum nullà re conquiescere, profert è libello S. nostri parentis effigiem, & eam fronti applicans iubet vt in nomine Dei omnipotentis, per intercessionem illius sancti, qui societatem Iesu

primus.

primus fundarat, edicat quis sit. Energumenus ab imagine vul-
num auertens respondet tandem se vnum esse de malignis spiri-
tibus, qui Canis rufus appellatur, hoc enim sibi canis nomen dæ-
mones in energumenis vsurpant, quin ipsa lingua saponensi dæ-
mon Tenga appellatur, quod cælestem canem sonat, fatebatur se ex
ano quodam prodijisse ac redire velle, si qua re donaretur, quam
d socium in eodem fano commorantem referret, quod abiens illi
facturum sponderat, abiit tamen inuitus & indonatus, & se-
tex conquieuit ipsa lassitudine in soporem lapsus, qui deinde cum
uigilasset, omnium immemor, satis mirabatur ea quæ à se facta di-
taque dicebantur, hoc spectaculum efficax fuit ad catechumenos
relectio, qui omnes vna cum agro ritè iam edocti baptismum su-
ceperunt.

Inciderat in puerilem variolarum morbum quadrima non-
impuellula, cuius parentes à fide defecerant, & nondum perfi-
æ maculæ pœnitentiæ lachrymis eluerant, eos voluit Dominus
puellula erudiri, & sui periculi admoneri. Nam nullo modo fe-
bat, vt se vlla mulier, nec ipsa quidem mater, nisi esset Christia-
contingeret, non ferebat ab alijs quam à neophytis visitari,
in quibus illa præ gaudio gestiebat, chartulas nescio quas &
perstitiosas schedulas exhorrebat, si sacram cerei agni thecam
manus illi dâtes, venerabatur, & in caput erigebat, vnum ex ijs
fiedulis parentes intra vestem, illa inscia, consuerant, sed illa
nec eam proprijs manibus laceraret, nunquam conquieuit.
oritur tandem sed eo vultu, quem adstantes prodigij loco ha-
uerunt, è quibus aliqui hoc solum aspectu permoti, Christi fidem
seceperunt, quin ipse parentum herus à Magistratibus, vt puellæ
nus Christiano ritu curaretur, hoc enim per hanc procellam,
ophytis est interdictum, tamen non vbique, impetrauit: Cuius
causa cum quidam Parentem suam ecclesiastico ritu sepelisset
sus est à magistratibus sacrificulos euocare, & funus ex eorum
mpa denuo procurare, quod ne facerent exilium potius elege-
rit, quotquot ad eam familiam, supra quadraginta capita cense-
atur, aliquo modo pertinebant.

Ad eum fere modum apud Bungenfes Bugensesque res Chri-

stiana currébat, cum nondum benè serenato illo turbine, qui sub Daifu multa turbabat, nouus ab Xogun excitatus nunciatur, cuius strages non ubique fuit æqualis, ideo quod à varijs Toparchis variè hæc edicta curabantur, prout quilibet in rem Christianam beneuolentia vel maleuolentia incitatus habebatur. Multa fuerunt neophytorum prælia, sed ea ferè alijs simillima, vnum commemorabo priusquam in vicina regna digrediar.

In oppido Taqueta, viuebat antiquus Christianus, & idem annis non malè in Christiana disciplina collocatis venerabilis, Paulus Quizayemon dicebatur, vocatus ad Præsidentem. solitis artibus oppugnatur, sed ab eo consueta Christianis firmitate repugnatur, cui cum deinde Præses vnum diem deliberaturo daret, ita respondit noster veteranus, nihil est opus ad deliberandum tempore, idem responsum hodie, cras idem, postridie erit idem, Christianus vixi, Christianus moriar, tamen si me frustatim laceretis, quo ex responso cum spe victoriæ excidisset, ad Dynastam res refertur, is iubet Paulum exemplo mactari, & iam se hilaris ad mortem comparabat, cum mutata repente sententia iubetur exulare, sed detracta sibi cum liberis coniuge, cuius non inferior fuit constantia. Illa enim sua sponte ad iudicem pergens professæ est, se, si spe defectionis impetrandæ retineretur, minimè adducendam, vtræque propositæ morte à Christo descisceret, in cuius rei testimonium, ipsa in posterum precatorios sibi globulos à collo suspenderet, & Christi seruatoris effigiem publicè domi exponeret. Cui iudex age prout libuerit ait, nam & tu quoque extra ditionem prosciberis. Hinc simillima fuisse videtur alia, quæ absentis mariti nomine iussa defectionem à fide scripto concipere, fortiter renuit, & neque se facturam, neque se auctorem maritum esse protestata. & cum illi ex eo responso periculum immineret, à parentibus ethnicis clam educta inuita coronæ subducitur, sed illa tamen in medijs infidelium tenebris, Christianæ legis exemplo prælucebat.

DE CHRISTI ECCLESIA IN REGNIS

Chungocu.

C A P.

Regna Aui, Suuo, Nangato, Iuami, Bingo, Bigen, Farima, Ninasata, Yoi & Sanaui, vno nomine regna Chungocu appellantur. In his omnibus sunt plures paucioresue neophyti, ad quos excolendos à nostris sacerdotes duo collaborant, & incredibile est quanto labore, factum est tamen vt intra eundem annum omnes viserentur magno solatio, magno fructu, nec vniuersim ijs in regnis ea sunt, quæ alibi rei Christianæ angustia, quod alibi Dynastia, alibi iudices in rem Christianam minimè maleuoli, ad speciem duntaxat, Imperatoris edicta exequantur, sed hæc melius constabunt cum ad singula descenderimus.

In regnis Suuo & Nangato, & maximè in vrbe Yamaguchi neophyti suam retinent firmitatem, quod satis mirum est propter odiū plusquam capitale, quo Moridonus horum Regnorum Dynasta, etiam nomen ipsum persequitur Christianum. Ibi degebat sacrificulus quidem, qui tam erat sanctitatis opinionem consecutus, vt etiam Amida viuus appellaretur, & allatæ stipis vndequaque copia abundaret, is vrgente malefactorum conscientia, facillè totius rei consequbatur vanitatem, & quia non planè deposuerat animum, ingessit illi Dominus cupiditatem Christianæ rei penitus excutienda. Ergo clam instar Nicodemi ad nostrum sacerdotem, cum eo venisset, excurrit, interrogat. audit, disputat, & tandem eos diuinæ lucis radius admisit, vt manus daret, nec infirmior fuit in amplectenda, quam acutior fuerat in dignoscenda veritate, nam detracto sanctitatis fucō, spretaue vulgi opinione, imo & abiectis rei familiaris commodis, maluit vni Deo se probare, quam agnitā semel salutem negligere, & modo viuit minore quidem nominis celebritate tenuior, sed tamen quod vnū est satis viuit Christiane.

Non æque feliciter cecidit quod subiungo. Constanti fama creditur apud Iaponios, eos qui Dæmonem præ cæteris numinum nominibus venerantur, Yamabuxis vocant, habere in homines dæmonia immittendi facultatem, neque fortasse planè falsum est, ita Deo permittente, ad plectendam cæcā illius gentis credulitatē. Exijs venefica mulier in Regno Suuo, in vico Inacuni, suis carminibus omnia implebat dæmonijs, nemini parcebat, ne nobiliorum quidem.

quidem & optimatum filijs, eaquere tantum sui terrorem spars-
 rat, vt nemo illam plerere, tametsi id omnes & maximè Dynasta
 cuperet, ausus fuerit. Quod neophytus quidā inaudiens, non negli-
 gendam Christianæ legis cohonestandæ occasionem ratus, statuit
 apud se diuino fretus auxilio Rempub: suam communi metu libe-
 rare, ergo in eius domum pergit, Deo fidens, veneficam interro-
 gat, num in mortales dæmonia immittendi habeat facultatem, an-
 nuir illa, rata, se vt id alicui faceret lucro inuitandam, Tum Neo-
 phytus immitte igitur in me si potes, & cum hoc diceret, sicam
 educens primo illam ictu ad suos dæmones amandat, quam rem
 omnes miris laudibus comprobauerunt, tametsi non desuere qui
 audax facinus putarent non impunè transiturum. primis diebus
 obseruabant hominem, & si quid fortè præter ordinem vultum,
 aut os contorsisset, iam energumenum fieri suspicabantur, sed il-
 le vanos metus irridens etiam dæmonibus insultabat, quo factum
 est vt tandem dilata pæna pro sublata teneretur, magnaue inde in
 omnes Christianæ legis admiratio, quod maximè neophytus in-
 tendebat, cum summa comprobatione sequeretur.

In Regnum Mirasaca cum sacerdos noster excurreret, habuit
 obuios magno numero neophytos, qui antiquam retinent liberta-
 tem, quasi reliqua Japonia nullo persecutionis igne conflagra-
 ret, cum enim eo quoque edictorum fulmina communis turbo
 detulisset, Toparcha nihil innouauit, asserens id hominum genus
 in suis terris minimè reperiri, quod ille ex beneuolentia magis quàm
 ex ignoratione assererat, sub urbem quippe neophyti cæmeterium
 concinnarunt, & in eo elegantem crucem ad sesquipassum erexe-
 runt, imo & in singulis neophytorum tumulis exigua crux assur-
 git, quod sacerdoti nostro magno solatio fuit, crucique gratulatus
 dicebat, Dominare in medio inimicorum tuorum; Cum missæ sa-
 crificium in eius regni metropoli Teuyama sacerdos noster faceret,
 incredibile est quantum neophyti exultarint, neque enim alias ea
 in vrbe simile quid viderant, & multi ne viderant quidem per vi-
 tam vniuersam.

In regno Yio Neophytus quidam nobile cum dæmone certa-
 men iniens victoriam reportauit, Energumenum ibi ethnicum
 neo-

neophytus visitauit, ex eo quaerit quis sit, & vnde veniat? negat se esse Dæmonem, sed neophytus, efficiam vt quis sis dicas, & rosarium sertum proferens solo conspectu fecit vt tremere, sed cum illud in collum sensu iniectum, tum demum bacchari capit ac furescere. Tum neophytus, si precatoris his globulis ita torqueris, quid est quod eos nō ab ijs? nā tu bardus es & mentis inops inquit Dæmon, si ligatas habeo manus, qui vis, vt abijciā? quis eas ligauit? refert ille, hoc ipsum tuū rosariū ait dæmon, itane verō! atqui scias ait neophyt? me hæc vincula minimē tibi detracturū, nisi prius edixeris qui sis, & vnde venias? è regno Sanuquū ait ille, Combria vocor, nomen illud est simulachri celebris, quod in eo regno impensē multi venerantur, Abi ergo ait neophytus & hunc hominem mitte, abibo responderis, si prius me meis vinculis exsolueris, exsoluam ait noster, sed ea lege, vt nunquam post hac in hac ditione compareas, quod cum spondisset, neophytus sertum suum energumeni collo educit, & simul dæmonem, qui primo fractum corpus reliquit, sed mox in pristinam rediit sanitatem, eo euentu & neophytus ipse in sua fide confirmatus est, & ethnici in Christianæ legis admirationem versi, quam plures non illibenter complexi fuissent, nisi edictorum minis terreti distulissent.

Eodem in Regno, in ædibus Toparchæ, cui parer magna ex parte Regnum Yio, puella viuebat ab ipsa infantia Christianis sacris eluta, sed inter ethnicos perpetuo educata, cui nondum licuit nostrum adire sacerdotem, tametsi id illa serio procurarit, quoties eo noster excurrit, sed intra arcem inclusa, Iaponensis nobilitatis solitudine detinetur, in filia Dynastæ ipsius famulatu. Huic Monicæ, ita enim vocatur, casus nuper incidit, satis admirabilis, nam cum agni cerei thecam è collo eduxisset, & non aduertens, nesciret vbi reliquisset, breui disparuit, euerit illa domum primum vniuersam, deinde socias eiusdem gynecæi puellas rogat, vt sibi sua restituant, si fortè ioci causa, erant enim ethnica, religionis suæ pigrus subduxissent, sed neque sic quod quaerebat reperit, ergo heram quoque suam interpellat, cuius autoritate theca vbiq; conquisita, etiam tum latebat. Cum ecce tibi repenti ancilla ethnica morbo corripitur ac moritur, in cuius sarcinis theca iam minimē

M m m

quæ-

quæritur, inuenta est, satis attonitis eo casu omnibus, que in illi sacrilegio non dubie imputabant, ex eoque die maior haberi Monachæ sacris rebus veneratio cœpit, & ipsa suo ritu liberè viuere permilla est.

In Regno Bingo, Tomo pagus appellatur, viuît neophytus cum vniuersa familia Christiane, huic vxor moritur, ad cuius funus procurandum, quod esset vir copiosus, accurrunt sacrificuli; sed ille ritus ethnicos detestatus, reiecit importunos, asserens se Christianum, & vxori & que Christianæ non nisi Christiane funus procurandum. Ergo domi suæ in aula interiore Cenotaphium extruit non inelegans, in eo sarcophagum deponit, & circum 30. cereos accendit, & ipse cum Neophytis eius loci paucis, triduo toto continuas preces fundi curat, & si quis de more comploraturus adueniret, cum exteriori aula exceptum dimittebat. Exacto triduo voluit clam corpus humare, sed impetrare secretum non potuit, erupit res ad propinquos ethnicos & familiares, qui & ipsi cum suis laeternulis, cereis, facibusque incensis concurrentes sese neophytis addiderunt, & noctem illam non sine pompa collustrarunt; exclusi tamen sunt sacrificuli, quos rabies inuitos domi rodebat, è quibus vnus celebrior cæteris ad loci moderatorem venit, queritur de Christianis, quod antiquam libertatem retinentes, edicta publica spernerent, palamque cum hac nouitate prodirent, verum ille nihil eius oratione commotus factum satis leuiter eludebat, quare sacrificulus indignans dixit, fortasse quod impunè per se hæc liceant, omnia in te postea recidere pœnitebit, quas minas non ferens gubernator, sacrificulum contumelijs exceptum domo pellit, qui dupplicem iniuriam intra stomachum cocturus ad suos se recepit, exultantibus contra neophytis, quod suæ causæ patrocinium gubernator ipse suscepisset.

In Regno Farima, magna est neophytis quies, ex eo maximè quod proximi pluriū pagorum moderatores, qui annuos census exigunt, ipsi quoque Christi fidem colunt accuratè, quos Dynasta ubiq; fidos industriosque retinet, nec aliud ab ijs exigit, quam Christianorum, proposita cruce iusjurandum. Eo igitur in Regno Christi rex conseruatur, & crescit etiam, nam post bellum Ozacense, eo diuertit

neophytus, rei Christianæ peritus in paucis, ex eo quod domi nostræ plures annos fuerit commoratus; is ad Christum adduxit quamplurimos; dū quod didicit impensè docet. Neophytos inter vnus est, Ioachimū vocant, qui ad Christum adiunctus est eo tempore, quo potuerat alius separari. Nam cum ex orta inter Arimensem Regulā & Paulum Daifachi Neophytos lite, multi imperatoris exemplo, quod alias scriptū est, Christianæ fidei obloquerentur, voluit ipse tum rem totam diligenter excutere, cumq; deprehendisset nihil religionis vitio, sed duorū, qui eam sequabantur esse peccatū, Christo nomen dedit ita ex animo, vt breui se supra multos eucheret, & cū nuper vrgente suo Toparcha, in sententia nihilominus persisteret, ausus est dicere, se in omnem profundendi sanguinis occasionē intentum, hac oblata gaudere, quo responso fractus est ille, & cum deinde coniueretur, denuo est à Ioachimo laceratus, quod vellet liberè, si liceret, Christum colere, sin, pro eo mori, & prius ab hero suo, cui erat perutilis, impetrauit.

In huius Regni metropoli Fimegi appellatur, nobilis neophytus sacerdoti nostro in interiore domo parauit, in quo lateret, hospitium, idem fecit in proximo pago sibi commendato, in quo multos habet Christus affeclas, is ita incensus est pro fide sua patiendi desiderio, vt si quando proscriptum aliquem audiret, aut occisum in hæc verba prorumperet, nunquam nemini ea fors obtinget, vt ad me proscriptionis aut mortis nuncius laureatus adueniat! mea me peccata præpediunt, indignus sum qui Christi causa patiar, prout alij multi qui ab eo diliguntur. Verum ille tandem voti compos factus est, hoc enim ipso tempore, martio mense, anni 1616. Toparcha ille in cuius erat obsequijs, ad eum misit qui suo nomine iuberet eū Christi fidem abdicare, & quia non imparatum pectus erat ad insultus huiusmodi repellendos, respondit se id non esse facturum, tamen si membratim discerpatur, cuius responsi sibi conscius, ad mortem se cum vniuersa familia comparabat. Verū Toparchæ satis fuit eum è sua familia excludere, & quem illi subministrabat censu priuare, quod ille libens pertulit, hoc illibens quod parum in ea causa profudisset, qui nihil sibi reseruabat. Eandem fortunam tres alij ex eodem Toparchæ comitatu subierunt, quibus adde, quem, nisi seipsum prodidisset, Toparcha nesciebat esse Christianum.

FIROXIMÆ NEOPHYTVS IN CRUCEM

agitur.

CAP. XVII.

Firoximæ Christiana res etiam in hac persecutionis pruina florere inprimis, non numero solum ac nobilitate, sed etiam quiete plerumque maiore, quam præsens rerum status sperandum exhibet, Tayudono quippe huius (quod Aqui dicitur) & Bungenfis regni Dynasta non ignorat, quam iniuste res Christiana iactetur, nec dubitauit nuper in conuiuio perstringere nimiam in Christianos immanitatem, quos vitæ suæ prodigos tractare lenius oportebat, ac nisi communi metu teneretur, non videtur solo fauore rem Christianam persecuturus, sed etiam de ea sibi eligenda tractaturus, cuius prælectiones, cum olim paucas audiuerit, ita captus est, ut eam sectis Iaponensibus ad vnam omnibus longè præferret, quia ipse Firoximæ, quæ metropolis est, Gubernator exemplum Dynastæ & auctoritatem secutus, nihil nisi Ecclesiæ pacem, ut Christo se adiungat auidè præstolatur, Ex his fit, ut sacerdos noster Firoximæ diutius quam alibi commoretur, eoque neophytos tuto euocet ad ea peragenda, quibus ne siluescat Domini vinea excolitur.

Ita fluebant res Firoximæ ad Octobrem vsque anni 1616. quo renouatis ab Xogun edictis, cedere coactus, ædes nostras, quæ hætenus steterant diruit, sed ædem sacram reueritus tangi vetuit, ne quod sibi, ut aiebat, infortunium accerseret, ex eo quod sacri Christianorum ritus eum locum consecrassent, his etiam satis inuitus neophyti mortem addidit, quod is publicè delatus æmulo- rum inuidiæ materiam subministrare posse metuerat, cuius gloriosum certamen in quo nihil minus sperans, heroicè decertauit, describamus.

Cum Firoximæ publicam sedem fingeremus, baptizatus est iuuenis honestis natalibus ortus, & indole iudicii que bonitate spectabilis, is in baptismo Dominicus est appellatus, Iaponensi cognomine Catzo dicebatur. Cæpit ille breui, exemplo suo etiam antiquioribus prælucere, & quoniam parentem & nouercam habebat ethni-

ethnicos multa domi praelia passus, & ne Christum negaret, tertio quartoue paterno domo eiectus, sponte cepit exulare, & primum Nangasquium venit, ad eum sacerdotem, à quo fuerat salutari fonte Christo initiatus, cum eo sua praelia, suasque victorias consulit, & expiatis peccatis sacroque pane refectus, in iter se dedit quocunque eum Dominus duceret. Delatus est in Insulam Xicocu, & in Regno Yio ethnico Toparchæ adhæsit, ab eoque moderato censu donatus est, sed cum eò sub Daifu edicta in Christianos deuenissent, ab hero tandem eiectus est, quod Christum eiurare nolisset, sæpius ac sæpius ab eo rogatus, quod illi percarus nec inutilis esset.

Audijt id temporis parentem ætatis vitio maximè laborare, redit ergo Firoximam, tentaturus an obfirmatum eius animum posset Christianæ fidei præceptis mitigare, sed frustra, moritur ille magno Dominici sensu, quem iam ex Christiana disciplina non latebat quam suppliciorum æternitatem incurrisset. mortui parentis hæreditatem munusque quod gerebat, adnitente nouerca, frater eius iunior nouercæ filius adierat, eam rem Dominicus, vt erat, iniustam ratus, cum nihil iure impetraret, statuit recurrere ad Dynastam, & concepto quam aptissimè potuit libello, eum ad Regulum desert Nouemb. 26. anni 1616. perlegit libellum Dynasta, & cum responsum pararet, ex eius comitatu nescio quis, nouercæ vt apparet largitione corruptus, Dynastam præuenit, dicit hunc adolescentem minus aptum esse, vt parenti substitueretur, non solum quod altero cruce claudicaret, & animo satis vilis, ac minimè generosus, sed maximè quod Imperatorijs edictis suscepta & obstinata retenta Christianorum lege repugnaret, nec vlla parentis aut amicorum consilia de barbara religione dimittenda admisisset, dicta sunt hæc pro tribunali palam, non negante Dominico, ergo Dynasta in recenti edictorum furore, non est ausus negligere quod audiebat, ne apud Xogun deferretur, quod eius auctoritatem tueri publicè neglexisset, Præcipiti igitur consilio Dominico acturum mandat, vt more gentis ventrem sibi laceret, verum ille sibi Christiana lege nefas esse respondit; tum Dynasta relictis alijs,

M m m 3

Vnam

vnam religionem caufatus, increpuit Dominicum quod contra Imperatorum edicta Christi fidem obfirmatè retineret, quod si facere pergeret, in crucem, quam tanti faciunt Christiani, protinus ageretur.

Non capiebat se prae gaudio Dominicus, cui pro patria hereditate litiganti, funes ceciderant in praeclaris & dicebat hereditas mea praeclara est mihi, ergo interim dum crux paratur, abducitur ille in vicinam arci domum, in qua Dynasta affinis morabatur, ibi Dominicus Deo sua beneficia, sibi suam sortem gratulabatur, quod & pro Christo mori & in cruce mori se videret, cum id minime sperandum putauisset, sed non longi temporis interiecto spatio ad Dynastam reuocatur, Deo ita disponente vt constaret euidentius cuius rei gratia moreretur, sperabat autem Dynasta, quia cupiebat eum mortis metu subito consternatum, deficere à Christo potuisset, quod si fuisset, praecipitem illam de morte sententiam ipse reuocaret, reducitur ergo in arcem, alio iam habitu, manibus post terga reuinctis, & iniecto in collum fune, spectaculum factus Deo, angelis & hominibus. Ad eum mittit Dynasta familiarem suum, quem maximè carum habebat, iubet ex eo quæri, num in eadem persistat de sequendo Christo sententia, posse si eum abiurasset, & viuere & patriam hereditatem recipere, magnum telum esset ei quem nondum diuina sibi gratia praeuenisset, cui noster inuictus miles, ita respondit: Christianus sum & semper ero, cuius rei gratia nemo est, qui nesciat me parentis gratia excidisse, eam fidem non ex corde solum, sed nemo est etiam, qui mihi ex ore eripiat, vitam mihi eripiet, qui voluerit, certam mihi salutem in Christi fide esse persuasi. Illustrem nostri pugilis professionem Dynasta indignabundus excepit, eam igitur responsionem extremam interpretatus, iubet vt exemplo in crucem agatur, eo in loco qui reorum supplicij infamis habebatur, sub urbem, ad iter publicum, ne quid esset quod ultra noster martyr optaret, si Christo simillimus esse optaret.

Educitur itaque ex arce, habitu quo supra, spectabilis; praebat satellites cum incriptione, quæ literis cubitalibus expressa his verbis

verbis legebatur, iubeo hunc hominem mori, quod se Christia-
num fecit, contra Imperatorum edicta, & quod nullis consilijs de
illa lege relinquenda, ne parentis quidem ac fratrum acquie-
uerit, sed Nangasacium iuerit & huc deinde redierit. Improvisa
in Dominicum sententia pauciores ad eius mortem neophytos e-
uocauit, totum iter in agendis Deo gratijs exhaustit, quod se ad
mortem, mortem autem crucis adduxisset, venit interim in Cal-
uariæ locum (quid enim impedit quin à similitudine ita nuncupe-
tur) vbi cum crucem suam humi iacentem conspexisset, in genua
ruens maxima illam religione veneratus est, alterum Andream vi-
dere se dixisses, deinde instar agni mansuetissimi brachia crucis,
brachijs illiganda tradens, in altum erigitur, & interim dum ipsa
crux intra suum foramen aptatur ac firmatur, cœpit noster pro suis
rostris ad circumfusam ethnicorum multitudinem de fidei nostræ
veritate ac sanctitate perorare, pro ea se mori, nec extra illam salu-
um esse.

Denique



DOMINICVS CHRISTI CAVSSA IN CRUCEM ACTVS.

Denique fixis in cælum oculis cum SS. Iesu ac Mariæ nomina inuocarer, lancea de more quater impetitur, & in sui sanguinis fluuio in cælestem portum anima deportatur, eo ipso die & anno, quem dixi, cum ageret ille ætatis 23. vel 24. in professione verò fidei Christianæ vix octauum, mox vt fluere cepit sanguis, concurrere neophyti, neque à satellitibus, quin magnam illius partem exciperent contineri potuerunt. Corpus verò non nisi post octiduum quo toto excubitores adhibiti, sacrum furtum vetuerunt, de eo rapiendo consilia inierunt, & iam perfecerunt, Firoximamque suam sacro hoc pignore nobiliorem reddiderunt.

QVID IN CAMI HOC RERVM STATV

agatur.

CAP. XVIII.

REgna aliquot circum Miacum, Ozacam, Saeajum, Fuximi nobilissimas vrbes, aliasque permultas Cami, vel Goquinai vno nomine nuncupantur, in his magna vis est Christianorum, quibus instruendis è nostris hoc tempore quatuor sacerdotes dant operā. Longum esset horum excursionses, sudores, pericula, sed & fructum commemorare, pauca de multis more nostro seligemus.

Neophyti multi, quos in vinculis nondum damnatos, priore de Iaponijs triumphis commentario reliquimus, annum propè totum ibi detenti sunt, tanta vitæ sanctimonia, vt carcerem in ædem sacram diceres commutatum, bis intra octauum quemque diem ieiunabatur, quotidiana erat corporis flagellatio, oratio, de diuinis rebus collocutio, quasi verò non sufficerent vinctis sua vincula, pædor, angustia, fames, aliaque sexcenta incommoda, sed in his cum Apostolo dicere poterant, superamus propter eum qui dilexit nos. Impetratum est tandem vt soluerentur, sed dato sponsore, qui eos quoties accersirentur exhiberet.

Ozacam, vt initio dixi, nostri duo quam occultissimè excurrerant, continuis precibus euocati ab ijs neophytis, qui plurimi sub Fideyori militabant, ij intra urbem stragis & excidij tempore de-

Nnn

prehen-

prehensi cum vita euaserunt, sed tot perfuncti periculis ut utriusq; literæ totius rei narratrices non videantur omittendæ. Alter ita scribebat: cum inimici Ozacam victores ingrederentur, ego in ædibus Acaxicamon Ioannis morabar, & mox vidi me flammis cinctum, quod ædes ipsius non procul distarent à loco certaminis. Ibi dem aderat Monica mater Acaxicamon, cum eius filia Catharina & alijs nobilibus matronis, quæ omnes ea dicebant ciulantes, & filiolos complexæ, quibus adamantina corda concuti potuissent, eo ipso tempore aliquot ethnicos, qui me rogarunt, baptizavi, adiutore alumno meo Michaële, qui hoc postremum officij sui munus exercuit, paulo post moriturus, substiti horam propè integram, quod dicerent, victores primo illo impetu obuios omnes nullo delectu mactare, sed posteaquam ad nos propius accessit incendiū, & famuli Monicæ in sella gestatoria nescio quo extulissent, aiebant se in arcem tendere, Ego tum cum meo Michaële, & alio Neophyto Xoam domo exij, neophytus iste, tum angelus mihi tutelarissimus fuit. Vix exijmus cum incidimus in sæcem exercitus, calorum & lixarū turbam. Exierunt nobiscum femine aliquot, quas cum illi vidissent, nobis relictis in eas irruerunt strictis gladijs lanceisque, quod illæ videntes in ædes suas Acaxicamon inquam recurrerunt; nos iter nostrum prosequuntur cadauera calcamus aut adhuc spirantia corpora vel potius trunca membris monstra, quorum lamentabiles ciulatus audire vix proprii periculi præsentia permittebat; nondum tertium vicum egrediebamur, cum in oculis meis Michaël alumnus noster, cæsim concisus vulneribus occiditur, ego interim præstolabar idem mortis genus, nam in me quoque irruentes strictis gladijs pecuniā exigebant, ac deinde etiam rapiebant, nec illam solum, sed ipsa quoque scripta mea quod grauius sensi, quod ea multorum annorum labore conflauissent. Deinde vestibus omnibus ad nudam toto corpore carnem exuor, non pileum, non calceos, non ipsam sacram mihi thecā reliquerunt, & tandem quia senex & externus, viuus dimittor. Cum me ita nudum conspexissem, quod non potui corpus vestibus regere, proximo mapali occultabam, certus ibi mori siue incendio grassante correptus, siue cuiuslibet ingressuri manu. Interim socius meus Xoam, & ipse nudus, utriusque nuditati remediū qualecunque vestigabat, cum ecce pauperis abiectū temere centonem reperit, eoq;

me induit, nihil eius breuitatē moratus, cingor etiā stramineo fune, & nudis pedibus qua cadauerū strues iter dabat ingrediebar, & alijs mendicis additus sub horā tertiam pomeridianā, ad ipsum corpus exercitus peruenio, & arbitror ab ipso Daifu eiusq; filio probē visu ac fortasse agnitū, sed alia tot vrgebant mala vel malorum metus vt pudori locus nullus relinqueretur. Deinde leucas duas calcatis cadauerib; emetior, alios aduerto semianimes, alios in ille locis saucios, sanē obstupui tanta hominum multitudine, tamen si qua minor militū globus conspiciebatur, illac iter dirigere; Non faciliē numerarim quoties in collo sicam, in pectore lanceā viderim, vtinam hæc mihi pro merito tantillo corā diuina maiestate compurentur, sæpius ex itinere id occurrit, O vtinā in ædibus Acaxicamon, vna cū ijs qui aderant Neophytis, mortē fuisset præstolatus, sed planē me peccati conscientia coëgit, ne volens arderē, cū fugere me posse minore maxime periculo iudicarem. Illa ipsa nocte propè media, cum Achate meo, veni in pagum Quixiaouadar in Regno Izumi nouem ab Ozaca leucis, nec enim propius Ozacenses cum omnia vastarant vlli pepercerant, veni inquam pedibus ita lacer & tumidus, vt quindecim diebus ibi oportuerit apud Neophytum, Mazayemon dicebatur, subsistere.

Ista ille, sed alius nihilo feliciore fortuna vsus, tandē tamē euasit infortuniū. Postea quā enim bellū Ozacense descripsit, ita pergit. ædes in quibus tum degebāt erant perangustæ, ideo neophyti duo in vicinas ædes ampliores abduxerunt, quibus vt militaris furor parceret, ex eo sperabant, quod illarū herus in Daifu castris militaret, non enim permittebant neophyti vt me primo victorū furori exponerem, & ita fecissem nisi totā Ozacam propè momento ignes occupassent, & quoniam venti cum incendio conspirabant, ante horam post meridiem quintam, Ozaca vel vrbs, vel arx in fauillam concidit, quo tempore magnum adij vitæ discrimen vel ab igne vel à fumo, sed quoniam illa non tota simul arsit, potui nunc hac nunc illac fugiens flammis cedere, sed non æq; fumo qui oculos torquebat, etiā cum in arundineto proximo, deinde combusta domo latitare, in illo ipso arundineto, neophytos quotquot aderant, peccatis expiaui, quin etiā ethnicus periculo permotus, voluit baptizari. Totā illā noctē in arundineto latuimus, neq; enim in ea quæ urbē cingebat

multitudine tenebræ spem effugij dabant, sed potius militarem, regebant insolentiam, & maiorem cædibus libertatem dabant, sperari verò posse fatigatum iam furorem primo diluculo mitigandum, vix illud illuxerat cum milites ferè viginti in arundinetum, irrumpunt, & vt latentem prædant, eliciant fistulis suis temerè glandes toto arundinetò displodunt, ac deinde cum in conspectu venimus, stricto in nos ferro concurrunt. Alumnus meus ac famulus vna cum alijs diffugerunt, neque enim tempus erat auxilij mutui, sed solum vt quisque quo meliore posset modo sibi consuleret. Ego nullum in fuga præsidium videns accurrentes præstolor, ratus fortasse cum me vidissent externum, fore molliores, nec planè me mea spes fefellit, postquam enim me vestibus exuissent dimiserunt, non planè nudum, ideo quod consultò prius intimam vestem indueram tritam illam ac laceram, vt quæ militibus inutilis videri poterat, mihi non esset importuna. Atque ita Ozacæ egredior nescius quā iter ingrederer aut aggrederer, vbique à dextris & à sinistris cadauera, semianimes, ambusti, sancij iacebant, tristissimè planè spectaculo, egrediebar igitur & hostes Ozacæ per turmas suas ingrediebantur, obuij me non vno modo salutabant, alij diæsterijs & scommatis, ferociore sicis & lanceis propè decies truncari me iam arbitrabar, sed clemens Dominus ex medijs me periculis eduxit, satis fidentem eius prouidentia, satis alacrem ex eo quod in eius causa hæc paterer.

Ibam tandem per medium agmen, Massamune Regis Voxu, (is qui nuper legatione, per P. Ludouicum Sotelum procurator, Pontificem & Hispaniæ Regem salutauit) qui focer est secundi filij Daifu, ibi me vir nobilis fortè conspicatus, & fortasse quis essem ex ipso vultu coniectans, in tentorio suo me perurbane detinuit, vetuitque serio ultra progredi, nisi vellem exemplo mactari, totum eum diem Iunij quintum apud eum delitui, qui cum die insequenti Miacum pergeret, ego sine Duce ac sine remedio substiti, dubius quid maximè agerem, & tandem optimum factu iudicaui, si ad ipsum Masamune pergerem, quem iam equitare parantem, Miacum versus inueni, Dixi me externum esse Nangasaquij commorantem, & ex eo quod Ozacæ me clades ista interceperit, in
has

has angustias esse coniectum, quibus adductus rogabam, ut me in certum locum, Muro dicitur, abduci iuberet, tuto inde me Nangalaquium petiturum. Ad hoc postulatam ille mihi per honorarium puerum ita respondit, facile sibi esse quod petitur, nec illibenter facturum; sed ideo quod sim Christianus, omnino sibi non licere quicquam auxiliij conferre. Hoc responso latior abij, quam si mihi, quod petebam non abnuisset, nam capî firmius de diuinâ prouidentia confidere, fore ut ipse me protegeret, sin faceret, hoc solo peribam quod essem Christianus; atque ita hac vna fiducia armatus, cætera inermis, exercitum vniuersum, qui è Quanto venerat, illa sus pertransij, donec in Sumaxaxi venirem, nam cum ad locum accederem, obuios habui milites aliquot, qui me comprehensum tantum non sicis consecerunt, nisi vnus ex illis externum esse me, quod ego quoque monebam aduertisset, socijsque persuasisset, vt me dimitterent. Dimissus in vico proximo incidi in viros nobiles Dynastæ Regni Aua, à quibus quis essem repente cognitus sum, verant vltèrius progredi, periculum exaggerant, & tandem exijs vnus, non sine magna doloris significatione, quem ex incommodis meis capiebat, conuiuio me domestico excepit; vestem addidit; & ferè sex dies me tenuit, in Aua secum nauigaturum. Sed prius nobilis Neophytus Tacuydo Matayemon appellatus, de me rescivit, & ad se per amicum me euocauit, hic demum malorum meorum oblitus, excipi capî Christiana caritate, & in tuto tandem sum collocatus. Ita maximè nostri duo qui Ozacam ad Christianos milites excurrerant, suo munere functuri, Deo duce per mille pericula in tutum euaserunt.

Verum quid Acaxicamon Ioannis filix, in hoc prælio acciderit, ad nostrum non ineptè spectat institutum, illa enim Christianè à parente educata, egregium de se toti Iaponiæ præbuit spectaculum. Obses erat in arce Ozacensi pro parente, qui vnus erat è tribus Ducibus exercitus Fideyori, quæ ingenij bonitate ac indole se matri Fideyori probarat, & in eiusdem se gratiam insinuarat, ut si prosper fuisset huius belli euentus, illa procurante nobilissimis nuptijs illiganda dicebatur. In communi rerum omnium perturbatione Regina, ita dicebatur, arcem egressa incidit in gregarios mi-

Nnn 3 lites,

lites, è quibus cum esset vnus petulantior, restitit animo plusquam puellari, ceruicem aliquoties præbens, ne pudorem amitteret, & quia vires illius ætatis & sexus contra scurrilem impetū videbat diu non posse subsistere, non dubitauit quænam esset prodere, quod mallet vitam exponere, quam pudorem. Rogat igitur vt ad Daifu deducatur, esse Acaxicamon filiam, continuat ea res petulantia, vel præmij spe vel pænæ metu. Sistitur ergo Imperatori, qui puellæ consilium, quod è generoso pectore eduxerat comprobans; noluit videri victoria insolens in puellam sæuissæ. Tuber illam in gynæceo suo excipi, primariæ cuidam pellici suæ commendatam, iussitque eam pro dignitate, & pro insigni facinore, magnificè tractari. Ac deinde cum vellet Surungam redire, denuo sibi Reginam sisti iubet, ex ea quærit de parente quid sciret, Illa quod erat, nihil se de illo inaudisse, quod Ozacæ intra arcem obses clauderetur, quærit deinde quot fratres haberet, respondit quatuor, imo quinque ait Daifu, cui Regina, quinq; sunt omnino, sed quod ad rem facit, sunt quatuor, quintus enim abdicato sæculo in societate Iesu Religiosam vitam ducit, quem ego ex eo tempore velut sæculo mortuum æstimauim, mirè placuit Imperatori acuta Reginæ responsio, & hoc maxime omnes mirabantur, quod illa nullo metu perturbata, sibi semper constaret, nec hostem reuerita verecundiam animo superarit, fortes enim creantur fortibus. Institit Daifu, cum filia sis Acaxicamon oportet te proculdubio esse Christianam? planè ait Regina, esto inquit, age esto Christiana, & Deo tuo parentem tuū, qui hoc bello perijt, commenda, (ideo perijisse putabatur quod nusquam compareretur, sed quod hodie hætenus sciamus, est superstes) Job, talit deinde illi, vt in familiam Maudacoræ, quæ Taicosamæ vxor fuit, si vellet adscisceretur, verum maluit illa suum infortunium cum fidei thesauro in tutū recepto, quam aliud quidlibet cum eius periculo; ergo libera dimittitur & quidem à Daifu non indonata vestibus & reliquo ad iter apparatu. In toto Imperatoris exercitu magna comprobatione vagabatur heroicum Reginæ facinus, prudensque consilium, & plerique Christianam efferebant, è cuius exierat professione, disciplinam. Non defuerunt aliæ plures in eodem prælio viragines, nam vna nobilitate quoq; sui generis nota, arrepta sic ipsam

seipsam contra scurram est tuita; alia crinem sibi rescucit, ægritudinem finxit, & dierum quinquaginta inedia sibi indixit, orizæ paululum clam omnibus sumens, donec tandem pretio à propinquis redempta cum filiis duobus, pedisequas etiam suas liberauit, & ex Ozacensi strage thesaurum sui pudoris creptum intra coniugij limites conseruauit.

Sed neque omitti debet magnum in ea strage prodigium, quod in fidei nostræ commendatione, vna cum ignibus illis toti Iaponiæ illuxit, nam cum milites in fauillis quærent ea quibus ignes parant, repertæ sunt aliquot imagines nostræ, in sola charta expressæ, quæ sub alto cinere sepultæ nihil ab igne pertulerant, nisi quantum ad faciendam fidem erat satis, nam extremi solum margines ambusti ad fidem miraculi videbantur, has imagines ethnici repperant, tantaq; fuit ex admiratione reuerentia, vt eas neophytis tradere nec pretio vellent, aliquot nihilominus in potestatem venerunt, è quibus qui hoc scribit tres se vidisse profitetur, vnâ pueri Iesu tormentorum suorum arma intra sportulâ gestantis, alteram S. Ignatii, tertiam S. Xauerij effigiem nominauit. faxit Deus vt hoc prodigio fidem nostrâ in medio persecutionum incendio illasam semper fore portendatur.

ILLUSTRE MARTYRIUM IOANNIS.

Neophyti in vrbe Fuximi.

CAP. XIX.

FVximi vrbs est inter Iaponenses primaria, Taicosamæ quondam Regia, & nunc ipsius Daifu, filijq; quoties in Cami comorantur, in ea vrbe illustre Christi causa prælium suscepit, ex eoq; prælio illustrem victoriâ reportauit neophytus quidâ, Ioannes vocabatur, nomine verò Iaponio Fiozayemon. Is in Regno Aquì, honesto loco natus, in oppido, cui nomē Tacayan primis annis militiâ profitebatur, duce nescio quo Dynastæ Noridoni, sub quo etiam strenui militis nomen in arce quadam expugnanda dicitur consecutus. Verû Surungæ tandem meliorem militiam à fratre nostro Paulo Rioym edoctus, in Christi castra confugit, cum annum ætatis ageret quartum supra tricesimum, nec tyro vaquam videri voluit in ea militia, in qua etiam illico multos superabat veteranos, bis quotidie

in

in eadem nostram ventitabat, singulis noctibus ad statas preces suas somnum abrumpebat; ieiunium illi erat frequens itaque rigidum, ut biduo subinde triduoque vix tantum caperet, teste coniuge, quantum ad vitam ægrè sustinendam satis esse videretur, huic addebat alias corporis afflictiones, & flagellationes æque asperas ac frequentes. Primum eius pro Religione certamen intra primum Christiani tyrocinij biennium, velut veteranus athleta sustinuit, eo enim tempore, quò Daifachi cum Arimensi regulo contendens, fraudes suas ignibus expiauit, à Duce suo qui Tateu qui dicebatur, ad defectionem lacessitus repugnauit, eoque dum morti se exponeret, & missionem pateretur, publicæ bonis vna cum familia proscriptus, qui exilij sui sedem Fuximi constituens, alterum ibi prælium post edicta Daifu sustinuit, nam pro neophyto se suosque prodens inscribi voluit, cum facillè omitti potuisset, eaque cum ethnicis vicinis iniit prælia, quæ alibi sæpè in alijs tetigimus, & cum de sententia dei ei se non pateretur, ad vrbs gubernatorem est delatus, qui eum & coniugem ad orizæ saccos, ut intra illos alligarentur, damnauit, supplicij genus est libris superioribus sæpè commemoratum, in eoque supplicio, quod habet cum dolore contumeliam, abijcitur cum alijs ad pontem, qui Miacensis appellatur celebre illud, si tota vrbe est, triuium, & concurrente multitudine non defuere petulantis vulgi dieteria, quæ non altius quam in aures admitterentur. Verum ex eo supplicio non ita multo post ipse cum socijs, intercessione nonnullorum eripitur, liberque dimittitur eo consilio, ut tum denique deficeret, sed cum noua prælia veteri illo animo superasset, iterum iubetur comprehendi.

Non est facillè verbis exponere quanto gaudio hæc altera vincula induerit, in spem fundendi pro Christo sanguinis postliminio reuocatus, ethnicis ergo vicinis traditus vna cum vxore, arctissimo ergastulo clauditur, quod ægrè vtrumque capiebat, illud exterius repagulis cinctum, excubitores nocturni diurnique custodiebant, nec ad ea quæ necessaria erant inferenda, lucemque admittendam præter angustum foranem, aliud quicquam patebat, in eo ad dies viginti, minus quam vnquam soli debebant, ita alacres

hila-

hilarisque cum beatis spiritibus conuersari videbantur, nihil inter
 senisi de caelesti gloria suauissimè conferentes, & quoniam Firoxi-
 ma parentem habebat ethnicum, è suo ergastulo literas ad eum
 scripsit hortatrices, vt extremo vitæ tempore iter ad salutem re-
 ctum arriperet. Post dies 26, vxor libera dimittitur, ipse ergastu-
 lo eductus, nec sciebat quo vel quorsum, ab vxore iam libera mul-
 tismonebatur, vti sibi constaret, arbitrabatur enim illa maritum
 ad mortem raptari, suumque lugebat infortunium, quod eiusdem
 fortunæ beneficio priuaretur. In hunc igitur sensum scribitur pro-
 locuta. Ne arbitreris mi Ioannes esse in me vel minimum defe-
 ctionis vestigium, cuius causa dimittor, ego tecum mori cupie-
 bam & sperabam, indigna tanto beneficio excludor. Tu licet hor-
 tatione mea non indigeas, nihilominus me auctore consta tibi, ta-
 met si in cinerem ac puluerem redigi iubearis, & his dictis à mari-
 to diuellitur, ille à satellitibus in vrbis vicum qui Miacensis voca-
 tur abductus, in ea parte in qua vici quatuor coeunt, & vulgi frè-
 quentiam vix capiunt, tormentis exponitur. Nam eo in loco præ-
 grandi fude altè defixa, vestibis planè omnibus exiit, tum bra-
 chia in tergum immaniter retorta, iuxta cubitum arctissimè vinci-
 untur, manus verò immisso in fauces fune nihilo mitius constri-
 guntur, per vim ad humeros vsque erecta, in hoc habitu ad palum
 funibus arctatur, iussus in globum complicatis cruribus Iaponensi
 more confidere, alter funium collum sudi iungebat, alter brachia
 eidem coniungebat, ipsa quoque crura complicata triplici fune
 eoque admodum aspero colligant, & ne qua ex parte motus liber
 esset, arundinibus iam ex contorsione instar viminum lentis ad
 Zonam cingitur, vna cum ipso palo crudelissimè constrictus, in
 eoque ipso palo ad apicem inscriptio legebatur neophyto nostro
 gratissima, ita plectitur quia Christianus, sex dies totos totidemq;
 noctes, absque vllò refrigerio aut relaxatione in hoc supplicio de-
 tentus, vulgi petulantiam animo semper æquabili tolerauit.

Elapso sex dierum interuallo soluitur, & reuinctis vt prius
 manibus, per celebriores vrbis vicos abductus, in carcerem redu-
 citur, vbi cum neophyti aliquot præstolabantur, quos ille agno-
 scens humanissimè salutauit. Eo in carcere menses aliquot Ioan-

nes noster detentus est, tanta semper æternæ vitæ cupiditate inflammatus, ut ea iam frui videretur, & ut non inutiliter tempus falleret, capite ad vinculorum socios, de fidei nostræ veritate verba facere, & tribus quod suadebat persuasit, eosque Christianis mysterijs imbutos, ipsemet facto fonte lustravit, sparso fortè rumore inter neophytos increbuerat, eum ad extremum supplicium vocari, quo audito vxor eius Maria per internuncium hæc marito suo renunciari iubet: ferunt te iam morti adiudicatum, rogo ut tui memoriam, thecam tuam sacram ad me mittas, & addas aliquot capillos è capite tuo resecutos, moneo ut cum ad mortem raptaberis, abiectè semper de te sentias, nam ad spectaculum concurrent permixtineophytis ethnici complures, vnam Deigloriam, cuius causa mori respectabis, ego tametsi indigna, procurabo tamen ut adsim tibi morienti. Huic ita respondit Ioannes, Miratus sum spargi de me posse, me fore martyrem, profiteor me planè indignum, vix audere ad tantum Dei beneficium aspirare, nonne vides Surungæ nuper septem Dei famulos tot supplicijs toleratis de Deo benè meritos (de ijs mox agemus) à Deo tamen ut pro eo morentur non impetrasse, ego quid tuli, quid mereor nisi pro peccatis meis penam, quam timeo futuram, si fuero libertate donatus, tum enim hoc erit, quod est nobis in diuerbio, manibus vacuis à diuitiarum monte domum reuerti, non audeo igitur martyrium sperare, si me viderem amputatis digitis subneruatum eum nostris Surungensibus, haberem satis quod mihi gratularer. Thecam meam faciliè misissem, si tu ad me misisses tuam, capillos à me non habebis vlllo modo quâ diu vixero: si me in Christi causa maculauerint, spero de Dei misericordia fore, ut & nos videndi, & quæ cupis obtinèdi facultas non negetur, aut desit. hæten⁹ noster hac sua demissione cōparation.

Interim quippe, dum ipse se humiliat exaltatur, nam altero post Christi natalem, benè ominato protomartyris die, sub vesperam monetur Ioannes ceruicem illi ex gubernatoris mandato, ex ipsa nocte amputandam, nuncius illi fuit supra spem lætus, & iam nox illi, velut expectatum lucis æternæ diluculum, tardiore cursu aduenire videbatur, quæ cum aduenisset, iniustitiæ ministri eductum è carcere, manibus ex more à tergo reuinctum, transflumen

- abdu-

abducunt, non procul ab eo ponte, qui Miagenſis appellatur, Aderat tum fortè ſamulus eius, Lynce dictus, cui tradidit agni cerei ſacram thecam & precaterios globulos, quæ vtraque manu nunquã dimiſerat, etiam dum vinciretur, eidem commendat vt heræ ſuæ ſedulo obſequatur, deinde vt peccati pœnitens ad Chriſti fidem, in qua nutarat, omni ſtudio reuerteretur, quod vtrumq; facturum ſe abundè promiſit. Cum eo plectendi abducebantur rei tres, viri duo & mulier vna, è viris alter eo ipſo die in Chriſti renatus, ipſo Ioanne procurante mortem ſuis ſcleribus debitam, ſpe vitæ melioris moderatius patiebatur. Ioannes igitur vbi ad locum ventum eſt, in genua ruit, Domino ſuum agonem comendaturus, & idem eiufdẽ comes & nouus diſcipulus, qui nihil quod à magiſtro fieri videret omittebat, huic primum Ieſum ac Mariam piè inuocanti ceruices amputantur inſpectante Ioanne, qui nihil dubitabat eum cum innocentie veſte præire, quo ipſe mox erat ſecuturus, nam ad eum carniſex ſe conuertens, ſacra illa nomina repetentem obruncat, cū ageret ætatis annũ 40. In eius deinde cadauere barbari ſatellites ſicas ſuas exercuerunt, quod in flumen abiectum, à Chriſtianis deinde harpagonibus extrahitur nocte concubia, & in ſarcophagũ recondentes loco decenti terræ mandarunt, idq; ſecretiſſimè, donec Eccleſiæ Iaponenſi reddita pax honores martyri ſuos aliquando reſtituat.

SVRVNGÆ NEOPHYTI SEPTEM GRA-

mora ſupplicia tolerant.

CAP. XX.

QUæ hoc capite ſcribenda ſuſcepi ad annum pertinent 1614. ſed ideo hætenus omiſſa ſunt, quod nondum conſtaret certis auctoribus rei totius minuta narratio, nunc autem cum Nangafachi viuant, ſuorum oicatricibus inſigniti, ex ijs aliquot qui ſuperſtices euaserunt, ex eorum aliorumque occulta fide totius rei geſtæ ordo conſtitit, nec viſus eſt hic, è maximis fidei noſtræ triumphis tamen ſi alieno tempore omittendus.

Februario menſe anni 1614, Surungæ capit ex mandato Daiſu atrociter de Chriſtianis inquiri, & tandem 27. Martij, quinta feria

O o o 2

hebdo-

hebdomada maioris, qui descripti fuerant iubentur à gubernatore Ficoſaca Cuſioye in domum vrbani iudicis, qui erat eius ſamulus, Faxegaua Mataſaburo dicebatur, conuenire, quos ille omnes vt à Chriſto deſicerent, omni arte ſollicitabat, ſed cum plerique ſibi conſtarent, comprehendebantur, ſed tandem variorum rogatu ſoluantur omnes, exceptis quinque, Ioanne Dogici, Petro Caluſugue, Ioachimo Suquecuro, Petro Soquiu, & Emanuele quodam, quem ſurdum ac mutum natura parens effuderat, ſed gratia illum Chriſtianæ fidei ornamentis ad ſtuporem adornarat, hi vin-
cti remanſerant, ſed ſoluti in gubernatoris palatium amendantur, qui interim dum in atrio præſtolantur, ethnicis concurrentibus diſteria multa & conuicia tolerarunt, quamuis non deſſent etiam alij ingenio præditi molliore, qui compaterentur, imo qui legem illam extollerent, quæ ſectatores eo adducit, vt nihil ſit, quod eius cauſa pati recuſent, ſed fuit in turba deſertor vnus aliquis, qui petulanter neophytis inſultans animos illis addidit, cæleſtisque ſolatiij compleuit. Nam Chriſti effigiem cum à Pilato ſpectandus proponitur his verbis, ecce homo, euoluens inſultabat, ecce miſeri, ecce quem adoratis? ad quod ſpectaculum neophyti profunde venerationis officio perfuncti, ita ſerè ſe inter ſe animabant. Craſtinus dies ille eſt, in quo Dominus Ieſus in quem nulla culpa nulla peccati macula cedeſbat, noſtri cauſa in hanc miſerabilè totius corporis lacerationem pro nobis venit, pro nobis eſt ad ſpectaculum expoſitus, ex eodem nos ſpectaculo ſumamus animos ad omnia opprobria ſuppliciaque cum eo & pro eo toleranda.

Inde in iudicis vrbani domum, nondum gubernatorem allo-
locuti reducuntur, vbi ad noctem nunquam interrupto certamine prælia Domini depugnarunt, quorum hæc erat vna vox, neminem ne millies quidem propoſita vel addita morte deſecturum, ergo tandem in publica vincula mittuntur, ſed ita vt fugam ſuadere viderentur, nam liberos nec vllis vinculis conſtrictos à longè ſecuti ſatellites præmittebant, ſed nimirum maior erat in ijs ardor patiendi, quam in carnificibus ſupplicia inferendi, ibant igitur alacres hi quinque in carcerem, quibus breui additi ſunt alij quatuor, Leo Cacubioye, Ioannes Xogiro, & Didacus Xoyam & Ioannes Far-
mondo,

mondo. Hi vinculis ultra septem menses detenti vix dici potest, quoties in fidei causa certarint, credi vix potest quoties vicerint, nemo fuit ex amicis, ex propinquis ethnicis, nemo qui non sapius cum ijs manum contulerit, iniustitiæ ministri minis urgebant, & supplicia, quæ illi optabant, satis ineptè minabantur, sed illud ineptius, quod capite deorsum defossos terra obruerent, ne eorum animæ, quo adspirabant ad cælum iter inuenirent, & incidit die quadam, ut ad incutiendum metum, magno tumultu in carcerem delati, plectendos omnes euocarent, quos, cum hilariter prodirent, iubent præstolari tantisper, dum ethnici rei plecterentur, ficta res erat, euocatur tandem vnus Leo Cacubioye, velut capite minuendus, sed cum è cæterorum conspectu abiit, liber domum remittitur, nulla tamen sua culpa, sed amicorum rogatu satis illibens, & inopinans liberatur. Non latuit omnino Neophytos quod erat, ex eo quod præter morem sine vinculis educeretur suspicatos, vnde factum est, ut cum eadem ex causa Ioannes Xogiro euocaretur egredi recusat, protestatus nolle se etiam sine culpa liberari, sed omnino velle quæ vinculorum socij paterentur, supplicia experiri, atque ita detentus est, attonitis stupore ethnicis, quod viderent ea quæ natura horremus omnes, salua etiam sua religione, ab illis ardentè exoptari, solutus est etiam planè inuitus Emanuel ille surdus & mutus, de quo mihi deinde plura, ex eo quod huiusmodi hominum monstra negarent edictis comprehend.

Nec fuit Christianis militibus cum sola perfidia fidei certamen, ipsa natura gratiæ præsidio, cum diuturni carceris incommodis, cum victorum iniurijs, cum satellitum petulantia, ita certant, ut tandem inuicta ipsorum patientia in venerationem verteretur, & contumeliæ in encomia conuersæ, alio iam sermone loquerentur, aiebant in illis Deum suum, Deum viuum in singulis viuere, in singulis operari, nec in laudibus constiterunt, sed comprobatio in imitationem ita exarsit, ut è facinorosis hominibus, toto illo tempore sex & viginti Christum agnouerint, & quatuor fidei desertores cum Deo suo penitentia duce, in gratiam redierint, & omnes quidem præsentis virtutis exemplo Christi fidem persuade-

bant, sed Petrus Soquin etiam oratione, quos exempla permouebant imbuere, Ioannes autem Doju probè iam instructos salutaribus aquis eluebat, ab his occupationibus, quod supererat temporis, totum in cætera pietatis exercitia, sed maxime in statas preces effundebatur, tanta omnium comprobatione, vt iam carcer infidelium sceleribus hætenus infamis in sacrâ & dem cõuersus esse videretur.

Quod cum rescuisset gubernator, audissetq; propè reos omnes dum plecterentur Iesum inuocare, hæsit anceps dubiusq; quid consilij caperet, sperauerat enim se diuturno carceris pædore effecturum, vt tepesceret sensim in Christianis fidei retinendæ ardor, nec difficile deinde futurum, vt planè Christum abdicarent, sed cum his contraria intellexit, timuit, ne qua alia via res ad Imperatorem erumperet, sibiq; pro gratia, quâ sperauerat, ex eorum defectione, indignatione accersiret, statuit ipse apud eum de Christianis queri, eos non solùm contumaces suis edictis, persistere, sed & alios in vinculis nos eadem legis contagione inficere, nec ullis rationibus, vt de sententia discederent adduci potuisse, Excanduit ad hæc inueteratus dierum malorum tyrannus, & supra quàm decebat eam dignitatem, bacchatus Dei seruos mortalium pessimos & abominandos appellauit, & deinde solets suppliciorum inuentor, quibus eos pænis torqueret, per omni gubernatorem dicitur instruxisse, tria igitur indixit tormentorum genera, primum vt eam crucem quam tanta ambitione iactabant, candente ferro in frontibus eorum imprimeret, deinde manuum digitos singulatim amputaret, ac deniq; singulos sub ipso genu subneruaret, ac illis aqua & igni interdiceret, vt longam mortem viuerent, & longam vitam morentur. Extemplo iussit gubernator per fabrum crucem ferream expediri, quatuor digitos vndequeque longam, quam tamen Daifu iam propè carnifex factus, furore suo breuiorem iudicauit, nam ille crucis truncum extendi iussit, & ita crux intra suam simmetriam perfecta & absoluta, prout hodieque videtur Nangasakuij in superstitum frontibus expressa.

Gubernator itaq; satis inuitus ad exequendum supplicium accingitur, & vt id constaret illi, cui hoc negotium comendauerat, edicere ne familia sua carnificem eligat, sed pretio conducatur aliquem, nolebat enim huius iniustitiæ infamiam in familia sua sustinere, vix enim erat vrbe tota, qui non eam immanitatem fuisset execratus, si

cui

cuiquam licuisset muſſitare. Primo Nouembris igitur eiſdem anni 1614. cum armata cohorte ſupplicij Præſes, magno ſtrepitu fertur in carcerem, & iam exultantes hilarinuncio, quem prius audierant, neophytos educit è cauea, vt in arenam cum perfidia descenderent. Vinciuntur ex more, & interim dum igne ferrea crux induitur, ipſi adſtabant, vt eſſent de numero ſignatorum. Ergo alius poſt alium in media fronte ſacro cauterio inuruntur, ea animi fortitudine, vt nullo motu, aut capitis autu dolore reſtarentur, ſtupentibus ad eam nouitatem ethnicis, nec ſatis capientibus, quid eſſet in hac lege quod hæc è ſuis impetraret. Et ne ab hoc ſpectaculo curſim recedamus, iuuat etiã quo ordine ſignari ſint ſigno Tau, in frontibus ſuis enumerare, & fortiſſimos Chriſti athletas dignos qui eſſent in libro vitæ agni, ab obliuione, quoad fieri poterit, vindicare. Primus Ioannes Doju, 2. Petrus Cæuſque, 3. Petrus Soquiu, 4. Ioachimus Saquecuro, 5. Ioannes Xogiro, 6. Didacus Xeian, 7. Ioannes Faramôdo,

Sed quid interim dum ſignarentur acciderit, omitti nullo modo poteſt. Neophytus quidã Ioannes Sacuyemon, Ioannis Doju in baptiſmo filius, adoleſcens, ſed in Chriſti fide colenda retinendaq; ardentiffimus, ſum̃operè hoc tempore exarſit, vt eandem cū cæteris fortunã ſubirer, quid non fecit vt cum de Chriſtianis inquirebatur, nomẽ daret? reiectus à vici ſui Præfecto, ad alios confugit, æquẽ reiectus, nullũ ſolatiũ capiebat, ſtatuerat porro cum victi noſtri ad ſupplicia ſua vocarentur, exclamare, ſe eandem pænzã pro eiſdẽ legis profeſſione promereri, ſed ab ea mente deductus eſt à patrino ſuo Ioanne, alijsque neophytis, vbi tamen vidit ſignari ſeruos Dei noſtri in frontibus eorum, igne illo quem Dominus miſit in terram magis, quam ferrea crux incanduit. Ergo vi via ſibi facta, per medios ſatellites ad Chriſtianos athletas irrumpit, & eos videns ſiccis oculis ac vultu ſereno ignem excipere, exclamauit in hæc verba, fallices vos ac terque quaterque fortunatos, ſatis ſcio fidei commilitones, nihil vos mea cohortatione indigere, rogo tamen vt quod capitiſtis facere, ad exitum perducariſ, & pro me Deum rogate, vt me participem fieri veſtris coronis peccatorem licet indignum non dedignetur. Interim non me contineo quin ſacrum illud ſalutis noſtræ ſignum in frontibus veſtris venerer oſculando, quod & fecit ſatellitibus præ ſtupore attonitis nec prohibentibus.

Iuſte

Inusto iam Christi seruis seruitutis Christianæ cauterio, per primarios vrbis vicos raptantur, vt gloriosum Christi vexillum tota vrbe deportatum, de ipsa quodammodo infidelitate triumpharet, quem triumphum noui cruciferi suo tandem sanguine purpuraturi ad ripam fluminis, quod Surungam alluit abducuntur, & mox digiti manuum in trunco detruncantur, & deinde proni in solū abijciuntur, & vtroq; poplite subneruantur, manante ex singulorū vulneribus cruoris riuo quo tota illa area rigabatur, vt in Ecclesiæ Iaponensis agro felicius deinde fides excreceret. Hæc omnia supplicia ita nostri tulerunt, vt merito dubites fortitudo mansuetudinem, vtra vtram superarit. Interim dum nostri suo in sanguine volutantur gratissima illis erigitur inscriptio, in qua characteribus cubitalibus hæc verba legebantur. Homines isti, quia legem Christianam contra Imperatoris edicta proficentur, hac pœna dampnati sunt, nemini liceat illos in ædes suas recipere, qua vltima sententia planè omni humano auxilio destituti, ab vna hora antemeridiana vsque ad primam noctem in summo frigore lethaliū vulnerum agoniam pertulerunt, sed diuina illis solatia defuisse à diuina bonitate videtur alienum, postea in pauperum quorundam tuguria vicina dimissi sua vulnera obligarunt.

EX HIS NEOPHYTIS DVO VI TORMEN-

torum cruciatibus immoriantur.

C A P. XXI.

Verum exijs duo supplicijs cessere, & ipso die expulsam tormentis animam in cælum intulerunt. Alter Ioannes Daju, alter Petrus Sufusuque vocabatur, de quibus priuatim pauca ideo dicenda sunt, quia iam ipsi salutem suam extra huius mortalitatis aleam in tuto collocarunt. Is in Regno Yama Xiro, cuius est metropolis Miacum, totius Iaponiæ caput, benè natus, ingenio valebat, nec illiteratus apud suos habebatur, sed in Christiana religione colenda absolutissimum erat & habebatur omnis sanctitatis exemplar, quem etiam ideo cæteri Christiani milites in vinculis primum,

num, in supplicijs Ducem habuerunt, nec planè mirum, nam in prælijs pro Christi fide adeundis veteranus iam erat, tolerato iterum in Regno Micaua exilio. & cum prima Miaci edictorum fulmina detonuerunt, Ioannes cæteros neophytos confirmabat, asserens hoc quicquid esset negotij, nihil ultra difficultatis habere, quam si quis apud se planè constitutum haberet, in Christi causa vitam ponere. Cuius constantiam ex eo iam ipso tempore multi concutere frustra conati sunt, petitis ab vxore liberisque rationibus, nam vt tu omnia perferas, quod de te creditur animosè, vxore tua liberisque quid agendum putas? Vtinam illi, ait, in minutissima fragmenta in oculis meis, pro eadem causa comminuerentur, haberem vnde in Domino exultarem, haberem de quo eidem Domino gratularer.

In vinculis iam Surungæ constitutus, ex carceris angustijs, pudore, æstuque intolerabili æstiuis mensibus in morbum incidit, quod cum vici Præfectus audisset, ad gubernatorem ire parabat, rogaturus vt illum suæ fidei curandum committeret, quod erat perfacile impetrare. Verum ille vbi rescivit, vehementer impediuit, nec adduci vnquam potuit, vt annueret, quod assereret se captiuitatem suam totius orbis libertati præferre, nec assensurum vnquam, vt è suis vinculis abiret, tametsi iudicum sententia liber domum mitteretur, nec egressurum ante (nisi ad mortem,) quam Daifu restituta Ecclesiæ Iaponensi pace, id iuberet. Hic enim aiebat, hic inquam pro Domino meo Iesu Christo viuam & moriar, quæ hominis constantia plurimum cæteros in eodem confirmauit.

Tandem venit vt supra commemorauimus, ad supplicium crucis inurendæ, quod ille primus flexis ante carnificem genibus, ac oculis in cælum erectis pacatissimè pertulit, Iesu ac Maria suauissimè inuocatis, quod cum alteri fuisset iniustum, ita Ioannes exclamauit. Næ tu beatus es, non me teneo quin sacrum illud signum exosculer, quo te conspicuum video, & ad eum accedens, crucem recentissimè iniustam, in osculo sancto veneratur, & deinde ad socios conuersus, qui & ipsi signum suum præstolabantur. Agite inquit socij, animos sumite, Bonus Iesus pro nobis pugnat,

Ppp

tor.

tormentorū sentus leuior est eo, quem ipsa sibi terribilis natura fingebar, nam diuina gratia in auxilium naturæ submittitur, quibus verbis ita exarserunt commilitones, vt nouum illi esset supplicium, qui se fore timebat extremum. Cum deinde signati nostri se celebrioribus Regiæ vicis spectandos ostentarēt, Ioannes nudis pedibus suas stationes decurrebat, nec adduci poterat vt oblata à Ioanne filio baptismi, sandalia indueret, quod diceret audisse se Christū Dominum, cum ad crucem raperetur, nudis in Caluariæ montem pedibus euasisse, verum tandem ætatem grauiorem, quinquagenario quippe maior erat, recentemq; morbum causanti cessit, ne dum austerus videri vellet, caritati repugnaret. Cum iam eneruis in terra iaceret, oculis propinqua morte grauatis, accessit ad eum è neophytis vnus Iesum ac Mariam illi in memoriam reuocans, quem illi oculis apertis agnosceps ita est allocutus. Fili extremum à me vale, accipe constantem in Christi fide retinenda firmitatem, tibi nihil melius, mihi nihil gratius feceris, & cum idem reliquis concurrentibus commendasset, alienatus à sensibus defecit, & cum ad eum fouendum orizæ paululum in os immisissent, cum ad se rediit ex ore eiecit, asserens se illo die ieiunij religione, à cibo sumendo prohiberi, nec ita multo post cum iam vlcimis suspirijs, vita cum morte luctaretur, oculos aperiens, & in certum locum attentè designans, in hæc verba prorupit. Adorate Dominum Iesum, qui modo huc ad nos aduenit, quæ cum diceret expirauit, & in Duorum societatem eo ipso die, quem illis Ecclesia celebrem designat, euolauit.

Petrus Cacusque in sequentem auroram superstes fuit, de quo etiam nonnulla subiungam. Nangasaquij natus fuerat, sed Surungæ concessit, mox vt pueritiam excesserat, ibi militiæ operam dedit, & quoniam iam ab infantia fuerat Christianè educatus, faciliè aduertit in quantum salutis discrimen, militari libertate, vocaretur, ergo missione à suo Duce impetrata, minutis mercibus distrahendis tantum temporis & studij dabat, quantum ad sustinendam vitam satis esse videbatur, donec exorta sub Daifu, de qua nunc agimus, tempestate, ipse cum alijs duobus, Petro ac Ioachimo, inter se conueniant egredi, quam huius Tragoediæ finem viderent, fieri posse, vt ex ea plausum consequi, reportata victoriæ palma, possent, neq;
se ab

se ab hoc consilio vllis vel amicorum vel propinquorum cohortationibus abduci voluerunt. Tandem comprehenduntur; Petrus noster in vinculis, vt externus, plura initio patiebatur, sed eo euentu quem supra. Ad carceris labores & incommoda ferè continuum addidit septem mensium ieiunium, quamuis eo carcere teneretur, in quo solæ angustia satis erant ad hominem, vt robustus esset, de innato robore deturbandum. Nam intra palmos octodecim, in quadrum vincti, quadraginta tenebantur, cui cum accederent alia sexcenta incommoda, voluit etiam Petrus rerum omnium quibus laborabant, inopiâ ipsa etiâ ieiunij lege contineri. Si quando à visitatoribus neophytis de patientia moneretur, vix habebat verba quibus suam felicitatem explicaret, quæ omnia dicebat se sociorū meritis consecutū, suisq; peccatis fieri vt omniū corona differretur.

Postquam è suo ergastulo educendi veniam offensarū inter se mutuo fuissent comprecari, vbi in conspectū circumfusæ multitudinis venerunt, ita Petrus distinctè & voce sublata exclamauit, Quotquot ex adstantibus Christum profitemini, amabo vos, pro eiusdem Christi reuerentia, in illius fide perstate, & eius præcepta seduli obseruate. Ceteri verò, qui nondum illum Dominum agnoscitis, quam possum enixissime supplico, audite quæ de illius lege docentur, audita complectimini, & errores vestros abdicare, nam extra Christi legem nulla est vllibi spes salutis, illa est mortalibus ad æternitatem gloriæ via, illa est ianua, fieri poterit vt ex circumfusa corona me aliquis agnoscat, & meorum criminū memoria offensus resister, sic habere, quicquid à me peccatum est, id ex mea infirmitate, ignorantia, malitiaq; profectum est, nihil inde legis, quam profiteor, sanctitati detrahatur, si enim ex eius præscripto mores meos conformassem, nihil esset profecto, quod ipsi etiam iure carperent obtrectatores, illa enim est fons limpidissimus totius sanctimonix atq; puritatis. Ita noster Petrus totidem verbis scribitur perorasse. Cū verò iam cruce insignitus, vrbe tota cum socijs circumraptaretur, ipse ingenti gaudio perfusus Psalmum, Laudate Dominum omnes gentes, cantu ecclesiastico inchoauit, quem ad finem vna cum socijs persecutus, videri potuit vespertinum suae celebritatis officium præuenire. Cum iam ad flumen digitis truncus & poplite eneruis in solo iaceret, ab hora ante

meridiem postremā ad noctem usque, perpetuo de nostrā legis sanctitate ad eam concurrentes cohortatus verba fecit, & cum vires animo deficerent, animus viribus destitui non posse videbatur. Nocturnis horis in vicinum leprosi mendici mapale deportatus, euocari se sensit ad primum, & cum tota nocte fuisset cum Iesu suauissimè collocutus, primo diluculo eum inuocans in æternam lucem euocatur, 2. Nouembris eiusdem anni 1614.

Cæteri cum suis doloribus diu multumque colluctati, vitam hodieque retinent, & superstites quaquā verius feruntur, vetitas tota Iaponia Cruces circumferunt, suæque fidei professione continua decorantur. Horum nobile certamen videtur prius neophyto cuidam diuinitus præmonstratum, nam cum Didacus Mangochi ad flumen Abeiter faceret, improvisus eum venti turbo inuasit, & mox in eo ipso loco, in quo postea plexi sunt, crux in aëre visa est, ijs coloribus insignis, quos in iride natura mentitur, ad cuius conspectum ipse subito horrore correptus, ingenua ruit, tamdiu crucem veneratus, donec illa disparuit. Alio etiam prodigio scribitur Deus hanc seruorum suorum agonem cohonestasse, nam ex fide dignis testibus constat, carnificem illum, qui pretio conductus neophytis digitos amputarat, ipsum deinde paulo post utriusque manus vsu priuatum, spectaculum esse diuini furoris in se pronocati.

Ibam ad cætera, quæ Surungæ contigerant, enarranda succinctus, cum Emanuelis surdi ac muti nutibus admoneretur, ut qui particeps vinculorum fuit, non planè ignotus dimittatur, nam tres illi qui è signatorum numero Nangasaquij commoraneur, multa de illo narrant, è quibus illustriora seligamus. Natus fuit ille Surungæ, aurium, & quod sequitur etiam linguæ beneficio destitutus, parentes habuit natione Coreas, professione infideles, & in eodem ritu educatus, primos vitæ suæ annos ad reliquam corporis miseriam etiam hac animi cæcitate laborabat, sed cum in altera Regia Yendo aliquot annis viueret, de Christianorum æde, cum nescio quibus nutibus aliquid didicisset, in eam quotidie ventitabat, & quia vix est quicquam, quod non assequatur nutibus, aut explicet, & Christianum se velle fieri docuit, & ipse quid sit esse Christianum

admi-

admirabiliter edoctus est, & deinde summo cum gaudio baptizatus. Inde dici vix potest quam accurratè Christianæ pietatis exercitia persequeretur, & quam capitali odiò falforum numinum simulacra detestaretur, eratque tandem Emanuel Neophytis ethnicisque gratiæ & naturæ prodigium, Surungam rediens à parentibus ethnicis ut ad simulacra rediret vrgeretur, vexatur etiam ac demum patria domo eiicitur, quam ille dimittens, nummulos etiam quos fortè corrasserat, spontè dimisit, & à neophytis exceptus, ab eorum liberalitate pendebat. Vbi aduenit præsens procella, viditque neophytos, quod essent Christiani (hoc enim nutibus didicerat) comprehendendi, ad eos se non euocatus adiunxit, & cum in gubernatoris ædes ducerentur, adduci nunquam potuit, ut ab alijs auelleretur, imo quod admirabilius, cum monitus eius parens accurrisset, post multa, etiam apprehensa veste conatus est illum per vim abducere, sed ille fortiter cum parente luctatus ut remaneret obtinuit. Porro si ad eiurandum Christum nutibus vrgeretur, ipse capite, oculis, manibus, ac denique toto corpore abnuebat, sed maximè in Iudicis vr bani atrio restitit, cum enim varijs nutibus ac signis vrgeretur, ipse quoque pluribus repugnabat, nares, aures, digitos, caput sibi amputandum offerebat, quibus obtinuit ut tandem cum reliquis vinciretur & in carcerem mitteretur.

Post dies vinculorum quindecim, mater Emanuelis, cuius ille nutus omnium optimè assequebatur, in carcerem mittitur, ut filium expugnet, verum ille intra carcerem in eas se latebras addidit, ut reperiri non potuerit, sed illa deinde supplici libello, à iudicibus impetrauit ut solueretur, asserentibus in libelli ea petitione huiusmodi hominum monstra Imperatoris, ut dixi, edicto non contineri. nec ille tamen educi se patiebatur, nisi postquam vnus ex ministris illi globulos precatotios in collum iniecit, quo signo intellexit demum licere sibi viuere Christianè. frequens deinde in carcerem itabat, nec vacuis vnquam manibus, semper enim habebat quod in illorum victum adferret, nam per eos dies, per singulas neophytorum domos circumcursabat, stipem pro victis corrogabat, & quod magis mireris, etiam neophytos in fide confirmabat. Cum neophyti ad sua supplicia raperentur, aberat fortè

Emanuel in Arxi vico, non procul ibi de sociorum tormentis, sollicitis nutibus omnia didicit, & extemplo accurrens eos inuenit iam saucios truncoſque in miseris leproſorum mapalibus humi iacentes, quorum ille vulnera ſuis primum lachrynis illinens, ſua deinde etiam caritate conſouit, quicquid haſtenus manuum labore congeſſerat, in hæc Chriſtianæ commiſerationis officia liberaliſſimè profundens ferunt illum etiam horas multas orando tranſigere, maximè coram Chriſti pendentiſ effigie, vel illa quam nos, ecce homo. appellamus, & quoniam ſæpe in lachrymas effunditur, credibile eſt eum diuinis inſpirationibus doceri, & quod natura negauit, gratia ſupplente redundare. Agit ille annum quintum & viceſimum, de quo licet plura dicantur, hæc ſelectiora ſufficiant.

LEPROSI SEX INTEGRI VICO SURUNGÆ

contermino pro Chriſti fide obruncantur.

CAP. XXII.

Conterminus Surungæ Regno vicus eſt Yegiri appellatus, in eo leproſi ſex nitidiores anima quam corpore, miſeris in mapalibus vitam emendicata à tranſeuntibus ſtiſe ſuſtinebant. Hi Chriſtianam fidem egregiè colentes anno 1616. in Diuorum ſocietatem admiſſi fuerunt, qui haſtenus hominum ſocietate natura vitio carere videbantur. Non procul ab his viuebat Petrus Soquiu, de quo paulo ante multa, ex ijs vnus qui biennio ſerè ante, cruce fronte inſignitus, cætera ſupplicia Surungæ pertulerat, ſed ex amputatis neruis ſolo ſiniſtro poplite ſubneruatus euaserat. Iſ ex ipſorum leproſorum voluntate eo ſe receperat, factus ex viro non ignobili, mendicorum magiſter in ijs quæ ad Chriſtianam ſpectarent diſciplinam, & bonorum proſcriptione in Chriſti cauſa eo deuenerat, vt eadem cum leproſiſ ſtiſe victitaret, Contigit id temporis, nocturnos latrones in proximum ſanum irrupere, quod erat in proximo ethnicorum pago, Iuara vocant, eoſdèmq; multis, qui ex eo ſano fuerant intercepti maſtatis, omnia deprædatos ita ſe recepiſſe, vt ad hunc diem auctores facti, poſt longas diſquiſitiones, neſciantur. Porro cum Daiſu illa via tranſiret, in regiam Yendo iter aggreſſus,

sus, quidam, cuius vxor in eo latrocinio perierat, regionis modera-
 torem interpellauit, vt de facto accuratius inquireret, fieri posse, vt
 ex vicinis leprosis, quis de hac re inaudierit. Is ad supremos Regij
 tribunalis senatores rem referens, effecit, vt hic cohortem militum
 propè mille submitterent, qui ex improviso irruentes arces illas,
 mapalia leproforum obsidione cinxerunt, ibidem castra metati,
 comprehenditur illico Petrus vna cum Simone Xosique neophy-
 to, qui fuerat olim Petri famulus, & nunc circumforaneus rerum
 minutarum venditor, ad herum suum visendum venerat, cum quo
 etiam nonnihil de sua tenuitate partiebatur, cæteri intra sua map-
 alia clausi tenebantur, satis solliciti, qua ex causa tanto tumultu cin-
 gerentur, donec rescierunt, tum enim faciliè in innocentiz suæ con-
 scientia seipso collegenterunt. Deducitur interim ad supremos sena-
 tores cum Simone Petrus, in nouam arenam è cauea sua, quod non
 sperabat, eductus. Quaritur ex eo, quis sit? responderet intrepidè se
 vnum ex ijs esse, qui iubente Daifu, quod esset Christianus, cum
 alijs sex, cruce frontem notatus fuerat, & digitos amputandos præ-
 buerat, neruosque sub vtroque poplite succidendos, & quia cum
 vinculis teneretur, suis concionibus plerosque reos ad Christum
 adduxerat, eiusque rei delatus fuerat apud eosdem Iudices, agnitū,
 ingenti cæchinnō senatores excipiunt, & mox quærent num etiam
 tum in Christi fide persistat, quibus inuictus Christi miles ita re-
 spondit, si prius eram Christianus, quam supplicijs in hac ipsa cau-
 sa torquerer, nunc planè multo magis in eadem Christi lege persi-
 sto; nec erit orbe toto quicquam quod me ab ea colenda deterreat.

Ab his Iudicijs raptantur ad alium, cui nomen erat Fuosaca
 Cabioye is Simonē interrogat, quis sit, & cuius rei causa eo venerit?
 respondit ille, quod erat, se quondam Petri famulum fuisse, & esse
 vna cum hero quondā suo Christianū, subinde se ad ipsum venti-
 tare officij causa, & vt aliquid rerum omniū indigenti, de suo lu-
 cello partiatur, Iudex omiſſis cæteris quærit, audierit quam seuera
 Imperator edixerit, ne cuiquam liceat illam legem profiteri, au-
 diuit inquit adolescens, edicta planè atrociora, sed, nihilo quā ante
 minus sum & semper ero Christianus, quia salus æterna nihil habet
 cū quo conferatur, & hæc ipsa causa est cur in hoc ætatis flore, sine
 hero

hero viuam, neque hoc parum quæstuoso viuendi genere sustineam. Audisti inquit Iudex, de nocturnis illis latronibus, qui nuper sanum inuaserunt? Nihil planè ait Simon, nec vllius suspitionis vestigium intra tenues vtriusque sarcinulas potuit deprehendi, Ergo secessit iudex tantisper & mox rediens Simonem, quod hero suo etiam in aduersa fortuna fidem seruaret, collaudauit, idem ex Petro quærit, ecquam habeat effigiem ex ijs quas Christiani venerantur, cupere se aliquam videre, quam cum esset intuitus, absque vlla contumelia Petro reddidit.

His ita hæcenus suspensis ad leprosos itur, eoque Petrus & Simon abducuntur. Iudices erant, hic quem modo nominaui, regionis illius moderator, Sugacu. nominatus hostis Christianæ legis ac nominis, plusquam capitalis, educuntur leprosi è suis tuguriolis, quæritur ex ijs, sint nec ne Christiani, & omnium nomine respondit Paulus, qui erat leproforum velut Archimandrita, esse se ad vnum omnes Christianos, Petrū se quoque, rogasse vt ad se diuerteret, vt eo magistro, in ijs quæ ad salutem suam spectant commodius vterentur. De latrocinio quæsitum etiam sed nihil planè deprehensum; quæritur denuo, sint ne Christiani? & denuo æquè constanter, æquè explicatè respondetur. Interim ex ijs qui demonem se venerari profitentur, Iamabuxis vocari sæpè iam dixi, duo intercepti sunt, & in eandem latrocinij suspensionem vocati, à quibus vna cum Petro & Simone tormentis conati sunt de latrocinio elicere veritatem, sed vbi nihil est deprehensum, ethnici liberi dimittuntur, Petrus in domum suam, iussus omne de hoc facto curam deponere, Simon vici Præfecto traditur, inter compedes asseruandus. Interim leprosi in tuguriola Pauli & Petri omnes compinguntur, adhibitis qui eos custodirent excubitoribus, quod dicerent de Christianis diligenter inquiri, nolle magistratus, vt eorum indicio moniti diffugiant; sed post triduum, quod res erat edocentur, satis credibile esse, eos quod se Christianos essent intrepidè professi, capite luituros, quod illi alter alteri mutuo gratulantes, Petrum rogant, vt aliquid è pio aliquo libello, quod ad rem faciat, prælegere ne grauetur, qui ex libro P. Ludouici Græmatensis. quem peccatorum ducem inscripsit, tria capita illis prælegit,

legit, de morte, de iudicio, de gloria, & ita impofterum vel oratione vel pijs colloquijs tempus fallebant, votorum fuorum ſpe ſuſtinentes, quod in ijs nouum non erat, cum enim ex magiſtro ſuo alias audiret, quam multo eo tempore tota Iaponia proſcriberentur, aut ſanguinem proſunderent, ex imo corde ſuſpiria trahentes diſcitabant. O vixim hoc poſtremum nobis contingeret, nihil enim habet aliud tenuitas noſtra, quo Domino ſuo fidem proſteſtetur.

Tandem igitur deſiderium pauperum exaudiuit Dominus, nam quartæ Lunæ die decimo, in quem cecidit 24. Nouembris anno 1615. magna militum manus, cum duobus iniuſtitiz miniſtris, ex vrbe ad leproſos erumpunt, eductos interrogant num Chriſtū profiteantur ad vnum omnes, annuunt leproſi, quibus miniſtris mittitur hanc legem, iubente Daiſu, quod ſi feceritis, commodiore in loco commodiores ædes vobis extruentur, & deinde quam maxime vellent ſectarum Iaponenſium nullo prohibente, ſequerentur, ad hoc omnes ſimul vna voce reſponderunt, nec poſſumus nec volumus fidem noſtram mutare. Mori emini igitur omnes. Hoc eſt quod maxime optamus aiunt leproſi noſtri, quid differtis? & mox horatore Petro, ad id quod cæperant, optato ſine claudendum confirmanſur, & toti in preces effuſi, magno animo ſinguli ceruices præbuerunt, & breui morte ſuas miſerias claudentes, æternæ ſibi felicitatis ianuam reſerarunt. Eorum nomina nullo modo hic deſiderari permittam: Chriſtiana ſic ſe habent, Iaponenſia non reperi, Franciſcus, Gaſpar, Paulus, Thomas, Matthias, Lucas, qui etiam hoc ordine obtruncati fuiſſe ſcribitur.

Qui adſuere milites, ſtuporem ſecum retulerunt, quod vidiffent miſeros mendicos ac leproſos, in ferenda morte generoſiſſimum quemque militem ſuperafſe, nec illi ſolum ſibi conſtiterunt, ſed etiam mulierculæ trium vxores propoſita capitis pæna Chriſtum eiurare iuſſæ, caput obtulerunt, quod admirati miniſtri vltra vrgere deſtiterunt, & à mendicis ac mulierculis victi in tugurium ſe Petri receperunt. hi duo iniuſtitiz miniſtri legem noſtram prodigioſam admirabilemque prædicantes, deinde quærun, eſſet ne in aliqua ſectarum Iaponienſium ſpes ſalutis, quod vt negauit

Petrus, ita etiam dilucidè probauit, erat enim rei Christianæ probè periculus, nec habuere quod ethnici seprobarent, vñ sit tamen vnus audisse se ex Christianis fidem suam persecutione non minui, sed augeri, quod tamen iam aliter fieri videretur, verum Petrus commemorauit etiam in ipsa Europa idem contigisse, & à Christo legem suam frumenti grano comparatam, quod oportet prius mori, quam in messem multiplex exuberet, si veritatem æq; faciliè esset amplecti, vt agnoscere, nostri suppliciorum Praefides domum, alij rediissent. Abiere tandem, sed postea submissi sunt, qui tuguria martyrum incenderent, quasi nondum furori factum esset satis.

Verum vt nihil dubij super sit, quin leprosi in sola causa fidei iugulum præbuerint, quod deinde contigit, non videtur omittendum. redibat Surungam Daifu, & eius supremi senatores, quærunto quid factum sit leprosis, eiusque mapalibus obtruncati sunt respondit quidam quod essent Christiani, & tuguria iussa sunt incendi, nimia fuit illa crudelitas inferunt senatores, æquid referebat mendicos paucos, quam maximè vellant, legem sequi?

PETRVS ET SIMON NEOPHYTI POST

leproforum mortem subternantur.

CAP. XXIII

HVius tempestatis initia exceperant quatuordecim ex Imperatoris familia nobiles, qui tota laponia proscripti aqua & igni propositis grauissimis pœnis interdicebantur, prout initio huius de laponijs triumphis, commentarij scribere me memini. Nesciebatur hæc tunc, quid ijs factum esset, & cupiebat Imperator scire; vbi asylum ac latebras contra sua edicta reperissent, Obtruncatis igitur leprosis, Petrus ac Simon post varios carceres & iudices, tandem in urbem ipsam Regiam Surungam adducuntur, vt de his aula primoribus, ab ijs inquireretur, quod fortasse de ijs aliquid inaudire potuerint, sistuntur ergo iudici Iungacu, capitali Christianorum inimico, & lectis aliquod eorum nominibus iubentur prodere vbi delirescant, simul indicent omnes, quos nossent vbiq; Christianos, cuius tandem ordinis aur conditionis essent, nec ipsos mendicos leprososq; prætermittent. Multa petebantur, mi-

hil

hilimpetratum, ne tormentis quidem sapius ac sapius repetitis, minis, promissa libertate, si ea proderent, quæ prodere videbantur, sed cum nostrorum constantia nullo statu flecteretur, sententia in Simonem pronunciatur, ut digitis manuum truncus, utroque poplite subneruaretur, Petrus in dextro crure, quod solum supererat supplicio eodem plecteretur, verum Simoni soli sententia exponitur, Petro post peractum Simonis agonem tandem explicatur. huius tormenti occasione, Simon denuo ad eiurandum Christum sollicitatur, impunitate proposita, si faceret, nec ultra de prodendis Christianis agebatur, sed ille seipso semper fortior, importunos reiecit hortatores, Ergo Sabbatho sancto horis matutinis & Aprilis 2. 1616. Simon è vinculis educitur, & vna cum eo Petrus exire permittitur, lbatreorum more manus post tergum reuinctus, & colulum recte impeditus, ducitur in locum cui Mangericane nomen est, vbi ex aduerso cuiusdam fani truncus erat, ad digitos detruccandos collocatus, super quadrato trunco culter erat ingens supplicij atrocis instrumentum. Et iam ventum erat ad locum, cum Petrus qui non ignarus mali misero succurrere didicerat, Simonem iam in genua prouolutum in hæc verba compellat, Simon age Deo sua in te beneficia gratulare, non ignoras apud mortales honestum haberi, pro hero suo cuius annona viuunt, vitam vbi casus tulerit, exponere, quanto honestius erit pro eo mori, à quo nihil est quod non accipiamus, & super omnia pro vniuerso eius in nos amore, quo inductus est, ut homo factus tot laboribus supplicijque nostra causa se subiceret. Ne igitur horrueris eius causa sanguinem fundere, vitamque prodigere, sed potius ei gratias age quod occasionem tibi dederit, amorem amori, supplicia supplicij referendi.

Simōn his heri sui sermonibus ita incensus est, ut mox ad truncum accedens, cultrum vtraque manu correptum, capiti suo gentis more venerabundus imposuerit, stupentibus ad rei nouitatem spectatoribus, digitos deinde sua sponte præbuit amputandos, quos inhumanus carnifex, ter ad manus singulas ictu repetito, omnes amputauit, ac deinde cum aliquod à doloribus respirandi spatium concessisset, proni neruos in utroque poplite succidit. Tū ad Petrum conuersi huius supplicij Præfides exponunt ei, quid habeat in mandatis, quo ille

nuncio exultans poplitem dextrum, qui solus supererat, præbuit eneruandum, atque ita iacebat humi vterque sine vllō solatio, quod à mortalibus mortales possunt expectare, cum tamen tum immortalibus solatijs redundarint. Tandem vxor Petri Martha, vt in vicinum mendicorum tugurium deportaretur impetrauit, de Simone nihil, nisi die insequenti, potuit impetrari, vterque nunc Nangasakuij viuit, suoque conspectu neophytos in suscepta fide confirmat.

Nondum satis expleta videri voluit perfidia his contra fideles supplicijs, nam Iudices cum audissent sub vrbeni tres è septem signatis illis delitescere, denuo comprehendi mandarunt, & multatentantes, plura minati nihil profecerunt, cum etiam ipsi pedum digitos obtulissent, vt manuum fortunam fortirentur, detenti sunt diebus quinque supra quadraginta, sed tandem intercessionemescio cuius ethnici magnatis, liberi sed victores se cum suareligione Nangasakium quoque receperunt.

DE SIMONIS NEOPHYTI MARTYRIO IN

altera Regia, de q̃, reliquis regnis Quanto.

C. A. P. XXII

NOluit altera regia Yendo Surunga æmula, sine fructu suo hoc tempore sterilis apparere, nam præter eos, quos nuper tanto numero martyrea dederat, alterum addidit, cui Simon in baptismo nomen obtigerat, patrio nomine Iambioye dicebatur, vivebat ille in regno Yio, quod facit Insula minima inter quatuor Iaponiæ maximas. Eo cum noster sacerdos Firoxima excurreret ad visendos excolendosque neophytos, non patiebatur Simonis caritas, vt alibi quam apud se diuerneret, & cum illi solemne erat seipsū peccatis expiare, ac ecclesiæ pane reficere, sed nondum illis excursionibus contentus, excurrerebat & ipse Firoximam, sinu maris ad leucas transmissō, ibique se sacris epulis exercitijsque in æde nostra satiabatur, & quoniam ad martyrium Deo duce, vocabatur, in Regiam Yendo, nescio cuius negotij causa, se contulit, ibique in

reli-

religiosum incidit è D. Francisci familia, qui eo tum excurrerat ad neophytos excolendos, & vt erat religiosis excipiendis assuetus, eum in suas ædes aut potius hospitium inuitauit, non potuit ea res dilatare, quod in propria domo nihil haberet vel secretum, vel securum, res igitur ad iudicem defertur, ad quem ea res pertinebat, nec mora deprehenditur & comprehenditur vterque, nihil minus suspicantes, alter quod in Iaponia post proscriptionis edicta remansisset, alter quod proscriptum hospitio æquè contra leges excepisset. Religiosus denuo iubetur exulare, Simon mori, nisi à fide deficeret, verum ille nec vitæ cupiditate, nec mortis metu, nec amicorū precibus adduci potuit, vt tanto se scelere contaminaret, ergo ad supplicium ducitur mirè hilaris, quod vbi minimè crediderat, martyrii coronā reperisset. Priusquā plecteretur ad circū, suam concionem pauca hæc verba protulit, nolite me arbitrari cuiuspiam maleficij reum, debitam legibus vitam dare, morior, quia Christianus sum, nec ab hac professione desisto, quæ cum dixisset, sacris nominibus Iesu ac Maria tertio repetitis obtruncatur & vinculis suæ mortalitatis exsolutus in liberam immortalitatem laetus euadit.

Cum noster Sacerdos, per hæc regna oues quærens, velut bonus pastor vagaretur, in regno Daua, in vrbe Xambocu nouum gregem reperit, qui nondum viderat pastorem, nam eum à septennio neophytus nobilis, Fitonique Petrus vocabatur, Firoxima venisset, in Dynastæ illius familiam adsciscendus, vt erat rei Christianæ benè peritus, idemque fidei propagandæ cupidissimus, ad ducentos Christo pepererat, suæque manu baptizarat, eosque omnes propè militaris ordinis non ignobiles, hos omnes magno suo solatio, adhibita extrema manu, si quid adhuc rude reperit, sicut vrbis catulos suos lambendo expoliuit, & primum illis locis sacrificium litauit, primumque peccatis expiauit. Ita Iapones non raro ex tironibus fiunt magistri, neque intra se quod bonum conceperunt, possunt auari continere.

Initio dixi de neophytis ad ortum Iaponiæ, in regnum Tzugaru, Miaco-relegatis, sed alia occasione narratio suscepta quædam non omittenda intermisit, quæ ex eorum litteris & nostri sacerdotis.


tis, quicquid missus est, excerpta sic se habent. **E** quodam Suringe
 Regni portus 9. Maij 1614. soluerunt, & in mari multis tempestati-
 bus iactati, non sine labore, salui tamen omnes & incolumes in
 exilij sui locum appulerunt. Missus fuerat ad exulum solatium, cum
 ijs alumnus noster, quem scribunt magno illis auxilio fuisse, maio-
 re solatio. Vix bene in portum appulerant, cum illius regni Dyna-
 sta, Yechudono appellatur, ad eos misit, qui significet, sibi à Dai-
 fu scriptum, eos in eum finem huc esse relegatos, ut extirpandis
 saltibus & aperiendis nonalibus operam darent, scire se velle, an
 huic Imperatoris sui mandato parere sint parati. Huic ita neophy-
 ti consultatione inter se habita responderunt: se hactenus agricul-
 turam numquam exercuisse, sed nihil esse ita asperum, itaque diffi-
 cile, quod facere detrectarent, dummodo liberum sit illis Christia-
 nam religionem profiteri & exercere, cuius retinendæ causa vitam
 obtulerant, nec exilium detrectarant. Eo responso lætus Dynasta
 petijt hoc sibi responsum scripto dari, quod ad Imperatorem trans-
 mitteret, nec hoc abnuerunt, & deinde se suo muneri accingen-
 tes, hactenus coloni facti syluescentem iam tot sæculis Iaponiæ
 vastitatem suo exemplo eruderant, ut deinde in Ecclesiæ hortum
 conclusum conuertatur, qui mihi nascentis illius prima tempora
 referre videntur, cum Christiani ad effodienda metalla in abruptas
 rupes relegabantur. Contigit deinde fames illa, quæ Christiano-
 rum eleemosynis sublata Dynastam indigenasque quæ sita, non da-
 ta causa irritauit. Ad eos visendos vnus è nostris sacerdos Miaco
 excurrit, cuius epistolare fragmentum hic subiicio. Neophytos in
 Tzugara visitaui, solatus sum & confirmaui, diuisi eos in sua sode-
 litia, & illis præfeci, qui curam omnium gerent ex ordine. Bene
 collocatum habui laborem itineris, cum ad eos excurrerem, supe-
 rauimus montes duos, quibus asperiores non habet Iaponia, sæpè mihi
 perrumenda dumeta, & niuium præcipitia calcanda, quibus non
 raro ad cingulum immergebar, nec ultra progredi aliquando me
 posse arbitrabar. Ibam pedes ac sine cibo plerumque, quod ea loca
 carent hospitij, nec sit qui in his locis viuat. Aliquot etiam epi-
 stolas ipsorum Neophytorum subijcere possem, sed quia ferè nar-
 rant quæ scripsimus, breuitatis causâ prætermitto, non tamen

vnus

vnus Epistole præclarum epiphonema, & dignum, quo etiam hunc de Christianis apud Iaponios triumphis quintū librum claudam, in hæc verba: Non est gaudium, non est solatium quod eo perueniat, quo peruenit, pro Iesu Christo Domino nostro multa tolerare.

Hæc igitur Goe reperi, quæ superioribus libris quatuor in Europa relictis adderem, & quia nondum prætorum, sed nec triumphorum finis, conabor efficere vt continuæ rerum, temporis que serie prodeant, quam diu Dominus vitam ac vires dederit, & donec Ecclesiæ laboranti pacem quietemque reuocare.

Finis libri Quinti.



AVCTA

AVCTARIVM

Libros quinque Trigantij

STATVS ECCLESIE

apud Iaponas

Anno ciccxcxvii. xlix.

XIX. & XX.



IN EAM Iaponensem anno ciccxcxvii. excoluerunt duo sexaginta, & quibus nostræ Societatis vnus & triginta censi, reliqui partim indigenæ sacerdotio honorati, partim aduenæ & varijs sacrorum virorū ordinibus nobis suppetiatum missi, ad quos & sacri iuuentutis institutores accessere, qui rudibus elementa religionis Christianæ tradebant, nec non Ecclesiæ qui ad populum certis diebus agebant. Et quia Nangasacium prope totum Christum Deum colit, asilumque est omnium Christi causa proscriptorum, exulum, vel eorum, qui vltro tyrannidem seuientium Principum fugitantes, huc se conferunt, ab incolis Christianis cum ingenti charitatis significatione excipi solent, & amantissimè tractari. Ad quam rem impulsu Sociorum instituta sodalitas est, quæ magnam vim pecuniæ ad exules subleuandos confert. Prætor vrbis homo paganus ex familia sua Simonem quendam Cuyemon Christiani nominis cultorem! singularem, imperio regis omnibus artibus frustra tamen conatus est à Christo auellere, suisque idolis initiare, vicit enim constantia sua fregitque Prætorem Simon, & mores etiam quibus Christianam integritatem sædè inquinabat & offendebat emendauit, impetrauitque vt ab ipso etiam ab religio-

ne

ne abducendo prætor desisteret penitus; & desperaret.

Infederat infernus hostis & hospes alienum hominis hospitium & corpus, quod is homo se pro Christiano gereret, cum sacro fonte tinctus nunquam esset. In æde quondam sacra inter reliquos Christianos aqua lustrali pro more sub finem sacri aspersus se genitali vnda ritè lustratum credidit, monitus identidem ab alijs & familiaribus non paruit, & inepto pudore præpeditus baptismū neglexit, ita factum vti malus genius suum mancipium ratus inuaserit; sed precibus populi S. Ignatio illius causa sæpe supplicis tandem ab infessore liberatus, lustratus & altero mox die cum ingenti spiritus consolatione ad cælum translatus est.

Nangasacki hoc anno tempestas atrociter in omne Christianum nomen delauit, quod Patres, qui magno numero Nangasacki conuenerant ad Dominos & magistratus Tenzæ delati, curam prætoris excitarint, vt multis promissis & minis latentes è tenebris in lucem protraheret, & comprehensos ultimo supplicio necaret. Paucos tamen è multis nactus, duos S. Dominici sodales P. Franciscum Moraliū & Alphonsū Menam presbyteros, & P. Carolū Spinolam cum Ambrosio Fernandèsio è Societate nostra Omuram cum præsidio misit, quos multa Christianorum millia omnis ætatis, ordinis, & sexus, quantumuis præside per apparitores in populum sæuiente & prohibere conante, persecuti sunt. Paulum quendam Christianum prætor eo nomine comprehendi iussit, quod pecuniæ in delatores Patrum partiendæ curam nolle suscipere. Præter Patres in vincula tracti sunt, qui eosdem hospitio susceperant, & alij qui in vicinia degebant, quos inter, fuit Dominicus Georgius domo Lusitanus, Morayanus Tochuan Andreas Ioannis Antonij prætoris Nangasackiensis defuncti filius, Cotheda Thomas vir clarissimis natalibus oriundus & multis ante annis religionis causa proscriptus & relegatus, cum non paucis alijs iam omnibus in censum martyrum relatis vt infra exponetur.

Omurenscs Christiani fidem suam erga Christum luculentis testimonijs comprobauerunt. Triginta admodum patres familias nomina sua chirographo signata Patri Societatis, qui cum illis verfabatur, tradiderunt, testati se cum vxoribus & liberis totisque fa-

R r r

milijs

milijs in Christiani nominis professione constantissimè persevera-
turos, nec ullis suppliciorum acerbitatibus cessuros nec vnquam
de fide defecturos. Ex hoc numero fuit, cui prætor Omurensis
rogum minatus erat, ni Christi sacra eiuraret. Sed is eo nuncio
tam non percutus fuit, ut etiam diceret, sibi verò nihil gratius
aut optatius posse accidere, quàm si ipse ad incendium illud ma-
teriam suis humeris velut alter Isaac deportaret, tanta intus flama
ipse ardebat: qua constantia prætorem & in stuporem dedit,
& ne sententiam exequeretur deterruit: cuius vxor pari cum ma-
rito ardore flagrans, cum sibi suisque supplicium vicinum immi-
nere arbitraretur, vicinis ritu Iaponico velut ad epulas triumphales
evocatis, omnes opes suas apposuit. Ab hac cum ancilla que
fidem prodiderat, præsidium iudiciumque nomine coronam. B.
Virginis exigeret, quod defectionis signum erat, nostra heroina,
obiecto proditoris crimine, si omnis, inquit, Omura hoc fa-
ceret, nemo tamen vnquam efficiet, ut hoc scelus in me admit-
tam.

Omura igitur hoc anno quinque palmari laurea martyrij affe-
cti sunt, è quibus pater Iamaguchi Gonsuquius cum Xoiro Tho-
ma filio tanquam Pylades cum Oreste contendit, vter prior more-
retur. hi iussu magistratus IV. Nouembris c 15 1506 xvii. capite
plexi sunt. Tertius Thomonaga Girobioye Linus, is fuit, qui antea
P. Ioannem Baptistam Machadum è Soc. nostra sacerdotem cum
alijs ceperat iussuque prætoris interfecerat, & mox ipse postea pri-
die Nonas Nouembr. anno c 15 1506 xvii. ob religionis Chri-
stianæ cultum obtruncatus est. Adeò vis celestis humanas men-
tes vertere & versare cum ingenti paganorum stupore potest &
solet. Ad hos accessit Yeyri Miyemon Ioannes, sectæ prius Iodo-
xanz, sed cum tumultuantis conscientie fluctus aliter sedare non
posset, (quamvis multam in eo sed inanem docendo operam Bon-
zij consumsissent) quam ut ad castra Dei transiret, suasu Lini Nan-
gasakium se contulit, ibique Christianæ legis tirocinio imbutus
& tinctus Omuram redijt, eodémque anno varijs machinis tenta-
ta illius constantia gladio cæsus ad lauream victoriæ capiendam in
cælum ipsius Natalibus Christi cælo renatus martyr abiit. Quin-
tus

tus fuit Quintaro Ludouicus cuius fides initio tempeftatis nanni-
hil laborauit & fluctauit, fed vxoris Magnos conuicio euerber-
tus & ad nouum certamen obarmatus ad prætorem redijt, fexto-
que & vigefimo Iulij c. 1200 VII. capite punitus palmam rece-
pit. corpus è vestigio in cineres redactum, & in mare sparfum, ne
quid inde Christianorum pietas Iapanonum quod coleret, ha-
beret.

Arime, vbi quinque de socijs verfantur, pax Christianis fuit,
quod præses vel mitiori effer ingenio, vel exemplo aliorum de for-
tissimis Christiathletis victoriam desperaret. Ibi anicula annos na-
ta feptuaginta in confinio mortis tingi voluit, rogata cauffam quod
multos, inquit, videam fòlo metu tyrannorum reclamante con-
fscientia à facris Christianis deterreri.

Duo quidam pagani vna iter cum Christiano faciebant, cum
orto de religionis cultu sermone Christianus vana illorum numi-
na irridere, Camisq; & Fotoques explodere: tum alter ex paganis
attende fis, inquit, quid agas dicásque & caue ne hos olim cathin-
nos fero Iuctu redimas. Necterritus his minis Christianus disputa-
tor multò magis personatos Deos ludibrio habuit. Ventum intè-
rim ad fanum idoli, cui miles Christianus non fòlùm honorem
omnem abrogauit, fed contumelijs & onerauit, & conspuir etiam.
literæ enim factis ipfis impium idolum delufum aiunt. Sed Ache-
ronticus hic hostis irritatus, cum nihil in irri forem Christianum
auderet, cultorem suum inuafit, torfit, cruciauit, & tu inquit,
audes cum impio illo Christiano hoste nostro colloquium misce-
re, familiariter agere & verfari? arripuit inde paganus occasionem
tortoris fuideserendi, petitoque baptifmo Deum suum eiurauit,
& illius conditorem omniumque auctorem professus demonem-
que execratus hominem veterem exuit, Christum induit, inferos-
que cælo commutauit.

Fibicone vico, mulieri, quod à Christo defeciffet, à demo-
ne arrepta & atrociffimè cruciata exorcismis & R. P. Ignatij
immagine, quam hostis velut telum igneum exhorruit, pulfo infami
hospite à Patre Societatis fuccursum est.

In Fingensi regno vir vxorem à Christo auerterat, ex quo tanta poenitudine affecta est, vt præ dolore & angore animi notabili modo inciperet emarcescere atque contabescere. Cui misericordiz parens B. Virgo significauit, vt apud Patrem è Soc. nostra si in aliquem alicubi incideret, animi sui curas deponeret. Aperuit hoc foemina matri, quæ filiam ad Patrem misit, erant enim id temporis ibi aliquot è Societate, ad cuius prouoluta pedes scélusque confessa curatæque ad maritum redijt, sanctè iurata & testata nunquam se deinceps à Christo recessuram. Alij duo fidei desertores cum ad se redijissent & facinoris magnitudinem perpendifsent, sibi ipsi certas corporis afflictiones vel preces præscribere, quoad sacerdoti nostro, si quem offenderent, satisfacerent. Alter enim coronas tres quotidie se coram B. V. lectorũ spondit & toto triennio nunquam inter misit. Alter sune lumbos constrinxit donec peccatis exsolueretur. Foemina maritum precibus abtridua, se ipsam aquâ sacris reliquijs tincta morbo liberauit.

In Chicungano regno nullus Patribus vbi hærent, relictus locus, per viatorum speciem subinde Christiani lustrati. Quos inter omnino tres ad lauream martyrij Yanagabæ sede regia adspirarunt; Sacai Torobiøye Paulus, Moniubo Petrus, Xorzono Paulus, sexto & xx. Nouembris c 10 100 xv 11. interfecti. Sacai Paullus aliorum institutor quos potuit Christianis sacris imbuir, è quibus eminebant Moniubo & Xorzono, quos modo nominaui eius sectæ, quæ militiam cum religione coniungit. Hi dæmonum cultores se pro militibus & Bonzijs gerebant. Capti & Bonziorum archisynagogo ad supplicium traditi sunt, quos ille è vinculis & vrbe cum magno præsidio, tumultu & tubarum strepitu eductos & intra labra cadorum constrictos lapidum imbre obruit sexto Cal. Decembris c 10 100 xv 11. Paulus paganis maioribus natus sub ætatis annum xx. Christum professus, vxorem Claram repudiãuit, paganamque duxit, quam ad sua quoque sacra traxit, Maxentiãque dixit, quæ de officio admonita ab illo, rursus diuertit, & piè sanctèque opera etiam ipsius Pauli decessit, tum & ipse se collegit cœpitq; mores & vitam emendare, quamquam à benefactis etiam cum malus esset, non destitit, nam & in sua

sua toparchia ædem sacram posuit, Christianos in eam coëgit, (quibus Pater quem secum habebat, sacra ministravit) benigne omnibus fecit, succurrit omnibus. Matrem proeclatæ & tate faminam & plurimis annis superstitionibus mordicus affixam tandem Christo genuit. Mulierem animum quæ quadragesimum supra centesimum, ut ferebatur, agebat, adeoque obtusis erat auribus, ut vix ullum sonum quantumvis vocalem admitteret; hanc iam Orco imminentem hac arte ad Christianas leges erudiuit. Arundinem auribus illius quam potuit proxime admovit, & per illam Christum edocuit, quem ipsa & agnoscere, quamvis vltima ætatis hora, & colere cœpit, ipsiusque baptismi caractere insigniri. Miseros & omni ope destitutos tecto recepit, fouit, aluit. Patribus in re Christiana promouenda maximo subsidio fuit. Delatus demum de Christiana religione & comprehensus, arctissima custodia per sesqui annum fame, siti, frigore, omnibusque ærumnis confectus literas interim plurimas pietatis & religionis plenas ad familiares composuit, in quibus ad D. Pauli exemplum sub extremam clausulam semper adiecit, Paulus victus in Christo. Caput III. Nonas Martij 613 100 111X. interfecti in maxima hominum corona Christianus magna cum veneratione sublatum, deosculatus est, sed ab lictoribus extortum & exoculatum est, quod Iaponij persuasum habeant oculos & cor martyrum venerationis causa Romam transmitti, reliquum corpus ab ministris iudicum mucronis experiundi in mille partes concisum.

Regnum Bungenſe in plures diuisum toparchas & præfides, quos Tonos appellant, qui nationem Christianam crudeliter exagitarent, ut placerent regi quas fecissent tragedias.

Fingi, firmo castro, iuuenis erat annos natus vnum & viginti Aſotaroſacu Petrus, Nangafaquij à Patribus à puero institutus, hic pulsus nostris, in nobilis pagani familiam adſcitus & omnibus artibus ab hero ad dæmonum cultum frustra semper ſolicitatus, capite reuulso obruncatus est.

Yetchudono Bungenſis toparcha olim Christiani nominis & Societatis I E S V fautor ſingularis, iam domino Tenzæ ſeruit, tantus Christianorum hoſtis, quantus antea amicus, genicem noſtram

acerrimè per omnem suam provinciam persequitur. Ita factum ut multi pro Christo ijs in locis fortiter facerent, & occumberent; quos inter Cangayama Faito Iacobus, equestri loco natus & tribunus militaris, cui non minus octingenti parebant. Huius opera quamvis magnopere Dominus vteretur, cum tamen in eo à Christo avertendo frustra laborasset; officio, stipendio, & recto exiit, & per diu singulari domicilio inclusum, & ab nostrate subinde illac transmittente confirmatum, tandem, resecta ceruice anno *CIO IDC XIX.* mense Octobri interemit, cum sub initium anni *CIO IDC XXI.* esset in custodiam coniectus Octingentis illis signa ipsius secutis proscriptis & in exilium eiectis.

Idem tyrannus quinto & vigesimo Febr. *CIO IDC XXI.* in principe civitate sua Cocura sex Christianos gladio obtruncavit, quorum hæc nomina recensentur. Nacamura Guenxiqui Iustus, Cangayama affinis, cum filio Nacamura Gidayu Leone sedecenni adolescente, Onogorozayamon Simon cum filio suo vdecenni Paulo, Cuxifarienyaman Thomas & Cuba Matayayamon Ioannes. Octavo & xx. eiusdem mensis, septem rursus è nomine Christiano capita ademit, Kisai inquam Leoni, & Martha coniugi, Ximada Ioanni cum vxore Anna & bimulo filiolo, quem è complexu mater noluit dimittere, quod diceret secum eum ad amoenissima locorum & Elisios campos deducere velle. Huic Annæ fertur B. Virgo se videndam præbuisse, quæ illam ad mortem constanter perferendam hortata sit, adieceritque tempestatem illam persecutionum breui finiendam optatamque pacem secururam, quod ipsa marito suo denunciauit. Secutus hos est Fucata Suquezayamon Petrus, quem vxor & propinqui valde ad defectionem sollicitarunt. Septimus fuit huius filiulus Marcus puer sexennis.

Eodem anno *CIO IDC XXI.* VIII. Cal. sextiles idem tyrannus rursus duodecim heroibus capita decussit. Ytonaga Leoni qui ingentes in carcere sollicitationum vexationes pertulit; Miyabara Ioanni, qui & ipse mille aduersariorum technas & insidias elusit tam lætus & alacer in vinculis, uti stolidi pagani illum insanire dicerent, cum vel ipsi maximè furerent & insanirent; Toyaman Paulo, Ximaya Suquesso Leoni, Xeizayamon Didaco, Cufioye, Lucæ,

Luce, Cagiyochim Gofioye Ioanni, Ximaya Ychizuqui Paulo, Ximaya Ioannis germano, Leonis Suquezo filijs. Hi duo in diuturna custodia, omnibus machinis ab hostibus fidei necquicquam oppugnati v. r. Idus festiles aulsis ceruicibus triumpharunt. Paulus natu maior Ioanni assidue salutis nomina Iesum & Mariam suggestit. Postremus fuit Cori Fari Romanus, Cori Fari Thomæ martyris filius & prætoris Yetchudono filij famulus, v. Cal. Martias in heri domo cæsus. Yetchudono alios duodecim in vrbe Nacathu è medio sustulit. Primi duo Cori Fari Michael, Cori Fari Romani frater, Thomæ filius, Cuba Fixacuzuchi Thomas Cubæ Matazayamon filius, qui sexto & x x. Febr. sunt trucidati, biduo post eandem palmam recisis capitibus retulerunt Cuzayaman Benedictus, Guiugij Didacus, & Miyanari Thomas. III. Nonas Martias. Tyrannus idem septem Christianos pedibus in cælum versis ad exemplum D. Petri in crucem egit, Ichizayamon Vincentium, Naiyamon Simonem Mixanaga Ioannem, (qui vices patris absentis in instituendis catechumenis, tironibus, neophytis, tingendisq; infantibus explevit) Miyanaga Paulum natu minorem, Kixaman Benedictum, Gentaro Paulum hospitem Patrum, qui vltro se ad mortem obrulit loco cognati infantis, quod diceret illum fari nondum posse, nec ad obiecta capita respondere: idem filios suos geminos peroptabat secum ad palmam trahere, quo nomine etiam absentes quæsiuit, sed vt patrem sequerentur illis permissum non est: agmen clausit, Saymosara Yosai Stephanus. Plures eodem tempore ex nobilitate & officijs prætoris morte pro Christo præclara defuncti sunt.

In prouincijs Nangato & Suo de Societate Pater Christianos reuiscendo ad constantiam excitauit, quod fuit pernecessarium. nam paullo post prouinciæ prætor capitis pena sanxit, vt omnes deserta Christiana religione ad sua idola & paganas superstitiones redirent: nec segnius quàm edixerat, sententiam, executus est. nam Fangui metropoli prouinciæ statim quatuor nobilissimos agonistas viuos cremauit, Quimura Paulum, Fluandaya Thomam, cum vxore (neque

(neque enim semine viris in hoc stadio vel seigniores vel deteriores, sæpe etiam fortiores sunt) Clara, Guempo Vincentium, qui multis annis ecclesie Fanguienſi deſeruijt, & Patribus in propugnanda religione maximo ſubſidio fuit. His cum ad rogam ducerentur præſata tabula, quæ cauſam necis ſpectatoribus hoc elogio oſtendebat.

NANGATVS TONVS

HOS FLAMMIS ADDIXIT
QVOD CHRISTVM COLANT
ADESTE. SPECTATE.

Cineres in mare ſparſi. Dum hi quatuor cæli candidati ad ſupplicium ducuntur, occurrit illis Maquimura Cuzayamon Sanchus nobili genere natus, qui multis annis in Nangati Toni officio fuit, cùmque Paulum ſalutaſſet, accipit ab illo coronam B. V. quàm illi Paulus libenter, tanquam pignus amoris exhibuit. Sed hoc palàm Sanchus ſciens prudens fecit, vt ſuſpicionem de ſe inconstantie vulgò conceptam dilueret, fluctuarat enim nonnihil antè, & conſcientia poſtea vrgente hoc illius ſanandæ remedium inuenit. Delatus illico ad prætorem capitis damnatus, prius apud Patrem quem domi ſua habuit, peccata per confeſſionem expiauit, tum cultu corporis quem habebat ſplendidiffimum indutus, tanquam ad ſolennia nuptiarum procederet, ad Chriſti de cruce pendentis effigiem in genua demiffus Idib. Aprilis c 13 1306 XIII, ferrum accepit.

Poſtridie ex cineribus Pauli nouus extitit phœnix: nam Guubara Cacuyaman Didacus ad eundem palum ad quem pridie Paulus & Vincentius religati & exuſti fuerant, adſtrictus flammisq; ſed paulò remotioribus, vt torreretur potius quàm exureretur, circumſuſus fortiffimè ſupplicium exantlauit, & ſempiternum in cælo ſibi triumphum, apudque mortales gloriam peperit. Hic poſtridie quàm illi quatuor, quos iam dixi, eſſent cremati per medias

diæ custodias ad martyres penetravit, in genua procubuit, palamque se illis velut iam Diuis commendavit, Pauli faciem cum magna veneratione absterfit, hocque ad exuendam horum opinio- nem, qui illum ab religione defecisse sparserant, fecit. Illico ergo comprehensus, victus & exustus est, cineresque in altum dispersi. In Firoximana & Aquiana toparchijs, sicut & Bigensi, Farimana & Ana præfecturis neophytos Pater de Societate adiit.

In Farimana Bonzios, multorum auditorum doctor Christum Deum agnovit, & vsque ad extremum spiritum (quamvis ipsius sectatoribus omnibus modis, illum ad damnatas superstitiones suas retrahere conantibus) constantissimè professus coluit, & non sine magna spiritus consolatione defunctus est, identidem Dei clementiam laudans, qui se antemortem cælestis veritatis lumine illustravit.

Provinciam Cami quatuor Patres non sine ingenti & præsentis mortis periculo obierunt dignumque laborum & periculorum fructum retulerunt. Miacum P. Ioannes de S. Maria ex D. Francisci disciplina sanguine suo purpuravit & ornavit, qui x i x. Cal. Septembres c i c i c x i x. gladio cervicem præbuit. Ad cuius cædem vis ingeas Christianorum accurrit, qui à corpore occisi (quod propè complexi sunt) nullis verberibus potuerunt auelli; proinde duo rectà in neruum ducti, quibus alij adiuncti sunt. Sacai nobili civitate inter Bonzios egregiè doctus simulque Varelæ præses per uxorem suam (quam paganam duxerat, sed postea Christiana disciplina eruditam & cælesti fide lustratam) ad Christiana sacra deductus est quod illius conuitia, irrisiones, & aduersus idololatriam disputationes peragrè ferret; sed cum aduersus stimulum conscientie diutius calcitrare non posset, cum identidem illi conuix obiectaret, quod post tot annorum labores, tantamque operam studijs impensam, nondum veram salutis viam reperisset, quam ipsa per Christianam doctrinam, quam apprehendisset, tam citò didicisset.

Alterum cum se Christianis sociasset, pater bonis omnibus exuit, quod ipse non solum patienter, uti germanum Christi sectatorem decebat, tulit, sed paratum etiam si vsus esset, vitam pro

Christo ponere. Huic charitas Christianorum omnia, quæ ad vitæ usum pertinebant, liberaliter subministravit.

Regnum Oxu, prouinciam Masamune & circumiecta loca duo Patres prope sine periculo peragrarunt; in quibus adultos octingentos Christo genuerunt. Populus est admodum pius & religiosus, pueri decennes, & capulares senes octoginta annorum statâ ecclesiæ ieiunia sanctissimè obseruant. In his regionibus duo quoque Bonzj synagogæ suæ principes iuratis dijs suis, vnum Deum Christianorum colere cæperunt.

Pictor idola effigiare solitus, inuita suæ thalami consorte ad nostra sacra transijt, quæ mox ipsa quoque cælesti viso edocta admisit, cum illi femina humana specie augustior per quietem oblata pronunciauit hæc verba, Deus Pater, Filius, & Spiritus sanctus Amen. Virum è catechesi nostra postriedie domum redeuntem rogauit an hæc apud Christianos in usu essent? ex cuius affirmatione & reliqua institutione, sententiâ mutata, sacro fonte tincta est.

Christianus alius pagani ædes nocturnis lemorum & spectrorum terroribus infestas delata Christi in cruce pendentis imagine repurgauit. Vicus excitato fortè incendio & vento latè propagato arserat; in quo restinguendo cum incolæ frustra dominante flamma laborassent, duo Christiani in suorum rectorum fastigia suaserunt, illicòque magnis clamoribus ope potentissimæ mundi patronæ Virginis Dei genitricis implorata, domicilia sua sola salua & intacta vento repente auerso seruarunt; reliquo toto vico in cineres relapso.

Ex Patribus alter ad extrema Iaponum Deua & Sutgaru progressus Christianos ob fidem ibi exulantes cum magno illorum fructu & gaudio reuisit. Idem Pater in regnū Yezo quod Iaponiæ ad septentrionem est, septemque inde miliaribus abest, nauigauit, quo nemo Patrum vnquam antea aspirarat, nec procul inde alia est prouincia Iaponum regi, sed liberiore lege nec tam seruiliter subiecta, cuius vrbs Mathumai negotiatoribus frequentissima inter quos nonnullos Pater Christianos offendit, ex quibus didicit peninsulam esse, alterâque ex parte ad Scythas vsque seu Tarta-

ros, vt est opinio, pertinere; institutorum ibi versari decemmillia, populum solem & lunam adorare, colore candido, bellicosum, ingenio minime obtuso, carere idolis, Bonzijs, sacris, nec in varias diuifum sectas, vt spes magna sit, vtilem apud hanc gentem Christianæ legis sementem fieri posse. Atque hæc de septimo & octauo decimo anno. Sequitur nonus decimus, cum vigesimo.

EX LITERIS PATRIS MATTHÆI DEL COBO

Prouincialis Nangasackij 19. Octobris. Anno 1619.

ad P. Valerium de Ledesma Prouincialem scriptis.

POLITICUS Iaponiæ status opima nunc pace fruitur, sed Christiana religio iam aliquandiu vehementer exagitata est, & Miaci immaniter adhuc affligitur, vt omnino mihi nascentis primùm Ecclesiæ faciem & exordia, quæ crudelitatis Imperatorum, quæ constantiæ Christianorum Iaponum virtus referre videatur. Miaci sexaginta in vinculus sunt, è quibus quinque aut sex cum summa animi æquitate Deo penitus deuoti & coniuncti in ipsa custodia varijs ærumnis extincti sunt. Nangasackij non vno in carcere octo & viginti è religiosis viris custodiuntur. Omuræ è S. Domini quatuor, duo Societatis, vnus è S. Francisci familia cum decem indigenis Christianis detinentur. è quibus tres vltimo supplicio affecti sunt, Linus, Petrus, & Thomas. Linus, quod, cum esset carceris præfectus & mente clàm Christum coleret, plus capitiuis sanctis cibi admitteret, quàm lex ferret. Petrus quod eisdem obsonia submitteret, Thomas quod illa deferret. Quibus impunitas oblata est, si à Christo ad idola redirent. Sed incliti heroës oppetere maluerunt, quàm datam Christo fidem fallere.

Idem pater Matthæus x. Nouembris c1010cxixia. hæc verba scribit: Pridie Nonas Octobris vrbs Miacum ex Iaponicis potentissima, nobilissimū cælo munus, quale nunquā antea viderat, transmisit. Quinquaginta Christo-initiatos, quod Dominū Deūque nostrū adorarent, lentis ignibus cætos, victimas cælo conse-

Sss 2

cravit.

crauit. Ante hac renunciatum est non paucos Miaci è Christianis, quod nollent genua curuare ante Baal in neruum datos, è quibus nouem è vinculis carceris & corporis expediti in cælum euolarunt, quod ærumnis & vexationibus carceris sustinendis voluntate quidem, sed non æquè viribus pares essent, cum interim se beatos prædicarent, qui morte spe melioris vitæ defungebantur.

Cum Iaponum Imperator Duirium, quæ totius Iaponis caput & sedes regia est, esset ingressus, nunciatum est illi de Christianis qui passim in custodijs vrbs seruebantur. Is Christi & omnis Christiani nominis capitalis hostis omnes lentis ignibus torreret & cremari iussit. Itaque in foro publico ad sanum idoli Daibu, ingentem molem singulari artificio spectabilem, propter labentem aquam sex & viginti palos humi defixit. Pridie Nonas Octobris è vinculis sacratum agmen eductum, in quo tenerrimæ virgunculae, infantes ab vberibus matrum pendentes spectabantur, quorum nulla vel ratio vel misratio habebatur, tanta tyranni erat sauitia & immanitas. Incessere per principes vrbs regiones & vias, præ laeto elogio quod Christum colerent, & eo nomine flammis sensim vstulandi & exurendi essent. Omnes tanquam cæli candidati candida veste exornati procedebant, animo tam alacri, tam læta exporrectaque fronte & gestu, ut vis diuina quæ animos omnium occuparat, in oculos vultum, & totum corpus redundaret. Nec qui fortissimos heroas dictis firmaret opuserat, ipsi se mutuo ad constantiam fortitudinem & patientiam hortabantur, & notis, si qui se in vijs obtulisset vltimum, gratulabundi salutabant, publicè simul aperteque testati, se non nisi quod Christiano nomine gloriarentur ad supplicium proficisci. Vbi ad locum supplicij ventum est, magis magisque se martyres animo efferri senserunt, tanto promtiores ad necem perferendam, quo propius à meta & cælo se abesse videbant. Ad singulos palos bini sunt religati, & matres cum ipsis infantibus quos in vlnis gestabant. Ad fuere inter alios Christianos & spectatores etiam nonnulli quos Doxicos appellant, qui nostris in promulgando Euangelio bonam operam præstabant; hi, ut morituros solarentur, accesserant, quos tamen ipsi qui cum flammis & morte luctabantur ob insignem animi fortitudi-

ritudinem & alacritatem, potius solabantur & firmabant. Magna pars vultu & capite in cælum erecto, quo toto animo tendebant extincti sunt, eoque habitu corporis post mortem reperti. Demum omnes constantissimè extremū supplicium sustinuerunt, rectà que cælum animis adierunt. Corpora aliquot diebus à custodibus assiduis excubationibus seruata, è quibus tamen aliquid lipsanorum per religiosos viros qui haud pauci id temporis Miaci fuere, surreptum est.

P. Matthæus Cobus de Societate Iesu provinciar præfectus vt supra monui; ingens Christianæ gentis apud Iaponas columna est, cui Pont. Max. per literas demandauit, vt Episcopi vices, vbi is desideraretur ageret, quam potestatem reliquis etiam prouinciarum ijs in locis præsidibus fecit. Nam quamuis recens creatus episcopus Didacus Valens de Societate nostra ad Iaponas appulisset, coactus est tamen Mazani cum P. Matos procuratore hære, ne aduentu suo promulgato grauius in Christianos incendium exardesceret. Reliqui Sociorum per omnem Indiam interim sparsi, expectant dum tempestas Iaponica sedetur, quod nullus ad eos aditus iam pateat.

Carolus Spinola Societatis Iesu presbyter de quo supra memini, adhuc est in custodia & quotidie lauream cælestem ex martyrio expectat. Scripsit is ad Sociorum præsidem in Insulis Philippinis in hanc sententiam.

Dei nutu factum est, vt ego & Ambrosius Fernandesius mihi adiunctus comes & laborum socius cum Dominico Georgio Lusitano apud quem diuersati sumus, illa nocte quæ S. Lucie diem festum insecuta est caperemur. Apparitores qui nos vinxerunt, ostenderant, se nos per mare in Manilam deportaturos, quod me non nulla affecit tristitia, cum Iaponas, apud quos mihi vitam pōnere multis iam annis in votis erat deferendos putarem. Sed altera ex parte rursum consolabatur voluntas diuinæ prouidentie, quam in me perficere sentiebam. Sed longè diuerso itinere ducti sumus, Nangasackio enim huc Omuram cum duobus S. Domini Sodalibus & tribus Iaponibus indigenis famulis nostris in carceres tracti sumus, vbiam PP. Thomam Dominicanum & Apol-

linarem Franciscanum cum sex indigenis in vinculis reperimus. Nangasaquij restrictis manibus & restibus collo-iniectis per aliquot vrbis vias tamquã infames circumducti ac tandem in naues impo-siti sumus. Ad quod spectaculum tota ciuitas concurrit & abe-untes multis lachrimis & lamentis tanguam publico funere effe-remur, prosecuta est.

In carcere hic omnes perinde ac si vnus essemus familiae & or-dinis summa concordia viuimus. Et quamuis neque graues vexa-tiones, neque multae cruces desint, quod loco perincommodò degamus, & custodes submissa ab alijs vitæ subsidia per sepe non admittant, nec plus porrigant quàm ad sustinendam duntaxat vi-tam, ne ante mortem moriamur, necesse est. Nihilominus ta-men subinde diuina puouidentia & benignitas ita nobis per alio-rum pietatem succurrit, vt etiam lautius quàm optare possimus, viuamus. Sed præ cæteris nobis & vincula & reliquas omnes a-cerbitates mitigat lenitque conscientia nostra, dum recogitamus nobiscum quod religionis & Christi causa hæc sustineamus & fi-nem optatissimum speremus. Et quamuis non immerito mihi vel propter innumeras noxas meas vel quòd segnius in excolenda Domini vinea versatus sim, vel denique quod tantis tam liberali-bus & effusis in me Dei beneficijs ingratus non responderim, mag-nopere timendum sit, ne velut inutile nulliusque vsus mancipium à Domino reijciar, miris tamē modis solatur me, quod dum ipsius Dei causam ago & hominum salutem procurare studeo, vinc-tus sim & in carcere degam, quod ego inter summa Dei beneficia nume-ro. Proinde cum in tantis cæronis & præmijs impertiendis di-uina Maiestas non semper ad hominum promerita attendat, spem ingentem concipio fore, vt me quoque, quamuis postremissimum & vltimum seruorum, sicut alios pios sanctosque religiosos Deo gratiores meque longè digniores, respiciat. Per infinitam er-go dulcissimamq; Dei misericordiam R^{am} V. etiam atq; etiã rogo percórque vti me cū debitas Deo gratias persoluat, quod dignus ha-bitus sim pro nomine Iesu contumeliam pati & salutari hostia pro

me

melitet, vt in hoc martyrij tirocinio proficiam & dignam Christiano nomine professionem edam. Omuræ in vinculis V. Martij
 613-130 XIX.

R. V. Seruus

Carolus victus in Christo.

Atque hæc Carolus Spinolâ, qui longè maiori sibi honori vincula duxit, quàm torquati proceres solent monilia sua, quibus ceruices onerant & in pectus demittunt.

Dominicus Georgius adulto anno 1619. Quod Christi præcones testis recepisset, per flammâ Deo holdcaustum oblatum est, cum quo idem supplicium cum alijs quatuor subiit Nansaquij Leonardus domesticus è Societate nostra adiutor indigena, qui tertium annum in custodia omnia vltima pertulit, & patientiam nobili coronide conclusit, secundum quos alij xi. Iaponij securi percussi.

Anno demum 615-130 xx. mensè Ianuario Ambrosius Fernandesius socius & comes P. Caroli Spinolæ in vinculis fame, frigore, alijsque sexcentis ærumnis exhaustus & confectus obiit.

& hac quoque via ad martyrij coronam hæud dubiè per-

uenit. Deus Opr. Max. his Iaponum no-

nalibus, sedatis tempestatibus, pro

infinita sua clementia pa-

cem largiatur.

Cata-

Catalogus

MARTYRVM IAPONENSIVM,

qui ab anno duodecimo supra millesimum sexcentesimo usque ad XX. pro Christo passi sunt.

Leo Cayemón O Zacæ capite plexus anno millesimo sexcentesimo duodecimo septima die Augusti.

Leo Quita capite similiter plexus Arimæ millesimo sexcentesimo duodecimo 22. die Augusti.

Bonaventura truncatur capite Mini millesimo sexcentesimo duodecimo.

Michael Sódai & Matthias Yoichi in Arié, idem capitis supplicium perpeffi sunt, vigesimo sexto Iulij millesimi sexcentesimi duodecimi.

Arimæ vigesimo octavo Ianuarij, millesimi sexcentesimi decimi tertij. Thomas Feibioye eius frater Matthias Xocuró, cum Martha matre, Iusto & Iacobo Thomæ filijs plectuntur capite.

In Yendo decimo sexto Augusti eiusdem anni millesimi sexcentesimi decimi tertij, plectuntur capite Michael Sasánda, Ioannes Monién, Ludouicus Canda, Vincentius Tenáye, Ioachimus Fachiquán, Antonius Dáicu, Leo, Thomas Quiubióye. Apollinaris vero in carcere obiit.

Ibidem Marcus Quenzaimón, Simon Ficozaimón, Thomas Quiyemón, Ioachimus Quenzaimón, Antonius Fauzanburó, Iacobus Faizó, Leo Sacunái, Ioannes Toxiró, Marcus Cacosuqué, Ioachimus Quensuqué, Michael Yafó, Matthias Xingoró, Damianus Mosuqué, Didacus Xaxiró omnes oblati pro Christo ceruicibus coronantur decimo septimo Augusti anno millesimo sexcentesimo tertidecimo.

Ioannes Mibócu, Gregorius Doxinxá, Paulus Mangobióye, Gregorius Gofióye, septimo Septembris anni millesimi sexcentesimi decimi tertij ibid. abscissis ceruicibus triumpharunt.

Arimæ Leo Suqueyemón, Martha eius vxor, Magdalena filia, & Iacobus frater, Adrianus Mondo & Ioanna eius vxor, Leo Canyemon

yemón & eius filius Paulus viui flammis exuruntur septimo Octob-
millesimi sexcentefimi tertijdecimi.

In Oríqui Arimensi Pago Thomas Ecclesiæ custos capite ple-
xus est, anno millesimo sexcentefimo decimo tertio vigesimo
nono Octobris.

Ioachimus Xindén & Thomas triduo in equuleo suspensi tan-
dem capitis abscissione martyrium consummarunt. Facata anno
tertiodecimo supra millesimum sexcentefimum, decima quinta
die Martij.

Matthias Xichirobocóye, plectitur capite Aquizúquij 15. die
Martij anno millesimo sexcentefimo decimo quarto.

Benedictus intra saccum stramineū præfocatus Búngi marty-
rij cursum conficit sexto Aprilis eiusdem anni.

Ludouicus Miue ceruicibus amputatis Fucafóri coronatur vi-
gesimo nono Maij anno decimo quarto

Adamus glorioso martyrij certamine post varios conflictus,
cæsa ad extremum pro Christo ceruice triumphat Xiquij die quin-
ta Iunij millesimo sexcentefimo decimo quarto.

Michael Xobióye & Linus Tarosaimón, viui comburantur
decimo tertio Iunij millesimo sexcentefimo decimo quarto, Ma-
xentia verò Michaelis vxor abscisso prius capite igni traditur.

Arimæ variè excruciat tandem datis ceruicibus agonem com-
plent, eodem anno decimo quarto primo & vigesimo Nouembris
Michael Nixi, Ludouicus Mazuxíma, Thomas Dómi, Adrianus
Ockomúra, Ioannes Nacamúra, Dominicus Adáchi, Michael
Acafoxi, Andreas Iinxiró, Dominicus Yaxángui, Dominicus
Mazudáque, Adrianus Súnga, Martinus Tacayá, Petrus Gotó, Lu-
douicus Gotó Michael Guiyemon. Adrianus Quido Ariyé & Tho-
mas Cacunáy in Sucáua Arimensi pago vigesimo ac secundo No-
uembris millesimi sexcentefimi decimi quarti martyrio coronan-
tur.

In portu Cuchiuótru variè exagitati partim sola tormentorum
acerbitate, partim capitis abscissione agonem consummarunt, vi-
gesimo secundo Nouembris sexcentefimi decimi quarti. Petrus
Faximóto, Paulus Rioyéi Thomas Chaúri, Ludouicus Fisazúmi

T c c

Domi-

Dominicus Xagámi, Matthæus Aráqui, Thomas Nangauó, Dominicus Nangauó, Petrus Ikiunda, Michael Ikiunda Michael Cayray, Matthias Neúda, Matthæus Fucúxima, Petrus Coráy, Soter Cundó, Michael Cobayáxi, Ioannes Naraiá, Thomas Caye.

Georgius Acafoxi Thomas Teramáchi, Petrus Cauáxima, Thomas Firáy vigesimo tertio Nouembris sexcentesimo quarti decimi varijs cruciatibus martyres effecti.

Fr. Nicolaus Ordinis S. Augustini natione Iapon viuus in igmem coniectus martyrium in Moscouia est assecutus, anno decimo quarto supra millesimum sexcentesium.

Ioannes Fayemón, Saluator Fachiró Obámæ tormentorum atrocitate gloriosè defuncti vltimo Nouembris sexcentesimo decimi quarti.

Ioannes Fiozaimón eiúsque socius cuius nomen ignoramus Fuximi, Paulus Yasudayu Fingi amputatis ceruicibus pro Christo decertarunt, vigesimo quinto Ianuarij sexcentesimo, quarto decimo.

Paulus Tarosúque in regno Figen gladio occubuit 25. Octobris anno 1616.

P. Ioannes Baptista Machado Societis Iesu & P. F. Petrus ab Ascensione ordinis S. Francisci, iussu Omuræ Dynastæ obtruncati 22. Maij. Anno 1617.

P. F. Apollinaris religiosorū S. Francisci qui in Iaponia degunt Commissarius, & P. F. Thomas à S. Spiritu è S. Dominici Familia eiusdem Dynastæ iussu gladij perempti. Circa idem tempus. Paulus Yasudayu in regno Fingo 29. Ianuarij anno 1615. In partes pro fide Christi fissus & diuisus.

Martinus Suquimoro in regno Chicungo fidem morte testatur amputatis ceruicibus. 19. Nouembris 1616.

Romanus in regno Bugensi pro Christo obtruncatus 21. Martij. 1616.

Dominicus Catzo Firoximæ in Crucem actus. 1616.

Ioannes Fiozayemon Fuximi pio fide gladio mortem appetijt. 26. December.

Ioannes Daiu, Petrus Sufusúque seu Cacusúq; tormentorū cruciatibus

tibus immoriuntur Surungæ, ille 1. hic 2. Nouembres 1614.
Leptosi sex in Yegiri vico pro fide ibidem in regno Surungæ ob-
truncantur 1616.

Simon Neophytus in Yendo martyrio afficitur.

Quintaro Ludouicus 26 Iulij 1617.

Iamaguchi Consuquius 4. Neuemb. Omuræ. | Pater & Filius
Xorius Thomas 4. Nouembris 1617. |

Thomonaga Girobioye Linus 4. Nouembris 1617. Omuræ.

Yeyri Miyemon Iohannes 25. Decembris 1617. Omuræ.

P. Franciscus Moralius. |

P. Alphonsus Mena. | Dominicani.

P. Carolus Spinola adhuc in carcere è Soc. Iesu.

Ambrosius Fernandefius | è Societe Iesu mense Ian. 1620.
Omuræ.

Dominicus Hergius Lusitanus.

Morayanus Tochuan Andreas Ioannis Antonij prætoris | Omuræ

Nangasaquiensis defuncti filius.

Cotheda Thomas vir clarissimis natalibus ortus.

Sacai Torobioye Paulus | In Chicumgano regno, sede Iana-
Moniubo Petrus | gabæ 26. Nouemb. 1617. lapidibus
Xorzonio Paulus | obruti.

Afotarofacu Petrus in Fingi castro capite plexus.

Congayama Fairo Iacobus eques nobilis & tribunus militaris in
Bugensi regno obtruncatus 1619. mense Octobri.

Nacamura Guenxiqui Iustus Cangayamæ affinis cum filio Naca-
muro Gidayn Leone sedecenni adolescente Cocuræ, 1618. 26
Febr.

Onogorozayenon Simon cum Paulo filio undecenni eodem lo-
co, die & anno.

Cocuræ 1618 25 Febr.

Cuxifarienyaman Thomas & Cuba Matamayamon Ioannes.
ibidem eodem die & anno.

Kisai Leo, Martha Leonis coniunx, Ximada Ioannes cum Anna
vxore & bimulo filio. 28. Febr. 1618. capite puniti.

Fucata Suquezayamon Petrus cum filio Marco sexenni puero ibi-
dem 25. Iulij 1618.

Ytonaga Leo, Migabara Ioannes, Toyaman Paulus, Ximaya Su-
queſſo Leo, Xezayamon Didacus, Cuſioye Lucas, Cagiyochim
Goſioye Ioannes.

Ximaya Yxizuqui Paulus Ioannis Ximayæ frater, Leonis Su-
quezo filij, 7. Auguſti 1618.

Cori Fari Romanus, Cori Fari Thomæ Martyris filius 23 Febr. 1618.

Eod. año 26. Febr. vrbe Nacathu ab Yetchudono tyraño interfecti.

Cori Fari Michaël, Romani frater, Thomæ filius.

Cuba Fixacuzuchi Thomas Cubæ Matazayamon filius.

Ibid. 28 Febr. 1618.

Cuzayaman Benedictus, Guingij Didacus gladio caſi.

Ibid. 4. Martij Miyanari Thomas ferro obtruncatus.

Eod. tempore in crucem acti ad exemplum D. Petri Apoſtoli Ichi-

zayamon Vincentius, Naiyamo Simon, Mixanga Ioannes,

Miyanaga Paulus, Kixaman Benedictus, Gentaro Paulus, Sag-

moſara Yōſai Stephanus.

In Prouincijs Nangato & Suo quatuor flammis exuſti.

Quimura Paulus, Fluandaya Thomas cum vxore Clara, Guempo

Vicentius, quorum cineres in mare ſparſi. 1618. 13. April. Ma-

quimura Cuzayamon Sanchus eques nobilis gladio occubuit 13.

Aprilis 1618.

Gnubara Cacyaman Didacus flammis toſtus & exuſtus 14. Aprilis

1618.

Maci P. Ioannes de S. Maria affectus eſt Martyrio 14 Auguſti, 1618.

Erat è S. Franciſci contubernio,

Linus, Petrus, Thomas, Omuræ interfecti anno 1619.

Quinquaginta martyres Miacenſes lentis ignibus toſti 1619. x. No-

uembris.

Alij nouem è carcere ærumnis conſecti in cælum liberi evo-
larunt.

Duirij, quæ metropolis eſt Iaponiæ 6. Octobris ſex & viginti len-

to ignem tormento abſumti ſunt, inter quos infantes etiam è

ſinu & vbere matris auulſi, & in rogum coniecti, quorum no-

mina nondum expreſſa interim in librum vitæ ſunt relata.

Dominicus Georgius, cum alijs quatuor

Leonardus domeſticus è Societate adiutor

l Nangafaquij 1619.

De his ex Auctario deſcriptis plura in dies & certiora expectamus.

Cata-

Catalogus

DOMORVM AC RESIDENTIA

rum Societatis Iesu, quibus hac persecutione seniente Patres coacti sunt cedere.

Hic numerus est illarum Ecclesiarum in quibus Patres sedem ac domicilium fixum habebant, prætermisiss alijs innumeris locis, quos in pagis habebant & assidua solitudine curabant. Si verò domicilia seu residentias quas in alijs persecutionibus relinquere aut mutare coacti sunt, recenscamus, quadraginta prope numerantur vltra prædicta.

Sub Rectore Miacensi.

Miaci regni Vamaxirú Residentia Rectoris.

Fuximi in eodem regno.

In Camigió eiusdem regni.

Ozácz regni Tunocúni.

Sacái eiusdem regni.

Canazéuz regni Cángaz.

Firóximæ regni Aquí.

Surúngaz regni Surunga.

Sub alio superiore Bungí.

Tacátz Regni Bungí Residentia Maior.

Xinguz eiusdem regni.

In Nótzu eiusd. regni.

Item Sub alio Facata.

Cócuræ regni Biyen residentia maior.

In Nacátzu eiusdem regni.

In Facatá regni Chicugi residentia maior.

Aquisúqui eiusdem regni. Et postea Amanguj,

Yanadáua in regno Chicugó.

In Curumé eiusdem regni,

T t t ;

Sub

Sub Rẽtore Arimẽs.

Arimæ Collegium cum seminario.

In Ariẽ ditionis Arimẽsis.

Ximambãre eiusdem ditionis.

Canayãma eiusdem ditionis.

In Saẽgo eiusdem ditionis.

Chinguiuz in eadem ditione.

Cauzusa in eadem ditione.

In Cuchinõtzu eiusdem ditionis.

Xiquij regni Fingo.

Conzuræ eiusd. regni.

Amacuzæ in eod. regno.

Sub Rẽtore Nangafaquĩs.

Nangafaquij, vrbs est regni Figen, Collegium.

Ibidem residentia dicta à Misericordia.

In eadem vrbe Hospitale S. Iacobi vbi nostri residebant.

In ead. domus probationis dicta omnium sanctorum.

Vracáni regni Figen.

Moqui in eod. regno.

Fucafori eiusd. regni.

Ysafáy eiusd. regni.

Fundoyámæ eiusd.

In Tone eiusd. regni.

Aliorum porro Ordinum Religiosi suis etiam sedibus pulsi sunt.

S. quidem Francisci, Nangafaquio, Ozaca, Fuximi, Yẽdo, Quayãma, Sacai.

Patres familiæ S. Dominici ex Fungitzu, Nangafaquio, & duabus præterea quas in pagis Regni Figen fixerant.

S. Augustini denique, Nangafaquio & Vsúquio regni Bungi & Fiunga.

F I N I S.



NOS FERDINANDVS II. Dei gratiâ electus
Romanorum Imperator, &c. renouamus, ex-
tendimus, & damus Raphaëli Sadeler hoc priuile-
gium ex Cæsareâ potestate, ne quisquam intra
decennium illorum imagines antehac seu maiore
seu minore formâ æri incisas & excusas, seu libris
etiam insertas, seu posthac ab ipso & filijs eius in-
cidendas & edendas, quacunque formâ imitan-
do, seu æri incidendo, seu ligneis typis inscriben-
do, seu quomodocunq; adumbrando, vel è libris
eius petendo, vel vnâ cum libris, quâ totis, quâ di-
uisis, vel alijs operibus permiscendo imprimat,
edat, vel excudat sub interminatione indignationis
nostræ Cæsareæ Majestatis & pœnâ duodecim
pondo puri puti auri, partim in fiscum Cæsaris re-
digendi, partim ipsi Sadelero & filijs eius sine vllâ
remissione soluendi, operisque totius simul amit-
tendi.

Ferdinandus.







